

懷舫詩集十二卷續集九卷
別集六卷懷舫詞二卷別
集一卷懷舫雜著三卷恭
紀聖恩詩二卷懷舫集二
卷續彈詞二卷懷舫自述
一卷雜曲一卷

〔清〕魏荔彤撰

北京圖書館藏清康熙雍正間刻本

附《四庫全書總目·懷舫集三
十六卷》提要

憲副栢鄉魏公刻詩古文彙成問序於
潛以潛嘗辱文字交且授經官齋知公
者猷深也公為太傅貞慶公令子耳濡
目染庭訓既深而天性淵穎足以窮探
古今之奧蓋自六經諸史窮及天文地
志裨官野乘與夫浮屠老子醫藥卜筮
之書靡不披覽及長而宦游既人吏決
沈序

和于凡所過名山廣川長林幽壑皆探
歷憑眺而隱人盤桓之谷者碩齒貞之
慮必折節延訪與之上下議論故其發
為文章得載籍之腴江山之助友朋
益卓然自成一家人之言也潛嘗謂天下
之事不嗜者不可以終日嗜之不深者
亦不可以終身公於文章為飲食為嗜

欲每見其坐堂皇治吏事朱墨紛紜若不暇給而裁決均當之餘退處小閣則縱筆所之洋洋纚纚頃刻成數千百言即至失意大吏倉皇去官賓客解散侵侮叢集而公摩丹漬墨歌嘯自如并異於作易者之憂患作詩者之發憤於此見公之性情篤嗜而定識定力非小小

沈序

二


得失可以搖撼而陵奪之也嗚呼是可與終身焉者已公有懷舫詩集若干卷續蘇若干卷擬唐人試帖一卷古文集若干卷詩餘若干卷詩不名一家高者闖入少陵文澶湧瀉蘇得之莊蘇詩餘佃漁宋人要之有君形者存異於世之優孟蒲醜為工者皆太傅公為盛朝元

老闢程朱正學倡率天下其為文原本術術可謂醇而無疵者矣今公以魁偉跂蔚之才之學上承前緒雖因父立言不專明道而能傳世行遠軌愈雖殊各臻峯極後有作史者列太傅公於理學應列公於文苑公之克家不必在語言文字之同也外此公所註釋者有大易

沈序

三

四子道惠南華諸書尤縻歲月用全力而成者茲不及論論詩文集云雍正丙午九月長洲後學沈德潛拜撰



懷舫集總目

詩集 十二卷

續集 四卷

別集 六卷

詞 一卷

續詞 一卷

雜著 文賦 雜作

聖恩 恭紀詩

擬唐人試帖詩

續廿一史彈詞 有明一代始末全紀

雜曲 未刻

封禪記傳奇 未刻

存稿 時藝另輯

懷舫集總目

以上共十種

長兄蒼霞詩集 附

懷舫註解諸書總目

四書通解 二十冊

易通 八冊

性理通訓錄 四冊

道德經註 四冊

南華經註 十冊

鬼谷子本經陰符註 一冊

靈樞經通解 六冊

素問經通解 八冊

張醫聖全書註解本義 金匱要略 傷寒論 六冊

心經註解 一冊

懷舫集目錄

硃批杜詩 四冊

硃批楚詞 一冊

以上共十二種

懷舫詩集序

詩之為道與政通古者天子巡守命太史陳詩以觀民風列國卿大夫相聘問稱詩觀志詩教之興有由來矣三代而下古道不復流而為騷賦為樂府比事合情猶未失變風變雅之遺意也唐因之設科取士工比耦而重聲律溫柔敦厚之旨寢微由宋而後改為制義本意在黜浮華重經術而少年治經生業志在躡取世資竟不知四始六義為何物比入官顛冥於富貴利達之塗即有屬意風雅亦藉以博名高供酬應授以政而不達詩道陵夷不已甚乎至明何李康薛之徒出力追古始競尚元音可謂盛矣然亦不過頡頏三唐蹈襲漢魏止

序一

耳而於古人所謂言志道性情則緊乎末之聞也孔子論學詩謂可以興觀羣怨邇之事父遠之事君此何等大事苟不辨其志所由來則是木偶衣冠精神了不相屬於興觀羣怨乎何有故三百篇之詩人皆三百篇所自具之性情也而蔽以思無邪之一言性情既正何施不可事父事君特舉其大者耳吾曩嘗以是讀

為

國朝賢相首開理學之宗從先進據大雅而志在濟時利物致君澤民故隨其性情所出歌咏所及皆足與星斗齊光川嶽匹靈非苟焉而已也

郡侯念庭魏公才得之天挺學本之家傳以詩禮為寶采以翰墨為弓冶故其為政也無非饒溺由已知覺及物以為志德威德明悉有明效公餘理咏不輟所著有懷舫詩集若干篇程法不易而巧裁若新色澤相映而生機自如名以懷舫從先志也事父事君兩盡其道所以為教不亦大哉禮云善歌者使人繼其聲善教者使人繼其志相國之謂歟夫孝者善繼人之志善述人之事郡侯之謂歟以是紹聞衣德言以是世濟其美以是化被海隅行且登歌清廟載咏明堂與卿雲復旦之什並昭千古豈止敷教下邦而已哉明章得與康衢野老鼓腹擊壤於光天化日之下有不知誰為之者是為序

序二

康熙甲午初春上浣日丹霞八十六叟後學詹明章頓首百拜撰

懷舫詩目次

卷之一 古近體詩

采石磯登太白樓

送人漠北從軍

冬夜不寐

慰友人目疾

中山途次

睡詩

述懷

長夜

正月十四夜悶坐

春夜月下二首

遊梁金吾不蕪園

真定歸途口占

登大悲閣二首

春暮有事鎮城見故宅丁香獨妍荒逕賦此誌感

寓鎮城舊宅見新月

遊大陸澤二首

懷舫詩目次

晤蔚州四宗兄話舊

雨竹

送嚴惕齋歸省

擬古九首

自述二首

冰扇頭虞美人花

秋閨月

途中咏雪

紀遊

雁字十咏

秋夜留王逸菴小酌

贈別母舅贊翁

己卯初秋客都下

冬日宿寧昌鄭獲翁書屋閒話

立春途中偶成

晚過新樂河

慶都道上雪後車行

蝶

蜂

鶯

燕

喜雨

早發松林店書見

涿州北書見

京邸述懷

月下舟行二首

卷之二

賀吉水省齋司寇二百韻

和朱悔人咏新城司寇庭中花木四首

渡滹沱

過正定憶雕丘居士梁香林

由定州道北上

近京口占

初授官十二韻

留別翼任中姊丈兼慰家姊

懷舫詩目次

磁州途次見稻將熟

邯鄲懷古

贈杜瓜里

泗水勘水賦感

盱眙玻璃泉

湖邊聞笛

碧山湖水神廟前泊舟風阻

贈盱眙彭廣文

淮河東下

金陵懷古

送蘭州黃琅書之任

壬午除夕在蒙城賑饑

癸未上元泊舟亳城

燈花

行路難

京師雜感三首

督運舟行雜感二首

留別家農部仲兄

留別都門親友

瘦馬

衰草

釣突泉步 先運司伯父原韻

桃花篇

登岱

五大夫松

海燕篇

明仁祖陵感賦四絕句

鮑魚臺

石塞

見餓殍

和韓寄菴韻答贈

再宿舊縣寺

咏古九絕句

過合肥李文定公墓

重到廬州

呂亭驛晚雨山行

途次口占

練潭旅寓和孫穎州原韻

廬州道上

晚行湖中

懷舫詩目次

三

春日村庄

秋日遊輝窟山寺

送臨淮高令艱歸

鳳邑陸君邀陪臣翁堂臺遊賞 有序

卷之三

漫題四首

宿紅心驛

關山

除夕前二日漏下十刻渡江宿江樓

萬家山

小憩定林寺

丙戌新夏題張玉芬表姊畫冊後

桃花三篇

舟中晚行

江上甘露寺

宿芙蓉嶺

興簾

胡氏園亭

初秋登采石磯太白樓

初秋江陵歸途

初秋自酌

卽事

晚宿西山驛

赴皖途次寄遇安

送九畹戴子赴京 有序

兩夜宿烏衣僧舍

丁亥初冬寓茶菴偶成

仲冬月朔日盱山道中

賑飢天長曉發和周旅亭韻

和東坡四時詞原韻

哭先兄臨洮憲副蒼霞公四首

金陵夜成

金陵返棹感賦

南都買梅携歸賦絕句八首

懷舫詩目次

四

清流開口占

雪途感述

田婦赤腳踏泥

山行

寄仲兄磐菴出守岳陽

戊子初春偕周旅亭暨兒輩遊明仁祖陵用杜少

陵崔氏東山草堂韻

初春舟行仍用前韻

舟中慰歌者病仍用前韻

和吳旦清近體十首 有序

卷之四

送歌者歸白下

古意

暮雪宿桐城村

雪行野山歸途宿埧橋村舍

和方亮書二律

有唐

夜雨早行口占

戊子除夕

過東平

改官後別金陵之作

己丑元旦自述

元夜短歌簡友人

懷古四律

淮揚舟次雜興

瓜埠江口即事

遊金山江天寺觀

御碑

三岔河

燕子磯

歐梅

懷署小亭望荆塗二山簡舊令沈翁菴

賦得無可奈何花落去四首

懷舫詩目末

五

喜崔子允公同舟遠送賦此誌別

題畫

和馬馬卿苦雨原韻

積雨米貴作歌簡吳南英解元

贈姑蘇顧門陳女

刈麥謠

拾麥謠

大梁渡河有憶

渡漳河將至舍簡同行依菴上人

過崇光寺簡依菴上人

憶白下

七夕花燭

上少宰李山公世丈

古簫行

瘦馬歌戲呈贊旃家舅

己丑臘日改補閩郡都門諸戚友醵筵見祝賦此

答謝

己丑除夕

久客都下自嘲

庚寅元夜偕衆連宵出遊都市歸寓漫成

上僉憲屠公

宋楊誠齋有眼到天南最盡頭之句余出守閩漳

感而成詩留別輦下羣公

送友人胡希山路遇安南歸時有村優侑觴

暮春南村觀社感舊

題美人以落花砌成情字被風吹去

馬陵道口占

書見

聞歌興感即席漫成

姑蘇懷古四首

清湖放生崖登眺

懷舫詩目末

六

卷之五

仙霞嶺

嶺路口占四律

長竿行

灘河舟行

夜雨曉成

龍江村舍

暮行雲霄驛

過不孝嶺口占

分水關

和詔令高怡蓀原韻

陰雨早渡雲霄驛河

重九簡齊友

梅村有天涯歌舞惜流年句即席賦呈座客

同安嶺路中早行偶成

宿船廠

庚寅除夕漳南郡署

辛卯初春泊海昌微雨

元夜瀨溪舟次

三山道上有懷清漳詹義士

烏龍江

即席贈子敬家兄

紙鷲

登道山謁忠貞公祠

和吸江樓八詠詩

山郊

洪山驛亭送客

自述近事

返漳郡再渡烏龍江

瀨溪道次

歸署途次漫興

過墓

返漳口號

洛陽橋

漳平道上作

宿靖邑吳氏園亭主人未遇

夜泊高礮溪

懷彭詩目次

七

辛卯夏五澄令韓君邀陪司馬范公會飲海宴樓

三首

秋日清憲邀請兩憲驗都射飲恭紀十韻

尚書嶺路遇秋闈歸士重陽憶兩先兄

漳南九日虎磴登高得吟字賦呈雅集諸公四首

虎磴登高歌贈友人

辛卯生日

立春後一日小憩僧舍壁有長公憶西湖詩

辛卯除夕

卷之六

鏡中花

壽遇安駱友

夏日漳南山行

過泉州晚宿洛陽

常思嶺

遊鼓山途次口占二首

秋夜三首

壬辰九日虎磴邀魯觀察登高四首

雨夜

自述二首

冬日曉行小營嶺

贈俞闇邇

卦師

題周觀察像

再過烏龍江

長至後歸途自嘲

興化城南多古墓感題華表上

東嶺山行遇同安朱明府時以養親請去感而成

詩

萬松關

重憩山家

懷彭詩目次

八

壬辰除日郊迎撫軍口占

癸巳新正見月

梨花白雪

賦得出郭溪山好

春分同諸友福河夜遊

馬坪道中

雨中漫興

四月初八日壽遇安駱友

楊柳風

梧桐月

芭蕉雨

梅花雪

數月閒鬚髮蒼然酌酒自慰

村舍見梁燕哺雛有感

水潮口登舟晚行憶京師

籠雀爲兒童所飼日久放去不飛招之復至感此

有作

六月晦日雨中述懷四首

入湧泉寺和櫟園先生韻二首

秋日新室偶成賦以誌懷用少陵寒雨朝行視園

樹韻

中秋歌宴竟夜燈明月皎賦以誌盛

獨酌

漳南十景

卷之七

同趙思皇舟行宿瀨溪

所憶

春日再過洛陽

有寄

作吏

署中仰文樓成用香山韻

懷舫詩目次

九

自述

夏五漳署引優侑神值小恙感懷

先嚴忌日偶成

雨後同龍溪江大尹遊憩南寺深賞余蒙城除夕

詩回憶已十年矣賦此答之

送孟朴菴之任滇南

枯坐四首

午秋遊瑞竹巖

遊雲洞

水口借宿小樓偶感

洪山橋舟行

近因關有白雲寺洞愚公上人開建時已西歸矣

乘暇偕興化泉州兩同寅往遊學使張涵六繼

至敘此記之

乙未年再過分水關有懷

春日有事南詔四首 上元

夜行羅山嶺 夢中

海行 舟回

勸農口吟 修戰船

擬白紵歌三首

步禱岱山寺夜壇祈雨得雨

祈雨宿岱山寺 放鷺

偶拈二絕句

春日齋宿岱山寺祈雨雨足放鷺中元日設醮禮

佛復值大雨到寺白鷺無恙喜而賦此

懷舫詩目次

十

花有清香月有陰

赴海澄來往順風朝去暮返

抵海澄贈令君韓 送希山胡先生歸吳門

聞薦擬行 盤倉口占

交印卜行 去漳赴郡

馳馬 生日長福途次

榕樹 行路難

別離難 自題四律

見雁 黃田驛

見雪

卷之八

唐人李頻有故園歸去及新年之句感而有作四首

吳門贈周自牧

丙申上元泊瓜州江岸

城西

張日容太史招飲賦贈

贈陳滄洲

由家赴任南徐

大柳驛牡丹

虎阜

寒露夜舟行

由三汊河舟行赴儀真

儀真夜泊

王培青同學至鎮

十月十五夜月

月夜舟行

丹陽岸傍僧舍題壁

聞調任海疆有作

上劉蘇蘇大人二十韻

晉謁後再呈十韻

懷勛詩目次

士

簡蘇州太守梁敬仲

遊花山

贈梅定九先生

贈楊大瓢

寒夜吳門選歌雅集

冬日雅集喜梅定九楊大瓢先渭求在座

題先司馬槐川精舍圖

贈劉荻江

問年

和先渭求贈詩韻

京口雜占

戊戌春初官齋小集

新齋成疊石爲山賦記

戊戌春日再泊吳門

眼鏡

永木明瑟園訪殘梅贈主翁陸元公

題楊大瓢小照

春分二首代

答沈礪士

時館於署

白燕

崇川秋興四首

遊太倉相國東園

崑山舟次二首

崑山紀遊

逆風行

泊百花洲

卷之九

和方亮書隨冊使赴琉球

省路雜興八首

吳越行贈仲容兄南遊

己亥元日省行用昌黎苦寒詩韻

春雪

贈姻翁薄聿修奉使南鎮祭告

春興二律

夜行惠山

懷勛詩目次

士

競渡

讀杜詩渡崇川作

蟋蟀居壁

苦熱有感

登崇明城懷沈礪士

無題代作

答贈

吟詩

拙計

新秋

七夕

過明孝陵

秋齋

送梁從彥北歸

贈金陵林宗漢

塵靜

旅夜讀史

扁担沙勘界己亥冬至

和雲岑兄焦祠祈夢韻

九月八日舟次雨中呈雲岑兄

九日

又作

滄浪亭弔蘇公

夜出胥門元墓探梅二律

到山入聖恩寺小留即返

元墓歸途雨阻不得赴靈巖

舟迴泊百花洲

贈鶴山老人

贈滄浪澄禪師暨自勝首座

纂蘇子美滄浪亭記爲短歌

庚子元旦後旬日偶作

梅村有天涯歌舞惜流年之句當筵偶賦時在崇

明

懷觴詩目次

十三

卷之十

紙鷲

染鬚自嘲

虎阜前溪夜泊

賦贈楊景山

補遊靈巖二律

赴山途次口占

遊山朝雨暮晴三十年前僧徒多物故矣歸舟感

賦二律

西子歌

代西子作

由蘇至望亭轉赴姑熟喜見虞山

秋夜

省歸述見

謁明太祖陵

途次

省歸自計

庚子九日

秋日偶成四律

十月朔

官責

有寄

古重陽後十日赴沙海 九月晦過揚州二首

旅舍題壁

送詩人劉荻江從軍隴西

荻江新詩百餘首遍記所交姓名戲贈之

擬古十二首 用青蓮集字韻

扁担沙月夜工首

海圻

辛丑臘月立壬寅年春後赴省四律

歸鎮接侍人寄詩因而和答 附侍人原詩

廿八夜舟迴鎮城

官閣

懷觴詩目次

十四

遊支硎

雨夜舟次時攜家赴崇

代侍人和韻

卷十一

讀東坡和陶詩意致殊不類余因亦成七首更逕

庭矣固古今人不相及但詩以言志正不必強

同耳

涼快二首

立秋前夕

觀蓮 崇署西塘

立秋後數夕 二更看月

立秋後宴客不爲進酒戲成

秋熱

米貴行

茉莉

同杞楠數珠賦贈侍人

人性

余兩兄俱亡有子八人散居他所孑然一身獨處

海外因次坡公和陶連雨獨飲詩二首以白廣

讀蘇和陶詩

述懷用坡公韻

遠取諸物依韻再成一章

近取諸身依韻再成一首

江南十首

木龍行

秋懷詩

陽山祈雨

和萬齋季兄哭學憲伯兄詩即以送別

和覺菴叔咏菊原韻即以送別

江城晚眺

辛丑九日

懷舫詩目次

五

九日重題

潤城秋興八律做歷下

卷十二

辛丑春初省行雜吟四律

寒食後同諸齋友伯翼兄虎丘遊觀因念先壠缺

祭掃之禮爲之愴然

三月十七日再赴崇沙 閱唐人北里志有賦

簡王似齋兼邀其長郎 江寧懷古

路柳

雨中栽竹

贈陳滄州二首

新詞

夏夜舟次

夏日抵蘇

蘇州太守上任

梁太守 桓歸里

婁江東行用蘇詩 約三首

閏六月再赴崇渡海

崇署讀書用蘇詩韻

懷舫詩目次

六

有寄

漫興二首

崇明構室成自嘲

壬寅新秋

返棹

中秋夜半作

病起

金陵往返二律

重陽子役偶賦

登浮玉山覽中州老人黃山賦俱集古句而成又

有游山詩四首深懷感慨作此擬贈

舊有人老看花偏愛菊之句用成二律

又成二短句

自題小照

再題小照

醉吟

獨酌二首

恭輓四章

壬寅除夕

癸卯上元舟行

陰雪吳閭

春寒

寄署二截句

虎丘買盆梅舟中戲賦

咏梅二律

春日江寧路上

宴遊藩署後園園故明侯邸也夜宿承恩寺因感

廿年一瞬賦此述懷

贈方一葉

春日上清河

又賦七律一首

江寧詩家周櫟園杜茶邨後人皆淪落矣憶舊有

詩

舟次雜感四首

過江望維揚二首

懷舫詩目次

七

宵行

廢廟

西郊

己亥中秋後送母北歸拜別維揚迎老母到閩

署再成二律

東歸二律

東歸後二律

太倉北港阻淺

渡海

摘印

投閒

擣衣步庚開府韻

懷舫詩集卷之一

采石磯

回首家千里秋思動客衣蒼煙迷古嶂斜日落荒臺鄉
夢勞魂去輕寒逼雁來人歸黃菊老春雨負新栽

送人漠北從軍

鐵篋聲高子夜關龍沙八月北征難錦袍掩映刀痕舊
寶劍零星戰血乾雪窟幾灣燐火綠關山一抹陣雲寒

謀生方信儒冠悞紫塞風霜耐飽看

冬夜不寐

朔風吹雪打空牕紙帳侵寒布被涼伏枕難聲悲晚歲
凌虛蝶夢怯嚴霜新詩幾字難全稿舊事多年已半忘

懷舫詩集卷之一

一

抱膝吟成還自賞銷屏童睡到羲皇

慰友人目疾

清癯無如二豎何紅霞汗漫覆秋波酒杯零落來愁思
書卷拋殘慰病魔阮籍狂歌青目少賈生痛哭淚痕多

嫦娥靈藥如堪竊欲泛雲槎到月窠

中山途次

黃沙十里緩歸鞭水匝孤城草接天遺興漫成驢背句
看山不費杖頭錢雲攜疎雨征衫濕柳黯春原落照懸

絕少玉珂鳴紫陌豪華慚愧五陵賢

睡詩

人生何日不黃梁豈必邯鄲始睡鄉避世若能忘晉魏

支牀自可認義皇有無法士眠先覺多少勞人夜未央
獨笑楚王難免俗沈沈但解夢高唐

述懷

白月挂屋角霜花落晚園索居媿無營行吟玩歲暮哀
笛發清商空堂寒欲雨蕭蕭四壁來秋聲在簷樹彭殤
理齊觀百年總朝露行樂及芳時丹砂古貽誤

樗木乏雕鏤駑馬多顛躓所值有榮枯遭逢異鈍利國
士豈無雙一遇良非易不借金張援何伸縱橫議表微
舌徒存立談亦兒戲

太平五十載羣情尚通融相期渾圭角遂爾成世風堂
廉重咨傲浮沈將安窮屠釣多高隱曠野集哀鴻悵望

懷詩集卷一

干

君門遙誰爲誦二東

長夜

長夜挑燈感素期昔年已全非壯心猶逐晨雞起
傲骨羞隨塞馬移問俗悲歌燕趙在連床風雨友朋稀
野鴉棲盡長林樹孤鶴還容借一枝

正月十四夜悶坐

寒光中夜脫重雲偶若笙歌靜不聞沙道舊傳宮燭冷
珠槽偶得醉顏醺蹉跎比歲歡場減水旱頻年樂事分
遙憶五侯歌宴處銀花千樹火雲噴

春夜月下

月靜垂簾白雲輕貼屋浮臨風禿髮冷顧影壯懷羞詩

格齊年老才名疎世求何人寄靈藥清興隱滄洲
塞外兵戈滿愁中霜雪侵半春華好月三十老名心短
燭殘花結寒輝清漏沈樓頭誰弄笛驚起樹栖禽

遊梁金吾不燕園

百年傳樹隱下馬問名園苔色侵蝸壁香風靜竹垣雜
花供客醉徑草向春繁故姓今存幾休移喬木根
春色留閑園幽雲宿古軒拂塵讀壁字藉草扣王孫兵
甲移前代丘陵起近原蕭然沙道冷寥落故侯門

真定歸途口占

驛路楊花撲面飛渡頭柳色映征衣風來小市青帘起
日下西山黃犢歸老驥泥塗嘶道遠殘黎晴陌苦春饑

懷詩集卷一

三

功成競勒燕然石誰恤哀鴻滿近畿

登大悲閣

晴空極目遠飛煙浦雨山雲法界懸繞閣白毫包萬象
掉頭紅日近諸天浮生已悟淪塵海清籟還疑接閬仙
西望羣峰皆拱揖朝嵐同我愛逃禪

佛宇高憑虛境超凌虛凡想逐雲飄一天花雨呈龍象
萬竈炊煙擁市朝檻外河流明練遠中山色列屏遙
登臨自覺空諸相獨有談詩障未消

春暮有事鎮城見故宅丁香樹賦此誌感

庭花春老爲誰紅無主香魂依舊在香樹向山縣
莫常冷落舊居中

寓鎮城舊宅見新月

斜月細如鈎樹底窺窓冷獨有歲寒人相看憐瘦影

遊大陸澤

月斂星朦大陸煙漁燈明滅水村邊蘆花滿岬迷歸棹
犬吠溪邊好繫船

夜泊沙村風月清霜沈魚窟起龍腥蓬窓伏枕看牛斗
幾點寒光徹夜明

晤蔚州四宗兄話舊兄環溪宗叔季子也余年十

五謁宗叔京邸有拾芥朱紫之許

十年過夢事都非雲影千重雁序違蕭寺驚看鬚鬢改
中朝漸見老成稀投珠今日誰青眼拾芥前言媿褐衣

懷觴詩集卷一

四

篋內遺編須各重莫騎款段逐輕肥

雨竹

細雨看孫竹蒙茸淺碧生輕陰分短壁清響入虛楹綴
葉明珠小浮根春水平何年方結實雛鳳飽華菁

送嚴惕齋歸省

送客張筵雨乍收渭城疊唱慰離愁官齋似水歌歸去
劍蒨侵霜賦遠遊祖帳晚嘶燕市馬布帆早渡楚江舟

三年南北頻離合過夢驚看歲月流

擬古九首

微風起樹末深堂自仰偃開書見古人我情忽已遠
農沒既久顏淵何代返五十始知非應傷歲月晚按劍

成片語獲報在一飯百年彈指間恩怨何往反

地以美難處名因盛可諱今人棄淡泊所志在富貴蔚

然天外雲灼彼林間卉誠堪邀世羨風霜亦足畏

東隣有貧室季女年及嫁覽鏡惜顏色常遭醜婦罵無

緣恥自媒顧額空窓下陋巷車馬喧珠光輝寒舍猶是

昔年身一朝忽無價

映門樹高柳半畝閒綠雲雨餘風月涼蟬聲入晚聞十

年故交少垂羽感離羣往事一回首空嗟世變紛行行

蓬華中身隱焉需文

美人坐深堂倚瑟發哀調曲終態復妍對客含輕笑朱

顏無藥駐華髮羞懸照江頭逢故人白首非年少為君

懷觴詩集卷一

五

理舊絃甘讓新聲妙

趁曉耕山原兩牛鞭汗血未雨鋤新苗蔓草早枯絕辛

苦已卒歲衣食計轉拙厚德無顯名力田或貧竭乘除

有微意盈虧事更迭勿謂首陽菜不及郭家穴

秋烟淡無色秋山空積翠扶杖看飛鳥來去心何累胡

為稻梁謀卑棲傷況瘁作巢百尺雲飛鳴愜素志居高

勢轉危常令鷹鷂忌何如海天外繒繳可遐避

良璧掩荆石香草生空谷本以供幽賞豈堪入俗目人

生重知己羣情盡碌碌一顧光色滅終身懼慚慙寧抱

川蘭傷勿遭獻璞戮

曝書晴簷下鋤藥雨畦中吟哦抒夙抱非言詞賦工草

堂敞虛牖長夏多好風伏枕唱新詩取笑同學翁曹劉
不復作此道久蒿蓬

自述

秋雨連宵困風醒居貧九月葛衣輕馬周失意澆醇酒
杜甫依人媿吟美華髮有親恩薄祿青雲無徑附微名
惟餘清白遺風在遠勝豪華古信平

廿年先業在衡銓烏髮抽簪車早懸書可充梁傳舊澤
田無負郭助朝餐沙頭堤路生春草燕去空堂噪晚蟬
誰向西江挹尺水泥塗振甲破霄煙

咏扇頭處美人花

謾誇脂粉寫生工扇底驚心起大風湘浦深痕凝淺碧

懷舫詩集卷一

六

馬鬼濡血暈殘紅託身後素存餘潔假手驅炎矢寸忠
得芳名傳紙上不隨春到漢家宮

秋閨月

憲橫庭樹影風送玉簫聲已似宮眉好旋看古鏡明雲
鬢侵霧濕羅襪步霜輕遙憶長征客相思上塞城

途中咏雪

疎林絮自急廣漠鳥應稀素蝶浮空舞冰花繞樹飛當
風白羽落障面玉簾圍有跡隨征馬無聲點客衣凍雲
棲古寺寒雁啄沙磯擁帚田翁喜垂竿漁父欹旗亭沽
價湧旅館燂烟微天地平坎壈餘訝幻是非梁山如可
弄遊子早謀歸

紀遊

兩月厭冰雪山城春未知半陰忽霽候乍燠又寒時紅
入桃枝淺青回柳絮遲鶯雛啼早樹燕旅識歸期車馬
勞肩息鐔鏃勝地移清歌和竹肉逸興暢塤箎花外飛
鷗急風前舞袖低羅衫輕試着弓襪暖初施小立依芳
草深情結翠眉瑟能工趙女禪可悟蘇姬歲月都非昔
形骸果是誰縱談揮玉塵取醉倒金卮落日邨高嶺村
燈透短籬遊人侵夜返稚子倚門窺盛事分題咏新詩
刻燭爲良辰應再卜曦御去難追

雁字十咏

輕揮翰羽御長風天矯雲端格調崇排宕成篇書碧落

懷舫詩集卷一

七

縱橫爲陣列高空箋裁錦繡秋霞麗墨漲江湖春浪融
龜馬未教靈秘盡好憑禽鳥著文雄

草聖無煩師晉賢鴻羣遺跡紫霞邊參差鸞鳳仙書見
婉轉龍蛇寶籙傳月下模糊觀舊榻雲中斷續綴殘篇
秋來多少千霄興飽染霜華洒碧天

清秋攜策過金門霜落潭空墨跡存鳥篆欲成山雨急
龍文半掩暮雲昏寄書不用人間字起草能留天上痕
筆底輝光爭日月豈容工拙妄評論

南北飄零惜羽翰漫將寥落洩毫端秋風蕭索知音少
時序炎涼獻技難絕意傳書衡嶺峻放情題字海天寬
世人方羨塗鴉好青眼誰能塵外看

風景無邊恁咏題著書行與雁峯齊山頭霞彩幻箋簡
湖面漪漣印棗梨筆陣層層圍遠樹墨花點點落澄溪
興闌暫息書空手鳳箋驚草滿舊堤

鴻才高潔撰天章點綴昇平文物光書寄湘南迷夜雨
詩題塞北飽秋霜濡毫結伴詢奇字珥筆干時索稻粱
未若雞栖饒飲咏咏風題月自神傷

列國風謡誌舊遊煌煌天上著春秋身依碧漢文星麗
影落空江彩筆流曉月數行垂玉柱殘霞一抹曳銀鈎
西來妙意原無字笑爾紛紛亦浪求

文戰秋風筆力清五雲多處致身輕封章璀璨朝天早
翰墨冲融射斗橫錯落新翻古樂府紆迴巧撰短歌行

懷詩集卷一

小

千金一字誰能易天際遙傳詞賦名

空萬里勤鴻文數蕩春雷碎墨雲霜落丹鉛紅紫滿
風來點盡碧霄分數兼奇偶傳河洛字洩菁華繼典墳
自有文章驚海內浮名爲謝管城君

莫嗟蓬蒿秃毛錐豐滿鴻儀答盛時塞外寒深曾作字
天邊雨霽可題詩一行南浦裁新曲隻影西樓寓怨詞
來往咏哦人莫笑文心曲折在於斯

秋夜留王逸菴小酌

論交落落忘形少對爾猶存肝膽真垂老身爲燕趙客
心期屠狗賣漿人

步兵老去仍耽酒供奉狂來只賦詩歷盡艱辛存傲骨

丈夫應不媿鬚眉

贈別母舅贊翁

杖策重來趙驅車復返燕山雲寒釀雪野月淡鋪烟慣
客輕言別無成怯問年歸途吊郭隗空以好賢傳

己卯初秋客都下

五月衝炎馬首東驚聞庭樹入西風十年奕局隨時變
千仞愁城仗酒攻客榻團圓來好月鄉心搖落碎秋虫
遙瞻親舍飛雲白孤影應憐似轉蓬

冬日宿寧昌鄭獲翁書屋閒話

落日挂長林寒煙散廣野重來漫五年仍騎款段馬夜
宿康成宅風物存古雅爲言行路難反覆無全瓦張陳

懷詩集卷一

九

刎頸交忽爲按劍者少年縱意氣放言多隙罅歸復緘
口銘吾過或能寡

立春途中偶成

驛路長歌慨以慷悠悠行路愧周行梅花逼臘三分雪
蟬髮移年數點霜春社竟辜隣叟約東風又趁馬蹄忙
恰憐舊燕迷香壘深院閒雲鎖畫梁

晚過新樂河

新草碧連空春陰漠漠中橋橫沙渡濶城枕大河雄耳
熱旗亭酒帆懸野岸風前村行薄暮續火透籬紅

慶都道上雪後車行

當頭雪打大於掌刺骨風來利似刀如此春寒人遠去

前途誰爲贈綈袍

小嶽平時雪陸離車聲輾轉睡魂迷行來十里過山縣
又了放翁一卷詩

蝶

金粉春衫妙剪裁賞心次第衆芳開深藏葉底羅裙妬
小立花房紈扇猜常逐飛紅過別院又隨細雨坐蒼苔
晝長欹枕無情思孤影翩翩入夢來

蜂

晴日紛紛放曉衙細腰合住楚王家偶過藥園緣朱檻
忽向書窓透碧紗拂案膩箋粘硯墨捲簾焚篆上瓶花
春遊解識風流意偏逐簪香寶髻斜

懷詩集卷一

十

鶯

門前芳樹綠雲稠曉曉清歌繞畫樓常近烟村搖酒幔
偶來江岸送離舟驚回萬里關山夢喚起三春兒女愁
紫谷五陵挾彈過玉鞭驚起柳枝柔

燕

迎社啁紅補玳梁客來旋掃落泥香輕陰帶雨衝花急
暖日將雛學語忙芳草新塘掠細水烏衣舊巷剪斜陽
年年不傍人門戶愛住清貧宰相堂

喜雨

小樓一夜雨添秋多少窮簷禱祀求生計已酬南畝願
加餐聊慰北堂憂不須租吏呼門外且對鄰翁醉甕頭

自昔聖朝金玉賤杞人豈爲稻粱謀

早發松林店書見

殘冬行路苦景短車聲轉轉中夜發野黑雲垂如覆磬
枯林風聲盡毛髮荒雞漸喚曙光來籬邊燈火仍明滅
市口停車問酒家浮竿銀光堆白雪當釐女兒恰十五
春色今年上眉額近京學得內家粧玉梅插髮新服潔
侵曉澆寒勸酒醪渾忘身是孤蓬客人生聚散亦何常
窮途此意今人絕故交多少在長安相逢掩面如秦越

涿州北書見

蹇驢破帽燕山路胡涼河畔風沙暮路逢千騎擁香車
夾道傳呼盡却步黃綃綉鳳五雲圖畫轂盤龍七寶鑄

懷詩集卷一

十一

酪漿玉壺飲冰雪烟絲金梳吞霞霧烏孫貴主嫁東藩
出關遠拜賢王尊行人路左避飛驒閃縮林間稍一顧
珠環翠髻女如雲聯轡擊轂競馳驅最後一姝堪絕代
僕妾隨人伺喜怒風沙掩面泣無聲幽恨春愁向誰吐
汗駒常逐駑駘塵劉蕡不及顏標誤邯鄲才人嫁養卒
人生視乎遇不遇

京邸述懷

一榻蕭然滯帝京故山入夢壯心輕年華潦倒杯中
物事業升沈紙上名孤館羈愁侵薄醉高城曉角斷疎
更吾廬記得春來樂雨後晴雲看早耕

月下舟行

女牆月色淡如銀河繞空城叩柝頻止四橋邊風景在
十年仍作浪遊人

岸柳籠烟澹有無蘆花隱現一舟孤何人攜得倪迂筆
爲寫江南水月圖

懷舫詩集卷之二

賀吉水省齋司寇一百韻

間氣鍾匡嶺文輝映斗躔集東遠澤遠閭閱世家傳螭
陸勲猷著鯉庭忠孝宣劍光搖北斗金價重南天風月
開襟爽雲霄奮志堅閣明藜火照夢穩筆花眠八斗才
源鴻五車學海填築金來駿馬流水奏鳴絃胸富天人
策囊無封禪篇關門思籲俊側席正求賢 聖主初親
政先臣未引年深思承簡在大典凜冰淵驥足輕千里
珠光耀百川羣才衡玉尺萬溪見青錢人醉曲江上花
開御苑邊科名傳赫赫丰度羨翩翩柳色侵袍袖香泥
濕錦韉登瀛推獨步歸院撤雙蓮國典恣探攷藏書肆

討研珠璣流翰墨金玉重丹鉛講幄陳經正蘭臺奉事
虔芸香生寶軸日影凜花磚制草星雲麗綸章日月懸
縱橫文似錦揮灑筆如椽臣力宣勞久 君心注眷偏
採風勞太史望氣識神仙八郡蒐髦俊三秦集惠連羣
英欣識者寸技得呈焉盛會棘園撤嘉賓雁塔延秋容
三輔好佳氣五陵妍漢苑黃花發新豐白草芊文名驚
宇宙詩思繞坤乾江左才華盛朝端譽望先斯文逢泰
運吾道見真詮化雨榮桃李春風茂梓楸頽瀾迴砥柱
生物荷陶甄雅操冰壺潔素心皓月娟昭明方古鏡清
徹比澄泉藥裏參苓滿口碑道路鐫九重專眷寵再歲
屢超遷秘閣傳天語綸扉接相權龍章光燦爛鳳羽影

翻曉箭催宮漏恩波醉御筵嘉謀陳九陛簡命佐三
銓四海均平藉羣僚董正專衡人例薄外故事褒衣前
裴馬虛中席舉慶許並肩嚴廊崇碩德門館絕私緣峻
望隆揆席清風質半塵入朝聞議退食檢藏編水旱
循天數流亡動帝憐繪圖求恤賑引領仰恩獨八座
司肱股羣黎起仆顛冰霜嚴兩郡網紀肅千員北闕推
仁廣南畿命駕遙隨車沾雨露夾路望旌旄絳節臨襄
魏朱輪歷陌阡皇圖原浩浩厚澤亦綿綿青簡書敷
伐蒼生祝豆箋司空平水土常伯聳班聯萬里鳩材衆
百工蟻附全官階尊水部溝洫利農田偉績安恒岱神
謨導澗瀝靈臺周圍起積石禹功穿瀚海秋明燧狼山

懷詩集卷二

上

夜控弦六師申誓出一戰凱歌旋恩詔加三錫捷音布
九埏大工方竣矣正殿怡然禮樂歸戈甲河山廣幅
輶梯航來九萬劍佩集三千寬大刑幾措煩苛法盡捐
公能昌國運帝命省民愆國典持平允人心競被前
慈仁頻顧復羅網罷拘牽睿慮方宵旰勞心在胼胝武
功清徽塞文教被黔滇輔弼思房杜益梅藉許燕陰陽
資變理寒暑順推嬪一德君臣合三春草木鮮旂常爭
浴日圖畫擬凌烟孔李通交契雲泥媿往還窮途悲偃
蹇下里久連遭幼歲凋椿樹高情助麥船長征班馬別
遠涉短裳褰弔古閒敲句思鄉獨扣舷至今感煦拂莫
可報埃涓夢蝶成虛幻雕蟲事麗駢窮寧測海魚得

未離筌潦倒甘牛馬飛鳴部輦爲安能心鬱鬱敢謂腹
便便徒抱齊門悲空芳幽谷益貧居餘飯忍林守入枯
禪屢欲彈長欽仍思獻美璫虛名爲紫禁半世老青袍
七尺羞嬰御十年滯祖鞭只因傷疎疎無以致戔戔觀
海求蓬島登龍仰岳巔青雲瞻黻黼涸轍冀潺湲下士
恭申頌躋堂敬獻研寸心銘厚德百韻綴長箋

和朱悔人咏新城司寇庭中花木四首

紫竹

書閣庭竹叢篠垂蔭大輕陰隔世塵獨許高流過淡
青神韻影成箇箇條遶樓風枝鳴鶴自來和琅璫
玉骨高鮮烟霞破朝回拂宮袍色映春風坐

桂

雙桂西風裏扶疎倚苔砌夜深白露零幽芬落天際憑
誰假玉斧早成攀桂計借援萬仞上其道亦危厲甘爲
燬下薪清香終未蔽老去性彌烈剝落心轉細移栽月
窟中懷抱瞻光霽

建蘭

春生幽谷間習習陰雨薄植根王謝家孤芳欣有托晚
風徐然來暗香滿東閣有客咏猗蘭紙價高京洛世味
鄙清芬當門竟刈削誰是素期人泉石相培滄芳心委
秋陽尚望霖雨作

梔子

庭前蒼菊花枝枝寒玉碧曉來漚清泉水晶光瑩射蒼苔蔭淺綠烟月生虛白翠蓋列小峯仙姝倚瘦石古稱林間佛高吟記驛客猶墮色香界觀鼻成觸逆詩余拈半偈一笑空今昔

渡渚沱

十年馬首客陰雨復渚沱歸夢繁芳草春華逐逝波烽煙消壁壘襟帶壯山河倉卒君臣意功名永不磨

過真定憶雕丘居士梁香林

諸峰天外好蒼翠隱雕丘中有人高卧誰憐客倦游勞塵侵短褐狹路避鳴騶歎段春風裏羞稱謁五侯

由定州道北上

懷詩集卷二

四

二月輕寒賦遠征微寒羸馬過山城河橋水淺沙痕落林樹烟微曙色平華髮催人仍客路黃金結士亦浮名白雲深處重回首又聽春鴻三兩聲

近京口占

我生十五恰遊燕賈賦重來歲屢遷春鼓打殘梅蘂雪風驚衝破柳梢烟香車寶馬臨京路細草輕塵向暖天奕局崇朝衰盛改西屏蒼翠自年年

初授官十二韻

風微雲衢翮初驚陸海濤驚蹄原極下喬木槐門高龍起興王會魚懸領簿曹一官仍落落比屋近嗷嗷地迴江淮潤河衝畚鍤操金錢頒九府玉粒輓千艘丹詔沈

雙壁黃流掣巨鰲田盧沈湮沅城市尉蓬蒿碌碌隨定長蒼蒼點鬚毛雕虫羞藝苑司馬泣江皋先業留鐘鼎微石托羽毫長安同學貴誰贈呂皮刀

留別冀任中姊丈兼慰家姊

馬巷幽栖客踉蹌一失除江淮當此郡風雨憶吾廬霜落遊人遠秋高雁序疎不須愁遠道萬里念前途

磁州道次見稻將熟

荷蓋珠圓清露浮柳林烟淡水村幽稻花盡染深黃色疑似家山看麥秋

邯鄲懷古

趙有四年趙學士稿

名城消歇舊繁華一片青山亂暮鴉趙女何年辭錦瑟

懷詩集卷二

五

叢臺是處足烟霞悠悠岐路回車便踽踽孤行學步差歌舞故宮無覓地夕陽落葉滿貧家

贈杜爪里

饑來得句可如陶拾芥千鍾重折腰人惜留良逢聖代獨稱遺事哭前朝興亡舊恨藏詩卷卿相浮榮付酒瓢蕪盡田園不歸去白雲拂袖入中條

泗盱勘水賦感

徐城繁盛歇何年塔影湖光望渺然唐宋清流終逝水淮黃濁浪已稽天懷襄比歲勤宵旰昏墊千家寂管絃聞說僧伽三百尺可能一柱砥狂川

盱眙玻璃泉

雲氣浮林白巖光罩水清珠含龍有象潭印月無聲鑒
影生禪悅興波冷宦情上池如可飲更欲濯吾纓

湖邊聞笛

細細來風岸悠悠到客船吹殘山嶺月夢斷野湖烟一
曲江梅落終宵華髮鮮鄉關庾信老應負卜金錢

碧山湖水神廟前泊舟風阻

碧山湖外泊輕舸滿眼煙波首倦搔水廟風燈春灼灼
舟人醉語夜嘈嘈村巫蕭鼓靈旗動商妾琵琶江月高
我豈潯陽遷客侶忽多清淚落綈袍

贈肝貽彭廣文

青衫白髮隱江鄉晚出淮濱坐講堂客至登盤惟首宿

懷詩集卷二

六

詩成浮紙有烟光甘貧自耐官廚冷却老應咀道味長
不遇漢廷蒲轂詔也須瀛海授丹方

淮河東下

聚吟是處寫孤懷又看浮山秋色來人傍暮鴻投遠浦
舟如寒葉下長淮嘗為詞賦依劉計徒負交遊說項才
幸有佳賓相慰藉官齋暫作故鄉回

金陵懷古

羣山夾岸盤龍隱六代消磨王氣空香結梅枝留歲晚
春隨宦跡過江東烟嵐西塞凝寒碧楊柳秦淮動曉風
十六樓頭歌舞歇孝陵松老野雲籠

送蘭州黃琅書之任

泊舟禹會村

關河何處寄離思怕折風前新柳枝明月懷人經禹會
春光逐馬到秦畿漢廷風重安邊吏遊子遑吟將母詩
情似清淮千尺水難隨孤棹向西移

壬午除夕蒙城賑饑

一夕孤吟隔歲春竹聲燈影慰清貧自離子舍干微祿
常去官齋作旅人比屋饑寒思衽席頻年意氣老征塵
夜來幾點疎窻雪飛下梅梢入髮新

癸未上元泊舟亳州

寒星燦爛春燈影虛簾飄飄絲竹聲身對歡場嫌老大
民多樂事喜昇平酒香細貼迴風岸火樹高燒不夜城
滿市烟塵歌笑雜遊人負盡月華明

懷詩集卷二

七

燈花

孤影搖空壁清輝結短檠常隨月桂吐應伴火蓮生色
豈爭春艷心難向日傾話長渾未剪留卜遠歸情
香藥生殘夢輕烟續斷魂風光時變態雨露罷承恩漏
永心難燼花垂淚有痕熱腸終未冷火宅種情根

行路難

行路難青天蜀道上躑躅不似長安紫陌紅塵路蠶叢
一步九折盤朝出東華擁千騎暮入西曹對獄吏世事
原當說夢看剪桐封拜魚兒戲猶記宣麻初命相勳門
戚黨爭標榜稚子金章佩徹侯蒼頭勢與公卿抗免相
開園積翠東鄰孟亭迴入春風中亭名月明天樂鄰牆過

花落流泉御苑通百年富貴那堪記禍機駭發誰階厲
詔書切責落冠旋遣金吾國賜第虞卿慷慨俗久移
魏其淪落客應稀公孤白首尚刑戮義國人生寵利爲
城中奕局崇朝改城外青山自千載

京師雜感

三十飄零愧壯遊蕭關畫掩賦清愁驂飛驛路塵常起
雨過山樓暑乍收燕趙悲歌遺俗遠京華冠蓋故人羞
倚欄獨羨鳴皋鶴直上高雲天盡頭

暑雨荒拋郭外田南風伏枕手殘編當官跼蹐非吾好
得句狂呼取自憐薄暮投村陳草具未明舉火嘆官船
室中人勸君休矣鄧禹封侯已十年時余年三十四

懷訪詩集卷二

八

誰憐先世舊勲名千騎紅塵謹拜迎勢在小兒應東帶
貧賤拙婦謝支錯笑啼一晌都無韻花月頻年負有情
京師重來訪屠釣黃金臺下說平生

督運舟行雜感

千家估客市雙漿使臣船簫鼓漁村杏盤餐鮭菜鮮黃
河天上水青岱海邊烟我羨垂綸子乘槎古浪傳
浮遠通周粟隨刊高尚謀鶯花三月夢風雨半帆愁歸
興輸春燕名心媿野鷗當年潘岳鬢遊白耐清秋

留別家農部仲兄

雁陣飄飄片影單相逢各話一官寒年年乞米爲郎久
碌碌因人作吏難盡典春衣謀共醉分藏手澤念貽安

離羣又隔層雲外惆悵姜家半被寬
留別都門親友

京雒連旬偶聚萍秋風高吹斷蓬輕重來不改惟山色
別後難聽是雨聲明月床頭孤客夢斜陽馬上故人情
相思未買山陰棹早向江皋寄杜蘅

瘦馬

瘦馬荒山下沙寒臥倦嘶泥搦玉塞火血清錦鵲泥百
戰瘡存骨重逢鐵路踣應圖如市駿不在大宛西

衰草

衰草沒山脚被搖力不勝黃昏起野火歷亂看寒燈斷
瘦沙塵遠孤根雨雪凝青青望何極春至屢無憑

懷訪詩集卷二

九

跡突泉步 先運司伯父原韻

王屋仙源幻有無琉璃半頃擁冰壺飛來鷺嶺峰常雪
移近神山海欲枯黃鸝往還消歲月玉龍鱗甲落江湖
桑田他日何人見洞出金鰲地軸孤

桃花篇

桃花開向空山邊山村寂寂絕炊烟種桃老農近餓死
桃花爛漫開徒然去歲花開翁尚健呼兒花下澆清泉
力耕山田催種黍擬向花前常醉眠寧知隔歲麥溝壑
難瞑看花雙目懸獨餘少婦當窓泣自憐妾貌似花鮮
翁死夫逃一身在花時風雨怨綿綿阿母逼兒嫁遠道
金夫買妾上商船妾家本爲饑寒破忍見豪門酒肉闌

妾去夫回花自好紅顏無色花增妍甘心餓死埋花下
化作飛花墮大前原上東風幾度新落英埋玉總成塵
夫歸惟有桃花在不及桃花見主人

登岱

巖列羣峰盡帝孫蒼茫雲水接無痕巨鰲撐距坤維圻
若木浮沈日谷昏天下一人猶北面寰中萬嶺盡東奔
向平蠟屐遊難遍一瞬收來眼底存
五嶽獨堪稱長雄裡宗崇望歲巡東氣通巨澤高原水
帝出青陽大塊風芳草自生輦路古白雲常護禪臺空
蓬萊何處藏靈藥望海峰頭目欲窮

五大夫松

懷詩集卷二

十

鞠躬當道拜秦官翠蓋青幢歲久殘不共魯連東蹈海
却來輦路候輿鑾

海燕篇

為越門貞女賦姚女未嫁而夫亡因之夫家吊喪遂不返出賦
一小樓三十年卒於樓上燕子雙栖感而移巢至今此樓無異

上

蒿棲深窈朱欄曲湘簾掩映紗窗綠樓中十五女盈盈
未賦標梅歌黃鸝不惜玉顏為君死傷君未見顏如玉
芳草新花盡刈鋤種松移竹冰霜屬小院年年春不來
妾家永謝東皇辱翩跹何處兩烏衣牆外簷頭款款飛
似欲雙栖留畫棟似知貞女守孤闌喃喃相語辭巢去
靜掃花香與泥汙別向芳園紅紫叢閒剪落英掠飛絮
一從燕去玳梁空歲久人亡燕巢空竹自枯今松自老

無凡鳥窺簾櫳江南江北鶯花麗此樓曾不識春風

過明仁祖陵感賦四絕句

骨肉什離釜甑空一坏黃壤乞隣翁假饒二頃田依郭
終老荒村草木同

作帝歸來歲屢移荒丘宿草信終疑昭陵無處收娘骨

安用身生天子兒

漢高祖不知死所招魂而葬稱為昭陵夫人

景葬當年迫亂離草蛇灰線復何知子孫十代為天子

曾否金繒訪地師

艱難開國紀碑豐已見銅駝荆棘中翁仲相看無一語

平臺召對宰官同

明懷宗因寇急召對大臣問計皆俯首無一語

觀魚臺

懷詩集卷二

十

振衣凌高臺俯仰尋魚樂非我亦非魚臨淵將奚託一
心為物役相攘生六鑿池溲聚鱣鱣滄海游鯨鯨物性
貴名適含蓄有厚薄誕哉漆園叟魚我得糟粕觀海經
聖門昭然見魚躍

石塞

萬歲山頭生茂草淒淒風雨悲野老石馬無聲荒隴寒
牛羊日夕來神道幽宮起役命通侯親灑宸章紀妣考
黑山賊騎一朝來三十萬松迹如掃畜兵養士三百年
長陵一坏土不保自從塞上落降旗壁壘於今半傾倒
路人指與斷垣看似聽白頭說天寶

見餓殍

聖朝胡有此掩面轉然庶免饑寒迫能無妻子牽風
沙曝白骨酒肉憶華筵歲歲青原上還應缺紙錢
不幸生貧賤艱辛復幾春即今甘餓死念昔本良民冠
蓋嗚恩衆瘡痍問詔頻溝中誰起此再使被堯仁

和韓寄菴韻答贈

維皇春省脩明堂清塵除道盱山陽萬里應圖求駿馬
寧知冀野有留良甘泉長楊作賦手黼黻皇猷增輝煌
那堪垂翅三十載倚門抱瑟調清商如君之才未見用
古云其責在廟廊余媿父書幼失讀文瀾學海徒望洋
風塵艷羨登仙客石渠天祿珮鏗鏘更有高才艱一命
轉覺沾沾尤怨忘况昔孤臣伸大節碧雞金馬妖氛颺

懷助詩集卷二

七

平原名姓尚未識忠魂烈骨埋幽香

寄菴之父值
寇變殉節

世稱好

龍惟葉公五色炫目少真龍賣賦君能通狗監此身早
致朝班崇丈夫遭時有通塞契濶非是詩能窮才人本
具神仙骨擷餐蘭芷裳芙蓉李杜不因拾遺供奉一官
重此論待君相折衷藏諸何山傳者誰甘呼牛馬非羖
熊余久浮沈江淮間聲光寂黯黜明聰邂逅多君存大
雅蒼茫湖海兩孤蓬春山高閣唱新詩冷然天籟飄虛
空羨君游覽遍海內時有奇觀紙上逢縑塵障目一開
卷清氣灑渺滌襟胸作客應知艱行路蛾眉豈止妒宮
中捷足既已獵富貴又嫉窮愁詩易工寧使詩成泣神
鬼勿爲句好驚凡庸鉛刀今方誇游刃干將莫邪之鋒

非篋而深藏或遺銘

再宿舊縣寺

甫咽新蟬歸路中重來霜雪到梅叢此身久認虛舟幻
爾室方憂懸磬空水逼枯僧杯遠渡貧憐季女首飛蓬
濟民賴有賢開府入告慙懷饑溺同

咏古九絕句

投竿東海踞津要求魚良苦無魚吊一朝僥倖得吞舟
任公可謂工於釣任公
徒然一賦傳鸚鵡終以能言悲鍛羽有人遼海類冥鴻
高飛不弄漁陽鼓北平
肝食貽憂在楚昭更因宗戮悞王僚吳亡越辱宗邦覆

懷助詩集卷二

七

二國傷心一短簫

子奇

論交生死何移念死者復生言不饗世上紛紛白首知
乘危方按延陵劍季子
不聽婦人言者之劉郎雅善脩家法鹿車多遣一人隨
九原何處無鑿鍾劉伶
縱橫六國攻函谷秦人嶮負無亡鏃不似悲歌燕市盲
能令五步驚投筑漸離
王子丹成上玉京曾聞丁令自呼名緱山月夜鳴天籟
人世虛傳鶴駕笙子晉
十九年間飢噉雪却從漢北留雙鰲去惟乃有子卿妻
歸來媿見無毛節蘇卿

難平禍水炎風變三復詩言傷艷媚臣妾中如辭羣人
不應輕棄同秋扇燒燬

過合肥李文定公墓

西風吹墓道宿草自青青東閣陪邀月余常在文定公間承明正

戴星土花融秘器淚雨濕碑銘已得眠牛地還移旋馬

廳先相國京師以避堂舊人才憐在野國是感盈廷文定常告余卿

公昔參新政生方齒弱齡十年依斗岳半刺愧飄零薄

海思耆舊中朝失典型下車拜高塚秋色滿郊垌

重到廬州

魏武雄爭地重來二十年秋山新濯雨遠郭晚浮烟髮

懷妙詩集卷二

古

雪經愁染曦輪任力牽女牆今夕月去後幾回圓

已亭驛曉雨山行

曉來烟雨暗前山低駐行雲濕翠鬟萬里霜鴻風瑟瑟

十年客路髮斑斑寒生高嶺秋常早鐘落長林僧正閒

滿地松花印虎跡高人定隱此峯間

途次口占

江淮留滯感秋多三十年華一擲梭當日故人皆顯達

今番歸計又蹉跎須知棒檄爲親喜若待成功奈老何

肯令放閒惟抱膝長吟不唱飯牛歌

練潭旅寓和孫穎州原韻

門前車馬往來頻盡著先鞭競要津此去莫迷登岸路

即今誰是濟川人虞卿好客終辭趙張祿常貧已相慕
試問青山橫渡口曾看世局幾番新

廬州道上

颯颯西風路濛濛細雨中雲來失遠嶺水落見饑鴻牧

笛草湖岸人家烟樹叢泥途行薄暮漁火隔溪紅

晚行湖中

人情盡好逸作吏勞獨劇揚帆入野湖滄茫日之夕暝

色未遠岸狂濤震旅魄豈不怯風波簡書畏指摘既已

忘虛舟轉覺湖海窄倚棹發清歌驚起魚龍蟄此行堪

自慰難語千金客但規筆無花爲文紀奇跡

春日村庄

懷妙詩集卷二

十五

南浦東皋草色新田家別是一天春濃烟宿柳藏深屋

細柳穿林見野人岸草漸看勻淺綠歸雲又欲作輕陰

風光盡逐芳塵去徒負年華刺眼新

秋日游禪窟山寺

解衣登嶺積陰巖古寺懸長林過馴鹿側坂龍流泉秋

林寒影影丹楹綴野烟竹高雛鳳舉松偃老龍卷石枕

孤石自當巖巖如盤邊玉螯昭幻跡文虎制枯禪捫壁雲

侵字探奇洞隱天沈灰千劫洗靈谷五丁穿潭靜霜初

墜賓來鳥自傳籬花接佛座檻筍奉僧餐清磬猿移聽

新苔鶴觀眠掩關塵正遠縱眺思仍牽法界花鳥啼空

山日似年暫留俗士駕半偈奉金仙

送臨淮高令艱歸

西風鄉國路把袂送君歸孝感添華髮慈恩夢素輝還
家無長物解綬少危機猶有淮濱衆其咨召父違

申泰余有泰山之役賦桃花前篇以誌無年歷一
載而重來淒上值北郊桃花盛開賢宰陸君邀
陪巨峯太守遊賞復賦桃花後篇雖年時饒歡
民情苦樂風旨未同而花事盛衰朋儕聚散其
感慨無異耳

去年看花青岱麓今年看花長淮曲千里桃花一色春
孤踪日轉花間轂東皇垂淚嫁紅兒經旬風雨欲花時
連曉新晴送輕暖萬株無有不花枝隄山春色憐春望

懷詩集卷三

七

花城十里朱霞漾飛塵尾馬入香叢紅粧夾路開屏幃
江東仙令舊機雲花縣青原懸斗帳爲邀太守醉春風
容我疎狂側座上清絲哀管盡新聲纔歌一曲花都放
醉看花勢愈縱橫亂踏芳林逐落英紅飛夜雨香茵軟
碧襯新苔蠟屐輕野老自今傳盛事不須五馬已春行
花下又逢老圃語十年身未到城府官清政簡農必閒
三時全力營生聚比歲花繁結子稠錦陌花村皆樂土
城中太守今爲誰無乃漢代龔黃伍吾開後民樂者先
民憂太守今方暢此遊溯洄清淮駕蘭舟吹笳擊鼓震
中流燈明月皎烟雲收重翻水調唱歌頭更進斗酒君
辭不明歲花開誰去留

自盱眙返小留舊縣寺中而去

碧山湖口懸漁機雲影波光照空谷衣黃葉寺前僧耦語
白沙原上雁橫飛獨尋幽徑藤蘿瘦飽飫香廚菜甲肥
落日斷霞啣遠嶺馬煩車殆已忘歸

懷詩集卷三

七

懷舫詩集卷之三

漫題

東緯經天霄漢高人問近得見纖毫版圖萬里飛龍馭
翰墨千家落鳳毛貝葉經文供白馬黃麻詔紙慰青袍
修花隨柳名園裏紈扇深恩恰鬱陶

蜀雛遨遊監大勳封侯肯識陣前雲銀屏珠箔樓船第
繡甲金刀細柳軍南國佳人朝素面大宛汗馬散花文
呼韓久獻臘脂塞顏色曾無上練裙

廣漠寒雲積水東青衫蒼髮雪霜風巡行瓠子河防古
割據蕭梁淮堰雄無復鳴珂歌扇底淮工已成猶聞堆粟
怒濤中明祖陵在六中眼前何事看如舊不獨違時拙道窮

懷舫詩集卷三

一

行殿雲霞動畫梁綺疏繡幙綴煙光鑾鳴碧草迴金勒
臺鎖春風倒玉觴游沆魚龍新輦路蕭條瓦礫舊椒牆
青青楊柳長條盡客至驚看海樹桑

宿紅心驛

烟鎖寒川樹山橫古驛亭梅風吹髮雪松月落袍青斷
夢淒歸雁長雲暗客星荒雞栖老屋叫破夜冥冥

關山

關山牢落五更風裘馬寒途迷斷續殘月侵霜千澗滿
曉鐘隔水一林空雪留細磴冰常結霧隱高峰日漸紅
欲向巖阿探梅信春光曾否過江東

除夕前二日漏下十刻渡江宿江樓

歲晚江城十日停絕流夜渡水雲暝孤舟浪捲千堆雪
遠岸燈懸數點青風雨淒其懷故國山川浩渺感新亭
小樓寒重難成寐枕上驚濤着意聽

萬家山

峻嶺橫迤積翠饒泉融石潤雪初消登峰歌嘯思高步
夾路嶙峋愧折腰竹寺疎鐘清午界松溪幽籟動寒潮
筍輿俯睨山城近興廢憑誰話永宵

小憩定林寺

夏木叢陰覆禪關曲徑通煙霞籠佛日燕雀趁鈴風衲
老瞳全碧山寒榴半紅松龕一伏枕塵夢隔雲中

丙戌新夏題張玉斧表姊畫冊後

懷舫詩集卷三

二

念年音泠浙江潮墨妙知名齒未齧椿老一枝栖越幕
種寒四壁咽秦簫盧郎才調仍貧賤孝女碑詞久寂寥
妙音到
散教親花鳥春城看畫手江天離緒滿生綃

桃花三篇

丙戌春在無為官齋中作

又早飛紅墜軟塵桃花詩句逐年新山陬水澁曾留賦
另寫江城別樣春江邊雲霧連洲渚曉壓江樓霏細雨
錦繡溪旁笑靨開芙蓉峰畔櫻唇吐石丈臺前花更妍
米家軼事少花船墨池波瀾桃花影風景依稀濯錦川
濁世誰人存潔病天桃作供香魂淨風勿飄搖雨勿狂
武陵誰見千年盛回思聚散與花同九十春光廿四風
舊日花間沈醉者人自飄零花自紅桃花慣醉孤蓬客

故人落落成今昔麗舞清歌懷趙勝素車白馬別高道
開道青齊歲轉豐開謝桃花易主翁又聞河決清淮口
桃葉桃根注海東隔年花事田為海鏡中恠底朱顏改
我本江淮淪落人名心減盡清狂在還惜江城絲竹饒
留春歌舞竟春宵難期桃熟三千歲且醉桃花一萬朝

舟中晚行

落日孤帆遠荒城暮靄中蟬聲柳岸露花氣水亭風野
濶天垂幙林昏月墮空漁歌清夜起人在楚江東

江上甘露寺

誰解逢場認幻緣偶來荒寺聽新蟬林間金碧前朝塔
江上檣桅何處船白鳥去邊惟野水青天望裏有浮烟

懷詩集卷三

三

松陰坐久寒濤急炎界塵思早脫然

宿芙蓉嶺

西屏飽看翠嵐均紫夢青峰隔歲春客少長繩牽去日
山無好面對勞人綠溪馬踏黃昏月橫嶺雲遮烟火塵
得卧嶺頭滋嘯咏芙蓉清冷瀝詩神

興簾

寒窗機上紗隨我遠離家過雨雲常濕看花霧半遮一
肩消歲月萬里飽風沙悞爾黃塵路攜歸護墨華

胡氏園亭

長夏江村裏清無車馬塵水邊白鳥狎門外綠秧新扶
杖過隣叟披襟對古人晚來山雨歇溪漲好垂綸

初秋登采石磯太白樓

連江秋色入高樓遠岸晴山翠欲流去日驚心供客路
浮雲碍眼亂鄉愁百篇斗酒皆陳迹千里孤帆媿壯遊
應少碧紗籠舊句但留清嘯在烟洲

余丁卯年曾題詩於樓至今猶在矣

仙才豈合在人羣身死徒然仙去問薦士虞淵取墮日
諷君水殿貯行雲不逢醉監若知己無敵花溪許論文
念載重來祠下拜江天風雨正紛紛

初秋金陵歸途

新涼時節傍江行陂轉迴溪路平山外雲來將暮雨
林間蟬噪已秋聲興亡南北天難限行役寒暄歲易更
曾照齊梁歌舞月夜深還到石頭城

懷詩集卷三

四

初秋自酌

搖落逢秋莫減懽新涼特遣酒腸寬浮杯有物供殘睡
採簋無衣怯早寒變盡世情惟冷熱賒來村釀半甜酸
浩歌方謂江湖窄醉向任公借釣竿

卽事

驛騎停官柳漁舟繫野塘孤峯浸水碧千畝接雲黃簾
鼓喧秋社牛羊散暮崗前村沽價減卽此驗豐穰

晚宿西山驛

筍輿晚過柘桑村老屋頽垣林木昏鐘透暮雲鳴斷谷
犬迎歸客吠當門酒能引夢為莊蝶句或如騷問楚魂
醉坐豆棚爭說鬼談諧人笑類齊髡

赴皖途次寄遇安

細草晴沙木葉黃清齋又隔野雲長此行入眼多秋色
昨夜當頭共月光君對蟲階吟嘖嘖我逢塵海事茫茫
淮濱早濕成衣未歸採笑答爲製裳

送九晚戴子赴京

有序

九晚戴子淹貫天人遨遊吳楚依劉有歲李鄴
侯盡出藏書說項多人徐孺子忽來下榻清齋
問字白鷺換去如雲雪夜聞歌紅豆拈來似雨
快瞻雅度喜唱新詩將秣馬以膏車暫分題而
刻燭聊爲短句以壯長行

長年賓客重荆黃先業藏山借表章雨雪寒途來好友

懷詩集卷三

五

梅花官閣放新香論文樽底憐同調顧曲燈前感異鄉
聞築金臺召郭隗夷門每過意難忘

九晚將由宋街赴京

雨夜宿烏衣僧舍

燕子棲誰處江東事若何黃塵新結駟烟草舊鳴珂寺
僻僧茶晚山寒春雨多空階作細響已遺夢綠魔

丁亥初冬寓茶菴村偶成

兀兀騰騰俗吏身詩情新減宦常貧辭家恍惚親千里
餬口淹留歲七春拋擲棋思多半局飄零酒盞動經旬
先生自定官評確冗長官宜冗長人

香山有司馬人問冗長官之句

仲冬月朔日盱山道中

霜草沒平田寒雲貼遠天再如逢朔日又是迫殘年簾

馬江湖外行吟風雪前知無豪邁志故態惜翩翩

賑饑天長曉發和周旅亭韻

朱門舞袖擁歌鐘徒賦三星念二東盡室力田逢儉歲
幾時乘屋蔽寒風自知考政催科異誰解憂民飢溺同
好譜霜原入圖畫先須着意寫哀鴻

旅亭精於畫

和東坡四時詞原韻

閒階疎雨催花落寒窗小閣垂簾幕池邊新水護梅根
樓頭晴日烘桃萼東風飄蕩冷香肌遍倚朱欄知憶誰
幽恨自憐渾瘦減懶薰蘭麝試春衣

日轉柳陰蟬韻永雨來水檻荷香冷翠袖踟躕扇影低
碧窓漸瀝竹聲靜閒拈雕管黛蛾顰欲寫新愁箋自勻

懷詩集卷三

六

樓上湘簾常半捲火雲望斷未歸人

花陰曲徑苔生綠露珠靜夜滴脩竹半痕涼月照清砧
幾星螢火明深屋羅幕低垂窻半扁夢回落葉響空庭
階前蛩語樓頭鼓多少幽閨腸斷聲

城上嚴霜吹曉角閨中思婦傷情薄長夜裁衣動遠愁
高寒邊雪非時落牆外平林棲晚鴉樓頭一抹暮山霞
臨風玉笛休吹徹已落庭梅滿樹花

哭先兄臨洮憲副蒼霞公

十年領郡嘆淹留丘嫂先亡力乞休有詔邊庭叱馭去
無人故里挽車遊中途賦句悲潘岳暮景傷心老鄧攸
兄弟那堪復隔絕憑誰萬里慰孤愁

兄在荆守任內嫂亡乞休奉特旨陞任到蘭又連喪

二子定以
感傷嬰疾

薦章交錯表名勲釐保邊氓陝右分夢裏還家山墨色

病中哭子淚丹紋官貧囊載隴頭水赴蘭路有
天水之趣親老魂招

塞上雲憂解傷人從古有空聞屏酒遣朱裙兄曾被薦四次
特陞臨洮開病

中戒酒還安卒亦無故時余叔父
存養公兄生父也年已八十餘矣

瀟灑曾無染吏塵豪華久薄五陵春兄生平無俗吏
及貴公子習態漢西隴

右丘廉吏趙北燕南一酒人廟享已登邊豆食英靈復

幻宰官身兄故後蘭人即祀于廟庶且有賈客四人於蘭城
外白日見兄隨騎從數十乘風東去聞蘭悉知家無長物

仍何憾天子親呼名姓頻癸未年上駕幸
相親親呼兄名數次

丹旆西來雲黯低蕭條門巷舊沙堤塵封東閣書籤積

霜隕南原墓木齊哭罷怕聞鴻獨啖菲時可有鶴雙棲

懷詩集卷三

七

歸兮塚畔營祠舍春曉躬耕雨一犁

金陵夜成

朝佳麗地無日不笙歌綺錦纏頭重清商拈豆多帳

中春好在樓外夜其何獨有孤愁客興衰嘆逝波

金陵返棹感賦

王氣徒銷歇江山倚棹看繁華六代盡烟雨萬家寒鳥

巷移新貴紅樓失舊歡沙邊餘白鳥浩蕩狎風端

金陵買梅攜歸賦絕句八首

折得江東梅一枝惜春常怨賞春遲官貧無物為花供

照影清泉尚滿池

淨洗鉛華冰雪清仙山覓遍見雙成人間金屋原粗陋

合貯儒家古玉瓶

餘習繁華沿六朝秦淮花價玉同高一株買得十千盡

聊慰羅浮夢寂寥

瘦影幽香怯峭寒江南江北雪漫漫護持費盡閒情緒

換得梅花一飽看

雪中映月看瓊樹池畔迎風遇洛仙且喜愁消何水部

無傷春老杜樊川

月暈清光燭暈紅梅梢春意較春穠能為宋璟流傳賦

合與名花作主翁

攜行山驛水雲寒雪骨風情畫作難欲秘幽香無錦帳

多應妒殺路人看

懷詩集卷三

八

花間品賞舊無成粉褪香消歲屢更慚愧生平骨相薄

那知頑福結花盟

清流開口占

松嶺千章合青峯一徑開寒雲高不動冰澗折仍回惆

悵虛梅約原擬點點看歐
平梅花不界登臨媿賦才艱難興業日曾此渡

開來

雪途感述

冰雪紛載途北風勢轉惡白日慘無色山高路參錯馬

股沒深泥盤迴青壁削山泉凍不流崖崩橋柱頹陰壑

走長風沙水白漠漠乃知行路難不必在川嶽履險漫

震懼愧膺道力薄猛士萬里外轉戰夜寥廓豈似輕裘

兒身安名寂寞

田婦赤腳踏泥

汲水臨古井取土近陽坡田婦赤兩脚寒裳如涉河豈
不遠汗穢歲暮寒風多踏泥塞戶牖康困亦塗磨貧家
計溫飽作苦惶恤他東隣有麗女工畫雙脩蛾近從京
雒回學繫長裙拖纖腰掛鴛鼓旋擊舞婆娑富兒綺席
前能唱淞州歌脚跟較此婦汗深當如何

山行

彌江三日雪一夜雲翳掃寒威晴轉烈微貂何草草冰
雪日山行塵嬰愧幽討嶺高景又暮昏林月靜好俯仰
愧僕馬卒歲缺溫飽歸營土室居取徑謝捷巧

懷助詩集卷三

九

寄仲兄磐菴山守岳陽

一麾遠郡又新除湖濶江深阻寄書有弟題詩山雪裏
別兄去國菊黃初文翁化俗隆平後張仲傳家孝友餘
為訪嶽陰祖廟在甘棠祝頌近何如余自秋別兄出原
寄弟書祖上名宦祠

戊子初春同周旅亭暨兒輩遊明仁祖陵用杜少

陵崔氏東山草堂韻

南原殘雪靜輕塵綠上陵垣草又新野水荒山立石馬
欹橋斷碣感遊人青燐火冷埋鴛瓦金粟堆空長翠芹
欲問王孫久淪落離離遺怨在松筠

初春舟行仍用前韻

蓬窓嘯倚隔清塵柔櫓輕舸春水新歲月飄零無長物

江山佳麗有陳人細鱗入網旋沽酒香稻流匙且薦芹
滿目烟波堪娛老買山遲暮值松筠

舟中慰歌者病仍用前韻

南樓雅奏動梁塵淮水深波照影新歌者自江陵
來遊淮上司馬愧
非題柱客扁舟却載捧心人傷春欲坐歌紅豆病酒閒
行採綠芹欲藉笛聲寫哀怨翻多清淚落湘筠

周友旅亭偶出其故人吳子旦清近體見示取梅

月江雲夜林泉霜谷鐘十物為題而俱冠以寒
字豈有心於閨仙之逸趣耶館舍春微雪霜未
減漫和原韻聊景前型熟客見之勿動冷哂

寒梅

懷助詩集卷三

十

官閣題詩夜垂垂照髮新占春香自古入夢影逾真霜
月間橫逐冰天寄遠人幾枝風雪裏幽怨滿江濱

寒月

方升枯樹杪已脫雪雲端小院清砧急征人遠塞寒風
高羅幌薄香冷繡衾單永夜留孤影關山夢易闌

寒江

風急添新漲冰沙擁亂流屯雲高白帝捲雪咽黃牛雁
冷孤洲濶天空落日浮漁舟烟渚外舉火見寒鷗

寒雲

日黯凝霜曉風高釀雪天迷離野寺歷亂起寒川細
貼梅香穩輕浮竹翠懸何方行雨俸歲晚駐簷前

寒夜

戶掩人歸後更長漏下初
孤衾閒取醉呵凍偶臨書
鴨浮香冷寒輝照夢虛
余日風雪急訪戴興何如

寒林

幾株村寂寂一望雪森森
葉飄金馬風枝響玉琴
扶疎留月淺淡漠纖烟深
何處昏鴉集卑棲感客心

寒泉

高訪仙源潔一泓欲濯纓
亂流侵月白懸瀑透雲明
霜壁含珠滴蒼芝帶雪烹
煩襟心淨洗炎宅更何營

寒霜

竹間粘冷翠月下耀清輝
瓦脊浮花淺橋頭印跡微
湖

懷舫詩集卷三

士

山朝潤集還草夜零稀曉起
冰信沾濡在短衣

寒谷

鄭子披裘處愚公咏雪時
音空原未絕春去竟何之
洞花將發山中歲未知為
陵如可待喬木是遷期

寒鐘

數聲雲外動身世誤栖栖
僧立高樓上音迴曲澗西
星霜隨夜訴雨雪伴寒雞
敲徹殘宵漏驚回鄉夢羈

懷舫詩集卷之四

送歌者歸白下

漏斷香銷酒乍醒迢迢幽恨結
津亭昨宵深語寒燈燼
前路春思芳草青江上樓臺雙
舞袖天涯情緒一浮萍
座中誰唱楊枝曲客耳驪歌久
厭聽

古意

大風吹雲起影落野塘前
郎今渡河去妾家春水邊
一
郎如橋下水妾似河邊柳
春水去悠悠春色那能久
二
妾意比春長春來郎已遠
芳樹繞千重幽夢何方遣
三
春草滿江亭春波映草綠
郎行有日返可似春歸速
四

某雪宿桐城村

懷舫詩集卷四

一

淮濱早濕足輕陰馬首寒風落
細塵將卸山梅尤惹恨
未開江杏已遲春暮烟覆水
雲遙暝空壁搖燈漏正沈
獨臥荒邨懷雨雪今宵知有
斷魂人

雪行野山歸途宿圯橋村舍

升輿望積雪浩淼迷蹊路
四野人跡滅緣溪覓津渡
喜
絃萬頃玉照我寸衷素京國
有無客終身無此趣窮日
冰霜中泥深之健步童僕饑
欲啼疲馬行復顧高嶺怯
隆從陰澗凜寒江村烟正寥
遠羣鳥噪獨樹

戊子春初余將有京國之行先至都梁勾稽吏事

傳柑燈夜集飲山亭佳客紛來而亮書未與座
上意興缺如也今乃贈我新詩恤我勞役命詞

都雅用情深長不有和章烏徵同調爰布四韻

為言寸心

儒冠已悞尚裁我聞六年華各易過亮書與余別後故人

憐愈遠見時白髮較前多扁舟難乘留淮海貢粟滌洄

達潞河歸日丰神應好在不知詩格老如何

愧我還家未錦衣喜君常得覲庭闈

亮書官閑常得省觀

月當春好

君方往歷到秋來我亦歸雪水冷冷浸細草寒山淡淡

接斜暉准于握手勞相送看爾翩翩舉世稀

夜雨早行口占

驅馬南來得快晴江雲亂起落簷聲遙知白髮挑燈坐

念青衫冒雨行

懷詩集卷四

二

戊子除夕

在縣署以陞衛官事

暖入軒屏散縷烟他鄉雲物感華年草生燒岸痕留恨

梅老闌窓夢可憐客裏情懷春較好花時池館燕爭還

時金殘宵深惜頻移歲頭白青燈綠酒邊

過東平

軺車曾此載恩波五載年華一擲梭米價市頭聞倍減

酒帘路左較前多麥翻碧浪田皆闢菜綻黃花春正和

惟有飄零紅粉怨天荒地老未消磨

改官後別金陵之作

七載留都悞一官頭銜雖改二毛攢青鞋難遍朝寺

正苗曾邀南國歡江上好山別汝去樓中明月贈誰看

岸邊可有歌聲在千尺秦淮水涵寒

己丑元旦自述

康熙歲己丑龍飛閱四紀余生恰四十古人方從仕庶

俸已八載每懷素餐恥奔走縉廬中何暇究治理冒昧

荷還官私心未敢喜國計與民生毫無所匡砥太守亦

顯名厚德鮮諸已巖巖臨吏民內顧何所恃總南聞庭

訓作吏事可已守令不易為多不稱任使慎刑如慎疾

救患如救燬既被利害怵復為嗜好累真知而力行今

固難言矣乃余三昆季前後皆官此緬想二十年父言

猶在耳君親恩至重淵冰傲臨履茲逢歲正朔萬事重

端始願言自今往鞭策惓惓起千古聖賢心所求常在

懷詩集卷四

三

裏進脩及壯年白日無停晷

元夜短歌簡友人

雲淺月溶溶烟深燈煜煜七見濠州春風景近相熟市

井之燈火巷陌無絲竹氣盡黑山賊百年未興復丞署

更荒落破壁黃茅屋久居已鬱鬱肆顧轉踉蹌我昨行

綬歸春光又觸目元夜但兀坐空堂如空谷豈無酒一

盞不破愁千斛中夜短歌成欲書筆久禿東齋結襪生

伊吾仍愛讀

懷古四律

陽遠官日作

西望寒原烟雨凝斷碑殘礎卧荒塍銅駝有恨思殷鑒

石馬無聲泣漢陵春薦不來空鶴表冬青久盡黯魚燈

白頭落魄何人拜骨觀寒沙坏土崩

仁祖

琳宮紺殿識焚餘細草斜陽感故墟往事塔鈴驚夜語

新原寺袖自深勑二龍早戰興基日一鉢先傳遜國初

明初即有胡藍大欲以當禍亡國客過山阿求舊跡枯松亂石一僧廬

龍興寺

招攜風雨縱樓觀鐘鼓消沈憂百端漁棹隔雲橫野浦

炊烟背日出茅園蕭條市井侯門古寥落山河戰壘殘

獨少銅臺歌妓在西陵朝夕哭聲寒缺樓

城頭遠眺碧烟消城下離離彼稷苗設險徒聞雄百雉

覆隍競說用韋紹斷垣自放牛羊入墮臂仍隨野火燒

不盡白頭烏巷恨女牆月色更無聊

風陽城

淮揚舟次雜興

懷舫詩集卷四

四

春雨霏微日孤帆獨去時隋堤新濯柳女廟古靈旗湖

海行將老煙波渺未期江皋聞素鶴好爵欲誰縻

溪橋來社燕澤國又春風夢遠千山北輕寒一棹東月

明漁笛裏天盡暮烟中淮市王孫去空餘芳草叢

新漲浸沙草閒雲戀遠岑鄉思華髮亂往事玉樓沈堤

繞湖千頃村深樹幾林滄洲知浩渺吾欲託遐心

廿四橋邊路汀洲接綠蕪平山青帶郭隋苑曉啼鳥俗

舊工歌舞賢仍隱釣屠東巡頻被幸載入屬車無

瓜洲江口卽事

一塔江中出羣峰天外圍澄波平似掌蕪岸綠爲衣樹

簇芳洲近烟鋪漁棹稀潮隨帆影落雲逐雁聲飛北固

山常好南州客未歸浪淘千古盡鷗夢半春違

遊金山江天寺觀御書碑

碑在江天一覽四字

入寺躋雲表登峯縱海觀濤聲驚日浴山勢鬱龍盤地

險浮城郭天花墮塔端烟霞增氣象風雨助高寒一片

琉璃影千堆白雪湍齊梁雄百戰鐘鼓送雙丸濯垢中

濡水行經老衲壇塵心來自寂春事去仍殘玉殿留空

翠雲巖護寶翰宸恩遍一覽萬國頌安瀾

三公河

有行宮在初

細雨連宵綠野芹離宮寥寂鎖閒雲客舟揚子橋邊泊

僧梵高旻寺外聞寒食節來晴日少潤州路入亂山紛

汀洲斷斷離離月猶記宸遊奉聖君

懷舫詩集卷四

五

燕子磯

翠屏并崖映碧流孤亭飛閣俯晴洲人家茅屋雲根裏

賈客風帆天盡頭時有烟嵐遮舞影常隨欸乃語春愁

剪花掠水空江古鳥巷何年憶往遊

吹梅

傳係廣陵文忠公手植人以此梅稱之

吹徹春風怨未醒人間笛不到幽亭醉鄉噩夢逃千劫

靜境枯叢護百靈艷着山腰泉過洗香空葉底月來聽

鳩聲易惹枝頭雨有客酸心子又青

花魂託命養花天花似文章藉命傳高士山中甘久臥

酒徒祠畔得長年垂垂一樹催朝夕兀兀三朝閱播遷

明三代
梅庵宋元
翁去梅心應日醉樓中燕子也相憐

懷署小亭望荆塗二山簡舊令沈禽菴

兩峯如二老相對揖青霄紅日冒其巔白雲束其腰一
亭大如拳山靈日拱朝經旬失面目烟霧湧層潮嶙峋
不可見風雨正飄搖晚來俯欹檻竹樹空蕭蕭同遊非
舊侶飄散疾烟颺追溯禹鑿年去日何從招太璞久彫
琢寶氣近寥寥爲謝泣玉生揮盃向巖嶠

賦得無可奈何花落去

管騰已過困人天老大看花異往年最是蒼苔獨立處
消魂無語晚風前

帝殘山鳥日徐移照影空潭綠滿池半晌憑欄看不足
直應想到未開時

懷詩集卷四

六

暗潮侵曉到溪頭舊繞山家老屋流一夜飛紅到牆外
三春漂泊任汀洲

不應白髮戀青春色寂香空認幻身有眼只宜明我相
世無薄福看花人

喜崔子允公同舟遠送賦此誌別

仲連歸路共蘭橈華髮英風欲射潮我愛閒吟囊每溢
君多盛氣腹仍枵春園載酒游如夢故國浮雲首正翹
別後齋前松各種龍鱗成日好相招

題畫

黃昏淡月滿空山家在疎梧密竹間僻徑自無俗客過
幽人侵夜抱琴還

和馬馬卿苦雨原韻

累月同君戴漏天連朝晴日散林烟馬周作客貧非病
杜甫還鄉喜欲顛館隔荒城分旅夢歌殘楊柳悵歸鞭
輕囊各動長鬚哂猶遣泥塗錦字傳

積雨米貴作歌簡吳南英解元

騷人問天作天問無乃高高聽卑近一雨十旬尚密雲
豈其粒食天意靳前有所致後有兆乘除往復理無紊
未應洪水見堯年始疑洪範未足訓不言米價叔真癡
陳蔡之間賢者慍小民焉能盡夷惠攘臂攫食固其分
古云有天在口腹此天不弔民始念更有一天寄民岩
視聽以之關世運

懷詩集卷四

七

姑蘇顧氏幼聘陳女未嫁夫亡守貞不字歸節於
顧父母哀之女曰世間道理只有一條路可謂
知明處當矣

只有一條路鮮能中道立康衢與曲逕所爭在呼吸其
直雖如矢捷足追弗及旁途多岐邪幽谷引之入我冠
博帶人跣步必拱揖睽目投棘叢觸藩方愧悵蘇門有
弱女閨外步常戢出門由斯路向道自汲汲從善信如
登進步匪階級一蹴上層雲高山仰岌岌下視躊躇輩
徒爲途窮泣此路心自明此路行獨習形管紀周行後
塵堪追挹

刈麥謠

日出村原東照我麥葉黃葉黃子終青離離委南岡刈
作夢下薪匪言積乃倉家家聞刈麥下馬蹲我場租吏
聞刈麥跋股據我床南原十畝計不厭一壺觴公私兩
莫補咨嗟仰屋梁無麥古所重餓人滿騎桑

拾麥謠

刈麥已幾望拾麥復何心饑糧既未裹稌穗將奚尋饑
驅扁戶出不暇計久深溝壑無遠近豈必委故林日午
筐篚空僵卧路樹陰婦子牽衣號啼久聲轉沈南風吹
哭聲何由入虞琴

大梁渡河有憶

長堤曲抱野風多北望夷門未忍過博浪塵沙終黯淡

懷舫詩集卷四

八

梁園詞賦古蹉跎閒情逐水回南浦疎雨隨人渡大河
前路車聲驚客耳石城絲管夢方訖

渡漳河將至舍簡同行依菴上人

銅臺霜瓦蕩輕沙官柳晴絲散曉鴉北向雲山分趙魏
東歸流水共年華息交又結逃禪侶混跡終隣齋餅家
除掃荒園淘舊井豆棚晚坐有茶瓜

過崇光寺簡依菴上人

師以老鏡
名其語錄

偶攜惠遠啓蕭關佛座禪床灑墨斑獨渾機鋒存本色
更從文字寫春山籠中日月磨明鏡筆底烟霞駐渥顏
我亦闌珊疎世法午鐘消受片時閒

憶白下

畫樓委宛接江洲山色湖光古未收紅袖笙歌沈歲月
綠楊簾幙惹風流高城雲隔長干寺曲檻花藏桃葉舟
招我臥遊思往夢秦淮桂影到今留

七夕花燭

金屋鴛衾展銀河鵲駕填吹簫集鳳羽解佩擁龍軒佳
偶仙緣合機絲赤線牽天人良會永此夕是何年

上少宰李山公世丈

七十懸車髮尚緇獨留清望咎明時俊才南國傳三畏
雅操當朝凜四知常見中台騰紫氣每逢大事憶黃耆
塵踪更切龍門望藥裏應無草木遺

公典試江南以君
子有三畏命題

慇懃情話念師門用拙相傳道尚存冰玉持心無厚積

懷舫詩集卷四

九

李桃成選少私思著書松下馴雛鶴貫酒山家注瓦盆
莫問堯年幾甲子太平學士腹常捫

古簫行

一枝紫玉前朝物流落人間歲月疾夜深清響起秋齋
四壁涼風盡瑟瑟當年戎馬生四郊散失霓裳與六么
宮人無復白頭在別有朱唇倚碧簫蘇臺絡繹徵歌舞
醉後寧王喜羯鼓吳歛夢斷隔清江何期燕市聞金縷
重來烏帽染京塵扇底樽前失故人琵琶小字存鸚鵡
珍重紅兒一曲新歌前聚散芳年改青鬃朱顏不及待
江淮留滯又十春桃花零落劉郎在吹殘良夜轉淒清
座上青衫最愴情誰為嬴女吹簫侶好作秦樓引鳳聲

瘦馬歌戲呈贊旃家舅

半束芻一孟豆舊骨鋒稜愈削瘦日向天街踏軟塵顧影羞隨肥馬後馬上先生常苦饑出入秘書在懷袖東華門外曉風多漠漠沙飛面蒙垢錦鞵零落敝裘寒途巡爾似忘馳驟日厭歸來旋乞米策勲無物及棧廐空為我馬賦虺隤金臺枉說千金購

己丑臘日余生四十年矣改補閩郡候命都門諸戚友釀筵見祝賦此答謝

湖海長年愧側身遊踪四十尚逡巡每當生日違親舍更值移官抗吏塵輦下新聲翻舊譜樽前情話共陳人今宵紙帳留寒月早夢梅花嶺外春

懷助詩集卷四

十

己丑除夕

在京寓作

殘年風軟雪初晴梅老經寒自向榮萬國曆頒天子朔六街鼓報太平聲京師婦女能極太平鼓舊歡如歲拋除夜客況隨春轉上京莫怨燕雲隔鄉縣八千里外更孤征

久客都下艱於乞米常啜麥餅菜羹作以自嘲

用盧

陵贈梅聖俞韻

一枝落莫寄淮西再向金臺跡久羈黃塵黯黯吹面黑東華曉暮交輪蹄香車寶馬常塞路五陵佳氣凌雲霓道逢前驅遭叱叱疲驢無地容長嘶經旬堅臥畏一出短衾縮脚夢迷離夜響窓櫺撲春雪忽積街頭盈尺泥宮燭侯鯖兩寂寞朱門欲叩無階梯且破封塵開舊卷

暗室倏照雙文屏更值春光回窮谷東風送暖到卑栖自酌瓦樽供軟飽俗以餅為軟飽隣牆鼎鼎又啼雞長安久居良不易人謂樂天云長安米貴居大不易朝廚玉視太倉穉僧父克腸厭秬稻自炊薄餅水玻璃近以西洋新製水玻璃為貴雜進盤羹間豆粥鄉味豈因旅食睽曉起呼童過隣園葱針菜甲櫛春畦老饕豈不嗜魚肉垂涎入市愁排擠寧杜板扉束枵腹膏粱不願輕招攜更思糜祿非長策早辦躬耕雨一犁

庚寅元夜偕眾連宵出遊都市歸寓漫成

帝里陽和轉寒寒通宵車馬競遊觀市頭紅藥先春放京師元宵節有舊俗塵裏花燈照夜開歌吹偏宜牆外聽繁華不耐客中看獨留一片關山月京師元宵節有舊俗我孤惟好夢殘

懷助詩集卷四

十一

上金憲屠公

江漢台星迫朝陽曉日曛嘉謀協一德丰采動羣公隴右絃歌滿淮南驤義空龍文雙闕近鵬運五雲翀帝賚推鳴鳳民天慰澤鴻參苓歸廣幕吐握見高風共覩旌賢詔專資養聖功重熙清望屬九陞積誠通夾輔安周召聯情洽府宮何須焚諫草耿耿照宸楓

宋楊誠齋有眼到天南最盡頭之句余出守閩漳

感而成詩三首留別輦下羣公

眼到天南最盡頭孤征潘鬢感先秋夢中何處無雙闕海外居然有九州瘴雨蠻烟新入句書籤藥裏舊從遊長安棋局看難厭應向炎方玩蜃樓

眼到天南最盡頭，嶺雲橫隔故山秋。三湘夢遠峯迴雁，百越名輕海泛鷗。洗耳且供官長罵，治裝頻累老親愁。還餘春色隨征馬，萬里鶯花遣興幽。時仲兄領湖南郡

眼到天南最盡頭，此行合是典貂裘。炎風吹雨晴常少，海氣蒸人熱久留。吳越江山灘北望，幽并霜雪髮中求。七千里外鴻魚杳，接得家書歲又週。

送友人胡希山路過安南歸時有村優侑觴

荒城送客草淒淒，南浦驚心遠樹低。明月今宵鄉夢少，春風前路柳烟迷。落花飛絮人千里，曲岸長亭鶯亂啼。此去驪歌休疊奏，離筵魂斷有烏栖。

暮春南村觀社感舊

懷彭詩集卷四

圭

青原垂髮記從遊，紅雨清樽點綠疇。陶令園亭皆蔓草，先租別墅先租別墅平津賓客久荒丘。三十年前道靈旗入廟風常滿社鼓催春麥又秋，十載黃塵吹鬢短。還家江總愧烏頭，題美人以落花砌成情字被風吹去。

欄前堦下拾殘春，容易芳心墮軟塵。不分三生偏在我，無端一字最撩人。青蘋起處魂應斷，紅雨飛時跡已陳。獨有閒愁吹未去，斜陽背立泣香茵。

馬陵道口占

戰壘千秋沙草平，更無戈戟碍春耕。荒城夜半喧雷雨，好認當年萬弩聲。

書見

連日舟中以溫李詩示兒輩，因戲為西麓體非絕語也。

泗水清流五雨柔，綺疎深碧見星眸。鳳來乍喜蕭蕭咽，雲去空驚楚夢悠。蓮渚一泓開鏡影，梅粧半面鎖簾鉤。蕭郎不識橫塘路，未許停船問莫愁。

聞歌興感卽席漫成

雲英重見記依稀，莫唱開元事總非。吳苑歌殘暑雨歇，梁園客散賞心違。浮名應謝白駒影，過夢還驚蒼狗衣。扇底秦青憐好在，花時春燕久高飛。

姑蘇懷古 四首

泰伯城荒樹早秋，令威宅廢井空留。梅尋鄧尉山南路，泉品真娘墓上頭。雪浪高人曾臥聽，花洲少婦競春遊。獨憐白紵吳趨好，楚婉齊娥俱莫愁。

懷彭詩集卷四

圭

寒山寺遠夜鐘疎，潮長淞江吊子胥。齊女墳頭烟翠積，吳王宮址劫灰餘。鴻飛史闕金閨字，吳王宮址劫灰餘鴻飛史闕金閨字名鶴舞人傳越絕。書雨後湖光轉浩蕩，三高祠下獨躊躇。名鶴舞人傳越絕書雨後湖光轉浩蕩三高祠下獨躊躇

館娃宮鎖翠微寒，響屧無聲到講壇。走狗洲長春草淺，採香徑僻野雲寬。州犁有後能脩怨，鄭旦無名巧避彈。自昔英雄論成敗，誰忘得喪竟齊觀。

魚腸一奮足爲雄，何用三千入秘宮。金虎早招秦輦至，錦帆竟與越溪通。生公石古歌常滿，短簿祠荒月可中。日暮維舟登塔望，海天無際晚霞紅。

清湖放生崖登眺

片帆西溯越江分
崖枕清溪迥未羣
跨澗危樓石欲墮
含風老樹雨常聞
舟維萬里灘頭客
眼亂千重嶺上雲
華髮烟波仍浩蕩
東南留滯愧明君

懷舫詩集卷四

十四

懷舫詩集卷之五

仙霞嶺

千峯萬峯煉石積
扶輿何年宣奇秘
地圻東南大力撐
天遣巨靈伸一臂
初起三山特秀拔
苔蘚不受風雨刷
旋如摺笏上朝天
入嶺回頭望愁殺
江郎三石入嶺南
來回望却成一片
從此樞衣扶杖去
細路千盤迂折處
流泉夾道斷續鳴
好爲俗客消塵慮
郵亭遠近接僧家
佛火常烹嶺後茶
碧竹蒼松寒白日
丹巖翠嶂落閒花
歸雲嵐霧屯峽口
峽中不辨風虎吼
捫蘿跨木橫晴霞
更欲登天揭星斗
嶺半石碣上勒
登天然峯頂削成勢
突兀箭筈通天開
瑤闕俯瞰懸崖支
惟石猛達梯航青
山半壁分閩越
嶺半乃新開交界

懷舫詩集卷五

十一

獸奇鬼驚旅魄禍
亂削平三十年至今
陰壑夜燐碧嶂
峯南下愈幽杳
兒孫羅列羣山小
紅葉嶺前起一峯
仙閣雲外標華表
霞嶺之南有楓嶺再
南惟五顯嶺最高
三楹古殿柏森森
五丈靈旗風浩浩
廟前再過定何年
客顏那似山容好
憑高連日倦偃僂
嶢嶢經來魂乍收
陂轉岡平得坦道
烟霞回首正悠悠
籃輿日午住浦城
煮笋燒松慰友生
身爲萬里南中吏
不敢逢人話不平

嶺路口占四律

山聳千重翠溪流
百道清深林透佛
火斷澗隔鐘聲露
草迴風細晴雲貼
履輕蘊叢在世路
此嶺覺寬平
竹色侵崖古松濤
亂澗泉路迴千曲
水亭枕一溪烟峯

際瞻香海峽中隱洞天客情何怨訴欲倩鳥聲傳
細磴穿雲直高泉引竹深艱虞思坦道潦倒倦名心疊
嶂青天瑣荒林午日沈烟霞孤癖在策杖事幽尋

蒼壁雄關闢紅塵貢荔鮮時平思帝力宦遠憶親年
北望三卷石南通一握天舉頭雲漢近去國莫潸然

有御書題額

長竿行

長竿長竿削如刀篙師持此狎怒濤指揮撥亂反之正
濟物出險不言勞操舟放灘嘆逝水日下江河無所底
建瓴千里挽奔流灘頭橫插亂石壘亂石嵯岬浪如雪
一竿縱橫力似鐵惟底風雷日夕殷等閒攪動蛟龍穴

懷粉詩集卷五

二

艤舟策勳酌師酒其濟君靈吾何有中林自昔稱野人
公侯干城皆赴赴

灘河舟行

處險不足憂出險不足喜君子果其行上下復有水雙
槳順流落兩岸揮雲起奔濤注峻灘駭疾不可視灘深
伏鼉鼉灘淺露虎兕灘頭雷車過灘下龍祭止輕舟駕
怒浪盤桓亂石裏旋轉類迴風傾注如舍矢我心堅匪
石撼彼中流砥在豫戒終日客行未遠已誰能賦四牡
吾爲一拊髀

夜雨曉成

抵漳後惠唐初愈

秋雨淋零入夜深涼飈孤榻漏沈沈古來嶺外多遷客

此夕床頭非越吟萬里蕭條無塞雁一枝輾轉託幽禽
獨憐臥病同長孺衙鼓朝喧尚擁衾

龍江村舍

望塵僕僕已連朝暫憩山家夢鹿蕉疎竹揷籬侵野色
秋花杜戶隔煩囂年華陸海供彈指雞黍田翁慰折腰
溪口暮霞休盡斂客來好認武陵桃

暮行雲霄驛

斷嶺侵嵐濕流泉印月清青圍山縣小紫映海霞平何
處殘鐘起誰家墓道耕孤烟留古戍聖代久銷兵

過不孝嶺口占

宋鄉計路八千多七十慈親髮半皤不孝嶺高仍遠去

懷粉詩集卷五

三

未知遊子意如何

分水關

關在粵東潮陽接壤以關爲限

刺水殘雲接短陴關分閩粵開雄奇山川畫界聯荒徼
市井當年燬亂離重嶺疊過家愈遠炎天垂盡路仍岐
道旁童叟勞迎迓對語斜陽兩未知

詔令高君怡聚賦長篇紀其風土余依韻成和而

意旨少別所謂詩以言志也

長橋橫野渡曲路繞城闌虎豹當關隘魚龍雜海濱潮
來如有約風起似無垠邑少歌絃士村多佩犢民伏戎
興近郭按劍在周親室或憂懸罄功誰策徒薪炎州天
不開東服日爲賓鮭莠屢常積寒暄歲未勻殊方需藥

餌薄俗願陶甄雲散留林影霜輕結草茵秋生一夜雨
花綻四時春鳥鳴烽火息公侯甲第新建牙曾躍馬鳴
鏑曳紳水旱豐年之梓航貢使煩一官羞皂蓋萬里
終身家萬畝羣謀困饒自託身羊腸頗跋履歎舌費
諮詢和荔香常摘鼓鹽味漸馴北山移暫緩終肯負垂
綸

陰雨早渡雲霄驛河

夜渡蠻溪炬火明連山寒雨更宵征城頭霧重清笳咽
銷脚泥深倦馬鳴百戰殘黎餘悍俗十年拙宦負勞生
孤烟發處何朝寺欲試名香叩定僧

重九簡齊友

懷詩集卷五

四

南州瑟瑟見涼風不為吏方阻歲功菊放秋懷三徑遠
桐垂清響一階空紅塵白髮交頭上丹荔黃柑戀海東
眼底鄉思空曆亂登高分與故人同

梅村有天涯歌舞惜流年句即席賦呈座客

天涯歌舞惜流年對酒張燈歲又殘扇底秦青憐翠袖
鄉關庾信老鮪絃詩成官閣梅花下魂斷新聲瘴海邊
最是月明回首處舊遊一夢隔山川

同安嶺路中早行偶成

輕雲漠漠草芊芊紫骨消磨老一肩空對山川幸快賞
難從道路檢華年嶺梅似雪飄林外海月如霜侵水邊
宣武門西寒夜半記曾沈醉紫簫前

時在都

宿船廠

逶迤陂塘接遠蕪豪吟滄海壯懷辜悠悠魚笛隨泉咽
淡淡荒烟和月鋪自貢越裳來翡翠久標銅柱竄鼉
灣腰樹枕空江老沾灑樓船血未枯

灣腰樹地名舊戰場

庚寅除夕漳南郡署

南溟萬里遠分符日對文身陋魯儒海國春風來浩蕩
郡庭花氣入屠蘇雞聲又逐華年改鄉思還同寒漏徂
一首詩成更一歲浮生博得幾操觚

辛卯初春舟泊海昌微雨

澤國春風上布帆稽天放眼遠峯嵌空濛蜃海雲堪凭
飄渺神山翠可剗池在南溟思釣艇日依西廓候征衫

懷詩集卷五

五

雨敲船背寒侵夜記約誅茅大茂巖

太行一峯大茂巖恒山郡西南

元夜瀨溪舟次

是夜

契濶山溪月飄零海甸春石橋沽酒肆沙岸看燈人翠
羽簪螢女漁歌脩水神殊方有樂土羨爾葛天民

三山道上有懷清漳詹義士

羣山闕處海光浮島嶼烟霞一縱眸憶自會盟通上國
曾聞疆理命西周魯儒久絀章縫用漢使還虛東帛求
愧我檀車徒況瘁每懷高士老南州

烏龍江

福州南五十二里

遊踪歲老久孤迢又向南荒訊汐潮細雨村邊春水軟
橫山峽外海風驕巫占雞骨從蠻俗野集鴻鳴感聖

朝欲就江干隱津吏長年對客說滔滔

卽席贈子敬家兄

良夜恰當歌春風海甸多華燈照驛館好月上藤蘿昆
季天涯聚鄉關夢境詭莫辭旨酒醉歸路湛恩波

紙鳶

扶搖鎮日尚留斯結想浮雲一線羈手內徒然工反覆
塵中無自辨雄雌粉榆時作遠千里林苑昏栖少一枝
若到九霄逢白鳳羽毛乞得好來儀

登道山謁忠貞公祠

川公集申武
與曲原讀

於戲元臣盡瘁兮帝悼哀明裡肇祀兮道山開高峯峻
極兮流泉萬古正氣凌霄兮碧燐成冢青史幾行標亮

懷謝詩集卷五

六

節赤城三載盡寒灰

公集中賜序公書有持
履盡沙竟成重壁之句

昔年瘴霧塞清晨
蛇豕當塗肆毒頻蚩尤躑躅折天柱至今五色燦卿雲

一朝嶺海喧鼙鼓三苗旋踵格干舞仗公抗志保東南

生民重慶堯天覩黃金鑄像玉栽林畫棟雕楹集翠禽

儼有英風吹殿壁靈旗浩浩展丹心三立如公真不死

百傳燕翼綿孫子朱輪畫戟滿侯門綏福自天保定爾

義自取兮仁獨當天為慘淡日昏黃

公遇難之日
天日慘黯

列祖鑒

觀通帝載豈徒化蝶夢飛揚

公因阮時常夢在
右又有蝴蝶飛落公眉睫間

於戲

百拜公祠兮恍覩公面開風興起兮頑懦利見睢陽身

殉兮子卿未歸常山舌厲兮侍中血濺天何意兮降岳

真竟使稷契夔皋兮夷齊成隣持蘆截炭兮輝煌棟宇

嘯歌怒罵兮流芬齒齟游魂淨盡兮天戈加威儀重見

兮父老譁人謂角生洪皓返誰知星殞武侯嗟

逆客公在
被執後

道山祠前朝暮風河山如舊慰孤忠甘為鼎鑊全家燼

博得車書萬國同人生自負誰無死不負所學端視此

平原當日不知名公久簡在聖天子聞公保釐如保嬰

當陸疾呼賦役輕每過湖山逢野老白頭垂涕頌名卿

公撫浙時大著惠
政浙人至今不忘

古來忠孝經荼苦天挺象賢能繩武帝命

繼美振前徽不止明廷哀職補莊誦豐碑嘆復歔徘徊

階陟步次且千秋俎豆昭祠廟奕葉貂蟬擁賜書

御書推
忠碑文

天虹夜深還照長山雪萬里迤西賦招魂酌酒奠公公

耳熱武彝歌罷泣鬼神松聲泉韻相鳴咽嗚呼形在先

人肅之門墻兮附於諸孫

公入公順治三年丙戌
進士文肅公為座主

伏讀畫壁遺

稿兮不禁襟袖沾灑於涕痕憶當時潮陽之應亂兮臣

家亦有死事之郡守吁嗟乎天荒地老兮或追隨憲府

之忠魂

公叔祖名機祥康熙十五年
守潮州死於劉進忠之難

敢謂大義能共篤聊報師

思報國恩

和吸江樓八詠

延津城樓也著
守張澹村倡題

劍潭倒影落層樓憶昔風帆迅未收奉使張騫多寄興

思鄉王粲探幽山川盡入登高賦暑雨難留下瀨舟

誰復題詩和沈約願舒清嘯散林丘

溪迴岸轉萬峯開潮擁孤城向暮回無計暫維遊子棹

懷謝詩集卷五

七

那堪更上望鄉臺愁隨幾片蒼雲起眼碍千重遠樹栽
深恠樓前千尺水忍拋客淚却南來

翠微耽坐碧窓虛肯讓驚人句不如滿泛多情河朔酒
半生得意滿橋驢還來明月擎盃問賦就新詩掃壁書
絕少飛塵汗扇影使君心共白雲舒

簷角荒烟接古空豪潮入碧痕生露粘竹嶼幽禽集
鐘透松關野鶴迎風雨飄搖孤客夢寒暄旦暮世人情
溪雲變態看何極老大徒慚事不更

蒼茫海外九州寬百尺憑虛一瞬看斜繞銀河來潑沆
遙連玉宇得高寒還家自愧梁江總作吏人傳晉建安
送殊方春又去盃中有物且追歡

懷詩集卷五

八

翰君飽看嶺南山老我玄文羨抱關避世安辭千日醉
當春却送幾人還滔滔陸海深仍屬僕僕曠輪古未閒
聞說九峰丹竈在願遺大藥駐朱顏

九峰山在延平府治正南有仙人壺洞仍存

百越巖疆開武皇南遊成序感炎涼有梅開去隨殘菊
無雁飛來叫早霜鴛鴦紅塵時入貢三冬紫電夜浮光
風流更得逢迎處張緒才名滿樂浪

昔騰春盡夢無他雲罨烟籠子舍過花裏青鞵常載酒
燈前白雪偶當歌獨憐留滯南遷客共嘆年華東逝波
鈴閣早烏揮吏散醉來山簡咲顏酡

西郊
榕城

雨過山環蒼玉屏出郊人白畫中行水田漠漠秧針細

溪畔移移柳線輕花蕩青帘客醉村間黃犢想躬耕
裏糧欲訪雲深處筇杖芒鞋老此生

洪山驛亭送客

近郭羣山曉翠浮方塘隨意有閒鷗苑邊已嘆磷磷塚
江上還憐泛泛舟誰肯當春常載酒我因送客一澆愁
憑欄莫寄思鄉淚灘水曾無向北流

自述近事

夢驚京華近絕聞南中風物漸能分半兼寒暖仍春候
忽起峯巒是夏雲墟客筇與攬綠樹蠻粧櫓髻映朱旂
珠音異服看來慣難對長安冠蓋羣

返漳郡再渡烏龍江

懷詩集卷五

九

又向江津買渡船故鄉極北却南還來時梅藥香初放
歸路榴花艷欲然鐘鼎勲名渾夢夢風塵行役竟年年
家山記得逢初夏茂樹移床日醉眠

瀨溪道次

嶺路榕陰合溪田野水平橋橫江口渡日上海邊城俗
失文身古官仍棄屣輕寫愁殊未盡人道有詩名

歸署途次漫興

石麓松高簇僧龕竹細圍山樵綠木上野鷺雜雲飛耳
熱侏離語風連絺綌衣畫梁棲燕語歸與舊期違

過墓

頭銜滿碑版今古彼名恩緩死無丹藥勞生悵白駒漆

燈照兔窟野燒鼠山驅燒鶴何年返應為世網驅

洛陽橋

久客方知天有涯東南行盡見丹霞三公子愧五湖長
語出萬里人看四季花瘴雨過時山黯淡鷓鴣啼處樹
和元槎枒獨憐童僕他鄉慣却指漳城說到家

洛陽橋

玉龍蜿蜒接滄茫閱盡塵踪曉暮忙浩蕩西來憑砥柱
婆娑東望碍扶桑寰中碑版傳神物碑文能祠內笙歌走
香橋號萬安家萬里倚欄老個不思鄉

漳平道上行

山雨淙淙急溪河汨汨流烟籠村舍遠雲壓亂峰稠虎

懷詩集卷五

十

過長林靜虹垂曲澗幽上方何處寺扶杖晚鐘投

宿靖邑吳氏園亭主人未遇

池亭雨歇散蒼烟郭外晴山望蔚然高樹有蟬吟客夢
野花無主對誰妍重來看竹尋題句仍約沽樽破杖錢
莫更白雲深處去黃塵烏帽愧留連

夜泊高磔溪

十年雙眼黯緇塵澤國扁舟拙宦人海月照船將半夜
燕雲隔夢已前春水邊萍葉風何定笛裏梅花鬢總銀
獨恠烟波終浩渺蠻溪屢渡尚迷津

辛卯夏五澄令韓君邀同范六司馬會飲海宴樓

太平既久年豐時和寮案譙集雅歌誌喜

扶桑宵半海光浮城郭風烟接渚洲徐福僊山多歲月
漢家銅柱久懷柔九天雨露瞻皇極萬里蛟龍護貢舟
巷舞衢歌歡未厭好邀冠蓋醉樓頭

筵上霓裳海上城歌殘檻外暗潮生江州白傅琵琶語
花縣菁莪絃誦聲四牡王臣天保定八荒禹甸賦均平
仲宣當日風塵際應惜登高擅賦名

秋日藩伯邀請雨憲驗幣射飲恭紀十韻

護龍尊夾輔禮樂肅班寮碧海無黃屋彤弓出絳霄持
籌知國裕藏富喜民饒樽俎塵氛靖歌絃雅化昭已看
調玉燭莫厭醉金貂揖讓羣觀德威儀峻建標高峯迎
旭日神技射寒潮心醉惟醇酒詩陳盡美謠三台輝鸞

懷詩集卷五

十一

驚一郡託鵲鶴星聚應孚卜躔光接斗杓

尚書嶺路過秋闈歸士

高嶺遠迂盤千峰翠可餐尚書何代老行路古來難石
磴侵雲滑幽花帶雨寒青衫白首客強半悞儒冠
重陽憶雨先兄

白髮毵毵對鏡生離魂黯黯入秋驚清晨遠岫浮嵐色
靜夜幽窓落葉聲萬里飄零嶺外吏滿城風雨客中情
登高愁見茱萸揷望絕霜天雁影橫

漳南九日虎磴登高得吟字賦呈雅集諸公

樞衣高嶽入雲深舒嘯幽巖動遠音萬樹風松傳古韻
兩開霜菊寄鄉心煙霞舊侶能招隱秔稻新原愧作霖

自笑縑塵常障面經年攜酒一登臨

杯啣斜照坐松陰句刻蒼苔拂石岑變態浮雲爭放眼

長風陸海獨開襟馬鄭詞賦無人敵燕趙雲山有夢尋

但咏新詩魂已斷不須絲竹帶商音

是日無音樂

漠漠天垂塞雁沈茫茫秋盡海雲深風霜初識枕椰樹

搖落時爲梁甫吟虎帶月歸僧有伴客題詩去竹無心

倦飛久羨將雛鳥終日栖遲在茂林

是日攜敏兒兩兒從遊

杖履東山歲月沈那堪白首一追尋當時令節登高會

此日殊方遊子心往事說來愁座客閒情鍾處託雲林

弟昆賓從知誰在三十年華異古今

隨先祖國乙丑年登高賓主十人惟形一人在耳

虎磴登高歌贈友人

懷軒詩集卷五

十三

松喬喬石磽嶢南荒九月風蕭蕭兩年疾走四萬里歸

時妻子腹仍枵十載身依大梁住賣漿屠狗今寥寥久

無車魚不彈缺羞見五侯七貴驕佳辰賓從出南郭筍

與高昇上層霄下視塵飛平野濶朱纓紫馬氣騰鬐髀

肉久生豪未減郎當雙袖晚風飄九萬奮騰嗟老大憑

欄四顧晴光搖更有古狂貪杯竿清愁何物酒能澆狂

呼痛飲蠶叢路乘高履險足陵翹林杪夕陽下暮嶺拚

人同醉語嘵嘵斗酒安足辭百篇安足題虬髯如雪望

滄海悲歌慷慨低雲霓

辛卯生日

流光黯黯嘆嬰塵瘴海飄零值誕辰官閣梅花今燦爛

天涯雁序久沈淪望雲夢逼青山舊對酒燈搖白髮新

立春後一日小憩僧舍壁有長公憶西湖詩

何來清夢到圓蒲歲晚銜齋一事無郭外寒山殘臘盡

街頭小雨早春初禪關雲掩鐘常度深院梅開鳥自呼

留得新詩僧壁上應同鶴影印西湖

辛卯除夕

寒雨瀟瀟竹影斜風燈閃閃在天涯郡齋已過兩除夜

殘臘還開百種花家遠妻常坐米桶學荒子任改銀車

半生塵夢何堪憶但有新詩紀歲華

懷軒詩集卷五

十三

懷舫詩集卷之六

鏡中花

素壁開奩水一泓高堂照影越盈盈欄杆月到光堪摘
簾幙風來態自生常倩冰壺濯艷魄偶搔華髮對紅英
還餘老大雙青眼霧裏看花覺更明

寄遇安駱友

三春嶺海慰飄零花鳥常供醉眼青歌管夜闌雲尚駐
書聲曉徹鶴仍聽半生學道甘藏器萬里加年喜治經
時值五月初度莫訝城頭霞盡赤官齋知有少微星

夏日漳南山行

石路迂長覆火雲沙塵汗雨帶殘曛嶺頭柴蕪天高微

懷舫詩集卷六

一

留底星搖水細分自宦炎州依夏日漸工蠻語稱參軍
山村夜宿兼三畏瘴霧蚊雷虎結羣

過泉州晚宿洛陽

城頭蒼翠卷斜陽路逐清渠傍女牆幾曲溪田通灌溉
誰家墓道散牛羊山光泉韻無時盡赤日黃塵底事忙
薄晚長橋徙倚處海潮浩浩月荒荒

常思嶺

嶺頭客過動長思心緒仍逢搖落時颯颯疎林多木下
蕭蕭蒼翼有霜吹關山迢遞親年老歲月飄零歸計遲
望裏浮雲還萬疊此情那遣雁鴻知

遊鼓山途次口占

淡雲疎雨已清秋偶訪招提象外遊深羨好山新入眼
不堪塵市更回頭勞肩久擬僧龕憩殘暑先從上界收
誰聞烟嵐傳客到長林幽鳥語如郵
路繞漁村野水通蹊田細點稻花風長吟獨往秋山裏
逸興先飛城郭東半嶺江流浮漾沆上方日影散空濛
投筇且倚石亭望可有南來一塞鴻

秋夜

軒開纖月入簾展夜涼侵露井梧陰密風簾燭影深吟
餘常隱几吏散一鳴琴庭樹何蕭瑟悠然萬里心
山翠秋經染鴉群晚自還竹荒初足雨月淡未消煙湖
海已垂老淹留復判年故人黃荊裏誰寄採芝篇

懷舫詩集卷六

二

河柱山樓外螢飛宵露中新苔上石檻風霧占花叢酒
半澆書蠹吟多託草蟲曉霞看斂盡秋思遍丹楓

壬辰九日虎砦邀魯觀察登高

幽懷塵外豁山迥得秋深時序殊方景蕭騷拙宦心披
雲迴石磴載酒入霜林何處鐘聲起悠悠度遠岑
古寺虛廊迥蒼屏一飽看短衣粘冷翠薄醉醒哀湍清
管雲中急黃花海上海上寒登臨思少壯誰爲繫雙丸
身角霜新肅蛟宮霧風收石泉留勝跡丘壑有嘉猷高
宴千峰擁豪吟百感投軒車歸路裏冉冉暮雲稠
烟水浩無際石梁近夕城津亭垂柳黯漁火照船明野
月隨人返秋山帶郭橫客魂淒斷處知有暗潮聲

雨夜

寒雨迎潮夜清樽度嶺人雲侵菊影濕露湛桂香新客
夢秋頻醒顏顏酒暫春那堪書幌外浙瀝響霜筠
幽禽常喚月蕙草自零風笛起隣樓迥愁深此夜中星
搖雙劍老壁閃一燈紅已悞行吟久仍然伴候蟲

自述

海隅秋再盡明時祿久叨那能無俗物直是有驚濤事
悟泥中爪廉爭井上螭惟當揮吏去容我一持螯
譙鼓知催老庭花解策忙乘軒不會戰東帶竟能狂漉
酒欵紗帽攤書滿印床新詩直長物應爲累歸裝

冬日曉行小營嶺

懷詩集卷六

三

寒山霧重失峻嶒誰捧霞端海日升嶺脚梅開疑是雪
澗邊鐘動忽逢僧霜風客路憐驅馬紅葉家山憶杖藤
潦倒炎州腸久熱故人那寄玉壺冰

贈俞閭選

外師

世上雙眸盡炯炯力辭康衢落陷穽君今白眼望青天
目中難着俗人影郎當破袖露靈龜響應直如鐘扣槌
曹勝長夜忽逢君暗室倏然星日炳久羞曲學罵公孫
講易談元皆骨鯁饑時抱膝漫成歌聲出金石四壁靜
妻莫謫子莫啼我有二老魂無棲但得一杯子心盡墓
頭何必侈封題可憐劉季空天子昭陵無骨委沙泥窮
老炎方大事遂何妨眉睫起雲翳盲者其目神朗朗世

事端賴發醢難莊生迂性說齊物豈知物性本不齊君
不見世間明察秋毫客却問先生路指迷

題周觀察像

策蹇隨驛奴
攜一杖

君昔馳驅萬里流沙道衣馬翩跹正年少君今海外歸
來尚黑頭遊踪遠與伏波較平生有眼小扶輿忽來海
岸騎青驢炎歊何處覓冰雪一枝瘦影夢蘧蘧美人乎
高士乎隨予去問酒家胡男兒名姓已題御屏側何妨
軒冕走泥塗他日事了拂衣來海上應於十洲三島置
此圖

再過烏龍江

帆懸野岸橫江濶日射羣峯隱翠深來去頻招舟子笑

懷詩集卷六

四

風濤時繫老親心新接家書言母
注念海濱險惡貧無長物詩還在病帶
餘醒藥易尋時病猶
未大愈賴有春光迎倦客已爲點綴遍梅林

長至後歸途自嘲

密樹藏山館孤亭帶夕陽橘垂霜葉赤草綴野雲黃歲
晚蓬仍轉葭吹日又長獨憐留滯客頭白在南荒
路久遠遂走魂徐黯黯招有魚垂直釣無米折空腰我
欲師齊贅誰能殺鄭僑敢懷鴻鵠志暫許託鵝鷄

興化城南多古墓感題華表上

碑橫墓道殘雲夕草接荒原野燒枯白骨何年封馬鬣
青山有恨悞羊奴空餘過客憑興嘆忽聽寒鴉坐樹呼
千古興衰曾一瞬多時佳氣五陵無

東嶺山行遇同安朱明府時以養親請去感而成
詩

風裏寒山晚雲中冷翠昏幾株紅葉樹一簇白茅村倦
馬嘶長嶺殘陽下戍墩相逢彭澤宰清嘯憶蘇門

萬松關

霜月臨關迥松風度嶺長雲來連鷺島潮落見漁莊漢
使高銅柱堯仁被越裳誰知設險外別有壯金湯

重憩山家

殘歲仍塵馬荒村又午雞亂峯浮海上細路繞林西野
老訂前約茆齋識舊題素餐真自愧寧敢怨卑棲

壬辰除日郊迎撫軍口占

懷詩集卷六

五

炎州次第賞花頻開到梅殘歲又新冷淡雲山存臘意

蕭疎松竹似陳人行行出郭當除日僕僕經年祇望塵

早辦知非今夕好不應久待七番春

余去伯玉知非
年尚早七載

癸巳新正見月

萬緣過眼幻非真香海浮生著點塵蓬島難求仙去藥
風濤易老宦遊身青山亂寫歸時趣白髮重逢嶺外春

今夜梅窗新月到古來惟爾跡無陳

梨花白燕

冷節花飛軟雪多烏衣舊影已全訛尚書樓裏粧應淡
弟子園中髮久皤掠盡寒香投夢好啣殘土樹送春過
素心人遠誰同賞風急雲深奈爾何

賦得出郭溪山好

胡友惟度集字五律
首句也余愛而和之

出郭溪山好新原烟柳低羣峯連海澗春水拍簷齊雪
捲潮初落雲平麥正棲人家連遠浦又在夕陽西
出郭溪山好村樓烟霧中間窓新爽入繞逕暗潮通疊
嶂深含翠孤帆晚趁風漁梁維纜處恰與畫圖同

春分同諸友福河夜遊

萬里南來海之角客魂久逐危灘落踣躑官齋倏四春
案上簿書日束縛車音馬影望天際出門一興如龍鵠
今年春到好風景新水滿溪通城郭邀賓載酒上漁船
胸中有物忽如拓羣山拱揖翠重重海氣空濛天漠漠
村舍雲連新綠深客帆背日晚風弱舟中賓從意俱適

懷詩集卷六

六

各營韻事雜雅謔或垂直釣握綸竿或爲泥飲羅杯杓
或歌吳趨笛娘娘或激秦聲孟格格主人倚檻久拈鬚
新詩自唱無酬酢潮來風急浪白頭晚峰殘照霞青絡
鐘動林昏鴉亂飛大明岸遠船爭泊我獨撥棹入滄茫
揮杯海窟氷蟾促東方月出大如盤霧瑣烟霾玉在璞
洞簫吹徹夜如年瀾漫天水何寥廓洗我盞更君酌嘆
息古人那可作江山轉瞬不復識後之視今應如昨他
年回憶此夕遊略同赤髯少一鵲

馬坪道中

新水秋分冷節前酒家花落野塘邊鷓鴣啼處溪雲起
楊柳歌時山雨綿慣識吟鞭惟老馬忽醒塵夢有寒泉

隴頭驅犢何由得負盡躬耕一笠烟

雨中漫興

一春花信雨中沈粉褪香零別怨深飛絮有情縈夢蝶
落紅無賴惜鳴禽爐煙余潤寒初減枕亂簷聲夜不禁
獨喜郊原新水足山農簑笠滿中林

四月初八日壽遇安駱友

詩人

四月八日君誕世西方之人指天地君生中華學鄒魯
名偶同兮行則異耽詩嗜酒備頑福子慧妻賢乏俗事
北闕風雲更扶搖南荒花月聊遊戲三年海上富奇文
萬卷胸中核精義立身不愧聖人徒何妨仙其品而佛
其詩

懷彭詩集卷六

七

楊柳風

河橋翠浪拂新曦雲影烟絲唱渭城
節舍幾株搖酒幔
畫樓一匝送鶯聲離魂曲裏誰招得舞袖歌前倩染成
最是斜陽池水畔長條委地不勝情

梧桐月

新苔滿砌觀輕陰花運清宵滴翠深
金井露凝蟬悄悄
玉鉤雲淡夜沈沈枝頭團扇搖千葉欄外匡牀置一琴
吹笛已驚孤客夢還憐繞樹未栖禽

芭蕉雨

綠窻幽怨入秋多翠袖啼痕夢易訛
孤枕淒其如漏滴
空階斷續與蛩和聲敲院落隨寒杵響到池塘亂敗荷

獨惜舊題淋洗盡芳心欲展奈愁何

梅花雪

幾堆香玉捲簾春此車平章讓野人嫩蘂凍含偏綽約
老枝僵直倚蒼苔
萬一花神發夢到三城髮似銀
可喜山翁成獨往溪邊林外好垂綸

數月間鬚髮蒼然酌酒自慰

酌酒澆鬚髮應貽明鏡羞青絲行改色紅燭漫追遊江
總還家晚安仁入鬢秋那禁常送客無奈偶登樓親舍
雲遮眼梁園雪滿頭梨蕊晴壓帽霜月夜垂鈎顧影人
將老彈冠夢好收千年逸鶴頂可有二毛稠

村舍見梁燕哺雛有感

懷彭詩集卷六

八

社燕巢梁護衆雛飛啣如織口呱呱短簷斜掠茆粘翅
敗箔低穿日炙膚何事舐兒師老特可能反哺類慈烏
方塘是處烟波足似爾勞勞愧野鳬

水潮口登舟晚行憶京師

悠然雙槳劃滄溟浦遠烟深露欲零拍岸小波層湧月
隨灣茂草亂粘螢魚歸火照潮初落山晚鐘疎寺未扁
神武門前赤日裏有誰相憶到沙汀

籠雀爲兒童所飼日久放去不飛招之復至感此

有作

小鳥榆陰惜翠衣朱樊忽自踏危機無多飲啄何堪戀
若許雲天不肯飛有客開籠憐戢羽憑誰援手慰調餓

相呼誤說依人好，矧繳如蓬趁早歸。

六月晦日雨中述懷

好雨催殘暑，飄蕭入夜聞。秋聲在竹樹，民事慰霓雲。農
圃懷初愜，涼暄歲又分。客心淒惻處，一讀北山文。
吏散空庭寂，襟披烈日消。無才吟蟋蟀，有興寫芭蕉。物
候驚秋早，炎歊去國遙。海雲棲樹杪，鎮日聽蕭蕭。
草色籠烟淺，蛙聲傍晚多。盆蘭披細葉，檻竹挺脩柯。搖
落關情緒，滄茫想笠簑。涼颼到枕簟，歸路夢常訛。
契濶憐妻子，凋零哭弟兄。毘一身留海外，萬里望君門。化
俗心何補，圖歸腹自捫。忍教垂白母，扶病撫曾孫。
入湧泉寺和標園先生韻

懷詩集卷六

九

滾滾塵嬰快賞稀，新秋蠟屐扣雲扉。江明斷岫兼天湧，
花落空巖挾雨飛。到寺即大雨山色年年投客夢，鐘聲夜夜到

漁磯。應邀泉石留軒冕，何事遊蹤久未歸。山有石歸石

佛閣橫霞作斷文，秋光澹宕已三分。孤幢影照松間月，
清梵風飄海上雲。鈴語自消涼夜永，禪關不掩旅思紛。
芒屨竹笠何年事，願領經聲證所聞。

秋日新室偶成賦以誌懷用少陵寒雨朝行視園

樹韻

碧梧紫竹擁高株，秋色侵簾得入無。小院疎砧敲雨歇，
新涼深坐趁懷舒。綠雲風颭農村遍，清露蟲鳴物候殊。
棋子聲和桐葉落，芰荷香迸酒腸枯。窺窓纖月烟常織，

到夢驚清魂未蘇。何處漁溪忘晉魏，比來湖海戀唐虞。
移床石檻紅簟撥，行藥花籬翠袖扶。秉燭題詩原漫興，
浮生強半惜東隅。

中秋歌宴竟夜燈明月皎賦以誌盛

歌繞花臺迥燈懸，碧宇寒垂簷。雲似殼隱樹，月如盤。歲
序他鄉感琴樽，此夜歡空庭。橫細藻纖指瀉幽灘，衣露
蟾光墮。天香桂影蟠，槎聞浮海上。河恍挂樓端，高座偕
康樂。清芬襲蕙蘭，虛名詩是累。塵跡祿仍干，秋判涼颼
早。時平厚澤寬，蕭疎容傲吏。落拓側賢冠，萬里懷昂激。
層霄戢羽翰，扁舟搖皓魄。渾欲老漁竿。

獨酌

懷詩集卷六

十

華髮先秋歲月催，青山負約且啣盃。一燈靜對人如夢，
萬事澄觀心欲灰。盛業終同浮海霧，虛名空付過雲雷。
醉鄉娛老真長策，千日沉酣恨早回。

漳南十景

圓嶠來青

高城深隱霧冥冥，閉挹山光到訟庭。隔斷晴嵐塵自遠，
撲來冷翠醉還醒。迢迢入夢沈鈴閣，荏苒隨雲過野汀。
獨訝憑欄新雨後，誰為點染佛頭青。

西浦明霞

飄零遠浦照殘霞，漠漠烟低護淺沙。風起亂沈溪水急，
林疎半暝夕陽斜。幾層斷處聯孤鷺，千片飛時逐暮鴉。

誤盡野樵歸路渺何人嶺上種桃花

鶴嶺晴烟

石磴楓林咽細泉山雲亂墜壓與肩人家樓閣松篁簇
古廟門垣橘柚懸白鶴數聲留曉月碧天無際足浮烟
嶺腰悽絕南征客一上高峯一竚延

虎渡春潮

渡口多年虎跡消雄風駭浪怒龍驕長虹靜影垂沈綠
萬派喧鳴注沃焦村路魚鹽通廢市蹊田斥鹵種煙苗
岸邊幾處荒殘久烽火云曾照汐潮

甘露神亭

扶筇獨往俯郊垌百仞嶙峋滿郡青浩蕩風烟來紫極

懷歸詩集卷六

七

萬千氣象接滄溟高山流水琴傳語明月吹笙鶴墮翎
立久野棠花落盡何心載酒過雲亭

南山秋色

溪橋霜曉水如藍帶郭諸峯影靜涵幾簇荒林懸夕照
多年廢塔隱深嵐涼風白柏秋思切紅葉黃花野興耽
欲約虎磴僧共老芒屨從此遍天南

龍江夜雨

荒江一卧老羈踪岸貼長雲入夜濃柔櫓不鳴眠野鷺
暗潮無語送寒鐘聲淒船背蕭蕭響愁重燈前黯黯容
莫倚篷窗彈短劍恐隨風雨化蛟龍

松關暮雪

侯王化盡剩崇墉古戍荒烟靖遠烽客過寒林常颯颯
雲連野島自重重梅村風月飛殘雪墓道牛羊踏亂松
嶺半遷人南去路歸來誰似舊時容

丹霞曉日

天盡東隅夜早關紅雲滄海接迴瀾神鰲背上撐三足
若木枝頭上半竿萬戶晴光來冉冉羣峰宿霧散漫漫
駐顏何處求仙藥留得傾陽一寸丹

寶峰飛翠

空庭吏散落花稀羨爾城頭注翠微暮嶺峻嶒垂日脚
蒼屏變黼綴雲衣崗巒顧祖兒孫擁溪水朝宗風氣歸
常倚危樓招秀色會隨靈鷲忽高飛

懷歸詩集卷六

七

懷舫詩集卷之七

同趙思皇舟行宿瀨溪

平橋曲岸晚烟稠
百折清溪送小舟
往事語君渾似夢
春風吹水碧於油
半竿落日雲層起
一簇孤村山四週
此夜猿啼徹處
可憐心緒共悠悠

所憶

多時無夢遣離魂
旅夜挑燈盡一樽
來往楓林開塞路
月明何處不黃昏
事然落拓似無情
且向春風冷處行
年少如卿應惜別
老來聚散識浮生

春日再過洛陽

懷舫詩集卷七

沙泥浩浩石磷磷
滄海曾聞起細塵
一去難回橋下水
頻來易老客中身
青生燒岸春經眼
花近粧樓燕惱人
陌上天桃開後謝
憑誰沽酒奠香茵

有寄

驅馳萬里炎州客
潦倒鄉思日正長
此際風花誰管領
昔年鞍馬幾門牆
雲留雁柱歌遲發
珠落檀槽酒倍香
記取南亭重握手
應憐負盡好時光

作吏

作吏十餘年
傾囊少俸錢
市頭淹酒債
館壁綴詩篇
夢憇黃茅下
花飛碧嶽邊
一肩吾欲老
轉覺負華顛

署中仰文樓成

用香山韻

郡建弘圖遠樓觀
舊制卑儘堪望雲
物不為貯妻兒高

曠心常逸虛明政
日施築基如積簣
伐木憶存皮北闕
恩無極南柯夢一
枝鄉思容伏枕春
眺省褰帷不謂民
來急應妨歸賦遲
後賢歌宴好或念
落成時

自述

宦拙時甘謝顏頰
鏡欲嫌有心皆是
妄無用却宜潛釋
鬱常開卷除塵日
下簾客稀樽自強
兒嬾課徐添祇許
為雌伏誰堪似蚓
廉菜根吾分嚼功
業願難厭

夏五漳署引優侑神值小恙感述

五夏炎威觸淹留
偶熱中余自夏夏漳漳已五夏夏常苦熱紫懷皆物役嗜

古竟誰雄病覺鄉
思切愁緣道力空
虛憲欬枕處聊自

懷舫詩集卷七

二

咏涼風

憶昔隨村叟郊原
薦麥新幽風本王
業溪水隔秦民婦
子嗟難慰兒童髮
早銀孤踪歌吹裡
渾忘客南閩

先嚴忌日偶成

憶別音容三十年
君親難報愧遑然
課兒不為書中粟
糜祿常惺心上天
蕭颯墳原生宿草
荒涼子舍隔蒼烟
頭髭瘴海成何事
早辦抽簪種墓田

雨後同龍溪江大尹遊憇南寺深賞余蒙城除夕

詩回憶已十年矣賦此答之

南原霽色散林皋
荒寺松風湧翠濤
碧沼栽蓮諸品淨
黃塵揮汗一肩勞
雨餘部屋憂初釋
心遠招提禪欲逃

愧詠十年前舊句蕭疎蒼髮不堪搔

送孟朴菴之任滇南

論交投分盡清流送客張筵倩早秋千里故人重握手
雙旌遠浦正凝眸碧雞祠下荒殘夢鐵鎖河邊憶往遊
愧我蘆葦思日切望君魚雁到滄洲

枯坐四首

枯坐殘燈動旅思百年將半竟何爲官情祇對秋蟲說
歸計先輸塞雁知燕盡田園難養母傳來書澤愧將兒
寒城戍鼓聲悲壯正是詩成自咏時

倦眼頻驚奕局新嘗來甘苦語何人郎當舞自招時哂
滿洒情難潤吏塵共指談諧非世法誰憐詞賦類先民

懷軒詩集卷七

三

忘機本爲生才拙藏拙容吾祇率真

子舍橫雲漫五年紅樓計日屢期愆菜根獨嚼知官味
飯顆相逢動友憐窺鏡依人惟白髮檢囊長物剩青氈
清宵且盡杯中酒今古浮生信偶然

途遇故人
訝余顛顛

老大疎慵悔屬侵慨慷不減少時心又傳有命名山在

無窮滄海深從古交情盟白水近來交道惜黃金
書劍飄零慣何必隨行定鶴琴

午秋遊瑞竹巖

秋水繞城秋雨歇日揖羣峰言契濶山靈黯黯似招遊
霧髻烟鬟晨夕列一舟雙槳趁寒潮雁宕魚汀歷百折
石梁繫纜遇山僧幽境聽傳屢咋舌勞生有癖痼烟霞

虛緣多障疎巖穴沿溪跨澗上松開萬樹風濤一時發

危磴盤迴拂亂雲清泉滴瀝融殘雪正訝峻嶒運鬼工

忽盤渾沌開幽窟怪石飛墮欲壓人仰視魂搖指暗齧

轉穿一竇透旭陽箭筈通天非險絕帽簷疑挂海霞來

肩頭嫌碍飛鳥越上方隱隱動鼓鐘古塔森森懸磬砣

登峰輕勿歎禪扉且望滄海觀溟渤晴光浩蕩水天杳

蓬瀛何處堪乘筏老衲啓關延客入古洞陰沉瘞佛骨

下有流泉引籥龍香厨活水烹薇蕨更上層巒得虛殿

罡風吹袖涼如鐵一聲孤磬落深潭千年龍睡如蟲蟄

再尋奇秘懸崖底谷口石床苔蘚潔但聞花草盡丹香

那得飛仙見山沒塵跡到此已忘年更欲攀躋筋力劣

懷軒詩集卷七

四

苦茗一杯香一爐壁句徐讀悵殘缺買得名山知付誰

翰墨有緣隨處結倦眸五見嶺海秋白汗赤輪空歲月

蒲團趺坐片時閒山腰斜日僧旋別俯睨平原起暮烟

又復攢眉歸城關

遊雲洞

清秋逸興足瘦馬忽鞍鞍崗巒數起伏選勝躋雲洞長

橋跨巖外澗壑注瀑凍蕭颯萬木森常聞風雨動寺門

迎緇衣錫杖前賢頌

山有朱文公祠
及題壁大小字

蒼崖問奇字芳規愧接

踵荒祠迥干仞雲霞滿梁棟獨隨野鶴上時有啼猿共

盤側望洞口幽黯如懸甕神禹不能鑿煉石留罅縫客

心震嶮巖僧維勞引控磋研花葉垂蠶叢虎豹縱片月

映寒潭惟明生虛空轉行盡窅奧漸出開霧霧高閣聳
層霄放眼快賓從嘯歌消萬慮逢迎得二仲揮絃應天
籟凡響悉禽弄窓間題短句峻壁待磨礱日昃不可留
嵐翠粘衣重連夕憶昨遊恍然隔仙夢

水口借宿小樓偶感

零收殘夢傍荒江雲嶺烟波總異鄉漁火照船霜似練
夜猿啼月鐵為腸偶來着榻詩懸壁早起開窓山滿房
聽徹灘聲愁不減擬從此地東歸裝

洪山橋舟行

山高不受野雲吞浦遠還留淺漲痕沙嘴浮烟疑是水
嶺腰抱樹却成村輕風送客帆無恙賈舶懸燈岬已昏

懷詩集卷七

五

黃葉覆堤人跡亂未知沽飲扣誰門

近園開有白雲寺洞愚公上人開建時已西歸矣

乘暇偕興化泉州兩同寅往遊學使張涵六繼

至叙此記之

園開百家村競說白雲寺往來危灘間古刹無人至客
心為形役鬱鬱少佳致聞有名山近欣然復好事凌晨
成獨往傳簡約同志籃輿到參差入境皆稱異緣溪一
徑折跨澗六橋值喬松蔭沉綠修篁搖淺翠潺潺細泉
鳴颯颯涼風吹幽亭橫梁建徙倚息勞勩亂石夾路立
刻題詳人地老僧三十年仗錫自位置能以歡喜緣廣
結行住類去者月印影來者香齋鼻上坐自談經頑石

點頭侍春初聞勝遊山林冠蓋萃一偈綴名篇莫喻西
歸意問訊僧已寂相顧發深喟影堂瞻定顏方瞳如注
視一塵揮世塵山靈忽崩墜遂飲上池水更飽齋廚糲
提攜尋舊路慷慨浮生寄聽泉峰腰間盤桓不忍棄又
報憲節臨曠達脫俗累重遊興轉適川巖增嫵媚咏嘆
感今昔死生見高義禪關閉重啟茗椀滌再試半晌深
山中令人忘名利峰巔有幽洞白晝百怪備愚公曾結
茅夜枕諸魔睡欲攀藤葛上僧雛色先悸望之徒蔚然
烟霞少真嗜寺樓午鐘動逡巡別嶺次誰無買山願鮮
具大慧智廊廟忽江湖顏色成顛顛脚根無卓錫先須
學覆簣白雲分白雲對之誰無愧

懷詩集卷七

六

乙未年再過分水關有感

心跡頗唐寄海濱風光多少付流塵新詩楊柳常懷別
舊袖房櫳久怨春先攏將飛寒食雨故園應有醉花人
粵關再過成何事已見空壕草綠頻

春日有事南詔四首

野水侵沙曉暮流斷橋殘岬接烟洲宿雲密貼新生草
舊雨輕消往日遊刺眼風光雙海燕側身滄溟一浮鷗
湖頭越女凝眸久誰使春寒倚畫樓
春山看遍海東隅去日無停路轉迂林際殘梅隨臘盡
天涯倦馬逐塵驅息肩樹下墟人集問渡沙頭津吏吁
十載客顏顛顛甚苦將烏帽壓銀鬚

輕舟划破碧溪烟烟滿前溪風滿船一木支橋通野市
幾家編竹繞流泉水禽浴處人垂釣雲碓春時客扣舷
何事沙邊喧浣女使君枕藉老漁眠

嶺石嵯峨古未平雲橫嶺半半陰晴人愁四顧荒山色
泉咽千林木葉聲誰遣暗潮生曲澗空憐故壘擗高旌
由來遷客南征路到此鴻毛視上卿

上元

酒闌燈黯月朦朧心緒誰憐薄醉中花信東臯催夜雨
客懷南畝憶春風浮雲聚散無今古塞馬憂欣有曠壘
令節每逢空老大歡情那共少年同

夜行羅山嶺

懷詩集卷七

七

月黯四山黑林深一炬明懸崖臨絕澗響落飛泉聲哀
猿挂樹號野狐學人行猛虎伏何處常凜腥風生五年
客荒遠簡書迫嚴程宵征歷欹側委命鴻毛輕瘴霧塞
瀾漫惡木紛縱橫海風颯然至萬竅爭長鳴驛亭在嶺
半二三老戍兵扣門不敢應恐客是山精慘澹憶兒時
親衰念焚焚毀傷豈固恤悞爲世塵嬰鷄啼何切切愧
茲烏鳥情

夢中

夢中無夜不還鄉開遍閒庭幾棟棠恰見母妻同笑語
忽逢父老話存亡園亭候雨來遊侶城郭依然帶夕陽
多少癡魂留滯處醒時身尚在南荒

海風

海風夜半來溪水盡躍起舟子推篷看天黑似釜底舉
火加緊攪水寒堪墮指隣船競呼嘆終宵但徙倚春雨
忽瀟瀟客怨農夫喜津吏勞慰問津亭勸宿止予方扣
舷歌聲與金石比履險胡能安十載風波裏

舟回

舟回春雨止瀟瀟黯黯離魂久待招雙鬢花時傷老大
孤篷澤國怨深搖浮踪世上惟萍水好夢床頭有鹿蕉
無際烟波歸去晚未甘肥遯負唐堯

勸農口吟

春雨幸粗足南荒麥早秋一興扶雨隸朝出東門遊出

懷詩集卷七

八

遊遍村落祇爲婦子謀刈草莫滋蔓蔓長佳禾憂灌田
莫過水水遍美利周能存不盡心庶幾免悔尤循溪入
原隰適與止林丘兒童皆追逐雞犬亦閒幽三五父老
輩一二髦俊儔慙慙前致訓士農共襄脩孝弟與勤儉
分外無所求東家具雞黍西園起歌謳願結長吏權暫
爾偕油油去城尚十里下山雲頭司閭舉火待桃源
不可留

脩戰船

名爲二千石歲俸僅百緡時鑄較古法經計千制錢
載未頒領移脩水戰船水兵十萬人廩餉如流泉日晚
船樓醉日高船腹眠年年修戰船年年海岬邊烈日曝

船背細蟲噉船舷船未離海岬已爲爨下烟去秋南風
盛賊艘什伍連今春商舶稀風濤戒心懸戰艦不涉水
戰兵不控弦累脩欲何爲魚脫鳥須釜徒損度支額更
重守吏愆一修鬚鬢白再脩膏血乾養子莫讀書從戎
莫憂貧願監脩戰艦安富尊榮全

擬白紵歌三首

白紵好詞歌白紵華筵寶炬歌式舞庭花亂墮鶯啼樹
簾草如烟烟千縷長袖裁成縑幾許婉轉君前心盡吐
客心成歡妾心苦舉腕揚袂復延佇高堂沉醉流年古
安得常看常媚嫵
殘陽滿壁花滿枝恰是儂唱紵詞時一聲初發管絃起

懷詩集卷七

九

流盼四座聽者怡錦席試展明璫垂迴風爲捲湘裙低
簷月照眉春漏遲管絃急催調暗移客前盡笑後盡悲
憂從中來誰得知

彈琴不如箜篌好彈之坐上朱顏老時有清颺下晴昊
拂雲入樹何窈窕白紵歌長歌未了客行駟馬雙旌渺
翠掩紅啼啼漸悄誰能復聽傷懷抱十五學歌成草草
不識離聲似悲鳥

步禱岱山寺宿壇祈雨得雨

朝出北城門遂陟北山崗萬衆夾路立十里如堵墻
皇幡畫雲物神龍勢騰張云能致雨澤託以慰愴惶古寺
依林麓花木接僧房築壇陂塘側遠近蹊田荒日晡烟

霧集野迥增暮涼乍喜得霖霖久望繼沱滂孤磬息羣
動惟燈照佛堂默坐聽雨聲世味如冰霜晨起聞踏歌
簑笠滿圓場一宵春水足秧馬縱橫長

祈雨宿岱山寺

宋時蘇長公祈雨所爲龍有蒼鵞無罪亦可憐之句余效其法祈雨爲未祈而雨足

簷聲清脆夜聽宜恰是春殘待澤時漏永齋壇僧咒梵
枕橫靈雨客吟詩凌晨溪滿秧分插繞檻香寒花自垂
還放蒼鵞歸野沼綠波深處誦師慈

放鵞

送爾歸極樂得且住爲佳寺池種白蓮開時見天花清
波會濯垢空香散無涯聞經生歡喜聽法解呬啞延頸
受接引獅象成一家

懷詩集卷七

十

偶拈二絕句

南風拂座日偏長時就相陰檢藥方自古養心惟寡慾
好移孟氏配軒皇

世事無窮生有涯隨時開落感庭花何須赤日東華道
白髮盈頭滿面沙

春日齋宿岱山寺祈雨雨足放鵞中元日設醮禮
佛復值大雨到寺白鵞無恙喜而賦此

城郭輕雷宿霧中荒林無樹不雲蒙溪邊晚稼成樓飲
寺裏秋花又滿叢閒聽疎鐘烟雨外偶尋殘夢佛堂東
白鵞穩泛山塘濶好飲萍踪認主翁

花有清香月有陰

樞曲移纖月雲舒映朶花凝香千瓣簇照影一林賒海
嶠霞偏擁風臺慢自遮盈盈饒露氣黯黯送年華紅樹
留光永冰輪趁艷斜夜遊良足慕行樂自無涯

赴海澄來往順風朝去暮返

殘陽欲下海風來吹送孤篷去復回獨喜馮夷頻有惠
却憐鷗鳥兩無猜漁舟鮭菜誇兼味澤國烟波遠上台
且向榕陰深處問誰家醉客甕新開

抵海澄贈令君韓

白雲貼岸水侵城城壓秋山晚翠生負郭幾家橫市井
戍臺比歲少旗旌地多斥鹵收藏薄人習風濤身命輕
喜得令君弘雅化絃歌滿縣一琴鳴

懷詩集卷七

七

送希山胡先生歸吳門

六載南州甘苦同津亭話別恰寒風弟昆秋雁惟存我
賓客晨星獨重公歸路霜花鋪荻岬家山春色透梅叢
吳江月落烏啼夜應有離思繞夢中

間薦擬行

我行日月邁親老分歸休姓名上薦牘重作京華遊寒
風自北來溪水日東流隨陽愧塞雁適性謝汀鷗驅馬
晴原外流眄遍林丘舊來炎暑路倏與冰雪傳乃信年
矢催寒暑如醉醺途遙歲又厭懷抱知開否到家添白
髮轉博親心憂悠悠風塵際遊子將焉求

盤倉口占

齋印去累日事緒仍拏紛倉吏雖日積野有啼饑民徒
為監守累無救公私貧乃知聚散理用財貴發身春長
舊粟盡枵腹耕清晨秋晚新穀登不足償苦辛蓋藏鮮
善計徵歛恒多門顧茲紅與朽奪彼飽和溫社鼠何其
逸村農何其勤周饑愧無術爰望後來人

交印卜行

印去几案靜吏散庭除閒天寒歲復晚勞勞事間關驅
馳壯夫志霜霰遊子顏委婉清溪水風吹碧幾潯黯淡
長天雪雲來忽掩山我行風雪時寧辭道路艱家有垂
白親計日望兒還敝裘沾濕處慚愧萊衣斑
去漳赴都

懷詩集卷七

十二

川原望不極客思正紛紛稚女留炎郡慈親隔朔雲嬌
啼癡可念衰病遠難聞鬢雪添繁際愁從兩地分

馳馬

生長幽并間鞭轡日在把一與度嶺來羣空不識馬忽
如出籠禽翹翅向曠野風日得晴暖襟懷倍滿洒興來
思控鞍疾騁斜陽下撫髀傷遲暮顧影失都雅減盡舊
粗豪愧彼行路者

生日長福途次

我生臘日後為臨之初九四十六年間強半遂遂走塵
祿十五載為丞洎為守心神闇自憐形骸勞汝久貧丞
難養親遠守不攜家郡齋與道路同是在天涯村舍亦

酒嶺路亦有花野鶴來翔舞牧笛解嘔啞皆作祝頌
物安用排曉衙

榕樹

溪邊老樹閱年深半壓津亭半水心葉受風吹常瑟瑟
影留月照倍沉沉高枝巢鶴千秋物老幹橫橋一畝陰
欲擬歲寒松柏隊可堪移植雪霜林

行路難

舊為燕趙悲歌士曾作濠梁冗長官偶到南荒充守吏
又膺上考入長安僕飢馬倦衣裘敝途遠風高霜雪寒
奏績朝京猶若此可知行路古來難

別離難

懷詩集卷下

七

前路千重關朔雲深堂悄坐遠思紛那能身作閒風月
晝逐清塵夜照君

自題四律

六載塵中甘混迹忽驚薦牘採虛名銅章封送歸朝興
翠袖啼淹賦別情裘馬滿京來計吏雪霜兩鬢更狂生
燕南趙北風沙路又聽車鈴浪蕩鳴

盤輿舁上嶺高頭閩越山川久滯留瘴雨夜來榕樹黯
颼風朝霽島雲浮荔枝釀酒曾謀醉蠻女諧歌亦解憂
去郡莫言風土劣此身正恐負漳州

放翁詩有此身不負嘉州之句

火雲來路方愁熱雨雪歸途又怯寒時令遷流忙裏過
人情涼煖靜中看欣聞烟串新登第忽訝知交近謫官

兩眼漸昏心更拙重觀奕局到長安

松柏歲寒誰早識春榮桃李不須言古來造命由君相
老至貽安念子孫幻夢黑甜何日醒浮雲結聚幾時存
明知竟未拂衣去尚有若親難報恩

見雁

塞雁聯飛急歸途動遠情嶺高難見影寒重恰聞聲共
嘆來南服相逢快北行輸君兄弟在客久賦孤征

黃田驛

梅花滿麓夾湘溪貼岸浮香入棹遲疎雨打船獨寐夜
孤燈照水二更時猿聲直教灘聲接閨夢頻通客夢知
惆悵蘆中羣宿雁北飛未肯漫相攜

懷詩集卷下

七

見雪

廈門詩名
白鷺島

天寒久與素心違君忽南來我北歸白鷺島邊思不得
黃蘗瘴裏見應稀今晨峻嶺斑斕積昨夜危灘散漫飛
官閣梅花相憶切寒香瘦影欲誰依

懷舫詩集卷之八

唐人李頻有故園歸去及新年之句感而有作

故園歸去及新年已見梅開嶺路邊
寒山細咏冰寥天霜花野迳星星色
日影村原漠漠烟
倦客塵心醒徹處溪聲泉韻總悠然

故園歸去及新年瑟奏齊門誰見憐
燕市屠沽非素侶
秦京顙顙有膠絃買山囊遊妻實請
招隱文成友愛傳
重到燕臺尋舊館黃雲如幕草如烟

故園歸去及新年庭院風光舊可憐
社燕頻來春寂悄
棠花屢謝草芊綿到門童掃蓬蒿迳
拂鏡妻驚霜雪顙
莫向樓中惜去日堪嗟子舍有蛭懸

懷舫詩集卷八

十一

故園歸去及新年歲月疊騰驚逝泉
華屋隣家移僻巷
兒時同輩萑荒阡夕陽自下依城郭
流水還來繞舍田
馬上西屏容飽看蔚然深秀似從前

吳門贈周自牧

繫纜吳江霜雪殘相逢鬚髮各驚看
關中投筆歸何晚
嶺外趨朝春正寒客況久當時序迫
宦情原淡酒盃寬
回思四十年來事萍聚蓬飄行路難

丙申上元泊瓜州江畔

霜蓬雪鬢泊江沱獨咏其如良夜何
深霧幾層遮鐵甕
長風萬里湧金波樂遊此地山川好
今節誰家花月多
靜對漁燈邀薄醉寒光為我到藤蘿

城西

城西路輾石磳磳官柳垂絲蕩軟塵
細馬輕車無住日
斷垣荒塚不知春愁聞繡嶺宮前曲
易老霓裳掌上身
何事桃花開落處星冠霜鬢往來頻

張日容太史招飲賦贈

已拚嶺海卧谿烟重踏京塵歲屢遷
都觀桃花非舊雨
梨園白髮感新絃何期勞吏參高會
況值清樽醉別筵
片月蕭涼無暑氣羣公豪邁萃華顙
黃金臺下客將發
鐵甕城邊秋正妍北固江山千古在
好收佳麗八詩篇

贈陳滄洲

响舟泊吳門頌聲溢兩岬云况青天
後况鍾明蘇公來日

懷舫詩集卷八

二

復旦輦下幸邂逅為國識楨幹豁達
露性情委蛇平忠
難暫借補衮手校書寄東觀治理方
勤求豈終托柔翰
慚幼讀父書學道廢途半見賢深仰
止宦跡徒汗漫觀
公舊治績無能企涯畔願贈仁人言
遵循得成算

由家赴任南徐

河原驅馬去悠悠儘好家山未肯留
甫脫羈雲歸海燕
又尋舊夢狎江鷗樹迴野渡開青嶂
天拓孤懷入碧秋
驛路津亭如昔在祗移歲序是新愁

大柳驛牡丹

名花門外接勞塵開謝風前改歲頻
徒有空香生古寺
祗餘車馬閱殘春常羞上苑稱佳樹
願托西方見美人

路左飛驂無住日誰曾攬轡一逡巡

虎阜

山靈綿古醉笙歌誰遣閒情賦
群蘿七里畫欄花夢穩
四時蒼砌酒痕多常憐趁月秋期迫
曾記如雲輦路訖
繞指南音靡綬甚雄風劍氣久消磨

寒露夜舟行

向晚清溪冷江南已暮秋
岾昏津鼓急市遠野雲悠佳
麗十年夢琴樽一葉舟孤吟霜夜半
恐對五湖羞
飄泊烟波久蕭騷作使臣稻梁謀尚拙
湖海宦長貧并
邑憐凋敝風謠愧采陳短篷燈火黯
殘月淡如銀

由三汊河舟行赴儀真

懷詩集卷八

三

邗江分水入具州霜蘸楓醺燕岾勾萬乘經遊如昨日
片帆重到更深秋野雲半掩橋邊塔暮雨常扁寺外樓
高吳寺傍置行宮今圯矣試上長堤問舊柳寒烟織盡古今愁

儀真夜泊

津鼓遙傳林岾昏沙尖山月照潮痕開篷弄笛漁歌起
掩卷懷人燭淚繁霜堵淒淒聞柝雁寒星耿耿落深樽
祇言飄泊吾生慣老去鄉關念獨存

王培青同學至鎮

君來江上續詩盟沙鳥風帆盡有情放眼看山饒北向
登高作賦類西征千秋故蹟留雲水一諾虛名愧有生
喜對新醅思舊雨可知自昔路難行

十月十五夜月

潤州秋後月已見兩迴新城郭留孤影江潮送滿輪來
驚棲定鳥移照夢回人今古虧圓處悲歡想未勻
斜傍東山小平臨江水清霜餘看倍潔客裏照偏明甘
作無情物愁登不夜城寒風蕭颯甚淒絕暮砧聲

月夜舟行

江濶一舟渺烟深兩岾昏漁梁燈映月村逕犬迎門隱
隱無聲櫓淒淒徹曉猿未知篷底客顚顚欲何言
城上宵鳴柝江頭夜啓關往迴津吏老浩蕩水雲寬才
盡詩仍咏親衰薊尚彈平生湖海興浮宅亦無難

丹陽岸傍僧舍題壁

懷詩集卷八

四

寺臨秋水淨小院散殘陽茶熟常供客林疎早得霜
僧背暖入座鳥聲長門外迷津濶誰招普渡航

聞調任海疆有作

丹陽舟次

斜日雲中脫輕烟草際浮長堤紛落木小艇亂寒流直
是漂搖慣還增老大愁荒江容我卧滄海共誰遊難作
乘三嗅風行御八周巨鯨那可得仙藥渺難求歲月雙
蓬鬢功名一蜃樓水天終浩浩身世久悠悠塞馬無欣
戚汀鷗任去留親衰方待養祿薄且包羞

上制憲赫大人二十韻

湖海常為客風濤久置身蜃浮天外市瘴隔嶺頭春爽
世承先澤層霄愧後塵三年偕計吏萬里作歸人北闕

恩推舊南徐政觀新飄零獲奉母落拓幸依仁紫極夢
龍佐黃麻姚宋倫化行聲教盛膏沛楚吳均至性兼忠
孝純誠貫子臣謳歌遍里閭哀感動江濱乾溢連秋值
流離九陸陳積逋應盡豁比屋豈終貧疾苦開膏切病
瘰癧念眞鴻飛窮谷暖雉伏大田馴績著樓船御光生
紫戟隣仙舟招共涉芻議引全伸指掌分諸道虛中集
衆論建侯咨四岳謀國格三辰藥籠儲材備龍門屬望
頻向來羞駸足驅策敢逡巡

晉謁後再呈十韻

時尾舟入吳議調海縣復蒙公
詢及老母起居飲食感而再賦

雅量含章遠肫誠錫類頻休休能育物塞塞善成身肯
遂清言簡謨深冰鑑神樽彛三代古詞賦六朝新師友

懷詩集卷八

五

衡前哲津梁啓後人當時資弼亮早歲掌絲綸吐握臂
關關謙攝士氣伸驚羣邀一顧樗園際三春載去非張
翰移來愧寇恂應憐捧檄者色喜爲慈親

簡蘇州太守梁敬仲

隨君郡試米成童斑髮相看訝兩翁契濶常爲十載別

音書近得一江通黃公治行知能婉白傳詩篇想愈工

愧我漂搖烟水裏無才何計慰原鴻

時議
賑饑

鄉園寥落故家稀蛛網仍懸草自菲書畫船空多散失
粗豪俗在少輕肥魏徵宅賣誰爲贖江總頭髡尚未歸
越女湖邊相遇者惟君可問舊烏衣

遊花山

時仲冬短景至山已暮回憶
丁亥之春遊此忽十年矣

胥江篷外下鴈飛便溯清溪上翠微迢遞寒山招客往
逶迤燒畝待春歸松關凍合僧來少竹院雲深鳥過稀
訝我此遊遲暮甚雪霜滿地與時違
求侶十年竟隔羣花峰前路艷如雲新粧炫服春遊共
水澗寒林暮嶺分秉燭眞教成痼疾下山已聽泉已似落
然炬矣聲聞歸來月滿烟溪畔賃酒誰家舊識君

贈梅定九先生

推遷誰信歲無差測驗方知天有涯康節著書兼理數
羲和承命本中華實徵器象昭千古獨渾機祥屏百家
自是聖門觀海士何須重譯訪流沙

贈楊大鼎

懷詩集卷八

木

名噪諸侯四十年飄蕭鬚髮飽風烟一編自據風樓樹
九萬爭求驚換箋林仲不成封禪草馮惟得令孟嘗傳
聞君幾夕挑燈話知有龍光近在田

寒夜吳門選歌雅集

兩載蕭騷面牆立每嘆雅音近散失羣山輦玉砌瑤臺
歌場正苦誅求急腰身掌上畫圖傳絲管雲中聲調集
侯門是處有新聲江南翁姥思兒泣我來吳苑訪遺珠
邂逅樽前十之一賀老知名已有年秋娘神韻今無匹
霜湛歌喉雲不流燭搖舞影魂都軼四座凝觀靜悄然
有人暗拭青衫濕花月銷磨欲白頭去日漂搖追弗及
老來罕遇是歡場欲續此遊那可必

冬日雅集喜梅定九楊大瓢先渭求在座

談諧列座集高賢
茗椀爐烟釀雪天
賢路齊驅皆上馬
名山分貯各千年
鍾峯秀色連眉宇
南國寒香落酒邊
他日安車徵四皓
愧余難附箇中傳

題先司馬槐川精舍圖

先叔高相明世宗時任三邊總制入為大司馬

城隅娛老構幽亭
中夜誰期落大星
客散花茵風自掃
鶴歸歌院月同聽
幾篇諫草心頭血
一片桑田海岸青
喬木凋零烏足嘆
貽安百代有傳經

贈劉荻江

劉為山陽許孝科賞識者贈之詩十餘首

公幹騎驢來南國
懷刺漫滅投不得
襤褸被蕭條復渡江
新詩滿篋無人識
江南歲厭風雪稠
旅館烟虛待朝食

懷彭詩集卷六

七

未覺飢腸輾轉鳴
豪吟猶有千鈞力
淮左故人黃閣老
當寧披疏曾動色
為賦長歌慰客愁
讀之塊壘填胸臆
余淮兩岸雲如墨
一夜雪深埋短簞
誰憐越石舞雞心
碎破層雲生羽翼
余早十年見二毛
俗情略諳荒學殖
徒賞石才竟何為
喟然一嘆成擲筆

問年

問年及父未知非
回首風光已暮遲
宦到無成方見拙
心多未信尚稽疑
川陵自古悲遼鶴
金紫由來悞廟犧
為問東華塵際客
青山獨往是何時

和先渭求贈詩韻

襟園當盛時已傷
海田變近日客金
陵更無開雅譙十

載憶前聞姓名列
髮髻香香風塵間
未暇造廬見初春
具醴酒四座聽雄
辨中有釣渭翁淵
泓含厚眷文章鄙
晁賈治術薄管晏
愧及讀父書粗豪
長畿甸祖澤存史
籍左馬長微擅先
業昭前朝久總邦
之憲小子承門閥
學未窺崖岸每對
高潔士景行發深
嘆何期流俗吏老
輩垂青盼未知百
年中果成何堅建
東南文獻留勿虛
就正願

京口雜占

寒雨迎潮泊檻低
秋聲簷溜倍淒淒
文章牛馬塵中走
事業虬蟬穴內栖
何日閒雲方返岫
眼前飛絮久成泥
少年意緒清宵盡
埽上荒雞仍亂啼

懷彭詩集卷六

八

江頭曉望有雲橫
秋色偏多鐵甕城
雪浪連天孤塔影
霜蘆隔岸塞鴻聲
晴嵐窗裏峰峰好
漁艇沙頭箇箇輕
擬向焦山最高處
清晨坐到月輪明

戊戌春初官齋小集

時定九渭求大瓢在座

人居晉宋間地紀
齊梁後座客聯青
毡一翁獨黃耆結
機重王生開筵禮
枚叟道腴膏梁薄
德潤文繡醜筮升
得初六卜遯安上
九百代尚折衷萬
卷咸披手釋疑刃
迎肯扣響杵落白
觀聽如測海蓄殖
似積阜接談亂霏
玉駐顏凝醴酒顧
茲老成輩悵懷風
雅首驚足隊騏驎
松華間蒲柳藉君
關珍奇引我窺淵
藪濯魄照冰壺飲
醇美脂口自陋宜
遊人高托忘年友
堯夫幾甲子蘭亭

數癸丑游覽匪可傳事跡亦速朽試問此齋集已占星聚否

新齋成疊石為山賦紀

作宦少閒趣晨起罷俗營命移南山石磊磊列後庭能
淒濛濛意頓遠軒冕情新齋殿四牖曉望烟嵐生盡日
披書對有時繞楹行蒼古無近態竹樹散幽聲石罅融
殘雪石根堆落英春水洗瘦骨寒梅發澹馨環顧千片
玉置身比瑤瓊從茲北固下奇峰多一名

戊戌春日再泊吳門

隻到吳江夜泊船江干風月負華顛家園迢遞三千里
踪跡漂搖二十年舊聽笙歌歸碧落昔遊亭館蕩荒烟

懷詩集卷一

九

青山亦自隨時改嵐翠銷磨不似前

讀虎阜山面日大非舊觀矣

眼鏡

眼前懸鏡春冰薄昔曾暫試旋屏落雙眸兀兀黯無光
轉覺生翳更長膜近向江城攝法曹案頭日受簿書虐
挑燈細檢復重披字裏行間疑舛錯開筭取鏡方觸鼻
昏霧朦朧忽似拓乃知精彩與年華此漸增長彼暗削
世間寒暑能化物角膠折裂金石燦況具七尺有情身
得失纖毫關苦樂閱歷炎涼五十年眼前何事看如昨
捲卷移燈就枕眠此理暗中堪摸索

水木明瑟園訪殘梅贈主翁陸元公

鄧尉山中萬樹雪經旬盤滯寒香減況逢雨促杏花時

原上春風逼冷節漫移短棹訪名園小波拍岸新蕪潔
西屏嵐翠撲眉來詩脾挑動酒腸熱繫纜烟林未賣酒
人家籬落綠溪結竹木樛樛雞犬聞世間晉魏多年絕
便隨流水到荆關枝履紛紛迎盡才傑主人揖客過香齋
曲肱千層逕幾折石梁穩步入書堂樽罍有序坐無列
孤亭拂檻松風生南州芳躅宗先哲軒前草色月蕭涼
樓上竹簾雨淒切硯北村邊春日晡汙東橋外晴雲撒
皋原野望澹烟平歌舞吳城塵外截試茶酌酒整窩深
抽笋刈葵藟國凸高談雄辨惟林中問插幽禽百種舌
荷塘新漲綠於油菰葦乾枝勁似鐵獨有殘梅幾樹花
垂垂簷際春全洩試問歡游載酒人若箇看花到耄耄

懷詩集卷八

十

惆悵探梅已較遲水而牆頭飛玉屑千枝萬朵放香時
妒煞仙人閑瑤闕瀕行繾綣夕陽中扣角為君歌一闕
留贈山庭半壁詩約醉花時滿園月

題楊大瓢小照

大瓢先人故明義士以事累遣卒於遠左

誰從抱膝問襟期別有閒愁壓兩眉檢點名山傳往事
對人聊寫望鄉詩

傑士雅為今孝子頑民疑是古忠臣文章落筆開名義
肯與齊梁作後塵

龍戰當時血不分燎原甘共石俱焚蓋棺曾否收遺稿
未見西臺慟哭文

萬里關門歸骨難故鄉雖在肯黃冠知君遠左憂勞日

不類蕭閒管幼安

春分二首代

翠袖朱欄護淚紋杏花原上又春分江皋路繞芊芊草
山外林橫漠漠雲奩隔鏡鸞常黛感余間寶鴨尚香薰
箇中消息憑鴛夢莫遣黃鸝入曉聞

每值花時夜雨多湘簾油幕半春過玳梁接羽雙元鳥
錦陌垂鞭幾玉珂小院烟絲搖壁月夕陽草葉點裙羅
慙慙儘教耽離緒私祝華星悵漢河

答沈碣士

時詩

茂苑風華慰夙期清才雅操貴知希榻穿兩膝常稽古
燭盡三條晚進時揮灑塵襟歸嘯咏津梁吾道閱諸居

懷助詩集卷八

十一

生平蓄志非溫飽自覺行藏總合宜

落拓遙逢海徼秋文章庾信老供愁兒從失學年華邁
官愧常貧道路悠張祿綈袍多眷戀匡衡書籍偶淹留
他年結駟邯鄲北願掃蓬門話舊遊

白燕

為惜雕梁玉羽寒依栖板屋頗相安飛來不染新燕色
舞處寧忘素扇團梨苑啣春香自潔瑤臺照影雪多殘
招招宜入投懷夢尚覺清和自裕寬

尚書樓鎖雪霜姿來值鳥衣冷淡時砌壘是花皆玉屑
結巢有館定瑤池翅沾梅蕊香無迹梁積芹泥涅不繼
蹴起天桃紛落瓣雙雙素壁點胭脂

崇川秋興

海表西風鄉路悠夢花蘆葦已清秋雲中閃影三年外
城上笳聲五夜頭甲盾登陴曾破敵順治己亥年事樓船運道舊
封侯元張朱書生來值消平旦但見空江曉暮流

島嶼風烟接混茫誰稽近世紀荒唐雲飛水立蒼龍見
鶴舞鸞鳴仙駕張俱沙上常氏蜃市曉開連颶母蛟宮夜

織採扶桑麻姑昨自城東過為報蓬瀛塵又揚
磯頭清淺住漁人蓬髮麻衣太古民灘外風來沙似碧

門前月到浪如銀盤供鮭菜嘗酣醉歲種煙苗不計貧
明日浮家入烟水蓬萊何處問居隣

夕陽城郭枕清溪海氣空濛閱四時濕霧深屯樓閣小

懷助詩集卷八

十二

寒潮暗繞堵牆低城內無高綿溫似絮菜菜足魚賤如泥

勸飯宜甘卧滄江狎野鳥無勞鳬雁更猜疑

遊太倉相國東園

太倉城東樂郊園幽閑舊是烟霞宅先公遺構二百年

世卿栽培當鼎革相國久承明廬容扣山扉納遊履

老樹蒼藤皆法物樓額壁字悉世澤淳龐朴茂見家風

屏盡繁華謝赫赫春曉臺前水一泓靜影涵空照天脊

婆娑古柳卧池陰似為芙蓉護艷魄孤亭挺出霄烟上

危檻疎櫺跨積石振衣舒嘯引松風幽籟爭鳴海雲間

畫就軒虛得景多烟烘月染無筆迹深堂行過板橋東

野藻披紛映几席雜花細竹繞籬根稻香更接晴雲陌

勝地鍾祥歸德門偶遊足慰嬰塵客猶記翠華南駐日
遍幸名園賜題額三逕苔深無輦路奉君心共秋陽白
襟期雅澹本前徽奕葉勲名照史冊

崑山舟次

婁江秋又判客適賦東征沙鳥隨雙槳山雲入滿城月
來清露悄風上布帆輕岸遠烟昏處逢逢津鼓鳴
襟被蕭涼日鄉關遲暮年丹楓收冷句白墮得愁眠菊
愛開霜後田宜耕社前故園生計在合奉板輿還

崑山紀遊

霜冷吳淞水倒影射孤塔一山滿縣青烟嵐城四匝繫
纜見幽逕危磴蒼苔踏長林陰綠深時有丹楓雜寺僻

懷詩集卷八

七

遊踪希偏袒見野初朝春夕負薪悠悠度伏臘樓臺互
晷映鐘鼓常鏜鏜飛檻海光浮返景虛窗納涼風歸路
晚秋聲淒颯颯明月玉峯巔蕭然照佛榻

逆風行

行役四閱月急於返里省親 北堂乃連
日往還甫得事竣又值逆風感而歌之

西風颯颯吹行舟來者生歡去者愁客曉東來暮西去
憂欣遷變更何據天風廣被無容心順逆浮生隨所遇
柱下著書貴用無莊叟遺篇多言寓更須此中求準的
易戒憧憧省思慮千乘寧與簞豆殊不動厥心該巨細
昨爲田舍翁今作尚書令門標畫戟獨蒙恩慕拱白楊
誰續命蟬冠席帽總邱土青絲白雪同明鏡斷自唐虞
四千年何處從頭說衰盛千秋名赫赫三爵酒陶陶白

子周文尚廢絕更有何人祀若敖塚壁搜書得贗本春
秋那盡識譏褒書必甚解真成癡古人難欺乃傑豪混
沌鑿破幾萬載何物到今非粕糟風惟無形斯化物有
形隨化無所逃吹噓寒煖在呼吸百年榮瘁適相遭嗚
呼悠悠百年榮瘁適相遭泰山吹擲等鴻毛

泊百花洲

清溪一曲恰通舟衰草荒林歷壑邱人哭人歌千雉古
吳興吳破百花愁鐘回漠漠城闌寺簾捲蕭蕭竹外樓
維棹幾時解纜去祇留殘夢在滄洲

懷詩集卷八

古

懷舫詩集卷之九

和方亮書隨冊使赴琉球

十載都梁別三年京國留荒江憐醉卧滄海樂仙遊官
閣吹簫侶清淮泛酒舟可知消歇後祇剩雪盈頭
問年同一慨心跡各相違宮監常求賦綈袍若授衣燕
臺馬骨老吳苑雪雲飛便欲乘槎去三山挹翠微

省路雜興

寒山迤邐枕江流遠岸浮嵐日夕稠陵寢自盤空澗曲
笙歌仍奏畫欄勾儘教暮嶺看成敗一任閒鷗寄渚洲
近日白門談瑣事久無人識種瓜侯

金陵瑣事一書聞有續者尚未得見

僧舍愁生賦北風繁霜寂寂墮寒空燭臺燼落詩成後

懷舫詩集卷九

一

茶竈烟消童睡中金盡十年憐客老馬鳴半夜爲誰雄
王師轉戰崑崙外回首河源反在東

新移都護玉關寒矛鉞專征近築壇萬里茫茫開絕域
三城落落歎呼韓儒生扣馬思杼策帝子英風想據鞍
疎逖如臣容獻替長纓不請請泥丸

連昌門鎖野烟中寒月常窺玉殿空追憶惘然寧隔代
時巡適矣更邊功翠華比駐黃雲塞繡嶺重歌白髮翁
依舊春光原上好桃花新樹倍殷紅

客跡隨春已屢移山梅江柳笑違時土膏帶雪融南畝
瓦雀迎暄去北枝且啖蠟餘充蚓操莫羞牛後望雞尸
鄉心早辦盤中樂不遣閨帷妻嫂知

流水斜暉舊御橋驍鷹負弩見聯驄豎儒真敗乃翁事
故國應憐彼稷苗雪壓石城傳暮角塵生桃渡過輕輶
吳兒十五理璫上學唱涼州調最嬌

翠微深處罷熊羆牧馬鍾陵草樹夾破帽書生仍欲哭
白頭宮監已無遺江風颯颯吹幽殿殘日荒荒照闕碑
還剩寒原翁仲在紳袍猶自肅威儀

南朝幾寺落荆榛林影山光六代塵僧去石幢空好月
春來竹院偶遊人堦前紅藥開花圍牆外青帘結酒隣
烏巷鳴珂何處問長干驕馬畫輪新

吳越行贈仲容兄南游

少歲踉蹌走吳越身跨寒驢披短褐狹路常遭小吏輕

懷舫詩集卷九

二

泥途縮足避叱咤買來漁艇入淞湖終風吹浪沙尖潑
日夕一葉冒濺富天傾地側如轉幹蘭陵酒貴艱寄食
荒寺鐘餘分剩鉢苑茂風花浩無涯客懷領略惟飢渴
更向淞西訊秋潮涼風九月動天末俯仰無言堪對人
心肝何處快達豁峰頭蘭若書懸壁碧紗紅袖雨寥濶
十五年餘來捧檄南服羣侯值瑞輯離宮帳殿近相望
中開馳道新沙滌平江十里沸歌聲綿纒更番牽彩鷁
虎阜凝嵐金碧中畫欄珠箔晴烟纖九天笑語落人間
豈知喜自惟清秘分符重問錢塘渡驛樹津亭昔日路
翠華不到已十年蘆岸夢洲集鷗鷺嶺外歸朝兩鬢霜
湖山佳處仍如故浮雲變態無終窮繁華過眼如烟霧

江上重遊更三冬是處迎歡復逢怒朝望鍾山雪陸離
暮泊婁江水寒返回首年光近半百曠輪不為勞人駐
猶記恒陽垂髫時里閉公卿比屋住消亡隔代故侯門
寥落多為裘馬誤卽今握手聚江城但話生平本寒素
相期力培儒家風區區從政斗筭數

己亥元日省行用昌黎苦寒詩韻

己亥正月朔日蝕大雪暴天心昧倚伏山骨渾隔廉陽
微甘飲避陰固迂譎謙高衢結稜層覩輪損圭尖雲垂
覆幕黑鳥陷含飴甜天門暗不照日耳冷誰矚驕騰縱
滕六吞噬快蟾蜍地圻獸盡駭空瀟鳥能覘六合變元
翬九道滅朱炎於茲有行役苦爲升斗沾當風怯敝裘

懷歸詩集卷九

三

開冰奮長鑱手龜指恐墮口禁鬚何拈天花隨意擷髮
雪無及籍岐路迷與隸屬車墜典籤溪谷莫別辨邱陵
倏增添跬步艱九版斗酒值一緣瞻墟變烟絕覓渡舟
子潛途窮欲殞涕境異忽掀髯既感害氣盛轉疑生意
殲入林更黯黯旁晚尚纖纖遠色竟昏瞑陽光終淹淹
投驛問湯火掠釜急炊燂性命幸苟活機祥違遽占溫
飽原屬恥饑凍何避嫌癯癯塞重簾緇床登細苦那得
萬間庇庶就一枝恬次第問僕馬慰勞收淚漸撥灰默
自念舉燭起旁瞻賢或隱屠釣稅宜罷魚鹽黃金絕卷
遇青蠅戢口憺天人雖曠遠視聽如堂簾倦馬嘶殘棧
荒難號短簷山峯似璞雕村酒較蜜黏回春憶陽和稅

駕想葭蓬遙望鍾阜上凍雲尚掩檐輿衰俱陳迹驅馳
志久厭

春雪

江城春雪欲滿空追琢羣山一夜風潮去潮來終萬古
梅開梅謝自千叢樓臺日在烟雲裏舟楫常浮波浪中
輪與孤僧共野鶴閒看世事得從容

贈姻翁薄幸脩奉使南鎮祭告

禮樂興修代江湖寄置身春風看結駟芳草正鋪茵
樹曠晴日仙槎泛使臣川原增氣象道義舊交親濟美
知培厚掄才貴賞眞廣延端模楷弘覽備咨詢來輯虞
廷玉於昭禹甸神山靈迎寶蓋爐篆挹丹宸巖壑恣

懷歸詩集卷九

四

探討鐫題重鼎鈞披懷開與突貞度肅明裡近道南漢
成西揮絕域塵壺算供吏役旌節蒞河津一別三秋久
相逢百感新故園花又落澤國雨仍頻但惜年如水還
驚髮總銀病餘行採藥母老暫居貧廊廟資經緯車夢
託串烟願偕擊壤叟共作息機人

春興二律

細雨微風三月初花枝接岸已扶疎踏歌蹊隴方分水
伐鼓村塘正打魚新燕尋巢飛剪剪濕雲返岫去徐徐
眼前春事多遲暮擬向龐公借鹿車

野塘春水滯輕寒塵歛烟深蕪岸寬雲裏山光蓬裏望
病餘花事雨餘殘隨時來去輸陽鳥垂老江湖愧釣竿

惟有河橋楊柳色青青斜輝似長安

夜行惠山

熠熠水螢輝瑩瑩星影稀窻斜月浸枕露涼風蕩衣樓東虛幌倚牆角夜烏飛漁父悠悠意蒼茫想釣磯

競渡

小邑五月半居人尚競渡農家少曠日三夏猶多務蘭麥雖穫練麻稻正栽布練湖涵萬頃傾瀉如瓶注膏澤幸霑逮原隰省車庠乃聚力田人嬉戲趨如驚鼓角動魚龍旌彩炫雲霧徒以益奢華誰識漓淳素勸導令宰職游情懲勿顧驅之歸田畝作苦早辦賦

讀杜詩

渡崇川作

懷舫詩集卷九

五

手持詩一卷孑然滄海憑觀水見東溟誦詩尊少陵洪荒大氣啓隆蘊萬象烝鬼神秘奧瀉河獄精華凝乃堪空古今刪後得中興體裁變風雅格律準規繩忠憤經百鍊高節聳千層激昂忽痛哭纏綿久服膺苦遭世運衰僅令文章稱不繼姚宋美徒生李楊憎靈湫蝦蟆出鼎鉉狙獮升踪跡終濩落邦國致頽崩驚駭禍亂發騷淫歲月乘直詞備含咀詩史兼擅能春秋續下泉兩經得師承自秉性情正寧可才力矜茲編足開繼百代傳一燈集大成者聖李韓配閔曾諸子望宮牆願學恐不勝問訊寰中水東歸如赴徵渾淪到滄海難爲孟杓增

蟋蟀居壁

莎雞逢季夏爲穴遂幽居凍雨蟬同患炎風蜩共墟面牆難見道鑿壁豈耽書過隙悲時序遷喬感故墟多君吟蟋蟀悞我是蝓蟥欲奮高塹上田龜舊化駕

苦熱有感

天低日下暮烟凝夜靜沙浮海月生渴苦無漿挹北斗早愁虛電繞空城衰遲羽翼違霄漢困頓炎歊見俗情忽憶深堂三夏候老槐蕭瑟有秋聲

登崇明城懷沈確士

風湧長沙潮暗來樞衣獨上古城隈婁淞江外雲峰起花鳥山前雁陣回日映霓旌殘角動溪沉烟樹暮蟬哀仲宣近日多愁思每值登臨想賦才

懷舫詩集卷九

六

無題

代作

徙倚風前倦不支蒼苔清露滿堦墀閒看虛幌流螢度久待空床靜月移病起心還憐枕簟愁深君尚問腰肢柔魂欲斷朱樓檻不及白頭惹怨時

答贈

梅雨初消人去久夕陽小閣跡仍留一溪烟樹藏漁市拙業風帆下潤州鄉國舊瞻雲北面王師還壓海西頭官閒計幾終何補老盡朱顏報早秋

吟詩

小掩殘編笑已癡頭髮鬚斷苦吟詩藏山業在人無問閱世名垂身豈知飼蠹罕逢仙字飽腹蟲不是壯夫爲

明時賣得錢多少未足何曾一箸携

拙計

拙計仍遊子浮生終塞翁髮從嶺外鐫耳自歲前聾多
病俗情減耽愁道意空差強白太傅戀戀遣櫻紅

新秋

海隅一繫纜遂作感秋人西風入城市吹昏沙尾塵奈
非金石質焉與安羨倫髮絲不住織日車無停輪青霄
之敵翻元溟餘修鱗胡為養珍謀解綬去逡巡池樹風
蟬急庭欄月露新滄州多早雁結陣叫高旻觸茲蕭涼
候徒傷衰暮神少年邁忽諸丹錄求仙真載稽秦漢悞
入井奚從仁泰塔方久平兵氣靜三辰善計守四維柔

懷詩集卷九

七

遠重撫循我歸中山市陶然千日春

七夕

河鼓橫河畔清宵看未移豈能就織女祇益動秋思歲
序蕭涼意浮生聚散悲中庭看乞巧恍惚似兒時

過明孝陵

江城東去正春寒寢殿烟深翠幾盤當日徐常空北代
於今父老尚南冠開基未盡貽寬大

如胡監方
鐵諸狀

報禮還多

劇腦肝

如胡監及甲申
三月十七日事

諸路監軍倡拜賊孝陵何用寺人看

秋齋

幽逕清齋日黯陰官閒秋爽有遐心烟雲朝暮憑來去
鴻雁燕吳閱古今苔草密綠人寂悄離花低綴雨浸淫

顏然亦足容疎放曉夢仍多到故林

送梁從彥北歸

江上西風起送君征鴻相叫入秋雲霜蘆葉老歸舟遠
水荇花寒客袂分劍蒯詩囊南國路蒼松白石北山文
悠悠聚散成遲暮塵滿青衫咏落曛

贈金陵林宗漢

西塞山邊識歲星飄蕭杖履上新亭駐顏常肘丹砂赤
聞世還看雪鬢青身外浮雲頻變幻壺中仙境寄滄溟
市頭賣盡泥丸去鶴背長吟過洞庭

塵靜

塵靜無簾後秋深入夜時花香供酒醒露冷與蛩知世

懷詩集卷九

八

市閒看盡生涯高卧宜之推偕母隱無所用文為

旅夜讀史

海邑秋深旅夜清披編想見古今情鏡光背面誰能照
棋局中心自不平何處高明辭鬼關幾人黃耆待功成
褒彈紙上迷真贗盡前賢到後生

扁担沙勘界

已亥
冬至

野暮雲方合沙虛水更吞日回天北陸江入海西門昏
塾民常徙魚鹽利幾存何時安粒食耕鑿長兒孫

白日啣沙尾青烟發鹵中地卑常濕霧天迥忽霜風哀
苦聞原雁年華感髮蓬不知滄海際疏鑿近何從

和雲岑兄焦祠祈夢韻

高士祠荒烟水昏濤聲撼夢落雲根江山如畫來莊蝶
蘭芷爲歌慰楚魂枕上黑甜仙境渺場中聚散故吾存
睡鄉若不真方問大被還應共弟昆

九月八日舟次雨中呈雲岑兄

秋雲貼草樹凝烟細雨黃昏到客船澤國寒生鴻雁候
故園霜湛菊花天把君詩卷過佳節似我情懷近老年
擬向叢臺同載酒燕歌趙舞好流連

九日

今歲重陽值客中浪花萍葉任西風弟兄淪落存亡隔
兩兄已妻子艱辛道路同春歸奉家計宦情催雪鬢書籤
十餘年藥散壓霜蓬明年此日知何處時有白雲與夢通

懷仙詩集卷九

九

又作

江湖滿眼勝孤舟九日他鄉憶故邱無數花枝閒舞態
多時酒盞冷歌喉詩篇放浪將終老世事浮沉尚百憂
獨羨披蓑漁父樂烟波萬頃一竿投

滄浪亭弔蘇公

城隅春水匝林丘春日扶筇荒寺遊僧過虎溪逢客至
石移驚嶺得雲留行吟楚澤靈均怨老賦鄉關庾信愁
獨倚孤亭懷放逐詩魂來往定滄洲

夜出胥門元墓探梅二律

啓關五夜泛春流迎曉屏嵐供卧遊橋挂魚罾低覆水
竹荒村岸曲藏樓陰寒未卜梅都放曠遠先知寺絕幽

欲待花開訪鄧尉香零粉褪不禁愁
五載留吳快此行疎雲偷放遠岑晴花如季女愆歸約
客與寒山結冷盟舞倦自知雙袖短吟多人訝一囊輕
房門炙手春先暖隨雪消殘葉亂生

到山入聖恩寺小留即返

鄧尉山頭探野梅山梅半吐水梅開遊人未集春仍冷
寒雨繞晴客竟來雞犬有啣仙藥去松筠皆傍妙香栽
老僧掃盡閒言語爲我拈花下法臺時戴山和尚以執
帚錄同山誌見贈
不分山色與湖光水濶雲深結衆香何代招提千樹玉
誰家墓壠半林霜橫拖驢背敲寒句低掃壚頭點淡粧
底事催歸風雨急官閒却恨看花忙

懷仙詩集卷九

十

元墓歸途雨阻不得赴靈巖

暮雨催歸急山花惹怨多青蘿憐越女白首老吳歌池
漲蕪全沒橋平柳半拖江鄉鷗夢穩祇少挂漁蓑

舟迴泊百花洲

花洲春水碧娃館晚山青霸業千雄劍才名一草亭鶯
花無歇日霜雪有殘星欲奏雍門瑟湘靈恐未聽

贈鶴山老人

掃盡馨香住萬峯纖塵絕處快過從心存忠孝傳真諦
師太僕忠烈
孫公之孫也力挽江河護正宗貧卓無錐方脫灑身藏沒
跡自冲容不惟老宿常參證學士羣思扣大鐘

贈滄浪澄禪師暨自勝上座

滄浪亭側南禪寺老僧筆底富山川時對碧溪寫丹障
萬家春雨散蒼烟山高水長不盡意聞聲弟子悟揮絃
月夜騷魂聽逸韻無數閒花落澗泉耿耿慧燈照今古
諸幻影中結大千咫尺河嶽現色相拈來大地毫端懸
妙音不墮聲聞界時尾寒鐘到客船客至觀音脫塵海
師久鏤空證盡禪色聲知己無觸法願共詩魔總棄捐

蘇軾子美滄浪亭記為短歌

子美廢非罪扁舟遂南遊吳中僦舍處盛夏炎蒸愁思
得高爽地虛闊舒百憂偶過郡學東鬱然草樹幽崇阜
連廣水不與城市侔並水得微徑雜花野竹稠東趨數
百步杜南益廣倚旁為民人居左右林木樛三向皆面

懷詩集卷九

十一

水棄地百餘秋勝勢訪古老池館遺故廡買以四萬錢
構亭碕北陬顏亭曰滄浪水竹前後周澄川與翠幹軒
簷光宕浮風月俱相宜幅巾傍小舟灑然至忘歸舉觴
浩歌謳其樂惟魚鳥野老無暫留神靜形骸適道明觀
聽優汨汨榮辱場鄙哉錙銖求利害日摩挲其趣隔烟
洲人固動物耳情橫性復收遇物能遺寓久溺斯多尤
勝是而易之豁達開胸眸仕宦溺至深古之才哲儔一
失至於死未知自勝謀君子獲佳境冲曠安退休不與
衆驅馳內外齊恩仇沃然忽有得物我識源流笑閑萬
古間未能忘冥搜用是以自勝作記光林丘

庚子元旦後旬日偶作

春日照梅株風光祇自娛雪消塘水足雷動蟄虫蘇趨
走隨塵更呬唔類老儒不知何繫累遲我論潛夫

梅村有天涯歌舞惜流年之句當筵偶賦時在崇
明

天涯歌舞惜流年底事歡場倍惘然白髮仍留滄海外
春光倏去落梅邊花催扇底嬌喉老月妒人間好事全
東坡有此事
古難全之句多少樓臺行樂地夜涼如水水如烟

懷詩集卷九

十二

懷舫詩集卷之十

紙鸞

東風着力上青雲俯視嚶鳴舊侶羣日下光輝生顧盼
人前揚厲起聲聞有飛而鳴者機關在手容欺世升墮由人
候君一旦高空成蹭蹬羽儀零落惜身焚

染鬚自嘲

染白鬚朝對客于思常帶綠沉斑低回攬鏡曾酸鼻
無時要人更汗顏年甫服官身善病時雖好老性耽閑
丁校書皆畏獨與漁翁結往還

虎阜前溪夜泊

夜客思深野燐雲疎露正沉明滅水螢粘濕艸

懷舫詩集卷之十

蕭涼殘月上荒林窮圖終托鳴鐘寺歸計仍羈抱膝吟
獨對曉風搔短髮淒然早動望鄉心

楊景山昭武將軍孫大名觀察少子也昔年觀察

來往鄉縣車徒儀衛赫然一時兩兄俱在每來
過從必投轄痛飲至累日夜今則盡為往事矣
相晤荒署五陵佳氣常新而裘馬之習澹如詢
余昆季久傷終鮮回首數十年如一瞬也感而
賦此贈別

猶記高旌駐里門沙堤車騎儼雲屯年華過眼思前哲
才俊乘時望後昆平信遺風佳氣在崔盧舊宅積塵昏
來歎段長安路雄劍孤鳴孰與論

補遊靈巖二律

秋晨倚棹水雲灣補看春前不了山乘興何妨常請急
乞身未遂且偷閒深溪密樹迂迴際濕霧晴嵐淺淡間
早縱雙眸多放裡多情西子露煙鬟

雄風霸業勢寒鍾神女魂遊第幾峰未見版圖歸越國
空餘鐘磬恨兵燹泉常滴巖前石明月還依澗外松
舊識僧歸今夕老蔚然無改是山容

赴山途少口占

山幽能到少官散許來頻垂老秋多感曾遊跡久陳野
花香自放沙鳥性何馴偶爾維舟處頽然願卜鄰
迂疎甘境喜探幽山水遺藍本吟哦得素秋眼

懷舫詩集卷之十

二

前干浩劫身外一扁舟冠蓋塵中客逍遙若共遊
遊山朝雨暮晴三十年前僧徒多物故矣歸舟感

賦二律

吳城西望好山多更選雲峰貯舞歌寶檻珠簾擬帝闕
香溼彩鸞儼星河廊空祇聽松筠響臺迥旋看麋鹿過
何事頻來值風雨不留脂粉污煙蘿

孤亭嵐翠晚侵衣古塔鈴音靜息機雲護禪關迎急雨
風催歸棹背斜暉青山獨住名心盡白髮重遊壯志違
莫問吳宮舊花草影堂多處老僧稀

西子歌 代西子作

西子生為越溪女不識苧蘿村外路家貧澣紗成綺

自來所繫惟裙布勾踐縮頸脫吳歸過選歌喉製舞衣
紅顏價賤黃金貴一上徵車骨肉遠夜新畫胆治吳志
以吳為魚妾為餌鄭旦之外二八人教嚴虎視工狐媚
迢迢北溯溪水來旋上姑蘇新築臺春花秋月行樂地
臺高魂斷禹山哀賄娃別館翠微裡瑤草琪華闕麗靡
霸圖方欲廣宮牆更集齊姜納楚平三千恩倦一身多
畫舫香湮亦暫過舟楫旌旗江海外方逞雄風逐逝波
一溪煙水蒼茫色江淮溝通竟不測祇言鼓棹溯黃池
甲盾舊津未嘗塞蕩王心妾不聞可憐幾顧遂傾國
豎子成名妾亦傳致與軍韜分勳力妾身垂老與死隣
不能復作越功臣來時清淺溪頭水便是五湖甘置身

懷詩集卷十

三

文種已誅范蠡走扁舟攜去誠烏有鴟夷逃禍且藏名
妾用出疆載老醜吳王雖愚亦丈夫妾事似與褒姒殊
鄭旦無識獨領罪成敗論人斯鄙儒君王若忍和齊晉
能截長頸捐小信越中收盡貌如花涕泣女吳空羞吝
由蘇至望亭轉赴姑熟喜見虞山

飄蕩終何極鞭驅久不前顏唐容散吏契濶入衰年秋
色來天末寒香結桂邊西巖前墮月又上海雲巔
江上欲丹楓虞山倦眼中有雲仍透露無雨亦空濛雁
宕清湖隔漁梁野水通峰腰藏幾寺亂簇晚霞紅
客行涼燠改路繞水天分社數村村醉菱歌處處聞林
深藏短塔浦遠接橫雲翠嶂青松下孤城帶夕曛

秋夜

病客秋涼甘早臥愁當靜夜怯長更風掀簾動螢隨入
露悄窗涵月自生食悶藥爐那去計孤衾高枕老來情
壯心何事仍時起忽逐雞聲遠行

省歸述見

桑柘村前倦客歸葭蘆江上音稀山僧遙下丹梯寺
野老閒開白板扉康港淺牛眠葉亂田空鳥啄稻根肥
此間容有躬耕地堪長兒孫一草衣

謁明太祖陵

明祖自謂得天下不漢高同而靖難之承統以第四子與孝子亦同

三百餘年土一抔松杉禿死尚龍虬陵垣頽缺牛羊入
寢殿陰寒鬼物遊提劍誅秦竇勿暴登車承漢呂歸劉

懷詩集卷十

四

兩朝開繼論同異不盡江河東悲

途次

秋杪江皋路青山黃葉間潭空露冷風靜見雲間渡
落潛夫論沙塵遊子顏老親身謂全不兒髮早無斑白矣

省歸自計

蜿蜒山勢逐江斜疎密松杉補霞月姊風姨征客路
稻孫鴛子老農家官貧兒尚思干祿婢拙妻常課績麻
便卸冠簪住村社身強自種故侯瓜

一往孤迢歲月移半生塵夢幾詩誰為病驥留殘豆
敢乞奕師覆敗碁紅寺青山忙負白雲黃鶴香難期
歸時三逕荒蕪盡祿養無成負米宜

庚子九日

新晴秋色倍蒼涼九日齋居罷舉觴桂晚殘香侵散帙
庭閒清吹襲單裳虎砵載酒三千路漳郡登馬阜從遊四
十霜乙丑歲隨先宮傳九日登高已三十六年矣少壯幾何人欲老眼中身世百茫

秋日偶成四律

未學心齋却屢空知文難送儘習窮家緣久廢溢乾後
宦興姑存冗長中潦倒細看俗態改吟唔常課腐儒同
夕陽滿壁行雲影哀響何心續斷鴻
曹騰塵際老閒身有愧屠漿燕趙人秋寒常懷田畯喜
夏畦為病上官喧盤中舊友當微哂堂上衰親敢具陳

懷助詩集卷五

五

早計知非今未晚平蕪山色逐年新吳梅村贈先人詩有山連金越見平蕪之句
東燭空堂靜不譁幽懷逸興亦無涯萬家衣杵秋聲壯
半壁香風菊影斜檢點丹青行採藥掃除黃葉且烹茶
夜長抱膝無他事日有新詩綴筆花
閑閣舒衾入夜時庭鳥舊集一卑枝久營謝祿貧姑緩
老愛聽歌病不宜耳疾兒女圍燈聊飲吸風霜催景尚
福遲曉來衙鼓傳常晏性懶官閒客共知

十月朔

催人晦朔去騰騰焚送褚衣痛不勝子舍蠅蛸仍繹絡
墓田狐兔久陵憑萬家守塚何由得杯酒澆墳尚不能
頭白江干歸未卜愁看霜露艸根凝

言責

家遠仍千里親歸已閱年本期榮祿養何計避官愆
觸方贏角魚逃奚繫釜田園雖少立子母券常懸仕久
貧適甚秋深病未捐塵冠何日掛舊宅賣誰邊

有寄

江海漂搖期養親嬰愁挾病轉艱辛三年久處囊無穎
百口常懸甌有塵借母之推寧庸祿為卿宣子尚憂貧
厚顏且戀車魚惠老作夷盟報德人
旂馬門庭結網蛛鵲原晨望曙星孤家珍數去餘書蠹
童指柳來少才奴耶底惟營饘粥計耳邊聲亂馬牛呼
鐘懸四座歌功德皓首知容濫一竿

懷助詩集卷六

六

古重陽後十日起沙海

九月秋寒快舉觴心期三醉古重陽何堪對酒一朝歇
無那嬰塵幾度忙省回人老厭花偏愛菊官閒怕事又成
衰江南河北家分住未審何方望故鄉

九月晦過揚州二首

碧樹千林醉玉霜了無花月過維揚依依白日棲帆影
隱隱青山下雁行潮打新城聲伎歇烟銷隋苑雨雲荒
五秋驚看盈頭雪未到平山一望鄉

北固晴霄鳥道通

輿地志云北固樓清溪如聞鶴唳月明中

玉人橋畔簫常吹

水部江頭梅才紅徒見

海峴彫木葉愁維曲岸壓霜蓬朱樓翠閣皆閑鎖老盡

章娘舞袖風

旅舍題壁

村姬含愁問使君
霜髯雪鬢醉顏醺
幾回過此身隨老
儂是當爐舊茜裙

送詩人劉荻江從軍隴西

渭城唱別倒金尊
路走封侯古玉門
夜半劉琨雞自舞
關中王猛虱常捫
河窮星宿冰橋結
山隔祁連雲陣屯
橫槊賦詩君自慣
功成鐫誦上崑崙

荻江新詩百餘首遍紀所交姓名戲贈之

車魚輕母擬馮驩
棄相虞卿知者難
敢謂陳蕃曾設榻
徒勞貢禹想彈冠
君爲南郡令王粲
誰稱東山老謝安

懷舫詩集卷七

七

絳灌悠悠何足伍
韓侯盡引入詩壇

擬古十二首

用青蓮集中韻

秦皇并六雄
尋仙跨碣石
弱水隔三山
大魚射千尺
宛在方蓬人
無求常自適
焉肯逐鮑臭
邀寵東封役
至今湖海士
猶重金椎客
神怒海沙飛
鎬池雙壁歸
祖龍蛻腊骨
赤帝垂裳衣
悠悠安羨屬
不望傳芳徽

快遊沙棠舟
樂客鬱金堂
裘馬炫日色
榮戟耀雲光
金尊邀皓月
錦帳晝清霜
但解遊歌舞
無由識柘桑
星見已催曙
音留更繞梁
平明擁軒蓋
紫闥入翱翔
忽赴玉京召
終聞蒿里傷
亭頽池沼涸
飛盡舊鴛鴦
村巷貧家女
停織獨含辛
冰泮淚盈水
梅殘面減春
不

作使君婦甘爲漆室人
豪右聞賢名百輛迎
一身冠蓋

榮共井賓徒聞比鄰驚
迴籠醜貌好德疇能真

誰種白榆樹不知天上春
笑彼溪桃艷開老避秦人花

飛久忘樹木去者迷津漁人迴俗駕
燕石說奇珍無何有之鄉獨往更誰親

鵬運九萬里鸞鳥誠不如能於枌榆間
自得逍遙居臨

濠各有樂安見鯢異魚池湟寧不足
江海亦何餘一身游泳外烏用多鑿疏
白雲無定形隨風成歛舒猶龍者

誰子然託鯢鮒

漢塞多飛將十年戰雪霜誓追窮髮外
爲君略遠荒宛馬騰雲色葡萄耀酒光
千廬驅北徙一雁漏南翔連山

懷舫詩集卷八

八

收牧地當陣擣賢王羌女琵琶醉棲梧
雙鳳凰血雨天山赤龍沙烽不揚

泰山青齊魯萬峰靈根託任公踞其巔
長釣連鰲樂燭龍抱珠睡雷電辟光鏢
垂絲挂逆鱗張目海天灼憑高得躋澄
陵谷互綜錯嗟古赤族蒙名曾標勲閭

至道惟有常名形非常道秋光澹山川
春色芳花草浮生同萬類隨化爲榮槁
既望兒童成焉愁身就老尸解羽化人生
死誰窮討神丹與仙蘇綿古悞已早如意
碎玉壺忘形乃道寶

天地自不息古今無閑人男子貴孤矢志
士喜風塵野火燒枯骨吹氣如勞薪遲暮壯
心歇徒言仙洞春誰非

玉棺內浮論何足珍

風吹海雲起遙望如高岑樓臺結縹緲變滅難追尋飛
投惟遼鶴長鳴應揮琴對此懷曠遠狂吟寫我心醉以
酒琥珀侑以卉黃金十年滄海際幾問杯中月雲山花
鳥閒百歲空悠忽

掉舟泛纖月蘆岸霜華鮮影落清淺瀨月碎水珠圓玉
笛發高樓賓鴻度遠天深思夢何處知在曉風前

去去將焉去未去先問君水歸何處盡路向北間分北
風吹正急班馬亂嘶羣與子一揮手千山萬疊雲莫愁
歲月晚進酒加餐飯但願情相親不知天際遠春草遍
池塘清夢時來返

懷舫詩集卷十

九

扁担沙月夜二首

寒原苦月望滄溟野曠天低欵段行茅屋千簷攢社小
昏烟四合覆沙平馬逢風起聲猶壯雁挾霜飛影自橫
星斗光搖雙闕遠吾衰無夢到神京

海濱陳跡閱三年流水風光去眼前野老相逢胡避席
閒鷗羣觸乃虛船消殘意氣存孤劍畫新詩思繞一鞭
館壁懸燈昏照榻中宵愁緒正綿綿

海冊

長風曉吹霧雲昏白鹵青烟古海門空憶田廬思舊德
忽驚波浪擾幽魂蓬萊清淺何年事蕩析遺黎幾戶存
白骨沉沙應鬼哭更餘何物長兒孫

辛丑臘月立壬寅年春後赴省四律

五十三年遲暮身江干落拓又逢春盆梅含笑來投夢
簷雀迎暄下趁人佳景隨時堪適意好書連屋莫愁貧
徒思獻曝君門遠差可持歸慰老親

江東米價未全昂生計無過足稻梁野叟耕蠶忘帝
力閒官俯仰耗天倉老來官趣粗能拙塵裏年光倍覺
忙謀食自慚思就正春風化日倍舒長

致身早願歲三遷皓首方憂厲九淵何處歡場常晏爾
誰家沙道久依然文章本乏胡憎命毛角真無可論禪
津吏相迎聊共語花殷草碧又經年

既甘蠖屈恥求伸豹韞誰期更變新碌碌歆餘成底事

懷舫詩集卷十

十

寥寥公側置何人韓娥發響能移俗醉者垂車不損神
縱使年華歌飲供也應負盡好青春

歸鎮接待人寄詩因而和答

茂苑舟迴春又新梅花零落葉如鱗知無厚福看花老
常作汗漫陸海人

小閣窗明日暖時盆梅纔放兩三枝經旬花謝人歸晚
紙帳留香入夢遲

附侍人原詩

一度梅開一度春花期春債付勞塵自憐閒看梅開
謝花是同心抱恨人

空負梅花冰雪姿就閒耐冷歲寒時那知門外春如

許芳草留君歸騎遲

廿八夜舟迴鎮城

舟泊江城夜四更暗潮寂寂櫓聲輕燈前倦客寒灰撥
夢裏荒雞近郭鳴老景萬緣皆是累半生百事一無成
新桃遍換人門戶歸與松筠結舊盟

官閣

官閣梅殘愁詠客江城雲黯入春宵樓頭吹角潮音動
塞上懸星兵氣搖烟水滄茫消歲月風塵落拓混漁樵
已拚遲暮供沉醉目斷鄉關雁寂寥

遊支硎

遐想滄洲雲水空幽懷誰遣向春風溪經宿雨凝沉綠

懷舫詩集卷十

士

岸護新蕪襯落紅烟樹迷離孤塔外

時舟泊虎阜別以輕舫入山回望塔甚遠也晴

嵐蕩漾夕陽中揚舲載月歸來晚爲有詩魂戀艷叢

丹

何事青山屢往尋老憐扶杖逐曦輪雲窩松舊藏精舍
花底波仍照麗人画舫迂迴歌買醉白頭哀怨鏡生頻
樂游一晌輸年少柳禿無情更舞春

雨夜舟次時携家赴崇

濃雲漠漠雨霏霏江水迢迢客憶歸廣陌花殘春已暮
小樓人寂燕應稀半生湖海名心老盡室漂搖素願違
謀婦竟無藏斗酒言沽先計典朝衣

代侍人和韻

春去寒留夜雨霏五湖烟水欲何歸愁人客路歡情
少倦宦天涯烏髮稀詩卷藥爐聊共載金樽錦瑟久
相違隨君醉向滄洲隱賃酒還餘舊舞衣

十月初三日見新月賦

野水明霜鏡蛾眉到枕邊宮闈辭掩袖海微照維船
延壁將分瑞天弧未上絃圓時愁復缺常好對纖纖
反影臨滄海垂鈎掛玉關遺珠羞炫滿驚雁怯虛彎那
便合鴛瓦誰輕斷碧環於中栽桂樹輪側恐難攀

懷舫詩集卷十

士

懷舫詩集卷十一

讀東坡和陶詩意致殊不類余因亦成七首更逕

庭矣固古今人不相及但詩以言志正不必強

同耳

流螢照濕草根有鳴蛩依淒音催落月微光歛朝暉感
彼物應候同驚駒影飛胡為薄游子華髮未言歸故園
麥乾枯里巷多苦饑墓田知無盡霜露起深悲

朝霞常戀闕野鶴曾乘軒相如澹進取抱病令文園入
心華撫念難掃逾雲煙賈生少紛事秦漢空究研揚子
老投閣元白落語言東陵共首陽枯腊誰思賢

太和蘊性情寄理於瑟琴欲揮且無絃豈望賞知音鐘

懷舫詩集卷十一

十

愚徒日設憂患每相尋土缶可節歌山花足勸斟魯薛
鼓散失殘譜百代欽悠哉溯正始無聲得會心

窮達貴自適不必定終窶物我未能一駢乞如酢酬江

湖與廊廟立論各比周榮祿固貽辱貧賤幾忘憂古有

衛公子卜鄰堪與倚置身夷惠間老我將焉求

士生三代降東髮學祿干弓旌何待招道德鮮懋官出

為營富貴萬鐘竟素餐屢下乃愈況至不免飢寒負郭

田棄盡頑印空衰顏古有貧而仕中隱惟抱關

半生走名場往來如轉蓬初藉詞賦力繼惟顰笑工建

策非晁董作吏無黃龔但解磨唯諾萬口出聲同直道

存宇宙久塞將無通試為究古今會自知所從

余生世祿家四十典大州嶺外俗淳古風尚近難儔三
吳佳山水游詠足名流畧觀似繁盛浮薄有殷憂親老
身亦衰天高恩未酬貧者官之常慎勿墮姱修

涼快二首

涼快爭如熱惱多曾來東海小秋河千金贖背誰輕對
幾窻松煤我自磨且慰渴腸存舊井敢思放眼過新羅
一方月照如霜地赤脚青莎正踏歌

小詞有踏莎行熱惱出內典涼快則方言也

曉暮浮雲聚散風沙頭常伴信天翁閒身易置炎蒸外
仙島難逃波浪中郊外雄雞思斷尾林間凍雀愛枯叢
三星漸見西流急過隙誰能繫玉驄

立秋前夕

懷舫詩集卷十一

二

天宇河傾洗城隅角吹昏花香和露氣月影礙雲痕院
靜涼如雨堂空曠似村安心未隱處幾字擾詩魂

觀蓮

崇賢西塘

如鏡方塘畧行通雨餘香冷芰荷風疑來東海三山外
不羨西湖六月中白鷺羞窺芳意靜清霜和愁墜粉房空
鬱金堂燕孤栖久恐竟凋殘太液叢

時出仙室焉

立秋後數夕

二更看月

詩篇歲記客悲秋物候時驚人宦遊尚起雲峯疑夏屋
忽侵風露感滄洲捐餘紉扇班姬怨倚遍寒砧少婦愁
此夜玉關涼月下征夫盡拭望鄉眸

立秋後宴客不為進酒戲成

飛而食肉足封侯百拜君勞省酢酬但願長年飽白飯
何妨為壽缺黃流太常齊日難成醉陸賈兒家尚許留
金盡床頭無酒賁公榮非敢妄軒輶

秋熱

秋熱知如人老健新涼望似救兵團金風不厭塵衝扇
素女方招粟起肌浪漫神全移酒郡玲瓏骨冷擁湘妃
夫人綵綈繞着仍揮雨却有誰家夜擣衣

米貴行

五年十八渡滄海潮汐如常歲月改斑髮如銀不歸休
秋水重偕海若遊清酒侑神舞村俊屠豕升糲竟兵愁
愁絕艤船守海側飢疲安得撐風力海沙千堆難唱量

陳師詩集卷十一

三

海水萬頃不蕃植歌臺日見巫沉醉天妃朝開羣龍睡
雷車夜半碾雲頭灑雨吹塵聊兒戲豐年米價昂江東
太平有象無兵凶却恨老兵餓欲死沙尾千家釜甑空
揮沙築圩不宜稻種棉海風吹霜早有縷易粟米禁嚴
云我沙民通海盜海島當年聚頑民田橫客盡今無人
蓬萊何處歲盡循花鳥山空寂歷春回首禍亂者不類
太平既久多艱辛米珠難得如披鱗萬斛載之走關津
鐵鎖橫江陸埋輪片板越渡關吏喧誰為關吏主畫諾
忍割人肉置吏唇老兵中年方入伍常羨民羊飼兵虎
羊割無血已多時虎饑柴骨蒙瘡皮當年民死轉餉兵
死戰俯仰足給死無怨比歲兵閒民不勞妻兒欲委溝

中段戰死留名祇一身餓死含悲骨肉散不如西征向
玉關血漬沙場冰雪斑不如南征走臺灣屍莖魚腹魂
夢還遶書次第到長安老兵姑自守飢寒五省聞俱苦
早乾成湯桑林禱精虔停輪蠲稅發倉庾公卿奉詔走
猥猥行沛甘霖發醴泉斗米再見值三錢憂旱曝庭誠
可憐有青沛惠調陽愆緩求宛馬遣方欽上策一鳴烹
羊鮮

茉莉

茉莉澹秋色枝繁花漸殘癡龍珠易盡甘井水先乾蟻
首無光澤蓮心少蕙蘭白毫端世界祇依刹那看
已落英頻歟將開萼日新花綻花續老迹踏迹俱陳採

陳師詩集卷十一

四

擷玉肌女飄零白首人中朝者舊少我欲問先民

同杞楠數珠賦贈侍人

投贈杞楠珠念念惟妄遣千侶傾口誦萬佛隨指轉佛
數恒河沙無量相推行念了佛俱了秦炬付經卷一吸
渴西江弗作吳牛喘結習待消除生滅仍往反木佛繞
無香靈龕儼不蘭摩尼入夢來塵根知未淺

余言此名摩尼也

人性

人性有忠孝如天有日月天明日月暗此語聖者揭
形側而圓日月無出沒因亦無晝夜晝夜人見滑如金
無生死真性何完缺忠孝墮名形佛法乾屎橛凡古今

性人神靈皆弗汨問死事鬼神勇者氣度越生人求知
事斯理剖已竭佛固久涅槃新盡火傳發聖亡仁日新
仁如果中校氣不與理二物豈能化過於茲證性命身
世悉達豁

余兩兄俱亡有子八人散居他所孑然一身獨處

海外因次坡公和陶連雨絕句詩二首以自廣

淵明責五男形影能釋然坡公愛子由離和尚相聞我

今來海徼跨蹕逐飛仙未遇鴻蒙旋雲將徒吁天儼入

無人野皮存為患先鴿原生宿草伯仲無生還伯兄卒於
仲兄卒於
梧州府署置膝少懷祖陸賈空衰年仍有親在堂噬指默

無言

懷詩集卷十一

五

開遲寂二仲空庭偶蹕然飛落一海鶴來想三壺間君

豈坡夢士元裳縞衣仙抑或陶咏翼翔翔八表天陶原詩
云雲鶴

有詩人抱琴行隨去乘軒敢爭先暫與立獨翁踞踞相

往還鶴迴長頸顧似許交忘年布武時清嘆欲答無可

言

讀蘇和陶詩

二公韻語繼風騷陶近於風而
蘇近於騷神寄幽閒氣作豪逸士蓋

臣非一傳必琴點瑟不同操縱如宋玉九章古爭似梁

鴻五噫高遷轉八州歸未早陶詩和遍弗宗陶宋玉九章
亦謂九章

述懷用坡公韻

早識槐為郡應嗤足畫蛇亡羊書枉讀得鹿夢虛呀千

里鼓車駿孤萍星漢槎膏塗霜暫黯坡轉景將斜鷓鴣
鳴相嚇長安日共還依荆憐去國吟越見思家青海收
天馬黃榆射野獬師歸舟載指婦吊俗仍髻翡翠巢宮
寢驪黃貢渥淫勳名高衛霍封域狹皇媧臨食宰臣嘆
當機緯婦嗟欲陳苦藥口終噤膠錫牙

遠取諸物依韻再成一章

罷相思黃犬亡王泣白蛇鳳衰狂詠嘯麟獲聖驚呀娛
烏胡韶樂求魚豈樹槎花飛鶯自老風起雁須斜鶴駕
何曾返龜齡未必還海田蛟失宅山烈虎焚家懷寶難
局蟬居奇善寄猓蛾省爭妒鏡烏髮巧教髮禽集辭枯
簇龍騰厭渴淫蟻封矜愈禹衛石智輸甥獬祭聞鷗笑

懷詩集卷十一

六

牛飢社鼠嗟與如虫百足莫若象無牙

近取諸身依韻再成一首

寒耳忘牛蟻吞丸渾劍蛇腰金烏足美頭雪不須呀妄
念浮雲縷真形槁木槎舌存言可廢目正道非斜性屬
皮毛裏情乖用胆遐雙肩剛荷擔尺宅巧成家炳變標
文豹慙誠格壯猷短衣醇善舞寡髮謝高髻脚立雖無
卓心安水滿窪魂離奔月后丹轉補天媧隨化何人免
勞生舉世嗟如知身即藥玉圖茂瓊牙

江南十首周坡集荆州詩韻

江流京口外自昔富山川煙樹千家郭桅檣萬斛船英
雄時割據龍虎古盤旋日暮高城望誰維天塹堅

南朝傳曠達千載俗猶存談笑矜王謝文章祖玉原山

幽堪買宅女好欲名村獨有顏唐意樽前誰與論

月殿霓裳秦風臺長袖連黃金拼盡費白髮忍終捐靡

靡師曾戒惜惜詩所憐倚牆休按笛古調還多年開元後中外樂

天庾輸漕艦清湖鑿闕沙河遷淮並泗江湖峽穿已浩

蕩歸滄海蒸蔚亦震潮來溝港溢退食厭魚蝦洪澤湖口有門限

澤國時風雨樓居地濕卑春花迎雪早冷節殢晴遲流

水前寒更荒山馬通扁舟聽子夜哀怨似此詞

金玉消王氣詩書困士髮吹竿興慨嘆彈鉞笑羅蒙洛

懷舫詩集卷十一

七

下江可細長安居亦勞人修封禪草誰復問風騷

倚門尋繹日結伴快游時山寺聽僧梵江舟看水嬉珮

環遊玉女腮朕比紅兒莫說無婦人生樂有涯

綠嶺如裁錦揚解隸晉犀嫁衣皆彩綺粧鏡半玻璃旅

館垣堆蠟歌樓座碎篋不知筐實少無血莫羊封

漸除湖海興已老宦遊人捨寺無金帶歸田剩角巾尊

羹思未徹蠻語聽先馴風起仍嘶北知非南國珍

西屏雲以外南畝水之陽免冊常封網牛經習種芒登

山聞嘯咏栽竹認瀟湘已醒槐安夢驅馳謝漢王

木龍行

木龍吸水水泉匱癡龍逃熱抱珠睡昨晚雲長如列山

風姨揚袖餘空翠星斗下浴淺灘底光照砂石魚蝦畏

千船膠滯不得行市頭百物一時貴呂蒙城北岸漸起

漕流深狹如江練湖千頃向奔注今忽碎滴蛟人淚

日千萬夫禪丘岸水涸田乾老農嘆不幸家居運河側

出廬墳墓難捐棄河干雨多收亦薄水深姑免挑河累

今年雨少定苦飢飢死不愁愁河事旱飢民死全皆骸

忍生剜肉飽奸吏霜雪正繁澤堅腹空腹挑河誰敢避

一人之役繫百人用舍緩急憑贈饋富盡賄逸貧獨留

噉雪披風枕冰寐踣折指墮不遑恤幸而明春病腫腿

饑寒力役死不惜惜河不受疏抓利岸峭沙浮冰雪滑

泥土旋共流斯墜官今憂旱為禱雨不如姑寬挑河議

懷舫詩集卷十一

八

江潮晨夕送漕舟玉粒百萬浮達易聽彼澤門與役歌

自懷愷悌君子志

秋懷詩

用昌黎集原韻十一首末亦昌黎詩一首

秋城繞羣山綠樹簇簇登高眺晨夕愛對情無已林

麓來西風淒清聲盈耳物候從茲改鄉思由中起白雲

忘今古變態無一似乃知偶鑄形盛美匪堪恃兀兀蒼

峯尖磳磳白門孰頑石總無心冥然泯憂喜

時至風霜應豈恤物榮悴昔看花滿溪今驚條委地名

高意未愜功成志尚恣四令更替代天視渾岐異常存

歛退心淡遠秋光貴

繞棟發聲新列屋居庸曼旣感白雪顛復計青精飯少

年得時駕驅馳丈夫願將垂身後名用爲來哲勸西山
松柏根壘壘塚逾萬生曾列鼎食死無盃酒獻宿草啼
鳴蛩千秋忘訴怨

秋空淨纖雲殘暑尚憑陵夜聽聚雷鼓畫驅止樊蠅何
爲爽鳩令久留俗物憎徐思天體圓渾淪削圭稜水清
眩龍魚星浴嘆晷晷愧彼針網蒙反笑參無能

冷露宵半墮靈鶴早知警晨鐘入疎帷夢四良夜永如
困炎歊久新涼蘇病猛桂老削低枝泉甘繁短綆香遠
源復深物以全生幸改井並移根山阿容棄屏

野馬與塵埃紛紜射返景登臺俯曠遠百里秋毫同陳
迹悉芻狗懸象臂土梗乃以一身爲日月爭疾騁安遇
鴻蒙遊吾因有所請

涼颼吹斷蓬遠飛故根暗浮沉值衰遲易起倦遊嘆片
帆溯秋水景物姿探瞰身計老粗得宦情拙自淡履霜
覺氷堅吹劍知竿濫元文雄守雌勞生久同暫可惜一

虛舟紛牽百丈纜今是昨果非前規後賢勸海若難爲
量豈復論斗顧

留雲補北牖邀月照南軒飛雲如可駕皓月固堪奔妄
袂象因滅雲去月無言秋寒來相迫俯仰滑目前兒癡
勉坐膝母老勸加餐誰能令飢凍竭力稽芒編古之窮

愁人著書卷盈千立言自不朽觀者貽悲酸不如軟飽
後縮足裹衾眠無名可垂後無事得延年

秋晴得寒燥天空草木乾華松凋蒼翠煙竹折琅玕疎
雲不成朵零露不成團對此憂茫茫竊祿心何安焉能
挹北斗天漢杓波瀾滂流注九土大塊潤泥丸身老幸
健飯飽食誇據鞍

秋高風漸勁健翮飛有聲草淺沙乾際鷺鳥眼愈明狐
兔苟求活逃死本愚誠縱茲搏擊意微物惡非盈順時
有獮獵聊藉馴甲兵忍用衆怨怒博爾一身榮天終不
嗜殺春和布德令

桂叢芬芳舒菊圃枝葉好物性各適時學道無遲早漂
搖湖海興滅盡真全保後死惟社樹榮華易枯槁二生
終難致四人烏足道

昌黎力起衰綺麗洗晉魏詩以道性情倔強多正氣傳
檄妖魚怵拜表英君諱名成勸學勤成仲使節毅十搯
契古心賢聖聞嘆憤近體酌韋陳博洽經史彙佛老及
稗官不以參道費昔稱文掩詩久知如經緯敬和大人
言凜然存所畏

陽山祈雨
撫臺誕辰平陽赴陽山白龍寺雲祭

封域山川祀辟公維陽之高鎮吳中奠軋峙坤佐亭毒
調愆發伏配雌雄柔火剛金難遽革燥寒秉令雨澤窮

運氣時少陽相火加燥金曉隨節鉞事雲禱舟溯秋水穆清風由來天運
易旋轉九霄一念呼吸通膚寸崇朝悅天下自關和氣
相煦融旨酒歌鐘悉不御瓣香百里赴齋宮廟宇顏唐

圖畫黠林原卷映旌旗紅龍漱空涵天碧色鑒微精度
達曲衷枯柏十圍亦龍種蒼鱗剝落餘直躬靈泉壽木
存曠沓全年守道無心同靜可保真動濟物英爽隨化
為始終潔薦牲醴勤登祝頌贖莫應奚神功日長群山
蔚紫翠峰巔樹杪雲朦朧知有蛟螭應符召倏忽命駕
滄海東

和萬齋季兄哭學憲伯兄詩卽以送別

萬齋許州先
司寇公季子

君吟終鮮去江東我望孤鴻涕淚中老矣常思先世澤
蕭然無改舊家風宦情冷淡樗材累歸計艱難廉吏窮
分手白雲紅葉路音書母隔一山通

許在恒山之西北
柏在恒山之東南

和覺菴叔咏菊原韻卽以送別

懷詩集卷十一

十一

菊逢開日想東籬又值秋原載酒時老景但添新歲月
花枝無改舊丰姿登島賦別歸仍晚送客澆愁醉共期
此際雲山延佇意那堪說與雁鴻知

三逕荒蕪到菊籬故園何事似當時黃墟近日無豪況
青塚多年葬淑姿

故里黃墟在
開邑東南

會與題糕惟我在

康熙乙丑
馬鞍山登

鄉裡別後相思定可知

江城晚眺

山城城郭足煙霞有事探尋早放衙江上樓臺坡老寺
林間水石米顛家山川行處多秋思次第省來到菊花
郊喜西巖曾墜月汀州重照一鈎斜

辛丑九日

客裡秋光菊又開耽遊喜咏想啣盃鴻飛怕見雲中影
日晚閒登江上臺偶遇山僧勞引至悔為舟子悞招來
遙林盡染丹黃色寧獨風霜向髮催

今歲重陽得快晴縱無風雨亦淒清山容黯淡長天碧
林影蕭疎野水明節近秋殘遊已晚歡逢人老感反成
親心知更傷遲暮尚倚門閭動遠情

城上吹笳咽暮雲江天浩蕩暝殘曛誰家思婦堪閒聽
何處離人不怕聞官拙翻貽倉鼠笑愁多不為甕蛆分
半輪秋月無南北會照迢迢雙淚紋

半世顏唐陸海中多時來往楚江東北門簷竹蒹蘆樣

懷詩集卷十一

十一

南渡蕭條唐魏風九日他鄉雙醉眼十年故國一衰翁
歸時重到登高處黃菊仍開豈舊叢

九日重題

蕭涼秋盡日老不奈閒愁草木方凋落關山尚逗遛疎
雲天外嶺重露月中樓曉暮凝思處神傷可自由

楓冷滄江岸沙鳴青海灘繡添銅漏永雪卧鐵衣寒野
圃饒霜采仙人空露盤征夫秋塞老久厭說登壇

有道輸漁父多勞愧雁臣東南三仕客湖海五旬人眼
惜花餘菊顏耽酒駐春延陵佳釀地醉忘折腰頻

江干逢九日每有新詩常以抒懷抱聊為紀歲時心
隨秋淡漠影共菊支離衰健明年事何勞與預期

潤城秋興八律 放歷下體

西風侵曉渡江來昨夜樓頭鴻雁哀飄蕩旌旗瓜步渚
淒涼雲物妙高臺寶刀繡澁光時燦征袖塵淹錦向裁
多少秋思如使信生平瀟灑近懷哀

蕭颯村原木葉黃枯荆衰草望連岡浮雲幾壘成雄陣
牧馬千蹄儼大荒北固山川饒古跡西隣戈甲壯秋防
清商笛奏人皆怨況值風塵老戰場

日下峰高暝色昏寒江旦夕繞京門琵琶夜泣商人婦
戈戟沙沉戰士魂蕭寺晴雲依塔影揚州明月照潮痕
英雄事業隨流水蘆荻蕭蕭廢壘存

黃雲如幕 紫宸遙春殿爐煙憶早朝海外汗漫虛歲

懷彭詩集卷十一

七

月江濱落莫混漁樵蘆笳一曲風常送月夜千廬霜正
飄莫訝相如封禪草懷恩猶有諫書邀

海濤七日靖天風萬里捷聞避暑宮三殿宣傳沙磧外

數行寬大漠滄東貢充翡翠盤雲碧奪獻脂膏膩紅

更越龍堆親射鹿金驪玉帳斗方中 開元夜宴北斗宵中

草樹蕭涼遠翠華孤臣得滯老江涯築宮翠剪淇園竹

舞掌香妝茂苑花供奉舊班餘幾叟平陽新寵更誰家

青山明月知何極還照離宮枯柳斜

細雨輕霜客路霏千山嵐氣翳斜暉四方自古艱餬口

九月他鄉念授衣轉戰風沙迷道路催寒刀尺夢金徽

烏斯絕塞長征客何日音書到繡帷 時南省駐兵移鎮歲中未歸

家在燕南趙北間清秋歸夢繞河關八旬母老白雲金
萬卷書藏紅樹山 此相國讀書處在大茂巖下桃花洞 公子屠漿多國士洛陽
親友滿朝班無才自分常偕隱免倚門閑日望還

懷彭詩集卷十一

古

懷舫詩集卷十二

辛丑春初省行雜吟四律

昏眸復看上元燈，減盡清狂感倍增。
 獨留明月照荒陵，存亡誰訪齊梁寺。
 往日梅花投夢處，香塵如霧隔千層。
 斜日穿林初斂霧，沙溪結凍欲膠舟。
 梅意迎春可自由，村市新醅煨火熟。
 辛盤比戶娛翁姥，遊子違親歲載週。
 雪嶺冰塗客幕征，寒村廢寺夜無更。
 短榻聞鷄是惡聲，敢擬功成身許退。
 却輸梅柳投時好，已望春風早向榮。

懷舫詩集卷十二

一

老怯餘寒戀早春，貧沾微祿愧勞臣。
 多話思依社樹神，鴻爪雪泥姑印跡。
 寒食後同諸齋友伯翼兄虎正遊觀，因念先壠缺。

祭掃之禮為之愴然

遊踪湖海竟生平，孤阜扁舟寄遠情。
 看花開落識浮榮，歌催扇底人空老。
 冷節年年新草綠，南原盃酒未親傾。

三月十七日再赴崇沙

滄江十五度心跡，海天寬流水去無盡。
 高迎曉日樹遠接長灘，身世悠悠意冥鴻。

舵尾隨殘月，潮頭坐快風。
 使查何繫神，山藥未逢可憐春。
 色暮白首浪濤中。

閩唐人北里志有賦

拭眼見春下，愁心花里歌。
 猶記當年爭樹幟，彼美盡顏波。
 裡老餘婦交貧散，酒徒花間鞍馬寂。
 草留裙衩春風想，畫圖趙州橋北路。
 禁條知惹恨，買笑幸無成。
 門深歲月荒塚屢，清明頭白還家日。

懷舫詩集卷十二

二

簡王似齊兼邀其長郎，乃即工詩列有詠。
 風雨庭除靜，蕭涼竹樹清。
 海一區水浮雲萬古情，揮盃招子晉入座為調笙。
 王迹傷遷洛，風人情下泉。
 洩古之恨當為世所憐，非徒工百首醉夢說神僊。

江寧懷古

山驛雲荒竹江亭火綻榴，人過飛渡古歌逼。
 不盡瀉深愁，玉樹南朝歇降旗，西塞收秦淮清沙水。

餘孽遷南日先期卜祚亡，史可法不敵立勳。
 於亡黨仍窮蜀洛血，已戰元黃大正生魔主。

皆廢君天生人誰辨假王容齊偶竿謂弘光非真回思

靖難事一字恨空長劉環謂成祖逃不得一箇字也

竊國侯何在瓜抄蔓未留始皇寧萬世十族竟千恹且

戀梨園夢終疎詔獄囚延恹門啟處三案事方休等項不

死於獄而

東閣延清客來宗道人謂為清客宰南衙拜閣兒幾行

點將錄一統黨人碑末季真崩土中興近置棋誰知福

祿酒釀爾本龍馮福王遇賊殺之同鹿肉有賜名焉福

易儲光宗為太子時不能自立諸子失教故所生幾致

路柳

去日稍頭綠未勻今來濃蔭遍河津為催老景憐時介

懷舫詩集卷十二

三

因咏離懷憶古人林外青帘常繫馬堤邊金線久銷春

噴玩葉盡清霜裏愁絕風前舞倦身

雨中栽竹

帶雨移栽竹數竿森森碧玉影搖寒窓屏頓覺俗塵遠

枕簟常教暑政寬根下清泉宜綴石枝頭明月好憑欄

有時別院笙歌歇幽籟風前聽不殘

贈陳滄洲二首

紫禁開頒詔蒼生慰望霓賴魚詩可採華衮手終彌喜

見河清日知逢道泰時聰明冰雪淨身世驗修治

考吏留燕館迎涼入素秋樽陪張緒宅交結范滂遊直

道無欣愠淵懷民忭求即今疏鑿命知久告嘉猷

新詞

作罷新詞對碧空夕陽花影映籬東樓船繫久摧銅柱

宛馬來多逐玉驄老惜廉頗曾用趙古稱魏絳但和戎

賈生初學徒紛事痛哭當知策未工

夏夜舟次

九龍山靄撲風檣五兩輕柔清興長滿目烟霞幾網展

數年老景一詩囊葡萄久怨吹羌笛翡翠新聞罷越裳

俸薄官閒聊寄拙不須魚我問蒙莊

夏日抵蘇三月由蘇赴崇五月尾

病常蔬食晚停餐雨久絺衣夏怯寒陌上開花歸緩緩

城闌流水去漫漫曾聞鳥語催春老仍聽鐘聲送夜闌

懷舫詩集卷十二

四

白髮頻來津吏笑君胡不憚路行難有以不憚煩見嘲者

蘇州太守上任樞歸里

故人丹旆過江津老吏黃堂掃案塵五載三迎新刺史

寧須憑吊古春申

婁江東行用蘇詩韵三首

婁江東下境漸幽涼生湖宕似早恹山雲往來依城郭

閒鷗飛落戀汀洲奔騰久知日月迫浩蕩方共乾坤浮

帆懸欲趁海風起蓮開姑焉妙香留君不見鄉里善人

馬少游下澤車欸段馬衣食裁足便應休蘇門外新寺蓮花甚盛

玉峰躡屨曾探幽紅樹白雲漫五恹三江流水歸何處

一行作吏老滄洲夢與閨帷通往返心隨鳬鷺共沉浮

固知親在躬耕便却愛官閒祠祿留君不見風流白太
傳遺樊姬賣駿馬酒痕詩本未曾休崑山

谿頭車水水聲幽萬頃雲連望有秋擊鼓吹簫過樵社
鳴鷄吠犬隔蘆洲農家作勞有真樂世事身外悉雲浮
安得金印大如斗有田負郭賣不留君不見搗琴蘇季
子朝辭秦暮入趙縱橫無成說未休

閏六月再赴崇渡海

駭浪驚濤拍碧空炎威赤日駕黃龍江流浩浩知無盡
世事悠悠會有窮瓠子築宮迷海道珠崖置郡啟遺功
樓船老將多凋喪歌勸君王續大風

崇署讀書用蘇詩韻自勸

懷詩集卷十二

五

學道歎神全讀書廢途半眼闌簿領久展卷生浩嘆連
屋有遺編早歲曾涉玩出委青箱積收惜黃金散晚卧
海濱濱殘簡仍相伴何能竟古今聊用慰昏旦綠毛生
印文白蟬走八案枕後常橫斜架上多凌亂墨濡唇懶
洗酒痕手未盥軍中檄方馳洛下詠姑緩馬計百反敗
力窮七札貫投筆請長纓垂老恨選儒將相限東西書
劍分冰炭除我就荒逕掃我封塵館廿載歸閑篋蠹魚
竊發粲

有寄

得句題紈扇紫愁潮碧波依依憐子女兀兀久蹉跎海
島涼生早江樓夢到多歸兮逾七夕每晚看銀河

新川似蛾眉曠如憶遠時人間多缺事天上近秋期花
氣疎簾襲螢光暗壁垂閒階延佇意未許小鬟知
曉暮風常足孤迢客到稀放衙蛙兩部果腹竹千枝清
酒養生主閒書來夢兒婢翁海外事花葉寄新詩

漫興二首

驚去詩翁老雲歸倦客愁潮聲連曉暮鴈影閱春秋酒
擬丹顏頰人隨浪白頭天低日落處擁杖一登樓
堂下辭燕客江干慣越吟屠漿無舊侶廣受少遺金
託義皇上馬知海若深淒淒風擣練又動感秋心

崇明構室成自勸

期羨誰言定有家蝸廬偶構海之涯爽收王母團圓種

懷詩集卷十二

六

水驗麻姑清淺沙

壬寅新秋

海外歸來又隔秋年華知共水東流髮經白盡無堪白
老識愁多不必愁秋翁詩云少歲言愁不識愁余謂已
老識愁多不必愁老雖識愁亦當知不識為高也
逝顏波誰得挽太平懶漢我何求唐伯虎有太平一編
與尔相卒歲此內忘憂足樂遊

盡室相携泛海槎秋新人舊在天涯城頭雲起一聲角
江上日沉千里沙客去五湖留越女詩吟七月憶農家
妻孥若問歸田計看子躬耕妾績麻

返棹

隨潮返棹似山陰清興狂吟自不禁雨雪久消中執惠

表遲獨剩歲寒心窓前梅欲迎人笑池底魚知避世深
悵尔浮雲無限態城頭隱盡最高岑

中秋夜半作

白月滿荒堦庭閒人靜後清露滌天宇客心與無垢空
堂照殘燭蕭疎來斷漏目送墮巖影魂驚歲序驟掩帷
感徹宵時聞飢鼠聞

病起

仕隱昔騰歲七更秋光入眼老多驚江山久戀南徐景
鴻鴈愁聞北地聲花向病中開復謝棋從拙處敗旋成
自憐萬緒消除盡猶愛人間詞賦名

金陵往還二律

讀詩集卷十二

七

此行滿眼是殘秋黃葉村前客路悠江上雲峯存畫意
霜中鴻鴈帶邊愁窮簷婦子嗟難慰壯志驅馳歲若流
已識趙州茶味否浮生應早悟泡漚

短草平沙露路東興衰誰暇怨西風崗巒迤邐荒林外
與馬蕭涼殘照中僧立高樓山寺寂鳥啼老屋野田空
離宮深鎖清霜下枯盡十年舊苑叢

重陽子後偶賦

于役重陽客題詩無紀年扁舟繫澤國賓鴈綴霜天
盡黃花後愁增白月前浮雲新意態老眼古山川少壯
行衰矣汗漫已倦馬名心消五十鄉夢遠三千事業北
門咏兵戈西塞懸廉頗效楚樂毅欲辭燕故友招磐

內羣才集日遄歸登舊小嶽今昔倍悽然散邑登高有馬強小山
登浮玉山覽中州老人黃山賦俱集古句而成又

有游山詩四首深懷感慨作此擬贈

暇日登臨慰所期中公說偈託齊夷輒諧偶擷前人句
掘強曾辭帝者師老人被名忠孝多情逃世外山川堅辭不赴
遺恨老天涯他年誰作高僧傳定採悲歌續楚詞

舊有人老看花偏愛菊之句用成二律

人老看花偏愛菊花殘歲晚轉慙生長年茂草荒三逕
昨夜清霜下五更無事公孫消痛飲多才陶令寄閒情
自慙頑鈍何堪嗜且懶人知是性成

人老愛花耽看菊園丁移植自南山未能陟嶺分雲朶

讀詩集卷十二

八

差可編籬簇錦環蒼石密緣無隙地青藤緩曳有餘閒
落英獨許常飡擷寧止丹砂解駐顏

又成二短句

老人耽看菊菊老得無同能以支離德寧傷曉暮風小
山依桂樹幽谷伴蘭叢爭似清癯裡相親抱甕翁
菊老風霜後衰翁獨不親眼前昏隔霧塵外澹如人顧

影容光歛遠時歲序陳餘芳知有託十月嶺頭春

自題小照

有相非真我人言是某人化工成我相有相定非真
嘆一切天地人我壽者衆生相俱作如是觀
無相本無真有真仍有相真我在何方是箇作麼樣嘆

一切虛實有無空色真假俱作是如觀

再題小照

二十生鬚五十蒼朱顏暗改逐流光圖成次第觀容髮
可得他年添耆黃

形骸久信幻非真況假丹青作身朋友妻孥都去後
誰知此位是何人

醉吟

多病充龍耳無方乞馬醫朽先真美柳漏盡是良辰
泥人思鑿鴻濛我欲師莊生齊物論此說本支離

獨酌二首

燈前宵聽雨醉後樂忘形酒美移封域愁輕解困城甘

懷舫詩集卷十二

九

吞狂者樂幸中聖之清開鏡看雙頰童顏次第生

自喜盆中物遠知紙上名天真從我嗜世醉與誰爭顧

影來佳客當場失老兵中山難遽隱千日且孤征

恭輓

大行皇帝哀詩四章情動於中詞不厭俚要以身行民隱達至誠而已觀者諒之

殘冬

遺詔下江濱震地哀號血淚殷海內誠如傷考妣日中遂

爾棄臣民紀元遠過三千載自殷中宗後由周迄明將三千年無紀元六十餘年

者發語旋踵十萬人中宗後由周迄明將三千年無紀元六十餘年

人連生十家本年逃族萬人將連生十萬家苦吾聞者

失聲皆痛哭祇因父煦

帝堊春

攀號童叟出哀情婦女咸知哭

大行無計可延天子壽何修久向太平生時時新舊燭

租賦處處春秋省欽耕相謂吾儕真福薄鼎湖潰淚起

濤聲

元載壬寅騎竹人白頭重見後壬寅滋乾維遇無凶歲

征伐曾興不擾民俯仰家家生計足庶平厯厯宰官貪

回思六十餘年事難報

堯天丕冒仁

先臣秉憲哭

章皇先相國總憲時有翰世今撰哀詞倍感傷御書千

懷舫詩集卷十二

十

秋藏聖澤來有世初賜書奕葉仰龍光大行皇帝

表裡御書諸金貂優禮扶鳩母四十二年兩巡回

迎命內臣扶玉饌榮臨旋馬堂即在先相國兼慚愧

三朝承雨露文謨武烈紹成王

壬寅除夕

除夕尋常百感侵今宵獨切故君心白頭忽見新元

改赤縣羣懷舊德深能記竟年餘野鶴欲成韶奏置焦

琴誰為好老思文帝知在先朝執戟林

一卧江干八閱春老來方信不如人波騰若海蒼龍駕

霞起中天曉日輪寶鼎已沉飛去影青雲亂起後來塵
獨宜東序沾新典身是康熙前代民

癸卯上元舟行

城隅吹角斷黃昏
柔櫓輕舸過成墩
高岸懸燈沽酒肆
橫梁布網捕魚村
道塗奔轅非中隱
風月陰寒是上元
試問南巡舊亭館
閒雲何處不深屯

陰雪吳閶

隱隱城西鄧尉山
寒香遍結水雲間
著書此地堪藏稿
託跡前賢學抱關
仙路浮生何自識
名心垂老幾曾閒
巖阿開謝梅何意
閱盡興衰日往還

春寒

徵逐繁華老自慵
今年春到喜從容
絕無顏色施桃李
獨藉風霜礪柏松
掃雪徐看新草茁
移花早起曉陽烘

懷舫詩集卷十二

士

傍人常笑逢時拙
偏遣閒情淡處濃

寄署二截句

去日梅花正欲開
經旬風雪斂香胎
天心應是深憐惜
留待髯翁飽看來
先報梅君一紙書
春寒莫怨意蕭疎
浴陽縱有香千種
韵冷神閒竟不如

虎丘買盆梅舟中戲賦

燈照盆梅影恁橫
古畫枝寒侵香愈
發春鎖夢多迷花
側成新咏江頭感
素期知催人易老
玉笛且休吹
載去春波穩移來
玉骨寒山村辭舊
宅官閣動新歡
冷
淡人相稱漂搖老
未安前途逢驛使
贈作嫁姬看

咏梅二律

身老常思香玉偎
百年風景儘花催
窓前已到朦朧月
池畔還留冷落梅
仗尔清愁勤慰藉
邀人濁酒共徘徊
一枝斜映春燈側
瘦影云曾入夢來

含香斂艷逗春期
雪積冰侵花信遲
南窗向旭陽烘笑
靨旋飛寒雨憶開
時何人高吹江樓
笛有客長吟水部
詩
結子功成身早退
風前苦少萬年枝

春日江寧路上

千層雲樹一江春
客况如前風物新
菜綻香風偏引蝶
柳維釣艇好垂綸
花間曉色低含露
山際晴嵐近撲人
如許韶華無曠日
可堪垂老尚嬰塵
幾處方塘漫綠萍
一行新樹接紅亭
好花夾路迂迴看

懷舫詩集卷十二

士

歌鳥長林斷續聽
人面嬌遮長袖紫
馬蹄軟襯短莎青
樂遊原上風光盛
祇惜勞人雙鬢星

宴遊藩署後園園故明侯邸也夜宿承恩寺因感

廿年一瞬賦此述懷

佛閣春消夜雨中
廿年客跡轉如蓬
重來但覺僧雛老
過夢頻驚往事空
浩渺秦淮千尺水
蕭涼南渡六朝風
獨憐明月何今古
常照梁園花木叢

贈方一葉

莫愁湖水漾流萍
花落江頭遇客星
自述長貧因識字
人憐多難尚傳經
十年彈碎無家缺
此日歸營載酒亭
高唱新詩良夜判
滿庭風雨一燈青

春日上清河

帆殘日影千雉古城闌去鳥山雲頂落花江水津枕
流堪遠俗泛梗苦逢春白髮滄洲上悠然中隱人
舟愛漁翁共席煩野老車醉鄉千水日藝苑百雄城易
老馮都尉難醒阮步兵名心消幾許知似晚潮平

又賦七律一首

雙槳溪溪撥浪花欲憑一葉狎江涯雲中鶴下上方寺
竹外泉穿野老家三月風光春寂寞無邊烟草古繁華
鷗眠漁醉清波穩應晒星河漢使槎

江寧詩家周櫟園杜茶邨後人皆淪落矣憶舊有
詩

懷舫詩集卷十二

圭

江寧名士杜茶邨窮死文章散不存草長青原埋瘦骨
天垂紅雨吊詩魂山川舊景傳藍本詞賦新裁古白門
此日金陵言客況離居誰問櫟園孫櫟園先生詩有近
日金陵客不宜之

舟次雜感四首

殘照擁潮流橫山入客舟林深逃畏日家遠累羈愁歌
舞新分寵丹青舊結遊平生鏡逸興高卧足滄洲
去去將奚往招招未敢前久睽青瑣夢閒檢白雲篇怕
說龜毛偈徒增馬齒年買山非所望情愜在漁舡
學劍何從試讀書奈久慵畫眉時改操防口古加封原
事多鳴鴈關河尚舉烽不知天地內何處得融客

病餘疎酒伴貧甚得詩魔雙眼空如此千秋事奈何性
難馴似鹿口弗給輪鮑慣與風濤狎浮沉委逝波

過江望維揚二首

江水過京口東歸無日還雄圖天斷塹高隱士留山海
杳月孤照堇荒雲共攀往來三十載愧對野鷗閒
已釋虛舟憾徒存破浪心猶龍飢受豢隨鴈老相侵橋
鎖簫聲悄雲空鶴駕沉悠悠懷古意寄與不絃琴

世事

世事恒逼迫人心踞隴蜀昔年朱紫蒙枯腊委原麓顏
魚生徒勞鳩鳥死自毒鵬運九萬外天風培不足垂雲
翼忽鍛道遙竟拘促溪霧隱山南義皇卧窓北百歲終

懷舫詩集卷十二

西

疏布衣食出己力不受子旌招何患綬帶束秋林漸染
赤春池遍勻綠莫愁孟中乾且喜麋頭熟老眼黯書蠹
表形拱墓木馬骨賤奚比繭絲細何極頭白塵土中魚
筌兩無得強陪坐談衆難慰擁衾獨東家早釋褐北闕
曾剖竹罷官徒步歸風雨滿老屋勸士著九經報禮非
干祿俯仰計不瞻無才營厥職俛首攻章句一枉百無
直北門貧宴中偃蹇羞契稷回顧書劍間慘淡消顏色

宵行

一肩夜冒濕雲深僕馬同懷宦倦心誰擁笙歌調錦瑟
獨持炬火走荒林鐘敲野寺村仍遠霧閃殘星天半陰
寧止人家皆靜卧樹頭尚有穩栖禽

渾無筋力舞雞鳴但有詩篇紀旅情人老愁多常夜醒
威尊事迫忽宵征纔開曙色連峰出漸散晴霞千嶂平
爲憶穠金堂內婦王闕夢轉賣花聲

廢廟

廢廟空山脚陰森老樹橫靈風長作嘯野竹遠生寒僧
逝懸堂影梟來叫屋端月沉昏霧後有物出神龕

西郊

西郊竹樹碧參天微雨輕雲撲兩肩江閣花光邀曉鏡
風林蟬韻引薰絃秦時河水猶歌吹盧女湖堂盡草烟
客每晨趨公府急沈腰折損惜流年

己亥中祚後送母北歸拜別維揚癸卯夏至前喜

懷舫詩集卷十二

五

復南來五年倏忽流連薄宦不急圖歸子舍而
高年遠道反勞跋涉雖稍慰迎養之思而感已
不自勝矣

明月秋風鄉路悠憶曾還淚送歸舟諷詩抱憾違將母
捧檄生慙事遠遊去日虛拋承菽水見時長跼謝淹留
親恩却自忘年老顛倒憐兒白髮稠

迎老母到關署再成二律

清狂減盡祇增貧老伴江頭更守津不望關門知令尹
惟希升斗慰慈親遊翔鷗鳥無騰墮聚散閒雲信屈伸
擊楫當年豪邁客於今飄蕩似漁人

太平無用杞憂深反哺烏雛豈擇林鷺鳥有棲甘枳棘

濠魚得水樂浮沉牛羊會計皆君賜拯蹠擎拳盡子心
偕隱之推非達化何妨三釜樂曾參

東歸二律

東歸帆影挂斜暉望裡金焦接翠微俯瞰江流紅寺迥
橫侵嶺路白雲稀眼中逝水消塵劫餌外勞魚遠釣磯
我近頽然忘得喪風潮不與較依違

江漲洪流日駁奔沙洲荻岸勢橫吞層巒不捲屏間畫
密樹常圍港尾村萬斛風檣京口渡三山雲駕海門屯
乘槎馬往非無際久笑莊光戀帝閭

東歸後二律

東歸海上水雲多兩腋長風振浩歌莫放眼光上牛背

懷舫詩集卷十二

六

且拖腰帶入槐柯蹄涔作浪爭浮芥滄溟揚沙一櫛梭
無何有鄉游曠渺直看星漢等秋河

野湖幾曲碧鋪烟田澮千流引巨川岸卧木龍來婦餉
社酬烏鬼醺巫錢畫圖吳仲兼王叔風俗無懷與葛天
客老此中稱祭酒任人爭席自忘年

太倉北港阻淺

坳堂盃水說膠舟江海寧知亦涸流報道麻姑清淺信
街來精衛石沙稠泥塗久惜蛟螭困竭澤方懷網罟憂
安得風前生羽翼扶搖直上碧霄遊

渡海

十年江海問心跡喜俱廣既容遠跼踏馬復懷骭醺炎

風向午飲夏雲倏消長四顧無奇峰升樓涉沅澧初行
避隱灘沙水迷所往放乎入中流神逸目送爽儒藏
諸峰長天包萬象一葉泛無涯似已超塵壤黯黯遠樹
色汨汨輕濤響落照射歸潮金霞倍耀朗近岸鼓角起
風柔動五兩維船廢壘閒環海消捨攘太平成懶人雄
談罷抵掌

事變無停機泥往乃弔古海外多良夜風月常凄苦空
堂靜息久壯心一斛拊倏忽迫期會人情轉違迕炎威
方秉令被物盡莽鹵乃悟渾末俗敦仁惟安土悔吝生
於動適意甘終宴寥過縱未能何輕學畫虎

浩浩長風起魚龍奮滄溟濤聲壯枕上天高明月迴海

懷胎詩集卷十二

七

外白髮人夜寐常孤醒漸聽童睡酣忽驚鼠走捉念我
生此日靈蠢居何等據石不能作濡尾將奚採寧終托
漆園長與無畦町

雜卉植前除秋瓜蔓後吟荒亭屢補茅舊竹漸生筍
懷陋室安勿嗟潤屋窘甲第厥朱雲深堂閒綠簪方盛
忽凋謝寧待繁華盡時教海上翁觀變增哀愍天道有
常忌物盈數必隕吾廬生虛白所守在元牝

摘印

歸今惟尔掣吾肘八載守株免脫走原內經旬生綠文
襟餘一旦辭龜鈕半局中輸因誤却萬事全捐洵菟狗
知君來往閱人多眼前寵辱無妍醜會投寸管學從軍

另取封侯印如斗

投閒

投閒四海一身多雪夜空齋偶放歌書卷飄零隨我老
乾坤逼仄欲誰何數行燭淚妻孥共半笏松栢歲月磨
千載靈均無限意祇留殘紙幾聲吟

擣衣

步庚開府韵

月夜擣衣聲傍晚晚動巖城人間今夕月憂樂祇同明玉
杵杵蟾起商音得鴈成秦簫別玉女塞角雜邊聲淚墮
純痕展樓驚鴉隊鳴月轉暗廊陰飄蕭越竹林寶環寒
素臂珠露濕蒼砧坎坎漁陽鼓淒淒湘水琴驚孤寬避
剪絲弱密聯針衣織懷人字石敲思婦心兩兩碑礫枕

懷胎詩集卷十二

太

月滿斟常滿郎去一樽空啼長雙杵短寶馬金錯刀錦
瑟雕文管迢迢別緒深絮絮離魂斷清音向碧空帝女
泣雲中更藉涼颼送遙飛長信宮君王宴別殿燈火照
霞紅閒殺如花女歎殘零露風風月長門怨玉階霜影
閒夜夜擣征衣知為誰裁繁淒切響何休如聞擊鼓慘
斜傾銀漢波片片曉雲過此際榆關閉烽傳星宿河誰
將擣衣韵唱作楚些歌一曲征夫老刀環夢裡多

懷舫詩續集目次

卷之一

京路雜興三十律

卷之二

金陵園詠二十律和明焦弱侯韻

卷之三

甲辰新春

題採花美人圖

春日赴蘇四律

搜查

發邊

咏庭前月下牡丹

贈將遣侍女二律

過江謁制府納產

寄烟

赴...律

懷舫詩續集目次

一

聞唱京調

上元

上元二首

立秋

接家書知里中親族喪亡寫懷二首

夜涼

長夜試歌自制舊曲

憶棠槐二短句

長至四首

收書

問月二絕句

甲辰舟次值生日

舟次夜雨

泊虎阜

歲雪

甲辰除夕

乙巳初春續揚升庵彈詞成書後

乙巳上元卽事四律

春日赴吳

二月晦夜吳門舟次

歸京口寓

吳門舟次又成二律

歸京口又賦

過許墅關

漫興六首

寓崇

註心經成

端午孤居海邑喜需兒來

岳陽樓二首

送洛離還舉

鳥去

秋雨有感二首

蒹葭

中秋四首

天灑重陽雨四首

卷之四

崇邑雜詩十九首

秋興詩八首

懷舫詩續集目次

二

九月晦見菊乙巳

乙巳長至爲吳體二律

贈太倉牧溫公

賀方伯漆公排律十韻

丙午春去崇偶咏十首

放廢

舟中觀葵

見堯花有懷桃花洞一

首

喫烟

劉河口南漫興二首

子敬歸里

渡海四崇二首

海棠三首

撥舟陸行至太倉旅次牡丹數本未開余恐行急

不及留賦七律二首

阻淺行

花開

獨處二首

三月晦前二日微雨花仍未開

述况四首

雨後喜花半開

三月晦作

秋夜大乘庵

丙午七夕

贈篤禪師二首

觀雲二首

寓江寧贈舍郎事

贈相人僧

謂余官當復起作此嘆之

觀明二祖暨徐常諸公

畫像

時在金僧舍

寄內

丙午中秋

江寧僧舍

自述

歸吳感舊

中秋返吳舟行即事

謂秦氏詞客謂類梁汾烏絲詞也

繡袍歌

賣書

見試錄率成

懷舫詩續集目次

三

秋日虎邱即事

自述

秋吟六首

秋盡二首

又為吳體二首

懷葛士

十月朔

寒夜思及身世憮然有作

祀竈

殘燭二首

春盡赴吳江二首

丁未

夏日偶咏

懷舫詩續集卷之一

京路雜興三十律

有序○此已丑年詩舊曾刊行今為改本

迂迴京路放浪閒吟樊川改郡何遲都觀重來較晚

妖蟲細響忽傍宮墻野鶴高鳴乍瞻雲關衣冠文武

再看都人士於長安風景山河忽奏古歌謠於上國

新愁入詞賦西征而逆旅興思舊句雜優俳東方之

談諧減色言之無罪幸逢不諱之朝窮而未工空作

莫知之嘆雖宣室重鬼神之間買哭仍多如孤山求

封禪之書雄文不似只堪覆甕何縈心於鶴膝蜂腰

那可解頰孰刮目為龍文虎脊

白袷寒生曉露中新妖直北足涼風天空萬里來賓鴈

懷舫詩續集卷一

草萋層沙泣候虫青岱浮雲連海右幽并勝地古山東

輪蹄重踏燕京路明鏡星霜髮不同

蹉跎博得度融容流輩方嗔惠不恭煮茗摘蔬無禮數

惟牛鬻餅有過從霸陵醉尉常當夜黃海詩僧暫避冬

鍾嶺嵐烟罩碧江平山塔影入蓬窓春生階苑歌金縷

花落秦淮撲玉缸去郡劉弘錢易盡征西潘岳賦無雙

舊遊賴有新詩記畫斷吟鞭到帝邦

帝邦揚於今春由淮入都

始旋里

腰裏閒心問馬醫衙官凡響逐蛙吹醉尋屠狗為牛飲

冷伴枯僧唱鬼詩乞米任愁撩金婦課書不望破樓兒

東坡志林謂子勝三公之子知州郡力學安貧也大奇

清輝池館黯殘暉客到驚心朋舊稀露冷閒庭留月影

花垂幽徑護苔衣華裾錦瑟遊難再正定梁欽伯家婦

雙燕黃鸝遺未飛剩有竹風搖夜幌山陽一曲故人

違欽伯叔建昆仲皆物故數年矣

黃公逸志好幽居門外喧闐長者罕常見將軍來倚樹

偶留學士欲焚魚方願橋夏氏有園在路左皆翻紅藥

藏名酒家有二十架走白蟬檢道書攜贈越山遊卧內

向平五岳計迂疎余贈以越人藍田叔畫軸要生為

相侯祠下舞靈巫邑井遷流事有無侯里中今日孫曹

無豆俎古來燕趙有屠沽誘傳侯會暗廊畫壁飛陰火

懷舫詩續集卷二

二

落日蒼松竄楚鼉禮士憐才王佐器糾糾絳灌愧為徒

八家王政察豚鷄灌園不羨楚廷相饒餉曾聞冀缺妻

空負前村社長約短衣孤劍復栖栖

玉棚瓜圃狎談諧京國殊音聽屢乘簪冒隊中輕蓆帽

溪山好處負芒鞋歸齊少伯無金致隱晉之推有母偕

碣石重來風景異招賢重買馬殘骸

河繞樂家城畔迴秋風祠廟野雲堆六卿名姓晉殘紙

千載思仇蕩劫灰流水竟能亡霸國青山未了到叢臺

晉時軼事還能說里近遺封數往來樂城即晉樂氏封邑去余家百里

江淮七載夢嶙峋美爾城頭靜遠塵天末誰將雲盡捲

雨餘似覺黛重勻盤龍踞虎神都迴寶鼎琅函仙洞春

此日山靈逢舊識飛來溼翠撲烏巾余在江陰常懷故

聲鼓漁陽古塞軍香車寶馬近紛紛聯驂旌節郵亭駐

比屋侯王甲第分水落河邊沉斷戟沙飛城外起屯雲

舉頭共見長安日擬賦甘泉獻聖君

暮嶺車鈴醒睡魂西風吹雨海雲昏黃榆白草馮唐墓

斷水零煙郭隗村馮墓在趙州郭村在清苑燕趙粗豪千載在崔盧

喬木幾家存當時過眼傷朝露寧俟悲歌曠代論

恒峰高望北門寒十六雄州牧地寬本藉小兒成大志

終讒孤注悞偏安牛毛新法談何易馬角游魂生竟難

憑吊眾春花盛日太平使相有餘歡宋初以中山為北邊韓魏公出守建

懷舫詩續集卷二

三

有眾春園在定州城南

孤館懸燈照夢還蕭疎庾信咏江關風鳴破牖如哀笛

雲壓荒城似壞山絕少碧紗籠舊句空餘綠酒駐衰顏

擁衾莫憶江半事花月逢場總髮班

凌層佛閣透霄煙屢勅虞衡出賜錢中使三爍留彩節

貴游千騎擁雲輅寶雞祠立巡封盛神女臺空詞賦傳

西望太行飛翠近曾看初建定唐年即中大佛閣傳聞創自貞觀今復重修

悲生易水舊蕭蕭卿客何人久待招首事田光終未信

劫盟曹沫竟無聊田光以疑死荆卿以遲敗灰秦一炬

丹心死蹈海千爍曾義昭獨有醫且雄殿上殺人自古

藥圭刀

羣公清議渾警警颺拜當朝盡泰交諫草既焚無責塞
詔書徒切有羞包仗前訥訥如雕木肘後累累竟繫匏
退食下簾應點易括囊專用四坤爻

夜來花底沐香膏過市招搖裘馬豪學得秦聲新倚笛
近日京中名班皆能唱柳子腔粧如越女競投甌漢廷司馬終三號淇

水前魚早二毛金紫銀青誇四座書生相對一綈袍

新詩老去紀遊多幽賞無題到薛蘿紫塞風烟雄上谷

清秋車馬渡渾河中山招隱醉鄉遠督亢披圖霸業訛

獨向昭王陵下拜黃金結客竟如何

晴沙露草觀征車古柳鳴蟬夕照斜秋水落時鴻雁滿

懷助詩續集卷一

四

暮山斷處白雲遮煙溪漢廟寒留月

漢光武帝廟在地柏鄉縣城北

迥并州曉奏笏自愧五陵豪氣滅亂頭粗服夢東華

盛時龍見祀農祥郡國勤民競捕蝗一炬燎原成益烈

千兵擁帚壯殊防捕蝗之令即縣文武民悉出蝗不為災蜡靈効順蟲皆

滅田竣書功喜倍常飛騎披闌晨叫捷連宵百足已全

僵往來報蝗皆用飛騎

成德雄軍古戰城正定唐成德軍陽和風迫送河聲陽和接名井陘

雲帶秦關險大陸烟鋪禹蹟平最顯公侯欺異代正定城

有唐節度王謝堂中薤露清先相國與正定相國居相近行人舊識沙堤路

雲壓高城暮雨零太常遺廟碎燐青干蓬東氣同今古

枷鎖生香貫斗星

板山公祠在保定城外公詩有風吹如鎖滿城香句西市精英

沉碧血南衙威福藉丹經筵前鳴鳳休成奏靡靡餘音

不願聽

日中市龍競陵憑聚散寧知有墮升署內顏郎顛髮改

府中羅尹道沙崩文章上第餘狗丰采清班少鷲鷹

竊羨孤雲共野鶴往來常自戀山僧

墓道麟麟擁碧油荒榛斷碣認公侯風沙無定河邊骨

歌舞長安市上樓翠羽金貂千騎盛白楊丹旄四山秋

十三陵望埋佳氣路左王孫哭未休

昆明漢塞伏蹄跡瀚海揚波萬乘臨周圍三秋靈沼瀾

堯年一夜淶流深斗移星漢時全洩驚莫瑤池原未沉

懷助詩續集卷一

五

湖色山光明月在鈞天新樂水龍吟

時晏傳武進趙殿元沒於水

水繞孤亭倚郭南且傾斗酒擎雙柑青山紅粉兩無恙

薄福纖才七未堪杜牧遲來因改郡余以改補歸里姪輩邀飲水亭過舊

妓雲英重見定掀髯憐卿還作當年曲老耳新聲恐不

諸

上公無賴一癡閑翼虎噬人本衆食乳稚公孤功不賞

豆邊廟廡志何厭黨朋獄起漢唐盡邦國入亡災害燕

誦戴文成燕許手中書堂上押頭街魏閣功德碑在涿州通上州明代相

某書

纔向吳江落布帆又來冀野看雲巖深衣閱世多麟擅

永巷邀恩愧狗監霜赴涼風侵客鬢塵隨曉月壓征衫

逢迎何處就佳句樽酒論文興未凡

胸中硯礪腕底龍蛇沈鬱蒼涼颯然滿紙少陵秦州詩變格也嘗携斗酒作激楚聲歌之

長洲後學沈德潛識

懷舫詩續集卷一

六

懷舫詩續集卷之二

金陵圖詠一冊內載明詞臣余孟麟與焦弱侯倡和詩二十首皆題景賦物之體也舟次步韵忘其形陋矣時癸卯夏至

鍾山

萬古蟠龍勢金銷王氣微荒原立石馬空殿委塵衣蜿蜒江遙障烟嵐城半圍陵前止輦路春草自菲菲

牛首

雙峯開玉闕一塔聳松林佛日輝初地文泉滌艷心胎明太樓臺方上下巖洞路幽陰絕壁層雲表遙聽鐘鼓沉子泉

懷舫詩續集卷二

一

梅花水

幽巖僂露瀉古寺妙香懸泉冽茶高品梅開鶴益年一池龍藏雨千樹帝墟烟傾鉢供清漱流慈在滴涓

燕子磯

照影來蘆岬逃名隱釣磯浴湍隨鴈宿掠水入江飛波浪消今古繁華剩翠微六朝常憶往栖穩舊邦畿

靈谷寺

鍾阜舒雲翼東飛置一峰寺圍千嶂月塔鎮六朝松禁藥鷲遊鹿川原卧蛻龍寶公如了徹歸寂更雍容俗謂

乃寶公後身恐吃不得山僧一棒

鳳凰臺

在杏花村畔

太白題詩處烟光罩古臺鳳衰才子歿春盡野花開何
代名園廢無人載酒來青帘紅樹路行倦更徘徊

苑葉渡

春風送好春春老碧苑新畫舫清波月香車錦陌塵
物作石梁近日遊女踏歌啼袖女吹笛據床人想像風
中車往來無渡可問流往無魂返艷辰

雨花臺

臺迥凝晴霽江寒帶晚曛花飛常扶雨梵響忽穿雲碧
嶽綠遊屐香茵簇舞裙風光人易老烟景正氤氲

方山

奇氣憑秦鑿神言幻瀉池有泉和大藥無字紀豐碑烟

懷舫詩續集卷三

草延春日霜林醺醉時風光何麗秀祇許牧樵知

落星崗

晴日江亭路花香撲襲頭風人興百世醉味永千秋好
景樽前得虛名身外浮綺裘留飲處鶴去有空樓

猷花巖

積雪留巖頂飛泉瀑澗溪畫圖開幃遠杖履躡雲低日
永花閒落山空鳥自啼僧龕一借枕覺路夢無迷

莫愁湖

昔中山諸公子建園亭湖上最勝處為望湖樓今皆蕩然

迢迢春水濶公子無魂招絕代雙蟬鬢當歌幾盡燒草
烟凝妓館月色滿漁橋曉暮流連意湖光山翠遙

清涼山

江流昔在近城山下今遷移十餘里矣

石城雄虎踞形勢古昇州山枕高樓與江移遠樹浮兵
戈爭建國歌舞蔽垂旂莫問南朝事興亡共逝流

虎洞

洞幽藏豹霧峰聳露宮鬟王業農桑古僊家鷄犬閒雲
封山窈窕塵隔水潺湲吾欲營丹灶烹泉駐渥顏

長干里

江山雄戰國風物舊陪都寺誌齊梁古詩吟顏謝餘珮
裴留酒肆釵鈿墜香車競道繁華盛寧知歲月徂

東山

絲竹畱林壑烟霞遠市城清歌幽鳥嘯紅袖野花迎奕
局看興廢雲踪任止行由來謝傅意丘壑少真情

懷舫詩續集卷三

三

冶城

層山僊觀結千樹女牆迤夜鶴傳真籟朝霞散似漪斗
壇星倍迥松逕露常滋已覺玉京近丹成未卜期

棲霞山

佛圖蒼壁碾福地紫芝生欲訪餐霞客因隨騎鹿行江
天懸月小雲海擁潮平舒嘯峰高際風生萬竅鳴

清溪

畫橋明月到雀舫彩燈浮粉黛爭雲集笙歌拂水流蓮
開濯艷影鼓擊壯清謳酒醒香消候愁生杜若洲

皆置巨鼓以市歌吹

達摩洞

有石榻傳係吳大帝時物

西來開法界南渡壑雄邊
片石三分建孤燈千嶂懸空
山無暮影往事藉僧傳懷古
高吟俸凝眸對碧天
焦弱侯諸作和平有餘骨力
遠不逮此唯士

懷舫詩續集卷之三

甲辰新春

江干倦客已違時尚有東風入竹籬
新曆初開占朔日
梅花欲放向南枝
貧無歲計嫌來迫
老惜春光願去遲
愛就前楹閒曝背
此情欲達九重知

題採花美人圖

天上落花誰去掃
人間花落春歸早
半幅生綃譜艷魂
今年佳麗明年老
美人黃土古傷心
錄上風塵也暗侵
毛姿施態空成恨
錦瑟無端歲月沉
隣姬問君奚咏者
此物原爲粉黛假
不見鷄皮鶴髮身
門前昔日多鞍馬
憔悴孤窮五十年
馬上王孫骨浸采
洞簫裂然濕柴烟

明珠賣盡簪空懸
當時姊妹皆癡醜
早嫁村農奉箕帚
子孫滿室世田蠶
相憐尚偶遺升斗
自信紅顏本數奇
疑君淪落在平詩
請同彼美付茶毗
慧業消除百福基

春日赴蘇四截句

烟罩前川野岸昏
梅花飛雪滿荒村
遙知鐵甕城頭月
定到幽窓照淚痕

楊柳垂條盡染黃
十年吳苑舊春光
紅英未吐蕪全碧
祇有遊人雙鬢蒼

山塘水漲半篙新
眼亂桐橋野色春
油幕朱欄綠石岸
耕夫盡作賣花人

春風如霧夢如烟
已逗晴芳二月天
短棹長歌來又去

故鄉歸老是何年

搜查

入室常嫌四壁愁
枯腸詩思任窮搜
春衣典盡因沽酒
廢卷餘長費晚妝
物青癯過發
浮生幽壑暫藏舟
江風山月無錢值
乞與衰翁特地留

離遠

少歲讀書成歲年
仗劍壯心驚故園
既已無家別
無老何處還
行慈母
酬恩期再世
玉關歸路是重生
最憐離子奉
離間此書西
或何日事

咏處節月下牡丹

花時無酒處
室發月夜愁
深月自好
白髮有家存夢裡

紅顏無主怨風前

二

紅顏無主怨風前
萬物無情多感春
色飄零又一年
莫恨韶光消歇盡
離離留住也蕭然

贈將遠侍女二律

朝雲散後坡公老
幾素歸時白傅愁
自昔柔鄉難卒歲
當春燕子在樓樓
兩洋葉偶隨流合
千劫身緣轉念抽
從此山僧辭野鶴
長天漠漠水悠悠

子規喚不轉殘春
莫向東君起怨嗔
慧業欲勾三點字
幻身本贅一微塵
平生花月原無著
此世化離夙有因
甘露遍沾蓬梗願
歸根結蒂萬由旬

過江謁制府納產

踪江海潤託意水雲遙
向後無錐地於中著太飄
羊

已奚讀博鳥亂是簫韶
早悟安心語十年愧折腰
腔間存樂國天內盡愁城
不可為康吏何妨得老兵
有心須有妄無陂自無平
會此虛舟意堪同魚鳥盟

嘗烟

金枕檀筒鎖碧烟
排愁苦茗結新緣
偶成薄醉非關酒
忽散清香雅襯眠
世味嘗來飽葉裏
熱心夢入冷灰邊
自憐滿眼生雲霧
吐茹隨時已老年

赴揚六律

不為還鄉狎野鷗
却因擊楫動邊愁
貧賤貽世笑誰相賀
幸賣家山無可休
遣子西征悲去鳥
依親南渡當歸舟
拘來盡室漂搖淚
麗向江潮莫散流

讀詩集卷三

三

那能果腹坐漁磯
故國無山賦采薇
燹冷漸看辭舊僕
夏寒早已典春衣
常嗟鄉里音書少
敢怨公卿慰問稀
猶記家園新麥熟
黃雲壓隴雉雞飛

貝葉翻殘悟夙因
半生負荷剩勞薪
池塘草色留前夢
庭院花香墮却塵
春社雨寒愁佃客
秋風門鎖嘆隣人
沙堤頽盡無車馬
尚有祠堂燕到頻

家散黃金渾鑄錯
足殘璞斲意如何
數奇遭遇霸陵尉
磨蝎徒逢春夢婆
失勢魏其羣掃跡
懷恩優孟孰與歌
鵲鳩似是驅魚者
會迫潛鱗入網羅

綠雲紅雨一春空
來往孤迢野鶴同
瓜步檣杆殘照下
蒜山臺閣暮烟中
潮回舟蕩三排水
漁醉帆颺五兩風

舊日烟花揚子路清愁滿載過江東

撫心覓跡自能嫻客罵人嘲俱未閑三仕囊中殘紙筆
廿年眼底好江山傳疑酷吏循良外詩幕與元大曆還
逝水奚論泉第幾浩然吾氣渾塵寰

聞唱京調

曲名寄生草四十年前盛行自平涼王
輔臣及薛兵旋蓋蜀西調北舊曲增二
句今又成吟蜜征人思婦

又蜀京調矣因成四律

大將涼西破賊還凱歌聲調帶邊關吹笳馬上紅顏盡
學舞前翠袖媚使節近通星宿海軍峰仍照賀蘭山
長安舊曲誰重唱多少征袍染淚斑

家傳燕趙悲歌聽唱涼州喚奈何二卵自甘終苟變
三遺誰不老無煩玉關明月傳刁斗沙磧寒風牧駱駝

懷詩詩集卷三

四

愧我飄零如季布便投禿筆荷金戈

兩朝親見泰階平撫髀空教百感生賈傳遷流無善策
終童還幕怯長纓引弦惟恐驚禽隨伏櫪還憐老驥鳴
枕上壯心消不盡愁聞子夜惡鷄聲

踪跡十年遠帝都京華往夢醒歌呼身為齊館新逋客
人散高陽舊酒徒掌上雲英挾暮雨石家金谷墜明珠
清樽寶瑟空追憶白髮燈前擊唾壺

上元

十年燈月照華顛又見春風開炬蓮五夜魚龍烟燭裡
三韓弓劍管絃遶窮窓催織箏無火絕塞橫戈烽正然
我欲登眠呼滅燭殘膏深惜以明煎

上元二首

九旬佳麗一旬過競暢歡情付巨羅倡婦樓頭春幾許
良宵刻下價如何燈光宜照人年少雲影偏翻世態多
老眼驚移新景物自甘衰廢卧江沱

長年孟底清狂在戒連夕窓前坐漏深世上料無千日酒
匣中徒有一丸心冰壺浪煖憐游鱗火樹花飛快縱禽
爭似先生機靜息老梅酣睡月西沉有以玻璃為壺
者金魚者有大竿
上紙糊雙鶴於中者花飛
蝶鳴時自內騰霄而去

立秋

秋信無憑往復中清宵涼露曉窓風炎威未歇遲來鴈
冰興難捐笑候蟲閉閣草玄消歲月下簾點易識窮通

懷詩詩集卷三

五

擔簦便擬尋師去白首甘為採藥童

接家書知里中親族喪亡寫懷二首

老年心緒易摧殘驅馬辭家近十年寧止朱門移陋巷
還多白骨塋荒阡五更塵夢君終矣千里離魂我黯然
試問人生誰不死蓬萊未必有神僊

十五人同賦鵲橋凋殘晨起見三星老儒八口充糠覈
謂德羈客孤踪託梗萍一弟鬢邊絲半白謂子諸昆塚

上草多青等閒夢裡難相覓况隔遙遙二百亭

夜涼

三星窓隙漸西流絛扇將捐雨汗收自是九天炎令減
倏然一夕好風投人言老健如秋熱我愛新涼擬病瘳

何事飛虫偏向火，平生烹鼎未封侯。

長夜試歌自制舊曲

寒夜孤燈唱舊編，銅喉鉄板振風烟。
著書未了虞卿志，娛老渾無陸賈錢。
長嘆徒貽流俗笑，浩歌祇動鬼神憐。
婆娑戲舞空庭月，慚愧劉琨已暮年。

悲歌猶是故鄉聲，任俠誰懷燕趙情。
缶口成音傷往事，瑟絃倚柱惜餘生。
九章難慰騷魂怨，三嘆空存古調清。
櫪下忽聞嘶老驥，壯心不已又長鳴。

憶棠槐二短句

西府棠庭植遼策，五十年間今將朽。
折卽此見推遷風，兩荒堦寂構疊舊。
侶殘空傷白首，客望斷暮江烟。

懷舫詩續集卷三

六

雙槐依砌路濃蔭，夏生涼翠葉吟風。
細殘花撲酒香月，明鳥繞樹柯老蟻遷疆。
對立霜颺下橫空，氣尚長。

長至四首

甲辰十一月初六日夜子時

荒堂蚤夜靜生寒，獨擁衾帷燭跋殘。
歸去鄉園惟有夢，儼來榮瘁本無端。
全家客裡年華迫，雙脚人間海嶽寬。
我已違時甘穩卧，輸他風雪走長安。

小窓睡醒滿朱陽，堦北陰回寸線強。
經歲閉關寧至日，隨時催老是年光。
喜逢律轉寒將減，預苦春飢晝漸長。
夢裡人聲驚犬吠，千官鬢染五更霜。

投閒莫訝廢官儀，街鼓嚴更笳自吹。
樹塞門中堆雪堵，迎陽窓角展朱旗。
平章國事披殘史，朝夕堂餐啜爛糜。

若再爲詩工歌後，黃麻宣召有來時。

陽回敢擬到貧家，此夕先占風月佳。
叶蟄宮應來太乙，黃鐘管欲動春華。
寒凝水渚方堅腹，燒刺茅茨更怒芽。
今古盛衰皆此象，空傳句漏有丹砂。

收畫

紙上紅顏侵暗塵，看時不似畫時新。
凋殘遍及無情物，歲序常驚易老人。
青塚沙寒無翠草，湘江雨漬失斑筠。
從今掃壁空諸著，屏絕浮生色相因。

問月二絕句

偶來初地問僧禪，指與天心月正圓。
晦日向師重問月，當頭一擊是空拳。

懷舫詩續集卷三

七

林梢又見月微明，空有從新扣幻形。
明晦晦明無盡處，老僧饒舌話三生。

甲辰舟次值生日多感身世咏此誌懷詩言五經

謂十年來曾註大易道德南華靈素陰符也書
雖已成無力付梓常携以自隨卽爲名山矣

生日頻虛度無成，敢問天流光去幾許。
白髮見多年輕，柳陰堪惜步求道未堅。
五經通大意卒歲計悠然，歲近寒方烈。
官休客未還，道途春酒缺貧病雅歌關河。
狹冰漸細風消岸雪斑，書成歸路杳到處是名山。

舟次夜雨

夜雨迷征鴈，寒雲壓女城。
深孟遠兼夢，稚子話離情。

歸里已八年 金盞鮮醪時遣惠易生自憐 飲客登
歲負躬耕

埋憂無厚地採藥少神山章甫空投越玄文欲出關殘
年風雪裡一葉水雲灣行處傷憔悴何方乞大還

泊虎阜

清愁載爾去悠悠塔簞雲沉泊虎丘一片寒山飛暮雪
一年往事付長流水池仍印秋中月子夜如聞殿脚謳
猶記 先皇南幸日花塘柳畔侍宸遊

歲雪

爭言歲雪兆豐年米價街頭已長錢 柳條摧折舞絮
老梅夢凍更裝綿朝回車馬沙堤上宴罷溫香錦瑟邊

懷彭詩續集卷三

八

誰念孤村窮巷裡短簷承雪燬無烟

甲辰除夕

客裡逢除夕情懷倍念鄉三盃守歲酒兩鬢積年霜
兒女圍燈久音書阻路長隣家驚爆竹親來缺到羊蹄登
春來蘇陰寒日尚藏送窮文不驗醫老藥無方鐘動神
先祀鷄鳴夜未央出門營世務塵海古茫茫

乙巳初春續揚升庵彈詞成書後

雪霽開窓晚日明寒潮新漲繞江城
長安水馬音書斷鴻旅交遊數輕過眼九旬春易去
五三足劍空鳴悠悠此意何人語擊筑聊爲燕趙聲

詞客伴狂作楚些逐臣傷社續悲歌千年故跡觀如是

幾闌清商嘆奈何病帶起吟殘涕淚捺留南詞舊山河
酒闌曲罷詩人老後此知誰感倍多

乙巳上元卽事四律

上元無月照城郭晚陰朦客况一樽酒春寒四壁風
笙歌消歎歲報果慰兒童此際孤吟者知惟肥遯翁
身閒惜去日年老耐羈愁未覺清狂減空驚歲月遁浮
雲來不盡流水往何投知向扶輿外脩然事遠遊

中宵雲脫月來照欲殘燈綺席人皆醉良宵感倍增
書窓明似畫客况靜如僧多少樓臺景如斯得來曾
忽晴雲去留殘霧風微散薄陰無勞不夜月久照來歸心浙
浙溜簷雨啞啞繞樹禽眼前觀變態可悟盛衰尋忽雨

懷彭詩續集卷三

九

春日起吳

澤國春生野水寬十年一棹狎波瀾
艮虞未暇飢罷計放逐方知行役難
蓬外迷離烟漠漠夢中鷄犬夜漫漫
津亭去路知何極殘月微風覺曉寒

悠然雙槳撥春愁來去何心對野鷗
深迷花枝小市城闌柳色黯高樓
鶯聲好處飛紅急漁火明時暮雨收
風景無涯人易老羞垂白髮泛芳洲

二月晦夜吳門舟次

晦朔膏騰催髮霜留寒逗暖泊吳閭
禿毫短檠情閒賦紅樹青山天艷陽
自息熱心過冷節誰邀老眼看時粧
舊曾拈鼓春游處疎雨輕烟總斷腸

春風春雨迫殘春春日飄零愁日新意氣十年消陸海
烟花三月滿江津短篷孤榻無家客書舫朱樓有麗人
扇底瑟傍皆往夢寒山鐘動悟前塵

歸京口寓

飄蕩人如此凋殘春若何客歸兒女戀俗薄盛衰訖
米存無幾庭花落已多封塵書插架哺子燕營窩自惜
爲行役誰憐在網羅蕭蕭空鐸影泛泛大江沱樂豈攻
貧疾愁能遣睡魔餘年無拊髀扣缶發長歌

吳門舟次又成二律

俯檻常驚逝水東今年春老一舟中杏花堤畔朦朧月
柳絮池塘冷淡風長袖細腰歸永巷晴烟野草貯娃宮

懷翁詩續集卷三

十

千秋霸業漁歌裡無際清愁壓短篷

斜日江頭羨釣竿白雲舒卷水沈瀾樓中春色消沉醉
笛裡梅花落夜寒風月誰人邀領略繁華何處禁摧殘

暮年更信才滿灑欲作三閭騷賦難

歸京口又賦

時遇巡道朱公於昆陵

江流洄溯悵無因四海春消剩客身蓬底高眠吟舊句
驛前小泊遇鄉人喧寒草色成今古晴雨雲光閱暮晨
少壯來遊驚已老榮枯一晌更誰詢

帆挂殘霞暮嶺昏暗潮擁棹野烟屯輕風竟夕歸京口
新月初明照水村多少落花別後怨有無遠憶夢中魂
曉窓雀噪人方醒倦客芒屨已到門

過許墅關

問津來逐客關尹不君知榮利安爭渡逡巡得後時虛
舟何怨訴稅物是殘詩未設公孫法悠悠去弗譏
烟含春樹遠鶯轉晚風輕流水無情物浮雲有變形道
裏狂士晒詩瘦故人驚孤艇烟波上何勞紫氣橫

漫興六首

蘇臺佳麗蕩清塵越水旌旗霸業新歌哭千秋渾往夢
野塘烟籠月如銀

夜半吳歌不可聽深愁遍結短長亭徒然身老江湖上
誰與談陵古客星

疎窗漏月照孤篷子夜潮來滄海東此際酒酣一看劍

懷翁詩續集卷三

十一

精華祇恐化長虹

念年踪跡水雲寒一晌清愁白髮殘季布無家仍北望
五雲多處是長安

連宵清夢瑣江烟微雨輕雷初夏天寫怨揮毫渾未歇

寒山鐘韻落燈前

隔江漁火碧如燐岸有高樓弄笛人慧業未消詩更咏
方知墨瀋是迷津

寓崇

客來亭館已經旬粲粲朱英夏令新設景催時惟造物
遣懷賦物託詩人石泉磊亂幽情遠曉暮蕭涼海氣親
靜對雙梧消永晝賃書却得百城隣居停主人有藏書

荆扉蚤掩送燈遲每法黃昏兀坐時病結神明非藥治
愁來隱黯祇心知飄搖失奉九旬母貧困還憐五尺兒
縱借佛緣消妄念猶如悟徹發深悲

註心經成

飛跳日月古籠中誰識枯條本苑叢萬事老來知是妄
一燈照處信非空經云真實不虛可知身去住原游戲
眼界風颺任轉遠不脫語言經細註爲雲染白電施紅

端午孤居海邑喜需兒來

風起雲翔際晴霄見日中高亭來爽塏溟海散空濛酒
美人孤酌家遙信偶通故交分桂玉蒲艾乞隣翁綠樹
朱英間修篁亂石叢陶然過令節醉頰傲榴紅

懷斯詩續集卷三

士

岳陽樓擬作二首

樓高江漢外城枕洞庭深春水連天闊晴雲接岳陰風
海無旦暮感慨有登臨帆影鴻音裏滄茫竟古今
西維傾地軸東逝會江流澤國方千里雲山繞四週龍
蛇驚隱見消漲閱春秋惟有凌虛客逍遙恣遠遊

送落雛還巢

門徑蓬蒿滿禽栖庭木顛曉鳴聲自好閒舞態生妍黃
口輕飛隨青霄頓隔懸送歸嘉樹秒不飽惡鵬拳母免
啼垂血魂安弓振絃羽毛容長養乳哺尚流連有日雛
將去無心珠贈還雲高天遠處羨爾恍登仙

鳥去

辭人雙鳥去曉夢悵迷離空際餘天籟林間寄客思庭
花看獨落書幌待誰窺上苑爭高阜卑棲舍故枝巢虛
雲暫住葉墜影終疑莫謂飄搖慣知還有倦時

秋雨有感

涼颺吹細雨院落散秋陰濕重低垂葉雲輕靜宿林黃
壚懷舊意白袷歲寒心故友存無幾音書況已沉
聖朝新氣象黃髮舊丹青畫戟凝朝露卿雲漏曉星爐
香常嫋嫋山影自亭亭長樂鐘聲好何人耐久聽

茉莉是花無藥且有六出者

秋花摘起雨瀟瀟帶濕凝煙香暗飄烏鬢簪時霜點綴
水帷懸處玉招搖無心不與梅爭歲六出寧隨雪共消

懷斯詩續集卷三

士

合贈藐姑仙作供羞憑翠鳳倚金翹

中秋四首

雨消秋已判白杳暮生寒小院晴光斂疎籬病葉殘几
筵閒待月兒女競邀歡萬里涼風湧飛騰白玉盤
天香飄萬國玉殿掩層煙祭徹分瓜餅人貧寂管絃眼
中吾老矣海外月蕭然明歲今宵裏何方側望顛
雲開中夜後桂影看愈真天籟浮高宇銀河洗世塵幾
家眠醉客是處對愁人誰得邀私照悲歡任越秦
酒罷詩成久宵殘月已歛露明苔草濕風靜竹陰低天
際何今古人間見滿齋重瞻眩上影又屆菊花期

天灑重陽雨余十六歲時隨先官傅登高詩中

句也今追憶有作

天瀝重陽雨詩題四十年家山寒露裏白髮暮江邊
客徐陳盡川陵世事遷他鄉黃菊好對爾一潸然
天瀝重陽雨風霜海外多沙頭鴻雁宿城角濕雲過市
鋪惟鮭菜舟來半笠簑登樓烟水渺吞盡幾秋河
天瀝重陽雨淒清應客心秋花隨葉落鄉思共雲沉病
遠盃中物愁生洛下吟索居門早閉應少白衣尋
天瀝重陽雨簷聲聽夜殘帷燈塵辟暗擁榻布衾寒腸
斷淋零曲心驚惶恐灘三秋消客裏誰爲繫雙丸

懷舫詩續集卷三

古

懷舫詩續集卷之四

崇邑雜詩十九首

一棹來滄海孤城入早秋蕭涼方游至暑雨未全收庭
樹蟬常咽池荷露曉浮羈身如病葉暫寄一枝留
汗漫游興倦夙昔宦情微野水無涯際洩雲不奮飛人
隨詩卷老髮擲晚風稀性懶成疎放原拚與世違
怒龍攜積水噴薄上崑崙雨注三江溢聲雄萬馬奔城
低雲亂壓沙遠漲橫吞反羨漁舟穩隨潮入港村
晚霽涼颼起庭除近夜清家憐新月色樹散早秋聲露
下雜花濕星懸銀漢明誰能重乞巧養拙更無營
東瀛見沸鼎南陸畏熏天宛馬方噴血浮槎欲起煙魚

懷舫詩續集卷四

十

枯求肆上鳥隴委林邊最有相如渴簷頭望醴泉

崇邑以雨

代水井不可飲

微雨莓苔潤踈籬晚卉香樓虛延野色樹遠黯殘陽皂
帽人將老青山墓久荒臨池扶杖處飄颻鬢鬚霜
賃書姑過眼謝客自烹茶旅舍閒題壁隣園學種瓜蟲
聲吟短砌螢火照疎紗莫怨遲歸計吾生亦有涯
有淚垂清露無家賣故山蘇髯流海外庾信老江關兒
女隨飄泊詩書慰寂閒縱然歸志遂局促在人寰
已延通貢使罷築受降城青海消烽燧銀河洗甲兵列
侯趨鑄印少婦坐鳴箏貧賤終遊子儒冠悞此生
秋花經雨淡殘月傍人低薄暮清砧急高樓玉笛悲惟

燈留夜永匣劍值衰時是月西流火涼風天末吹
典衣沽綠醕乞米扣朱門臃腫工師棄流離醉尉尊一
簾秋雨細四壁黯塵昏痛飲讀騷者思招顛顚魂
澤國常風雨空堂煙靄過浮雲任去住捷戶即燬阿浩
蕩江湖間晨昏消漲多虛舟無與觸吾欲老青簑
殘夜虛窗月凌晨曲檻風草窩凝露碧城角抹霞紅迎
爽披衣適懷鄉寫怨重遙知垂白母望遠得愁同
夏五南薰殿紅塵望荔枝千珠投逆旅三秀潤枯脾海
底珊瑚色山中冰雪肌駐顏年已暮臨食嘆顛顚荅晚
貴賤死生際蘭摧霜露殘耳餘原刎頸王貢偶彈冠結
客黃金盡興歌白雪難蕭蕭易水上風日冷漁竿

懷詩集卷四

二

桂枝繁玉露桐葉下金風西海葡萄熟昆池荷葉空連
生惟海鶴吟候任秋蟲白首無家別清愁付曠曠
淺沼繁星入危樓一雁聞天涯驚歲晚客館值秋分蒼
蘚無人跡青衫多淚文城頭愁鼓角吹月落長雲
天宇即吾廬無心更卜居不留封禪草將廣絕交書風
月江山在蓬萊丹竈虛全生惟散木常好夢遂遂
仗劍投西塞乘桴賦北門桑間餘餓士跨下有王孫紅
樹白雲思楓林開塞魂未知歸老日可有酒盈尊

秋興詩

簷雲時駐黯窗陰客賦秋聲秋已深疎樹鴉棲常自起
寒苔鶴立忽高吟淒淒零雨淋朝暮颯颯涼颼到枕衾

之際蕭條天地共寧言人事獨愁尋
九城獨上見滄桑秦漢神山寄渺茫遠島浮沙一極目
浮萍江路九迴腸誰教野鳥啼歸去怕說高臺號望鄉
人從三年傷驥病橫門青海道空長
雲水常怡魚鳥生洞庭張樂弱魂驚莊周不識冠與貴
空懷稷契情環堵傲官愁宿雨四方餬口負春耕
雲欲向荒原哭世厭楊朱泣路聲
海月入秋明斗側河歌曉倍清幾處樓臺梅雪落
山松柏翠雲橫漁簑釣艇眠湖海鐵甲金戈老塞城
華秋夜寒寒老知照淚痕瑩
錦瑟工勸聽京塵白浪空江繫總銀鎖外一麾迷雁影

懷詩集卷四

三

雲中五色識龍鱗哀哀湘澤深秋怨採採霜花解緩人
遙憶朱門歌舞處黃昏明月照荆榛
聲路噴噴舊柳殘馬蹄散處碧苔乾此邊淚灑湖千頃
苑裏雲封竹萬竿寒殿薦新馳苑馬園陵掌節老祠官
猶憐落葉斜陽外無數青山曉翠寒
西塞山光黃葉中橫江雁陣起晴空六朝詞賦秦淮水
舊內旌旗南朔風孤塔殘鈴悲往夢十年夜雨黯離宮
客棹不記游時事老盡歌樓舞袖紅
粉堞橫陳北固煙清船高吹早霜天空江明月雙峰寺
萬里秋風幾客船故國白雲延佇裏他鄉黃菊短籬邊
寒砧砧杵猶牽恨擬亂那愁獨影懸

杜老羗邨蘇公海外同一悲感詩格蒼涼歷落如曉
曉角秋笳令人激楚非尋章摘句者能窺也

九月晦見菊 乙巳

老圃移霜朵邀看秋盡時白頭常作客黃菊又催詩剪
綺當蓬戶留香逗竹籬旋呼童賃酒久對杖支頤海濫
閒驚晚他鄉物應期臨風三嗅罷清淚灑花枝

乙巳長至爲吳體二律

又逢長至滄海邊齊食索居榻擁穿冬半曝書就暖牖
市頭鳴鼓招豐年霧來常掩堵官濕日落忽生幽迥烟
扶杖遣情明月下乳鴉市樹啼凄然
人聲中夜鷄犬狂窓黑炬明亂燭光孤館閉門狸鼠關

懷勝詩續集卷四

四

手官朝闕笏袍霜風寒骨老煖無玉辰冷燐清起待湯
縱使白頭重執戟那能飢凍効馮唐

贈太倉牧溫公

謫吉恭人度謙尊君子風英華原靜飲氣象得冲融遷
陟仁猷塞恢張儒道通敬交思晏仲化俗有文翁名達
丹宸北星臨滄海東瘡痍蘇旦夕才彥啟明聰巷接
絃歌韻窓開杆柏一好山依郭外佳句落梅叢燕趙憐
豪邁精瑩學岳嵩舞嫌雙袖短影顧四蹄空自鼓齊膠
往誰憐魯直躬陽和吹律轉春色望菁蔥

賀方伯漆公排律十韻

星輝東壁府天挺豫章材霖雨蘇南國珠璣映上台泰

階頌瑞至驄馬載恩來定繼臯夔業還輕管樂才道心
欽卓爾懋績咏康哉薦疏 明廷約宣麻紫極開望雲
依廣廈吹律茂枯荻預卜門容駟曾聞砌植槐江山瞻
愛日草樹簇春臺大治弘陶鑄羣生仰化裁

丙午春去崇偶咏十首

病餘春去半東郭見青陽巨澤回賓雁平蕪上女牆歲
華人不待春令爾何忙放逐滄江上三年白髮長
哀哀抱疾母棄我已如遺夢見多感涕愁來祇益衰他
鄉交絕地冷節墓荒時何待窮途痛茫茫盡可悲
旅館梅遲發驛樓客欲歸久居憐燕雀前路怯鳴飛去
住雙空袖江湖一白衣眼中花鳥盡寧止故人稀

懷勝詩續集卷四

五

雨久開花晚風多送暖輕留春難復住避地更無紫金
盡殘行李官休渾辱榮扁舟妻子載四海盡居停
就讀常供睡清齋獨稱貧賃屋姑作主買棹不成隣永
痛辭堂母相逢行路人未知於大塊何處益纖塵
冉冉吾衰矣悠悠若問諸敢爲獨醒者聊效古狂且迂
怪初求藥窮愁久著書詩篇多滿載結習未消除
長風吹我渡險阻古難平逝者歸無極蒼然接上清鴻
濛遊際問蜃幻眼前生不及沙頭鳥憂虞到汝輕
天高雲陣亂日暮客思長浩氣凌重坎虛舟觸劫堂道
窮終砥矢海淺見田桑落拓逢迎寡惟隨春載陽
輸漕通海道設險建雄州別墅遺華冒荒阡羨微侯懸

帆春雨急帶郭晚烟稠紅杏青帘際應多買醉樓
寒食芳郊外麗人春水邊盛遊競上日枯骨冷多年鄉
國孤迢客征途楊柳篇豪情思往跡清興轉淒然

放廢

放廢下將嬾賜余已拚老景付蓬蓬偶逢婆子談春夢
閒寫神仙飼蠹魚對客多稱程不識爲郎曾學馬相如
卽今大地栽花柳村社無靈護標榜

舟中觀葬

柳岸風微鎖霧埃沉沉成鼓起城隈誰家娶婦携兒泣
前路喪車昇月回幾度陰晴春色老千家歌哭水聲哀
青原歲歲添新塚莫評劉伶死便埋未韻入九佳名
孤雁出羣格

懷舫詩續集卷四

六

見堯花有懷桃花洞二首

飛天應候雨餘新林陰滿頭吹水濱菜蘗豆花來砌錦
宮梅野杏謝鋪茵枝間獨羨鳴春侶樹底誰爲醉月人
漫道此中能避世風前開落老秦民

家山幽洞有藏書濡滯空辜賦遂初絲字赤文將剥落
黃塵白髮尚超超種堯道士遺仙蛻食果神人步碧虛
待我餐霞抄寶籙遊時載滿白牛車

哭烟

哭字少陵屢用
儘可免俗矣

服氣姑同餬口論黃芽三咽白雲噴非仙暫爾親烟火
養老資君助飽溫舉國如狂餒臘物炙時可熱在侯門
欲澆塊壘貧無酒旋削筠筒代瓦盆臘代疎侯代後

劉河口南漫興二首

坐忘順逆付風潮天地拘虛歲月迨不我與今將水問
無家歸也待山招春濃勝酒熏花醉氣鬱如雲映首翹
好溯清風遊過紀寫懷賦物卽逍遙

天低雲黯海隅東淺港淤溪潮遠通迴抱隰原寧九曲
扶疎竹樹自千叢沙堤歷古無車馬茅屋終身對姥翁
遷客孤征隨釣艇無由奮羽逐飛鴻

子敬歸里

時在途次

空囊羞澁足蹒跚孤棹欹斜江海寬八口歸家成凍餒
四時獨我閱暄寒美人棠堦爲客愧驥子龍頭出塞難
澤畔自知憔悴久誰能復作大夫看

懷舫詩續集卷四

七

渡海回崇二首

陽谷風生破黯陰一樁旭日照波心重歸舊館繁花發
回首鄉關遠信沈條爾韶光過老眼悠然雲影返高岑
客懷去住成縈累徒羨啣紅棲碧禽

盡室飄搖三載餘迢迢那暇賦離居自憐拙宦訛初計
莫教愚兒讀父書圖史汗漫人似盡江湖浩蕩我爲魚
便因雷雨遊銀漢此際流連網目疎

海棠二首

當戶凌晨靚艷粧風前雨後炫容光碧莖並駕將招妬
紅玉連城豈待香妃子醉眠春畫永洛神游戲月臺涼
常羞皓首扶筇看帽壓梨花對海棠

別院牆頭見比紅似來邀伴舞條風開時傳語驚交燕
卸後離魂西復東買醉誰招飛羽客吟詩欲補澆花翁
二喬慙亂周郎顧獨拭昏眸認色空

捨舟陸行至太倉旅次牡丹數本未開余恐行急
不及留翫賦七律二首

籃輿界客陟平岡繞澗穿林野徑荒饑餉耕田風朴略
落花流水世義皇日斜古寺聞鐘發岸曲扁舟付壑藏
千雉暮烟投宿處捲簾春色映高堂

綽約思鳴鶴鼓催開遲行速首空回風臺已築香仍歛
綺機將驚客再來逆旅人乘無繫棹玉鈎斜起斷腸哀
凋殘春事何堪惜白雲青絲幾溯洄

懷舫詩續集卷四

八

阻淺行

脫險胡泥中信宿迷所向舵尾辜長風船舷厭淺漲安
得樂鉞力待思窮果壯欲填萬斛黍莫浥千堆浪入淖
大星搖徹宵低霧障伏枕漏聲寂推篷漁火望榜人顧
釜甌客厨匱脯釀三需致盜疑四載隨山當車輿達招
尋僕夫深瘁况老骨荷雙肩病臂成一攘陟岵乃長號
臨岐警巨創陵谷咫尺昇替百年妄役受支離累勞
蘇舟楫仗與爲困徹間寧似觀川上茂林鬱蒼翠平野
開爽曠城郭夕陽影貧窶北門狀翹首見麗樵春風自
浥淥樓臺絃管空市井烟雲宕王吳誰繼作文章道恐
長行吟招古魂不朽非卿相

王弇州吳梅村
後人皆式微矣

三月晦前二日微雨花仍未開

雨來寧止是催詩天代花愁慙嫁期預使佳人消艷色
兼爲咏客洗塵思周宮薄命難當夕漢輦辭榮每後時
始信非邀富貴者春光已老尚棲遲

春餘迤逗雨餘寒花似幽人遇主難廿四風前辜客望
三千年後待誰看湘靈獨處羞投夢季女常飢厭結歡
若使誤遭所養卒何如畢世閉邯鄲

述況四首

燈懸千里心春老一窓雨槐夢檢驚魂棘行衣敗絮積
面向時人長吟消暮曙起厭惡鷄聲歸憐新燕語
有恨託白雲無酒澆紅樹遠投海一隅默計愁無數鬱

懷舫詩續集卷四

九

鬱久索居遯遯當末路英雄困暮年壯志祇成誤
殘霞散客堂芳草生孤夢春光莫藉留愁緒無端動當
泣長歌氣顧影短髮衆人老苦多思成繭堪如甕
十年控海濤累日宿城館寵辱不成驚顏唐得真嬾始
知小吏尊須仗幽懷坦雖無鴻羽儀食眠自衍衍

雨後喜花半開

逸興旋孤發名花忽半開殘春藏國色遲嫁待良媒兩
歇輕含霧枝披細趁苔傾城人始顧尤物世將猜緩緩
歸芳甸珊珊陟玉臺風流仍蘊藉翔舞尚徘徊商妾琵琶
面徐妃香粉腮光蜚弦上月珠露蚌中胎艷候胭脂
買粧須詩句催莫教能賦客不盡洛陽才

續續夫人
事珊珊李夫

事人

花開

方怨花開難更惜花開易凌曉凝含不盡情
傍午嬌態呈自媚須知色進衰必退由來寵過
遂成棄女德無極怨無終煽處不出交鮮功錦
里浣花翁有約不愛深紅愛淺紅寧止姬姜求
快意看花心亦慕富貴富貴自古無常期艷麗
移人速憔悴草間石罅多雜花綠窓寒女嫁貧
家清池照面風梳曉能事蠶繅治桑麻東家女
倚市門門前車馬如雲屯歌扇舞衫久黃土獨
留荆布長兒孫人陋辭婚如鄭忽我賤贅婿為
弄兒花前倦眼無輕着寄託蕭間松竹根

蘇軾詩集卷四

十

獨處二首 三月三十日在太倉作

天涯復盡此年春來往浮踪寄水濱
愁裏晝長如度歲別時花落已經旬
他鄉偶結新交友旅舍將遷舊比隣
兒女難携留海外客途轉念客居人
當春風雨亦淒清人與時違落觸驚
金盡兒思遺陸賈法嚴女敢望緹縈
之推母喪隱何處仲子妻歸食不贏
正值鶯花繁盛日祇憐形影作孤鳴

三月晦作

三月正當三十日東君已老求晏息
霓影初橫谷雨停萍跡新散花魂匿
草木風雲謝艷陽薰絃徵調傳南國
九陌繁華變赫炎崇朝綺麗除顏色
客子當春亦黯然

況逢春盡多憂惻化工未成何關人
胡為今古惜芳辰何處不開三月景
何人得見百年春閒憐春色傷胸臆
頭上雙丸飛自疾娶婦不賀嫌代姑
標梅方咏旋結寢春光那肯常久留
四時遞嬗成悠悠天工不代亦勞瘁
英雄遲暮起繁愁只道春回老不回
須知春與世相催不記憶萬斯年事
但看囊中有叔灰

秋夜大率唐

寂歷僧窗秋信新飄蕭梧葉點苦句
身名長物輸蟬蛻湖海萍踪逐雁臣
誰到南都求執事客過北里吊佳人
石頭城外江東去那得西源挽日輪

丙午七夕

蘇軾詩集卷四

士

三月吳閭暑雨中連宵偃仰北窓風
短簷漸見河當戶野草懸知露滿叢
碧落仙人來往渡清秋離愁古今同
雙星誰道能教巧我羨忘機抱瓊翁

贈雋禪師二首

誌公傳法後六代轉金輪鹿駕屢居士
詩邀已上人談經懷德舊發興值秋
新下榻禪床近清風蕩俗塵初地原
無垢禪心最有恒還留皂帽客引上
白牛乘花木多情識丹青歡友朋相
期交物外從此省擔簦

觀雲二首

氣蒸滄海布江天疑接三峰地軸還
返照關河金一色標霄漢碧千蓮
劃安車馬來縹緲王母旌旗起豆綿

可恨罡風吹忽盡世人何復倚冰堅

陣長低結麓林根影敲空江畔渚落萬丈反叢懸有象
九天閭闔揜無痕雄風鼓動蛟螭怒變態翻盤成敗論
望去迷離煙霧塞西州門外水聲吞

寓江寧僧舍即事

凌曉輕風枕簟涼披衣趺坐借僧床久拚江令消花華
擬向希翁乞職方露重清宵未塞雁香舍丹桂餐蟾光
十年閱盡寒暄事何待追尋古晉梁

題相人僧

謂余官當復
起作此曉之

經法麻衣早證開方旋流鑒玉珠分楞嚴默入工師夢
元者羞爲執政事李廣不侯空怨骨晉公終顯豈論紋

懷詩集卷四

主

願於癰腫支離外物色聊材列五雲

觀明二祖暨徐常諸公畫像

時在金
陵僧舍

應運南都建遺燕遜國終難開大業際會起羣公展
練雲旄肅輪誠英爽通龍光勝咫尺躬親蔚恢弘播越
前京兆依樓古梵宮官儀存舊德音響散晨鐘王氣三
峰盡江流百代空惟餘野老淚沾洒帝墟東

寄內

快風直送到陪京下榻僧齋虛慮清身在事中心不競
病逢秋至步差輕女兒涼燠常調護僕婢嬉頑謹督程
如有業緣消未盡經聲佛號慰冥明

丙午中秋

江寧
僧舍

此歲他鄉月今宵照白頭人爲荆楚客地是古昇州良
夜依禪榻孤燈守素秋衰殘驚過夢飄泊悔前遊繼日
光華在行天星漢流龍鱗雲透脫羅穀錦圍周顧影憑
扶老開襟冀燭幽心肝原豁達湖海久淹留異縣連婁
子長貧競謫尤音書遲北雁賓從散南樓獨醒難賒酒
狂吟不遣愁金波生望裏清淚滿昏眸

自述

已爲失馬客終是打包僧伴靈將奚補祝鷄昔未能聖
朝甘賤辱暮景怯飛騰異地留何遜家聲隨李陵嘯音
搖壁劍淚影暈篝燈舌在無秦楚親亡感仲曾百回成
一蹶沒字省三乘老更違時論存觚戒摸稜

懷詩集卷四

主

歸吳感舊

摩揣曾陳策夢我久廢詩致身焉得蚤干祿竟爲犧紙
尾書連歲轅中負素期賞郎能作賦傲吏恥觀頤南越
麾行遠北山文屢移峰巒鴻雁絕淚點白雲垂改郡樊
川老朝京季布疑日華高岫隔世事大江馳載鬼張弧
矢迷陽塞路歧金空無善賈肱折得良師謚已言靈定
禱冥媚竈宜人嫌洵藥美我貴在知稀明月秋分後涼
風露結時歸吳招隱士竟想傍要離

秋中返吳舟行即事

名園謂秦氏詞客謂
顧梁汾爲蘇詞也

山翠曉朦朧淒清竹樹叢輕雲含夙雨殘角散晨風浣
女鬟簪桂雛僧蔬灌菰名園休晏賞詞客葬蒿蓬鷺浴

禽知遠菱歌婦解工城隅秋水入村市野橋通月落澄
溪裡舟行明鏡中賣茶商舶集沽酒釣船空人醉青帘
下涼生滄海東吹簫非伍相春米慕梁鴻遠辟關門尹
逍遙河上翁此間容皓首何處訪黃公試剪輕綃寫高
堂煙霧重

繡袍歌

百金中產十家簞一袍之值五十萬貧女寒窓三月工
十年難字壓金線錦衣垂拱固有之黻冕致美禹盡善
惟恐作法易橫流衣牆綠履競滋蔓恭儉端源嗜好絕
不貴難得杜齊得多少寒人思授衣安得百袍易萬絹
衣被天下無告氏懸鵲蔽體吾所願嗚呼布被公侯不

懷胎詩續集卷四

古

可見錦幃十里依驚眩何如焚此於當殿後果得 吉

賣書

家散萬黃金官積千書卷萬金錯悔已遲千卷易米
安招搖過吳市通國顧問鮮徂僧直下村囊彈到
墳典升黃過塗汚稜角悉曲捲恃此救饑寒凍餒奚能
免持歸堆敝榻相對首久俛爾胡伴老貧人常致通顯
國門高價取公卿茅簷死守勞狸犬炬焚與藜照想隨
人運轉窮達岐視之於中味道淺勵志秉清明養氣振
衰懷朝夕淡不厭何求嘗禁鬱有時歌樂饒金石聲游
衍蠶老愛吐絲待成如甕繭結習未消除天花麗帽扁
見試錄率成

昔曾辛苦治傳經同學榮枯綴曉星蘭芷新茅饒露雨
櫟樗散木分彫零人從上苑誇佳樹誰復東流問泛萍
爲陟高岡觀檜栢風霜少見萬年青

秋日虎邱卽事

新晴秋水漲消時病起閒遊短棹移七里塘邊磨屐齒
十年眼底惱花枝縹緲運厄歸襪火蒸鼎人貧置漏卮
舛繁畫船歌宴歇朱樓妓老舞腰歎

自述

靜夜荒堂似墊村殘編手把就燈昏兒寒布被教先卧
婢倦茶鐺狀屢溫免頽松煤供我老闕文難字與誰論
未知來日餘多少卒歲於中所好存

懷胎詩續集卷四

五

秋吟六首

庭樹秋聲壯堦前霜氣深寒鴻多夜響病鶴有遐心棲
止他鄉慣年華暮景侵何當生羽翼飛陟碧山岑
客意如秋澹羈雲望遠遲東華違夢久南國授衣時謝
客人知懶吟詩獨樂飢千金尊敝帚韞櫝更無疑
江東秋復盡硯北叟常孤今古消殘燭乾坤託大壺借
書如割地送酒勝貽珠乞米尤非易寒來典敝襦
一枝誰假息九萬我閒遊故友無人氏新居不繫舟失
侯存骨在得意省言求結駟乘軒客何勞問慍憂
林麓千叢木飄零五夜風清霜高下落晚稼隰原空清
肅來天際蕭條入眼中自堪驚少壯况值已衰翁

流水催終古人心暮舊歡風起歸野土劉應惻凋殘影
結虛無怨笛吹風雨寒菊花開自好愁絕一人看

秋盡二首

江南秋盡起霜風積雨難消十月中耳長禾頭悲野老
粟生肌上困棄翁質素猶念同袍友度磧還憐卧雪雄
聞道尚衣催織錦涕痕夜染素絲紅

短髮長髯白久勻他鄉秋見歲寒頻南榮曙日稀來照
東海驚濤少去津市釀難賒嫌僕懶園芋欲賦惹狙嗔
何如錦里先生樂對飲呼蘿有酒人

又爲吳體二首懷碼士

逾時霪雨變微雪極目密雲天四週孤客離居念鄉園

懷新詩集卷中

六

千家繞舍疏滕溝城傳嚴鼓夜防盜吏僨貢糧農隱憂
遙憶郭南賢處士長歌白石披羊裘

久支倉粟供龐官學道未成懷飽安憐今囁嚅少芝草
終老海濱無釣竿林麓纖煙繞巨澤風霜隨候谷祁寒
故人冠蓋半寥寂可知米貴居誠難

十月朔

朔日哀逢十月交旅貧設享薄牲殺楮焚暮夜心如燬
酒薦他鄉淚共拋色笑連宵未遠夢雪霜十度落荒郊
折腰半世無田祭愧蚤出疆問斗筭

寒夜思及身世慨然有作

踽踽孤行久茆茆出話多能文憎已定爲墨夢非訛深

雪屯金馬寒風振玉珂朝回沙道滑會見有蹉跎
竈邊猥瘦犬樹杪起寒鴉簾雪鳴雙鼓忽風森塞笳
寒水在盆征士鐵眠沙嘆爾多辛苦清愁棄已遐
儒生終短褐朋舊半長眠怪事書何盡浮雲變信然
焚米就糴寒谷日辭懸一概看千古雙眸空萬緣

祀竈

爆竹焚香競祀神萬家燈火泊庖新他鄉伏臘驚頻改
兒日周旋憶二親殘雪陸離消逕側暮煙蕩漾滿城闌
荒堂兀坐長吟客愧學隨時媚竈人

殘燭二首

殘燭消光焰煎膏入夜深昭昭留暗室耿耿照愁心跋

懷新詩集卷中

七

短無花結宵寒有淚沉明珠知可繼滄海欲追尋
燭殘更舉火人老欲如何黃髮先型遠青雲後起多風
煙來萬變烏免纖雙梭對爾澆盃酒陶然入太和

春盡赴吳江二首丁未

春盡江頭客出遊依然風雨蕩孤舟波濤知共生涯永
險阻能增詩力道白眼遭逢輕楚璞黃金零落寶吳鉤
山光水色仍千古輸與漁竿底收求

何憐鶯老與花殘浩渺江湖煙水寬梅子青時恒雨若
爲兒黃酒散春寒年光涼燠惟高卧倦眼繁華已飽看
寺掩關諸妄屏此心更不借師安

夏日偶咏

小庭敝榻寄衰翁
欄短簾疎得快風
易米無成書返架
典錢不識畫藏筒
舊交星散仍爲客
世事波靡始認空
自笑鈍根終未劇
飄搖猶辨梗非蓬

途窮敢謂悞儒冠
百種憂沉身自閑
暑雨和寒江海際
全生忍辱市塵間
奇峰遙望常支頰
俗吏相逢每汗顏
欲買酒澆高士墓
故園歸骨已無山

軟腸頻慰蔗漿寒
眼暗螢燈喜未乾
鐘日吟詩要友和
佳時買棹覓花看
浮雲百變終難測
夏日三庚亦易殘
昨夜月明風入戶
炎威似已減樓端

索居僻巷近城邊
搖羽披襟每憊眠
一枕當窓風靜細
三更照夢月連娟
飛聲玉笛銷魂曲
度郭晨鐘澆頂泉

懷舫詩續集卷四

七

自是客懷多激楚
蕭騷不待肅涼天

懷舫詩續集卷之五

目錄

秋日緘庵學士質存社友小集旅寓卽事四章

未秋紀遊八首

重遊法螺庵千尺雪

中秋前虎邱卽事時由西山返棹

客跡四首 于瑾親翁惠菊二首

和雲間姚平山荒齋五咏

破窓

亂石

危墻

懷舫詩續集卷五

目錄

舊井

老樹

誌感四首

丁未十月朔誌哀二首

燈花詠示侍人

三君詠吳撫軍王糧道許郡守俱卒于兩月內

懷舫四長吟 步宋賢康節先生原韻
又和年老逢春十三首

過王府基

賀王禹開令郎儕鄰遊泮

觀琵琶記邯鄲夢傳奇原本率成二首

哭稚女二首

葬女二首

又成二絕句

悼女自廣二首

謝豐令四兄寄惠栗菜

丁未生日長歌呈緘庵確士兩同學

戊申新春仍客蘇郡行過 聖廟因遊滄浪亭

檢書付兒蒙啟

戊申上元二首

贈駱遇安徐州人來謁

同友人春遊

次晨觀迎神

懷舫詩續集卷五 目錄

二

狸奴生子

送駱遇安赴閩二首

立夏 戊申吳門

夏月宴集笙歌卽賦

又贈吳允文二首 度曲師

自嘲

讀夢庄高先生詩經慧解敬賦二首

懷舫詩續集卷之五

秋日緘庵學士質存社友小集旅寓自事四章

談笑焚魚罷直廬蕭蕭鬚髮狎鷗鳬久閒簪筆至龜艦
近愛傳經引鳳雛軼世興豪倖句足家山秋冷桂花孤
高陽舊侶無多在好共仙舟問五湖

讀書爲士古常貧學道觀時表四民貨殖無資方受命
遊談何國可安身懷珍薦席原儒志環堵成宮與聖隣
九折坂疑當仕路於今坦吉信幽人質存住長洲縣學前

嶺海游踪奇盡探金閨山水老仍耽置身自愧三難立
作吏人言七不堪家國夢中揮涕淚盛衰局外看煙嵐
果能窮到無錫處啖菽成甜久自諧

懷舫詩續集卷五

一

秋陽簾外弄晴暉貳簋邀賓戲歲薇敢警君心臨食嘆
豈因魯酒啟兵機願加白飯常相見愁說朱門盡式微
且捨粉榆求飲啄已辜反哺莫言歸

未秋紀遊八首

比年離索怨佳日水雲遊秋色浮高郭清溪棹短舟揚
眉濃翠撲拂袖快風投樂此思移宅兼葭河上洲
山光能逐客晨靄解辭樹夾晴川密村園野竹遙稻
田白鷺下漁市翠帘挑岸上農歌起疑聞擊壤謠
溪長隨漲入橋小礙舟移欹柱浸潮短傾梁壓岸低易
船如一葉問水尚多岐始信桃源杳仙游未可期
碧山天一色爽氣樹同浮行到有涯處旋生無量愁悠

悠追往跡寒寒愧前修看爾登雲者驚魂倩若收余足

于登山在舟中遠去

幸兒女代往禮佛

禮佛低螺首聞鐘展黛眉眼前開宿障悟後發深悲女
拙難桑便兒癡耕牧宜夫君兒且老祇欠一披緇
朝往暮須還賸車豈暫延石蒼松亦瘁雲變態彌鮮山
水終千劫漂搖更十年異城明月裡歸臥計推遷
樓臺千片月簫鼓萬家歌酒肉朱門臭壺觴玉面酤曾
無遺墓隴豈不照簾蘿家婦當宵泣清光入淚多
暑寒來往改歌哭古今同令節歡兒女他年訝姥翁衰
遲求道晚放廢得心通子夜觀機軸生涯本不窮

重遊法螺庵千尺雪

懷歸詩續集卷五

二

高人曾舍宅淨土久堆嵐白雪飛千尺青螺結一庵名
山皈佛域深澗隱龍潭觀水文瀾湧聞經靜慧涵長林
留蹊蹊亂石積叢鬱臥樹支橋過懸巖穿洞探寺幽禽
翳翠岸曲鹿行諸階護苔成碧欄垂花是曇客遊塵境
上日御塔峯南鐘動香厨潔泉鳴茶味甘重來尋鶴夢
小憩借僧龕去國秋思永休官逸興耽安心求妄屏跌
坐擬禪參三昧難窮法兩毛易著簪驚濤漁父辟壑斷
賤夫貪盈眼繁華際誰能急解驂

中秋前虎邱卽事

時由西山返棹

筍輿停處片帆東萬朶明霞斜照烘烟抹抹遮城隱見
溪迴棹轉興飛神遙瞻雪影鳴雙槳低飛松陰暗滿蓬

輦歷石堤王跡著池涵古劍霸國雄高邱喬木千章合
梵剎離宮一望通桂殿飄香金錯落竹樓連檻玉玲瓏
迷津畫舫陳簫管夾砌名花鬪艷豐七里華帷聯錦織
三塘彩練駕霓虹瓊瑜薦地樽罍列臺榭鈎簾粉黛叢
垂髮妖童聲和鶴纖腰麗妓態驚鴻星懸燈火昭霄漢
潮起笙歌振雨風游女珮環成戛擊酒徒肩股互磨礱
久傳法部十香細齊唱吳騷九調工此際日沉天不晦
頃時海湧月當空寒生冰雪續紛下形納河山光耀中
境何期多樂事秋宵繁盛勝春融

客跡四首

懷歸詩續集卷五

三

燕趙侶樓翡翠幃朋舊已殘成醉少舟與艱儻出遊稀
一年佳景多辜負野菊將開桂子肥
欲訪城東無問翁蹢躅兩足耳龍鍾詩成自咏兒童笑
睡起奴言釜甑空屢見清霜催歲月驚聞黃葉打蒿蓬
激昂白首頻翹處羨煞飛歸有雁鴻
勾踐溪邊風露寒吳王宮裡雨雲乾千秋事往資談笑
滿眼愁生警鑒觀識得玉情藏積貴描成眉樣入時難
胥誅種戮完功後始信高風在漸磐
自憐垂翅已桑榆寤寐歌言誰共娛久信相皮非相骨
近工吹劍罷吹竿車魚養士無公子烟水行吟有具區
刎頸酬交焉可得只應憔悴作山癯

子瑾親家惠菊偶賦二首

南園留良士煙霞恣飽餐
漁溪曾品菊陶令却嫌官
贈高金玉幽芬發澗壑
繞堂多爽秀足傲素霜寒

倚檻妍秋色侵籬瑞月光
標題高隱傳蘇軾詩名皆繫牙挹

葉美人香送酒誰供醉飛英獨許嘗
看花開到此物我

感蒼茫

和雲間姚平山菴齋五咏

破窓

檻外焦陰入斷檣爐香常訝散
除庭放蠅無用重穿紙
窺鳥何嫌靜掩屏雲影徐來遮
硯墨燈光忽閃映天星
讀書聲每隨風出夜永簾垂戶正扃

懷舫詩續集卷五

四

亂石

草碧苔蒼稜骨寒冥鴻近得漸
于磐多君磊落知安止
讓彼高岡集鳳鸞清水半池宮
一畝菊花三徑竹千竿
丈人列坐無言語書授留侯已報韓

危墻

賢往乘箕培築稀多年知命遠
相違臨池難得直陰照
積卵將爲畏壘依風雨環宮愁
蟻鼠詩書面壁動歎嗽
巍巍數仞憂傾壓始信雕墻是
禍機杜詩水靜樓陰直

舊井

碧桐枝底久無禽尚有寒泉可
滌襟姑愛路人施唾辱
難容亡國匿荒淫乘時亟甃將
辭咎用拙忘機更息心

只爲水甘愁早竭故常廢置在枯林

老樹

千秋後死守風霜幹古鱗殘閱世長
大匠求材甘委棄
張華博物竟摧傷杖巢遶鶴歸三度
腹蟄神龍躍九閭
小草無凋青翠久立身原貴托根強

誌感四首

三秋已盡迫冬初衰草枯枝費掃除
冠佩青雲新項領
江湖白浪久容與迢迢墓舍三千里
寂寂親知一尺書
尚有東坡詩伯健高文頻寄似相如

鳳池霜湛木天寒如砥沙堤路正難
千古文章憎達命
一身潦倒悞儒冠史臣拔筆從軍旅
詞客抽簪臥澗磐

懷舫詩續集卷五

五

奮翼登瀛垂翅去塵中況是舊羈官

萬目驚神盡可哀折腰無米緩歸來
大星合作隆中石
寶釵憐爲獄底灰紅粉入宮餘死憾
白頭出塞少生回
若能貧賤填溝壑寂滅誠然極樂哉

室中不記泣牛衣門外徒思狡兔肥
天上風雲催盛會
眼前雷電發危機小人只可爲農圃
仕者何遑厯凍餓
獨有山僧同野鶴隨緣行住任棲飛

丁未十月朔誌哀二首

計日親亡兩見冬徒從夢寐仰音容
投懷不及羊羔禮
掃墓誰修馬鬣封降志身誠不孝耕田與祭愧爲農
母棺在殯仍藉客痛哭他鄉血淚溶

撫迹傷心成痛哭逢時覩物益悲辛辭親半世嗟遊子
作吏殘年陷盜臣大雅久亡墳似屋修名不立賢如銀
三生願結兒縉侶莫學我冠博帶人

燈花詠示侍人

共守殘燈久忽開寒夕花似來輝枕榻曾見照繁華月
逼珠痕墜針停玉藥斜愁心相對處留爾伴天涯

三君詠

吳撫軍王禮道許都守俱卒于兩月內
薤葉露常滿今秋倍滾滾隨化無足嘆老懷徒激昂吳
公英妙年爲宰沙邱旁憑軾向遼郡從此振聲光南滇
授旌節移鎮古金閭風雷迫事會獄吏對傍徨大星一
夕殞化爲肺石霜殞棺臯陶祠道路生悲涼王郎曾任刑部

懷舫詩續集卷五

六

主名族書省久踟躕一麾領漕運才氣森開張上官異
延接群吏爭榆揚十年莞庫鑰罷官鮮蓋藏奔走書檣
背一病委第床姑免入廷尉魂游青山岡許君亦俊傑
談諧傾侯王賞音綺羅隊沉醉歌舞場中歲任通守
翠華來陟方離宮起俄頃水殿耀津梁經營竭智力金
幣揮批糠衰晚得一郡顛蹶亦艱防計聞終牖下惆悵
非故鄉去秋各旅居心憂身共強四時序未周朋舊屢
喪亡山陽笛聲哀聽者易沾裳況是同逐客蕭蕭素髮
長

懷舫四長吟

步宋賢康節先生原韻
懷舫他鄉羈旅人還餘四詩作仁親一編詩紀少壯老

一部書明精變神一炷香熏天祖格一樽酒養性情真
太平萬物咸生遂臣獨漂搖五越春

懷舫囊中詩一編動成歌哭性生然山川寄興吟隨意
談吐傾心酒任權未必甚工窮徹底安能如古燭冲天
經時束閣重刪稿此夕挑燈屢綴篇歷紀宦遊如說夢
閒書往過恍遊仙多年難費千金賦累紙徒烹燂帶煙
立德建功洵可愧品花題月不堪蠲眼中騷客誰常在
身後虛名世浪傳耽吟悵過修藥日倩抄分去典衣錢
頭兒筆禿成何事室內常聞交謫言

懷舫枕中一部書易誠通否果何如余註易經名曰通解乾坤未
有如斯也天地已無猶是乎太極兩儀聖翼始歸無說

懷舫詩續集卷五

七

極宋儒初元元豈製老聃論寂寂寧傳釋氏餘扶抑陰
陽剝對夫往來復垢卷還舒一元四德相周貫二用三
才立範模汲孔象辭須廣衍義文卦象可刪除言窮萬
物終難盡意契全○非謂無累累圖形皆傳會紛紛傳
註互文吾程朱周邵流傳內識得團團大丈夫余於易解立六
合圖圖與太極圖另義全
○同圖見於詩者謂此

懷舫爐中一炷香清心屏妄以爲常續生熟念何能盡
埋向寒灰未許量窓裡燠乾殘卷帙御前煙裊舊冠裳
風花之主皆堪祀竈與雖靈不憤穰偶熟鼎鼎增茗味
醉焚琥珀罩盃光書中芸臭時祛睡塵尾蘭馨久不忘
襲榻月來輕霧白捲簾雲散遠山蒼半龕雕木供詩聖

幾轉迎春祈歲穰漸燒彈琴聲恰靜徐添點易夜初長
悠然數縷飄金鴨觸鼻如登桂柏堂

懷飭壺中酒一樽常醺偶醉率吾真衰年多感盈腔熱
良友深情四座春把盞山雲來歷亂飛觴花雨落紛紜
豈嫌味薄將園趙不問瓶空屢在陳忽過富兒要啟甕
每沾市釀勸垂綸潯江憶泣琵琶婦河朔傷離車笠人
好乞步兵厨作吏難封泉郡唾沾茵高陽徒散疎歡飲
楚醴筵虛置客身終老此鄉司祭爵助成君詠召詩神
陶然千日羲皇世肯趣無令醒者聞

和康節先生年老逢春詩十三首

年老逢春在異鄉春光原不辨殊方少時顏色餘紅杏

懷飭詩續集卷五

八

天氣晴和發綠楊舊築沙堤烟黯淡久閒翠袖瑟荒涼
韶華最是江南客裏偏驚歲月忙

年老逢春莫厭貧家徒四壁一天春侍兒雲髻齊漆滑
稚子羅衫浣更新高價買花如致妓良宵沽酒或留賓
韶光九十須過盡料理徐除金甌塵

年老逢春久謫官江頭無夢到長安朝衣賃酒因梅發
蠟屐游山恐杏殘祈穀日過消積雪禁烟節近歛輕寒
此時放眼成欣賞未覺人間行路難

年老逢春思故山桃花洞隱太行間白雲去後青峯在
孤客歸遲雙鶴還遺澤有書傳海外荷薪無力愧人寰
羣芳開落何時已悔我浮遊換渥顏

桃花洞乃先宮傳讀書處

年老逢春慕二親慈憐近喪倍傷神病危思見孤遊子
歲久甘爲苦節人風過北堂惟捲雪花開南陌草鋪茵
秋霜春露墳原上不及村農祭掃頻

年老逢春每自憐落花飛絮盡悽然燕來舊第移貧主
雨後新原賣祭田芳草池塘紫遠夢棗棠庭院散晴煙
客懷思共春歸去無奈家園已掃遷

年老逢春憶弟昆長天隻雁影雲屯流沙冰雪孤霜隔
夢澤蛟龍魂魄吞骨肉成生異類子孫貧賤忝高門
風光猶記烏衣巷鳥語花香舊跡存

辛子岳州府志云東小亭讀書
語在香口大字長兄手跡也

年老逢春記酒徒偶樓博館結眉沽信平養士處榮榮

懷飭詩續集卷五

九

燕趙佳人冰玉膚白雪繞梁珍上掌黃金十鎰釀千壺
祇餘素髮江湖上花柳飄零歲月忙

年老逢春念病妻寒窓常記警鳴雞一行塵夢酣槐郡
幾載高樓伴月棲奉到板輿還哺鳥感成風木失羣靡
芳辰鏡裡白頭怨說與白頭客倍悽

年老逢春諸子違幼兒弱女獨依依陶潛筆墨傳人少
陸賈鮮醇潤汝稀塞外枕戈防寇遁河干操鉦犯蛟威
冰消浪暖遙憐爾泥曳長裾雪壓衣

年老逢春恨碧天懽場少壯足流連笛中李暮偷宮曲
板底秦青引醉眠殘月曉風楊柳路桃花潭水踏歌船
不堪良夜重回首漏斷香消夢悄然

年老逢春苦著書等身業就欲何如
衰殘伴靈尋仙字
藏貯無山剝草廬
退筆將投求汗馬
道編且束事蒲樽
良辰美景虛歡賞
徒肅衣冠於越居

年老逢春易過却憐春去積愁多
行吟心緒輸漁父
豐饒功名付夢婆
春米伯鸞忘嘆噫
結茅子美愛滄波
能供花月容賒酒
何處非吾安樂窩

過王府基

衰草寒沙繞碧溪
斷垣頽屋舊王基
征誅以後興亡數
歌舞於中歲月移
雁逐霜來秋盡日
柑隨酒熟菊盈枝
清樽姑就隣翁醉
那是悵情弔古詩

賀王禹開令郎儕鄉遊泮

懷新詩續集卷五

十

持身訓子裕家修
安樂窩中許繼遊
教行圖書開秘奧
理該道器久研求
一麟驚代才名播
奕葉傳經厚澤悠
採取芹香聯桂杏
三槐枝幹盡龍虬

觀琵琶記邯鄲傳奇原本率成二首

古人當泣起長歌
哀怨無聲飲泣多
妙迹三年猶在曠
身衰兩翼尚封羅
存亡隔世心如擣
終遠留愆恨不磨
一曲琵琶傳往事
中郎學行付頽波

繁華佳勝足沉酣
何獨孤迢惡夢耽
都觀苑花開復落
湘川香草佩仍含
溟鴻不印深泥跡
豐碣終霾峻嶺嵐
一枕邯鄲歸電露
虛郎富貴尚爭談

哭稚女二首

女死留深愛難忘
蚤慧心隨人初學語
見字若能吟詩
點分星月招呼辨
犬禽前期投我夢
言別赴幽沈
辭去越日而止

竟委窮愁父徒多
生死緣計期將睽
目在世未周年救
病無良藥填棺但
故糧魂香不勝酒
奠爾淚涓涓

葬女二首

送爾家鄉去幽明事渺茫
同舟隨僕櫬歸路倚魂強
抱負憐嬌小關河冒雪霜
鬼神休恐怖念汝遠爺娘

歸葬先墳側難期封樹全
有兒亡廿載寄淚到重泉
乳飲無人供孤哭獨我憐
祖靈知爾小調護定加偏

僕死今今附載而歸葬于亡兒墓
側兒亡于丁亥計二十一年矣

懷新詩續集卷五

十一

又成二絕句

倉公仗女嚴刑免學業
中郎賴女傳天儼
爾年隨膝下想應無愧雨
閨賢

昌黎誌女集中載白傅流傳
哭女詩愧我文章非不朽
心傷爾歿少人知

悼女自廣二首

距生未匝歲遽已付泉壤
家鄉不知處寧作首邱想
渺渺天海間風煙逐浩蕩
蟲臂與鼠肝任爾成惚恍
慘哉我哭人人哭復焉惆
漠然情識泯不期而自廣
奉教大乘者談空實泥有
果無老死盡極樂絕領受
胡示生滅故動云大事驟
來往誰密心原要何先後
長風

噫大塊榮瘁各殊候鑄銷解盡是法曰無漏

謝豐今四兄寄惠粟米

清才濟世德作宰河之涓敷政悉經撫迥非俗吏爲今
秋淮黃溢大田稼靡遺兩緩倍心勞時著淡泊畏人知
猶念驅車餘千呈寄遐思菽粟豈凡品聖人治首推築
根共冰雪嚼成事業奇得公佐邳隆水火同贈貽倘獲
遂含鼓擊壤歌弗罷

丁未生日長歌呈絨庵確士兩同學

我生冉冉五十九父母兄弟一無有老妻前年返故縣
貧病此離望歸久獨留他鄉位誕辰稚子設筵進卮酒
不祝富貴祝期頤寧知貧賤何需壽比歲頽唐謝賓客

懷舫詩續集卷五

士

高車亦厭席門歇小吏時來呼對簿此外皆爲問日月
隨餐伴食一編手久忘飯糲襟露肘夢足難躍深鴻濛
當街飽肉嫌衰叟舉然望古見黃農偶摘古文質聃翁
離騷憤懣不堪讀問天天老亦患聲載絕致金良可羨
趙孟所貴違虞賤積書萬卷終枵腹少韻游談貨殖傳
此中簡練工揣摩位高多金車上僂說行轅裂方欣幸
簞子昇仙奈餓何歌成寫與陳琳觀舊會膏華粉阿瞞
誤交刎頸遭按劍雄文每賦蘭心寒豪門豈聞無工至
文人畏墨誰標幟好友新編高隱沈南郭招携訪軼事

戊申新春仍客蘇郡行過 聖廟因遊滄浪亭

金閨繁盛五都同夫子門堂仰素風巷陌絃歌皆鄭衛

宮牆草樹自菁蔥春光先布暄和逸光物成甦鼓潤中
四海雙肩形役久欲來廡下寄孤蓬

城南風景倍蕭閒孤鶴羣鷗互往還彌望煙霞增曠爽
弘開臺榭觀雲山畫師點染虛空際注僧能才子聲光
水月閒昔日同遊皆寂寞梅花聊與話荆班

檢書付兒蒙啟

檢點經書付爾收終身講誦是良謀兒生聰慧須精進
父老惓惓未倦求四歷百年爲仕族十餘五代本儒流
余家近溯元明至本朝科第續傳於中有樂寧科第更較黃金高萬籌
戊申上元二首

客窓有月到梅花何用繁燈闌麗華多少春門歌舞散

懷舫詩續集卷五

士

迢遙青海燧烽斜殘膏照雪人千里濁河翻春天一涯
但得眼中桃柳在不須顏落恨堤沙

帝城紫陌動春風燈市鋪張靈祐宮欲寶錢珠金百鎰
繡帷錦帶女千紅樓臺懸照王侯邸車馬續紛塵霧中
回首長安非舊觀惟看明月昔年同

贈駱遇安滁州人來謁

賓王隱後多才子山水之間有酒人舊識陳蕃爲下榻
新詩觀野共題春文章大塊憑携取苑柳三吳貢笑聲
且醉風花過九十徐看錦席薦嘉珍

雙屐消磨嶺海間老來遊計愈馴淵山川到處綠曾結
詩酒生成福是頑蚤得克家稱驥子堅求大藥作虞鯨

白鬚猶藉鉛膏染行照龍光識

聖顏遇安有寄
子以歸居

同友人春遊

澹宕襟期雅適遊山川寄興酒忘憂故人別久清狂在
花遲香深畫景修眼底風光憑挹取醉中世界儘寬柔
登高作賦憐夔足且喜詩成俯碧流

買花擬載美姝歸愧昔爲郎對紫薇白首看春年已老
青陽餞酒願常違門前竿客今來幾堂上雲英重見稀
徒羨信陵差免俗飲醇擁艷遠危機余幼擬官西清舍
人即紫薇省也

次晨觀迎神

閒情搖曳有春風糝雜飛花舞絮中鐘鼓震驚迎社路
東粧航閣繡窓紅綺舟綵檻穠纖集北里東家粉黛空

懷舫詩續集卷五

十四

滿目雲霞迷五色渾忘短髮似霜蓬

麗日晴霞映石塘旌旗繞吹出金閨倚簫跨鳳秦宮女
仗節乘槎漢省郎會中
所扮三代遺風惟朴略九年通計幾
豐穰採陳誰是皇華客爲奏東吳春賽章

狸奴生子

乞得狸奴再閱春已看育子歷艱辛渾忘寢食憐兒弱
常讓羶魚念主貧慈孝可觀知物性鞠勞堪藉感人倫
眼前浩蕩皆生意方寸當弘天地仁

送駱遇安赴閩二首

年年春盡常爲客春往頻傷客跡羈風雨方停寒食後
清和又值送行時片帆人去雲山渺千里愁來鄉路遠

把酒醉君深惜別相憐汗漫更臨岐

白首重爲嶺外行舊遊如昨歲潛更常懸翠嶂千秋畫
還聽哀猿五夜聲眼底名花嬌貯屋裏中佳句貴連城
登高望遠含情處應念猖狂阮步兵

立夏戊申吳門

櫻笋初肥夏令新軒窓晴潔頗宜人米魚價賤三餐足
菜麥倉盈百室勻北里笙歌來夢想西山名勝隔雲塵
惟驚時序催年老獨酌孤吟又九旬

夏月宴集笙歌即賦

錯然履跡偏蒿蓬塵黥荒堂照燭紅雞黍略能供饋婦
樽罍半是乞隣翁熏風應律雲爲駐明月窺簾酒欲空

懷舫詩續集卷五

十五

夜靜客歸羣動息獨聽天籟托磐鴻

又贈吳允文二首度曲師

樂遊京國日冠蓋集華筵不意王門客相逢吳市邊遷
流何水部詞令柳屯田高臥滄江上悲歡付偶然
清歌蘇贖耳法曲憶長安紫玉簫寥寂青霄月靜寒幾
秋槐葉落雙眼紫螢乾棹首追塵跡都成夢幻觀

自嘲

連宵樂事溢門庭耳目歡娛心暗驚林外鳥飛訛列炬
籬邊犬吠怯鳴箏重添酒肆尋常債難繼齋居藜藿羹
祇合飲泉餐土壤好充蚓操博廉名

讀夢庄高先生詩經慧解敬賦二首

不著玄文厭出關詩亡留得在人寰樂章鑒別協歸正
風雅精研繼聖刪價重玉藏明主世書成身老白雲間
解頤浪說佳丞相誰識南山霧豹斑
雲來亂起晚徐平殘照啣山小院明身廢自慚腸蚤熱
心齋客笑愛常清延賓喜得今三老問世疑爲魯兩
赤日黃塵冠蓋裏豈知別有歲寒盟

懷舫詩續集卷之六

目錄

謝宗可詠物十四題增減成詩十首屏滿熱悶

月暈

花影

蝶睡

蛛懸

劍氣

香塵

竹粉

柳陰

懷舫詩續集卷六目錄

秧針

麥浪

少陵之後興必於秋章定爲八余竊無取乃賦夏
興七章章各七句格似蘇公歌非杜老所謂一家
言也

咏梅十首

螢燈非螢光也乃小兒糊燈入螢于內

荷莖煙筒

竹葉舟

麥笛麥梢製成一名麥管

伏日李藩伯邀赴江寧質訟作代答簡

大風歌 六月十八日

午夢三十年前亡妓

暑夜偶感二首

晤贈 伯翼大兄

送夏固逃暑虛堂秋將起鄉心奉和 夢莊亦久

言志耳

七夕偶成簡 伯兄

七夕二首

哭太倉王相國二首和緘菴學士

夜雨二首

新秋舟中四首

懷舫詩續集卷六 目錄

二

秋憶二首

睡醒二首

送李方明先生歸蜀

七月晦夜吳俗插燭於地云照冥獄得解脫也卽

事二首

八月朔十韻

上陳撫臺二十韻

望山

返棹

八月十三日買桂一株植塔下

八月十四日出遊虎邱

八月十五日述懷

望日又買桂一株海棠一本

夜月皎極記之以詩

石湖秋泛四首

秋日遊治平寺四絕句

治平寺遊歸卽事

蚤起十韻

次晨又作

客觀懷素真跡戲作

戊申九日

九月十九日古重陽

懷舫詩續集卷六 目錄

三

九月廿九日亦作古重陽

九日又作二首

紀遊

懷舫詩續集卷之六

謝宗可詠物十四題增減成詩十首屏消熱悶

月暈

河流侵九道月郭建重城竊藥飛難入乘箕築易成條
環虹影射聲帶兔華繁缺處風姨舞人間萬竅鳴

花影

素月落籬根扶疎壁可捫佳人寧獨立倩女見離魂窓
隙橫斜動簾前綽約存高堂明鏡裏恐致舞鸞吞

蝶睡

竹檻倦游後芳叢靜息時夢終沉色界影自照清池香
霧來深護春光却不知莊生思物化曼衍更無期

懷舫詩續集卷六

一

蛛懸

偶懸姑待解身世共悠然伸縮直弦在煩苛密網捐心
能忘住著形未脫拘牽莫測猶龍枝非天不是田

似氣

常見倚崆峒胡來困匣中聲光驚午夜星斗映寒空懔
敵起軍右屠龍照海東不知白首客高望爲誰雄

香塵

熏爐藏厚霧墮地積前塵穩藉蓮花步平鋪蕙草茵燕
巢堆玉壘蟻穴結芳隣聚處理荀令旗檀是化身

竹粉

敷粉增高潔此君最有情玄霜浮玉杵芳澤浥虞英刻

句雲箋薄粘衣白袷輕仙人膚似雪骨節自琤琮

柳陰

河橋含霧白林麓卷山青隱隱聞啼鳥低低覆酒亭漁
炊連荻岸晚雨黯沙汀送客疎殘處猶能綴曉星

秧針

堪繙木棉否得穿柳線無刺農流赤汗除蟻茂青徐直
不宜綸釣深能補瘠枯滿吞寧老衲爲摩羅什事百口盡須

餬

麥浪

地平方教稼原上忽驚濤萬頃連雲動長阡湧翠高參
差擬荇菜砂石喜澄淘綠作臨淵羨求魚反得甃

懷舫詩續集卷六

二

少陵之後興必於秋章定爲八余竊無取乃賦夏
興七章章各七句格似蘇公歌非杜老所謂一家
言也

海霞亂起布虬鱗若木高撐架赤輪三島樓臺凝紫氣
萬家煙火潤淄塵驂騑汗血趨途急將相舍冰入直頻
君不見跣足科頭長晝裡挹荷風聽竹雨清涼祇有賦
詩人末一長句

鳥墮高原魚鴈淵堅金流液木生煙吳牛夜喘昏黃月
越客常憂瘴癘天灘上披裘思避世暑中痛飲恍遊仙
君不見玉關西去雪山路萬歲冰六月雪災涼隨遇可
窮年

無由赤脚踏層冰安得長風逐大鵬伸屈泥中身類蚓
紛紛眼底世多蠅浮雲漏日陰仍熱濕霧朦空夜倍蒸
君不見丹成羽化凌虛客斗擊滄河濯垢簪箕鼓翼待
霜澄

晨起茅簷歷黑雲轟雷凍雨耳訖聞龍懸陸湧三江水
風過林奔萬馬軍毒暑頓消思續挾敝衾全濕待香熏
君不見卑棲窮老夜愁睡汗粘肌蚊刺骨天心忍不救
如焚

三星燦燦值昏中日麗南離望雨風解阜虞廷民在念
早乾揚域抽其空憂勤大吏瞻雲霓舞羣巫怨蟬螭
君不見畫棟雕牆廟宇立犧牲成染盛潔龍煮無靈豈

懷詩續集卷六

三

食功

暑雨流連秋未來時增長夏序相催辰星西徙河當戶
蟋蟀喬遷露滿苔構練聲將鳴院落結期僧欲下山隈
君不見激昂彬雅古賢俊桓笛風庾樓月感懷賦景著
清才

竹林幽鳥曉爭啼柳岸新蟬噪日西樹底移床酣綠陰
溪邊緩步杖青藜盃浮竹葉啖常潤笛落梅花調已悽
君不見千古流傳有月令歲功成物候變及時行樂任
天倪

咏梅十首

凜凜冬深草木殘仙根梅福領芳壇寒村產艷新承寵

荒驛當門隱抱關靜女幽閒宜採擷詩才清俊許盤桓
世人盡愛花孤潔漫對夷齊失正冠

列植階除塵緒空丰標彬雅素儒風大夫高節協潛德
君子祥暉傍直躬老幹昔班三代上香林玉立堵環中
先開幾朵如文士蚤慕聲華與世通

遷流官閣老荒江歲晚芳心托寶幢撲面寒煙斜席帽
維舟香雪落蓬窓來携酒榼騎驢覓歸共許囊藉僕扛
素鶴白雲閒往返佳人獨立世無雙

西池屑玉散香邊綠雪栽花璞盡雕湘女裙邊千葉落
明妃粧次一房椒垂垂江上催華髮隱隱樓頭落碧簫
釵鈿六宮紛點額不妨潤色到漁樵

懷詩續集卷六

四

花擁朱輪寒日西冷芳幽艷滿沙堤色瑩玉帶牙牌映
香惹金爐紫袖低開宴瓊瑤千片舞懸燈朱粉兩行齊
惟嫌投夢留明月蚤警超朝唱曉雞貴家梅

茅屋堆冰雪塞門春貽芳信透籬根一枝喜折填空甌
滿徑愁飛障蔽禪削代華簪粧李女煮充香粟飽王孫
真花金玉無驚眼旋汲清泉注瓦盆貧家梅

臘日旂檀結異葩驚山產玉自無瑕龍歸僧鉢鱗飛瓣
香散經壇天雨花獅象隊中形隱見琉璃光裡影橫斜
應同貝葉裝芳褥鋪滿白牛最上車寺中梅

千樹參差十月開飛花路接越王臺蕭條旅館香常鎖
汗漫征途春又回駟馬勞臣憑軼望一麾遷客動鄉哀

榮枯閱盡年華改丹旄空驚過嶺來嶺上梅

佳人不藉粉脂妍雙頰嬌紅暈自然貞靜羞稱妃子醉

繁華無待艷陽天赤珠寶樹宜雲水絳雪真仙類僊伶

笑彼天機顏色假蓁蓁觀葉得光鮮紅梅

雲裁長袖翠裙迤陌上芳茵襯玉珂苔蘚砌堦眠野鶴

冰霜滿浦護漁簑瓊樓處處環春樹碧宇重重倚素娥

月白山青堪把玩畫圖飽看老巖阿綠萼梅

螢燈非螢光也乃小兒糊燈入螢于內

自照墻陰煙草菲遭逢造次入羅幃未同蚌合珠光隱

祇似星搖雲葉稀乘燭紗櫺蛾不撲懸囊書案蠹應連

高燒萬盞南柯郡此夜淳于尚主歸

懷舫詩續集卷六

五

荷莖煙筒

截碧爲筒插酒筵寧知玉煖自生煙荷根誰信鎔爲鼎

火宅人言柱是蓮直幹亭亭蜚豹霧柔絲冉冉噴龍涎

長莖時見白雲起紫蒂金盤露氣鮮蓋露烟名

竹葉舟

淇園伐筴惜無留披摘瀟湘葉作舟浩蕩何妨容野馬

風波應不觸閒鷗環橋蜨蟻揚舠渡航海維摩棄葦游

縱使飄搖同泛梗蹄涔香海悉忘憂

麥笛麥楷製成一名麥管

豐年簫管隴頭多孺子騎鶴共和歌費下遺材協律呂

塲遊合樂引笳螺風高莫上江城吹響細難邀彩鳳過

光武飯時工失奏遂教寂寂渡滹沱

伏日李藩伯邀赴江寧質訟作代答簡

升虛風不來漢奔汗無反妻孥聚陋室最多憂焚燹巷

陌絕車徒鳴吠傳雞犬薄暮聞啄門使君亦裸跣來邀

烈日中衣冠聽議謝念彼雀與鼠叢穴各求免獄吏醉

逃暑金矢罰始晚七月鵲梁成秋河渡清淺再附李膺

舟仙遊歷曠遠

大風歌六月十八日

大風起兮雲飛揚朱霞蘸墨赤烏藏萬戶歎聲隨雷鼓

寸心烈焰灑冰漿老子偃起步庭下拭眸四顧神王強

婦子相對愜盡解典衣進酒存虛筐天際傾俄變燠涼

懷舫詩續集卷六

六

何嗟迂怪說滄桑我生十八游吳閭四十餘年歲月長

娼婦妖童今老醜高僧風儒誰黃耆江山氣象觀非舊

白頭客此竟崩後獨立風前發悲歌少不如人奈老何

安得壯士携長劍決盡浮雲白日見浮雲剷根投要荒

飼豺虎兮樂題題小人勿用治虞唐近傳明旨嚴整小人

午夢三十年前亡妓

已葬貞娘三十年珊瑚魂化儼非煙來投是夢原無鹿

久幸忘魚豈記筌黃土傷心寧粉黛白雲結社竟移遷

茫茫隔世成今古張緒才名老厭傳

暑夜偶感一首

月上更深烏尚飛空堂偃仰動鄉悲田園荒久寧三徑

墓樹增長感四時失學兒孫終碌碌式微風景定靡靡
暫歸仍往從軍校腐鼠封侯欲嚇誰

涼風中夜到疎帷冉冉行催夏令歸蟋蟀屢還墻戶下
征夫乍見雁鴻飛便辭南國求脂秣好向西山問蕨薇
除掃蒼巖幽洞臥白雲深處世塵稀

昭贈 伯翼大兄

五載重遊此浮雲屢變遷相逢雙白髮接坐片青氍情
話江湖際身思少壯前陵夷懷舊德勞苦治心田花鳥
將娛老煙塵尚惱過何時同賽社酒食共童年

送夏周述暑虛當秋將起鄉心奉和 夢莊亦各

言志耳

懷舫詩續集卷六

七

晨夕俄驚涼燠分秋風辭調變絃熏已濃清露零朝雨
尚建朱霞擁暮曛良覲愁銷凌漢鵲去詭聲散聚雷蚊
雖迎新爽蘇衰病又恐鄉思動朔雲

七夕偶成簡 伯兄

向暮秋生細雨中小庭蕭颯入涼風女床堪憇行雲倦
河鼓將散昏霧空大抵離懷先謫宦由來巧思斬衰翁
共餽瓜餅成追憶五十年前兩慧童牛女實女床
河鼓二星也

七夕二首

碧宇淨雲纖星河照酒筵時光消客裡兒女拜燈前故
國秋先到鄉心老更懸天孫離合恨黯淡情誰傳
月影清如洗涼颼細若吹漸看明露草旋見落香危簫

索離羣怨孤迢稅駕期素輝重照翼丹桂蚤盈枝
哭太倉王相國二首和絨菴學士

多年桃李謝中林挺秀蒼松美蔭深沾洒虬鱗秋蘆露
飄零鳳羽雪山陰官詹在遠益棺誰為含良玉歸骨難期
散賜金寧止凡材羞負荷漸看喬木少千尋相國乃
先相國庚戌主閣所得
士獨享大壽

曾因讀畫訪東村泣染池亭煙雨痕花發平泉招客展
鐘殘長樂滯歸魂前朝舊史名賢跡皂帽青門王謝孫
太傅安能丘壑老西州再過哭聲吞相國先人太常公
善畫名世所構樂
郊園在城東內有
畫說軒昔曾一遊

夜雨二首

懷舫詩續集卷六

八

蚤臥愁頻醒輕陰雨乍濡淒淒搖檻竹颼颼落庭梧閨
怨繁砧杵蚤聲在戶樞誰憐憔悴客猶辨問征途
蹀躞曾馳馬衰遲更荷戈天山思勒石星海試窮河衛
霍封侯早風沙暴骨多可堪充漢使仗節下修羅

新秋舟中四首

清秋舒鬱寫懷時新賦陳人世所嗤往日夢中猶有蝶
今年毛盡不存皮時病
項溪橋一葉隨潮汐風浪千番
任險夷故我六旬偏未化祇憑歌咏送衰遲
名花次第見凋殘桂菊行開歲漸寒天寶亂餘金粉盡
西施葬後雨雲乾隰原稼晚鴻初響點染霜輕楓未丹
栗里先生歸去日落英餐飽稻粱難時有歸鄉之機
而由國將盡

放歌聲逐放船回
舵尾風飄冷翠來
敢向明時傳五噫
羞從澤國望三台
山容誰盡供奇賞
秋景天教老賦才
此日閉門吟硯北
諒無與致入清裁

洞湖江流繞郭圍
秋光不染市廛塵
酒家花樹紅樓接
僧寺石幢碧沼隣
爭席無猜來野老
同舟莫逆有漁人
便思雲水常浮宅
滄海悠然作蛋民

秋憶二首

清吹高城肅輕雲
小院陰閒居素飽
望古托遐心露濕疎梧墮
砧寒殘月臨無臺
堪遠眺秋思愈沉沉

序當鴻雁候眸縱
蔚藍天客有三閭
况宮無一畝還欲

還家園雖夢到歸信
祇虛傳槐砌苔應滿
空堂念悄然

懷舫詩續集卷六

九

余家兼濟堂前老
槐六十一餘年矣

睡醒二首

睡醒軒簷綴細流
可知此日遂優悠
定無剝啄衝泥雨
姑免招尋致悔尤
山叟售柴貽蠶桂
小妻賣釧贖綿裘

先生高臥忘聞見
但遣清思事冥搜

短杖長鐮隨意携
山如故里列城西
相鄉城在太行山東
杖無驢背佳思少
雖好樓居似屋低
芝秀幽巖迷雪霰
雲橫曠野謝排擠
行求吳地一峯老
權認新豐作舊樓

送李方明先生歸蜀

學宗濂洛溯義文
揚馬衡官已冠軍
自在明昔爲孟浩
非因直策放劉蕡
公一試得元竟
岷源注足江湖水
玉

壘香殘今古雲暫返躬畔終相漢君才十倍定升聞

七月晦夜吳俗插燭於地云照冥獄得解脫也即

事二首

插燭焚香冥祀昭
新秋晦夜儼元宵
火龍綿亘千門敞
寶炬輝煌九陌迢
粉黛簾閒喧笑語
兒童羣裡互呼招
當頭不借團圓月
萬斛明珠照步搖

點上星河朦重霧
煌煌燈火照秋城
人語犬吠如除夜
聚伍分參侶結營
誰向死前能識死
佛言明盡得無明
更深動息聲光寐
此際澄觀見我生

八月朔十韻

連宵澄露色此月判秋
光桂結雲中子
蓉修江上粧渡

懷舫詩續集卷六

十

河蟾影大初旬月在河西北上強計日兔毫長繡綠添宮

漏清砧亂夕陽騷魂招楚郢閨夢到邠涼
西域張騫客

南樓庾亮觴故人多羨落老我盡丹黃
葉生盈數曉

輪映滿匡簾葭留雁侶湖海寄漁庄
樂土無須問逢場

是醉鄉

上陳撫臺二十韻

光被堯天下華諧舜日中
三朝滋樸棧六詔啟名功
渾

水思崇久吳山錫福重經綸
羣度肅冰雪一囊空慈訓

溫而厲嘉猷孝作忠文章身
蚤貴道義量常充吐握安

卑牧委蛇秉大公學深仁宇
泰識裕智源洪

簡畀原精白仔肩仗毅弘循
牆驚受寵銘座慎持躬敬

主無欣美誠宣得感通豚魚皆可格衮影復何悅駐鉤
舊塵外怡情積翠東縱觀今古盡博採芻蕘窮集益來
才傑基謙本穆冲善言奔轅至雅化伏愆融放廢容拙
拜丰標仰岱嵩金浮乃治躍玉玷豈礎攻數厄占神物
心憂賦艸蟲慙勤申替誦瞻望發醺蒙

望山

望之蔚然者吳山陽爲鎮雱祀昔從雲表聳千仞上
有太古栢枝枯幹蒼潤下有蟄龍窟淵默起雷震秋陽
耀軒蓋涼風爽鬢髮憲度肅瞻拜寥寥聚英俊七載事
變多一身除羣或舊侶空眼中游魂或旅櫬山靈閱劫
塵虫七素捐損衰倦想結茅幽深絕問訊

懷舫詩續集卷六

十一

返棹

午餘撥棹回雲影亂短檠白露澄川練黃葉發林響索
居每孤陰閒遊亦獨往浮沉湖海寬意氣霄漢廣時平
身辛廢旅食值歲穰斗米望三錢魚賤不自網長簫入
市吹高春就簪壞秋月行滿照忘憂酒在盞咏罷夢且
歸醉醒飯姑彊作客雪盈頭寧必老鄉黨

八月十三買桂一株植堦下

山農荷桂賣斗粟與交成村舍來阿秀幽堦立寧馨
桂繁枝嵐氣護芳藥露光凝日下亭亭影風高瑟瑟聲
膽瓶盛水足螺髻抹青輕欲折還深惜留香供月明

八月十四日出遊虎邱

芳樹留荒館秋思邁古城雲煙朝雨歇樓閣夕陽晴是
處開香甸誰家坐月明霜飛江練潔船碾鏡光瑩海舶
紅毛酒吳嫖皓腕筆芙蓉波底艷歌吹嶺頭清花養泰
宮活糟封蘇小陵冶遊人易老終覺愧盤耕童子墳前人每下馬
故名下馬陵是常人塚墓亦通曰陵

八月十五日述懷

客中年六衰秋半月三盈萬戶仍歌舞隻輪自晦明家
書疑近少詩本喜新成高臥風淫末素問風淫末疾游觀蒿在
晴下庠思養老絕塞正論兵士散公孫閣霜凝受款城
故鄉歸已晚素髮照偏明流愁窮終古虧圓祇既平坎
五爻辭曰坎不盈祇既平該盡水月理數矣

懷舫詩續集卷六

十二

望日又買桂一株海棠一本

雙桂結芳隣秋棠對麗人移根城市裡回首水雲濱色
鄣春花艷香嫌古栢陳山家粧雅淡月殿影繽紛堂上
書輝映窓前草蔭均白榆堪間種紅粉欲加勻貝葉朱
欄潔祇林金粟新雖無芋栗貯自覺未全貧

夜月皎極記之以詩

雲塵滌蕩紫霄空赤道高憑殿殿宮閣闔大開銀海上
山川都入鏡光中漸生華彩凝宵露斜瀉星河動曉風
喜戴清輝今夕永升沉無暇問鴻濛

石湖秋泛四首

高士風清水一涯石湖撥棹載煙霞遊觀靜境饒秋興

憑弔名賢感歲華
嶺表波閒皆著月
酒邊扇底欲忘家
置身天鏡空明裏
莫更思乘泛斗槎
宋人范石湖詩
入濕銀天鏡中
清溪隨柳號爲愚
湖屬詩人置大瓢
廢宅菰葭秋水岸
遊船洄溯輞川圖
青山寺側鶴時舞
黃葉村邊雲日鋪

晚泊長橋天宇淨
玉環顆顆湧明珠

片月光分得十輪
天鋪碧玉水鎔銀
橋門蚌啟蟾投窟
山頂嵐飛翠撲巾
舟子招來仍蠟屐
秋懷拓處是行春
桂花未落將開菊
湖水疑連香海濱
長橋九洞每洞有
合天月共十輪
也
春橋名行

雲水秋來發淨光
幾重煙樹繞滄茫
隨風一葦原無定
醉月三圓亦可量
佳麗溪陂同富有
江山赤壁較蕭涼

懷舫詩續集卷六

十三

於中卒歲猶多憾
偶到旋歸底事忙

秋日游治平寺四絕句

路轉橫塘水倍清
溪閒漁艇徑樵行
石湖澄碧橋沉玉
岸接松陰到治平

歌柱頽階古佛宮
莊嚴彫敝雨風中
姑蘇臺下遊麋鹿
泡影觀來亦大同

遍扣僧扉少作家
上房素栗下房茶
無師接引遊南院

落盡柢林雙樹花
聞別院有雙
杜未得一

盤輿晚舁入新園
花繞池亭樹匝垣
獨坐空堂看竹去

主人識否不須言

治平寺遊歸卽事

氣候已秋深
淒清動遠心
散交惟古友
卑伏但高吟
杖屨留雲阜
棲遲落葉林
晚鴻同唱歎
野馬與浮沉
採菊修丹藥
携僧躡翠岑
霜鐘何處寺
寒杵幾家砧
歸泛溪橋月
涼生竹樹陰
滄江容久臥
佳趣醉鄉尋

蚤起十韻

年衰偏蚤起
清淑洽脾肝
曉日小堂靜
荒堦重露寒
案頭沾酒汙
枕側有書攤
盛友知艱致
貧居本易安
草花攢徑曲
狸犬亂門關
蔬蕒隣園贈
食分獨老餐
居停主
人無干
白飯以孤筵
吹郭上羣雁
響雲端
塵裡高懷拓
風前短褐寬
杜陵悲蜀道
屈子佩湘蘭
更欲浮滄海
神山放眼看

懷舫詩續集卷六

十四

次晨又作

曉星如小月
出照室宦奧
蟲飛已蟪蛄
蟬繞簷
群雀噪
老人起
繩榻披褐加
皂帽孤清一事無
荒徑姑擁掃
病葉雜枯枝
東籬秋日暴
就鄰共蚤春
米少每留糙
出門鮮所適
古瑟非世好
侯鯖與禁嚙
嗟來多悔悞
遍種東籬花
高寄北窓傲
有琴不解彈
聊復歌雅操
宦音宜室
東北隅名室

客觀懷素真跡戲作

向午佳客來
索觀唐墨翰
初試雀舌茶
旋拂鼠跡岸
藉以舊青氍
清沼共手盥
出積見古光
日影射凌亂
題籤宋徽廟
書載千年綬
劫灰焚太幅
靈秘留一段
詩紀天姥遊
文章萬丈煥
太白無敵詩
揮灑狂僧腕
神龍游雲

表風雨驚汗漫滄海擁巨濤起伏失涯畔陣長虺蛇奔
峰隱珠璣貫收藏嗜古家賞識列璫璫俯仰競叫絕流
連情味嘆故家既覆傾陳人久羈絆長物是七尺那能
資雅翫得錢聊易米餘者致薪炭朝夕計良迫何遑論
秦漢名流掩口歸歎袖竊發榮

戊申九日

人驚秋老物驚霜歲稔時平亦激昂天淨雲煙山朗秀
原空禾稼樹滄茫酒使歌吹皆淪寂詩社人琴半散亡
獨剩一身衰病在憂清滿服客他鄉
名酒迭來饒飲興菊花開晚寂空墻因逢令節踈兒課
爲宴佳賓與妻釵絳菜登盤成雅集風霜挾筆寫幽懷

懷初續集卷六

十五

真輕料理白髯老千里猶期與騷憤

九月十九日古重陽

層層季秋常置閏古人好事閏重陽日經大火輪轉次
醉繼龍山劉有卿叢菊兩開燭冷淡賓鴻時至垂飛翔
泊平再訪僧會識前度劉郎老更狂

秋懷開處啟重門更上層樓招斷魂向倩正冠今落帽
久留醒病又開樽山根花比舊根好中浣霜逾上院繁
爲悵登高來舊恨這回醉臥白雲村

九月廿九日亦作古重陽

九月每旬逢九日古人雅興作重陽更囊佩滿成八字
菊酒香清逐品嘗進履登高頻不厭造虛邀友數無妨

一秋節當三秋醉始信延年有妙方

每遇重陽得快晴深秋三醉泰階平花看少壯衰行至
酒住精神氣亦停道經有三高士祠邊聞笛弄閨閣塘
畔聽江聲三江客中情久傷搖落莫更延前唱渭城陽

九日又作二首

客堂無事得幽趣薄雲晴日風蕭涼石堦飛葉掃難盡
苔徑雜花開頗長佳節酒清姑歡醉老年身癯更治方
隣叟出遊歸晚暮抱菊荷桂分芳香

衰遲閒曠復何憾富貴佔危豈可安妻子饑凍幸團聚
歲時遊衍支煥寒朱門近多閉茂草丹旄遠或歸桐棺

懷初續集卷六

十六

六十病翁猶咏唱栽培在我非摧殘

紀遊

城上清笳吹垣周乾葉響嵐浮山骨高波小湖心廣賃
舟旋賃錢僭僕競揮槳白雲未許棲翠嶺姑成往晴峯
列似屏秋水平於掌林餘飄酒帘橋側曝漁網村童各
牧樵貧婦同績紡客來雞犬驚岸踏精神爽野園布瓜
蔬荒麓懸栗橡茅齋讀書聲石案盛糟盎牛眠厰稻塲
烏下積薪厰容與見老人流憩扶鳩杖不肯道姓名但
言足俯仰南北家何在陸沉跡若訪或爲仕宦人抑是
開亭長曾穿幾緡屐解入茲榛莽欲罄談塵踪恐遽覯
冀壤袖中新詩卷內存奇賞拱立卑其躬徐觀點點

猶冀計升沉轉思要標榜迅歸爾市廛毋辱余里黨投
地掉頭回汗顏俛首想此行遇鴻濛向天問誠枉

懷舫詩續集卷之六

懷舫詩續集卷六

七

懷舫詩續集卷之七

目錄

遊杭詩二十首 有小引

山水花鳥分擬四首

竹枝詞十五首

鹵湖十景詞 調寄蝶戀花

擬鹵湖妓唱十景竹枝詞十首

和西湖十景截句代內

懷舫詩續集卷之七 目錄

遊枕詩小引

七年茂苑其俗暑雨和寒往日西吟迴憶湖光山
色熱知避社載歌駢駢征夫馬幸識途忽遇招招
舟子疎經旬之飲約溯千里而花盟乃裹餼糧曰
有奔轅武林門外暫維一葉漁船昭慶寺中借住
半龕佛宇雙肩孤艇目窮雲嶺極煙波晨出暮回
躬冒曉風凌夜霧追尋舊跡語人疑是爛柯
山檢拾新句抄傳見者驚爲點鬼簿四十載離思
別緒重隨景物抒排三千劫戲局優場另設繁華
戲綴量無盡藏作如是觀爰錄雜詠十五律於後
南風催穀雨倦客志遊杭歸計周向約閒心數日忙爲

續詩集卷之

一

童旋市履得棹竟褰裳竊發妻笑君行忘裹糧
輕雲堆古塔新漲入春城岬有賣花圃亭多啼樹鶯日
斜芳嶼隱舟泊野橋橫小雨孤蓬底湖山夢境清出城
客行歷曉夕川途問亭長十里近武林神已先馳往困
羸豈奮飛壯心固耽耽山水可怡情勿爲榮利用抵杭
望後月來晚照船蘆竹叢眼中遊侶盡寺裡影堂重城
郭鳴宵柝關津渡遠鐘明晨尋梵剎繡嶺舊離宮夜泊
使至觀軍容旌旗夾馳道孤亭石磷磷高庵風浩浩富
春翠髻招西陵花鬢笑願過莊光臺弭節姑舂釣聞使
重來尋往跡石逕繞桑阡湖近多遊女風高繫絃爲茶
罷聞及寺聚散說隨緣喜晤趙州老鄉心頓豁然昭慶寺

東節聯驄馬揮貂認使君李飛披盡錦榮戟擁如雲日

下聲光接時移車笠分汀洲閒野鶴久別驚鷗羣觀願

暮夜入湖遊濃煙波面浮山底塔影隱亭黯水聲幽鏡

忽高峰掛珠來銀海投琉璃光界內祇我與孤舟夜遊

小犬花籬吠離僧竹院迎筑扶苔逕滑龜照佛燈明跌

坐聽鈴語休心息夢繁明朝城市裡老猷強侯鯖夜歸

風落松高詠虞遊花碎鋪晴春邀士女野寺買醍醐泉

冷淘腸轅山束伴袖孤心耽雲水起不顧酒家胡重隱

林麓行將適追尋處士家梅邊時養晦亭伴鶴棲霞鐘

起僧厨飯風飄戍壘笳思登曾眺閣人久泛仙槎故鶴

學士碑青雷將軍樹白楊驚驚歌送老小小墓埋香苑

續詩集卷之

二

待三千歲醉餘幾萬場隨時求我適詩酒是丹方湖兩

四十餘年後吳峰復縱觀從遊思翠輦隔世訪黃冠山

水樓中貯鶯花越下繁嶺湖渾未改依舊古臨安城隍山

湖山晴日下來往彩雲中天莽狂遊客春生翅舵風有

詩消俗累無路與仙通歸覓簞瓢樂何須問屢空歸蘇

錢塘春社盛無舉萬金殘簫鼓旌旗繞樓臺佳麗攢五

雲隨岳降百寶飾童觀同樂何須此先憂在餒寒補賦

詠長公句用山水花鳥分擬四首

若把西湖比西子高峰堆髻碧雲深魂依鶯嶺時飛夢

病望蘇臺一捧心雷塔晴霞宵醉醒吳山明月晚離臨

步虛是處多清響雙屐趺然天籟音

若把西湖比西子一泓銀鏡照容光
落橫膩粉魚皆美
荷染凝脂水盡香
涼月臨潭思浣侶
冷泉流韻哭吳王
連朝日麗芳池暖
猶記花洲賜浴堂

若把西湖比西子
繁華想像有無間
六橋金線垂宮袖
孤嶼寒梅點玉顏
衣錦盈堤開萬隊
鋪道綠路觀雙鸞
白雲翠嶽遙相映
畫作春衫五色斑

若把西湖比西子
秋鴻春燕總關愁
鶴歸越國雄圖歇
鶯老佳人絕代休
社宇聲中悲蜀帝
鷗鷺飛處想歌樓
湧金門上烏頭白
晨夕驚啼歲月流

竹枝詞十五首

元戎擅帳殿湖亭
宴客能駝列鼎鉶
擊鼓鳴笳爭進酒

懷新詩集卷之三

三

妖姬齊唱海東青

錢塘門中美妙年
朱纓紫馬珊瑚鞭
彈得箜篌醉錦瑟
行贈金釵雙玉蓮

耶娘攜來住越州
腰肢不讓小蠻柔
莫繫湘裙遮綉襪
錦袍蹴露鳳靴頭

髮甫齊行便嬌憨
博錢贏得絹雙端
裁成衫子薄宜著
不怕看潮江畔寒

身材不願老南方
試馬江干學挽強
侍從貳師西出塞
寶刀夜斬月支王

吳歆日盛越歆休
學唱吳騷半白頭
追想汴京遷播日
宣和宮譜在歌喉

西陵谷口花倍嬌
麗人春水泛蘭橈
欲呼女伴蘇堤去
一霎風吹向斷橋

蘇小墓頭春月昏
寒食雨中今古魂
家家湖上競歌舞
日斜盡入湧金門

娼家釀酒鬱金香
花間飲起好春光
春歸冉冉不盡醉
江湖日夜打錢塘

湖亭面面綠楊拖
絲如金線鶯如梭
香彈打鶯掠水去
驚起鴛鴦可奈何

吳山上下多樓臺
夜夜吹簫鳳未來
明月還照宋舊內
九哥老此不思回

莫說葶蘿似妾家
竹扉茅舍匝棠花
不折花枝折桑葉

懷新詩集卷之三

四

凝碧如鈿貼髮斜

池養朱魚碧藻深
玉顏照水春波侵
清減容光今幾許
讓他年少採芳芹

堤頭苑杏嶺腰梅
候轉時過土半堆
凌曉湖山惡風雨
有人看堊小青回

歸宋平吳事已虛
湖山更解老樵漁
越王宮接錢王苑
老盡如花種野蔬

西湖十景詞 胡奇蟬樂花

蘇堤春曉

露滴花嬌如粉面，綽約風前堤上初相見。借問六橋開已遍，潮中早有飛紅片。十五妖姬裙色茜，一曲笙篴珠淚清波濺。恒舞酣歌君莫倦，蘇公祠下無羞奠。

斷橋殘雪

水皁寒煙山簞翠，問訊山梅歲暮香還闕。一夜同雲風薦瑞，瓊樓玉樹瑤鋪地。寒峭雪晴峰漸出，梁澗冰漸清。韻醒微醉，借得寒驢囊餅餌，泥中訪衲橋西寺。

三潭印月

原立三幢以鎮湖中水怪

煙水陰沉湖岬暝，江海蛟螭魚服游。佳勝月靜潭空僧

懷軒詞集卷五

五

擊磬夜深百怪來潛聽，波湧三幢冰玉滢。千頃琉璃老蚌龍盤定，孤客清宵微醉醒。欲從星漢求仙乘

兩峰插雲

卷映雲中堆兩髻，雨沐風梳臨鏡逢。春霏茜茜朝飛如戴髻，霞鋪月並成佳麗。塵外二生焉可繫，豹霧常靈俗眼容旁睨。無着天親兄與弟，回頭俯瞰人間世。

雷峰夕照

日影啣峰霞影絢，短塔長林蒼翠皆潛變。添得胭脂成錦片，也來粧點孤僧院。湖湧金波朝梵殿，舞絮行雲盡染新芳茜。此際樓臺人倚遍，千家一色飛花面。

南屏晚鐘

碧嶂丹巖南岬繞，如畫常懸幾曲屏。山渺每夕樵歸林噪鳥昏，鐘隱隱來雲表。歌舞湖頭渾未了，音度溪橋打點收場蚤。獻送芳春回悄悄，綠肥紅瘦佳人老。

麴院風荷

必竟西湖三伏裡，風暖香清都自荷花起。多少青帘隨步履，糟邱麴阜人如蟻。小院朱欄圍碧綺，絢扇銀篴錦瑟同偎倚。陣陣幽芳浮酒匝，月來花好人歸矣。

平湖秋月

秋色浮空秋月亮，桂嶺荷堤難遣昏眸放。獨有湖中清淺浪，孤亭八面除屏障。時倚雕欄登高舫，舉酒相酌人月同飄蕩。波底忽來盃底漾，若連頭上成三望。三望字備

懷軒詞集卷六

六

春秋經語

柳浪聞鶯

門外沙堤連碧燼，金線長條拂水拖。煙遠好鳥朝來音，隨緒鶯啼更覺情柔婉。駿馬輕舟同小輦，士女如雲藉草開芳宴。紅雨繽紛聲宛轉，斷腸春盡餘空苑。

花港觀魚

漾上臺觀湖上釣，花落香浮碧沼金。鱗跳漁老網殘持，短罩臨淵徒動時流笑。客寄滄洲思壯少，作賦登樓并載飛。雙曜白首重來為咏嘯，前魚棄久堪憑弔。

擬西湖妓唱十景竹枝詞

芳草鋪茵映茜裙，三橋溪路繞毛墳。趁晴且到雲林寺

柳色初勻花未殷

蘇小墳頭梅正妍
邀僂步入斷橋邊
隨嬾學着餘杭履
雪裏行過有玉蓮

天竺攢香拜佛時
舟回月印放生池
潭邊莫把菱歌唱
沾染龍涎恐化珠

尋芳不到二峰間
但見雲中露兩鬟
莫學髻鬟舊樣髻
黛眉新畫勝春山

登樓遠望野雲屯
潮湧金波撼郭門
塔黯山昏風雨惡
此時那不憶王孫

南山荒麓野僧家
每夕鐘聲起晚霞
鞍馬已空敲不歇
應隨妾去老琵琶

懷斯詞集卷之四

七

岳王墳廟踏春陽
蚤是蓮花又放香
小院曲欄千朵艷
不知若箇似張郎

秋宵人去月留空
家住西陵湖在東
記得前年歌舞處
夜深棹入濕銀中

只道香閨攪夢頻
誰知度郭喚芳春
送行折斷長條處
黃鳥聲中望煞人

東家小妹惱狂且
春晝邀看花港魚
香沼偏觀無比目
倚欄含淚動長盞

和西湖十景截句代內

東風庭院長新蕪
梅倚疎窗綠葉糊
君踏斷橋芳草路
詩成定可勝林逋

蘇堤苑杏說新栽
春到人間花盡開
不信韶光南北改
願隨君子賦歸來

舟溯吳江入越江
山光水色撲篷窗
湖心寺廢僧應去
曾否留龍護寶幢

是處煙霞起極峰
不分晴雨入雲中
登臨可向家山望
遙隔濃嵐幾萬重

夕陽城郭晚閒然
記得行山舊戴霞
歸上麗譙堪放眼
不須惆悵嘆無家

懷斯詞集卷之四

八

城外寒山寺送鐘
南屏聲韻得無同
君須料理醒前夢
莫漫追思長樂宮

往事消亡千百年
荷花十里亦空傳
舟行莫亂田田葉
畱待多開並蒂蓮

花時燕子正紛飛
一路春寒若授衣
軒殿湖亭憑倚處
回舟好載月明歸

黃鳥飛鳴過涉河
趙州橋畔綠楊多
山青水碧春如昔
紫髮歸時恐半皤

每拜檀盧誦佛書
勸餐儘可食無魚
試隨風雨歸江海
三島十洲經目疎

寶山往來雜詩 戊申冬月

移居三首

己酉新春訪確士二首

雪打燈歌

立春後作

雪中過王府基

紀聞前四首

偶至郝步青新署

春陰二首

紀聞後四首

懷彭詩續集卷八

目一

賦答夢庄先生

春日贈別 仲兄歸栢鄉

偶見二首

讀春秋歌 每三句一段共九段二十七句

訪送確士先生移居西山二律

對牡丹作時遊錢塘歸有人贈花三本

佛誕日前贈牡丹人又贈芍藥三本內有一株純

白者更可欣賞戲作 韻

鱗魚行

自述二首

望端陽五月望日

晏起偶成

七夕二首

我生二首

秋興八首 己酉客吳

聞磬二首

九月朔即事四首

古重陽日再用古人句 作魏體格五首

冬盡有感

六十生日舟次

園人惠花為祝

卷九

懷彭詩續集卷八

目二

庚戌元旦述見四首

上元前二日靈岩山麓訪確士為賦六章

返城又賦二章

上元夜即事

遊虞山二首

示兒升敘

贈授唐姪孫

紀夢二首

與思永弟重修家乘賦贈一律

賀廖瀛海七袞大慶

輓施門烈婦

賀寧第大兄八旬大慶

唁李姊丈喪子一首

候家四姊

哭先姊連冀隆吉題

延雲林敏岩和尚過寓午齋二首

寄年兄公

集字二首

辛亥新正十一日作四古詩

新正十一日夜

卷末像贊

觀音像贊

學士陳誠菴像贊

聞先和尚小照題贊

題楊銜若小照

題舒母廖太君貞節

懷舫詩續集卷之八

寶山往來雜詩 戊申冬月

笳鼓曾遊路風寒日晃中盤渦留浴鳥斷岸走枯蓬契
潤形爲役虧盈道本通生涯詢海若寧返逝潮東

逶迤江帶郭禹績蕪三分菡萏晴山影飄零晚浦雲有

溪來越士無樹陰齊墳偶泊蒼陵外功名弔蠡員崑太
行舟

霜林森野渡古戍照寒塘菊晚如人淡楓醺映酒黃川

原皆老物去住總他鄉前路憑風便煙波未可方

船虛容寄數般扣引成歌海近人家少沙平雁宿多汀
洲來暝色星月印澄波蕪波管聲遠漂搖感若何由太
倉赴

懷舫詩續集卷八

嘉定 二首 淺流經百折荒蕪沒孤村市簇黃茅屋家編青竹門曾

無軒蓋過定有許巢存素願乘桴客來茲欲問源

鷗爭栖敗柵半逸放空田庶老鄉成飲中林獵獻豨太
平容廢吏王道致豐年樂此遑思蜀蜀後主語
洵足鄭重危生信

善全 晚行近嘉 定二首

舵樓霜重壓草岸燒全殘入夜星河迥迎潮襖被寒安
消詩足累身在患多端掉臂來東溟珊瑚拂釣竿

閃閃風燈夜蕭蕭雪鬢人廉頗傷去趙隨會惜畱秦待
免羈南國求魚到海濱自憐前意氣百尺涸縑塵夜作
二首

白鹵灘邊路朱霞海上城魚鹽民厚利絃誦士新聲昆

季艱常見盤餐料風輕杜工部詩所來爲
宗族亦不爲盤餐登堂歌樂只
顧設爾嘉名

生幸全天樂 恩承作宰官鳳毛五世瑞燕領九邊安
兄之五世祖明嘉靖朝鄉
會經元三邊總制大司馬食德培深遠宜民濟猛寬菜

根分我嚼莫爲買豬肝預作示
姪二首

已卜菟裘老忽嬰馬足塵炎歎來海邑疾病值勞身一

訃傳中路初名證夙因弟兄看漸少况喪老成人邑名
即兄

小字乃終 於署中 幾載驚相見悠悠各白頭耽詩協雅度問事盡忠謀筆

墨陶潛憾鮮醇陸賈羞謂明五子筆墨不精陸賈多男
但供酒肉視兄諸子學行皆賢

如去不遺文獻在砥柱折中流謂兄詩
二首

懷舫詩續集卷八

高徑綠溪曲棉楷布地寬竹拋兒跨馬水涸艇依灘漠

漠村煙渺荒荒海氣寒循途吟土俗舊是採風官

戚臣曾仗節觀海昔從行頌獻仲山甫軍懸細柳營金
張榮寵歆陵谷變遷驚猶聽城隅吹笳曉暮聲登陸
二首

憑棺盡一哭滴淚寄重泉隨化知終矣搜寧信偶然近
占蝴蝶夢久廢鶴鶴篇近夢兄辭余歸里乃不祥也那
田念伯仲兩胞兄亡已久矣

更他鄉裏化離值老年 才名雄白社壯志阻青雲孝友委蛇盡樞機敏慎聞維

城宗有後克荷父餘薪無憾畱人世逍遙天漢濱哭兄
二首

歸路倚輕舸崑峰塔影標吳城屯霧霧故國阻翔翔鳳
鳥毛何瘁魴魚尾已勞隨緣成去就憂喜付醅醕

那復羞狐貉何堪問多羨長鑱携短褐白墮脩黃精入
市人爭席為門自養生課兒書已熟時煖舊詩盟返蘇抵寓

首二

移居三首

故國移居見客心他鄉播越感尤深牀頭酒盡携空甌
質庫衣多置舊砧吹到春風無定域隨來明月有誰禁
桂株更植寒松側即擬家園坐茂林

古今傳舍是人寰豈必遷流怨間關愧我東來無紫氣
懷鄉北望有青山筆牀茶竈隨身老好為名花賞日閒
穿榻登樓皆可適更思采藥入荆蠻

書籍隨遷狸護行夜分移去詠哦聲空堂四壁如常靜

懷粉詩續集卷八

三

寒月無人想倍明臨別流連眠食處重過惆悵歲華更
懷安憶往多興嘆寧止思家動遠情

己酉新春訪確士二首

築居南郭好林泉閱歷三朝文獻傳風物流連惟朴略
禽魚飛躍各雲淵客來心醉芝蘭郁春到門羅苑李妍
觀極謝開無競意寧羣揚馬逐時賢先生小照自題曰觀朝槿圖

受塵老欲作吳民更願移家託里隣畏壘久興宗楚議
鹿門今識姓龐人文章體格齊年老山水煙霞與日新
自愧曾為求駿使進賢徒望九方歎

雪打燈歌

雪打燈高樓廣陌冰峻嶒華燭光沉繡幔製明月匿影

寒雲凝千羣萬隊遊踪沒深泥活活戶外盈鸞釵鳳履
閒雕檻竹馬瑤珂鎖畫屏比年客眼看時事朝遷夕變
如陰晴愚老何知空震眩但願豐稔泰階平三冬久旱
甘井竭墮濠一綫入吳城會消春水四澤溢來甦復茂
菜亦甦作餅煎糕足塞望稻香魚賤想易營故里思歸
歸不得子弟鮮賴輕老成踟躕安見非樂土冰雪瀾漫
心境清魯酒淺斟小妻勸新詩高唱蒙童驚瑤階玉樹
照孤檠飄蕭鬚髮素華瑩寶炬銀花兩寂寞處處澄觀
白自生天人盛衰誰可必虎豹文罔姑存質雪打燈夜
夜何其黑甜夢裡忘凶吉

立春後作

懷粉詩續集卷八

四

春入屏軒淑氣和寓翁帝里舊鳴珂堂楹青鏡晨羞照
壁雪霜駒古易過鳳曆觀年行漸退曆後載六十年一
雖雲占歲稼宜多眼中寧獨惟吾老隨化無須悵逝波

雪中

川原積雪起飄風瓦礫蓬蒿一徑通泥淖冰漸如糞野
瓊樓玉樹想吳宮初寒客路憑奚適春事佳遊取次空
寄語東皇須努力莫教和氣滯寒中

紀聞前四首

裘索姑為避地翁虬操泉壤幸粗充文章芻狗抑揚任
名位浮雲升墮同岐薛今誰延賦客山川何處認離宮
上林花草當春發枯盡連昌竹萬叢

帝陵松老守風霜遶鶴仙遊歷歲長祠祿陳人新政府
世卿尹氏舊戎行蕭蕭祭燕毛先序耿耿江湖心未忘
壽者招呼同頌有聞今養老法周王

終南佳致足高寒千仞崖垂舍矢難宛馬西來師欲老
流言東避斧將殘鼎烹功狗隨狐兎閣畫勲圖落翠丹
一片狼居胥嶺月照枯萬骨水沙攢

六詔霞鋪萬里長五陵芝秀四山香碧雞金馬神呈瑞
奕葉蟠根頌發祥旦旦卿雲輝舜殿翩翩葵莢植堯牆
聖明獨切憂勤意耕藉郊春祈歲穰

偶至郝步青新署

姑射山頭石移來冷翠新庭間花待發啼曉鳥當春好

懷德詩集卷八

五

古陳鼓鼎揮綬對吏人元龍意氣在登嘯雅懷伸署中次堂

樓有座仰天文麗燈懸春雪明盈樽北海酒接袂季方兄

時中山宸宣豁達猶京維丰神更老成我來要結襪非
世兄和陪

願重王生

春陰二首

春到頻陰老怯寒日高酣睡掩荆關客來剝啄愁童報
飯熟清芬逼夢殘蕭寺梅花零雨雪洞庭山色阻風瀾
一編靜對宵分後掩卷悠然眼界寬

人滯蕭閒歲苦忙三春強半付頽唐簷窓好鳥頻求侶
苑李寒原未放香野水雪消添幾尺泥塗書寄阻何方

故鄉憶值清明候紫馬金樽引興長

紀聞後四首

如綸一詔問痾瘡魏煥光華照闔閭千萬蠲租知帝力
驚鷄叩命布秦陽山川遍處多遊跡城市十家幾醉鄉
蘇城內有十家客裏喜聞蘇嬾病生徒界我走踰踰

三酒店之謗
碎鐘鼓振雲霄四海菁莪集迺成達德材為國用
教崇學行應賢招傳經念祖開鄉相先祖明季選貢實生先宮傳兄弟

弘治先宮傳獨貴棄櫟憐余付爨樵造士舊聞升鼎鉉
恢弘端賜報唐堯學士入閣輔政其餘外任諸臬長

山蒼石起河千古甫端紳繼築壇東節三公尊使相

懷德詩集卷八

六

策勲百爾錫纓繁歷歷臣蓋來朋蹇咫尺天威凜頻觀
水土咸平衣食裕文王民定不飢寒

浮達方州貢粟充如京如坻帝城東司農綜覈嚴乾沒
食政流通慎腐紅奉一德期廉且法體羣臣本信而忠

善人大資寬侵盜廣被如天地載弘

賦答夢庄先生

隨巷怡顏樂浮雲遠世情佳篇傳雅社健步散春城先生言時曾步至夢門外駐返二十餘里
後孤詠掩雙荆

春日贈別 仲兄歸栢鄉

迢迢嶺雁久離羣茂苑相逢袂又分棹尾春風催似弩

老來遊侶散如雲
雲堆雪影憐孤客
囊解梅香許共熏
此以真煙
味勝海氣
歸路花開行緩緩
錢王出
江淮佳麗正紛紜

偶見二首

樓船如吹擁江湖
帝閣雲橫絳節過
大廈成時來賀燕
長竿投處集陽橋
爲犧已鍛雄鷄羽
吹劍何聞彩鳳簫
終老青山紅樹裏
不知城市有轅轅

漁舟偶出武陵津
岬帶旌旗花柳新
堤上綠蕪爭試馬
湖頭白袷獨垂綸
那知晉魏今何世
須信葫蘆古有人
日暮長歌移棹去
無邊煙水月盈輪

讀春秋歌

每三句一段共
九段二十七句

彼歲序兮去忽諸
老冉冉至已及吾
隨時求適讀我書

懷謝時齋集卷八

七

仲尼東周一素儒
擅王者事在操觚
桓文貶謫亂賊誅
揭日月兮臨天衢
開大路兮芟荒蕪
五帝萬世表楷模
昧者智闇學思疎
知而弗行習尚汙
遵經師古聖賢徒
後世傳會說紛拏
得例失義事多殊
一二字中繹之無
俗士干祿更循膚
揣摩投好期華騰
卿相高班列鄙夫
或號通經終模糊
白首青衫貧且愚
致令悔不爲樵漁
寧識道教非遠迂
淑身治人寸心餘
屬乎命者不遑虞
能明晰義勿例拘
逐事精義神與俱
春秋聖志在是敷
訪送確士先生移居西山三律

萬家城市涸塵踪
我獨南村訪遜翁
問水一溪通略約
入門三逕長蒿蓬
高文奉祝無憎命
情話相規有固窮

此去白雲深處住
還思往覓白雲中

雨晴嵐重朝侵座
月上煙消夜倚樓
閉戶著書松不老
看山習靜槿忘憂
林泉遍結煙霞癖
弟子羣隨杖履遊
晤語晤歌當獨寐
嚶嚶有鳥喚春愁

對牡丹作

時遊錢塘歸有
人贈花三本

春雲倏結散春風
閒涼煦冉冉及花
晨錦綺明野墅我
昨別湖山囊空無
快聚有美伴朝夕
未覺年遲暮錦香
塘七里佳麗盈園
圍安得萬金錢盡
買千紅樹三女爲
粲兮深藏戒炫露
張幄避暄陽懸鈴
驚翠羽尤物尚丰
姿富貴何足數乃
知繁華中不礙契
心懷朝慰讀書情
晚供進酒具繞郭
挹清江垢濯精神
注墻頭粉蝶過堦

懷謝時齋集卷八

八

下綠苔布月夜松
桂陰沈睡影交互
天地亦逆旅我汝
耶同寓生意綿古
今造物無舛誤嘉
卉歲爲榮誰繫驥
輪駐

佛誕日前贈牡丹人又贈芍藥五株內有一株純

白者更可欣賞戲作八韻

三春聿暮矣五美惠來焉
色界眼前見芳情言外傳
毛施成繾綣姚魏與周旋
月好羣英集香清百慮捐
忽觀堂畫錦雅欲宴瑤泉
短壁曾椒堊荒堦亦綺綠
淺深皆可愛紅紫藉明玄
願贈冰壺玉獨參微笑禪

鮪魚行

老魚春盡理舟楫
風雨瀾漫頻出沒
海水排山鰲駕來

潮頭硬浪高突兀此際撥舟納江心全家委命在倉猝
網得鱖魚獻賈豪玉鱗一尺銀一笏驄馬分司未得嘗
腹腴久飽琵琶妾作吏江干饒且貧四月薦鮮待榜人
乃知黃金易集事用物精多鬼亦智憶昔故人詔祀回
爲釣雙魚邀一醉中冷汲水製膾成下箸咨嗟動天使
書生淡泊此何堪敢縱貪饕忘鹽豉寧知富兒食已厭
脂膏狼籍棄刀沽消蠟成堆酒潑階十家之產罄終讌
比歲被褐爲逋客白頭住傍濂溪宅園葵野苋佐鬻重
重五將近嘗新麥烹小鮮同治大國時魚如珠去莫獲
東隣開筵買盈筐贈我不受腐鼠嚇拈管作歌歌祝魚
化作長鯨遊大澤尔胡不學猶龍氏恒盤海底無指摘
魚兮魚兮忘江湖是爲全生最上策

自述二首

算老重逢庚戌年古今往事浩無邊
恩慈關心未易捐終縱豪情感我悞仍輕俗士受人憐
晚來生死閒看破仙佛方知欠自然

庚戌重逢週甲初回思陳迹識前車向因作宦疎餐古
老爲傳經喜著書余著大易通解已成近又著春秋或問卒歲安排毫楮

在餘生約略枝求除多時方得成無用材木由他笑社
樗

閏端陽 五月望日

重陽曾置閏引例閏端陽南陸風初盛北窓候尚涼殘

書辭短檠露井戀佳床茉莉垂盆白枇杷映手黃客微
詩上扇醫治濕裁方餅餌增中饋屏帷徹曲房褐衫煩
婦慰塾課與師商蟲毒符高照蚊喧煙大張攝生宜蚤
起病末應深防茶竈愁消炭齋厨苦益糧家園薤麥熟
閩郡荔枝香悵望成遙隔臨餐三嘆長

蚤起偶成

麗掃閒庭旭景新胸襟莫遣著微塵眼中不怨千秋史
口角何譏槩世人啜茗焚香宜老景落花啼鳥閱年春
高槐蚤有蟬聲起卒歲無方託隱淪

七夕二首

垂簷斜照初昏月隔漢遙明七夕星怨曠由來蟲鳥識

風騷原訴別離聽連宵歌哭爲風雨一晌依違付水萍
閨閣少年爭乞巧愁思恐換髮絲青

丰標湧想前張緒招攝還思漢少君室去秦箏燕玉女
門空鼓缺食魚賓鍾情我輩艱逢世忌巧天公靳誨人
強項不甘星下拜老來更信拙無倫

我生二首

我生束髮學遊燕晚歲長安望日邊兩足蹒跚雙鬢禿
一身飄蕩九經傳余註大易道德南華靈樞素問及四子之書凡九經貧餘兒女

催婚嫁閒裏平陂看海田蚤有秋風來戶牖晨興且檢

聖編年今歲春初又著麟經或問昭編將完

客寓江城遠故鄉每逢伏臘國如狂梁鴻往事浮沉久

伍相荒祠草木長音信恒懸風雨黯衾帷已透暮朝涼
扶疎桂樹滋宵露望尔傳香月窟旁

秋興八首己酉客吳

秋風秋雨入吳城處處雲峰有雁橫碧澗菊開山寺古
朱樓人老玉簫清塘連落葉辭林樹郭繞寒潮送客旌
中夜烏啼樵鼓急錦機織婦淚光瑩

碧天擅帳枕沙流一夕霜風九塞秋羌笛舊聞吹漢月

戰袍新製問涼州佩刀寧斷生環夢登障應懷將父愁

何日平戎歸卸甲暮花殘月共扁舟有子塞外從軍已七年矣

凌霄雙闕露華凝長樂鍾下玉京閨闔九重懸月小

市廛萬騎動塵輕波寒太液石鯨卧扇掩芙蓉紫袖擎

懷舫詩續集卷八

士

瑟瑟清風江岸起還疑鐵笛倚牆聲典帝京

蕭蕭易水北風寒九月漁陽草木殘牧馬千羣肥首着

射熊三輔擁材官邯鄲美酒名桑落燕趙佳人貌玉攢

每到秋瓜思故友侯嬴頸血久枯乾典故卿

環繞煙嵐珠璣迫溯沿波浪席橋開寺壇響梵天風雨

晨夕隨鐘月去來十載津亭歸客路重陽雲物賦詩臺

山州自古稱多處祇動鄉關庾信哀典京口

嶺南蒼髮幾經霜歲月神山望渺茫詔下珠崖秦尉服

康熙癸亥年功標銅柱伏波亡康熙辛丑年臺叛七日即平後數月制府滿公

故方壺是處翔遼鶴島嶼千重貢越裳罷郡劉弘身已

老秋風多次落枕柳典興淳

佳氣離離怨彼都長陵石馬沒荒蕪黑山烽火悲原廟

浦冠焚鳳陽朱邸王孫乞隸奴斃葉渡頭無笛吹莫愁

湖畔有霜鋪百年景物凋殘盡樓上春風想畫圖

掉頭常喜唱金甌白髮多情憑弔遙壯歲冠裳臨百越

衰年裘索寄孤瓢臺存鹿散空佳麗亭廢鶴歸剩牧樵

員蠡英靈今在否荒祠欲覓古魂招

閒磬二首

晨夕清齋發磬音閒中功課老來心爐香儘可熏圖史

梵咒原堪入瑟琴知佛性非聲臭類度人偈是短長吟

打包更嚮何方去滿徑蓬蒿當祇林

發響鏗然笙略同擊時聽去釋儒通一聲飄渺天人界

懷舫詩續集卷八

士

餘韵流連幻夢中春雨秋風隨去住兒啼婦諍付虛冲

老翁徙倚佳牀久周蝶何遑辨有空

九月朔即事四首

雲垂覆女牆草木染丹黃菊好邀人醉客羈感雁翔吟

懷憐晚景鄉思壓清霜重作登高興觴浮桂酒光典舟出郭

對佛小龕前清齋近十年無香常杜戶逢袖偶談禪毫

楮何年屏才名幾輩傳秋光簾外老漁牧覓江邊典東寺

聞先上人來訪方修麟經果成是

日午刻登舟出閭門外來典橋

秋淒天末風飄蕩久江東香草凋殘候華年吳越中劍

吹成一呖月酹得三同鳳亞鯢麟困隨魚逐鳥典今春遊錢

空庭暮雨飛神黯意而隨山水羣遊地淒清獨坐時逕
荒堪謝客書借不留瓶共戒除歌咏孤吟欲質誰曉是日
微夜俗言借書一廚還書又一廚不知藏乃瓶類
也言借還書者各貽書主一瓶酒耳瓶乃瓶類

重陽日用古人句格五首

滿城風雨近重陽雜佩丹黃戴菊黃不對王公常脫帽
久居卑溼未成囊樽罍姑醉乘龍客荆布粗修嫁女粧
故里黍田聞賣盡豐年雖過在他鄉在寓
倦眼江頭七閱霜滿城風雨近重陽杜門謝客閒遊屐
客歲尋僧到講堂寺傍石湖才子沒橋橫月夜野雲長
秋光又向空庭老衰健何勞更預商
晨興幽事迫頽唐戰茗和琴守尺房房即宅也四面雲山遮

懷幼詩續集卷八

圭

改國滿城風雨近重陽年華過夢感今古花月隨時見
顯藏節序相催何太急寧因貧病問壺觴

歸路津亭忘短長何憂貧賤喜身康老來寄寓人情識

習慣吟哦子課荒半世功名輸一枰滿城風雨近重陽

濡毫追琢題糕句回首從遊歲渺茫憶隨先相國馬阜登
高已四十五年矣

毛益栽菊倚佳牀相對支離少艷香嘉種不蕃愁老圃

野花徒放競秋光姬姜罕遇存憔悴風日仍來趁萎黃

且酌籬根搔素髮滿城風雨近重陽今年鮮佳菊

古重陽日再用古人句格五首

菊為重陽冒雨開今年霜信節前來九月二日中氣園丁辛苦
辜花稅旅客衰遲減賦才短碣荆榛藏俠基散廬雲樹

接叢臺梅村贈先相國句
家近叢臺推意氣大行秋色方蕭颯徒憶空庭
咏落槐舍間堂植雙槐
大數圍矣

詩因漫與隨雲散菊為重陽冒雨開文藝徐陳多白骨

英雄蜀魏幾青梅花催何遜垂垂老雞警劉琨鼎鼎來

騏驎長鳴京雒路羣中猶許附駑駘少子中北
閑副車

貧病他鄉驚令節蹒跚晚歲怯高臺書從故國穿雲望

菊為重陽冒雨開膝下依違辭季女江頭惆悵餞新醅

汝家敬往無相憶葛覃成衣寧父來時嫁幼女
赴客縣

名賢自昔多流落况我迂疎本散材樗櫟干時斥大匠

蓬蒿經燒剩殘荻友如凌曉看星綴菊為重陽冒雨開

每過滄洲亭子畔懷人弔古有餘哀

懷幼詩續集卷八

古

客館濃霜凋蔓草長松秀種徙徂徠涼風竹樹疎清蔭

孤客襟懷託遠哀鄰寺僧遷禪冷落深更雲去月徘徊

勿辜歲晚餘佳興菊為重陽冒雨開

冬盡有感

連宵雨雪快朝晴魚米來春價料平山澤雲光占大有
街衢鼓韵憶都京童心仍在丹顏改暄景如前歲簫更

我愧瞠然憂患老霜華曾否點公卿

辭闕違鄉十五年江湖飄泊跡頻遷要離骨朽消俠俗

應物詩傳淡吏綠榮卸時催時勝復衰愚我與我周旋

菴枯洞廢忘歸去悵望白雲覆墨田

六十生日舟次

城闌江水碧東南其常流城市百萬家徵逐送白頭八
載歸愆期衰病寄滄洲生晨偃釣艇浩蕩一沙鷗故友
疎星曉俗情昏霧浮暮夜來寒雨黯黯思窮搜乃識彼
造物興替匪厥由遞嬗非得已無心忘欣憂畢然望賢
聖瞠焉絕技求履道敦坦坦大化任悠悠

圃人惠花爲祝

梅枝盛含苞草卉疎放香生意慰昏眸更照春酒光寒
極暖當至勝復變而常靈蠢寧異類欣欣共載陽惟具
殷若心釋謂智多發鮮斂藏難共金石質頑塊久寧康
國前爲祝辭君見亦踴涼芳萃得仙道用柔克至剛齒
舌不永敵延年致斯方梅幹歷千載材匪任棟梁無用

懷劬詩續集卷八

五

乃所貴巖阿歲月長

附錄沈確士贈詩四首

世事波瀾憂患餘幾年踪跡滯姑胥 主恩未報心
常戀藥性能請病已除落日空江悲伍員秋風古巷
弔鱗諸宵來忽作家園夢安穩閒乘下澤車

戟門兵衛舊森羅楚尾吳頭歲月多鈴閣競傳朱鷺
曲錦幃細聽雪兒歌當年曾執舉陶法此日誰禁醉
尉訶試問翟公舊賓客朝來竟有幾人過

中夜聞雞氣尚豪側身宇內首重搔青天有問偕吾

黨白首同歸笑汝曹謂排擠諸人閱世險如穿虎峪謠書

細比析牛毛還聞柳北阮兒子莫負從前門第高

好山多屬郡城西小鳥翻翔易木樓不接名賢揮玉
塵自憐病眼失金鏡官衙醉月懷鴻爪虛谷嘔雲學
馬蹄橘刺藤梢今宛在鄭公應過浣花溪

懷劬詩續集卷八

六

懷舫詩續集卷之九

庚戌元旦述見四首

聞寂解聲光人各益一歲日月所歷經何方為聚萃往
者不可追寸陰付委棄齒髮已白落老懷增憂悸况作
宦遊客繁神惟榮利學殖既久荒功名亦廢墜年晚田
舍謀曰歸艱縮地

迪吉祇一途餘為吝吝悔乃知積塵內憂患之所匯魚
龍互吞噬弱盡強仍餒反覆機變生陸沉亦每每道者
虛其心有容腹為海日月遊行中山川涵育在萬恠照
方寸鑄形舍鼎鼐至恒渾非常有待而無待

天地兩大物其精亦至微陰陽原有象風動雲徐飛人

懷舫詩續集卷九

生事食寢奔命就殺機神仙穿窬雄盜竊在夷希終亦
歸于盡動中靜莫依暫存寧久住宜為達化機

無生乃無滅宗旨亦秘哉大德曰日生環行何去來一
切有無法言空色之胎以此示真詮祇足云糟醅氣有
所憑行物有所藉開彼未窺帝載棄玉取泥坏聖亦忘
生死冥晤究別裁大道萬古昭一理始終該二氏世奚
補宜屏等莖埃

附錄李客山和用原韵四首

為鳴春風乘乘震位開歲草木揚光華佳氣何蒼莽
雲中隨瑞章君子不我棄三復感公志處困心無悔
撫時發高吟蕭然淡榮利垂老學不倦簡編勸遺塵

誰知孝子心夢繞牛眠地公以卜葬太夫人不待印歸為恨

人能善補過豈有吝與悔世事日紛紛如水百川匯

道義既已充浩氣自不餒一尊齊得失陶然日每每

宿昔繁華子投足弄雲海白首亦同歸今日幾人在

貪饕聞有戒古賢鑄鼎鼐空花委泥塵春風不相待

細草色乍展寒梅香尚微江上有冥鴻六翮欣高飛

白雲既有託虞者空張機聲利一擺脫履險自如夷

至人觀道妙動靜情相依以茲悟有盡無為造物機

剝復有至理循環豈異哉君子安自然萬事任去來

不為福之始肯為禍之胎舉世忌獨醒何不啜其醅

每誦古人言心契顏為開如彼陶家土埏埴先在坏

懷舫詩續集卷九

如彼石中璞必使良工裁無用乃為貴公詩中至語也

實精該自愧未聞道觸撥同風埃

上元前二日靈岩山麓訪確士為賦六章

芳草梅花春驛傳遊原著屐五移年灞陵不識將軍貴

畏壘能宗列子賢結客出郊無小隊緣溪扶杖置雙肩

德公願切人倫鑑寧到雲亭問太玄

曉山蒼翠接城西白板門開散犬雞乘興渺然隨野棹

卜居叢爾傍芳堤吳宮花草墻陰繞蕭寺煙霞簷外齊

曲唱陽春誰和得梧崗獨有鳳凰棲

漁歌收吹引幽村焚篆鳴琴客到門名噪恰同彭澤諱

詩工久許密言孫令祖家學幼許詩傳樓中明月懸華彩梁上香

巢舞艷魂載酒何能飲卜夜高城戍鼓報黃昏德士名

塵跡卑棲吳市東金閨國彥快過從青山紅寺題名在

華覓金輿放眼空王獻刻溪飛兩槩嚴光釣瀨却三公

君驛力薦雄文者揚馬平生志豈同

山好當門嬾入城探幽無伴趁新晴篇章贈答思終遠

晤語疎蕭歲已更詩述弱侯存大雅官休魏尚置微名

曾邀道者求聯咏石鼎佳吟竟不成邀客山未至

茅堂粉壁許留題心境偕清且靜怡崔顥高吟誰敵者

裁桑佳句世傳之確士示以新詩二生磐內相師友盡室堯時

樂緯熙裁竹種松重問訊一溪湖湖定無期有令姪在坐

返城又賦二章

懷舫詩續集卷九

十里達山鐘遠聞津橋蕪觀路岐分寶幢鶴影留紅寺

遊女芹香襲翠裙帆背日侵鴉背日高林雲接遠林雲

佳思曠杳愁歸去願逐蘇臺麋鹿羣

春江四匝鎖重關城市驚塵沒塔端煙霧飛騰遮月好

舞歌醉夢潤更闌鄰樓長笛猶堪聽旅館疎梅頗耐看

不及山家門蚤閉滿庭幽籟一輪寒

上元夜即事

金樽錦瑟歡歌畔亦有飢寒寡嬾愁白屋膏殘昏斗帳

梵宮鐘罷閉僧樓宵中人散燈成燼風起雲生月已收

忽聽簷聲來警夢已將遷變付泡沤

遊虞山二首

數入虞山城未上虞山嶺城裏市廛改山中草木堅齊

女墳頭石干禪色蒼鮮梅杏時開卸當窗易取憐太虛

何寥廓大由亦彈丸雙足所踏外悠然水土寬故鄉狹

蹄涔吾瓢思置難聊隨意自適不求安自安

津亭楊柳色近接松杉道迺振衣袂塵飛騰出雲表蒼

壁聳千仞天風來浩浩上積皇古苔陸離間新草幽澗

鎮神宮蟄虬光秘葆靈風值晨起急雨飛晴昊嶺半祖師殿前

風則飛雨沾灑橋際北盤折數里北松逕無雜木清陰

寒白日翠濤鏗佩玉每得逢流泉偶爾過馴鹿午鐘動

上方扣關訪修竹訪三峯寺川回上人不過

示兒升欽時以板貢中副榜命

懷舫詩續集卷九

四

粗攻章句竊微名美錦須懷製未精君子愛人曾學道

漢家循吏重廉平相門風味原儒素父德衰涼愧後生

幹蠱酬思非異任歌詩免歎作心盟

贈授唐姪孫時以板貢命

甘棠兩度栽江左今子重來就一官三代登科家懋學

當門題額世驚看授唐姪孫門懸一匾題云年方強仕

宜精礪心久安貧耐餒寒甘嚼菜根成事業莫言邑小

治無難

紀夢二首

逮親四十五年逾二豎常來狎老愚忽夢追隨言孝友

勉同僕從効勤劬哀猿助我啼聲切異地歸人歸路迂

會莖母棺心事遂死生衰健更何虞夢先君有二僕五二張相隨焉余遂

老妻別後五春秋問訊衰食兩繫憂少子來吳躬米曰
丁男出塞首金甌經書暑雨殘蟬腹池館荒涼雜麥疇
豈是南京亡國恨一般回首涕橫流

與思永弟重修家乘賦一律

多才白首困儒巾茂苑來遊共被新樓藉筆花修五鳳
宋郊贈筆與其弟初詩云老兄盤盤供鮭菜念全貧全貧見杜
得此澤無用助爾添修五鳳樓盤盤供鮭菜念全貧
集十餘七代傳經在四百逾年閱世陳族譜重編相勸
勉不爲宗祖贅生人

賀廖瀛海七襄大慶

廖詩詩集卷九

五

先生嶺嶠之鴻儒學富天人器鼎鼐桂花曾折最高枝
來作吳城循良宰儀封宗伯賞暨真道義相期著惠愷
中逢齟齬抽華簪琴鶴隨畱二十載傳經講學神靜閒
著書松老蒼鱗斑茂苑名流多立雪遠方負笈輕開關
貧志愈堅身彌壯雄談健飯酒無量理氣相參造化通
朱邵二賢端趨向昨歲古稀今已過大知大年養太和
天假期願弘至樂念我常貽擊壤歌

輓施門烈婦

守節爲正殉節烈千秋義事成於決當斷則斷無顧瞻
祇因斯理明獨切多少高冠博帶人難與補叙作後塵
君不見長樂老十朝四姓超承好又不見世修降表之

李家諛詞滿筆侈生花何如施氏新婦名堪揚採登青
史永流芳

賀雪第大兄八旬大慶

壽躋策杖 盛朝年一桂三珠植膝前射虎壯時常飲
羽連生比歲偶談玄園林碩果存先德翰墨名經啟後
傳重見老萊斑舞事有兒著髮拜華筵兄子谷芳年逾六旬

唁李姊丈喪子一首

樂天喪子身常健杜甫貽孫輩始傳煩惱多端誰盡免
悲歡萬事古難全籬根採菊聊娛歲澤畔行吟竟老年
不到西河寬卜夏爲言情話寄詩篇弟李天養子詩有
之句蘇東坡中秋水調歌頭詞云人有悲歡離合月有陰晴圓缺此事古難全

廖詩詩集卷九

六

僕家四姊適梁欽伯廣文真定相國胞姪

姊年六十久孤貧眼底浮雲變迹陳伯道無兒傳舊業
綬紫少女奉表親謂姊以兄子爲高堂明燭繁華歌黃
土白楊霜露新存歿相連成隔世謝庭詠桂倍傷神姊
丈故已三十年再思先人月夕詠桂姊
句云香滿謝庭則五十餘年事矣

哭先仲姊適梁欽伯廣文真定相國胞姪

梧枝一葉落驚秋此姊十二三歲時聯句壁隙白駒甲子週憔悴
他鄉聞姊計淒清星漢胡仙遊終無兄弟憐隻影況值
飄搖罹百憂向北長號還自怨別離歲月莫追求
盛年苦見病常侵晚歲甥亡倍感心富貴何嘗嘗喫着
衰羸猶自督刀堪兒懷熊膽哀莫恃姪直爲萱哭未臨

魂往何天勞煩首風煙萬疊夢幽沉

延雲林敏岩和尚過寓午齋二首

驚嶺曾登問作家緇塵淨滌趙州茶
熱腸久冷溪前水微笑爲拈寺裏花
正擬齋心投法界却逢盃渡到江涯
倩師示偈開真覺德溢恒河無量沙

今年貧到並雖無酒社詩壇約盡渝
朗月深池心偶印華軒陋巷轍全蕪
愛山支遁勞雙玉乞米陶潛供斗珠
相與打包歸結夏枕流漱石住西湖

寄年允公

魚涸鴻飢百慮灰尋常安得達三台
雖遲杜甫還鄉去却喜嚴公鎮蜀回
金鑄千將寧躍冶馬逢伯樂可成材

懷詩續集卷九

七

大鵬未必非凡鳥願假風雲九萬培

集字二首

松風披玄圃晚雨駐郊城
渚倚煙深鬱潮浸沙淨明
酒帘留夜楫塞羽送淒聲
水木蒼涼性還宜伴鹿盟

其二

花砌雜長筠輕雲接野濱
臺森曠入畫澗咽石翻銀
吐句懷孤發揮翰志古論
杯殘扶隱叟磯外暮移綸

辛亥新正十一日作四古詩

元日逾經旬人事微逐結風來尚峭寒
陽長已宣洩王政合法春和氣起淵
穴愚老人頽廢動偕垂魚列治裝
謀速去帽破衣衾裂殘書載萬卷與
歸同飢渴貴交率

疎盡家音常曠絕俄驚倦客返妻子
憐跛躄獨存耿耿心相對一鳴咽七
載母辭堂餘生恨莫關

人生無百載老少去其半追思所閱
年三仕如曇曇吳歷八稔雷電驚瀾
漫今逢開霽期王居頒渙汗棄家
更忘身一切委溝段昔作自銘云春
來冰行泮帝心順天運寒燠四時換
君子信有常不說佛公案

中集

余作自述代誌銘載

先人有大業國史紀其功直諫鄭公
後能宣鉅鹿風烏髮蚤賦歸俾道因
人弘至今賜書樓棟橈巷自充兒返
拜父澤開讀發醺蒙愧齒隨馬老悵
牯失牛犢仕學兩無優晚乃十經窮
流光多棄擲垂涕時撫躬

余著四子書大易春

懷詩續集卷九

八

秋室素

陶潛怨筆墨陸賈志醇鮮多子皆成
累父薪罕能肩身既墮家聲寧望兒
才賢一經不足授五鼎徒肆筵祖德
本清儉勤讀而力田積累十餘世相
業乃表宣嗟爾王川肖勿但飾外緣
春秋譏世卿况已替盛傳聲聞耻過
情各位實米淵能爲君子儒常布以
終年

辛亥正月十一日夜

冬月清寒亦可畏家家避寒如避諱
春令方來月早妍吳市人聲起鼎沸
富兒買梅更買燈不惜千金爲月費
梅開燈燦月愈明獨餘孤客時吁氣
此月相隨數十年渡江涉嶺遊并燕
亦共挾寶歌扇底偶邀訪妓舞衫邊

歡笑率稀多契濶車輪馬足復舟末任我如鴻競朔南
惟君似影無離脫月光依舊常皎潔昔照青絲今白雪
他鄉重見寧忘情以是露泡觀一切

懷舫詩續集卷九

九

懷舫續集

觀音像贊

瓶貯真空手布和風風化萬物空涵一切風空不二界
爲謂無生滅

學士陳絨庵像贊

雲中採藥久心內養丹成陰陽待理陳丞相稷契常期
杜少陵道義昭身世文章振古今萬大光華騰鳳詔
百篇珠玉重難林徒行竟舍車掉井終辭弄粟里扶
鵠獨憩神東坡磨竭同知命先生乙巳生與
蘇長公同官馮載觀
滄海揚旌登泰山仰止孔顏隨處樂周流潛見一心閒
先生曾督
學山東

懷舫續集

聞先和尚小照題贊

維彼告子歸儒于禪再有莊生通禪于玄造箇老漢觸
處洞然都無住著未刪詩緣不落聲聞是爲聞先

題楊衡若小照

維量斯洪維貌斯克言通倫脊行通從容足學怡怡門
庭雍雍以義主利爲謀必忠將茲應物用是飭躬家邦
咸達君子高風

題舒母廖太君貞節

賢豪挺生實原聖善如冰淵深如木蔥蒨舒氏節母與
宗毓彥令子至行孝廉揚薦來綏襄邑絃歌滿縣清映
玉壺冰心一片春歸北堂學誨雙檀綠茂青松詞傳黃

紹治成功昭龍光 帝眷花誥香車羣倫榮羨

懷舫詩集

懷舫詩別集目次

卷之一

感懷三十八首

用唐陳拾遺韵

和古詩十九首

和八詠

九歌

卷之二

詠鏡二十四首

卷之三

閩漳竹枝詞一百首

卷之四

鴈字迴文三十首

卷之五

懷舫詩別集目次

一

詠物詩二十首

藥名詩四首

閱世詩八首

卷之六

江南竹枝詞一百首

懷舫詩別集卷之一

感懷三十八首用唐陳拾遺韻

殘陽入西極旭日更東昇晚霞唯漸歛朝露亦暫凝人生終旦暮霸王互息興眼底卽萬古百代信可徵春色至無跡平蕪看遍青泉下幽眠人焉知芳草生逝水鮮息機潮信無心成白頭會道晚寂歷紫芝莖迷陽趨淫雨茫茫塞長途之子失故步首尾顧一軀培風異南徙追日悞東隅連城壁揮手忽如棄隸奴蹇蹇大行下登頓吾踪孤樂羊食愛子仁者薄其功石碣甘滅親春秋表厥忠毀譽殉世口得失昧塞翁誰能造吾造以無名形終

懷舫詩別集卷一

一

蟄虫驚啟凍醯雞畏發蒙宇內一覆釜陽光徹始終安知重泉下此日不常中反復問元化天運無時窮天地生物久未見銷其精大氣運無息無能闕其行人心至微渺乃與清寧并大明藏於密至理蘊幽冥不得已爲言垂示十二經耳食空今古罕覩餐菁英事變日紛然眼中吾老矣不能知有終焉可語無始燁蚌朝暮間一生混沌耳此物乃大知絕勝赤松子人間覈功罪理固通幽冥善惡餘殃慶謂可盡死生不聞龍比魂爲厲振冥冥逝者胡不悟大義胡不明迭與湯武師仁人成其名先矣復何知恩怨想盡停聖人崇仁義莊老謂非真託言懸解中乃是遁刑人西

來微妙諦一切入果因一身爲幻夢更何有君親誰是皈依人蕭梁與姚秦此時舌生華羣言亂如麻

鼎鼐制器後幾許不顧頤啞人虎耽耽鑠金口凝凝唇齒乖寒煖舌柄獨捺持長堤決以鼠大地破於錐孔棘已千古寧止在一時

吾重陳拾遺寸毫掃塵氛堅白異同外青天披亂雲儀秦揣摩中放眼識神君大哉鬼谷書表裡李孔文所學本古易知二妙合分變化終歸一率然諸子羣

寒谷映日暖朔風得春和雨露滋濡久小草方成科十年蓬樹木樹人復如何貧家有季女充選得綺羅入宮卽遭斥不合畫雙蛾上林同根木成柯便伐柯

懷舫詩別集卷一

二

明月四時有獨憐秋倍清由來難意造强半惹愁生圓處多傷別虧時又望盈明月無今古人情古不平大道直如矢之子行悠悠徒以踽涼意學人工旋周百反終一蹶躓垤非崇止詭遇固有道舉足已封侯貴人易苟悅所患歡須臾彼將克錦幘我已喪玄珠信陵屠聚友相交亦市徒冥鴻依彼臯傭保老姑蘇五月披裘者心應厭五湖

高義隨時盡游俠事已難縱橫託意氣反覆相詒謾煉成繞指柔乃可鑄越干躍冶不祥物何門堪結歡豪華銷常杜歌舞散邯鄲饑驅無家季倚劍發長嘆樂土托泉郡心交結趨生於中有佳致此鄉無與爭浩

歌狎狂楚

羸悠然埋糟止自擬得九京謀婦

悵莫應瓶罍罄縱橫旋移乞米術將吟賃酒行客放灌
將軍厨空阮步兵無門求一醉非願獨常醒中山歸去
來幾何千百哉

天命何所厄吾道能誰窮不求監河水不拜大三風一
寒鳥足言故入真俗子寒士若能容秦無張相公

擊肉不得出人命託元元乘軒不解戰肉食鳥元論卿
材謬上將詩禮重說敦勇非憑暴賈威寧孤矢尊沙場

陰雨夜鬼哭聲冤煩萬命博一戾功名豈久存長安歌
舞月遺照邊塵昏

懷遠古燕趙舊俗漸蹉跎猶有信陵容悲歌喚奈何馮

懷軒詩別集卷一

三

尉墳沙草蕭蕭王墓黍禾酒徒久零落空存金巨羅

馮唐墓在

趙州南光武帝千秋墓在高邑

苧蘿山下女顏色趣瓜期選入長門閉愁痕上翠眉舊

日採桑侶抱子已多時未識君王面身床空繡帷

日近長安遠白雲是帝鄉有花專向日有鳥慣隨陽風

雨何蕭索山川竟混茫樓卑難極目涉險漫褰裳客

逐齊館玉工悞楚王讀書真細事無術救羊亡

幽庭花欲謝風雨正淅淅濕雲樓短簷鳴鳩在幽林泣

身生羽翼高飛有碧岑胡爲屋角啼亂人洛下吟

永雪迫歲晚羽激急徵兵河水結堅橋烽火照危城大

將提精銳臘盡風雷生遂奔遠出塞深入戎荒驚掩

獻千俘戮者游九冥功業麒麟畫聲靈霹靂行當陳名

王獲錫勲雪嶺平公侯歸衛霍儀衍空縱橫

塞外單于避亭前醉尉嗤時命既不偶家聲竟陵夷

罪人奴制死生獄吏持一戾悞將軍甘爲造物欺

總髮誦詩書蚤有貧賤患富貴亦偶然憂虞橫相干急

難仗友生生死久結歡一朝時勢變蓬心悔蘭言刻剋

終按劍刻覈入肺肝安能絕物游友道堪悲酸

豐州有荒塚枯草不復青幽怨久已歇奚能發菁英旁

多戰死骨長夜同暝暝浮生成長物蕭然悞櫻寧

鴻雁南北鳥未審擇棲林少年志功業焉屑藏黃金傾

家博斗印伏劍天山陰血漬熊皮羈涕殷翠羽衾不侯

懷軒詩別集卷一

四

無返日白髮迅追尋繁弱雖在背寧忍射歸禽

儒冠者誰子皓首惜殘春甘委溝中歎羞言席上珍著

書飽靈魚懷寶重鼎鈞市僧羣登壘誰憐待價人

北窓倚修竹風月助清安醒我黑甜夢違君零落時連

昌宮裏滿碧筵遊丹墀舊制依然在飄搖動客思

車魚羞國士仁義集侯門久開有間隙古多無妄冤夙

昔萬間厦寒士無地存一朝鳴吠散心跡仗孰論竹貴

持高節泉應飲清源嗟嗟四公子結客何足言

壯顏消無跡青鬢忽就衰尚尔多憂患其如更別離不

辭棲枳棘焉能効鵲鳩放眼觀身世誰盈百歲期勞勞

西馳日不待衆蚩蚩因知游仙夫長往無還時

園餘留節序初夏滋寒欺曉山明鏡裡嵐影入雙眉已
侵梅兩候未過麥秋時羅衣殘冢冷紈扇黯塵淄何事
衫襟際深痕染涕淚

江城誰弄笛陌上麥逢秋客子辭鄉縣孤吟王粲樓北
望黃金臺荆田皆舊游近學老莊放冥然忘思離行將
去江海奔走甘涼州年華日益邁道路日益悠人爲李
廣嘆我逢鄧禹羞長城埋蕩骨生還幾微戾

遭刑無贖王欲殺乃真才松老方學偃偃儂雜草萊昨
聞天子詔重起栢梁臺十圍直幹者何由自炫哉棄茲
烟霞秀霜雪靜塵埃

車後擁千騎堂前列十眉天子勞朝罷羣公省沐期掩

懷詩別集卷一

五

關病幾日枕席泣漣而願以萬鍾祿商山易紫芝遺表
拜宮殿秘器錫龍螭青史他年事君無更問之

家隣古襄國數上趙叢臺太行接秦晉霸圖昔壯哉泰
山青遠接漳水自西來其人骨久朽臺觀空崔嵬銅雀
無遺址荒烟過草萊

豪吟發孤憤清酒全太和圓缺隨蟾影寒暄看雁過清
明歸志氣事物紛到磨知命樂天者窮通如我何

和古詩十九首韵

行行重行行千古此別離繫馬山之隈維船水之涯別
情難復道幽恨會相知飄葉辭同林鳴禽違故枝傷別
何近遠日月無停緩遊子有時歸年華去不返年華亦

日新佳人顏色晚酌子盡離樽飽我青精飯
青青河畔草黯黯堤邊柳柳絲繞晴原草烟凝綺牖千
里終極目孤亭一揮手塞外築降城樓中老思婦不及

杏梁燕成巢甘共守

青青陵上栢盤根入白石材木被文繡天子登臺客下
奏宮懸樂上有風雲薄念此磷砢骨宛隔河與洛旌節
山中來幽澗深求索待築建章基輦致帝王宅鬼斧闢
雲窠孤根拔百尺萬年靈秀斷知爲世事迫

今宵良宴會明曉迹已陳嘆息古人往黯然今傷神後
來復追弔當境誰爲真悠悠重泉底委曲常難申往還
市朝客方糾車馬塵黃扉朝侍渴丹旄夕通津人生樂

懷詩別集卷一

六

幾許不敵長悲辛

西北有高樓樓高星斗齊簷垂銀漢尾檻埒三臺堦清
風透簾幕似奏商音悲芳草別驕馬閒雲瑣艷妻賓鴻
送來去皓月入徘徊愁中無短漏笛裡有餘哀一曲朱
顏改三秋歸信稀驚鴛七十二池上自雙飛

涉江採芙蓉不及佩萱草草木寧忘憂夢繞關山道路
遠客悠悠腸迴江浩浩曉窓拂鏡塵一照一回老

明月皎夜光中宵移廊壁照我虛堂白几屏何歷歷寒
露冷凝珠鳴蟲屢徙易枕簟常自溫反側寐無適吹笳
驚宿雁高飛響勁翻過我留哀音雲陰絕影跡默念爽
歸期駕言脫輓輶怨嘆遠莫聞憔悴終何益

冉冉孤生竹鳳去守巖阿空羨喬松上高枝接萬羅生
女嫁及時願爾室家宜委棄復何道愁吟遊遠陂風兮
悽何暫實今結已遲不如苑李華春前藉日輝不如蘭

蕙草霜中早卸萎甘奈歲寒久枯寂竟奚爲

庭中有奇樹雨露厚培滋贈君不忍折動我西周思美
人忽已沒十年久樹之風霜摧莫急應念植根時

迢迢牽牛星不能慰怨女天上夜如年何時謝機杼涓
滴清霄淚飛洒成秋雨終歲隔銀漢歡聚寧幾許人間
冤女情莫更雙星語

連車駕言邁西上橫門道浩浩流沙鳴霜原無寸草同
多戰死存者皆衰老曾未當單于封侯焉得早生還

懷船詩別集卷一

七

舊朋稀問年鮮壽考一死誰能遁丹砂希世寶

東城高且長城中半親屬漸次聞凋喪風草墳原綠天
運無息機化物本神速勞生苦多端鬼伯相迫促樂遊
及芳晨世事謝拘束跨下馬如龍屏中人似玉萬金結
一客千縑酬終曲莫避飛觴催但願繁絃促提劍動激
昂泰山輕躑躅所仇既已雪化鶴歸海屋

驅車上東門近郭王侯墓枯松傍祀堂斷碑橫神路烏
噪野田空孤遶荒原暮常聞達生言生死同寐寤死爲
泉下泥生寄花間露一朝得富貴百慮求堅固終有大
力者擊斃負舟度墓中人有知黃金鑄錯悞穆然得澄
觀托意在毫素

去者日已疎遠鬼復何親人無百歲壽原少千年墳故
家喬木盡幾能常負薪陋巷鶉衣士翻爲朱紫人旨哉
晏子語廢者興之因

人生不滿百中多病與憂老少皆衰弱盛年幾壯游冉
冉去良時賸賸已如茲偃蹇時賢避支離後進嗔何當
獲大藥遙共仙夫期

凜凜歲云暮永雪窮簷悲力田幾多稼作客賦無衣未
覓縱橫就徒憐溫飽達五侯千金子裘馬散光輝高駕
臨倡樓僕御倦持綬日夕邀所歡招搖載同歸沙堤炬
火列廣筵屏幙圍舞浸香汗濕煖遊王侯知寒谷
裡卒歲望陽晞酒醒催高宴柴門雪

懷船詩別集卷一

八

孟冬寒氣至北地倍凜慄計吏一車動貢物羣侯列庭
實備珍奇獨有人才缺緼袍者誰子高門投短札獻策
積連棟無暇爲鑒別尚有曳裾儒懷中字磨滅才難知
更難好惡衆必察

客從遠方來都市見錦綺十旬成一端女紅傷如爾剪
緣商婦履裁作倡家衫絳者不能衣衣者織不解逸勞
問鼠牛萬事常類此

明月何皎皎偏照獨眠帟庭樹烏啼夜空階自徘徊凌
晨雙飛去薄暮一雌歸衆雛還自哺相將更望誰感是
思征客含悲在擣衣

登臺望秋月 和八詠

望秋月秋月入秋清玉繩低繫影金井靜鋪明明月無
今古秋光多媚嫵下照碧梧枝上照白榆樹浮雲飲盡
紫霄寒銀河傾瀉苔塔露起笙歌於廣榭來哀怨以高
樓催萬家之砧杵冷寡婦之衾裯長門嘆玉關愁蛩吟
砌雁鳴洲風霜征客西涼外歌舞娼家南市頭揮暮霞
而進上留殘漏以徐催東井升而盡望西巖墮以難回
鳥繞林以三匝蚌泊波而半開暈如垣兮蟾宮桂有子
兮仙胎孤鶴眠多警空房怯自猜心耿耿以不寐夜綿
綿而難曉投素壁於圭門印明珠於圓沼入澄潭而倍
清傍高山而忽小顧隻影之伶仃下烟絲而繚繞天氣
涼如水秋雲薄似羅當頭寧有幾把酒欲誰何客館愁

懷彭詩別集卷一

九

明月中宵白髮多

會圃臨春風

臨春風風蕩河橋柳梅花消雪餘芳草鋪茵後採芹春
水畔水岸碧苑新綠樹飛金彈清波照麗人驕馬嘶香
車動嬌乘龍女跨鳳競訪樂遊原花林晴日暄淑姬遂
下閣志士竟窺園修袂旋裁綺懷春雅佩萱錦叢方調
笑紅雨行憑吊妾漸減容光花常增窈窕晶簾玉鏡臺
冉冉非年少披香辨泣朱英愁遺落夢遭驚綿蠻啼鳥
閒長晝歷亂飛花迫五更梅子陰濃苑花浪暖畫梁燕
到雙雙香涇舟歸緩緩清明將屆寒畱上已已過春晚
駕稅旗亭佳醞雉飛麥隴豐年野菜花香似蜜嫩荷葉

小如錢天氣惟宜醉風光最可憐珊瑚鞭琥珀酒羅敷
女秋胡婦試委佩於萑蘭或修儀乎瓊玖騰豪氣於五
陵逞壯遊於四牡潔寒機之素絲守中饋之敝帚蘭亭
觴詠歌玉樹舞歌殘紫禁傳新火黃鑪散舊歡人增今
歲老花待隔年看

歲暮愍衰草

愍衰草衰草舊春蕪枝葉嚴霜盡根芽野燒枯窟亡憐
顧兔尾掉竄雄狐落木同正壑飛蓬逐道塗動老驥之
長鳴集哀鴻而鰈羽接枯湫之浮沙迷暮雲於寒雨勢
靡靡望茫茫廣牧地開獵場疾風蕩為長磧苦月臨如
大荒鹿呦呦以鳴野駒皚皚而出疆王孫歸兮無芳草

懷彭詩別集卷一

十

芳草瘁兮生迷陽浸秋水之瀰漫觀馬蹄而散亂承積
雪於岡前結薄冰於湖畔遙思今昔頓有盛衰託沙堤
於槐蔭荐桂苑之香苔襲青青平楊柳遠黯黯之塵埃
萌芽毓而三秀池塘夢以多才碧烟消兮春光自去紫
芝萎兮仙人不來隨蘭衣著綠傍菊帶垂黃庭階承雨
露原隰奈風霜顏色忽憔悴時光見燠涼崑山有玉圃
瑤草四時芳溪毛與澗芷可以羞君子任重藉白茅微
材貴夙屯

霜來悲落桐

悲落桐桐落每霜前一片投金井秋聲起玳筵秋聲最
可悲逐臣棄婦知布穀催華晚寒蟬抱葉遲涼颼吹病

帶明月漏疎枝根下清砧響樣間幽鳥啼據梧同夢卸
棲鳳亦化離堦下濃陰散琴中前調亂材木竟凋殘知
音終汗漫徒龍門倚阿閣拂青雲發翠華胡百尺之亭
亭乃三秋而落落豈直幹以早摧抑美蔭之難託閒庭
墜細雨短壁舞飄風客來三徑滿烏匝一林空影瘦同
人老中虛與道通後凋翰翠栢炫色陋丹楓疎落存高
致蕭涼信直躬雲棲無礙鶴夢失肯惹碧梧枝黃菊
染此蕭條彼瓊姬視開謝爲盛衰亦人心之偏跛或制
瑟以登歌或傳薪而爇火顧此青桐枝飄搖甘遜時朱
絃疎越者同作廟中犧

夕行聞夜鶴

懷舫詩別集卷一

七

聞夜鶴夜鶴月明中薄遊澤國外未返溟滄東顧月明
與星稀更河澹而雲微動悲涼之高唳感離索以孤飛
逆碧落與蒼梧恨遐舉今心違乃勞勞於曉暮抱素質
而誰依展修翎振高羽冒霜露淒風雨亂白雲之皓皓
負青天而栩栩曾邀南極翁來會東王公蓬萊水清淺
浩蕩逢天風徒驚仙路渺忽墜紫霄空偕雁爲行役輪
鷗泛朝夕人間不可容仙籍已見謫駕烏鵲竊免藥泛
星槎酌斗杓冲萬仞之烟光矚千年之城郭得逍遙以
成遊更培風於不弱贈丁令以紆縞娉麻姑之綽約悠
悠任余之皚皚涅不緇名山藏自足蹈海無還期先德
明陽鳳時趨攫肉鳴不作雉雛昂誰憐鴻漸儀招我三

峯小辭人九萬低滄桑供飲啄知命復奚疑

晨征曉鴻

曉鴻曉鴻苦遠征勁翮凌霜露孤踪轉寒城迢迢來
漠北兀兀到江南哀音帶絕域寒影落澄潭梁稻求難
飽兼葭久是耽群飛誰樂遠高唱獨愁含江渚連冰雪
獨峯隔翠嵐網羅多叵測山水遠何諳陟沙磧涉瀟湘
不得意姑隨陽感朔南之易陸悵寒燠而靡常心勞勞
以避地迹歷歷而殊方長雲經險棧寒雨迷空澗幾番
飛李新移時梅菊綻飄搖非繫舟流落如遷宦臺閣慚
鷗鷺粉榆喧鶯鷦伊人刀俎危之子風塵慣慨日月之
弗與嗟生命之有涯望雪山兮瘴海信樂土而非遐降

懷舫詩別集卷一

七

李陵於朔漠老賈誼於長沙亦逝水而不返奚惆悵乎
無家來唱秦時天馬歌往奏虞兮南國此鴻去鴻來楚
漢盡春秋人世本無多徒書天板字不寄錦文羅縱具
封侯骨封侯奈老何

解佩去朝市

去朝市朝市厚脂塵二疏高辭漢三良傷殞秦簪紳莽
鸞鳳愧荆榛領郡蟬蛻夢驚場傀儡人乘軒輪鶴
貴解帶謝兒嗔豈飛鳥於仙遊匪掛冠於補武省紅朽
之五斗免鼓吹於一部棄芻狗效雄鷄消悻悻息極
謝平津之招致去江夏而分睽悔四皓今輕出羨二士
今終稽齊館吹竽散天苑滿都觀捧檄因親喜失祿動

士嘆何險可擬走匿約堪納牖隱矣本無文去今焉恤
笱絃驚羽翼傷鏡破滅容光何日歸鸚鵡終年閉上陽
九歎空相馬三黜竟羸羊砍梅誰畱蔭芝蘭別有香舟
車覆牛馬走熊羆號豺虎吼隨曲伸為龍蛇胡踖踖於
高厚唯彼魚與鳶誰道異天淵曰馬奚云白無門不是
玄吾生有命在偶然非偶然

被褐守山東

守山東山東古霸國鄒魯絃誦聲邯鄲佳麗色美醞釀
中山名馬來代北悲歌見慨慷肝膽羞傾側荆聶侶毛
薛徒燕禮士趙託孤丈夫五步頸血公子三千履珠壯
干城之頗收鄙唇舌之張蘇歡博塞戲樗蒲負寶劍擁

懷舫詩別集卷一

三

嬌姝毓山川之坦直得意氣於豪麤宜小人之學稼胡
君子而為儒為儒喜棄繻拜闕屢剖符作吏非清要辭
尊讓美腴慕虛輕委置簿領強支吾冉冉辭鄉縣悠悠
閱播遷浮沉驚陸海歲月悞華顛江上何書記樓頭王
仲宣歸歟歎卜日老矣惜殘年生我懸弧矢乘時飾勒
鵠單親難得養百口尚何牽仗劍出門去平羞逐伍旋
尚書即不用湯沐邑為田信陵君湯沐邑在
相鄉北二十里伏臘酬牲
醴桑麻省陌阡白雲南隴墓春酒北堂筵卒歲常溫飽
全家遠市廛輕裘細葛盡短褐亦褊褊還檢校餘筆裁
詩寫碧天

九歌 並序

詩之後有騷朱子謂前有讒而不見後有賊而不
知寧獨春秋乎哉則騷乃繼聖人絕筆而有作也
余困頓中成九歌以抒懷

解佩

火雲起兮蔽空滄溟涸兮炎風焦土焚林兮如燬赤日
離空兮方中客勞勞於江海兮思豐草與長林乃維舟
而稅駕兮接洲渚於城闕蘇軾之古王兮莫求吳苑之
佳麗兮曾遊好鳥知止兮集苑野鶴言歸兮山陬暑氣
蒸而羣探湯兮何獨和孺子咏歌也雲漢高而爭干澤
兮何不隨巫覡以珍娑也競執熱乃乘時兮遂披襟以
遺燠眾舞雩以祝釐兮竟誓天之無恧信恢恢而渾穆

懷舫詩別集卷一

古

穆兮宜容容而隨碌碌亦迂路於康莊兮致險成於跬
步黃塵黯兮汗揮甘井渴兮泉微夜聚蚊兮殷雷晝驅
蠅兮紛飛一枕橫兮星側孤懷抗兮天仄露湛湛兮斗
傾漏津津兮窻黑朝霞散兮曙光起烏鵲繞兮鯢鵬稽
芳草蕪兮夢結清湖濶兮烟迷浩浩長空輾義輪兮軼
於九方曲曲汚池涸修鱗兮阻於三江惜長晝而瞻日
兮欲獻曝而無媒取棄年而失意兮扳天聽而不回章
甫卸而服襁褓兮愚不辨夫菽麥車馬擯而牧牛羊兮
裴不勤於阡陌賴魚搖尾而惜勞兮閒鷗欽翼於洲磯
歸雲侮風而踳踳兮青山逐棹而依違慨命途之偃蹇
兮如晦夜而陰雨羗朝陽之盛烈兮望容光於涼躡愛

夏景之舒遲兮或滴血於泥塗障罽座以惆悵兮來秋
風而病蘇亂曰玉質兮金相往來契闊兮流涕兮
鮮佩雲水無際兮相羊

幽居

泰伯高城之崔嵬兮春申苗裔兮久寂寞讓無名而德
建兮竊得戾而難作業未盛而可卸兮功不成亦當退
栖於棘而絮敗困於石而玉碎彼重關之矢然兮不能
圖夢以來往雖陋室之容膝兮未嘗息神於惚恍兩窓
黯黯而昏晝兮帷燈閃閃而催漏蝸涎綠而蛛網張兮
惡聲而鼠狂闔門前之客幾人兮甌內之儲幾塵兮
天際皓皓未滿一輪兮流光駸駸動逾十旬兮過元亭

靈夢詩別集卷一

五

今空其谷買豬肝兮梟其腹簡書畏兮逐臣剝啄煩兮
醉尉叩關閱之如天兮訴謁者兮如鬼孤張車載入九
疑兮狐假虎負而來眾誹余何有堅甲利兵破此愁城
耶客何來高談雄辯通我困情耶雲隊隊而築圍兮水
涓涓而繞郭雨淙淙而鳴鏑兮烟靄靄而垂幕日夕求
古為徒兮希榮而或得辱徵逐干時之潤兮歡未結而
怒觸月多情而窺牖兮雀知曉而噪簷風拂壁以動瑟
今苔作色以侵簾惟仁可安舍弗居兮習坎有宮而被
擠惟米可負賢致嘆兮捧檄有喜乃失計夜弗寤兮朝
弗醒未食飽兮食復飢無言替悶兮言則煩對客感慨
今吟詩悲稚子夜啼兮老親晝卧妻妾辛勤兮井臼操

作廢無馬兮出無輿奴忽驕兮婢益情亂曰高城望遠
遙兮幽居鎮日寂寥兮失所居而為旅憶占鳥焚其巢

忘憂

萱之生兮帝都王者之香兮異馥萱之榮兮瑤闕仙人
之佩兮蘭簇花秉金精葉翠羽兮冰雪凝素兮托松栢
蔭小草兮霜風惜披離兮蕭索鳳髓麟脯兮昔登筵潤
芷溪毛兮今勸餐錦屏綉帳兮承暄苦雨淒風兮怯寒
板輿迎而華旌導兮文榻陳而彩燈照兮集下女以奉
色笑兮進甘脆而旨酒飭兮胡晴霽之叵測兮知孤根
而獲戾也甘卉木之歇芳兮傷宜男亦值暄也襲猶以

靈夢詩別集卷一

末

代薰兮固萋鮮而葵晦摧桂以積薪兮亦蓬潔而莖穢
金屋玉堂滋蔓草兮挹清宵之露瀼孤館閒堦寄三秀
今邀中天之月光仰慈顏之隱惻兮欲殞生而身子痛
莊子之淪落兮強支持而憂切思慰懷而無方兮菽水
何以承歡處險阻而多慮兮食寢何以得安涉風濤於
江上兮冒炎歊於吳門執兒手兮默默意鬱鬱而無言
守清齋而面癯兮典衣衫而裘敝念游子而遠來兮值
憂患而不忍去訴情愍於昊天兮雲疊疊而騰高寄涕
淚於滄海兮流浩浩而驚濤昧止足之分義兮顧田舍
而蕭瑟求祿養而忘艱虞兮負母氏之鞠勞脫簪珥以
充糗糧兮分果餅以恤幼惜兒老而忘年兮痛兒瘠而

身彌瘦傷白髮而共羈累兮鄉思起而同夢矧黃金之
交寥落兮將伯呼而誰動亂曰生我今何益親老而子
不可恃母能育子兮子不能事我生今何益

荷薪

恒維高而鉅莫今挺千尋之良木撐天柱於紫極兮護
雲氣之清淑苑花開謝於空山兮滋僊液於洞天鼎鍊
薦馨於清廟兮進梅子於几筵培喬林於十世兮蔭大
茂之美質分棠棣之敷榮兮各成章而結實朝一枝之
栖托兮遠菁華之卸歛嘆樗櫟之依社兮名散本亦何
奈大匠顧而眷念兮樵人覓其斧柯不當門而竟芟兮
凋秀色於巖阿愧廊廟之梁棟兮亦幹材之可罷用也

懷舫詩別集卷一

七

值剪伐而棄捐兮究荆棘匪可種也放松柏之耐寒兮
久霜雪之弗避終雨露之致潤兮聳風雷而蒼翠轉春
色而增妍兮羞苑李之披紛曝秋陽而掩朴兮呈直節
於高灵蟻登槐而寄夢兮與螺贏爭聚也蟬吟梧而致
深兮爲風露懷懼也聞丁丁於巖谷兮逞斧斤而適當
嗣濯濯於嶺澗兮作樓械而違傷植選樹於園圃兮樂
衆禽而爭巧棄大木於郊原兮廢一概而失較日月並
臨照兮林薄蔽焉幽谷萍梗遠漂搖兮沙塵埋其芳獨
娘娘之心思托焉離兮搖搖之根蒂結差莪兮山鬼悔
而工柳榆兮霧豹隱而遠虞羅兮嶺際之白雲兮常自
卷舒洞中之仙籙兮試叶居諸亂曰質亡兮鄧甫伐桂

今剛谷變下焦而溝中委兮誰識勞薪之味苦

登樓

久索居兮寡營遂登樓兮遠顧悵高城兮望斷惟遙峯
之聳露彼江岸之迢遞兮繞綠樹以含烟隔關山已無
數兮勞魂夢之回旋欲依劉而無計兮思吟越而何堪
荒基田而拱墓木兮履霜露而生慚載仕贄以辭家兮
隨鴻翼而弗息值衰齒而解組兮繫匏瓜而不食收嶺
雲與江月兮固耳目之清供携藥裹與詩囊兮疑蕙苒
之累重測測乎天地原小也焉往而能容疎慢悠悠乎
運會偶然也雖聖人而不免憂患擴襟懷於香海兮任
波臣之震蕩齊大化於洪爐兮憑二氣以消長古逐臣

懷舫詩別集卷一

七

比棄婦兮惟知命則心安縱憂護而畏譏兮必樂道而
域寬心搖搖而念遠兮望長安於日下葭蒼蒼而凝睇
兮思伊人於水滸碧宇之覆物無際兮欲長往而有垠
黃土之歸骨靡多兮足大塊以微塵倚危欄而邀雲朵
兮攀仙人以樓居顧明月而挹風聲兮招天籟以入窻
虛舉濁醪以酬影兮尔汝固無間然讀離騷而證時兮
烽直終鮮瓦全百尺之上置身兮今何不鵬飛九萬也
千仞之堅築防兮豈免基穿一颺也俯睨吳城寥澗兮
何處結要離之豪憑弔閭亭歷落兮至今稱傭作之高
亂曰十年江海兮雙鬢雪層樓但仰兮一身子四繞雲
峯今天窄一上九迴兮腸結

秋雲

望秋雲之蕩天脊兮任飄忽而徙倚歷古今而靡定致
兮逞浮薄以漫漶蔽日月之升恒兮空黯澹以成陰作
霖雨而散亂兮慰雲霓而疚心橫青山而阻目兮斷羈
思如羅網過澄潭而垂影兮淪淪於虛朗來茫茫而
布蔭兮儼萬間之堂樹去隱隱而泯跡兮失膚寸之憑
藉交天衢而易喻兮忽零落於水澗出巖岫而忘返兮
胡栖遲於簷下神龍知弗託兮以輕佻不任載也仙子
棄弗乘兮以變遷多異態也既紛紜於帝闕兮假霞光
以濟旋復難遲於河漢兮效鵲鵲之遙遷曷汝德之薄
而位亢高兮何汝意之將而忽屯膏兮豈風將及遂如

懷勝詩別集卷一

九

捲濤兮明月常好而遽張幃兮欲結納於林麓兮纖烟
霧而生寒將顧盼於廟堂兮虛丰采之殊觀豈有意於
蔽空兮希湛露而節耳抑作巧以欺世兮阻健翮而心
吾起無端而忽墜兮升沉固非汝料聚偶然而倏散兮
金石固非汝肖知久要之難信兮不謂旦暮有榮槁知
生死之多故兮甘食盟言而潦倒燕雀親而鴻鵠遠兮
已比匪而違卜秣吾馬以淬吾劍兮投荒遠為驅逐亂
曰麗天兮如鱗密復踈兮雨泥塵見青天而觀白日兮
須披決於八垠

調飢

鄙謀食之皇皇兮學干祿而栖栖成觸藩之羝羊兮輸

斷尾之雄鷄古者為貧而仕今乃已仕而貪胡不啗
為躬耕兮勞力而無求食於人咏北門之貧寒兮服官
而尚諂家室羨東山之聲伎兮謝政而胡多狎暱陶羞
五斗而賦歸兮思辭九百於為宰嗟冒冒干微祿以承
歡兮竟遑遑然不逮在唐宋之禮使兮存祠祿以養老
別卿相之少年兮致富貴之身早彼殷周之繼世兮食
邑閭數十代雖世卿之著譏兮亦忠厚之可愛乃朱門
而忽白屋兮以簪胃而竟徒隸朝鼎烹而暮乞食兮寧
澤斬於後裔惟晉公之樹德兮直紋入而口不緘傷亞
夫之相法兮通侯封而餓以殲胥游吳而吹簫兮愁毒
甚而思殉也聖在陳而絕糧兮上下離而致疹也余固

懷勝詩別集卷一

十

平易而無畜怨兮余常慷慨而樂施無胥之豪而有其
厄兮無聖之德而數則奇採秋菊之落英兮固香潔而
難果腹待翠竹之結實兮信清脆而堪辟穀儉成廉而
常飭兮奚致朝夕乏饘粥飢可樂亦自慰兮奚能擎拳
兮無梁肉傷老驥之遇困兮伏短櫪而思無窮哀王孫
之鮮資兮負長劍而為誰雄非細腰之是好兮少婦頓
損乎丹顏惟苦吟之是耽兮故友相嘲於飯山亂曰為
卿而憂貧兮可賀大任將降兮體腹餓余求膳八口而
無計兮金石歌聲能無作

放言

維客懷之侘傺兮乃寄意於放言效長沙之逐客兮吊

汨羅之忠魂信豪吟之歷歲兮無一字之堪責古窮愁而著書兮棄相印為行旅慨文帝之好老兮未嘗備黑衣之職傷平原之不知兮固曾親黃裳之色覽北固之江山兮負綈屨於周行值澤國之風濤兮傾一盞而臨張素夏畦之為病兮非余敢長傲也遵非鬼而不祭兮嫌余不善媚竈也宇宙甚大無悅已兮奚自為客風月甚佳貴適意兮吾好是從願浮槎於星漢兮滄海一粟而不足蹈欲御風於天衢兮帝關尺五而不能告龍之逆鱗可披兮蜂蠆之毒忽螫虎之長尾可履兮魑魅之技遭格效扣角而牛夜於易兮羞鷄尸而甘後欲補牢而羊亡於岐兮雖讀書亦大謬嗟麟楨之堂皇兮如鳳

懷舫詩別集卷一

主

毛零落可掬也陋克寓之經營兮惟鴻爪雪泥弗盛也九天之高懸日月兮代明而曷有蝕晦九淵之深藏蛟龍兮蟠沙而自憐墮墜迎春色而送秋光兮萬古共此時令駕高車而行蓬萊兮生民各賦數命靈之為靈久定兮身後美名一杯酒儒之為儒性成兮夢裡悟言一回首欲辨同異於公孫兮仰觀於天而突兀欲問通塞於君平兮安隨乎化而木訥亂曰身將隱矣何文論降志辱身兮斯放言鷄鳴狗偷兮集戾門士之不遇兮道固存

北征

胥江迢迢兮龍山隱隱扁舟容與兮孤懷鬱鬱紛雪落

而氷堅兮復冬殘而春近憶薰風於五兩兮送南浦而人遠涼寒途於二日兮閒朔雁而歲晚歷歷驛路兮記舊遊蕭蕭妻子兮共清愁布帆遲遲兮涉江海漁歌款款兮起汀洲過毘陵而慕讓賢兮越朱方而消壯志隔烟水兮夢揚州顧山川兮辭吳市彼子美之來吳兮隱滄浪而寄直亮惟予山之懷鄉兮素瀟灑而忽悽愴雖千金而不烹吾帚也雖斗珠而勿發吾筭也囊燕石而不易瓊玖也守故婦而不忘井臼也習北方之家學兮念手澤之慇懃謝南國之華文兮羞時粧之炫新思西岐之美人兮憶前王之賢親近東魯之聖域兮筮神箸而問津嗟老至於冉冉兮求安身於環堵奈事變而蹉

懷舫詩別集卷一

主

跬兮悔榮心於華組霏清言於玉屑兮寄閒情於揮塵携樽酒於碧岑兮縱游踪而陟岵悉曠達之樂致兮憂鍛羽而莫飛困英雄於暮年兮志千里而願違望菴嶺之春芳兮守仙洞之雲微凌南湖之秋波兮採芙蓉而露晞有書可讀兮胡封塵有田可耕兮胡茂草先人敝廬兮賣不贖南原墓隴兮荒誰掃去鄉縣兮二十年家計消兮蜀祭田歲時伏臘兮陳豆邊春酒北堂兮奉壽筵歌曰憶歸兮歸已晚思之邇兮室則遠試長言以寫愁兮情未盡乎纒纒

周公之乂也莊周感之而作南華譚大夫之詩也屈原感之而作離騷志之所在不必其同也不必其同

所以無弗同也得此意可以讀擬古擬騷諸作矣
沈德潛識

懷舫詩別集卷之二

鏡咏

余性愛鏡取其明能自照也偶於病中一覽慚鄰
上木思得排遣卽托以寄興焉蓋惟明則不惑故
可樂以忘憂其中爲鏡者十之一二非鏡而爲鏡
者十之八九要在寓物言志當求之於形骸之外
矣

墨晶鏡

墨光宕漾照蘭膏枯蠹乾螢笑久磨字嘶蠅頭誇老健
眼騰牛背讓時髦排空似覺開雲霧掩卷方知剩柏槽
焉得明珠懸不夜一城傾倒見秋毫

千里鏡

寸管窺時盡大荒樓居術擅費長房平臨江檻疑搽楫
一望峰屏悵面牆沙鳥草蟲來曲几腮脂眉翠出深堂
舉頭十里雲中寺堪對閒僧話上方

顯微鏡

芥子須彌眨眼間案頭聚米壘丘山蠅癢斫脛因觀髓
虱蠢吹毛更索斑曾於鏡中見先照戰場蚊控蟻
魯有人見何邊人馬無界分敵國觸侵蠻夷舟細讀東
數大照之人蚊馬也
坡賦柳骨顏筋筆致閒閩人能刻莖核舟載赤壁賦
百餘字非此鏡視之不知

多目鏡

淨宇何須着點塵纔容一物便訛真分開方正廉隅界

化作百千萬億身
秀多岐紛獻瑞
花開無數總藏春
隻錢囊底方羞澁
持照能令頓失貧

火鏡

能向日取火

燧人就日日宜中
空處生明得感通
直輾圓輪連赤道
長伸浩氣豁丹衷
葵心一片盈腔熱
寒谷崇時萬灶紅
不繼殘膏鑽朽木
輕煙早散漢家宮

水鏡

能向月取水

鏡月人間喜共圓
水晶宮殿廣寒邊
眼前銀海波傾瀉
掌上金盤露滴涓
藥液偷來勞羿后
桂槎所得倩剛仙
願隨玉漏清霄滿
賦奏明光獻醴泉

電鏡

懷舫詩別集卷二

二

寒光凜凜掣雲窩
照胆誅魂心自安
俗謂電 城府秘局
搜惡隱襟裾深護
辨形訛天威已懾
寬雷鼓神目難逃
代筆戈願借片輪
懸暗室終身衾影
保蹉跎

碑鏡

豐碑燭鐸似藜青
蒼石千年拜典型
雨洗風磨無垢體
月麗日曝有英靈
龍螭火發開昏霧
蝌蚪精搖綴曉星
不聞幽潛徒誦墓
寧留無字照空庭

錢鏡

寶花嵌背古銘鐫
硃翠斑成秦漢前
半掌掩如食既月
五銖持似鑄完錢
櫻莢不比唇脂約
椽筆難添眉黛妍
最好寒光藏帳底
夢回常見曙星懸

盆鏡

常飢季女照啼痕
酒盡床頭有瓦盆
汲井泉寒纖腕冷
握雲髻褊開窓昏
芙蓉面灑宜秋水
冰雪膚清本素門
粧罷臨池中自浣
魚沉原少粉脂吞

磚鏡

傳燈錄載禪師一日在馬祖庵前磨磚祖問何為答曰欲得成鏡

斷巖殘甃浸山泉
歲月消磨不問年
泥滓澄時存性古
垢塵離後發光堅
一空自悟虛能照
歷久方知白是玄
面壁原忘磚鏡相
於今撒手更無磚

僊鏡

述異記載海外日林國有石鏡方數百里照見臟腑可以療疾名仙人鏡

傳聞海外隕星精
碾碎千尋肺腑傾
二豎膏肓除諱疾
重門洞達見開誠
誰為孤孽呈君父
雅託金蘭向友生

懷舫詩別集卷二

三

願俟蓬萊清淺日
鑿山建柱殿前楹

天鏡

梁簡文帝幸阿育寺錢敬云懸天鏡於域中謂天光也薛道衡老氏碑亦云光垂天鏡

抗懷玉宇仰高華
俯照森羅萬象奢
磨蕩生明惟日月
掃除難盡有雲霞
臺前駕鵲虹橋潤
屏裡翔鸞雁陣斜
人物河山無際景
看來悉是鏡中花

湖鏡

太白詩開帆入天鏡蓋謂湖光也宋范成大詩掉入濕銀天鏡中元薩都刺詩西湖天鏡

碧隨地俱此意然愚以為不如直名之曰湖鏡

澄湖霜湛靜涵空
搖動星河沉綠中
荇藻沾衣新柳染
芙蓉浴面曉霞烘
鶴翔月影歸瑤闕
魚泳荷香入碧叢
人在瑠璃光界住
珊珊骨響玉玲瓏

業鏡

俗言森羅殿上有鏡能見其人生前諸惡業善惡像

夷跖同歸世共疑冥途誰道少南離業存盡見空爲色
棺蓋方明是與非耿耿燃燈照無漏恢恢鑒影得多師
移懸心上常回照陽虎何難倣仲尼

金鏡唐相張九齡曾
上古金鑑錄

古今一鑑越千秋製自皇農歲月悠揖讓征誅窺舊跡
急荒兢業警前修禹功殷鑒興亡樣往轍來規傳通郵
豈止帝王宜仰面儒生晨夕寓雙眸

屏鏡有以鏡爲圓
屏及插屏者

屏山幾曲錦堂寒倚遍巫峰見舞鸞獨立佳人釵十二
無雙國士劍闌干樽罍進客加酬酢面背相君盡委端
移近南榮邀畫景渾疑堯日出圓闌

懷舫詩別集卷二

四

海鏡海濱有蚌小蟹其於蚌腹饑則出而覓食食
畢入蚌中蚌以蟹爲饑饑則見名曰海鏡

惹類相依饑渴同知爲倫物著和風草蟲近見無殊體

四川有藥其葉夏爲草其
根冬爲石名曰冬夏草鳥鼠何疑共一宮蟹識弢形

明納甲蚌能藏垢守黃中曠觀胞與皆同氣對此應爲

一撫躬

心鏡

莊謂環中應莫窮須知無定乃爲中物來有跡心方照
物去無形衷自空禪說宗傳生卽性儒云天命理相通
誠存鏡體明推用祛欲敦仁作聖功

月鏡

舉酒邀來欲問難人間同照異悲歡關山笛裡含顰望

歌舞樓頭帶醉看圓缺君恩分向背陰晴天意亦喧寒
一生幾得當頭好又見西巖墮似盤

玻璃鏡來自西域原爲玉屑近皆燒成
非太質矣真者難得一名頗黎

天馬隨來價久騰光欺玉鏡掩珠燈羊脂琢作雲千片
蟬翼堆成雪幾層秋水當眸開曉匣霜潭照面怯春冰
炎天素錦懸亭午枕簟清寒有凍蠅

火齊鏡拾遺記渠胥國有火齊鏡能
於闇中照物且能隨聲答響

月盡珠來繼日餘仍留寶鏡顯幽居閨窓描黛分深淺
獨夜吟騷聞嘆噓光照清宵愁耿耿聲傳空谷響徐徐
更長燈燼閒相對似與僊人話碧虛

蝕鏡

懷舫詩別集卷二

五

美人黃土古驚心歲久光殘夜壑陰一閉香奩埋鈿玉
重隨金枕出幽沉曾開笑靨添螺黛記照新粧盡寶簪
剥落到今誰復顧鍾情相對感亡琴

圓鏡卽陳樂昌公主事

往事徒傷奪馬悲金甌竟與玉同虧楚歌愁聽騅無逝
秦鳳驚飛簫尚吹照月華燈新艷曲還珠海浦舊羅幃
不如宵井甘隨死破鏡留刊節婦碑

懷舫詩別集卷之三

閩漳竹枝詞有小引

蠻烟瘴雨邁萬里以賦孤征斷髮文身撫十城而爲
長吏琴焦鶴瘦不值祖榮一錢服異音殊難署陽城
上考齊王門前鼓瑟怒客不吹竽坡公海上爲文強
人妄說鬼草木鳥獸名多識於詩云月露風花技無
同乎作者非堅白同異之辨寧如郊行談天記山川
景物之奇何異齊諧誌怪雖無三異政猶有百蠻詩
榕樹婆娑一畝陰霜皮古幹歲年深風吹四季皆秋響
路左停驂感客心

傍水依山烟火稠百家共住一圓樓郵亭到處僧茶供

懷舫詩別集卷三

一

且息勞肩下竹兜

健飯輿夫趑趄忙糕糜隨路塞空腸日間辛苦夜間賭
落得連肩滿背瘡

誰家高塚華山旁華表豐碑短石墻舊壙潛開新骨換
教人何處認耶娘

高阜平陵怪石攢團團臃腫不中看晚來返照前林黯

烟雨迷離黑似磐

額頭廢壘列杉松落照荒烟靖遠烽客過關前思往事

但聞山寺一聲鐘

頭尖腹闊海船形浩蕩風濤一葉萍天水瀾漫何處認

日觀島嶼夜觀星

千峰萬壑匯羣流水急灘深亂石稠激浪成雷開棹下
浮生到此悟虛舟

村頭羅列糞坑多覆瓦垣墻養種禾偏向厠邊開飯店
厨名香積果無訛

屋頭瓦似赤城霞窓小簷低竹樹遮富室更誇高脊好
要塗金粉映丹砂

筍輿來往嘆栖栖利鎖名韁束復西瘴雨蠻烟催客老
傷心那聽鷓鴣啼

高處開園阡陌連蔬畦麥隴雜栽烟水牛不及黃牛力
草柴支序飯厝邊閩呼厝

市頭海物列奇形容過腥風夾路生禹鼎鑄來多缺略

懷舫詩別集卷三

二

更須山海補遺經

言語殊方各未通閩中從宦耳全聾他年詩稿重刪改
獨有禽言更易工

聽訟從來易憚煩更難爽捷是傳言抑揚緩急憑奸吏
焉得民無盆下冤

名姓難稽應考童一人數卷半雷同不圖院試圖他售

文字荒疎取利工

小小歌臺僅丈方咚咚鼓響旦金粧大郎旗上龍開爪

賀客稱觴唱土腔俗呼人爲郎春元爲大郎

石坊高建勢巍巍官顯能增里黨輝富貴却來欺父老

鄉人愁殺錦衣歸

戶外家家挂竹牌門前白石砌成街風來難揭湘簾起
何處春遊暢旅懷

五彩屏高黑漆光官衙處處坐汾陽顏面官遠難攜去
流落人家夾板牆

織成倭緞閃金花綿軟平裁厚更佳六月炎風締絡少
著名海內有涼紗

水晶五色號奇珍雕刻精工價百緡獨有墨晶光似玉
極書偏愛老年人

壽山石價玉爭高名手鐫成誇寶刀近日芙蓉多賤售
道人多愛墨晶毛

飲酒才口獨尊近年鼻內可吞烟珊瑚玉石雕壺巧
儂舫詩別集卷三

珠寶鑲成價百千
日中多少趕墟人只識番錢不識銀閭地有山無寶藏

財源浩蕩是波臣
水沉香藝小洋爐洋造盤盂工緻殊洋畫美人標格好

雙眸如漆髮如硃
也養蠶桑也樹麻也栽藍草種紅花囊收芋栗非爲貴

一日三餐有地瓜
倭鐵爲刀霜雪凝洋油澆蠟與風爭布名火浣裁衣好

不怕劉家婢覆羹
蘇木胡椒未足奇玻璃琥珀品仍低珊瑚成樹真珍寶

聚大東珠帽頂宜

年年文旦進漳南長至開匣剪貢柑百擔千夫馱載去
紅塵一騎古侈談

四角琉璃碧玉瓶紅毛美酒價非輕雞缸斟出丹砂色
攻破愁城仗此兵

啤吱蝦子羽毛紗哆囉呢來哈喇吧夾板舡高泊鷺島
到時先買武彞茶哈喇吧一○囉番音落喇番音辣

鄭宅茶名達五都旋烹細品說工夫客來難解相如渴
可得盧仝七碗無閩中品茶壺蓋甚小名爲工夫茶

曾聞奇巧戒羣工近得張騫西域通不用雞人傳曉箭
袖中買得白鳴鐘

龍盃蠕蠕列酒肴欲窮口腹廣厨庖嗜癖有癖誰能解
儂舫詩別集卷三

對爾忘餐如紫匏
江瑤柱羹口流涎舌吐西施脆復鮮滿市蠅螬多賤賣

饒夫下箸省金錢
仁栽文旦剪同時紅白壤分對酒卮寒夜供盤邀客醉

珊瑚色映水晶奇
海南異味有栳榔椰老堆盤敬意將滿口嚼來如血塊

櫻唇吐送代茶湯
貧人夜市逐羶蠅擔上高挑小竹燈腐腦湯圓皆熱賣

米團包蜜拌糖蒸
草中結實號王梨皮皺如鱗味勝飴類外尋常佳菓少

甘寒却與酒腸宜

紫袍碧帶玉凝脂五月街頭賣荔枝多食盡言能却老
小人有母遠難貽

烏瓶貯水瓦溝渠夏月人家養鬪魚何事爭端及細物
魚麗名陣果非虛

四季瓶園供艷葩冬來桂菊開山茶老梅窓外猶堪賞
綠葉成陰滿樹花帶葉梅花天下無

佛手離離窓外垂小山石盎映疎枝溜塵黯淡多歧路
應借瞿曇一指迷

枕柳歲老樹留雲丹實低垂映落暝扶杖長林驚五色
碧梧烏柏許爲羣

香柑香潔摘秋林入貢 天廷廟薦歆大內宣密盤似

懷舫詩別集卷三

五

玉鳥皮几上供黃金

洋菰五葉性甘寒別種番榴肉可餐朱橘味酸多作餅
明薑糖伴佐辛盤

荔葉冬青似栢松疎枝古幹矯如龍福元肉厚煎膏好
點茗馨香入酒濃

紫竹扶疎籬砌東最宜細雨與微風月明栖穩雙元鶴
常有慈雲覆密叢

幽蘭似草每當門修竹如蓬更長孫漫道清貧無宦趣
佩蘭食笋是 君恩

芭蕉展葉如舟大棕樹生鬚比帶長窓外嬌姝丰態好
斜飄翠袖露紅粧蕉有美人名丹心碧葉

婆羅蜜種樹亭亭結實居然類海萍漫說葡萄來絕域
雕題鑿齒慕威靈

竹間有鼠號和蝸肉嫩脂肥動鼓唇也入庖厨充異饌
豈惟象齒可焚身

地龍入藥亦充庖細切微烹列饌肴墻下有聲如怨訴
浮生何處避訾訾

蕉根有物細蜂腰食蔗名蠶八足趨腹內甜漿招口禍
身投鼎爍入烹調

畫眉巧舌奏如簧錯認樊籠作戰場海闊天空飛不去
却爭梁稻羽毛傷鵲鵲之外更聞畫眉

杜宇枝頭急喚歸能言鸚鵡賜緋衣九皋時有和鳴鶴

懷舫詩別集卷三

六

雲外曾無一雁飛鴈有紅鸚鵡不至

臺灣麋鹿性純陽舡載筋皮販四方胎腫血茸求更慘
戕生速死樂閨房

山高嶺峻逕崎嶇有虎潛來伏路衢勞吏三更燃火過
拚將微命捋尊鬚

額外山多平地少秋高雉兔竟寥寥會當縱轡郊原潤
風勁弦鳴鷹隼驕

三冬歷盡不圍爐往往花間細雨濡竹榻擁衾覺夜冷
曉來瓦上薄霜鋪

冰雪從無到眼看蚊聲夜斂覺輕寒浪遊萬里殊方客
帶得星星髮裏攢

歲朝蒸得米糕黏拌用沙糖和蜜煎何事辛盤全不設
世人盡愛口頭甜

元宵鼓吹市喧騰蝦蟇魚龍盡作燈神廟醲錢煙火盛
鰲山處處看峻嶒

祭非其鬼盡淫祠名姓離奇事莫稽更怪忘言天保廟
狄公若到定焚之

瞿曇說日寺僧忙檀越家家親送湯名是佛茶非苦茗
苗香香水攪紅糖

貂紫銀青時樣衣黃羅張蓋綴輿幃舍神路遇分官爵
傀儡逢場底是非

腰鼓橫拖唱稻歌也來額外舞婆娑詩言游女惟江漢

懷舫詩別集卷三

七

似尔風行遠更多

年年迎會喜新春旗鼓刀鎗共賽神一擺一搖知甚意

渾如潦倒宰官身

土人迎神俗例行必搖動其年豐收

生男弱冠走諸番日本琉球生意繁垂白年年疑淚眼

倚門望斷老親魂

讀書讀律學呈詞刀筆精通作訟師未害他人先害己

獄門常見爾輿尸

海洋風起浪稽天海上漁人競放舡名是漁翁實是盜

殺人沉水捕魚還

山高嶺峻路盤紆竹樹蒙茸亂似蓬險處綠林常肅聚

並無苛政更年豐

海濱大姓幾千丁恃眾憑陵藐憲刑更有逋逃 上策
土樓高聳戶堅扃

海上功名譬易成誰為捷徑惜繁縷由來引得人思亂
常想潢池盜弄兵

功加將備死亡多買頂何嘗親荷戈按冊稽年皆八十
安來如許老廉頗

火榕惡樹拂生瘡草葉吞喉解斷腸瘴氣所鍾生毒物
安能枯委類祥桑

海濱拐棍最無良婦女兒童販外洋禦暴翻成為暴客
扁舟穩載賣番邦

海口山頭鎮石城當年割據起戈兵太平盡化侯王貴

懷舫詩別集卷三

八

袁褚憑誰問死生

文公遺治已千秋閨閣風規教化留貧婦鶉衣行陌上

人人三尺布滕頭

貧兒糊口仗雙肩竹笠麻衣襟肘穿脚底皮如鞋底厚

踏來砂石軟如綿

赤脚綿裘布裹頭登山緣木似猿猴禽言獸性違王化

刳貧傷人上土樓

生男十二髮肩垂賣作豪家紅雪兒婉轉歌音渾不解

周郎座上竟如癡

興化女兒顏色好雙眉留待鍾情掃多少飄零嶺外人

懷春欲向柔鄉老

古道通津建石橋長虹高跨玉龍驕洛陽遺愛留千載
靈爽碑文鎮火妖

元妙觀中非冽寒官衙每汲供盤餐心脾憤浸清泉水

欲贈長安鞍客難

潭城內井泉觀中第一

由來花底活秦宮嶺表居然煽此風斷袖思深成按劍

棄家亡命爲爭雄

車訟多在變重

臺灣客到應重洋鹿耳門前驗警詳半路風濤何處泊

澎湖死在水中央

兩島消平四十年田橫墓草久荒烟白頭賓客何人在

猶記興衰海上篇

鄭國姓三代事有人記之甚詳

海潮朝夕到城邊應月隨時遞換遷流水無心成往返

懷舫詩別集卷三

九

那能稱意兩來紅

臺灣開闢海南洋種蔗爲生多販糖自古未遵王化地

今歸版籍是名邦

漳城三破慘兵戈四十年凍生聚多當日骷髏收百萬

誰人首禍失天和

周櫟園作監司日埋骷髏十萬

山枕孤亭城倚山四圍屏列翠如環雙溪帶郭朝宗去

萬戶炊煙擁市闌

國姓三傳兩島平託名忠義盡虛聲當時本少思明意

故擁藩王似子嬰

厦門鄭氏名爲思明州。明魯王于康熙二十二年破臺厦沉水死

海澄邑小號巖疆白浪翻天壓石墻砲匝女墻兵滿萬

當年曾此釣侯王

戍兵寥落嶺頭居暴客來時竊嘆嘘點火烹茶無足用
臨行睨視一軒渠

瓜期歲換戍臺兵盤據驕騫屢易名安得營州爲將帥
旌旗壁壘盡新更

天水微茫接遠空神山何處古難通蜃樓海市難常見
但有朝朝暮暮風

颶風忽起挾雲雷屋瓦飛騰樓閣頽海不揚波傳父老
由來德盛可彌災

漳郡東南文獻邦典章散失老成亡誰攜祿筆脩遺誌
此意山高共水長

懷舫詩別集卷三

十

懷舫詩別集卷之四

鴈字迴文三十首

首尾悉和姑溪邢喬若原韻

一東

重重碧落掃晴空
寒秋毫霜夜中胸
蘊文光瞻極紫
筆生花彩映霞紅
鋒藏樹外烟疎淡
月掛林邊字拙工
龍鳳飛成形舞躍
濃雲繞墨起紗籠

二冬

籠紗起墨繞雲濃
躍舞形成飛鳳龍
工拙字邊林掛月
淡疎烟外樹藏鋒
紅霞映彩花生筆
紫極瞻光文蘊胸
中夜霜毫煇露湛
空晴掃落碧重重

三江

懷舫詩別集卷四

一

誰擬高文鴻鼎扛
禿毫煇老欲心降
移來鳳詔裁雲五
換得鸞經鈎墨雙
姿態生花簪美女
雪霜傳信望遙邦
時乘興起塗鴉亂
拈字錦歸懷暮江

四支

江暮懷歸錦字持
亂鴉塗起興乘時
邦遙望信傳霜雪
女美簪花生態姿
雙墨鈎經鸞得換
五雲裁詔鳳來移
降心欲老煇毫禿
扛鼎鴻文高擬誰

五微

餘煇奮筆運霄飛
墨翰成空留素微
初自作詩唐島瘦
久經學字宋蘇肥
舒毫兔起聯明月
滿壁雲來寫落暉
書契開時神鬼泣
如何問世著名微

六魚

微名著世問何如
泣鬼神時開契書
暉落寫來雲壁滿
月明聯起兔毫舒
肥蘇宋字學經久
瘦島唐詩作自初
微素留空成翰墨
飛霄運筆奮煇餘

七虞

溪澄鑒影浴溪湖
結字高峰清興孤
低繫書辭傳武皓
遠遊客國列張蘇
梨園落雨寒題咏
月夜紫絲錦叙鋪
鷄犬昇空飛錄紫
携提兩翼振仙鳬

八齊

霓仙振翼兩提攜
紫錄飛空昇大鷄
鋪叙錦絲紫夜月
冰題寒雨落圓珠
蘇張列國客遊遠
皓武傳辭書紫低

懷舫詩別集卷四

二

孤興清峯高字結
湖溪浴影鑒澄溪

九佳

裁箋錦字綺雲排
得句佳時四序諧
才賦天人高嶽斗
舞成鸞鳳結倫儕
開花一筆夢長晝
炫色千霞落小齋
來往如文迴折轉
埃塵絕跡著奇懷

十灰

懷奇著跡絕塵埃
轉折迴文如往來
齋小落霞千色炫
晝長夢筆一花開
儕儕結鳳鸞成舞
斗嶽高人天賦才
諸序四時佳句得
排雲綺字錦箋裁

十一真

曠落書空揮黯塵
嶺高幾遍寫詩新
分章半歲記寒煖

合曆千年隨錢賓文印雪踪鴻似幻嶺橫雲篆鳳如真
軍傳羽檄飛烽塞勤苦愁音寄遠人

十二文

人遠寄音愁苦勤塞烽飛檄羽傳軍真如鳳篆雲橫嶺
幻似鴻踪雪印文賓錢隨年千曆合煖寒記歲半章分
新詩寫遍幾高嶺塵黯揮空書落曛

十三元

觀海奇文雄勢奔碧空書字有痕捫寬懷吟雪盟梅友
短翥揮風弄竹孫搏翼彩雲生變態滿毫沾露湛弘恩
九輪小看雙鳥兔翰運飛鵬爲大鯤

十四寒

懷舫詩別集卷四

三

鯤大爲鵬飛運翰兔鳥雙看小輪丸思弘湛露沾毫滿
懸變生雲彩翼搏孫竹弄風揮翥短友梅盟雪吟懷寬
荆痕有字書空碧奔勢雄文奇海觀

十五刪

烟霞有句好增刪渺渺愁歌夜渡關鐫字麗雲開智慧
著文元象警愚頑便便鼓腹吟鬚斷咄咄書空對髮斑
懸月斜行成綺錦天人淨界法書閑

一先

閒書法界淨人天錦綺成行斜月懸斑髮對空書咄咄
斷鬚吟腹鼓便便頑愚警象元文著慧智開雲麗字鐫
關渡夜歌愁渺渺刪增好句有霞烟

二蕭

郊晴起草一羣起榜掛僊靈奇字描朔月秋霄清興暢
御風春日麗文飄巢由寄隱龍章閣管簫協歌鳳律調
饒致高懷舒翰彩蛟校濡墨纖輕綃

三肴

綃輕纖墨濡校蛟彩翰舒懷高致饒調律鳳歌協簫管
閣章龍隱寄由巢飄文麗日春風御暢興清霄秋月朝
描字奇靈僊掛榜超羣一草起晴郊

四豪

訛傳勝事記遊遨雨雪紛飛集澤卑過處晴光烟與月
寫來愁句雅同騷多情客倦賦長漏斷夢香殘揮短毫

懷舫詩別集卷四

四

何若鴉羣栖靜夜波文細作枉心勞

五歌

勞心枉作細文波夜靜栖羣鴉若何毫短揮殘香夢斷
漏長賦倦客情多騷同雅句愁來寫月與烟光晴處過
卑澤集飛紛雪雨遨遊記事勝傳訛

六麻

行行字到寄山家樹遠留烟暮噪鴉章彩映霞紅日近
藻文沉水碧峰斜藏雲幻跡驚燕鳳急雨衝飛龍逐蛇
揚武高空長陣結黃元炫色煉皇媧

七陽

媧皇煉色炫元黃結陣長空高武揚蛇逐龍飛衝雨急

鳳蕪驚跡幻雲藏斜峰碧水沉文藻近日紅霞映彩章
鴉噪暮烟留遠樹家山寄到字行行

八庚

停機倦賦遠人征小閣空傳愁怨聲螢照細書成錦織
頽囊終老欲心驚丁年惜日秋毫濡丙夜衝寒霜字橫
靈蹟開天昭藻麗形殊巧舌鼓簧鶯

九青

鶯簧鼓舌巧殊形麗藻昭天開蹟靈橫字霜寒衝夜丙
濡毫秋日惜年丁驚心欲老終囊頽纖錦成書細照螢
聲怨愁傳空閣小征人遠賦倦機停

十蒸

懷舫詩別集卷四

五

秋清得意逞書能古調長歌和友朋頭白自憐常雪卧
眼青爭路捷雲騰游絲綴尾增文麗舊稿藏山迷霧層
疊墨花風洒洒留名塔上獨高登

十一尤

登高獨上塔名留洒洒風花墨疊稠層霧迷山藏稿舊
麗文增尾綴絲游騰雲捷路車青眼卧雪常憐自白頭
朋友和歌長調古能書逞意得清秋

十二侵

南峰障字錦裁侵寄得書時浮與沉談客肆游常脫穎
別離成賦有豪吟三山紀日閒來往滿潭悽心愁黯淡
函達遠邊秋寂寂餘趣夢往追尋

十三覃

尋追往夢超餘酣寂寂殊邊遠達函深黯愁心悽澤滿
往來閒日紀山三吟豪有賦成離別頽脫常游肆客談
沉與浮時書得寄侵裁錦字障峰南

十四鹽

鏡長共筆載留淹避地隨時遠暑炎巖接霜霄騰足捷
霧披風翮運錙凡庸警字觀踪跡卦畫懸圖著撰占
絨發神靈義繼禹艾除近體陋纖纖

十五咸

纖纖陋體近除艾禹繼義靈神發絨占撰著圖懸畫卦
踪踪觀字警庸凡鈺錐運翮風披霧捷足騰霄霜接巖

懷舫詩別集卷四

六

炎暑遠時隨地避淹留載筆共長鏡

咏鴈字極難限以韻脚更難重以迴文首尾俱限韻
難中之難也運以錦校纖成巧製當自爲一集以誌
詞場佳話沈確士評

懷舫詩別集卷之五

蠅

公族何煩風雅傳
鷄鳴而起已翩翩
集羶逐臭應休矣
涅白奪朱竟漠然
擲筆書生成底事
穴窓學士結何緣
獨傷去國憂纔客
三復詩人愷悌篇

蚊

利口長舌譖暗侵
飛而食肉性行陰
常沾鳥喙生人血
忽奮紅顏死節心
潛入幕中充隱客
羣來洛下亂孤吟
逐臣澤畔憐憔悴
肥貴人間別向尋

螢

露墜雲流夜已深
螢燈來照不眠心
成堆消蠟憐當日

懷舫詩別集卷五

垂老讀書惜寸陰
腐草遶陽仍耿耿
寒灰撥火竟沉沉
無明明盡明無盡
擬共雙丸耀古今

蛛

莫羨垂綸渭水邊
當門藉不謝時賢
如天張網何妨漏
似繭抽絲亦可憐
飛絮落花皆繫累
輕塵微露本虛懸
須知不如還無吐
息盡經營自宴然

聞蟋蟀

餐風吸露本無爭
身世相忘足養生
儘可藏舟歸澗壑
何須賈勇事縱橫
蕭涼時令存同調
浩渺秋容久自平
莫作穴中兩虎鬪
相殘會見一先傾

聞鷓鴣

來自田間短褐衣
忽橫長劍說兵機
秋高風勁雄心起
食野栖葭素願違
血戰雖多功績少
稻梁難索羽毛稀
主人何日憐牛馬
歸放閒身隴外飛

鷓鴣有帶劍
掉花各名

聞鷄

連栖塹上共溫寒
誰遣登場搆譽端
敢死無勞施鐵距
成功不肯受纓繁
身先兩翼前無敵
血漬危冠戰未闌
一旦衰疲成棄肋
何如舊作木彫看

聞魚

元黃龍血溢溝渠
勝負無常嘆老漁
從此江湖雄戰國
不須行陣攷兵書
異同詰難先莊惠
恩怨成心效蠡齊
若使功名到烟水
吾知人類久爲魚

懷舫詩別集卷五

二

蘭虎

用梅村先生原韵

如姬纖手弄兵符
履尾拈鬚點翠珠
忽縛使君歸窰室
姑寬令尹入縲厨
烟銷香霧窺全豹
雲擁巫山負一隅
從此紅顏生羽翼
柔鄉欲老更躊躇

窰室一
名窰室

茄牛

秋圃風霜集牡丹
太牢饅餉佐盤餐
灌園月夜聲無喘
登俎賓筵體自完
非角爲犧成享少
罍鐘乏血入編難
千頭採割皆披導
始信庖丁游亦寬

煮鵝

枯骨胡然羽化輕
纔辭涸澤更霄昇
令威帶蛻來滄海
子晉乘鰲返玉京
鴻漸爲儀原駘駢
鵬飛求侶是鯢鯨

攀鯨附翼皆卑論能識鳶魚見幻形

蟬猴

曾聞頌瑞到羊頭近見貂冠冠楚囚喜尔忘言叨厚祿
相君無骨得通侯弄丸爵晉功多幸執矢身亡命不尤
獨有祖公稱巧幻神仙封拜竟雙收祿代露
幻代宦

薜蘿

文心雷雨故萌芽月色風光燦作花惟許三湘題蕙蔭
何堪五鳳繪雲霞開摹奇字來元閣雜採龜毛問作家
近日中書公老禿會須宣拜到蒹葭

橘燈

夜遊秉燭洞庭中彩炬千枝燦晚風烈澤焚山驚鳥獸

懷舫詩別集卷五

三

欲觀列肉樂兒童絳帷半掩書燈耿祇樹雙懸佛火紅
欲觀慧珠生肉照澄潭印月一心空

莢船

功堂盃水悟泡漚便溯仙源得故丘斧鑿逢人開渾沌
根芽入世誤雕鏤蹄沙酣戰伏波績簪潤高牽上瀨游
我欲揚舠星漢去逍遙九萬一小壺舟

蓮蓬人

拂袖沾裳秋露寒蕭涼不著進賢冠獨存舊制官儀古
已折孤標直幹難君子襟期惟朴素野人風味足盤桓
幻身與世相遊戲姑作逢場傀儡看

曆

展卷如天度正長包涵今古閱興亡篇貫徹通三界
半部炎寒判兩行看去幽明生死見以時倚伏吉凶藏
家頒戶誦無人識祇是空空沒字章

律

誰知古樂與聲通譯語方言共一中生子娶妻皆定象
旋天轉地互為宮炎歆青女吹寒玉冰雪紅兒舞惠風
若使人間無怨曠君王喉裡得黃鐘

器即物

日月雙懸著大明浮流河漢結星精乾坤顛倒山川見
水火交關金木生樹石豈無飛躍意風雷能和鳳麟聲
人身萬類皆全備儀鼎何須設象形

懷舫詩別集卷五

四

道

本鮮名形無始終聖人和用體常中老聃隱索元珠暝
釋氏虛傳薪火紅生滅皆空天地息義仁盡廢暑寒窮
命天率性仍修道教學人間大有功

藥名詩

春潮朝惱亂寄江姜隈堤畔青蒙礫莢杏開每愛
艾絨茂拈纏巨勝不甘草闢蘭煤王孫久爽當歸約
絃元索空傷遠志懷續斷城西犀角韵起落花聲生裡
醉香醅春

梅實垂蠶半夏前高槐葉落麥黃連威靈靈掌承丹液
冰覆花枝舞玳代筵益啼木綿棉蠶啣露鹿草洗桐子

細汲潤泉水呼兒茶罷青精熟飯飽從容夜合眠

深秋石冷綠鹿苔胎焦百草霜寒橘柚彫竹葉杯前胡

不醉菊花開後厚頗朴無聊西河車騎防烽風急北地

榆關握雪遙握雪遙石名之梔子空隨書蠹老忽騰遠志上

烟霄硝烟草能止血

舊柏游油羣訝白頭翁榮瘁人身參草木通丹桂枝飄

霜薤白歸鴉片帶暮山紅山植一名紅果一天冬景空青外

滿地黃花浪蕩中欲訪赤松子共處雲零零羽化自然

同銅

閱世詩八首

懷舫詩別集卷五

五

錄出附於諸稿

人生聚散復何常况值萍踪遇宦場絀盡聰明方有益

渾此同異更無妨豈真世醉君獨醒為甚他閒你自忙

留下情緣在死後冤仇省却鬧關王

江河日下決堤防和順應知策最良自是量弘才乃大

若然機險禍終長圖名竟爾為名敗好勝終須鬪勝傷

休說漢唐朋黨事喪身累友國淪亡

進學童生喜不了尚書告致惱難休華亭鶴記生平事

上蔡犬悲往日遊豈止文章為芻狗寧貪榮利作犧牛

孔明若曉其中理早效張良辟穀遊

何苦憂愁過一生祇思差利與榮名金戈相傍傷人物

吳腐為官感夢形積厚多崩常聚散登高易墮互虧盈
今朝貧賤君休恨得福雖輕禍亦輕錢之為字金傍雙戈先相國之訓也

夢見得官出莊子

纔聽流鶯又聽蟬雙丸飛跳送華年忙中負却閒風月

好處丟開古聖賢尤悔漸多心漸苦求謀難厭命難延

一朝客散人捐館萬緒千頭總寂然

咸里身亡錮後昆北門金盡墓碑存輸贏裏局枯心血

功罪春秋嚇鬼魂可惜眼明心轉暗那知身去孽空存

爭權費盡千般計若個常能虎子孫

從來作偽更心勞多策爭如少策高富貴不由機巧得

輕浮未許祿名叨華臘春長秋殘草思籠寒假煖棄袍

懷舫詩別集卷五

六

看得一身如一物顯藏榮瘁任驚驚

好席曾無不散時老彭八百有終期龜齡鶴算誰云貴

夕死朝聞聖所奇地獄天堂皆誕妄神山大藥亦默癡

生吾順事死寧也此是人生七字師

懷舫詩別集卷之六

江南竹枝詞 有小引

一度嶺外常作莊吟三點江濱聊爲梁甫白頭有客
難追杜老七歌黃壤無依豈發梁鴻五噫賦蟋蟀草
蟲之句意托風人招子山何遜之魂心傷逝者况六
朝之流風遠韻猶存堤柳庭花憶廿年之擊楫垂鞭
多是楚些吳咏滄波碧嶽毫端頗富山川廢寺荒墳
眼底欲空今古海棠嘉樹須教留句於斯黃鶴仙樓
莫評題詩在上牙排已却安能詞撰迴波王霸非關
那復聲聞控角效楚大夫之美人香草盡入離騷傳
諸君子之玉茗金樽平添旗鼓自晒紅兒世少徒勞

懷舫詩別集卷六

一

終夜比成還知白也敵無莫惜百篇草就竹枝歌待
和白雪調爭傳

隋家金線禿千年殿角清謳譜失傳黃葉亂飛征客路
滿堤風雨散荒烟

烟雲無際認迷樓菱盡瓊花月尚留獨照寒砧敲暮夜
滿城霜氣一天秋

玉鈎斜畔草凝烟黃土常埋絕代妍金梳何曾留地下
柔魂早已散風前

廿四橋頭佳麗重客停鶴駕醉穢穢揚州三月烟花少
冷落天寧古寺鐘

梅老吟無何水部駝來人避杜樊川白鹽早掣歸銀甕

紅粉徐求列綺筵

平山不到漫多時常誦襄陽米芾詩淡墨遠天誰着眼
紫霞還是染熱脂

曾共同寮暫一遊喧闐担子馬輿稠淮南迎客皆穿補
山衲談詩近打油 與前引導者謂之担子

朱欄翠幕小舟橫碧水青莎淺復清送酒催詩皆不足
燕姬越女渺無形

揚子橋邊春水多離宮雲鎖戶蛛羅忽聞梵響高吳寺
驚醒從遊往夢訛

寶塔燈懸照紫霄青波春漏夜迢迢宮中欲演新歌舞
苑外如聞玉步搖

懷舫詩別集卷六

二

過江風景節并幽妓髻高梳號鳳頭玉手琵琶拈撥處
一聲西調古涼州

画手琴師白相行曳裾懷刺謁網商高門懸簿從容到
先見豪華安二郎

埂子橫排百貨橫驛行招客盛盤餐携歸低貨人情薄
領得瘡驢行路難

高歌痛飲執鞭夫不放花間春興孤雲雨纔收塵土起
襄王殘夢到登塗 驛夫能隨走隨騰

画船彩鷁儘光輝輕快何如草上飛朝往暮回催客去
夜來蓬底是鴛鴦

由來河朔飲粗豪邠上新歌節節高舞罷亂敲柳子響

秦聲驚落廣陵潮

瘦馬難求骨駿奇
柔腸餓斷性終癡
忽傳才女千金價
能記風輕雲淡詩

玉人何處憶簫聲
散入雙城風露清
孤客推篷中夜望
二分明月十分情

瓜洲江水繞城闌
潮去潮來歲月新
日日靈旗吹古廟
年年簫鼓賽龍神

一片旗懸報好風
棹櫓千扇起江東
新開漕路衝梢入
羣頌堯仁繼禹功

漕渠不由舊道開治瓜洲城砌石開道

滄海日摩浮玉塔
紫霄雲護妙高臺
滔滔江湧孤峯出
昂昂山鳴萬乘來

懷訪詩別集卷六

三

三排水勢一山分
暮鼓晨鐘兩岸聞
常說魚聽春曉梵
更傳龍宿海堂雲

閒雲深鎖樹重重
霧霧藏形處士峯
春送來山多野鳥
月過過澗有枯松

仙人養拙在何方
豈到人間管夢場
縱使分明如面語
醒時前路自茫茫

滄洲遺興泛沙汀
釣得沉江瘞鶴銘
痛惜碑陰書盡剝
令威雖返翅凋零

賢鼎原因胎補舍
山僧好事說周王
寺殘山僻高人意
卻賄何堪入上方

焦山寺銅鼎乃嚴分宜子世蕃之物王弇州亦因此得補嚴殿舍入寺中

千秋北固江山古
六代南朝勝蹟多
依舊羣山圍鐵甕

難將流水返金戈

粉堞連山壓墨雲
吹笳城郭帶殘曛
樓船鉅海分旗隊
禁旅防江駐馬軍

蒜山形勢本迢遙
曾此陳兵萬騎驍
石笋訖傳從古有
一拳想是蒜山苗

蒜山甚大歷無名今指江邊一笋曰蒜山乃俗傳失實也

傳聞抱璞葬江心
龍護鰲擎玉不沉
錢鳳算來終一死
道明順逆勝仙禽

仙禽謂青鳥錢鳳乃王敦用人

環郡皆山面面青
人無登眺戶常扃
窓間雨後全遮入
不厭相看是敬亭

正江人皆不好遊

烟草難尋寶晉齋
上皇樵子識茅柴
名酒可憐良鐵成灰
土花石平泉枉繫懷

懷訪詩別集卷六

四

幽境郭南招隱寺
歷無官到怕休官
山靈自不啻塵駕
姑射城頭笑蕊寒

劉毅孤貧喪志行
担肩一擔萬金輕
至今博者皆稱道
先悞牢之親外甥

石能蓋劍說荒唐
依樣葫蘆画柏鄉
柏鄉北有光武新石人事因此
並疑芒碭事白蛇
自斬本無娘

彎弓閒射江頭月
奮筆橫生足下雲
宵子賦詩兼舞樂
將軍好武也談文

籌時海運說難通
輸輓長番賦二東
倉庾朽紅宜間減
謂宜問一年或準平食貨古今同

至陽重累是挑河
潮去潮來似織梭
天遣波臣輸貢米

脂膏枉墊雪冰竊

梅花柳色古朱方水驛山亭去路長潮湧扁舟風送客

丹塗纔過早丹陽齊廢封奔吳吳封之於朱方即今丹徒

丁卯橋邊水細流陟山湖外稻花秋青田白鷺斜陽岸

殘月曉風畫舸樓

潭空龍隱雨雲荒秋入離宮草樹黃鶴髮翁來悲續嶺

瀟湘竹在鎖連昌

漢家坏土久分崩過客猶稱下馬陵皇覺寺中能悟微

大白牛駕最高乘西京報藝陵本為下馬陵人傳明祖像諸公化身

門啓朝陽沙路平牛車塞道載柴荆架鎗繫馬安堆子

却認陪都是盛京

懷舫詩別集卷六

五

行人路出小東門宮殿成灰瓦礫存甲士弓刀材猛銳

將軍笳吹勢雄尊

中山開國建名園石裂池荒大樹翻奕代功勳歸草莽

更無人識故侯門

憲府尊嚴制兩江重臣簡畀鎮茲邦兩餘綠野多驅犢

月下花村少吠羗

三山街上承恩寺聚寶門中文定橋四顧繁華無五里

千門萬戶盡蕭條

絕少笛吹桃葉渡久無燕到莫愁家秦淮月夜聞歌吹

羯鼓催開兩岸花秦淮燈船大鼓節歌

南朝五百知名寺半化丘墳半野園佛閣成塵鐘臥地

菜花開遍紙錢翻

雜還長千車馬聲麗人春畫出傾城報恩塔上添油去

點着佛燈眼倍明

市樓十六建明初妙選聲容舊院居南陌多添蘇小墓

故家爭重馬湘書

試院門前淮水通隔河便是藥珠宮狀元歸馬攜春色

喜音仙花一捻紅貢院隔河即舊院

雪霽江頭未減寒迎春千騎擁臺端雲中花雨無餘朵

山際朱纓有萬盤兩花臺迎春時山上紅纓帽是一大觀

王概武丹名浪傳高家筆致欠天然櫟園樓廢誰知讀

散失襄陽書畫船

懷舫詩別集卷六

六

少陵遺老號茶邨身死渾無誌墓孫大布深衣封不樹

誰人知弔古詩魂

竹樹西郊爽秀開湖邊隨意有亭臺樓中豈少盧家婦

誰暇扁舟載酒來

承恩精舍客居停院窄墻高雜市聲何不避喧甘執熱

貪看侍立小童清

樓閣峻嶒古冶城山光湖色暫將迎非來嵩祝觀雩舞

誰肯偷閒冷處行

清涼山畔晉梁墟春樹花開億萬餘想為東南繁盛極

故教錦繡補天虛

元鳥來時江水春啣花剪絮更撩人雪中若上山巔望

白燕梨花映墳銀江寧近城景以燕子磯為最

江流中貫呂蒙城蒙死千年墓久平里老修祠祖壯繆

廟基壓骨事堪驚

昔人掘地得僧屍忽化為牛東向馳今日奔牛驅牧者

母將痛棒打禪師

季札城高枕水濱驅連泰伯祖孫隣延陵酒美無人贈

且買粗麻驛市中府中著名秦伯城在無錫

蔚蔚龍山紫翠連秦園閨已落荒烟來遊佳客煩襟滌

首問孤亭第二泉

臧堰橫林江幾灣迎人隱隱是龍山社神廟小香燈盛

不及牆西散木閒

懷勝詩別集卷六

七

沿江水驛饒花夫寒暑牽舟口藉餬赤脚踏歌豪蕩甚

高賢疑爾隱柴屠

平江千里水滔滔密設關津上下牢川中水關名牢今尹元

文全不識老君欄住拔牛毛

寒山寺外客船繁楚米川梁落帶施夜半鐘聲今不起

僧伽拈碎野花枝

虎丘石路接山塘七里三橋眾妙香高柳垂陰遮酒館

佳人結隊入僧堂

中秋明月虎丘多酒舫燈船塞滿河入寺笙歌無隙地

恰如雪夜蔡州鷺

採藥逃名雍仲國吹簫興霸子胥門城高似表廚三頃

響猶思越併吞泰伯有國傳弟雍仲太王死季歷以國讓伯仲者三故論語云三讓俱見春秋

范蠡何功得祀吳祭非其鬼太糊塗鄧亡尚有包胥哭

越霸空傳伯詔誅

胥江分派入支硎雨後飛來佛頂青水畔麗人遊洛女

河源使客泛槎星

高士宅留千尺雪法螺庵擁萬株花是紅深淺皆堪愛

祇為春光本有涯

慈雲一片覆春陰豔藥嬌枝繞碧岑到此春光更燦爛

入山原要入山深

懊惱當年湯使君上方山路寒重雲春遊渾未舒蓮步

懷勝詩別集卷六

八

已見歸鴉散落隰

姑蘇臺作梵王宮鐘鼓音傳曉暮風響歷幾聲雲散盡

錦衣一閃電歸空

鄧尉山中百萬梅春寒常伴杏花開遊人如蟻輕攀折

詩賦誰方何宋才

百花洲上麝香幽自昔中郎已倦遊金汁灌田多獲稻

名花傾國恐生愁見宋集中

專諸巷鮮俠游客古董行多作偽人女解承恩非在貌

物能得價便為真

昔時白傅留詩卷今日香山剩酒船散盡黃金無死士

成歌舞有昇仙

香關爭買好輝鮑老盡當爐酒肆存黃四娘家花已印
嬌鶯戲蝶傍誰門

閭閻告甌易生塵逐末雖多不救貧未滿十家三酒店
近開茶肆更鮮新

鵲兒頑聚一堆良材遭遇刻成灰貧家養得如花女
盡被鵲蟲嚼出來鵲蟲人名

丹與曉暮看容光珠簪花衫錦繡裳養住媒家粧束就
買成祇剩玉溫香

吳兒五歲便從師學唱千金百順詞但得邀金隨所往
走馬奔越返無期

生成兒女性聰明習舞教歌百技精春色常留鶯燕在
藍關雪擁路難行

懷勝詩別集卷六

九

滄浪亭子枕城南傍水樓臺影靜涵遷客懷憂求自勝
靜能制動孰深耽

王符基荒草亦枯張家兄弟販鹽徒金甌蔡葉黃乾癯
誰料天風又蕩吳

張士誠時有黃蔡葉三人用事民謠云一朝西風來黃蔡葉乾癯蓋明祖

時吳三

觀裏仙人蓋玉棺風雷猶降舊齊壇門標祝誦黃冠客
祇騙喪家一飽餐

三江分派越婁門望裏烟埋齊女墳更起一峰青滿縣
定知地脉接崑崙

州治元時建巨倉神輪鬼運有朱引津門浮達三宵晝

破浪乘風萬里長

澤國魚鹽厚貨財長年得意海中回落帆下鉞瀏河口
先祀天妃戲一臺

壯體酬神高起檣風潮夾逼渡滄茫渡海必用風潮夾持東風行落西風

也

行深廖高嘴外龍三窟花鳥山前雁幾行廖家高家二

十年滄溟泛槎臣閱歷風濤雙鬢銀二十四回逢海若
神山何處是通津

崇城五徙築長沙崇明建城帥府風雲建蘇牙廢署鼓

懷勝詩別集卷六

十

吹餘兩部私哇聲壯嘔公蛙有言余未

田號棠金塗覆沙四分稻麥六分花葡萄苜蓿皆無用
奇種調飢有地瓜地瓜未

樓船破賊傳岐鳳崇鎮梁化鳳陝西人居守功高有一

龍崇鎮赴江寧賊回船上岸憤恨攻城漸入舟山平鷺

島崇鎮門臺澎從此展堯封

一身去國三千里兩度游吳二十年娛老苦無歸着地
題詩寫遍水雲天

皇華陳採豈吾儕物候隨時蟲韻諧軟事方言登野史
莫譏詞賦類優俳

楊鐵崖有西湖竹枝辭三十餘首一時和者甚衆然
只流連光景而已百詠瑣事俚言幽情豪興彙而成
詩凡風土民俗盛衰得失一一寓焉讀去有秦箏羌

笛之韻有秋笳塞角之聲使聞者醉心悅耳感激豪
宕規治忽者可備考鏡不第與鐵崖較短長也長州後學
沈德潛跋

魏憲副念庭先生詩詞序

從來詞人之詩期於纂組英華隳順體勢以求工於聲
律格法而已惟夫原本性情發揮忠愛上而敷陳功德
下而感懷時事贈答僚友而以其緒餘旁及於山水花
月之間則其人爲傳人其詩爲傳詩而非尋章摘句比
於雕蟲末技者可同日語也柏鄉魏憲副念庭先生爲
相國正菴公令嗣相國粹於理學長於經濟爲 熙朝
人物之冠而其詩高出一時北方學者多宗仰之先生
紹聞家學以其經術爲救時之吏廉而不劇嚴而不苛
拊循吏民而各愜其所欲始佐郡濠州繼刺漳江又繼
而駐節京口弊除利興民皆休息因得於政治之暇發

序

爲詩篇揚厲 盛明天保以下之頌禱也將母作歌四
牡使臣之懷騾也撫時觸物跌宕感慨大東之告瘁民
勞之憂心也燕會僚友往還耆舊吉甫申伯及仲山甫
之餞送而永懷也至於登高臨深采擷花草吟弄風月
若無當於興觀羣怨之大者亦不入於纖小鉅釘之習
夫豈屑屑焉取妃青白僅以詞華自矜者哉嘗觀古人
以義理政治爲之原而詩文仍不朽於後世者如元魯
山李贊皇韓魏公朱微公之流議論卓越詞藻壯麗雖
片言隻句猶想象其風采而企慕其爲人今先生治行
傳於八閩江左之口而詩詞之可傳又追古人而從之
其殆後先一轍者與潛辱先生文字知適館授餐有加

靡已故知先生獨深蓋先生以天授之姿得家學之正其於理民治政亦祇行所無事然而況於文章又況於文章中詩詞之末耶世有目先生為詩人者甚勿以知文許之康熙後壬寅八月長洲後學沈德潛題於黃葉夕陽村舍

序

二

懷舫詞目次

江南春

思帝鄉

歸自謠

水晶簾

三字令

巫山一段雲

浣溪沙

採桑子

南鄉子

南柯子

虞美人

前調

南鄉子

蝶戀花

踏莎美人

好時光

揉碎花箋

聲聲令

越溪春

千秋歲

懷舫詞目次

解珮令

最高樓

傳言王女

剔銀燈

古陽關

春雲怨

百字謠

滿庭芳

又

水調歌頭

水龍吟

角招

瀟湘逢

一萼紅

擊梧桐

西江月漫

沁園春

賀新郎

沁園春

詠美人足

沁園春

九日即事

沁園春

前調

前調

霜葉飛

十二時

鶯啼序

鶯啼序 崇川春望

春霖

琴調相思引

菩薩蠻慢

荔枝香近

尋芳草

梅子黃時雨

透碧霄

奪錦標

子夜歌

山亭柳

鬪百花

酬江行

看花回

四園竹

驚山溪

早梅芳

瓜茉莉

懷舫詞目次

二

長亭怨慢

步頭蓮

金縷曲

懷舫詞目次續

滿庭芳

歲字木蘭花

前調

一叢花

山亭柳

沁園春

大江乘

花心動

前調

雨霖鈴

一叢花

滿庭芳

尋芳草

探花信

浪淘沙

前調

山花子

前調

浪淘沙

沁園春

懷舫詞目次續

一

解語花

疎簾淡月第一體

玉蝴蝶第三體

瑤臺第一層

再題像贊

懷舫詞

江南春

殘月落野雲飛半篙新水嫩幾點遠山微冰消梅老鶯
花晚二月江南寒未歸

思帝鄉

燕市酒上元燈紫陌飛塵隨馬踏歌聲腸斷香車繡幕
恁盈盈今夜淮南春月舊時明

歸自謠

煙樹暝遊子遠遊如斷梗岸風搖碎寒燈影篷窗月照
春宵永名心冷不遑將母為誰詠

水晶簾

在江南
寄內子

懷舫詞

一

小樓此際又春風日高春繡窗紅斷香殘夢好把寄吳
儂梁上舊巢雙燕子今到否捲簾籠

三字令

春曉填
示兒輩

春又到霽雲飛弄朝暉湘簾捲篆煙微好攤書休負却
日長時

巫山一段雲

弔亡
妓

浴浦驚鴻杳行雲入夢遙清歌紅豆憶寒宵心上種情
苗恨有留傳賦魂多黯澹招夕陽深巷粉香消鞍馬

恁蕭條

浣溪沙

聞遊虎阜兼訪六合令家
姪懋善多懷偶成四調

三月江南帶小寒春光濃處恁閒看有時不著鴛鴦

時舍姪科
頭相近

長袖細腰妝束好松龕蕪徑粉香殘夕陽西

下欲留難

一曲悲涼泊暮洲長歌不道會消愁自憐情緒久悠悠
湖海夢中雙靚鬢煙波天際一扁舟那禁殘月照津

樓

吳苑花飛落碧茵樊川慚愧晚尋春紅樓不見舊歌人
畫舫自牽新柳岸嬌喉曾動暗梁塵可憐青鬢已如

銀

汗漫遊踪過便忘夢回酒醒忽沾裳金尊檀板少年場
蕙草怨香彫九畹竹枝和淚滴三湘幾人生福老柔

鄉

懷舫詞

二

採桑子

憶從去臘離炎郡五夏京華十丈塵沙八月秋江泛客
棹南州每起升州思兒女嘈嘈囊篋蕭蕭自惜淒涼

為折腰

南鄉子

春曉

情緒怯春多新水池塘拍小波簾外花明苔綠軟晴和
幾處鶯聲曉夢訛故園憶如何長晝無人燕子過深
院海棠開偏否逶迤笛裏關山曉早蟠

南柯子

吳江
夜泊

鳴柝城闌靜懸燈夜漏深半規涼月又西沉恰聽扁舟
共冰過江心薄醉尊前倦輕寒枕上侵雞聲鼎鼎起

煙林却自黃昏愁睡到如今

虞美人

春初舟行

野梅幾樹飄如雪
烟籠寒塘月纔添
春水欲平橋又渡
東風吹雨徧江皋
少年湖海思長往
蘇沓神山想即
令白髮負春時
却悔風光消盡好襟期

前調

所憶

羅衾薄醉難成夢
祇是閒愁重
昨宵窗下語無多
不覺
生平清淚到裙羅
扁舟孤劒人千里
飄蕩何時已樓
東淺抹輕烟早近江城潮打杏花天

南鄉子

殷殷過輕雷
門外燒痕碧漸回
一夜斜風吹細雨
相催

懷婦詞

三

落盡寒塘幾樹梅
冷豔葬山隈
酒買郵亭莫綠萼
紙

帳嬌魂投夢處
心灰自古埋香土
半堆

蝶戀花

憶別

吳苑春拋人久客
紅雨飛殘南浦離思迫
向減腰圍今更窄
別時渾欲吟頭白
槐柳新陰成廣陌
酒醒歌闌絕
少鞭愁策淺暖輕寒朝復夕
十年薄倖聲名藉

踏莎美人

無題

零落瑤華催殘珠樹五湖那
是安身處
煙波相憶欲相招
多恐罡風吹斷畫蘭橈
四壁鳴蟲一簾寒雨小窗
記訂私語情深雙頰暈
紅潮為問相思何物在
青
好時光

猶記春宵寒峭
雲罈星照幽窗薄
醉未眠情脉脉人扶
白玉牀
試問君此後情定否
老何鄉
世事渾難測已負
好時光

揉碎花箋

春懷

值新春無一事
恰霽連宵雨
樹杪閒雲多被歌聲駐
老梅幾葉初披
仍留香霧
酌酒向萬花深處
如水流光
荏苒成虛度
十年愁夢青山頭
願如故
問華髮君來何
太遽

聲聲令

前題

窗閒月影竹裏鶯聲
一年春事最關情
煙消雲斂旭陽
恰弄新晴
斷夢殘香薄
醉醒
湖海飄零家萬里
嶺千

懷婦詞

四

層登樓淒絕
柳青青黃塵白髮
悞平生憶瀕行芳草門
前馬亂鳴

越溪春

初夏由城渡橋南行

初夏欲消梅雨日
短棹過蘇城
越溪今古多情水
繞女牆又長新萍
蕪岸迢迢晴烟散
漫古柳斜橫
越來一派濤聲
曾見錦衣行
祇餘一葉兩葉釣艇
朝朝雨掠風驚
天外翠峰無盡
前林啼老嬌鶯

千秋歲

壽老友王逸菴

離亭別酌無那人
飄泊秋風裏
霜鴻落烟深空翠積香
冷芙蓉削紅袖起
踏歌疊勸長年爵
斗外星孤燁地
上仙高綽風日好
休閒却瀟洒江湖老
冠蓋著京洛歸

去也菊籬芝洞晴雲整

解珮令 無題

幽窗無語斜拖翠袂對西風延佇頻回首不奈新秋却
未到新秋先瘦問天涯冶遊歸否 画闌斜倚碧空皎
月照人時恰繞花陰走似水年華容易老春原蒲柳夢
刀環幾番依舊

最高樓 齊江送春

吳江上漠漠送春歸黯黯損芳稀烘顯杏萼飄紅後酸
心梅子未黃時遣情懷燈檠下寫新詞 却厭向塵中
常作吏却怕向津頭頻送客都負盡好春期故園三徑
新蕪長他鄉幾樹曉風吹甚年時歸去也覓春遲

懷舫詞

五

傳言玉女 秦漢書

燈火秋宵幕地投人百感城南街鼓早傳聲坎坎笙歌
舊邸一片彩雲飛慘月明如昔仍來窗檻 画閣空臨
鎖煙霞隔澗澗新聲綠繞更秋懷黯澹風吹燭暈壁影
將來幾閃回眸廿載青絲誰染

剔銀燈 九月望夜客懷

今歲重陽又過明月滿窗疎紙破霧斂煙銷江樓斜倚
耐得清秋三箇憐渠嬌小却慣受別離摧挫 自惜此
身老大還縛在名場磨剗夢邇人邇秋高天遠客裏月
明無那來朝風雨索性早閉門高臥

古陽關 雲陽道上

何處一聲角客有陽關作朱方古路行行竹枝梅萼任

風帆朝暮望斷江頭問幾許年華一向此飄泊 干

載齊梁事都寂寞亂山橫郭寒月起海雲拓四圍深霧

中半夜江潮落在江干三年慚愧揚州鶴

春雲怨 上元舟中

春雲薄劣送殘寒輕暖隨舟飄泊柔櫓幽泉清激自覺
愁來眠不得山寺寒鐘漁村燈火便是天涯上元節四
野蒼烟幾匝細柳一片長淮月 年來百事成悠忽祇
東風歲歲能添新髮控楫春宵怨聲咽銀燭朱樓酒盞
歌喉舊盟猶熱湖上重遊飄風零雨怕早殷紅似雪

百字謠 葬花

懷舫詞

六

候憐春減早東皇著力亂飛紅雪碎剪芳心誰疼護空
香粉香折一往花魂頻來風信綠盡三生結埋珠葬
土漫歌半闕為別 消受幾許芳華驚欺燕妒枉我憐
春切堪止玉簫墳畔草悵弔曉風殘月廣陌濃陰垂垂
成蔭處處人悲絕正新原上酒澆荒塚時節

滿庭芳 贈書妓

悞我鬚眉磨人歲月幾番統扇霓裳香叢粉隊落拓少
年場湖上尋遊較晚重來後那識劉郎多情却深憐老
大一晌去柔鄉 徬徨頻斷送春花歷亂秋月蒼涼問
當年車馬今日門墻還憶青衫白傳三年別殘月荒江
安排得風鬟蟬鬢荏苒點秋霜

又中秋宴集鎮城王漢一表兄宅次日北去

深院如銀天街似水平分一半清秋人間天上花月兩
忘憂碧海冰輪乍湧佳人意蘊藉風流檀槽擁玉盤珠
落法曲按涼州 清流今夜集門傳王謝才擅枚鄒快
盛會良朋酒盡歌喉聲斷嚴城戍鼓長河沒曉色東浮
明晨也西風塵裏馬首去悠悠

水調歌頭

將浮東海久寓吳門望京口舟至偶感

昨夕更今夕燈燼又重花平江蕪岸千里煙雨接汀沙
幾處垂楊繫纜連日驚風掀浪無自致浮槎殘夢五更
醒城上正吹笳 寄江許歸嶺嶠總天涯淹痕翠袖如
今那復問年華浮宅欲遊森杳投轄直臨溟渤李布久

懷舫詞

七

無家易擲年如水難剪緒成麻

水龍吟

初至京口

年來海上雙眸憑高眺徧烟霞鳩南徐秋盡浪花萍影
未成偶聚一榻清齋孤檠靜夜江風鳴戶歎金焦對峙
洪流夾瀉奇險處開笳鼓 白髮江皋津吏看山川消
磨今古天光水色昔人留恨千秋奚補露寺雲生霜洲
潮上蕭瑟誰與却未知買棹何時去也已遷寒暑

角招

歸來早冬殘矣十年一楫空擊冷香無處覓約略別時
江閣吹笛音寂寂任驛使飛塵前路怎寄遊人欣戚寒
灰撥遍無眠有涕痕零滴 裏楊洲風似鋪絳句雨雲岸

遠雲如累空江風浪激寺送寒鐘舟維霜秋烟波画錦
離別緒難明端的待得閒窗深語也素几湘簾重翻新
曆

滿湘逢故人漫

贈王墨江內兄

凍雲遠鎖正北風陡峭冰結江河人栖穩南柯看山連
雪嶽江冷漁歌羊裘紙帳宿荒亭此夕寒多黃昏也漏
沉燈燼無如一種愁何 鄉音聒生狂喜有故人舂猷
買棹相過 烏 巷冷鳴珂想六代風流未盡消磨酒
光燭影新詩句雅怨蹉跎關情處爲君題破香閨梅影
婆娑

一萼紅

思歸

懷舫詞

八

問征人在天涯何樂歲月老風塵五斗鞠腰二毛插鬢
有無趣味津津落拓已半生閱歷昔年少高氣欲凌雲
車馬蕭然黃梁孤館夢破銷魂 未了向平婚嫁苦將
兒女事貽累衰親陸海升沈桑田水旱宦情家計紛紛
雲薄暮奇峰亂疊悵倚門望斷黃昏此事最關心緒非
爲鱸葦

擊梧桐

安慶道上

山色濃於染看四圍含翠浮嵐深淺更亂峰遙聳碧天
半遮斷橫霞幾點危橋曲澗叢篁密樹幽徑泉流百轉
滿壑松風動似海門潮湧濤聲清遠 坐石吟秋穿雲
眺晚疑在仙人靈苑一縷孤烟直暮嶺外古寺雙扉閒

掩冷韻淙淙溪上聽來清絕覺俗情盡斂恨眼底山川如畫囊乏并剪

西江月漫

夢日途次

離懷落莫雲嶺外斷魂千尺秋色到家山碧岩丹樹盡成拋擲頻來往楚尾吳頭不堪聞是月明橫笛數交遊海闊萍孤誰箇曾相識羨獨鶴高飛全羽墜任狹路密羅似織應笑烏衣巢幙上過杏花寒食但熟計束帶科頭箇中苦樂易明端的欲寫寄宦味鄉思鴻魚寂

沁園春

岳武穆墳

已缺金甌又墮長城誰爲厲堦歎青衣再看英雄飲恨黃龍遠去宗社生哀五國魂沉兩京烏啄三字人亡禍

懷舫詞

九

亂偕千秋後證好還天道得喪嬰孩六橋桃李紛開空憑弔湖山少賦才看紫陽崑月圓而復缺錢塘江水去也難來朔漠清塵西湖立馬今古興亡一矚駭君何恨任金陵宋寢同委蒿萊

賀新郎

戲贈友人同日納二姬

日映羅幃卷看英皇黛螺互贈粉香分遣良夜偏多輾轉思雙袖脂痕交泣猩紅落紛紜絲繭曉起眉山同樣好畫來時翠色誰深淺感損處爭先展妝成未便干章顯略分明金釵半欹雲鬢微扁拚老此鄉岐路迴恐悞雲中雞犬效比翼分飛未免蜀洛遨遊多反側楚和齊兩兩森新典勝小國勢分剪

沁園春

咏美人足

被掩纖鈞裙拖新月霞尖吐鋒值鎖窗繡倦珠含鳳唳蒼苔行過露濕蓮踪紅雨香黏綠陰莎軟兩兩低飛紫燕從登樓也聽數聲輕悄心鹿忡忡霜華漸祛寒冬好羅襪深煨繡帶封正銷幃酒醉牀頭斜曳良宵夢醒掌上歡逢巧樣親描名花細貼月好燈明意倍濃鴛鴦畔忽背郎偷卸落瓣芙蓉

沁園春

九日即事

冉冉閒雲颯颯涼颼登高舉觴看羣峰聳翠岡連野寺雙溪環郭網集漁梁滄海空濛雄關孤峙曾是東南古戰場當年也見金戈鐵馬盡化侯王唯餘烟樹斜陽任

懷舫詞

十

舒嘯山亭慨以懷有黃花插帽丹林放眼清歌拂水畫角鳴霜禿鬚風前殘秋天末此日何人不望鄉詩思在趁平沙歸路月色蒼蒼

沁園春

贈章聖可

重到南徐風物江山游如昨焉問誰存經緯異中臥亮若矜名義海上投連二仲携來百篇誦去更許何人續謫仙當今日喜生才似此不負山川有時捫虱而言嘗作客金臺易水邊常羈栖逆旅足澆酒碗旗亭風韻壁畫詩箋客至詢奇君歸抱膝秋水週圍一握大伊人在好行歌互答擬扣蘭舷

前調

再疊前韻

一畝之宮百尺之樓君將老焉曾明廷獻賦以揚似馬
結盟文社比惠為連丹火全捐機鋒不月作人間詩
酒仙與來也待筆揮東壁杯吸西川 更明大義微言
好卜築鵝湖鹿洞邊看窮經殫力居諸穿榻續餘論史
往復詮箋三徑常開百城高擁君樂惟何樂在大聞知
後向嶧峰題壁沂水歌舫

前調獨遊花山再用前韻

直上寒山遣興滄波冷然善焉值霽塵蕩漾深遮眼黯
雲嵐蒼翠近與眉連無酒仍佳有賓即贊自向煙霞問
散仙開襟處是烟含凍柳雪霽晴川 便當得意忘言
拚終老清溪風月邊看勲名有盡犧牛芻狗文章不朽

懷舫詞

士

斷韋殘箋升漢帶騰沉淵駭疾此事從來說在天君如
肯學吳江漁父祇解歌舫

霜葉飛

送家姊歸里時適歲暮其檢
計任中送家慈到鎮即返

秋懷落拓正峰亂雲零江城相聚來時楓樹已霜醺忽
訝成歸路最難停淒風苦雨重陽已過還如計問孤客
天涯怎奈得山川隔斷離思無數 那更母老家貧時
艱宦拙一往愁深誰訴夜深醉夢哭歌頻酒醒渾無語
但支拒年華流轉江濱徒羨漁樵侶對清尊不堪聽雁
陣衝寒一聲歸去

十二時

暮秋天白雲宕漾野菊枝頭垂雨聽画角高城吹微漸

游風來披戶涼月半規暗塵滿壁散亂愁無數更蟋蟀
床下鳴秋零落豪情俯仰於時何補 人怎知秦淮佳
致祇似蕭然環堵繁霜已至江干歸路黃葉村村舞投
山鐘寺晚昏烟樓外幾縷 白髮催仍驅疲馬何處追歡
逢愁風冷鍾陵春留吳苑返棹寒梅吐問落英餐未年
年自開園圃

鶯啼序

東風吹徹鎮日避殘寒掩戶記花發往歲城隅芳園恰
值春暮楊柳亂絲拂鞭影兒家院悄圍紅樹看笑盈桃
靨驚魂墮隨飛絮 皎月明疏珠宮再見恍鎖烟籠霧
背燈兒腮暈脂痕幽情難致片語卸鸞釵雲鬢半墮嬌

懷舫詞

士

紅滴淚絲千縷夜迢遙漏斷夢迴濕簾簾露 江皋香
冷陌上花間占得焚巢旅芳草綠驕嘶別馬涼月淒風
苦柳眠花醉鶯歌燕泣繁華刺眼無情緒望高城暮暮烟
橫阻殘魂彷彿來古渡拭子夜啼痕窄却帶圍如許 百
年如水春怨如綿交臂成陌路悵薄福浮名老敲碎珊
瑚散盡纖穠無人調護思多怨深飄風零雨遡心期舊
盟已負落殷紅埋恨成千古楚些歌好難招二十年來
柔魂斷否

鶯啼序

崇川
春望

亦霞擁日映曙色江天展画芳洲樹鳥語嚶求春光弗
隔疆界晴岸村村接烟水長風幾葉蒲檣快任海吞江

入仙槎泛碧空外 蛟女珠光馮夷鼓韻卷霧襟雲帶
望鹵中蕪草荒烟射魚鹽利煮臘峙孤城清笳常起飛
雲停駐成車蓋恍樓臺隱現沈寥語多迂怪 潮聲時
吼萬騎奔騰千弩鳴澎湃排空際山堆雪卷巨艦輕投
芥波平風靜漁舸晚浦半鈎纖月藏深靄悵春殘浮海無
聊賴慙歸燕侶香壘壞恰小雨勻酥錦陌落花時屆 釣
鰲投轄意氣橫空老矣人豪邁倚檻處家千里霜劍金
尊短髮長吟愁來千派上方曉鐘敲闌良夜鎖長沙何
窮沈瀝豁雙眸頓覺扶輿窄三年高臥滄江弈局閒消
觀成與敗

春霽

懷舫詞

三

是處春殘紅雨亂閒庭日弄晴影梁燕初來林鶯猶轉
簾幙風柔塵靜窗幽屏曲盆蘭幾葉披香冷聽修竹搖
曳悄然長晝如年永 可堪追憶紅豆青樽黃壚故人
頓成萍梗舊漂搖江沱海澨舞衫歌扇華胥境睡覺桐
陰垂露井長楊堤畔輸與年少五陵驕驄時騁老懷徒
耿

琴調相思引

菜子花黃麥浪平迤寒逗暖過清明三春佳麗老眼不
曾經 扶病常時登小閣排愁惟有盼春晴濃雲如幕
又向海邊生

菩薩蠻慢

辛丑端陽前一日索興坐雨停歌偶成

明朝重五悵羈懷獨對一庭風雨望海雲東起蓬萊巨
飛互擁龍馬相參伍江浪排山何處覓彩鷁簫鼓唱吳
飲數闋歌散酒闌瀑挂簷柱 空堂偶爲仰俯想芳年
盛會誰復常聚好趁得閒暇靜几幽窗聽冷韻淒音自
按清譜長袖新聲拚置我歡場聾聵最宜人漁竿釣艇
煙絲萬縷

荔枝香近

憶漳郡薦荔

兩屆黃梅梅子黃時節銜殘上苑櫻桃候暖梨融雪枕
把瘦比腰支徒愛肌膚潔忽憶取閩南新荔擘香淺
淡紫苞裏甘漿冽玉潤冰清含茹頓消中熱五載沉酣
欲載明珠願徒切去後之思弗輟

懷舫詞

古

尋芳草

接家書

一晌夢兒裏舉頭望白雲千里扁舟前路去人間載得
何來但愁耳 昨月到音書倚門老眼仍凝視說家貧
歲歉無甘旨遊子計應歸矣

梅子黃時雨

題意

泰伯城闈任細雨輕風來催時令環碧水青莎長堤如
縷岸上人家樓閣畫欄映帶垂楊影榴花冷幾朵橫斜
窗局塵靜 懷迴客心常警縱嘯歌一仕清愁奚屏拚
老盡朱顏無涯風景花落難消何遜怨子成誰慰相如
病孤燈秉照入夢幃孤耿

透碧霄

題渡

屈端陽神龍掉尾戲滄浪旌旗鏜鼓雷喧虹影日射霞
光仙靈虛步凌波驚濤忽現康莊彩繩牽寶筏悠揚情
午風吹起浪高雪捲落雲和看珠樓翠閣桂船蘭
棹簾幙任開張有艷色芳姿人人炫服闋新妝斜拖錦
帶輕遮長袖近襲天香恨晴峰夕照蒼茫覺素娥斷流
水無情易散歡場

奪錦標 虎丘紀遊

綠楊拖水朱欄繞岸七里花香如霧來往蘭橈桂楫錦
瑟華筵波光流注看家家院宇門闌映扶疎紅樹動珠
簾半面魂銷騎馬王孫留駐更藉新苔軟襯羅襪湘
裙綽約半塘閒步記得畫橋煙景遺得釵兒落紅盈路

懷船詞

圭

向桐陰石畔背立斜陽知誰顧待中秋月好重來怕早
尋芳遲暮

子夜歌 渡海

水行乎地中甚物驅之盡歸東海問天漢烏從懸落石
洩沃焦焉在閭苑有神扶桑無影想像滄溟外我乘槎
對此茫茫儼與塵寰絕學談迂怪颶風怒蛟龍驟
起坤軸頓驚傾敗雷鼓轟潮峯巔湧浪舟泛針頭芥值
斯時富貴浮雲散展冠蓋濠濮游魚絃干飛雀生處投
無礙笑銜埴精衛真愚厥津未逮

山亭柳

送原錢塘明府雲岑兄赴閩

客發長安南走路迂盤峻嶺下響危灘憶昔啼猿聲切

鴈鴻影杳愁繁分手津亭流水何處鄉關玉門西去
隨都護羣嘶驄馬過山丹丈夫應老艱難依舊蕭然書
劍誰憐張祿袍寒愧我滄江歲晚亦局閒看

關百花 閨睡

新譜碧簫倚倦日永繡衾鴛鴦戀翠翹未墜鬢青鳳背先
遮裙茜睡思深沉皓腕欲拂雙眉錦袖更遮全面掩戶
聽鶯囀簾幕垂垂卷映窗陰日晏香冷茗熟若來戲
揮紋扇驚閃星眸春風底事撩人吹返朝行雲片

酬江月 崇邑初歸抄

碧空晴皎捲簾處雙燕微風斜掠短砌輕苔大半是日
影槐陰閃爍閒書如年孤城似斗望裏天垂幕浮雲散

懷船詞

圭

畫古今無復正壑試聽蛙鼓喧鳴公私何屬不似觀
魚樂藻碧波澄更露傾荷蓋香飄桐萼明月高樓倩誰
吹玉笛引來遠鶴星河清耿耿飛徒亂鳥鵲

看花回 小窗題壁

裁竹疎籬亂石間堦簇苔斑榴花斜綴蕉陰後儼朱唇
翠袖雙鬢凌晨風露裏幽鳥關關頭上烏飛去復還
肯放誰閒茫茫赤日黃塵道苦攢眉閱歷多艱息心逢靜
境是處深山

四園竹 題意

搖雲篩雨朝夕有新聲晴暉弄影暗上簾鉤近拂窗楹
蒼石邊青霄上亭亭玉立紛披千劍縱橫月初明昏

煙淡宕輕遮幽栖小鳥時鳴涼夜低垂池面顆顆枝頭
玉露傾此君丰韻多閒冷歲寒堪與盟

驀山溪 第一體似山溪

一峰突起鬼斧連宵割片片買煙霞攢成幅米家墨潑
雄奇驚絕儼鸞嶺飛來嵐霧豁山靈奪幽處留雲抹
輕風淡月相對忘飢渴芳草繞根生綴翠竹丹花幾撮
飄蕭杖履行佳總悠然無涉跋何天開造化歸旋幹

早梅芳 茉莉

午爰長朱陽赫置此冰霜白炎炎炙手榴火烘霞遍南
陌誰拈蔭荀笑或厭芳蘭摘獨西來香妙雪嶺標丰格
烏鬚偏翠翹窄顏色添光澤晚妝靜好季女欣然共

懷訪詞

士

晨夕迎風開素襟映月消寒魄賞心稀逢時多熱客

瓜茉莉 題意

妙法空香得西方本意牛車上一無文字風前露下存
此種幽人別致偏宜向淡月昏黃移床近花穩睡殘
梅嫩葉嶺南地曾標異開廣多帶
葉梅花如皓首綠衣卑位閒情
冷韻皎炎外成高寄想老來幸有素心常守勝於偎紅
倚翠

長亭怨慢 九後升行開蟬

纔聽微江城梅落驛樹陰濃早蟬聲作兩歇虹消晚涼
音亂帆風弱不平鳴耶戀美蔭招櫻櫻候至物先知便
覺得淒淒盈耳離索 向河橋勝處唱徹綠雲如幕無

端画角引來關夕陽城郭待賞酒醉過蘭陵任卿輩開
爭唇齟盍領意忘言且穩一枝栖託

雙頭蓮

蘇城對門外新寺觀蓮六月廿
四日傾城出游余於次日方往

簫鼓城南襲滿路香風採蓮涇古紅亭碧沼慨往跡惟
剩當時歌舞何處雲綻煙開問芳洲蘅荏來採取弱水
仙姝瑤池玉欄徒撫 誰信傾國佳人試拈花幾笑便
成黃土荷歆露瀉早顆顆珠淚翠斑難數祇恐粉墜紅
沉對空房揮塵趁艷妝向客為容姑留洛浦

金縷曲

聞彈指詞即用其韻

蠹腹搜殘卷惜如是高才鬱鬱孤懷無遣晚老侯門詞
賦客肥馬輕塵潛泣竟雪臥靈蠶無繭常憶謝安為痛

懷訪詞

士

哭較江河秋水情深淺萬丈焰藉君展

先生留兄署二載為
先生校刊詩文常懷如

已之 文名葉柳他時顯氣吐蘭凝馨滌穢詞壇越扁百
尺玉樓縹緲際數致音書黃犬先生數
惠音問泛海路溯洄未免
每望九龍山撲靄老成衰無處求型典江今夢筆花翦

懷舫詞續

滿庭芳由蘇軾崇用蘇軾詞

寒雨連山新燕過野人隨春老吳門流連花月幾取醉
金樽一任韶華過眼憐逢暮座緒糾紛浮家入滄波森
杏雙槳蕩漁村詩魂淒斷處枝頭梅結水面萍分粉
香恨空留白紵歌存春送何方去也殘紙背深印愁痕
登樓看雲峰四起海色渾朝昏

減字木蘭花無題

蘭舟日午欹枕春思增媚嫵綵繡鴛鴦被底爭如兩鳳
翔脂紅暈臉眸閃眉顰長袖掩搖曳纖腰舞倦東風
態更嬌

懷舫詞續

尤

前調詠美人浴足

繡鞋輕褪鮮露雙纖紅雪嫩掬渥蘭湯手外跟兒半寸
強柔如無骨軟薦香綿包玉屑謂若未重裏雲綾鳳嘴
卸珠許若憑

一叢花壬寅端陽作

庭槐低壓翠雲濃蒲艾插簾櫳彩符繭虎堆鴉髻就間
綴半朵榴紅紈扇飄搖湘裙蕩漾一捻舞腰風金縷
擬進碧香筒午日正懸空不辭玉手慙相勸人將老月
盡盃中纔卸梅粧又梳蟬髮莫惜醉芙蓉

山亭柳月夜聞笛

海月孤明玉笛忽飛聲生幽怨起離情一曲沙場人老

此時齊上邊城客似卑栖烏鳥繞樹魂驚閨中思婦
停梭聽涕痕落染翠綃輕玉關有夢難成多少樓臺簾
捲夜涼露逼歌清不管梅花落盡曉箭催更

沁園春詠美人影步陸雲士原韵

玉鏡臺前過卿相憐無言默從便携來燈下與君飲共
月隨肩側顧我愁同晴晝欣雙陰宵怨隻恍惚輕拋永
夜中邀輕薄向青天白日膽照秦銅負喧常願追踪
胡陰雨淒時悵未逢似堂成畫錦依人飛鳥浮雲天脊遁
跡冥鴻學步橋道迴身掌上老盡佳人綽約容當年意
嘆誰能復識餘韵流風

大江乘吳歌

懷舫詞續

手

山歌子夜夢兒裡唱醒客愁不了斜月微風塘路上舟
尾一聲飄渺阿姐心癡哥即倖薄負却奴儂小別時那
亭頭相訂路回杳杳恰是柔櫓輕潮相迎呶呶斷續
腔兒好此際誰家吹玉笛不管關山人老野寺敲鐘津
亭擊柝石上秋衣擣霜鴻高和更鳴鳴畫角催曉

花心動詠蚊用陸雲士原韵

浪影萍踪得翻身公然作人磨折繡榻橫陳驚幕低垂
惟口與我侵越青蠅拔劍堪驅走對尔輩深增抑鬱背
人處搖唇嚼舌恁疑虛喝天目恢如網鐵早露結霜
凝引裴捐葛鳥喙空長巧舌奚捫尚口乃窮終斃飛而
食肉時無幾撲滅處雷同無脫開場歇依然光風霽月

前調 詠風

無縫天衣豈能容如公等來迂折鷄肋何當几肉奚逃
肥瘠於君秦越衣冠對吏難搔抓將何以開人悶鬱老
奴對閒捫尔出霸王高唱 余冷匡床似鐵偏敗絮殘
絲引成爪葛玉手輕拈皓齒微開骨醉柔鄉甘斃燈前
血淚多沾灑指彈頃能爲起脫業緣歇禪中曾耽風月

雨霖鈴 寒夜坐雨

濕雲低舞忽來飛麗滿砌寒雨江城畫角吹晚蕭然入
夜早扁雙戶此際清愁觸目似烟絲千縷日望絕故里
音書排天鴈字徒參伍 幾堆落葉離根聚被涼風振
響空堂廡簷聲滴徹長宵跟定了麗譙更鼓枕上惟邊

懷粉詞 續

圭

祇許燈兒照知悲苦人老矣豈不懷歸王事嗟靡盬

一叢花 歸潤二首

閒愁遍結水雲窩春色在烟波孤帆斜日征夫路杏花
發梅妥青莎古柳長年風中舞倦尚有綠條拖 潤州

前去亂山過遠望暮嵐多迢迢一片昏黃月殘霞徹早
到籬蘿此際窓間深惟短檠定是感雙蛾

殘梅幾樹守荒庭瘦影小窓橫歸來羈客春將判花何
處芳草叢生冷淡閨人煩相慰藉靜夜守長更 堦前

留住月孤明低照恁伶丁玉顏憔悴東風裡繁華夢一
晌繞醒淪落憐卿卿還憐我垂老却飄零

滿庭芳 咏玉簪花

素質騎梅銀蕊傲雪塲陰翠袖翩然晚風靜襲蘭麝散
華筵况是秋霖初霽邀微月色潔香鮮採芝共瑤臺瑤
圃月盡水雲僊 誰憐有別種閒情逸態秀雅無前覺
艷魄嬌魂點染塵緣偶把芳心半露寒馨迸玉潤珠妍
好移對霜中黃菊寶氣發籬邊

尋芳草 盤門即事

樹杪着煙渚午鐘動塔浮雲霞繞城闌幾曲新水綠觀
漁舟築瀟瀟 曠僻似江村小橋外畫樓映掩漾青帘
翠竹圍朱檻欲解珮梅寒飲

探芳信 春草

池塘畔見石旁香芽含翠輪恰綠波侵處垂楊影凌

懷粉詞 續

三

亂鋪茵結綬綠堤上驄馬蹄輕散更遙連雨後羣峰曉
雲千段 藉坐春衫繫把美醕頻澆芳心閒翫搖樣風

光顏色惜偷換凝烟帶露鮮妍態可作蛾眉看願年年
醉卧青青玉案

浪淘沙 丁未吳門上元陰雨

寒雨久瀟瀟向暮連朝水泥塞路戶無敲巷鎖濕雲簷
注濕黑點深遠旅館更無聊薄酒釀酸兒癡渾不解蕭
條問過新年將半月來賞元宵

前調 十八日重慶元宵有微雪

雲淡雨初停四起歡聲市樓燈火燦華星舞榭歌臺皆
置酒人月重盟 閨閣晚粧成簾下波橫玉弓准步盡

橋水驚風雷羣跡掃皓魄孤明

山花子

微雨輕風靜遠塵石橋野草綠將勻游女歸途裙衩濕
裏香芹 嶺抹閒雲閑夕晨陰晴天氣入年新曉日凝
昨煙樹畔好青春

前調

薄醉長吟在短篷隨雲細雨打潮風香霧忽飄清夢醒
把煙筒 樹者不生新火焰寒徒畫茗爐紅千縷絲
牽腸軟處舊丹衷

浪淘沙

吳江送棹
空老半句春溪路湖濱風寒日暖幾昏晨獨有江流無

懷船詞

三

晝夜逝者遼遼 少歲作遊人鬢髮成銀長條艷葉眼
前新若問當年花共柳跡也陳陳

沁園春

吳江長橋
十八年餘橋畔重過客興嘆焉悵孤迢歲月江山繞匝
變遷雲物人事拘牽昔去英豪今來衰廢蒼石無心枕
碧川津亭路閱旌麾繹絡時往難還 水中月影虧圓
似曉暮催人屬九淵任漁舟釣艇綸垂網舉使槎貢艤
節緝帆懸棹尾追隨窓中依傍照徹朱顏易雪顛君何
事儘有涯精采盡老風煙

解語花

吳江長橋
繁花深院長畫開堦野雀爭枝墜翠雲迤地零紅雨惱

亂幽窓午睡粉顏香蹟霓裳委片泥沾漬響金鈴密葉
翩反碧沼搖荷菱 滿目鶯花嬌膩詎流連繾綣佳麗
爭嗜一枝榮瘁何欣感遽爾雄鳴雌誰許鵲雛高寄想棲
穩碧梧聯翅春欲老杜宇催歸此鳥知人意

疎簾淡月第一體春夜吳江

白雲低控如素練垂空扁舟穩夢柳岸蘆洲一晌寒暄
常供有時水月閒掬美忽清風穆然飛送念年光景隨
鷗逐雁暖輪誰鞚 何由避歲時磨礱已往回首迷離
霧霽驢病鵲哀猶事雨風飄凍久嘗客味如匏苦短檠
孤照人愁裏春陰寒夜清樽自醉闌無人共

玉蝴蝶第三體

懷船詞

四

驚見他鄉春轉清愁載擢晚發吳江入去遶梅未改岬
草先芳雪冰消暄和修阻雲峰黯蒼翠深藏片帆張青
山辜負白髮顏唐 郎當舞時雙袖常懷離緒已禿歡
場多故棄年孤行處莫問津梁賦詞就半生湖海間闔
迥千里畿邦九迴腸寒潮聲悄子夜歌長

瑤臺第一層

題羅天言小照
江左風流遊燕趙凌霄志氣長六朝華麗冰壺淨滌獨
見澄光菊寒香發松老鱗成上映秋陽箇中人正暮天
席地寄託羲皇 肝腸雄奇豁達魯連陸賈渾行藏列
公爭辟二生難致不事侯王晚來尋至樂水浩渺山色
青蒼悅而康覺道機滿目春意盈腔

再題像贊

劍氣披雲文光映斗胸羅萬象眼空諸有豪名四海不
經而走交游五侯非約於牖籌時樂管託孤嬰白一諾
正山萬金渤澥相見恨晚訂交期厚新襲芝馨深醉醇
酒神毓丹青圖增黃耆日月光華精瑩無垢

懷舫詞續

三五

懷舫詞目錄

玲瓏四犯

滿庭芳

露華

滿庭芳

臨江仙第一體

滿庭芳

花犯又一體

大江乘

水調歌頭

前調

懷舫詞目錄

一

前調

散天花

前調

愁倚欄令

子夜歌

大有

傾盃令

木蘭花慢第一體

意難忘

念奴嬌第一體

前調

贊浦子

浣溪沙第一體

西湖

無愁可解

鳳凰閣

蘇幕遮第一體

臨江仙第七體

南鄉子

陽春

醉鄉春

南鄉子

懷舫詞目錄

水調歌頭

前調

東風第一枝

白芍

花發沁園春

巫山一段雲

柳含煙

醉香春

玉山枕

側犯

虞美人

前調

滿庭芳

懷舫詞目錄

三

懷舫詞

玲瓏四犯 味燕

燕子雙飛問是否烏衣舊日魂
豔歌瑣瑣梁空老盡鬱堂嬌
臉驚忽春去江南陌上杏花零亂
怨重樓翠閣更換瞥然向客庭重見
尋常門戶成留戀羨新巢玉鋪香
薦辛勤來往誰憐惜獨我驚愁眼
四壁塵靜茅簷賴爾風光綬點想
當時王謝陳迹彩雲飄散

滿庭芳 遇伍相祠

伍相祠宮吳人俎豆地僻常鎖雲烟
歲時巫覡猶例薦醇鮮客過邀公
英爽何忍怨抵死糾纏當年便吞
齊滅越不及大名傳 留連我欲把
盈腔怨淚陳灑階前不

懷舫詞

平事從東那乞神憐咄叱迂儒怯懦
須鑄就肝膽剛堅雙旗上靈風猛
起肅退义茫然

露華 庚暑中桂

金飈乍簌看砌桂扶疎秋烟淡鎖暑
退涼生碧葉青雲包裹幽堦厚繡苔
斑恰有濃陰護妥鶯白帝玄霜促玉
殿擲香朵 天池巨木根大露陞低
回河岸斜輝計日蕊芬苞韻月媚花
媚結子肯落人閒還種素榆林左芳

豔處飛來夜珠一顆

滿庭芳 庚暑前二夕作

靜客驚懷歲年暮景歲序又屆新秋
露華梧葉庭院夜清涼舉首張弦月
到蕭涼後百歲橫眸家園遠高槐瑟

瑟搖落正關愁 吳鉤隨我老要離家
畔星鉞雲浮長歌起烏鳥擊岳聲幽
燕趙人歸晚矣曾醉處碧舫朱樓西
屏外烟光泉韻今古在林邱

臨江仙第五體 四時讀書詞

院宇留寒春迫湊東窗曉日啼鶯
攤書香靜紙光營塵器不到處車馬
索繁聲 竹几石牀蒼鬢客惟嫌今古
繁情不遑三立計虧盈霸王終有歆
天地本無名 槐柳陰深亭館敞披衣
會有高人觀摹圖史故生新置身虞
夏上避世海湖濱 枕簟頻移林茂處
孤眠獨坐苔茵短筇長瑟愔昏晨風
來聽爽蕭蕭月月到酌香醇竹檻露
凝梧葉今夜來秋信蕭蕭燈前展卷
憶賢豪風

懷舫詞

二

霜凋桂樹九焰熄蘭膏 典策高文友
一炬等身業齊鴻毛道高終逸技徒
勞姑騎款段馬莫著鬱紉袍 茶甌藥
爐熏小閣簾前微雪濃雲讀騷看劍
每宵分半歌傷白石詩賦厭玄文 天
祿校書聚火照幾人經術空羣馮唐
皓首謝終軍驂驅窮道路鳩燕共榆
枌

滿庭芳 庚示從軍子

對酒常歌人生幾許光陰伏櫪猶鳴
壯心不已千里暮雲橫曾學吟詩刺
梁江山杳想像雄爭行過處戈沈鐵
化沙草戰場平 功成寧百世旗旌閣
畫鼎鑄鐘銘誰時見鶴來雙表孤城
大業苛勲安在青海岸骨朽橫驚封
侯事原歸衛霍李廣莫以兵

花犯又一體 獨坐時升兒妻赴淮徐

坐空庭桂孤松老比年暮肥遜門無車轍時闌入涼颿
驚秋信幼兒遊遠撥短棹淮黃浪幾何想北地曉寒
凌逼綈袍誰贈問 花寺柳堤盡苦雨淒風遙憶征夫
愁損鴻來候翠微積處飛灑蒼潤欲看萬家營家恐衰
草殘陽無迹訊獨抱膝天長雲密蚤陰沈暮近

大江乘 送思永大弟北歸

弟昆白首幾人共旅館薄羹苦膾故國恆山圖染就萬
夢暮霞朝霽已老儒冠終沈宦夢散麟何甘改著書羣
笑虞卿竟逃塵外 追憶少壯當年讀騷飲酒丰度推
文彩閱歷暑寒彈指際今古浮雲變態陳迹新愁虛名

懷舫詞

三

老歲俯仰皆慷慨送君歸也與誰同泛瀛登泰

水調歌頭 八月初三夜

合朔逢辰酉初月又哉明風清塵掃宮殿眉橫畫新成
隔絕重垣廣漢微啓瓊樓瑤戶斜見玉鉤橫掩映薄雲
影歷亂綴繁星 瞻樓角同大火已西傾烏棲漏永蟾
隱兔臥悄無聲此際淒虛界后幕地背人竊藥想畏露
宵行夜永珠難覓頻望半輪昇

前調 八月初八夜

元代君臣會禪天日月峯

元人此日祭弦上光射頭上

自古半輪同七夕鵲橋駕後重九龍山宴罷三度側秋
空密樹嫌藏霧繁霜漸變風 白凝露碧堆草戶吟蛩

平遮玉面商妾一曲不堪終桂殿嬌娥微啓豔飾徐妃
偏整百事貴從中惟留餘地好不滿道常通

前調 八月望夜

秋令行將半明月恰重來不分吳塞燕市到處故樓臺
幾許張筵秉燭何所徵歌選舞玉手捧金杯衰倦仍軒
舉扶杖立蒼苔 賓客空姬妾散樂誰偕東昇西墜皓
魄與我久徘徊一晌扁舟匹馬時怨終風暮雨懷抱幾
曾開既老當圓夜爛醉足生涯

散天花 秋日夜懷三首

今歲秋光已半殘庭延高爽翠苔鮮時思買棹泛滄烟
居行我與我共周旋 五度螢乾客未還桂香深密處

懷舫詞

四

且流連凄然山遠碧巖懸他鄉風景晚宿江邊
秋潔西郊淨滌塵山家花豔畫欄新離舟柳岸試披襟
獨憐遊冶地跡皆陳 憶昔笳吹厭潮津華筵影燭月
盈輪十年重過此變遷頻遠巡陪從散嘉賓野人爭坐
席意無嗔

屏列齒山儼故山吳宮霸雁綴綢鬟望中移棹水雲灣
千秋歌舞地烏魚閑 興亡世事總無關鐘聲續斷水
潺湲清溪林麓繞碧如鬟峯閣僧共鶴回還有時佳客
至是仙班

前調 訪黃氏二子

岸側衙門秋水通草堂亭古識文翁藤蒼蕉綠蓼丹叢

兩生難得致自融容 漢魏三唐萬峯探奇選勝一
囊容潤中與朗外玉洵同玲瓏天際片霞紅九歌終有
遇驥羣空

愁倚欄令 秋興

霜清候嶺巒分結氤氲遠過丹林朱塔寺落紛紛
縱成行雁鴻羣暮攜雨低趁殘曛點染烟霞皆淺淡是秋
雲

輕陰密碧窗深曉寒侵蕉葉敲殘梧淨條聽淋淋
遠遊人亂鄉心連宵晝睡啞鳴禽隔斷長雲書阻寄是秋
霖

赤霞散啓東窗射晴光簾捲高樓延朝爽罷焚香
菊

懷舫詞

五

花餐菱荷裳南極啟兀坐匡牀輝映竹書開倦眼是秋
陽

荒原上草連空走飛蓬林麓村村堆木葉舞西東
下

引鷹掠枯叢山水遠寄寓浮踪白髮頻吹搔更亂是秋
風

樹閒起入空庭驚魂驚細應吟蛩高和雁不堪聽
夜

深沈夢初成龍鱗動幾陣潮鳴月黯寒鴉棲未穩是秋
聲

登樓望翠微間埒雲閒蒼石丹楓如畫就綠青班
客

頻年事躋攀扶竹杖數數回還齊日相招宵雨夢是秋
山

讀騷倦劍橫扛坐蓬窗吳越洪流頻絕渡險無雙
聽灘聲響淙淙猿嘯處壯志輸降追憶平生奇險處是秋
江

顏非渥鬢成銀久風塵年老逢秋多嘆咏是何因
几屏圍經史陳于茲內歲月常新零落朋知獨去佳是秋
人

子夜歌 憶西湖

憶西湖去春數日繾綣翠帘朱窗恨變盡驪山雲物獨
刺梵宮懸榻嬌面黛眉錦衣金帶寂寞餘孤衲更錢王
廢殿荒祠林隱棲邱艸館幾經僧臘
四十載吳峯客院白髮敝裘重踏水色山光有誰問答依舊虛窗納對

懷舫詞

六

黃冠隔世滄茫往夢紛雜江上風濤頓頭林樹那記烏
飛也向題詩樓壁飛來落塵颯颯

大有 卽事

娃館東塘吳城北墜碧雲千頃香稻客經過紛飛白鷺
羣皓農翁負手尋梨棗秋熟日薦新先考終歲婦子辛
勞八家力田溫飽
帝之力神是禱風與雨都調暄涼
柔燥場築舍塗稊穗頓爲精鑿俯仰寓公聊足樂觀此
豐年熙皞試高咏七月幽詩物華天寶

傾盃令 檢桐子

爲館清貧饒腸轉食貨別收餘政桐子高材潔性檢
與鄰無競
苔階灑掃塵根淨汲清泉斯淘斯泳鹽

梅共作佳賓儘可未滋調鼎

前調

奇品匙前餘材費下欲富何妨多算佐酒供茶非但極
食遂來為伴 飢鴻盤新飛鳴緩採商芝入山迂嬾豆
細露井間坐不羨金魚玉盃

木蘭也慢第一體 庚戌中秋

看今年風月多今淡少光鮮恨水漲長淮山連全越日
遠幽燕老人逢秋多感況衰遲興淺祇高眠比歲寤歌
陋巷有時回湖晴川 連宵笙鼓正喧填不夜采燈懸
想娉樓旖旎旗亭緩聽蕭寺雲烟我久齋居跼坐倚南
窗桂底望明蟾稚子分餽露下癡奴索醉廚邊

懷舫詞

七

意難忘 贈友思翁

瘴海風憶離舟嶺馬曾與君同竹橋溪水鎖茅屋野
雲封將廿載久浮踪青鬢忽霜華茂苑秋月明相對竟
訴成翁 魏其賓客常空驚網門蛛掃國士重逢常連
遊海上毛遂脫囊鋒知到處有迎逢寒暑去焉焉一燈
帷紙窗溪話雁響雲中

念奴嬌 雨中對菊讀歸

西風吹雨送濃雲殘菊墜根凌競秋盡川原羣物老獨
見寒香疎梗剔歷霜中支撐歲晚素節稱高迴丹墀玉
陸無煩槐棘通映 何處遶海南山餐芝乘鶴位置如
吾等祇合匡牀環堵際商確樂天知命衰草荒郊監冰

古渡車馬會馳騁踏雪歸去攬轡大行峯頂

前調 夜雨感懷

季秋時候雨連宵送得愁歸肯紫況是天涯還謫客世
醉何能獨醒白日門局昏燈風明常似中賢聖偶然昂
激虛堂數振欬聲 自笑一晌癡豪少年精采每厭臨
朝鏡眼底盡凋桃李豔不萌孤松誰挺卓室桐期久要
奚託浪別侯羸頭我思避人覓酒中山終在塵境

贊浦子 庚戌重陽

今歲重陽近霜養物未凋養花參野卉煮蔬雜溪毛
窗外蕉紅梧碧江頭楓醉蒼嬌欲訪丹邱佳南山鎖霧
遙

懷舫詞

八

野菊開仍鉞濃雲散復還鐘聞蕭寺迴雁響稻田寒
客況芒屨竹杖遊踪曲洲平山老衲重尋處空餘素鶴
閒
休說治平寺幾曾載酒來石湖孤棹穩秋色列屏開
三載塵消夢斷半生枯木寒灰才子多年歿人琴重足
懷 治平寺吳
人登高處

小阜登臨日追思五十秋菊花猶在眼雪髮已盈頭

九日懷親感遇百年重閉星流縱覓前陳述衰遲謝壯
遊

浣溪沙第一體 復遊

纔出吳門已見山茫茫出境世無關浮沈百載幾人閒

暇日愧吾身已老春秋佳景起衰頽黛螺紅樹引晴
攀

拂袖登舟喜遊治裝已典御寒裘纓冠褐蹙趁殘秋
城市喧塵神久恩峯顛高潔病行瘳若芝洞乳外何
求

西湖 送詹勳亭歸雲間

閩嶺外故人淪落行盡十年往夢說滄桑動君潸憫叔
教廉吏不堪爲劍囊書篋空蘊薄遊海山將倦張祿一
寒誰問難逢漢使賦凌雲千金買客霜林處處葉飛時
返棹西風吹緊 燕臺賢館仍招客赴春明尺五天近
珥筆生花流韻寧尋常酒肆歌樓甘酒無負懷思先令

懷舫詞

九

無愁可解 談道

斯世吾生鮮得易失物情那定齊一發急急間徐煥寒
怎出共律自古取途無定吉岐格竭蹶奚必各做成侍
免亡羊執者守壹通者喪質 理貴虛處能遊莊叟說
逍遙不存塞室若未明則暗寧曉明還似漆沉向塵中
競功利是夸父自矜追日倘覓使罔象進求墨珠庶形
樂而神逸

鳳凰閣 送王季任致政歸文安

徧關津落葉與前飛舞半生貽悞一儒冠隨去青氈白
紵故國淒絕祇剩底蒼山綠樹 翩翩佳致寧與馬裘

爲伍朱門北處存鄒魯聲價在謝王家握管揮塵視富
貴浮雲塵土

蘇幕遮 第一體 冬夜二首

曉昏黃寒月照寥寂高城譙鼓初更報葉脫枯枝鴉繞
呼蕭瑟風前似對騷人告 起離思歌古調曲怨深情
迢遞年華老郭外空江流水香斷香殘夢幽窗曉
菊花殘松影瘦抱膝支頤憶遠三秋後萬竅爭鳴霜信
驟閉閣垂簾時有新寒透 短檠遠長劍石擊缶敲壺
鼎激人如舊塞馬泥鴻還記否浮雲變處無宵晝

臨江仙 第七體 雜咏八首

懷舫詞

十

曲江春宴上卷映試官衣 多少畫樓簾幕捲盈盈
水盼芳時豔魂嬌臉每相依兩頭寒日近花卸燕空飛

二島仙靈遊水際騎來龍種惡神驚日中鱗甲照緋袍

又如朱紫老魚袋賞勲勞 君子丰標推直節適情行

樂在溪濠清流同總得心交將歸瀛海上不受汙泥膠

金魚

楓老愛霜人愛酒拌教醉駐少年容暮雲霜散晴空

朱顏隨日落盡變白頭翁 丹樹秋山秋漸老遠來嵐

翠看溪濃那分雲碧閒林紅珊瑚埋萬頃白雪覆千峯

楓嶺

風濤曾不扣禪關陰護經樓色靜閒有時飢鼠事撲丸
跳梁霜瓦上遊戲翠鱗閒聽梵閣鐘朝復夕看生羽
翼入仙班淮南雞犬與追攀赤松遊不返遠鶴化仍還

松閣

木下霜飛羣物老半枯衰柳削長條苑叢好鳥盡營巢
寒鴉歸苦晚三匝偶棲牢孤月宵沈庭樹黯驚風幾
陣起披搖南柯殘夢欲魂消晨正初綴處飢噪古城譙

松閣

墳外斷垣穿曲逕墓頭起穴入羣狐自焚野火少羊奴
清明車馬路難免伏榛蕪客過讀碑文剝落空憐骨
化發金珠當時石槨朽還無中林來壯士獮狩置長罝

懷舫詞

士

墓田

野燒沙原憐瘦駿邊庭百戰罷歸來寒天遠放伴鴻哀
錦鵲身久卸玉勒首頻回萬里橫門出塞日單于驚
避去龍堆誰云驥老志甘心雄傷鼓駕骨貴買金臺

荒原

高嶺雲寒飛夜雨猿聲催淚落常多巴江巫峽每愁過
萬重山曲處四面楚軍歌憶昔嶺南灘瀨裏夢中哀
怨屢驚訛書旂鑄鼎竟蹉跎封侯原有骨無鐵衷腸何

雨夜

南鄉子 長至日人選松梅

松老愈菁葱長日來投鶴髮翁何事芳梅羅入幕參同

相識春機發露中爾汝兩從容姑耐殘寒學固窮自
見漸亨君子道東風吹散浮雲天碧空

陽春 夜憶

暮山雲嚴更月靜院寒風排闥短燭照閒屏無人對一
縷鄉思起倉猝望空書咄徒遠羨健鵬輕鵠千里峻嶺
溪江蚤奮舉霎時飛突憶來往津橋車馬路十五度
春秋儵忽爲問年華幾許已蕭颯皓然鬢髮枯原雉免
肥脂當少壯鳴弦催筭待歸去守火司閭惜流光擲脫
余耳聾足跛故
故未句割及

醉鄉春

祝慈谿陳彥三古稀大壽

常作列侯賓客攜取行廚邱索遊迹遍海山閒鬢鬢青

懷舫詞

士

青遲白儼似高岡松柏饒植蕙蘭晴陌一番返一稱

觴從此揚舲盈百

南鄉子 望兒

倚閭望斜陽背日輕帆應大張何處扁舟維弱纜知妨
塘路天儲塞櫓檣衰病治無方有子來依體漸康不
願兒歸貽長物須商吳市吹簫乞稻梁

水調歌頭 曝背

白日問遲速因雨說奔梭斷送幾代興替史冊漸編多
辰夕升沈未歇堪惜分陰寸景不返共江河野人晴曝
背國老曉鳴珂若教彼相易換各驚訛富貴同入落
滅貧賤亦消磨禍福轉爲倚伏生死祇頻來住苦樂去

無多一心竹造物今古盡包羅

前詞 賦喜在

雙雀枯枝上 惜去悲離孤展翼欲起還微翹首屢高呼
已刈大田多稼 勿羨稻梁充腹恐致觸長罝公莫渡河
去冰雪載前浦 巢隙內斜照入且哺雛有待倦俗歸
後飲啄笑晨哺不效飢鳥能攫寧厭巨鵬遭嚇凡鳥豈
吾徒同棲非匹處雅意學關雎

東風第一枝 雲日

咏絮清才聚果俊 概空驚古事綽約芳春尚逗江東雲
花公頌瑞夢堆簷理徑閒庭院月沈風掠想影斷天末
賓鴻棲冷冰苔孤鶴 漁釣處滄洲浩沓帘蕩漾酒亭

懷舫詞

畫

歷落無緣跨蹇 撰奇暮晨聽殘畫角少時往夢舊帝邸
碧窗珠箔問良夜溪醉如年不記兒家樓閣

白苧 歲暮

梅煩誰送清愁一紙交除歲顛眼空增馬齒見
紛紛密雲疎雪攢年尾孤客掩荆關暇帶索披裘過市
暮烟曉風影響窮時有鬼思舊居沙堤芳草冰霜裏
雙眸肉消穿榻力倦支筇往嘗車騎想像如龍如水何
處覓鳴珂陌高陽里春邊小社似人老晚迹西川浮寄
少婦盧家故侶黃墟將若呼起求夜昏染歷憶姑憑几
花發沁園春 贈原中令胡睿客

倘儻風流久遊梁苑河原同仰聲價劉郎前渡此地安

仁藝苑名場瀟灑雄懷 辭青白眼時賢不挂斗酒醉
旁礴無人目光牛背遙射 邂逅逢君官舍喜揮塵清
談玉飛塵謝相如蓄賦揚子騰嘲那許俗流憑藉往來
趙魏慕豪俠肝腸傾瀉想文采定擅韜鈴欲勸車報秦
潮

巫山一段雲 味烟

葉仿瑤簪潤香凝蕙草濃 溪情密意一絲通 纏綿寤寐
中 勞人客馬上歸思愁縷東雲時愁緒起朦朧白雲
滿眼逢 故翕愁詩有滿眼 如雲忽復生之句

柳含烟 味烟

絲千縷 靄芳心特地贈君作佩 蓄愁斂愁箇中深細追

懷舫詞

畫

尋 若便啓絨情易露 護口恐來進妬不如維繫肘襟
旁自頻嘗

醉香春 味烟

似塵又疑如意擬鼎能調佳味秉直道具虛心不學腸
迴口開 豁達浩然之氣藏顯無心順致時間適偶
賓盈腔熱念聊相慰

玉山枕 年邑參秋

戶健人懶漸庭壁殘陽晚孤城寂寂疎鐘黯黯珠露
橫砌樹鴉返江河悵望幾津亭蚤陌上麥黃盈眼憶少
年閒駕巾車適田家勸雞羹杭飯 老來爲客成迂緩
草堂鎖衙門遠仍聞驛路鈴聲五夜去日思長舊時髮

短那曾喚灞尉相訶復何競肆漿遲欸聽青驢古道長
鳴過邯鄲問仙遊荒誕

側犯 述思

斜風細雨小樓徙倚思王粲離亂豈時際昇平遊汗漫
閒心寄楮毫老景懷盤澗天半有劍氣扶搖薄雲畔
蒼巖山麓曠野平蕪展清溪淺綠孤城沙築長堤岸猶
見興朝舊家文獻歸羞偃蹇一鞭款段

虞美人 自來

砌榻開歌牆陰長茂樹新蟬響客中情況儘清閒焚香
洗研弄柔翰扇湘紈夕陽風襲羅衣爽緩步仍扶杖
容吾蕭灑老人寰山僧海鶴碧天寬爲無官

懷舫詞

十五

前調 五月望夜

海東湧出團圓月規璧瑩無缺中庭酌酒欲招邀白頭
皓魄兩孤迢隔塵霄年過六十歡場歌每對猶傾豁
清宵久坐露凝襟長繩思繫照天心莫西沈

滿庭芳 午夢

漠漠浮雲悠悠畫夢舊跡猶戀江東長簾短榻檻外倚
雙桐屏側紅兒宛在隨鳩杖仍奉歡容幽窗內輕來竹
韻倦眼拭矇眊倏忽消息改人離吳苑客寓梁封曾
遊處依稀鴻爪泥踪縱令湖頭再見春老矣綠染芳叢
紅生醒無勞蝶夢更到幻緣中

懷舫詞別集

飲水詞 寄減字木蘭花

狀元及第拜相平章軍國事子弟家奴勢壓中朝達五
都時衰運轉一旦詔書傳罷免空望宮星門外蛛絲織
網成

長鎗大劍拜將封侯男子願百戰功成帶礪山河結誓
盟烏亡兔死綠騎來收辭妻子萬骨曾枯此日身爲釜
底魚

文章翰苑珥筆承恩趨內殿侍從親臣文采風流邁古
今直廬起草幾字含糊難檢討遠竄窮荒悔數十年誦
讀懷

懷舫詞別集

一

黃門烏府昭代曾無闕事輔撫拾纖微當陞陳言懾聖
威詔書切責朝列臺垣夕逐客沙島關門地迥難招塞
外魂

分疆開府一面獨當如列土權重官高日夜牙門湧利
潮盜賊水旱恩寵一朝成憎厭秣馬脩工荷鍾披堅帳
塞翁

聞藩總臬指顧廷推膺節鉞貪利圖名玉鬢銀鬚頭面
盈上官色變怒發彈文如雷電幸乞閒身又作邊荒負
耒人

人文冰鑑校士衡才歸翰苑金盡床頭此日千鍾書
求三年報政未許才華勝廉靜削籍歸田不赴河干赴

墓垣

長安得意新捷南宮登甲第宴罷瓊林寥落三年金甌
塵和門無路難塞寬弘丞相肚九食三旬竟作燕臺餓
死人

誦書得第淹蹇十年方作吏黃綬新加好看河陽滿縣
花旱乾水溢民欠官通催不力屈限難完政似陽城也
罷官

爲郎乞米太守新章驚吏即皂蓋朱幡五馬逍遙夾路
看寨帷新政不用憂民憂縣令庫缺倉空全仗糞黃煉
石功

從龍舊族奕葉勲名膺寵祿更起門楣生女承恩拜后

懷助詞別集

二

妃車隨千騎忽爾隻身愁獄吏餓死條侯地下難忘田
實仇

戎王雜種附翼攀鱗本材勇生子多能漸歷卿班作相
公招權納賄網盡金珠誰忌畏富過公家身死雙拳無
物拏

徒行千里營入僂門爲記室劣字歪詩名姓遂通紫禁
知各成門戶甘作中山狼不顧還效江充臨死方嗟萬
事空

津門市僧網利煎鹽登壘賣生子麤豪遂列資郎廣納
交兒丁不識暗囑吳剛偷桂籍家敗名傾化作豐城劍
氣橫

豪門寄食憑籍聲光通近習既負能乘便與舟中敵國
同利爭交絕管鮑忽成吳與越蚌鷸同休又見漁翁已
覆舟

橫行輦轂厥衛當年興詔獄羅吉遺踪踵事將開告密
風積金齊斗柄來三木甘囊首積骨飛灰細碾車輪糞
攪煤

含香啟事輸輓爭先功可異驟晉官階捲起山西地面
來兩江回節億萬深藏成決裂拚死珠娘財共身亡似
石郎

少年意氣讀史觀人稱大義感激陳言思共張留李郭
傳君心未信諫草徒傳忠命盡闔室遭誅羽翼萌芽更

懷助詞別集

三

剪除

才華公子作吏沾沾常自喜吐氣揚眉談笑都堂聽指
揮悞交伯嚭便效逢蒙加一矢家令朝誅日夕袁郎死
道途

椎埋無賴攘背從戎多掩敗好殺降人到處摸金斬難
民宣淫凶死親串分金害妻子虜利君財倫秀何嘗得
享來

懷舫雜著弁言

經書藝文童而習之未能有成然先君子之教爲文以經爲體質以傳註爲筋脉以左國公穀史漢暨唐宋大家文爲培養肌膚閒及於詞賦以資其潤澤益其華采未可執一以求也因嘗謹守塗轍而摹倣之自審不類古人遠甚未敢遽以就正有道姑置篋中以敝帚置之

弁言一

而已竊意珠輝玉潤識者自求索不得何待招搖過市而况珍奇瑰異之品價高本自難售識其光怪者亦鮮暗投之未有不按劍也輕獻之適遭刖耳若乃尺布斗粟尋常易致之物未有不標榜日中授廬列肆而可冀得行路之人一顧者吾物無奇厥值不昂其精粗美惡固在耳目之間儻得幸邀曲誤之顧而

猥揚淘汰之實獲我心矣緬懷古之爲文者自三代以後應不止盲腐而下寥寥數十人其閒亦有不必傳而倖傳者有真可傳而不盡傳者不知凡幾卽此所傳數十人其果有當於人心有繫於世教者亦未可知文固若是之難而傳與不傳又毋論已設出隋之珠和之璧於今日又安知其不爲砒砒爲魚目等

弁言二

視而輕棄之耶歐陽永叔見唐四庫書目經今百無一存焉者是也余豈敢妄欲立言以爲不朽計者所以災木自知其所用心云耳因書以自警

栢鄉魏念庭氏識



懷舫雜著目錄

栢鄉魏荔彤念庭甫著

千秋臺賦

南湖賦

南游小賦

家譜序

愛吟二集序

乙亥九日登高唱和詩序

四姊詩賦序

且如是詩叙

懷舫雜著

目錄

鼓盆集小叙

桐雨詞叙

祝外翰湯字翁七袞壽序

文昌閣重脩碑記

重脩漳州府署碑記

季叔成君傳

安將軍傳贊

傳家錄跋

書遵雅堂詩後

書印譜後

潛菴詩小引

石佛寺募引

廣緣寺募引

漳郡山水說

餌魚說

長兄憲副公墓表

祭長兄文

祭大司寇東海徐公文

祭江南督學子昆邵先生文

祭姻伯梁右翁文

懷舫雜著

目錄

二

祭齋長張先生文

安命箴

讀書箴

千秋臺賦

鄣南巍然高峙者千秋臺。鐵馬金戈。舟壑夜移。瞬息丘墟矣。流光迅急。如良馬見鞭影。輕舟下疾。流古人挽長繩。繫白日。有以哉。流連往蹟。劫灰俱燼。典感于中。而作賦曰。

慨虞夏之不再。分畧文德。而事武變。揖讓爲征。誅兮。惟強食而弱。舖天心何常。惟德是輔。周室不競。天王凌侮。六國紛紜。縱橫簀鼓。暴秦起乘其弊。勢解瓦而崩土。囊括席卷。肆其狼虎。其如得不以道。守非以理。阿房千重。長城萬里。徙天下豪傑。竭海

懷勸雜著

一

內膏髓。清流橫被。簡籍貽累。銷盡天下兵戈。殘牖繩樞之子。卒揭竿而起。以爲萬世遺業。也不二世而已。泗上高皇。起平禍亂。三尺指揮。救民塗炭。借箸進留侯之謀。輟足聽鄒生之諫。得信行陣。收平患難。獲鹿掌中。三代繼漢。迨京平失德。權歸舅氏。假托謙恭。延賢下士。變亂紛更。一十八季。白水真人。騎牛起義。提太阿出南陽。破銅馬走王郎。結堅水於淖水。揮靈石于鋒鏖。登寶位坐明堂。脩帝業理殘疆。正帝號於鄣國。留盛享于槐陽。今所謂千秋臺者。是耶非耶。奈何寒烟衰草。蕭蕭然一望兮。

懷勸雜著

二

荒涼。桃符披紛。今婉轉昭容之袖。烟雲濛濛。分飢。御座之香。想象翠華悲村墟兮。寥落彷彿富殿。悵阡陌兮。蒼茫嗟乎。貴莫貴乎人主。富莫富乎王侯。層樓日近。複道雲浮。勲名大業。昭燦八區。曾幾何時。已爲荒丘。是臺乃不世之事。旦夕物也。何得名千秋乎。亂曰。真人安在哉。此臺千古自崔嵬。登高憑吊。獨徘徊。誰謂光武無寸土。子陵有釣臺。

昌黎吊望諸。嗣宗登廣武。達人自有此段襟懷。詎知沈沙飛鐵之餘。一經指點。而藉傳千秋者。

不又將在是乎。丹霞遶樓。樓明章詩識。

南湖賦

水以湖名。誌廣也。水固小。蟻鳥得以廣名。視廣則水自廣。在城南隅。名爲南湖。湖舊有土山。數武無亭。不足四望。極致。且鮮舟楫。土山在望。不可卽焉。買舟至構亭成。余心甚浩浩。然不可以方隅拘。爰賦之曰。

落莫漠。萍索居。寡營。曠懷行樂。振蕩幽情。野馬塵埃。浮游太清。歲胡爲而寒暑。木何故兮枯榮。誰氏上裁其始。無名性命。蟬蛸天地。幪幪顛倒。造化齊視。彭彭因時。適志托物。頤生於是有山。一丘足以

懷斯雜著

三

優游奚必。泰華之巔。方可忘憂。有水一洲。足以操舟。奚必江海之廣。方堪夷猶。山不在高。嚴陵逸趣。水不在深。少伯遺謀。來爽氣兮。西嶺玉塵。名流掛明月于東山。赤壁清秋。地非輞川。兮。題句人不摩詰。亦嘉脩。使非白木兮。饌酒品不靖節。亦高儔。妓可携也。不必湖上。琴娘之韻。童能歌也。未如旗亭。弟子之喉。種柳處上兮。非遠愛蓮。君子兮。可作觀魚。知漆園之樂。洗耳之巢父之羞。無名花。鮮異石。庶免破屋壞垣之求。非膏腴遠市。塵堪爲豚兒稚子之留。平泉左側。金谷右區。美盛難守。自營菟裘。

懷斯雜著

四

若乃天光四黯。密雲作雨。揚波捲雪。振袂鳴榔。乃縱一葦。恣其所赴。起烟濤于咫尺。縮湖海于跬步。身世虛舟。長風片羽。扣楫爲歌。如怨如訴。旣而殘霞朝飲。旭陽曉露。花壓扶疎。竹生搖曳。孤艇輕蕩。水亭凝睇。柳蔭綠兮。垂袖山聳翠兮。堆髻漣漪。水面烟花。自麗芙蓉。沙浦衣裳。可製憑欄。招野鶴兮。飛還陵波。觀水禽兮。靜憩樂此。不疲肩息。駕稅時有。莎溪浣女。畫舫遊人。採蓮女伴。看竹佳賓。忘機學灌。勞生問津。夷舟越客。種桃秦民。皆物象之點綴。任去留而莫嗔。吾得吾之佳趣。彼各樂其天真。

物我未化。見役一身。萬物同歸。六合爲隣。迫人已生。忘可自號。南湖之逸民。

衍華佩實。節奏雍容。自有天然之度。而風致飄逸。殆非駢枝麗葉之所可比。明章謹識。

南游小賦

宅都八月。木脫水落。霜風漸加。野雲橫著。橋梳隱
隱。江天漠漠。余茲登舟。感慨有作。若夫遠道游于
天涯。薄宦雲山日渺。風塵未辦。恨南浦而鴻歸。懷
東籬之菊綻。能不縈夢。庭聞溯情。林澗于斯時也。
秋滿家山。黃葉壓徑。蒼頭掩關。酒徒星散夜寂。蛩
鳴。怨停機而婦語。宵昏犬吠。動倚閭之親顏。湖上
浮鷗。舊盟已冷。霞端孤鶴。高舉難攀。而乃望鄉下
之銅雀。登趙城之叢臺。絕洛漳於泥淖。亂黃流兮
滌迴。莫不笙歌銷歇。佳麗塵埃。秋聲雜雨。雪浪奔

懷舫雜著

五

雷餘秦漢。今敵壘乏。晉魏之清才。洛浦有神。不復
覩矣。一世之雄。今安在哉。惟離情與秋色。隨馬首
以南來。

散華落藻。元氣旁薄。在乎金鑑石衡之間。明章謹識

家譜序

按祖訓。家乘脩輯。一紀為率。家乘者。一氏之史也。
所載齒。不必耄耆。位不必公卿。操心立品。卓有可
傳。則述其懿行嘉言。為百世孫子。貽穀作武。佩服
先型。共敦樞機。流於不朽。自甲辰至今。逾三十年
矣。其間老成凋謝。風會陵夷。有心者。兢兢江河之
慮。賴有二三伯叔。崇尚古道。啓誨後昆。服習四維
之中。敦睦九族之表。相於親親。長長式好之風。幸
而勿替。茲乘所載。老者逝。壯者老。少者壯。存則丁
齒。漸繁。歿則典型日遠。不及此時脩輯。歲久年遐。

懷舫雜著

六

傳聞失的。缺畧散失。懿美湮淪。不幾違祖訓重後
人責哉。因念此乘先祖會脩於前。先大人再脩於
後。至形已歷三世。叔父涵一公。休養林閒。能總其
成。不任其煩。兩兄寄宦南北。遙為勸勉。不能躬為
編次。形敢不敬成其事。於是首取制誥之文。續於
簡端。以重君恩。彰祖德。勵臣節。貽孫謀也。凡我子
臣。觀覽之餘。敢不共矢忠孝大義。求不辱君命。無
忝厥祖乎。次及於銘誌。海內名公巨卿。文人墨士。
片語隻字。足以附驥名彰。舉不敢畧。至外內傳。猶
矢詳慎。不敢存掩善之心。浮薄任怨。不敢畜阿好。

之意。濫。談。沽。思。訪。於。父。兄。傳。聞。檢。乎。家。藏。遺。稿。非。以。己。意。去。取。豈。徇。人。言。重。輕。乎。若。支。系。則。必。清。年。表。則。必。詳。觀。系。可。知。親。疎。長。幼。之。分。觀。表。可。識。興。衰。隆。替。之。情。親。疎。長。幼。之。分。明。親。睦。之。道。成。興。衰。隆。替。之。情。得。振。拔。之。志。起。皆。啓。後。承。先。之。要。也。獨。是。彤。生。也。晚。三。長。未。擅。妄。事。校。讎。撈。管。之。餘。背。汗。顏。甲。然。伏。思。祖。訓。逾。期。時。會。至。迫。所。關。有。至。重。者。故。不。敢。辭。詳。畧。未。協。前。後。失。序。敢。云。無。舛。而。敦。本。睦。族。之。愚。衷。諒。無。不。可。對。天。地。告。祖。宗。質。諸。里。黨。也。

栢鄉文章勲業比翼接武。世德家學畿輔之言。望族者歸焉。

公成是譜以光昭先緒。以垂示久遠。亦猶行葦見。鷺以輯和同姓之至意也。豈盛稱門第以爲觀。美也哉。明章謹識。

愛吟二集序

吟何事而愛。愛何事而吟。愛吟者知之。非流俗所。知也。夫愛情吟聲也。性情動爲聲音。喜者嘻。怨者。噫。皆有大不得已之故。不自知其然。所謂聲音之。道。通乎性情也。古人一歌一頌。與聲律諧。和平溫。厚。寓于琴瑟鐘鼓之間。絲聲求情。猶溯流窮源。亦。愛吟者知之而已。今之吟者。或鏗然雄大。鏗然幽。沈。迺入於耳。未洽於心。合于時。或戾于古。無乃于。情。不足乎。若路過安先生之吟。則情與聲無岐視。矣。先生居滁。儒世其家。滁之山川風物。在昔名賢。流連憑吊。既足蕩豁胸臆。而天性好學。百城五車。傳自上世。復探幽索隱。窮年不倦。以是得古人之。情。爲情。遂能法古人之聲。爲聲。古之聲猶今之聲。耳。代有隆替。風有正變。元音與至情。相終始。世人。規規然。引宮叶徵。剽竊吞劍。求古人之聲。同異紛。拏者。于聲求聲也。先生陶陶然。抱一守虛。春容雍。雅。自詣于古風流蘊藉者。本情爲聲也。知先生性。情之正。自知先生韻語之工。謂自愛其吟是也。謂。自吟其愛亦是也。何也。愛吟者知之。非流俗所知。也。余亦甚愛吟者。爰書所見爲序。

瞻君碩學宏才坐操西席與郡侯歌吟唱和
官商迭奏讀斯序可知其相得之驩韓孟雲龍
未足爲喻詩文知己自古難之然天下豈有獨
行而無偶藝成而不爲人所知者耶明章謹識

乙亥九日馬鞍山登高唱和詩序

乙亥九日重來登高城南馬鞍山回憶追隨父兄
登是山也十年矣昔人物故宦游已無一在日招
朋引類酣醉於此俯仰之間不勝今昔之感因思
斯人自造物視之猶草木爲榮枯魚鳥爲游翔野
馬塵埃來往上下耳天下事何常之有昔之人登
高眺遠臨風把酒有見於流光迅急時乎不再故
痛飲賦詩誌其遊乃轉瞬已今日今之人登高眺
遠臨風把酒痛飲賦詩意與同也乃轉瞬後日涉
或後之人登高眺遠於斯臨風把酒於斯痛飲賦

詩於斯能不緬懷今之人哉今之視昔興懷猶後
之望今縈抱而已故悲歡離合騷人寄情達士忘
情寄者寄於歌咏之中忘者忘乎形骸之外物我
既泯今昔何有焉與昔之人登高眺遠臨風把酒
痛飲賦詩則一昔之人也與今日之人登高眺遠
臨風把酒痛飲賦詩則一今之人也涉或後日與
後之人登高眺遠臨風把酒痛飲賦詩則復一後
之人也何容心乎况人與此日究不能常留于天
地卽此山谷陵變遷滄桑遞易亦處于有盡吾亦
當今日與今人登斯山飲斯酒賦斯詩以行樂耳

何必上下千古過爲感嘆也耶

寄情高曠筆力矯勁尤足遠勝蘭亭明章註疏

懷舫雜著

士

四姊詩賦序

才之爲物在天爲景星慶雲在地爲名花瑞草在人爲詞賦詞賦之道雖不外風雲月露情態然非金玉其音蕙蘭其氣率不能工猶星雲花草非得扶與靈淑者鍾而發之固無足見陸離光怪也至於大家閨媛既秉幽閒貞靜之質復擅文秀彬雅之才繡口錦心香箋彩翰清詞麗句挹取不窮豈亦別才獨擅乎古今來學士大夫摘藻拔華鼓吹風雅或砥礪師友或發舒山川藉青紫之階爲結納之媒閨閣中將奚憑焉然郊壇燕享賡歌屢拜

懷舫雜著

生

之文不數見人間若悲涼慷慨憂煩怨懟之句海內爭爲傳誦之卽香奩寶瑟之傍未能秘而不傳抑何也如吾姊所爲詩賦者是姊先相國季女歸正定梁氏又相國姪婦高堂母訓著姓壺儀固未嘗專學聲韻姊文梁欽翁秉鐸兩邑賁志早沒姑待養子待撫女待聘姊茹茶飲藥十餘年憂傷悲憫之情閒寄于詩已丑夏余改官便道省母與姊聚首匝月見其存本讀既竟不禁欣然喜繼復慨然嘆曰何妙才之美而艱其遇也才本天地生之復自天地困之豈此奇彼何心哉豈星必落落雲

必。眩。瞋。耶。花。必。飄。飄。草。必。零。零。耶。金。玉。其。音。蕙。蘭。
其。氣。者。必。途。多。坎。坷。事。則。蹉。跎。耶。彼。嵯。冠。博。帶。之。
子。懷。讓。去。國。餬。口。離。鄉。倫。常。名。教。必。有。大。不。得。已。
憤。鬱。無。聊。形。為。咏。嘆。後。人。憐。其。志。悲。其。遇。而。傳。之。
吾。姊。所。遭。或。同。忠。臣。於。君。孝。子。於。親。致。其。惓。惓。乎。
詩。賦。之。傳。又。何。靳。焉。吾。謂。羣。曜。汶。汶。不。如。一。星。皎。
皎。冉。冉。成。海。不。如。我。我。如。峯。雜。花。衆。草。蓬。生。叢。茂。
也。不。如。梅。凌。霜。芝。兆。瑞。固。矣。妙。亦。快。然。無。所。憾。也。
敬。質。此。義。為。之。序。

開雕麟趾亦宮齋雅製以其得乎性情而在三

懷舫雜著

三

百篇之首。閨秀詩賦之傳實有自來矣。而况栢
鄉人文盛美。庭幃之內。所涵濡者深。謝韞大家。
其未足云也。明章謹識

且如是作詩叙

詩之為道。以真為務。貴隨所遭遇。各出心志之感。
觸發舒蘊藉。宣沛性情。前乎此。不復留滯於中。後。
乎此。無所牽制於外。任天而動。自然之文也。出處。
顯晦。各有其境。各有其詩。君子素位而行。無所詭。
隨。詩亦自成樞軸。不憑藉於藩籬之下。如已之如。
而已。是謂之真詩。內兄王墨江。閤閣通儒。風雅素。
擅。數年窺其片瑜尺璧。已訝寶羅斛珠。今夏持所。
為詩示余。自題曰。且如是作。余未遑寢食其側。溽。
暑肆虐。垂簾揮塵。閉戶謝客。始獲竟讀。掩卷自廢。

懷舫雜著

古

曰。何詩之工。至如是耶。內兄早孤。家貧親老。數遭。
艱故。諸季幼弱。未能自立。近復喪其結髮。亡其少。
弟。遭遇可謂不齊矣。何詩之工如是。古人云。窮愁。
著書。無乃所際愈困。所造愈深乎。然集中瀟灑雍。
容之致。不為怨尤所激。磊落奇特之槩。不以顛沛。
而廢。知懷抱弘遠。處境能超然不羈也。曰。且如是。
其安命樂道。恢恢乎溢於言表。雖然。困逆之事。古。
人借以成就德業。砥礪名節。今內兄所際獨苦。未。
必非天王成獨厚。一旦行脩名立。通顯於時。今之。
如是者。轉瞬而竟不如是。則古人所時有也。出所。

抱負。虞歌喜起。發為清廟明堂之奏。其所造。未始復何如。卽流連於野衙門。泌水悠優。卒歲其詩。日新月異。增益不能所如。正未艾焉。由是觀之。懸之國門。藏之名山。無岐視也。不過自如其如。以成墨江之真詩也。

人情。莫妙于數變。困橫之後。常增其識力。人才莫妙于顛頓。抑塞之餘。愈成其堅凝。此固造物有不測之權。惟能以道自勝者知之。明章謹識。

鼓盆集小叙

喜而歌。悲而哭。恒情耳。情之深者。歌哭可以互用。有時哭卽爲歌。歌卽爲哭。古有蒙莊妻死。鼓盆喜耶。悲耶。其深於用情者耶。妻兄墨江悼亡集成。命名以斯。其詩皆深於情。而所取則忘乎情。或情之極。而以歌爲哭。復托曠達者爲以哭爲歌。語云。聲之精者爲言。言之精者爲文辭。歌則發於聲。若爲文辭。其道微矣。余愧固陋。不足知此。世多好學深思之士。讀其集而興感曰。其哭有思。其歌有懷。其用情有以裕乎其原。而能幻乎其迹。則爲歌爲哭。

必有識者。

宣導性情。陶寫物變。其行文促節。亦似有變微之聲。明章謹識。

桐雨詞叙

士不幸而生於富貴。居服玩好。蕩佚心志。父兄方汲汲名場。不暇督考。左右前後。無骨鯁直言之人。進乏過庭之訓。退無切磋之益。輕馬肥裘。詡詡然自鳴得意而已。卽或倚資恃蔭。大纛高牙。經濟學術。文章政事。舉無足稱。憤憤居人之上。徒招竊笑。高爵厚祿。原設以待天下賢豪。膏粱子弟。枵腹竊名器。無其具。食其報。有志者所以憤心疾首。不願與共遊處也。然甕牖繩樞之士。日把一編。偶掇高第。寡聞陋見。人前跼踖。不能發一語。往往亦輕議。

懷舫雜著

七

豪貴子弟。有不可槩論者。如又英楊年兄。浩氣凌雲。高才邁世。爲少司馬子。門生故吏。多居清要。豈不能俯取捷徑。致身通顯。乃索居寂處。甘于落寞。知所抱者大。所期者遠。殆夷然自行。不屑也。出其桐雨詞一集。示余。倩辭麗句。溢人意表。風雅美盛。誠佳公子哉。彼裘冠博帶。則古昔稱先王而敷政。臨民徒寄耳目于牀頭。英雄視此。不汗顏耶。人才不擇地而生。世祿之家。豈無寧馨。薄俗所重者科名。遂使高才未遇之人。翹首青雲。望而垂泣者久矣。夫唐漢以來。設科取士。劉蕡下第。杜甫無名。科

名自無果足重輕乎。吾願世人觀此集。勿執固陋之見。輕視故家人物可耳。

輓近世若前項人等。觸目皆是。讀此。覺有一瓢冷水灌背。明章謹識。

懷舫雜著

六

祝外翰湯宇翁七袞壽序

年之積而爲壽壽者積歲之稱然自耄耄溯襁褓所積之歲存於何所是貴於積歲爲壽非徒逆計甲子累累而已人生幼而壯壯而老歲積愈多善積愈厚古謂年彌高德彌邵也蓋由勉強漸進自然用功日易一日由疎畧漸底精純存心日謹一日易昭不息書警倦勤爲壽言乎積善之大惟二嘉言懿行在人之善寓於載籍就將不輟謂之積學謹言慎行在己之善矢諸性命服循罔數謂之積善積學以明理非以干祿祿聽之君相積善以

懷勝雜著

九

立身非以邀福福委之時命此而登期頤享大年閱歷既久積累愈深以斯爲壽猶歟盛哉宇翁湯先生者有明勲裔而世業儒以積學積德傳家垂著遊泮年四十始舉於鄉又二十年始來司鐸鳳郡首邑又數年年七十矣淳謹敦龐靜穆冲和俗情世務機變茫然而獨明於聖賢之道寵之辱之不較也家在吳會昆弟戚里交游多顯者先生安義命未嘗一求與援下帷發憤久在公車以資應補西清舍人家貧復改外翰恬澹謙抑毫無怨尤之意子婿皆通儒鄉以高第早貴子二人長君文

懷勝雜著

十

名尤著尚稽一第先生惟以力學明道求爲聖賢是訓科名得失澹如也世非無淵博宏通之士夜思晝營率皆富貴利達擔簦千里趨名如鶩子弟稍有俊才必侈張標榜拾芥青紫如先生父子世其家學甘貧樂道不汲汲浮榮不鬱鬱卑位其器識宏遠會心於積學積德不屑屑計功謀利爲急非淺鮮者所能窺測稽昔名儒大賢逢時不偶多寄隱儒官授徒講學以明其道今先生當崇儒重道之朝躬承師儒董正之責所以鼓吹休明翌贊文運者必本積學積德之素以啓迪多士爲家脩廷獻之具吾知鳳邑山之阿淮之陽詩禮成俗絃誦比戶先生之教也况長君蘊屈豹變異日奉其庭訓周旋文學侍從之班代宣綸綍化成天下仍不外積學積德之旨是先生範圍其身者在是義方其嗣者在是式於國家行於天下者無不在是因而登期頤享大年休徵美報寧可量哉陶荊州云大禹聖人尚惜寸陰至於吾人當惜分陰正以日月代遷三立之業貴及時增益如先生能淑慎其躬貽穀於後弘成材造士之仁以稱作師之任誠積歲愈多積善愈盛者乎如一季石馴致於巖

巖也。如一勺水浸流。爲巖。森也。如寸陰侵假而成。歲以至億萬斯年也。何必方壺蓬萊。遇安期羨門。與談熊經。鳥仲後。可長生哉。

名言可佩。明章謹識。

懷舫雜著

壬

文昌閣重修碑記

今上御極行四十年。文德脩。武功著。東西南朔。服敘畏神。貢於明堂。欵於絕塞者。幾千百國。輿圖宏遠。聲名洋溢。皇古以來。未之再見。維時清晏既奏。天心感格。風雨協和。民物康阜。天子爰命宗伯。多舉天下孝廉。復降明詔。廣進士額三百人。以作育羣材。振興雅化也。天下之循良守令。及鄉賢士大夫。皆思宣揚一人德教。鼓舞有志之士。凡贊聖文運者。無不竭力圖成。而畿服之地。尤風化首著。畿南有柏鄉。風稱人文之邑。我朝六十年來。畿內相

懷舫雜著

壬

國六人。柏鄉居其一。餘中甲乙科者。無虛歲。其山川太行蜿蜒。千屏萬障。培積甚厚。槐午二水。左右夾流。漚于大陸古澤。堯山東峙。野嶺南繞。自昔稱勝地。風尚則秀者。讀於室。樸者耕于原。詩書耕織。外無他營。以故士傳先澤。農敦本業。世德相承。永守罔替。遂爲海內知名之區。壬申秋。山陰茹公來官於此。迄今八載。百廢振舉。仁聲遠聞。連歲大治。境內河渠。秋水浩滿。民不爲病。他如緩通賦。設賑。版周貧士。新學宮。清吏胥。平訟。皆昭昭在人。城東南隅。舊有文昌閣。頽圯已甚。公復留意經理。適

邑人具有同志。遂糾衆力輯新之。創奎閣一座。高聳雲表。虛明洞達。四望盡致。增屋宇。築垣戶。六旬而工成。邑之文人墨士。振衣登之。遠視高步。覺青雲冉冉。隨足生也。縱眺之。開曲淵。平疇。青山綠樹。花鳥喧妍於風月。城郭掩映乎煙雲。何非文章之妙境。從來境地佳勝。足令人心曠神逸。今邑有此憑高眺遠之地。有志者徘徊徙倚。目爽神遐。奇章佳構。隨意而得。因獻於庭。傳於世。未必非建閣力也。每見通邑大都。金碧輝映。榱桷互連。多佛氏之宮。縉紳賢豪。非鬼而祭。今邑能崇重文明。妥神居。

懷舫雜著

五

美觀瞻。則令宰與士大夫。皆嘖嘖可稱者。況當崇儒右文之代。才俊之士。多所觀感。遠大興思。儲才於國。以備任使。意良厚焉。然茹侯善政既多。建閣一事。尤闕文教也。遂樂抒鄙意爲之記。

煥發昌熾秀色。朗潤得雲漢升氣爲章于天也。

明章謹識

重修漳州府署碑記

說者謂天下事之興廢以時。然時爲能限制天下。事。余謂時與人值而事適際。三者備而其幾方決。大而社稷壇壝。山川祠宇。次則郡邑城郭。津梁道路。損益變遷。久暫靡常。要皆時與事會。事以人成而已。明社旣墟。閩粵不競。兩島陸梁。三十七載。蹂躪荼毒。邊海獨甚。時何人何。人因循苟且。迄無所立。豈不惜哉。清漳僻在南服。兵燹數動。而未有海氛流毒。爲最且久。壬辰之圍。人無噍類。乙未之人屋鮮全瓦。今國家休養生息六十年。戶口復未

懷舫雜著

六

十之六七。官民廬舍。復未十之二三。樓櫓亭臺寺觀。復尚十不足一。非不李郭專閫。旦與杼謀。然介在荒遠。百廢無由卒舉。無取諸豫。防禦不戒。蕩析離居。剝斂漸興。時乎何尤。余於戊子夏。量移茲郡。遷延年餘始得來。初至署。無門。吏無舍。官役擁還。偪側棲止於舊司李廳事堂之前後。荒烟蔓草。斷垣頽壁。望之惻然。動念太守者。天子簡以表率千里。脩廢興利。振新民俗者也。乃日坐瓦礫中。與士民相見。褻朝廷。辱明命。何以鎮綏遠域乎。晉公入蔡。禮制獨尊。司隸過洛。威儀必肅。誠以寥廓之區。

梗化日久。體制不重。觀聽狎玩。不足以正教化。易風俗也。急謀輯脩。而亦艱於謀始。居數月。亟營大門五楹。繼脩二門五楹。科房東西各九楹。役處門外。有處門內。分曹列居。各司其職。堂之前端。整嚴肅。粗改舊觀焉。越二年。再成宅門。川堂二堂各五楹。二堂復爲樓居。虛其窓牖。匝以欄檻。望雲物。占晴雨。以敷政布教。堂之左右。配以閣庫各三楹。二堂亦翼以樓各三楹。斷訟臨民。校勘簿書。宴飲寮案。休息退食。觀覽登眺之所。皆具。而堂之後。蔚然深邃。巍然環擁。規模始廓大。弘遠矣。計鳩工庀材。

懷舫雜著

三

至集事慶成。未嘗用漳民一草木及一夫之力。毅然作屹然成。亦事之偶然耳。然比歲風雨調和。民食足。給山無伏奔。海無揚波。未嘗不乘時可爲謀。事少易。余烏敢自詡。因思茲郡。迭遠聲教。頑梗叵測。非勤宣德。意寬以恤之。憑藉威靈。嚴以治之。未易居此堂。遂告無隕越也。後之君子。際明良立功業。必有其人。謹紀營以竣之。是爲記。

府署因亂傾廢。凡六十餘年矣。鮮克舉之。莫不以動衆勞民。劇功殫財爲解。然囊橐包匭。所捐載而肥家者何限。

公之治漳也。視民如子。視國如家。安有其家敝壞而不繕治者乎。傾貲而力成之。不期月而箕張翼舒。檠戟齊列。授民事而共主職。煥然鼎新矣。昔諸葛孔明治蜀。官府次舍。橋梁道路。營壘障塞。皆脩治而應繩墨。急先務也。公之興廢救敝。振新敝郡。無不盡心而次第畢舉。其行事之先大體。則甚有合于古人之計謨宏遠矣。明章謹識。

懷舫雜著

三

季叔成君傳

人生具不羈志。恒厭唾食鄙齷齪之士。個僚疎宕。進道有資。而多飢困。阨窮垂老。盡氣不振。槩有天焉。季叔成君。生於世祿。幼嘗刻苦讀書。恒陽梁少宰器重之。妻以愛女。嫁資甚厚。珠璧文繡。外重以唐宋名翰墨。鼎彝古器。謂叔且能自致。青紫位高。多金終身燕好。乃妻死。財匱淹蹇。一衿而老。豈非命哉。叔少隨父母。僑寓恒陽。後歸舊居。當是時。居有先人之廬。耕有負郭之田。有園亭池樹。供遊息。有祠廟墳塋。盡伏臘。固於守常待終之義。無所憾。

懷舫雜著

毛

未二十年。至於貧困而病。病而加篤。今昔盛衰。困亨生死之閒。如夢如幻。烏足論邪。叔亦薄游吳楚。餬口四方。奈少有蓄。遽愴忙告歸。揮灑立盡。曾若不知有饑寒妻子之累者。此其意致亦甚奇也。晚年連舉子女。將十人。食指益繁。家計愈落。傲數椽於城隅。不蔽風雨。孑然一身。養疾荒寺。白晝掩關。足跡不出佛閣。家人饋送飲食。值歲饑。脫粟不繼。雜進糠覈。叔甘之。然病益深矣。候疾者至。談諧如平生。視生死爲兒戲。時長子某已先卒。語幼子曰。死以桐棺爲歛。卽歸骨大司馬之墳。絕無牽紐繫。

戀悲苦痛迫情狀。不可謂學無所得。叔性豪縱。樂呼盧博塞之戲。生業消困。人以此尤之。然古人家無擔石。一擲百萬。卒富貴。則叔之貧困。或亦未盡如流俗之論。獨是叔以抗爽磊落之才。推其意志。儘足簡棄一切。脩身學道。而塵刼未消。哲人不遇。迄于無成。是可悼惜。然遇不遇。亦非偶焉。叔名嗣徵。字成君。行李與余宗派少疎。而情好最篤。當其病困。聊爲傳以慰之。

懷舫雜著

天

安將軍傳贊

蒙宰蕭君明於格物造典賦志
既能盡物之性自弘育物之功
遐乎尚已聊為畫虎用附雕龍

安將軍名淳開元開其祖隨西涼府者以勇關進
得幸明皇遂世為望族遠系出於旧居東海相傳
橫之子孫橫既以恥于降漢死庶子曰駕變姓名
伏草莽數百年至淳始通籍然族多驕捷武健有
鳳毛之目淳生尤瑋異燕領鶴頸鳶肩鳥喙識者
以為此丹山鳳也賦性甚柔閑居如穎處囊中韜
聲斂彩無矜情躁語嘗遇良師調馴性情磨礪技
藝遂擅白眉之稱及貴幸用事遇大敵臨事而懼

懷助雜著

无

若不能勝忽鷹揚準搏成功談笑壁上諸侯觀者
環顧驚呼曰此飛將軍也將軍遊長安五侯七貴
競延為上賓出金繒珠玉裘馬珍玩貴重之物相
炫耀以結歡將軍將軍少為上下手寵辱得失判
同霄壤由是自王公卿相及兒童走卒無不慕將
軍名願與交將軍亦略貴賤忘勢分油油然與偕
既而將軍戰久侵衰畢然高望浩然長吟曰向者
飲啄田閒往來栖止甚娛樂悞為稻粱之謀羅于
世網不思高飛遐舉何時得跳出圈子耶會戰小
不利敗主人意嬖人有庖氏得以讒入曰安將軍

世之梟雄帶劍捕花繁玉環擁白旄恐情終難馴
不如烹之便主人念將軍勞苦功高猶豫未忍將
軍亦踟躕悲鳴寢其故技遂放歸田間將軍後脫
紫袍玉帶必風飲露求羽化術于遼東丁生人不
知其所終

外史氏曰項羽重瞳子將軍亦重瞳子初以鴻漸
之翼困于燕雀值海內父安兵革不用然時仍招
選茂異興造功業軍旅數動羽翼無虧其人事乎
天意乎及陷于成敗天網解紐蟬脫龍變棄俗登
仙可謂拔乎其萃遊方之外者已

懷助雜著

三

字字見生趣語語有着落雖屬遊戲翰墨而托
意亦甚高遠
逸叟明章

傳家錄跋

物之生不皆有用於天地。人之生不皆能肖其分。母天地不以物無用而不覆載之。猶父母不以子之不肯必教誨之也。凡父母教子。人子自勵者。德行功業。文章學術。數事耳。先宮傳忠孝節義。凜凜終身匪懈。知遇兩朝公忠直亮。燦史冊。播人寰。至今赫赫也。著述刊刻。大小九十七種。計若干卷。海內操觚之士。負笈千里。競求片語隻字。成其聲譽。縉紳大夫。孝子節婦。奔走鼓舞於數行之下。托不朽者甚夥。生平無他嗜好。惟以讀書爲事。上自聖

懷舫雜著

三

賢禮愆之辨。古今治亂之紀。以至天官輿地之誌。陰陽醫卜之術。釋典道經之奧。曲譜樂律之細。無不一一博求廣討。探幽索隱。自成童至體化。孜孜。屹屹。勤於儒生七十年。如一日。於此數者。求其肖也。豈易哉。况賦質未異中人。所生復晚。習富貴。狃宴安。戊亥之間。日聞嚴訓。童心憤憤。莫達其義。甲子以後。甫知遵循。而樹靜風寒。崦嵫景盡。重以數奇遇窮。屢擯有司。困頓潦倒。計丙寅以來。建庭訓者十年矣。其始得聞訓誨。而不克體奉。今欲復求數語爲立身涉世之準。渺不可得。形獨何心。能

不仰天號泣耶。甲戌秋。長兄自荆署集過庭所。開刊之命曰傳家錄。遙寄於彤。昔日得聞父之訓。父之惠。今日得聞父之訓。兄之惠。人誠樂有賢父兄哉。因檢舊稿。所存者亦付梓。人副於其後。箕裘之業。雖未克負荷於前。徽繼承之心。當永矢砥礪於後。日庶幾不肖之中。求其萬一。或免同於草木無知。有負天地覆載大德云爾。

栢鄉相國理學爲

國朝開先文章勲業。焜耀寰宇。無異景星慶雲也。公來漳。紹聞德言。而盡鏤其素著諸大集。以嘉

懷舫雜著

三

惠海邦。化行俗美。有成效矣。繼踵前烈。孰大於此。讀傳家錄。可知其所由來矣。明章謹識

書道雅堂詩後

道雅堂詩。余長兄著。霞憲副所著。余生也晚。計少長兄二十歲。少仲兄十五歲。甫就外傳時。長兄已官西曹。仲兄官司訓。余獨依先相國膝下者數年。然未嘗能言詩也。繼而兩兄承歡家食。朝夕聚首。維時余及冠矣。始學爲詩。追隨兩兄後。以聲韻相唱酬。登高賦句。卽席分題。以應先相國教。于倫之樂。溢爲吟咏。快意不止于詩。及先相國捐館。余兄弟草土餘生。唱嘯興闌。迨兩兄宦寄中外。余亦竊祿江淮。荏苒二十餘年。惟因責艤之役。與仲兄相

懷舫雜著

三

聚。輦下匝月。宦情家計。絮語不歇。何詩之遑及。長兄由楚遷秦。終未一晤。泊於病革。檢搜遺藁。方見此篇。已成絕筆。余何忍復言詩哉。回思髫年承教。父兄之側。提命日間。填篋互奏。月夜成歌。花前得句。真有邁三唐。凌漢魏之思。今潦倒縑縵。聲光黯寂。教益日遠。牛馬靡窮。縱多感觸。曷有佳思。不幾大負父兄學詩爲教耶。父及長兄既沒。惟仲兄與余各守一郡。楚尾吳頭。共被無期。於詩槩可知矣。然詩可熄也。父兄之教。不可泯也。先相國詩既已行世。先兄詩尚無專集。余安敢不傳其詩。獨是兄

賦性豪邁。能文章。工書法。美景良時。劇飲高唱。但有佳製。索筆札疾書。座客驚嘆。往往持去。不復留稿。以故存詩寥寥。然挂漏之餘。海內誦之。子孫守之。儘足爲學詩者津梁。何多求乎。余旣刊兄詩。並叙憂歡離合梗槩於後。所以撫今追昔。感慨興懷者。詩其一也。

憲副之詩。根柢性情。籠挫萬物。蓋得太和元氣。含濡醇藉而後成者也。明章已妄爲序論于前。未足揜揚萬一也。明章謹識。

懷舫雜著

四

書印譜後

世之篆刻印章者。動云秦漢。余嘉其好古有志。惜未嘗詳攷也。按作字始于蒼頡。有史籀大篆字一變。有李斯小篆字再變。有程邈隸書字三變。隸即今之楷書也。自廬陵有蔡邕八分之誤。遂以隸爲八分。因有真草隸篆四體之謬說。不知真即隸。隸即楷也。嘗考唐人孫過庭草書譜曰。元常專精于隸書。伯英尤工于草體。二美逸少兼之。又千字文曰。杜操鍾隸。夫杜伯度。崔瑗。王羲之。王楷。書盡人知之。今草書譜。千字文。乃稱其善隸。

懷舫雜著

三

隸則真書無疑矣。隸書既行。行書少變乎隸。草書大變乎隸。然其實。真行草尚。可通用。若大小篆與八分。必自成一。家有斷乎。不容淆雜者。至印章之文。秦漢以來。另具一體。秦有刻符。摹印二體。列于秦八體之中。漢有繆篆。即秦摹印之文。另備漢六體中之一。固不同於隸書。亦未嘗同籀之大篆。斯之小篆。邕之八分。秦漢時槩然。自蕭子良合刻符摹印之體。譜於宣和。已非秦漢之舊。廬陵以後。劉攽。呂大臨。趙明誠。黃伯思。諸人。收集金石。考稽古篆。於是秦之刻符。摹印。漢之繆篆。俱廢。然不講矣。

世之言印章者。純用大小篆體與秦漢之刻文。迥別。而猶曰秦漢名。則是實則非。所稱者此。而所用者彼。何其悞乎。叔氏覺庵。精於大小篆者。譜其刻印。見示。余因以所考質之。幸語世之言秦漢者。考證精覈。篆章家當以此爲定論。近代雲間顧氏印藪。與羅延年之秦漢印統。保無鼠璞之誤。廣鼎之傳乎。是在識者詳之。明章識。

懷舫雜著

美

滄菴詩小引

竊問書以車衡齊野難窮其海才同斗較吳蒙豈據斯壇構思不入風雲下筆難搖山岳江淹夢裏彩筆生花劉向樓中青藁吐火然後語可驚人紙堪騰價也在忠臣孝子勞人思婦固多至性之文然皓月清風紅雨白雲豈少興懷之作因言達意何必窮而後工托物寄思不妨言之微中誠恐書蟬未老腕鬼無靈覆瓿汗牛究何益乎先君子曰句未敲金戛玉不如斂彩韜聲詩止嘯月吟風何若明經學道蓋名士風流虛聲致誚學人質直樸

懷舫雜著

三

茂堪思耳余少讀父書早違庭訓青雲路遠黃閣班達慷慨悲歌猶存燕趙流連感激竊慕風騷雖枵腹常空而奚囊欲滿近者虹消雨霽覺爽氣來侵露下天高驚秋聲漸起乘蕭涼之暇日集散亂而成編豈爲咄咄書空聊云尔尔免俗若溺橋驢背過勞意匠經營酒價旗亭冀動伶官音韻則謙讓未遑焉

公之言志永言有物有則識趣正定才力宏肆以方寸之管代伶倫之吹律掉鞅詞壇矣而猶自謙抑若此視世之尋聲逐影挨肩取道而勇

于自是者度量相越不大相遠乎明章謹識

懷舫雜著

天

石佛寺募引

僧問曰。石可爲佛乎。余曰。石卽佛也。諸峯齊聳。孤嶺獨峙。佛之高而峻也。疊障千里。列屏百城。佛之遠而長也。飛瀑懸岩。非佛源之清乎。晴嵐擁岫。非佛氣之淳乎。爲獅踞。爲豹踞。佛現身色相也。如馬奔如龍游。佛覺世幻影也。外峻嶒不可犯。佛戒之嚴也。內文明不自炫。佛法之貞也。鎮定不移。佛而靜矣。剛方不撓。佛而正矣。遇物頑然。佛而寂矣。觸物鏗然。佛而慧矣。古人有載而行者。揖而拜者。未必非有見而曰爲佛。無乃蛇足贅瘤。駢拇枝指。而

懷舫雜著

无

穿鑿附會。失佛之所以爲佛乎。夫孫叔敖在楚人欲求其面目。就當觀於叔孫氏。乃假其衣冠於優孟。其形雖同。其實則異。今不以佛爲石。而以石爲佛。是就優孟求直面目也。僧唯唯而去。爰書其言以募。

或問如何是佛真面目。請爲下一轉語云。森羅萬象非他物。本有光明照九垓。逸叟雜識

廣緣寺募引

緣何物。若是之廣也。緣又何物。必待人募也。緣必待人募而後廣。不可謂之廣。昔佛以恒河沙數善緣廣布。十千大千世界。十千大千世界之人。恒河沙數之心。各具善緣。百千萬億。不可消滅。是善緣不止。渾人我爲廣。且合叔運爲廣。人人同有此緣。緣不期廣而廣。人人各有此緣。緣不募而更廣也。相邑城南廣緣寺。命名之意。或亦有見。僧持募疏請題。寺肇于勝國中葉。脩于

今上十年。欲創建高閣。並起配樓。爲佳錫地。善哉緣

懷舫雜著

罕

乎。非廣不可爲也。一人唱于前。緣方起。十八和于後。緣始興。百千萬億人追隨承繼。緣庶幾成矣。然一人之力。不以強此十人。十人之力。不以強此百千萬億人。而每每百千萬億人追隨承繼于一人之後者。緣自廣不待募故。若必頭會箕歛。家諭戶曉。爲廣幾何哉。今閣之成。全賴諸君子善具天性。福萃人寰。一念善緣。自爲周遍。若一言糾集有效也。則吾豈敢。

漳郡山水說

魏子守漳之明年辛卯元朔次日干支與歲同携客乘城環望四際因而嘆曰美哉山河乎乃揖客而進之曰形家者言固難盡信而辨方正位形勢亦未可略也郡自大庾熊岡衍而東南天寶三峰逞出奇秀祖德綿亘矣烏石油車開蘊蓄氣脉排闥送青而紫芝高挿憑高居重洵稱雄奇久爲浮屠盤踞儒墨混用前哲之興歎也郡邑建設反似偏處一隅不無卑陋之憾審外勢丹霞石巖名第峙于向明文山鶴鳴鳳凰食於出齊員山新嶺揭

懷舫雜著

聖

鴻鎮于坤維周廻森密包羅寥濶所謂藏風聚氣者茲地實有之縱目騁覽萬象俱足獨元首孤露城外脫冕蓬首惜尊崇之體不具邑人版築鋤鍾有司不戒齒牙峻嶒師訟數興豈無由乎若夫遠城郭通潮汐誌言風氣萃止於南溪也與郡西北九龍溪相爲環帶合流朝宗滙派千巖廻瀾九曲雲漢昭回於斯可見復約以紗帽水頭之鉗紐局以圭嶼鎮衛之關鎖天造地設陰陽合德清濁有章然比來詠三星歎滄桑抑又何耶嘗思山水顯晦各有其時人謀得失各異其應地待人人待時

而遲速之數則有所操人待時時待地而靈頑之體又有所變此災祥所以不一治亂之所以難齊也然有說焉莊生云水之積也不厚則其負大舟也無力風之積也不厚則其負大翼也無力今漳郡山高而水不深形大而力不厚風俗恐趨于浮靡人心恐流于假薄學術事業恐華而鮮實盛而未永是不可不知所以培之建閣豎塔壘工疊阜諸之使高鑿河濬隍垣堤束開培之使深猶未也吾夫子不云乎知者樂水仁者樂山天地以山水爲性情人心以知仁爲性情仁知形上之道體也

懷舫雜著

聖

山水形下之器用也體用一源顯微無閒非知道者孰能識之使有明體達用之君子出而挽世道正人心篤淳龐敦厚之風成慈良樸茂之俗則猶是山水一轉移閒體用俱舉何有古今靈頑之別哉顧余非其儔也姑述斯說以俟後之君子論質焉客曰誠哉是言也世有感于術家繆妄之談拘泥形體而罔知有通德類情之大者是可返矣公之識度甚明才略甚敏觀其語言叙致而整暇多風若此舉凡存心積慮無一不爲裨益民生維新治術至計非獨侈談形勢盛稱雲物以

爲吾漳壯觀而已也。明章謹識

懷舫雜著

望

餌魚說

魚之食餌以餌爲利。不知吞鈎游釜。人方以魚爲利。人之餌魚以魚爲利。不知水沈舟溺。魚又以人爲利。兩相爲利。反兩相害。天下事槩如斯。魚之吞餌。餌十失不得一魚。人之餌魚。魚千得而不失一人。然河魚之死。半致於餌。漁人之死。半飽于魚。何也。利之所在。有可死之道也。有可死之道。而卽之以求不死。雖有智者。不知其所出也。設魚之生。不知餌之利。人之生。不知魚之利。魚與人同生並育。于天地間。各如其如。不利其利。又焉害其害乎。無

懷舫雜著

望

如見利而趨。不解爲害所伏也。哀夫。
自莊惠濠梁後。未有如此妙論。明章謹識

長兄憲副公墓表

公諱勳字亮采號蒼霞栢鄉相國家嗣以門蔭未三旬任比部員外授奉直大夫轉郎中出守江西建昌晉中憲大夫以公慈母蔡太淑人憂歸值相國捐館禮居六載補湖廣荊州凡十三年五蒙奏薦特簡陝西按察副使分巡臨洮又四年卒於官壽五十有九公天性孝友以姪承嗣盡力庭闈曲獲歡心處昆弟寬和仁愛油然而得室家靜好年五十始有一妾少治舉子業勉奉父命以恩例就官工詩善書豪飲酌精騎射氣慨軒舉談諧雄快

懷舫雜著

哭

有古燕趙風服官勤敏幹練尤砥廉隅當世矧之佐司寇典大郡寄巖疆多著善政在荆較刊父書殫盡心力癸未

上西巡駐蹕相第垂問良久忠孝大節公無愧矣配楊淑人先六年卒于世享先一年卒以姪需牧承嗣開闢萬里扶輿東歸後二年清明日合葬公暨楊淑人於相國賜壠公卒時蘭人請以名宦祀繼述有人血食不墜公其不朽乎

祭長兄文

別兄十八年兄歿矣哭以詩兄歿二年而葬哭以文弟之哭兄詩文可盡哉號懷之聲伊鬱之懷靡所寄託託詩文代哭耳觀詩文知其心悽悽其音啾啾其容黯黯其淚泫泫焉曷哭乎哭兄守于楚遷于秦弟不能一往哭兄卒於官殯于隴弟不能一至兄潔于守才大用不竟兄篤於親德高數有限在國廉吏殞矣在家宗子委矣將為忠於君者哭之孝於親者哭之兄豪飲工書善詩文今壺觴竭矣筆墨荒矣風雅熄矣弟哭而酒徒哭詩翁哭

懷舫雜著

哭

騷客墨士皆哭兄守楚時築堤捍水拯陷溺數萬家弟哭而橫于水者宜哭平刑慎獄全性命數十獄弟哭而貸于法者宜哭災荒請命積逋代完免饑寒流離數萬口弟哭而耕於野販於市無不宜哭兄在西曹以敏練稱在荆郡以廉幹稱在西陲以潔靜稱天子知之大臣荐之寮采敬之屬吏戴之士商軍民在官則誦之去後則思之聞弟哭而哭者夥矣兄孝於親敬於長友於兄弟睦於鄉里弟哭而長者幼者相等儕者親者疎者姓名不相識者又將各哭兄少為制舉文及雜著各體率各

散失。詩贈我海內。往往爲操觚家賞識。傳家問世。尚無定本。今弟哭兄。以詩哭兄。以文藏山。未卜傳人難見。豈兄之詩文亦助弟哭之一端乎。行將檢求笥篋。彙刻專集。兄如有靈。觀詩文自爲欣賞。亦將念及弟哭兄之慘。且慟耳。茲者兄葬嫂附。卜協吉矣。先隴妥靈。血食續矣。嗣子承祧。精神聚矣。弟哭可止乎。然夜臺不返。終鮮與懷。悲從中來。烏能自已。嗚呼哀哉。

情至之文。不待雕鏤而自工。明章謹識。

懷舫雜著

哭

祭大司寇東海徐公文

嗚呼。自古君臣遇合。師友知契。地不同里。人不同時。前後每出一轍者。道同也。先生當未登第前。名噪海內。開至都下。縉紳爭爲延攬。先人未遇時。策蹇走燕趙。吳越亦多受知於前達。則意氣磊落。不羣足以傾動一時者。同也。先生釋褐後。以文學特被異數。凡有纂著。卒裁定於燕許之手。日在經筵。帷幄閒。承諸備問。引經考古。動合典則。聖學高深。弘贊實多。而先人嘗追隨諸儒。臣後攷定開代。章程助文明雅化於萬一。非學問淵博足以結天子。

懷舫雜著

哭

之知同耶。先生居諫官。雖不久。條奏糾論。振綱提領。非撫拾毛舉細故。塞責而先人之忠直剛正。久爲朝野所推。在臺久。暫不一章疏。多寡不同。但肅紀綱。正朝廷。百寮悚然仰望。丰采無不同。先生憐才好士之名。達於兒童走卒。窮簷之士。片長寸技。爭欲呈獻於先生。而廣收旁羅。急爲吸引。務使野無留良。朝無倖位。與先人樂於提携。後進獎勵才智。亦同。先生直道齟齬。旋蒙聖鑒。又與先人落落寡合。獨受知兩朝者。同。先生待海內知交。高義薄雲。不以貴賤生死易念。每遇故人子弟。勤爲勉勵。

凡患難貧窮。力爲拯救。而先人生平濟困扶危。戚友之周全殊衆。是惻怛之仁。果毅之義。根於性命者同也。道不同。求一端之同。不可得。道既同。無往不見其相孚。顧以相同之道。而誼爲師生。得以際遇聖明。立名行志。遭逢之幸。又何同乎。嗚呼。老成凋謝。古道凌夷。茫茫後進。誰爲引掖。歲月不待。悲從中來。忘其鄙俚。聊陳梗槩。蓋爲斯道。慨惋非一人受恩之私也。

祭江南督學子昆邵先生父諱嗣堯

天生瑰瑋之士。其遇必苦。其事必奇。蓋造物玉成若人。在凡近意言之。表而若人。仰不愧。俯不作。立身持已。亦出世法人情外。如邵公者。生於儒素家。徒四壁堂上。二老躬親。耕織每逢寒歲。糠粃雜咽。而公不廢學業。卒以成名。其遇苦而事奇。一及初任臨淄。卽惟父喪。復補栢鄉。竟掛吏議。以窮困潦倒之身。處膺牒繁劇之地。清如秋水。不染一塵。其遇苦而事奇。二癸亥去官。貧益不支。老母辭堂。喪不能舉。往來奔走。顏色况瘁。曾無尺寸屈節于人。

以此受知上憲。累封薦牘。舊冤昭雪。其遇苦而事奇。三公以悅讎之骨。冰霜之操。一墮陷穽。復何可望。一旦遭逢聖明。特起廢籍。三載清苑。兩旨留任。曾不十年內。列台班外典。邦畿忽膺關西督運之命。忽委江左衡文之司。而公受恩深重。盡瘁鞠躬。繼之以死。其遇苦而事奇。四計公所歷之地。皆世人延頸翹足。不可得者。公捐館之後。室如懸磬。田無負郭。當困守無聊。亦嘗憂心焚如。一遇義舉。便持券廣覓。揮洒立盡。其遇苦而事奇。五在栢日。每不謂先人商榷變化氣質。恢惡不宜太嚴。然毫髮

非禮在前。微色發聲。刻不可奈。幾遭齟齬。剛節不
獲。其遇苦而事奇。六此皆時賢輩。日隘舌縮。相驚
嘆笑。習爲怪者。公怡然處之。不疑。毅然爲之不顧。
孔子曰。道不同。不相爲謀。孟子曰。在彼者。皆我所
不爲。在我者。皆古之志。是得於聖賢深矣。公當今
日。振顏挽末。砥流迴潮。留宇宙清淑之氣。存聖賢
剛正之心。非至苦。又何能覩其至奇。非至奇。又何
能傳。雖云得於古者深。要稟於天者異也。

祭胡伯梁右翁文

惟天地生人。今日處之於愁城。總萬物之有知。獨
縈縈其多情。悲茲渺焉一身。托宇宙兮幪幪。百感
以中其心。今萬物以戕其生。悵憂端之羣集。倏歲
月之清更。已巔毛之種種。何樂境之未逢。其或高
牙大纛。紫綬金貂。名騰寰壤。班列雲霄。時陵勢迫。
任劇處。求開襟兮破顏。每年時之難料。卽綠野
園閒。菟裘營老。牽名逐利。心枯形槁。徒使山靈。柳
榆居諸。潦倒。故於今日而求。蘊脩靜謐之士。曠達
行樂之翁。恨寥寥而莫討。如右翁老年伯者。姓著

崔盧奕葉。貂珥昆弟。聯芬父子。薈美使其干時。圖
遇拾芥朱紫。而乃高全厥尚。達道不仕。知命樂天。
槐棘俯視。倘佯窓草盆魚之閒。坐臥錦函牙籤之
裏。蓋懷抱宏遠。不屑爲富貴役使也。生平酒未豪
于飲也。而深於酒之趣。詩未廣其傳也。而工於詩
之句。無器玩之癖也。而古雅自具。無聲色之好也。
而風流可慕。淺深奇正之跡。豈俗子能追步哉。天
性謹飭。子孝弟悌。襟懷瀟灑。酒風光月露。謙以成德。
仁以博惠。後生小子。嘖嘖然嘆其難繼。隨遇而安。
素位自高。百年豫樂。以遊以遨。周甲考終。壽今不

天一子克家。祀今不就。生死終始。愉快而逍遙。人方食。噉鳴殘漏也。公獨乘箕而升霄。世多戀戀崖撒手也。公乃羽化而風飄。轉憶坡公。印師數語。文章事業。三十年許。自己性命。打點難處。乃公了然。目光如炬。以向西方。菩提是與。以遊東海。瀛島莫阻。素旆將發。佳城楚楚。食以絮酒。載陳牲俎。愧無椽筆。揚榼失叙。敢邀英靈。惟誠是茹。

祭齋長張先生文

儒者生於禮樂明備之時。博帶峨冠。高視闊步。行必則古昔。言必稱先王。卒不獲升斗祿。行其道者。數也。然留天地清淑之氣。存聖賢濬泊之學。富貴浮雲。貧賤可樂。非其人不足以當其遇。任其道。豐此嗇彼。權不在造化矣。古之人得其時。上之則引君當道。責難陳善。贊襄匡救。輔之成堯舜之治。次之亦肆其才智。合從連橫。審時觀變。爲富國強兵之說。取重於人主。次之仍不失珥筆垂紳。承咨備問。爲文學侍從之臣。君臣之際。遇合之難。豈自今

日哉。於是名山廣野。瓊牖繩樞。往往多隱君子。而所隱者又不同。有隱於狂者。阮嗣宗也。有隱於簡者。嚴子陵也。有隱於潔者。陶元亮也。有隱於清者。林和靖也。彼之肥遯。獨善。不愠。無悶者。孤行已意耳。而未有以道隱者。道於狂可進。而不必窮途泣路之憊。道之簡可貴。而不必披裘釣澤之倨。道之體本清且潔。而梅妻鶴子。則失之矯。乞食送酒。則失之玩也。上下古今。俯仰於一人。宋之周濂溪。其庶幾乎。今先生以奕葉華胄。生于盛世。讀書明道。貽傳其子。跡有似乎濂溪者。爰舉其說以質之先

生。仍謂之辭曰。衆連茹而棄。征兮。獨抱道而不試。
念秋水之伊人兮。奈玉樓之待記。望高山而仰止。
兮。嗟老成之捐棄。惟深望于令子兮。出庭訓而相
示。

安命箴

命不易知者。勿怪乎安命之難。作安命箴自警。
命之爲物。聲臭俱無。其理甚微。其量擴如賦。之於
天。全之自人。無心成化。有心爲仁。淺言爲數。深體
則道宜順。而靜思逆。而躁言數。涉虛體道。則實。直
知力行。始終如一。貨殖之富。千祿之貴。有命在天。
徒勞於僞。伊呂之功。孔顏之聖。造之由已。豈圓於
命。大氣運行。無偏無倚。清濁厚薄。各正其體。我生
其間。本爲偶然。豐吝分定。何容心焉。消長盈虛。時
有勝復。人處其中。遂成禍福。妖祥必兆。著龜是告。

守之以理。勿避以術。居易行險。所辨幾希。存誠用
智。千里毫釐。體察事物。辨析問學。知之漸進。安之
斯確。苟昧本原。或淆途半。見異思遷。嗜慾淪陷。常
使此心。惺惺在裏。立命有根。曰惠列吉。

命之理微。聖所罕言。時有所論。亦以提醒中人
耳。然至於安之一字。則非大賢以上。明理以勝
之。無欲以定之。達天順正。而後沛然行所無事
也。故曰不知命。無以爲君子也。公淵源之學。
所得者深。故語語洞徹本原。可與四箴並傳。明
章謹識。

讀書錄

讀書之道。口誦心維。悠揚盡致。涵泳入微。神志不
屬。口耳奚爲。識其字句。失厥指歸。狂呼大叫。氣動
神躁。類於勇奮。實傷粗暴。縱有所喻。率皆浮冒。滑
以俗務。惜以酒色。與不讀同。爲名塞責。一曝十寒。
爲閒不用。作輟之功。居業罔竟。熟讀精思。庶幾於
道。旭日莫乘。螢光貼請。
要言不繁。宜置座右。明章謹識

懷舫雜著

卷七

懷舫雜著續刊目錄

柏鄉魏荔形念庭甫著

沈確士詩序

知鬼神之情狀論

東林論

城隍廟募脩疏引

續別賦

重五日夏至賦

鸚鵡賦

懷舫雜著

目錄

廉石賦

崇邑育嬰堂撥給贍田序

明華陽令沈公殉節入史存稿序

大司馬楊公完忠記畧題詞

重脩柏邑城隍廟碑文

懷舫存稿弁言

擬唐試帖序

傷寒論金匱要畧釋義自序

祝京口大將軍六旬壽序代

祭浙閩首憲蒲母汪太夫人文

祭趙司農恭毅公文

祭蘇州太守梁敬仲文

祭武進趙殿元文

祭沈丘令賢隆長姪文

遊京師西山記

祭安徽巡撫李夫人文

思辨集序

老莊通解序

懷舫雜著 目錄

二

易通序 杜詩偶評序

輯刊梅勿庵先生曆算全書小引

續刻傷寒論本義小引

明世宗承統大禮論

靈樞素問通解序

輯漳郡誌題詞

閩漳紀 恩恭建

萬壽亭碑記

漳誌小引

重刊大毘羅尼咒敘

儒釋異同論

心經註解小引

佳人十美图題詞

徵和宋賢康節先生詩引

薛氏支系序

母太夫人八旬徵詩引

懷舫雜著 目錄

三

沈確士詩序

昔○濟○花○翁○詩○立○宗○百○代○厥○祖○審○言○實○肇○造○焉○固○爲○
世○濟○其○美○矣○然○上○稽○雅○頌○追○述○先○德○公○劉○曹○父○歷○
遠○維○新○木○本○水○源○貴○溯○論○也○沿○及○漢○魏○華○文○雋○筆○
往○往○傳○流○奕○葉○聚○處○一○門○人○才○雖○不○擇○地○而○生○有○
似○乎○蓬○族○而○萃○者○何○耶○吾○友○沈○確○士○家○於○吳○門○蓄○
學○工○詩○川○掃○蕪○蔓○標○示○格○旨○不○惟○荒○飡○之○士○引○領○
望○塵○卽○詞○壇○名○宿○靡○不○心○傾○余○高○其○人○延○至○江○城○
公○署○訓○督○兒○輩○見○其○抱○膝○長○吟○浩○浩○乎○有○不○可○一○

懷舫雜著

一

世○之○槩○而○復○恂○恂○然○卑○牧○似○無○所○容○真○有○本○之○士○
乎○篋○中○有○已○未○刊○詩○若○千○首○今○更○出○二○沈○合○集○示○
余○其○諱○磐○石○先○生○者○乃○厥○宗○之○彥○其○字○得○與○先○生○
者○卽○確○士○之○王○父○也○先○生○當○鼎○革○之○會○高○肥○遯○之○
貞○詩○固○言○志○耳○志○旣○孤○騫○雲○漢○豈○屑○屑○於○諧○聲○比○
韻○之○爲○而○自○覺○根○於○性○情○之○音○未○可○久○伏○於○浚○山○
幽○澗○間○終○於○弗○宜○者○也○且○觀○集○中○志○喜○一○律○已○預○
知○詩○家○宗○祧○作○述○有○在○較○之○三○槐○四○馬○適○爲○俗○物○
而○已○因○知○確○士○之○詩○能○立○於○今○日○遠○不○言○鍾○譚○近○

不○得○王○宋○而○嘔○心○奮○腕○追○蹤○唐○人○祖○述○杜○老○駿○駿○
乎○日○道○而○未○有○止○者○洵○有○所○受○焉○然○則○確○士○之○詩○
願○學○少○陵○何○於○厥○祖○亦○相○同○也○甚○勿○謂○古○今○人○不○
相○及○哉○

氣○骨○雄○渾○辭○致○高○華○想○見○六○一○公○風○味○當○年○後○
學○陳○琦○謹○識○

懷舫雜著

二

知鬼神之情狀論

中庸言鬼神爲德其盛矣乎。視弗見、聽弗聞、體物不可遺。此卽易言鬼神之情狀也。舉世旣不明其故。儒家復師承其說。語益高深。理愈晦奧。因竭愚而論之。夫易言鬼神。必先言幽明死生。合天地萬物以明鬼神也。又必先言精氣游魂爲物爲變。分幽明死生以明鬼神也。言其合鬼神之體以立言。其分鬼神之用以行於此。遂可求知其情狀焉。蓋其體不外於陰陽。易知也。其用乃不測於陰陽。難

懷舫雜著

三

知也。極古今奇幻怪誕。非常不經之見聞。若理之必無而皆爲情狀之所有。情狀所有而強以爲無。非迂則愚耳。余以爲是皆鬼神之用也。中庸復引詩以明祭祀之鬼神。晦翁謂此又鬼神之體之一。乃自游魂爲變推行而出。是游魂爲變之鬼神皆鬼也。而精氣爲物者神爲物而鬼乃爲變也。佛氏因果輪迴。不過檢拾糟粕。流於有爲而爲之私。烏可與易中庸同論乎。故欲知鬼神之情狀。必統天地人物以爲情狀。蓋有情者必有狀。狀乃爲物也。有狀

者亦必有情。情乃爲變也。有有狀而無情。狀卽所以爲情也。如木石有性是也。有有情而無狀。情卽所以爲狀也。如風雷無形是也。皆於情狀互爲顯藏。且疊相隱見。何一非於精氣游魂識其端倪。會其要歸乎。豈如齊諧志怪。干寶搜神。但驚新耳目。前之淺陋者哉。然則鬼神之體。又豈易知耶。非是之謂也。自有天地以來。皆用也。自聖人作易以來。皆明其用也。故易言知鬼神之情狀。亦言知鬼神之體而已。聖人之仰觀俯察。原始反終。莫非卽用

懷舫雜著

四

以求體幽明有象焉。始終有形焉。鬼神斯有情狀焉。非深於易者。難與言中庸之言鬼神也。夫鬼神之用。一語得聖人作易本旨。以中庸証易。深切著明。不比公明清酒三升後。只辦得清酒服衆也。

東林論

嘗讀易至夬剝二卦。知後世朋黨之事。君子小人。固應分任其過。而實同丁其禍也。剝以五陰剝一陽。聖人於小人有深戒。夬以五陽決一陰。聖人於君子猶有懸憂。誠以天地有陽必有陰。人世有君子亦必有小人。陽夬於陰。陰剝於陽者。皆戾氣也。戾氣所鍾。小而亡身。大而亡國。小人患得患失。無所不至。無足責也。君子悉明哲保身之義。存委蛇匡國之忠。顧以一時之奮激。友生之意。氣甘於一。

懷舫雜著

五

厥而不復顧也。揆之聖人學易寡過之心。不似有未當乎。如明季東林故事。可鑒焉。東林之中。不盡君子。有一二君子主其盟。而凡附於東林者。皆君子矣。其端始於京察。成於三案。而終於要典。京察以趙考功之清直。主之。欲去政府之私人。究遭反噬。銓部驅逐一空。是黨伐之端倪。固自君子啓之。而小人加甚焉。三案中。與諸君子異同者。尤未可蓋以小人抹煞。挺擊一案。必謂張差爲主使。果可以安神宗而保儲位否。紅丸一案。必謂李可灼有。

逆謀。果可以誅鄭黨而昭大獄。不移宮一案。必謂李選侍圖垂簾。果可以振熹宗而清宮掖。不如其未也。則爲調停消釋之策者。未必非存忠厚和平之道。乃槩目之爲小人而大之。此東林以此得名。卽以此受禍之權輿也。迨其後。君子悞於疆場。而勢愈孤。小人附於宦豎。而力倍熾。夫不克夬剝。竟成剝一變。而爲純陰。無陽詔獄之興。君子類盡矣。然嫌於無陽。陽終不能無喪敗流離。小人亦大不利。易云。龍戰于野。其血元黃。詩云。人之云亡。邦國。

懷舫雜著

六

殄瘁。悠悠蒼天。彼何人哉。欲直鄭妃而追究楊左之罪。是曲懷宗而申論崔魏之功也。國是失衡。明社遂屋。開國承家。小人勿用。誠至訓哉。雖然。諸君子當日講道學。尙氣節。何嘗不期僉壬盡逐。賢俊彙征。以弘治化。而綿曆數乎。庸詎知流弊遽及於此。然則君子小人。既不能偏廢。果何道以底於盡善耶。易於否泰二卦。昭其義曰。內君子外小人者。泰也。內小人外君子者。否也。又武侯表云。親賢臣。遠小人。先漢所以興隆。親小人。遠賢臣。後漢所。

以傾頽也。世既不能無小人。則與爲奔走禦侮。與爲後先。䟽附小人。亦未嘗無可見之才。可收之效。也不必夬而去之。終爲亢龍之悔。且致剝及膚焉。馴成野龍之戰也。東林之事。此物此志也夫。

千秋疑案。得此論而定。卽起諸君子於九原。當亦無詞以對矣。山陰晚生楊賓僭評

非有鑑定衡平之識。未許辦得此論。末結穴處。與昔人不援獄市。及蘇長公區處條理。使不失職意。略同。真是宰相之言。琦謹識

城隍廟募修疏引

邑有城隍。人士所萃止也。歌於斯。哭於斯。往來酬酢於斯。而卽爲神之憑依焉。易云。神也者。妙萬物而爲言者也。可知萬物之外無神。而洋洋如在。又離人心之外更無神矣。是以古人郊壇祠廟。必奠其居。犧牲俎豆。必陳其儀。正欲肅視聽。一心志。務俾神人之感格。昭昭赫赫。旣在耳目之前。猶存聲色之表也。然流俗所謂以人事神之道。不過倡和於因果報應之間。愚夫婦奔走眩盪者久矣。乃有

讀書學道之士。亦信好不衰。豈智識與愚夫婦等乎。抑亦僥倖趨避之私悞之耶。吾邑按誌。建自楊隋。垣高兩仞。池深五尺。固彈丸耳。然元明以來。文明日新。朴茂如舊。風俗人心。未甚澆漓。豈無默爲陰騭。茲下民者。余記七八歲時。有常姓老人習流俗禍福之說。募修神廟。煥然一新。今四十餘年矣。邑人之壽夭衰盛。推移遷變。雖不盡神之爲之。而善者彰。惡者瘳。又多歷歷不爽。余竊疑之。今者道士賈承德遠來告以重修。城隍神廟。余謂廟乃

神之所依。人心之所繫。廟既鼎新。則人心之外。無神。治心之外。無所以事神。不容不共喻於里黨間。焉於以安神之宅。於以盡人之誠。體物有不遺之理。呼吸有可通之情。而正誼非謀利也。明道非計功也。董子之言。不統天人而一之者耶。有志於立誠以格神者。應不以斯言爲河漢。試書捐金姓氏於左。

勸理到後。觸處逢源。治心之外。無神一語破的。反復數百言。只鞭辟此意。知者見而知敬。愚者

懷舫雜著

九

見而知畏。雅得前輩開示同里深意。琦謹識

續別賦

維茲別緒。離人所譜。文通留賦。魂黯情含。抽條繹旨。冥索幽探。或望古懷託。或撫迹憂耽。疚心灰寂。生味茶甘。顧斯罔盡。丁此奚堪。率皆風蕭蕭而振衣。塵漾漾兮飛驂。樹千重以圍翠。山四合以浮嵐。車轅向北。馬首回南。東張帆影。西指鋒鐔。於時揮手。有不腸。刷神哉者哉。若夫逐臣去國。僕馬蕭條。交遊屏避。踪跡漂搖。二三朋舊。灑涕河橋。誰收漳鄉之骨。嗚剪紙以魂招。至於窮邊迫寇。孤城瀕沒。

懷舫雜著

十

驅疲攻堅。朝命夕發。親知歡盡。妻孥悲竭。掉頭而去。意氣勃勃。或有計偕上國。分符遠郡。堂坐垂白之髮。聞掩涕紅之巾。倚膝握袂。聲吞淚投。置琴瑟而弗張。懷溫清而莫問。再有干時遭損。擔簦出都。已焚行笈。還覓棄繯。來騫厠之指顧。怯新貴之傳呼。雞鳴起盥。昧爽登途。居停主人。例設觴壺。躊躇慰藉。良久而徂。更或多財善賈。利重生纖。長年湖海。百丈樓船。見鰲極之忽圻。竟仙侶之無還。而乃椎牛升櫓。揮淚沉淵。御烈風兮長往。知歸來兮何

年。然。皆。男。子。四。方。之。志。也。而。不。意。甚。於。婦。人。棄。妻。
登。車。故。幃。凝。塵。稚。子。哀。號。媵。女。悲。辛。開。關。道。妾。舞。
榭。消。春。明。蟾。照。夢。往。跡。都。陳。至。如。一。梳。宮。髻。永。閉。
長。秋。爐。香。薰。醉。鑾。韻。鳴。愁。溯。流。紅。葉。說。事。白。頭。雲。
漢。迢。迢。日。月。邁。邁。茫。如。隔。代。生。死。悠。悠。更。有。石。頭。
朝。破。延。秋。夜。啓。蓬。首。貴。嬪。徒。行。良。娣。衣。沾。清。露。烏。
啄。朱。邸。飛。絮。零。花。永。辭。根。柢。而。或。綠。珠。易。來。名。馬。
換。去。鸚。鵡。仍。呼。琵琶。別。御。阿。母。長。違。金。夫。終。踞。一。
任。商。人。所。養。流。落。不。知。其。處。非。不。擊。珠。上。掌。避。風。

懷舫雜著

士

爲。臺。乃。佳。人。遇。兮。難。再。況。柔。鄉。之。老。易。來。歡。淡。爲。
怨。怨。極。生。哀。秦。樓。薄。倖。有。此。首。不。堪。重。回。者。矣。吁。
嗟。乎。眼。茫。茫。兮。眺。矚。步。踟。躕。兮。遲。違。心。慘。慘。兮。不。
怡。身。忽。忽。兮。無。依。悵。芳。草。之。情。多。嘶。班。馬。而。神。飛。
花。明。明。兮。映。綬。霜。淡。淡。兮。沾。衣。青。却。歷。落。兮。筵。設。
白。酒。盈。止。兮。盃。揮。公。子。去。兮。春。已。去。公。子。歸。兮。燕。
早。歸。天。有。隨。陽。之。羽。裊。地。有。咏。候。之。音。稀。信。寒。暄。
之。駭。疾。惜。盛。年。之。芳。菲。識。聚。散。兮。靡。常。知。輕。別。之。
已。非。然。則。別。之。地。咫。尺。亦。千。里。也。別。之。時。一。夕。亦。

千。秋。也。而。別。之。情。洵。曠。遠。而。淡。微。乎。
皆。文。通。賦。中。所。未。及。者。謂。之。續。可。也。謂。之。補。亦。
可。也。選。聲。按。節。一。往。消。魂。讀。未。竟。令。人。喚。奈。何。
矣。後。學。沈。德。潛。識。

懷舫雜著

士

重五日夏至賦 以陽盛重五陰生夏至爲韻

朱明欲判。厥陰始生。兩儀遞運。萬象虧盈。炎威漸逼。霜凜斯萌。靜爲對待。動乃流行。四時循環。二至持衡。在復天地之心。可見於姤剛柔之遇。方成厥惟聖代。累洽重光。協和健順。化裁陰陽。值天行之離極。恰地德之含章。日當午而飛龍不息。陰生南而牝馬無彊。一週五而女壯。五加五爲中黃。建璣衡。惟言中正。凜消長斯謹。抑揚茲於康熙己亥五日丁丑夏至。雙丸會於鵲首。二麥化爲蝶翅。華人

懷舫雜著

三

夷草而風清。梓氏刊木而烟熾。瞻雲峯之亂起。闕百草之豐植。將淋零爲梅雨。行披搖而竹醉。慨九夏之半淪寧。一耦之久闊。爾迺齊宮懸符以召祥。寢廟羞桃而享夏。穀重麥兮登俎。蒲薦馨兮浮竿。菊爲灰而蠶消。艾假人而灾卸。火榴奪朱於紅櫻。王瓜分甘於玉蔗。金絲翠羽。流彩門楣。枯栢蒼松。凝脂斧鱗。薰蕕入而彩團角黍。禁中設爲食盤。時雨滋而稻苞豆穎。秋後廉於米價。其或依表測景。結絲續命。夜扞冉而將長。賜煇煇其方盛。先後甲

之三日。分金伏火。發元黃戰於二龍。今血凝氣競。彼靈均與孟嘗。齊死生於弔慶。如黃鍾之接大呂。

互爲宮而秉政。豈盡五毒可以辟邪。種半夏以望却病乎。再如升臺汲汲。伐鼓逢逢。太史瞻乎蔚靄。舟師縱彼淵洪。或屑九節靈根以進酒。或圖五花寶帳以障風。雕龍繡虎。蟬釵簪於幼婦。黏符闕草。逐嬉戲於嬰童。納丹砂於囊角。藏合歡於枕中。雖知極人心之樂事。而未嘗要原乎始終。若乃易戒亢陽。書美惜陰。究潛昭之有象。問天地而無心。天

懷舫雜著

西

道明則神。其輔相人事。修斯契乎。高深麗當。空斯日中。宜保感漸。至則堅冰。載沉於昭穆。爾衆林林。腐螢能照。鳴蟬知音。當時應候。將不禁其依簷。以飛抱樹而吟矣。載稽麟經。闕疑未補。驗中星亢危之參差。似天旋左右之違迕。雖千歲之求致。幸一人之作觀。滋堯奠之五葉。理虞絃於七柱。亨品物而嘉會。協長養之仁煦。臣在南方。瞻昊天履炎土。因重五之夏至。得以明春秋之書。其文曰。夏五夾。寫夏至重五處。既極工切。復能開展排宕。毫

無窮。遊之患。末一段寫天道人事。更得切劇正意。顏謝其文。程朱其理。的是異事。琦謹識

鸚鵡賦

維茲靈鳥。頗致佳辭。偶寄閒情。聊成短賦。未敢祖襲前聞。要以發抒素意而已。

朱陽敷色。翠隴騰嵐。丹崖鳳侶。碧落鸞驂。羽生斯翮。舌在知談。智惟穎脫。慧乃珠含。胡爲口給。胡爲言甘。如茲鸚鵡。明哲豈諳。崇山在望。茂林可探。懸巢常憩。振豆時饌。暮翔朝翥。雄樂雌湛。歲月忽忽。羽翰氤氳。光彩未斂。聲韻恣貪。虞人指顧。世網周函。從茲綴羽。顧影生慙。爾迺初入離宮。偶來仙館。

貴主顰開。寵姬情歎。飾以珠纓。飲以玉盃。金鎖秋清。錦幃春暖。煖麝煤夕薰。蘭漿朝澣。恩重兮躊躇憂深。今鬱懣歌止笑。兮心傷歎如簧。今舌短哀衆。鵲今蓬飛悲舊侶。兮雲斷彼梁燕之絮語。尚往來而宴衍。或仗馬之長鳴。因斥逐而履坦。厥生弗造。文彩幸誕。厥德聿脩。口過恐滿。傍有凡鳥。欲爲頰緩。以兄呼之。進而言曰。嗚呼。嘻。噫。令色巧言。世之二美。渝白變黑。桀譽堯毀。肆其便便。工爲唯唯。富貴之來。如彼流水。於時燕視弗怡。鼓翼而起。羈縻未

脫。黯。然。復。止。觀。其。婉。轉。出。話。以。娛。嘉。賓。咒。誦。梵。典。
欲。託。美。人。香。界。已。寂。若。戰。方。新。忽。呼。名。而。淚。如。雨。
下。或。覓。跡。而。風。掃。爲。塵。望。帝。魂。招。懷。舊。恩。而。泣。血。
勞。生。數。促。感。噩。夢。而。飛。燐。况。乎。睠。彼。鷺。鳥。思。嘶。鶴。
鶴。乃。有。白。鶴。困。於。狸。奴。或。爲。軒。鶴。或。爲。栖。鳥。歌。臺。
月。歆。花。逕。烟。通。皓。齒。蛾。眉。兮。歡。竭。芳。草。佳。卉。兮。香。
幸。珍。禽。惟。悴。野。鷺。胡。盧。斯。時。主。人。不。暇。自。娛。又。焉。
有。距。雞。之。金。巢。燕。之。幕。以。養。多。言。之。鳥。使。效。喋。喋。
之。奇。夫。也。哉。於。是。緘。長。喙。戢。華。羽。久。無。聲。息。永。謝。

懷舫雜著

七

齟。齬。託。欄。檻。於。一。枝。遠。矰。繳。之。千。緒。辭。旨。鈍。拙。舉。
止。艱。阻。受。誨。不。馴。素。餐。無。語。敗。乃。翁。意。極。矣。忽。爾。
解。繫。開。籠。放。之。使。去。遂。志。虛。冲。感。恩。奮。飛。還。於。崆。
峒。至。今。樵。夫。牧。豎。猶。聞。其。時。望。五。雲。而。呼。嵩。

俊逸清新兼擅庾鮑雜置六朝名集中殆無以
辨。琦。謹。識。

廉石賦

東海石名越王。有廉吏則出見以昭異政。爰
賦之曰。

粵。自。儀。象。通。生。剛。柔。始。判。日。月。星。辰。五。行。各。按。惟。
金。之。精。斗。岳。相。貫。茲。一。卷。石。上。通。霄。漢。海。東。南。隅。
誰。值。片。段。隨。波。不。靡。特。勵。廉。幹。豈。其。沃。焦。之。餘。支。
機。之。塊。旭。陽。朝。麗。洪。流。暮。漑。清。颺。振。勢。水。輪。照。態。
晴。色。空。濛。陰。雲。靄。鬱。隱。見。靡。常。似。無。在。而。無。不。在。
其。骨。嶙。峋。不。滌。而。潔。其。氣。朴。茂。不。奮。而。烈。堅。不。能。

懷舫雜著

八

磨。白。不。能。涅。撼。之。不。移。炙。之。不。熱。頑。懦。鄙。薄。狎。玩。
娛。藥。浮。嵐。遠。斂。深。霧。遂。結。儼。三。神。山。空。傳。截。嶠。乃。
有。雙。魚。懸。釜。一。錢。探。囊。行。隨。野。鷄。憩。植。甘。棠。思。洗。
心。而。觀。海。欲。濯。垢。以。望。洋。庶。幾。蔚。然。深。秀。宛。在。水。
中。央。是。知。五。色。空。煉。方。隅。莫。補。百。川。徒。浣。素。質。或。
蠱。追。琢。維。勤。砥。礪。允。苦。毋。問。瑕。瑜。詎。託。珉。珉。當。殿。
珪。璋。中。流。砥。柱。進。不。遭。刖。退。不。求。沽。無。如。貪。泉。喜。
潤。其。麓。金。夫。怒。剗。其。巔。環。以。阿。堵。薰。以。腥。羶。塵。封。
英。爽。苔。剝。光。鮮。斯。時。斯。石。寧。淪。於。淵。厥。惟。神。禹。隨。

刊。抒。策。膏。雨。潤。兮。披。雲。霧。而。見。青。秋。陽。曝。兮。探。虞。淵。以。取。赤。俾。王。於。越。附。庸。侯。伯。以。昭。素。絲。以。濯。玉。魄。胎。之。孫。子。世。守。清。白。廉。吏。不。可。爲。而。可。爲。淪。斯。盟。者。有。如。此。石。

借題。摠。意。指。示。親。切。不。僅。爲。居。官。者。作。一。晨。鐘。棒。喝。觀。而。公。之。政。績。節。操。亦。約。略。可。觀。
琦謹識

懷舫雜著

九

崇邑育嬰堂撥給贍田序

世祖章皇帝。聞基御極。仁育義正。萬幾百度。罔不以敬天勤民。爲創業垂統之本。時先相國秉邦之憲。將順美德。導揚聖化。恒懼弗克致。君堯舜。歷掌垣擢臺長。前後封事二百餘上。朝陳言夕報。可殆有君臣一德之風焉。其間有嚴禁溺女惡俗一疏。深

蒙

褒美。奏對之語。載於實錄。維時廷臣咸有篇什

懷舫雜著

十

誌盛。婉虞廷賡歌喜起之隆。於是甘疆大僚。遂爭行恤孤育幼之政。以弘

聖天子誠求保赤至意。聲教所孚。遐陬僻壤。牧守令宰。無不咻煦。煦務爲子惠之術。此崇邑育嬰堂所由設也。形幼讀父書。長叨門蔭。備官丞守。忝冒分藩。蒙

恩移駐於茲三年矣。因清釐田賦。臚陳因革之宜。奉

制府標示。以爲慈幼善舉。王政所隆。黜浮崇實。

是爲先務。又崇之育嬰堂。所由興乎善士某人等。經理而恢弘之。既已綱舉目張矣。請序言於其籍斯固爲表帥之一端也。遂飭邑令王君撥漲田五百畝。申明付執。並詳其原委。勒田之丘段步數於石。庶造端者足以濟遠而有始者不致鮮終以沛。聖澤以彰。憲德而繼。志述事之微意。亦以存乎其中矣。是爲序。構局緊嚴。詞意莊重。自足鼓吹休明。詩

明華陽令沈公殉節入史存稿序

嘗讀詩曰。人之云亡。邦國殄瘁。斯知賢人君子。乃上天生之。以弼君匡國。其身之去留。卽卜國之安危。顧可羅而致之。狂狷之間。付之闕置之手。辱之戮之。且孥誅之。耶皇天震怒。絕其大命。固其宜耳。復遲遲而始有屋社之禍者。蓋猶冀繼世之主。悔艾自新也。乃信任閹宦如故。戮辱士大夫如故。斯天災人害。雜然並至而莫可爲矣。載稽師曠之語。晉侯曰。天之愛民甚矣。豈其使一人肆於民上。則誅暴救民。罔天意耳。若揭干斬木之徒。肆暴屠割。慘莫爲比。豈湯武而後歷世。旣久天心。或有變遷。與抑意固自有在也。有明洪永父子。開國殘忍。胡藍之獄。已爲寡恩。齊黃方鐵之族。尤負慚德。而逞淫刑。逮於世宗。敲朴誅竄。殆無虛日。哲懷二代。以戾繼。惛奉行家法。草芥臣隣。遂使閹獻二寇。陸沈南北。膺禍之烈。宇內同然。而逆獻逞克。兩川更甚。至今披讀諸家紀難之書。仍爲痛心疾首也。至其間志節之士。焚身湛族。成仁取義者。隨地不乏。而

得事聞於當時。名傳於後世。亦寥寥耳。其淹沒於倉皇戎馬之場。大紀於簡策。散亡之餘者。蓋不知凡幾。華陽令沈公。死於節。載於史。非不幸中之幸乎。而其令子實有力焉。蓋流離瑣尾於冲年。泣血呼籲於歿世。其至行為不可及。古云求忠臣於孝子之門。吾謂求孝子亦必於忠臣之門。斷斷如也。至於勝國樹德未滋。而臣工報禮猶重者。或逢時行道。猶有其機。忠信重祿。猶存其制。士遂甘效踵頂。輕湯鑊而不自惜。歟。別遭遇聖明。畏天尊賢。作

懷舫雜著

重

人造士之不遑。苟明事君致身之義者。又當何如也耶。

淋漓悲壯。說盡有明時事。不獨為忠義扼腕。而洪永以後諸君。屠割臣隣。對此亦自當撫然。琦議

大司馬楊公完忠記略題辭

仁體至大。誼量兼廣。忠得其一。盡心無固。臣止於是。循途岐兩。殫瘁昇平。捐軀板蕩。幹事維貞。濟變必強。萬不可為。視死如往。金甌自固。長城方仰。智脫嶮巇。謀安搶攘。蛇豕漸夷。節鉞懋賞。司馬楊公。豪邁軒昶。德秉不貳。帝鑒無爽。撫閩鎮粵。蚤暮執掌。消沮陰謀。釋散逆黨。隻身虎穴。拊背扼吭。禍發機駭。疾如聲響。閉閣懸環。斬關破網。集師糾紛。仗劍慨慷。風掃氛霾。雷驅魍魎。山海萬里。天清

懷舫雜著

重

日朗。帝曰俞哉。勲勞用獎。秩晉戎卿。祿賜烹養。生勞歿恤。閣圖廟享。越數十年。簡命咨訪。指示子孫。音容惚恍。仁者之澤。其流洋洋。忠孝世傳。駸駸日上。

重修柏邑城隍廟碑文

今之邑。古之建國也。置邑立廟。建國祀社之制也。邑有卿大夫家。世祿之遺也。春秋之義。卿大夫不世。然或培厚植深。厥緒亦往往數百年弗替。其間事神庇民。默相維繫。以固苞桑者。必有道焉。柏邑之城。雖肇於楊隋。然前已紀於史。漢矣。陵谷變遷。容異其域。而神人依附。幽明感通之義。自與天地共久遠也。石晉以後。隣於塞徼。荷戈輓運。日不暇給。人文衰落。記載無聞。縣志所得。攷者類元明近

懷舫雜著

五

跡而已。簪胃之族。代亦不乏。歷溯舊德。長奉典祀。五百年來。似於余宗多厚幸焉。語云。名門右族。莫不由忠孝勤儉。以成立之。莫不由頑惰奢傲。以覆墜之。興頹振謝。盡人爲耶。而天日照臨。神明闢察。未嘗不合顯晦而呼吸相通者矣。知其所以生。卽知其所以死。盡其所以事人。卽能盡其所以事神。聖人之言。其可易乎。惟邑城隍神廟。旣與茲土共其始終。自與斯民大關休戚。邑之風俗美教化行秀者。興於朝廷。朴者安於樂利。神之陰臨。

民實式憑而嘉許之。然則勉於顧念。爾祖事修。厥德之志。以附保佑。命之曰。夫忠孝之心。固人人反求而至足者。矧魏氏有喬木世暉之誼。蒙床襲寵。獨深且久者歟。再稽歷屆修葺。率皆倡於魏姓。世父轉運公碑記其詳。茲復歲久頽敝。邑人共謀鼎新。仍以募疏碑文。屬彤首事落成焉。夫聰明正直者。神之德也。忠信篤敬者。人之本也。賞罰彰瘡者。神之權也。善惡良好者。人之辨也。因果報應之說。有出於相從。以類易之所云者乎。蓋倚伏不測之

懷舫雜著

五

機。未嘗不有感召自至之端。屈伸難窮之數。未嘗有外殃祥已作之理。善乎先相國之言。使民日遷善而遠罪。皆神之爲。不必瀆陳禍福。而時凜凜如在其上矣。况幸生於聖代。沐乎祖澤。敦詩說禮。有其傳。修身事神。有其法。願堪暴棄。卽於滔淫。反不若朴茂力田之編氓。俯仰無愧。足以飾躬而訓後也乎。予非敢私其子姓。孟子云。巨室之所慕。一國慕之。則所以率閭里合鄉黨。共矢精誠。以自求多福者。詎可它諉乎。願衣冠之宗。善承其燕翼耕

織之果永足其欲求。俾廟貌常新。牲醴永潔。此邑雖如黑子。若而亦界在畿輔。王化所先。其爲國壯金湯而興賢弘用於萬年也。豈淺鮮耶。用是不揣固陋而爲之記。

議論從容辭旨溫厚。反復頓挫處尤得向背往來之勢。寧獨作善降祥。足爲桑梓矜式耶。琦謹識

懷舫存稿弁言

憶丙寅歲先宮傳見。昔余年十七。自八歲出就家塾。二年學爲文。十三補博士弟子員。其受教於父老。十之七。受教於師者。十之三十年內。成大小題及經文約二百餘首。多係先人改定。間有已作亦批註甚詳。手澤宛然。將服之終身。以存先志。其後急求祿仕。留爲枕秘。遂攜之濠丞署中。不戒於火。每自思。艾輟棄所業。有愧貽誤。是以天祖鑒觀。付之一炬。惕惕於內。旦夕弗遑。然旣以奉職受祿。何

敢復伏案。嘔心曠官廢事。但政務少暇。卽樂披誦。古今人文藝。卽或憂而憧憧。憤而鬱鬱。莫不賴之以消釋性情。嗜好不自知其然。是亦昔年教誨所啟。故雖暴棄之餘。猶欣欣時動於中也。庚寅之秋。自濠移漳。公務叢沓。愈無一可自娛者。乃於漏下數刻。人聲間寂。挑燈作呻吟聲。聞者竊哂。偶而玩索研究。有得於心者。亦常信筆成篇。有旋成旋雜。廢牘焚銷者。有友人及郡學生持去傳閱不復可收返者。其以示兒輩大約十不二三。今之存稿是

已因思業文果重自保持則數百篇中豈無少可問世之作不應盡歸焦土今編摩障而日坐篋中對吏卒絮語不休乃欲論文講學不亦晚哉然諸兒以爲前稿乃祖父手澤既不善藏矣此稿更不可不存余謂所請雖未協或因余之墮棄所業而令兒輩顧念祖德聿修無斁未爲不可因許其災木今海內操觚之士林立卽掄元奪魁之藝猶不易求全璧余以俗吏何敢出而示人聊以明家教源流存之豚犬敝篋而已大方諒之

懷舫雜著

禿

公讀書最深故其中之甘苦亦備悉殆好學不倦與欲罷不能之意有相因而至者賴以消釋性情洵爲實錄琦伏讀公之著作甚多故知公言爲最真彼立乎其外者恐膛焉未足以語之也琦謹識

擬唐試帖序

士以文售於時爲得遇其事如途之人相遭故穀梁傳謂不期而會曰遇徐鉉曰遇之爲言偶也然天下何者非偶哉取士之制漢偶以策唐偶以詩宋偶以帖括明偶以八比雖因革不無所仿要皆偶以爲然耳乘時蔚起者偶以言揚偶以言廢寧有夙期迄無定論然遇不遇固偶然而自有不偶者在試取漢唐以來得售於時之業次第比屬而觀之代柄章程人端矩矱合其繩墨則收佚於規

懷舫雜著

手

尺則損有三重之道存焉非以學淺深才裕絀及品之高下論也以其偶者暗投其不偶必簡練揣摩而後鑿柄投合又終不可預決仍復偶然千古塲屋殆盡於此大可毛先生未遇於塲屋者也失意避人偶于友人家書架上持一帙唐人試帖去後乃考訂辨論纂輯成書刊布於世當其携去時必無暇預計其書果遑編次否編次得成果能流傳否偶然而携偶然而成偶然而傳矣先生無心也予以薄植疑於一第甲午冬于役三山亦於友

人詩中偶讀此冊始喜其賦物能工繼嫌其騁才未盡終知其得失紫心藩籬碍手相馬者不賞牝牡驪黃之外畫龍者能不精神光怪悉奪乎於是偶擬一篇興感無聊遂積而得八十首惟胸鮮成竹故賦類閒情其傳不傳固聽之偶然可矣豈知天下事大有偶然而似不偶者較刊方竣忽制詔鄉會兩闕二場試士用五言六韻詩一首若有神物驅役於斷髮嘔血憑軾攬轡之間竭來往會城五十晝夜之心力而獲竟其藝幸藉功令篤

懷舫雜著

三

策髦俊將千餘年淪落塵土之技忽而家絃戶誦矣獲見大可先生諸作可識唐人之餘緒而余所製即瑕瑜不掩亦足權輿斯道或不忍遽棄偶然與前人並傳有不可知也可大可先生釋試帖近於八比之義似數十年前預知將遇於時不獨余兩月咏哦為幸中矣雖然先生與予豈容心哉亦曰偶然耳

通首將偶字作線串下極左紫右拂之妙而場屋得失處亦摹寫曲盡其態琦謹識

傷寒論金匱要略釋義自序

語云醫者易也故病之有綱易之卦也綱中有目易之爻也其證於脉色形狀者象之可觀也其審於標本從逆者占之可玩也而病之消長進退生死之機遠之取於天地運會近之比於天下國家無不以扶抑為體以補救為用雖病情剛柔變化無窮極矣而俱可以陰陽之至易簡者盡之何一不與易相通乎是以三代以後聖人之精意當於醫卜中求焉乃學士大夫鄙為技術之微斯其本

懷舫雜著

三

源遂大脉而流末不競既迷於汗牛充棟之方書復敝於道聽塗說之市僧上下數千百年得一長沙太守仲景先師闡微言明大意名為繼軒岐而起其實開乾闥坤分三才立人極而宗萬世也軒岐之書類春秋戰國人所為而託於上古文義順澤篇章聯貫讀之儼如禮經也仲景所著起於漢代文義似平順而折與篇章似散碎而通會讀之反難於得解且易於疎漏其書具在試披閱而自得其可疑可信之故焉世人業此者以讀後人方

書之法讀仲景諸書其文朴而不華其言淡而無奇終莫得其精微廣大之所居隨以求後人諸方之法用仲景諸方亦謂頭病但治頭脚病但治脚斯已耳而百無一效於是競言仲景之方不可用遂置仲景之書為不可讀而荆棘陷穽遍於寰宇二氣失其良能萬物斲其生命可勝慨哉此何故也不於仲景之書先求明其理乃規規焉取用其方刻舟覓劍膠柱鼓瑟未有得當者矣余自垂髫喜玩軒岐之書既乃知讀仲景所著往往以仲景

懷舫雜著

重

所言釋軒岐不明者而以軒岐所言釋仲景方得明以此知仲景之書不易了也雖然畏難苟安私心竊憾蓋不能批卻導窾得迎刃而解之道則終莫獲諒然之快甲午乙未間守漳逾五六年矣時和年豐訟稀事簡清齋下簾嘗試點易久而悟其開務成物首在於醫而合乎易簡以得天下之理者舍仲景先師奚覩乎乃不揣固陋以讀易之心思識解讀其傷寒論金匱要略諸著先為字櫛句比焉次之條分縷析焉次之分章別段焉次之

參證互明焉次之要終原始貫串通徹焉而知仲景之書真與易無二義也自童及艾讀之四十年註之旬月而畢人以為敏不知由來者漸矣然其間吏塵嬰人殊少靜端自多舛略惟願觀者細玩原文各得心解平日者靜也觀病之象而玩仲景之文文即辭也臨時者動也觀病之變而玩仲景之法法即占也然後於仲景參伍錯綜神明變化於醫者知無不相合於易則吉凶得失悔吝憂虞之故惠迪從逆亦必曉然大白矣於予之註不過

懷舫雜著

書

胼拇技指視為贅物云爾何足與於有無之數乎用是敘其意於首

易云易有太極又云三才之道備焉又周子太極圖曰立人極可見人身一天地也學醫者苟不明乎陰陽消長吉凶得失悔吝憂虞之故則讀盡方書直與道聽塗說之市儈等耳奚足以調劑二氣而扶抑補救蒼生之生命乎公惟深明乎易理而知長沙太守仲景之說與易有水乳之合故于其精神意旨挾摘無遺不獨為

仲景重開生面。爲仲景功臣。直爲天下後世培植命脈。非淺鮮矣。先儒云。事親者不可不知醫。願學者各置一帙于案頭。以求明之。時謹識

懷舫雜著

彙

祝京口何大將軍六旬壽序代

國家鴻運肇新。必有佐命勲臣。開基創業。以篤慶祚。以建懋勳。以貽厚澤。而忠貞勇烈之所培植。固與日月爭光。爲山川壯氣。寧止鍾鼎衍榮。圭桓襲盛哉。然河岳之流峙。至高深也。滄海涵注。萬派朝宗。崑崙巖嶸。羣峯會極。其間泰華嵩衡之條列。江漢淮泗之支分。其不巍峨浩蕩。綿亘淳泓。斯誠遠邇同源。枝幹一本之理也。欽惟我皇上重熙累洽。久道化成。千百國聲靈治教。赫濯昭明。六十年

懷舫雜著

彙

文德武功。敦崇宣著。紹唐虞。媲商周。邁漢唐。於是閭閻之門。帶礪之裔。篤生巾甫。超倫軼羣。英年已識其遠大。歷試更績。著綬安如。鎮海大將軍何公者。公之簡鎮京口。將十年矣。文恬武熙。民安戎肅。禁旅整練。常升平而常懷奮勇果敢之思。鈴制謹嚴。處部伍而咸懾禮讓雍和之令。而且惠以恤軍。謙以禮士。和以容物。勤以宣猷。儉以成其廉。愼以篤其敬。精白厥事。於不二甲。牧爲道而彌尊。衆美備而大業日盛。令譽集斯繁祉。無疆此必有所

依恃而躋斯美也。然則堂構之親承高曾之世守。不又可推溯而得之乎。公大父都統公以遼左名族從龍振起。祖宗兩朝勳功壯猷昭載典冊。公父大將軍掃蕩滇緬鎖鑰宣雲援勦八閩值粵東亦蠢動斬關振旅攻綏兼施廓清立奏。恩眷逾隆。公以宿衛異材隨征天討三加展疆萬里既濟美而佐帥嶺南更遡望而雄鎮江左。豈非登高行遠謹於跬步測深量峻推及溟濤哉。夫京口固天下形勝雄奇險要之區也。襟海帶江關吳控楚天

懷舫雜著

三

壁分乎南北。人力會厥舟車貢舶漕艘往來絡繹。揚波伏莽山海睨窺水師與陸營星羅棋布統制最難。伍卒與編氓羣居萃處安戢不易。于時當寧知公才德克肩鉅任斯用之專而且久焉。公廼以克修光烈者仰酬知遇以謹飭志行者恢弘聲光寧不造國興家輝前映後爲社稷封疆之干城。子臣忠孝之矩矱也。耶。今歲大來之後值公甲子初週仁裕乎勇不尙賁獲仁得其壽無慕期羨俾立業不朽傳澤莫窮膺天之寵無艾則公之篤佑

餘慶申命錫嘏者有非尋常南山君子瀛海仙人所可視矣。此猶泰華嵩衡之爲高江漢淮泗之爲深莫不原於覆載之奠定而根底無始適爲太和之流行而充塞無垠又豈可以形名度勳之間求之乎。以此介壽誠無量爾。是爲序。

雄渾堅卓不同凡響其轉捩關注處理足以副之氣足以舉之洵爲傑製

琦謹識

懷舫雜著

三

祭浙閩有德滿母江太夫人文

惟景運之隆興兮荷符命於昊天除暴亂以安
華夏兮永歷數於萬千衍天潢爲衆派兮總霄漢
之高懸滋培帝族之材幹兮茂育家國之冑賢固
扶輿之氣篤兮亦義方之澤延嗣母儀之聖善兮
秉坤德之淑妍傾八閩之疆域兮半牛斗之星躔
時伏戎而揚波兮常跳梁乎瀝巖荷眷顧於東
南兮移五雲於目前實繼周召以分陝兮寧止韓
范之安邊誠忠孝之並懋兮奉板輿以周旋仰八

懷舫雜著

芑

座之懿美兮疾風播而郵傳某時守郡於南徼兮
進瓦礫而陶甄得聞貞靜慈惠之梗槩兮竊誦鵲
巢而流連惟關雎王化之大行兮斯公侯風尚之
皆然時爲稱述於姻親族黨兮徽名誕布於歌絃
果厚德之騰聞兮致綸綍之弘宣表大節於典
冊兮輝銀管而如椽方煥帝室而式閭閻兮昭
奉閭壺之豆籩值島嶼之蕩平兮大勲行繪乎凌
烟祿養永隆於百禩兮祝方至而如川胡璫臺之
虛席兮西母遠迓以雲駟當蛟鱈之授首兮或釜

魚而鼓燭字堪振輶轅於萬里兮墮華章於冰淵
遂羣情於恒遠兮措時宜於經權仰慈念之大慰
今奠金湯於萬全雖岳牧之交推兮實聖明之
燭燃生榮沒哀之備極兮本閭範婦德之肇先如
珠之耀光於海浦兮如玉之煥彩於岳嶺其存也
矢清白兮若霜空而輟月其終也知靈爽兮必配
坤美以承乾禮重朝廷兮加恤銘藏佳兆兮深
繡子孫繼振於百代兮與國祚日盛而同綿功
德昭垂於不朽兮合天命福善之無偏某辱廁門

懷舫雜著

芑

宇恩義拳拳羈縻職守驚悼悃悃望天衢兮無際
識霞彩之彌綸定注生兮極樂證菩提兮夙緣慈
雲法雨自在回還處塵寰兮企仰傾微誠兮奠維
於無可鋪陳之中得歸善母氏法以鋪陳之荷
呈偉麗情文都美琦謹識

祭司農趙恭毅公文

秉扶輿之間氣。鍾川岳之菁英。誕名世之偉臣。今佐盛代而隆平。初肆志於縹緲。竊經史之華。精繼奮翼於雲霄。輝姓字於科名。宰花封以報。最兮擢省郎以增榮。竟閒居以自適。兮遠軒冕之俗情。乃清惠之著聞。兮達芳譽之錚錚。遂弓旌之寵錫。兮惟德懋而用宏。理財賦於繁重。兮勵素守之堅貞。藍田散於繭絲。兮息勞役於魚鱉。晉中丞而撫越。兮更移鎮於湘衡。革沿歷之積弊。兮寬稅

懷勸雜著

聖

飲以從輕。黜貪庸而震惕。兮獎廉靜之澄瑩。吏修職而罔惰。兮民樂業於更生。膺當宁之簡在兮。嘉治術之莫京。擢內臺以秉憲。兮肅萬邦而化行。端表帥於百寮。兮標丰采之崢嶸。晉司農以持籌。兮總會計之大成。矢公慎以終始。兮昭冰雪之丹誠。洵谷顧之魁渥。兮常採納於廷評。方冀期頤之大年。兮爲槐棘之典型。遽三台之光掩。兮乘箕尾而縱橫。天子震悼而輟朝。兮失輔弼之公卿。中外嗟傷而婉惜。兮隕梁棟之支擎。誰爲朝廷

之鼎鉉兮。誰爲國家之幹楨。孰釐八政以永祚

兮。孰孚一德而咸亨。茲者易名大典兮。欽爲聖

定寵恤優禮兮。厚用賢旌。發悠揚兮。丹旆宅慈蔚

兮。佳城遊神於絳霄。紫極兮。以清風明月爲友。盟

默佑乎社稷蒼生兮。有景星慶雲與將迎。鍾鼎深

鐫乎大烈兮。史冊永著乎徽聲。某懷舊德於通門

兮。曾登龍而扣鎖。蒙德言之訓勵兮。勉後進以飛

鳴。久望道於洋洋兮。徒株守乎硜硜。聞山頽而木

折兮。實心感而思策效執紼而弗遑兮。愧奔走於

懷勸雜著

聖

塵嬰撰誄詞以敷達兮。托昭鑒於禮牲。

叙致詳明。不遺不溢。殆詞葩而理質者耶。琦謹識

祭蘇州太守梁敬仲文

惟我梁魏。誼比朱陳。三百年來。互托婚姻。迨兩相國。同舉於鄉。星冠露佩。共四十霜。公相國孫。余相國子。兩家門第。世拖紫綬。西之春隨。公採芹余方童幼。公已成人。屢試棘闈。同愧鰲羽。奉詔拔髦。公乃首舉。各遭大故。杜門家食。入貲爲郎。勉就吏職。余佐濠郡。公丞袁江。新詩驛壁。舊雨燈窓。余移嶺外。虛糜六年。考績入覲。公亦爲遷。聖主加惠。恩覃世胄。顧念東南。劇郡親授。余亦承乏。

懷舫雜著

聖

來茲分藩。廿載濶別。寸心繁言。吳苑春風。京江秋月。握晤無多。簿書竭蹶。荏苒年華。倏忽六載。情懷如昨。鬚髮盡改。去秋舟中。絮語纏綿。相期誅茅大茂之嶺。槐南滄北。檢書課農。各長子孫。世守章逢。公方神旺。余近龍鍾。謂公享年。比茂椿松。胡然微疾。遂不復起。仁者之壽。竟成虛擬。公之治蘇。安靜和平。臨民聽訟。設誠制行。士庶知公。坦白不欺。闔閭恬恬。蔀屋熙熙。飭躬廉謹。與友協恭。治事詳慎。理劇從容。在廷九棘。羣推政績。屏柱書名。竚見

龍錫公爲詩文。溫雅清激。脫古籀籀。造道自適。風水流行。澹滓浣滌。以之垂世。近今無敵。立言立功。俱足不朽。年止週甲。可大可久。有子挺秀。箕裘克承。夜臺深慰。雲路游登。女孫弱絲。喬木是憑。仲郎英畏。高曾步繩。悲公辭塵。箕尾是乘。餘澤嘉懋。霞舉雲蒸。余弔形影。臨深履水。一別永隔。百感長興。親故凋謝。典型頽摧。世上浮名。陳跡寒灰。絮酒酌奠。哀思滌洞。公之神爽。歆格式來。尙饗。

理醇氣樸。雅有西漢風格。由其以議論行文。而

懷舫雜著

畧

不以塗澤爲事耳。
琦謹識

祭武進趙殿元文

伏惟忠孝之理。具發同源。作忠在於移孝。而求忠臣。每於孝子之門。以其光輝蔚爲文章。制節表乎矩度。緒餘著於言論。飭躬績學。德立植繁。接物應世。倫叙誼敦。是乃篤行載道之君子。其生平實全乎成性之存存。如裴翁老先生。世臺攷其家世。積德延綿。讀厥父書。策對人天。大魁多士。睿鑒澄淵。珥筆宸極。華藻光妍。直廬乙夜。蒸照丹鉛。趨庭休沐。歡承跪拳。敬奉庭訓。竭修臣職。爰承聖眷。

懷舫雜著

哭

聊娛親年。出則委蛇於鳳池鸞液。入則講習於禮訓詩傳。人咸謂象賢之繼美。更將振九萬而無前。及其載書東墜。奉命西歸。微文傳而金魚胆落。露布草而駟騎風馳。文星照兮機槍氛靖。聖德宣兮千羽化綏。是將效留侯決帷幄之勝。寧止嗣文公紀功德之碑。迨至司農恭毅公。致身盡瘁。德邵年高。矢精誠於無斁。警夙夜於多勞。戴星而登殿。陞秉燭以督楮曹。終始精勤之節。完全冰玉之操。生榮歿哀。思恤綸褒。公於此際。侍疾積勞。既顧

天而莫逮。遂毀瘠於憂。惻然則公篤於親而遽傷於孝耶。胡爲君恩待報。而早厭棄乎。慮竄想公扶輿千里。泣血若流。念聖朝之禮數。懷累葉之嘉修。勵匪躬於畢世。審報禮之途悠。乃自顧已失怙。雖鼎養而難留。致感悼於莫已。竟臥疾而弗瘳。又聞公有良配。德備貞柔。性亦純孝。喪禮詳周。先公而歿。更益慙憂。憂能傷人。百歲易道。况在君子。道義是求。修文遽召。高登玉樓。茫茫命數。渺渺冥幽。孝思誠摯。行義無仇。獨存臣心之未盡。付與孫子。

懷舫雜著

哭

作箕裘。某也幼歲。獲與公遊。淵沉靜默。經明行優。別後十載。臚宣狀頭。余以塵吏。鞅掌沉浮。奏績入覲。握叙綢繆。倏忽拙宦。七歷春秋。聞公訃音。百感紛投。每觀名門。敦篤孝義。守之終身。貽謀匪異。今公有子。述事繼志。况有白耆公家之季。公隨先靈。廟食弗墜。來往層霄。風雲鼓吹。神其來思。鑒茲誠誼。

序致纏綿辭旨愷切。友朋相與之誼。于斯略見。琦謹識。

祭沈丘令贊隆長姪文

嗚呼。憶在丙寅。余年十七。姪年廿二。余丁憫凶。正
在哀毀。姪奉雙親。承歡鞠。伯兄發甲。讀書需次。
姪學就成。余方勵志。兄念藐孤。早遭背棄。命姪同
心。經史攻肄。風雨晦明。誦習講議。期共顯揚。用展
利器。奇文欣賞。嘯歌忘寐。好景樂遊。唱咏深醉。晨
夕於茲。年華屢易。同赴有司。鎖闥屢試。相憐擯放。
顏慙心悸。慨余半途。思遷見異。姪謂余才。宦游失
類。姪捷南宮。前徽克嗣。余時佐郡。碌碌成事。姪方

懷舫雜著

哭

授徒。裁成羣季。余擢刺史。姪方爲吏。六載甘棠。清
靜主治。士宗其學。民蒙厥賜。以余簡命。觀察斯
地。姪例改官。歸途驚驚。行李蕭然。琴書在臂。相別
虎阜臨岐。垂淚各勵素心。家修勿墜。再令平輿俗
淳政粹。小民興誦。結情真摯。上官鑒之。喜無飾僞。
安和恬熙。靖共爾位。方望報最。臺垣榮昇。胡忽一
疾遽然。憔悴造化。顛倒浮生。原寄姪性抗爽。豈戀
簪第。病無私言。卒無喪費。浩然去來。達生已至。夜
臺幽杳。鬼神元閔。理數精微。憑誰析義。余懷夙昔。

同羣騏驎。分踰揚驢。期越倫萃。姪終一令。未竟所
施。余亦困頓。湖海况瘁。痛聞訃音。心傷淚漬。應圖
駿足。今忽一躓。伏櫪老馬。何能遠致。門祚式微。爰
發深喟。諸孤業業。哀節教率。千里之駒。雲風鼓吹。
無忝所生。車高馬駟。仰慰英靈。逍遙適意。

懷舫雜著

哭

遊京師西山記 丙申四月

形自襁褓先君予告攜歸泊年十五就試詣都門嗣後汲汲名場三十載常涸長安十丈塵中惟朝夕望西山而竟無遊跡心恒恥久汨沒於俗緣也丙申之春考績重來既覲聖顏溫音復留僦寓宣武門西長椿寺側需次杜門每當雨後望西山蔚然深秀觸人心目山行之興遂不可遏欲邀結同志載酒攜樽共成盛舉然賓從糾紛車馬雜還率不易集乃於清和之下浣遂成獨往駕一車從

懷舫雜著

兕

一男三僕出廣寧門而風雨遽來時方苦旱側聞路左農叟咨嗟余喜茲雨不足爲妨吾遊也然沾灑未逾時而止適使載途沙塵移刻廓如渡蘆溝橋南折時已向暮扣宿李郭庄之觀音菴下車入門雙松夾砌掃西廡設客榻題詩滿壁多自京避世而往者旋摘園蔬沽市酒既醉既飽徐步菴後短垣半缺長嶺橫拖西山面目愈爲親切次晨仍作輕陰細雨山路石滑舍車策馬西南行二十里午前五更至灰廠望列密嶺半橫烟如霧壑崖壁立飛

灰似雪間有巖居之人出沒其間鬚鬢皓然蓋爲灰所蕩翳非盡長年者也由灰廠稍北又十餘里則岡嶺蜿蜒勢漸聳突回顧平原諸村落似憑几俯視階砌間午側至石佛村不數家樹木陰翳徑路崎嶇輾轉而上馬行甚艱又將五里遙見一坊有僧焉問乃知爲戒臺門戶陟級而登又里許卽戒臺寺寺依西山之麓連屏疊嶂擁護周匝寺外有館爲遊山而肉食者設已被雷焚其基在焉門內一松垂蔭畝許拳曲盤紐如虬如龍僧名之曰

懷舫雜著

辛

萬壽余晒之豈秦五大夫乎歷重門躡層臺長松百餘森列左右俯仰拱揖古質淳風儼然遇三代上人東西建高閣貯藏經由後崖轉折而升憑欄以望神京在烟雲飄渺中也閣傍行宮列置爲今上攜青宮駐蹕之地僧舍在閣之南躋高砌開廣廈影堂供其開山祖自明萬曆時至今法衣尙存晤方丈師乃宛平王相國家香火僧出御書石楊金剛等經以示又歷叙君相禮遇之榮娓娓不休知無從印證遂不復答引觀戒臺在閣之北建

自前明云有神宗母李后臥榻及官椅留寺其實非榻乃佛龕耳官椅須數人方可移。想見前人之朴。臺基已壞。舊綠山根。產煤建塔鎮之。近又奉旨飭禁。然工費頗大。當此節浮崇儉之時。諒必不出數萬帑金。飾僧伽之座也。又有舍利塔在寺外。稍南深樹宿莽。聞其中常有虎爲轉一峯。遙望而返。少憩松陰。知客來對。既就宿。夜半月出。東峯上徐入南窓。射枕席。但倦極貼臥。以不更起步。中庭爲悵。晨興出寺西北行。山勢雖愈聳峭。逕路殊未

懷舫雜著

至

幽僻。以煤灰駝載。朝夕往來。遂成廣陌耳。踰鑼鍋嶺。嶺因山頂有石似釜得名。土人皆謂險巖難行。而余自閩中來。殊坦觀之。過嶺由西轉北。人行漸稀。山僧樵豎。斷岸欹橋。始有深坳。佳致然。砂溪石澗。水流如線。泉聲淅淅。不甚清徹。聽之殊不滿志。復北行二十餘里。將至檀拓寺。遙見林木叢簇。中有二金丸光射晴嵐。不審何物。近乃知爲寺外磨銅幢頂也。門前地廣數百丈。面離置寺。回祿未久。奉勅鼎新。金碧燦爛。珠玉玲瓏。如入五都之市。

遊九間之宮。不作山間林下觀。亦置行宮於佛殿東側。俯蓋舍利白塔。繞匝修篁。環引流水。又似湖上諸刹風景。適逢齋時。堂頭師率法衆。衣鉢大集。兀坐喃喃。吸粥流汗。日午甚熱。余傍觀爲之不適。因辭下山。惟記僧二語曰。檀拓水戒臺松足繫其條。循舊路過鑼鍋嶺。四峯寺。聞內有長老係西域僧。餘皆番裝而漢種也。余素不喜見之。故過門不入。更西行過灰廠。日已暮。抵八里庄僧寺宿焉。京西之山。以二利爲最。然終在人境。聞奇僻幽與

懷舫雜著

至

者乃遠隔百里外。糗糧不備。弗克深入。惜哉。西山既遊。更往北山。還渡桑乾。抵皇姑寺。寺建於平地。亦經新修。諺傳明公主披剃其中。其實乃天順時一女僧耳。應門二老尼。餘皆深藏幽室。不得見。殿宇規制甚小。壁畫英宗北狩事。荒唐難稽。蓋寺尼神其說也。又西北行爲聖感寺。綠岡徐上。轉數嶺。過危橋至寺。猶樞衣登數百級。較西山二寺頗高。但山插平地。寺又立峯顛。故遊者以爲畏途。僧衆寥寥。一客衲談畿南明末舊家人物頗悉。問其姓

名不答想亦示冠中人老而髡髮者固留余宿然
香厨實無一物余辭焉取逕山陰失道落荒馬不
能行徒步北過一嶺漸至平原由皇姑至聖感二
寺相距約二十里荒野落實雅興索然其間有十
景山不復迂途就之惟西瞻昨過之嶺雙闕雲中
恍如天際令人有隔塵之想漸北漸平幾三十里
豫藩依山向東而葬守衛數十家墓門嚴扃余下
騎過之而北山諸寺遂屹然在望寺皆環列羣峯
腰腹之間廢刹甚多香山臥佛于公其著者也率

懷舫雜著

五三

皆前明閩人所建彼盜竊權勢糞壤金錢妄冀倖
佛邀福然身死名滅莫知爲誰徒見凋零金粉傾
頽瓦石於烟嵐翠栢間增人感嘆興廢而已其香
山亦傾敝而士女之遊跡頗多東面開軒俯視一
切欲假宿焉不果臥佛諸寺聞更傾廢遂不竟其
游脩然下山時已晡疾馳四十里許暮歸京寓饑
渴困憊間日乃蘇云諸峯去京未遠惟其途次無
野館山園酒爐茶社足爲憩息流連遊人每因于
塵沙風日中僕僕奔走不崇朝輒倦而思還矣苟

非耽幽好奇性命烟霞之士未有不棄足弗前者
也余亦幸而成行然倉卒苟且知不足述未幾奉
分守江干之命飲冰南來舟次瓜渚乘暇爲記

戒臺松

戒臺松老翠雲殘根植深山守歲寒底事寺僧諳
世法紆迴疆作萬年歡枝幹盤曲似亦有分

檀拓寺

階前細水帶雲流塢後修篁筍亂抽啾飢穿衣忙
不了由來誤盡老堂頭寺中大衆衣鉢堂餐亭午揮汗甚苦當年日中一盂似不爾爾

懷舫雜著

五

皇姑寺

北符王庭一布衣無緣神女亦終歸可憐少保祠
荒久不及正尼廟宇巍

鑼鍋嶺

鑼鍋嶺上石峻嶒却訝修途策馬登爲有蠅頭趨
利路如山峻骨也夷陵近爲嚴煤駝灰人來往已成坦途

西峯寺

峻嶺初平夏木深西峯鐘鼓遠沈沈黃裳絳幘番
僧住祇樹東來變肉林寺內住番僧數百皆食肉飲酒余所厭見故過門不入

山中澗

沙溪亂石水橫穿。細細泉聲小似蟬。猶記灘舟下
高峽。雷車百輛碾長川。

聖感寺

聖感高寒山裏寺。神京遠望五雲平。老僧盡入市
朝去。祇剩滿山木葉聲。寺僧寂寥講席應封矣

十景山

陸離丹粉依山麓。散漫牛羊下土岡。佳景雖多間
日少。野花幽鳥笑人忙。

懷舫雜著

五五

戒壇月

松間涼月每遲遲。恰值山中夜半時。此際鐘聲纔
一動。寸心祇許作家知。山高每夜半方見月

香山東軒

北峯結寺古香林。只許東軒足賞心。車馬頻來成
俗地。入山惟恐不山深。寺在山脚與臥佛寺于公等寺率皆頽廢且俗士之駕其多不足留也
參差歷落簡而能該。更妙於隨手鋪叙。中曲盡
起伏呼應之勢。非古文老手。豈易臻此。琦謹識

祭安徽巡撫李夫人文

嗚呼。惟天挺之篤生。今必內助之淑賢。承世德於
培壘。兮。如姬姜之媚妍。嫺溫惠之令儀。兮。秉懿美
而塞淵。相偉業於三立。兮。綏福祿於盛年。當開睢
之雅化。兮。正盛朝之弘宣。建公侯之閭範。兮。咸
效法而播傳。自散邑之借寇。兮。留棠蔭以芳鮮。迨
喬遷以別歷。兮。幸旌節之回旋。理冤滯於暇豫。兮。
操丹筆之如椽。察污墨而抑強禦。兮。遍鄉縣以肥
明。裡同梓里而均被煦育。兮。且舉家族厚荷陶甄。

懷舫雜著

五

近開府於江甸。兮。勲譽日著而福祿。夙被風化而
緯繡。兮。今泰車服而備屬員。景道履與德型。兮。
卜五福之延綿。慶齊眉於百歲。兮。樂錦堂之鐘懸。
忽瑤臺之虛位。兮。遊寶蓋以雲軒。失良友於燕寢
兮。諒涕泣之潸潸。喪母儀於當代。兮。羣驚悼而悵
惻。望靈光於溟漠。兮。定遊翔乎九天。歸極樂於無
生。兮。超法象之因緣。攝甘露於菩提。兮。求丹藥於
僊僊。助夫子之壽考。兮。仍坤美以承乾。佑蘭桂而
資梁棟。兮。繼喬梓以列衡銓。嗟微塵之世界。兮。積

惟體道於夢幻兮。斯弊心於燈燃。由來名祿之顯。庸兮皆結根於清禪。得精華於閱劫兮。視諸妄爲。蹄筌慰伉儷之深思兮。愧荒陋於究研。冀太上之忘情兮。定默會乎真詮。顧匏繫於海隅兮。阻疆域而莫前。藉桂酒之芳香兮。達悃誠於莫筵。瞻環珮於雲衢兮。擁萬里之雲烟。隨星月而昭輝兮。證永永之覺圓。

愁鸞獨影。雄劍孤鳴。讀此稍紓驂省之悲。琦謹識

懷舫雜著

五

思辨集序

四子之書立於學官。理宜明而反晦。時文一藝。用以取士。文宜純而反駁。久矣。秀才學究。互變其法。而其弊則一也。秀才志荒。科第學爲墨腔。未嘗能入學究。各處鈔牘。湊成語錄。無日得出。故二者祇是一副。不求自得之私意。烏能於聖賢書旨有會心哉。抑知時文亦載道之書。乎學者非由此無以研求傳註。而體悉經旨也。未明經理。求之於傳註。傳註未盡。經意疏之於文。固未可謂之小道也。但

懷舫雜著

思辨集序

一

帖括初創。質而無文。時藝至今。文掩其質。求其率真達辭。白貴素絢。詮理得解。按法皆合者。非如醫之使神通神。腔子理常。惺惺處刺幾。瘡冷針出數點。熱血終是了無得當耳。以此求文海內之大搽。觚者衆。豈謂絕響。然而澄金創玉。織錦貫珠。彙而成集。則得未曾有。有如茲思辨集。所錄所謂別裁。偽體。獨發天機者也。然此選寧有異趨哉。不過取其行文無元魁二字在胸中者。其談理無道學二字。標首煩者。是以性靈發爲目光。檢摘性靈之文。期

與聖賢先正理法相合而已不爲楚大才之一
殲敵也不爲倭丈人之累九撥蟬也射不心中物
不必獲而與理法默契如置一琴於堂一琴於室
自相應也以此理法轉弄乎人如雉鳴于上雌鳴
於下自能化也且不登園墨如泛河漢而取支機
之石開蠶蟻以採丹竈之砂視人間珠貝皆俗物
耳更多收小題如于正壑間綴適餐之霞在濠梁
上觀魚我之樂將粉粹虛空爲毫毛耳是非揣摩
既久擯棄蘇張澄觀有得都忘言象者何能深入

懷舫雜著

思辨集序

二

箇中而復出而示諸掌乎入者元珠也惟罔象能
待之是以有此集出者席珍也惟君子待善價是
以有此集而未能遽行也天地之大宇宙之遙
吾心不甘安小近者二可以溯孔孟下可以待學
大恃此性靈也然則所謂細如先輩之法精如聖
賢之理憑倚茲集可爲開繼於上下千古矣又何
必於場屋書院中求衣鉢耶余是以嘉許而樂爲
之序

老莊通解序

余註易成名之曰通。因命舊註老莊曰通解。何通
乎。通乎道耳。大哉道乎。始於天地未始有始之始。
終於天地無終以爲終。四時行焉。萬物生焉。聖人
出焉。文契作焉。聖人之心。理與道通。著之爲書。以
明天地之道。道不可見。明其體用而已。然道本大
同。而人心所具之理。不能不參以所稟之氣。有氣
成質。兼質成性。仁者見仁。知者見知。於是道之一
者。因所見而岐焉。然各本自明於心所得之理。以

懷舫雜著

老莊通解序

三

通乎道以之爲學。以之立教。未嘗不異而同也。然
則異乎其端者。用也。而同期明乎道者。體也。論其
同。老可通乎莊。莊可通於老。固矣。老莊於儒。無乃
亦有可以相通者乎。世之正襟危坐而談儒者。屏
清言。闢元解。聖人復生。不易其言矣。此儒言也。非
聖道也。學者求精所學。貴諸師承。欲通於道。必神
明其心於無體。乃可求道於無方。此余不揣愚鈍。
謬成老莊通解一書也。若論乎異。則老莊卽大異。
老。端言小莊。端言大。然語小莫破。語大莫載。皆道

也。莊。尚。言。游。老。尚。言。守。然。峻。極。於。天。退。藏。於。密。皆。道。也。斥。之。者。以。莊。多。寓。言。近。於。滑。稽。老。尚。曲。全。近。於。陰。謀。然。易。不。云。利。牝。馬。之。貞。乎。聖。人。不。有。養。子。而。後。嫁。之。喻。乎。又。謂。其。崇。尚。虛。無。流。於。放。誕。老。之。谷。神。莊。之。環。中。誠。虛。無。乎。哉。當。其。無。也。而。有。室。車。之。用。老。氏。非。無。用。也。不。用。而。寓。諸。庸。莊。子。之。大。用。也。內。同。主。無。欲。以。立。體。定。靜。安。而。後。能。慮。能。得。也。外。同。主。無。爲。以。致。用。篤。恭。而。天。下。平。也。同。以。無。名。無。形。爲。道。上。天。之。載。無。聲。無。臭。也。孔。言。仁。而。老。不。

懷舫雜著

老莊通解序

四

言。仁。言。實。慈。非。仁。乎。孟。兼。言。義。而。莊。子。不。言。義。言。和。之。以。天。約。非。義。乎。老。莊。皆。賤。言。禮。而。老。言。善。下。莊。言。心。齊。非。禮。乎。無。名。天。地。之。始。所。游。於。逍。遙。者。也。有。名。萬。物。之。母。齊。乎。物。者。也。實。畜。者。養。生。主。也。無。爲。而。無。不。治。者。人。間。世。也。孔。德。之。容。惟。道。是。從。德。充。符。也。聖。人。抱。一。爲。天。下。式。大。宗。師。也。治。大。國。如。烹。小。鮮。應。帝。王。也。然。則。能。通。之。者。異。無。非。同。不。能。通。焉。易。成。於。四。聖。孔。子。刪。定。纂。修。乎。六。經。果。盡。同。乎。蓋。言。人。人。殊。也。期。於。明。道。之。心。則。同。也。倘。徒。

求。諸。言。不。足。以。明。道。也。必。求。諸。其。立。言。以。明。道。之。意。則。古。人。本。心。之。理。動。而。爲。意。意。所。欲。明。發。而。爲。言。惟。期。明。乎。道。之。一。也。若。能。以。吾。心。之。理。求。古。人。之。意。以。通。於。道。道。乃。無。不。大。同。者。也。是。以。明。道。必。尚。乎。通。也。至。於。兩。晉。之。人。老。莊。是。宗。致。成。風。尚。靡。俗。禍。世。不。知。晉。人。自。晉。人。徒。言。老。莊。耳。罪。晉。人。及。老。莊。尚。非。懲。熒。吹。虀。乃。不。揣。其。本。而。齊。其。末。也。末。者。何。言。也。本。者。何。道。也。端。異。而。道。則。一。也。易。云。書。不。盡。言。言。不。盡。意。學。者。能。以。一。心。之。理。求。道。於。通。

懷舫雜著

老莊通解序

五

老。莊。通。解。一。書。可。以。質。之。天。下。矣。推。本。窮。源。韓。子。所。謂。道。原。於。天。天。乃。至。同。不。異。者。既。會。聖。人。性。與。天。道。之。旨。自。可。旁。求。百。家。包。羅。萬。有。確。士。

易通序

易通者。求通乎易之理也。未有易理。寓天地氣中。既有易理。寓易象數中。未有辭傳。理寓於象數。既有辭傳。理著於辭傳。求通易理。非由傳求辭。由辭求卦。爻象數。無從得津梁焉。古今來著書釋易。得傳者。已不啻數十百家。自有程子傳。朱子本義。餘俱置之。置之者。果皆無足取乎。遵之者。果皆深合於四聖人。而無可議乎。期於心得之士。方有味於此言耳。食者。何論乎。科舉家且經文不全。誦省矣。

懷麓堂著 易通序

六

余家傳此經。因為開闢後第一部書。又高曾祖父手澤是存。故自入家塾來。垂五十年。未敢少離几上。且愚鈍不明。常事筮探。知開物成務。前民利用。萬變不測。而一定不移。大哉易乎。上下千古一理。所貫一氣所統。烏有陰替乎。因是多方探索。幼曾遍閱時解。率為依樣葫蘆。所釋易理。不能與心相融會。而得其通者。十之七八。乃揣意讀宋儒邵周程朱諸子之書。發揮易理。未嘗不明。奈不能使宋儒所立。與四聖垂示相融會。而心得其通者。仍十

有四五。余之愚鈍。洵至矣。然終不能去諸懷抱。適值解組。憂患莫釋。自念放廢之人。言不足傳。何妨就心之所明。求易理之未明。而揣錄其自以為得明者。於是悉屏羣書。獨就四聖卦爻辭傳。表其象數。疏其義理。務期義理根於象數。辭傳本乎卦爻。先求前後四聖人同揆之道。後求六十四卦本於八。八本於四。四本於二。二本於一之理。於錯綜之數。求卦於參伍之變。求爻。然後於卦爻之變動。求其貞悔。參玩於辭傳之言意。求其順逆從違。久似

懷麓堂著 易通序

七

恍然全易之理。若通於一也。乃知向所不能心得者。乃余心不通乎易理。非時解之駁雜。而宋儒諸說之離合也。易之理。原在天地。天地之理。原在我心。及萬事萬物之中。以吾心之理。通乎天地事物之理。得其至一者。則易之為理。與吾心必有相通之故矣。卦爻辭傳者。四聖人以天下事物之理。著之於易。原使學者以心之理。旁通曲喻。盡得天下事物之理。而通之於易。方能遷善改過。知惠迪必吉。從逆必凶也。不於心求有得。奚從學易乎。然則

余自名所著曰易通。通乎自得其心之所通而已。矣。非敢問世存諸家。孰令子孫守爲傳經可也。雖然。易中理數。必應求其所謂通者。無方無體中。亦有則也。試歷明之。

河圖洛書之理數。有相通者一也。

先天畫卦定位。與河圖之理數。有相通者二也。

後天畫卦定位。與河洛之理數。有相通者三也。

先後天之卦位。其理數有相通者四也。

易有太極。是生兩儀。兩生四。四生八。八生六十四。

懷舫雜著

易通序

八

固矣。六十四歸根於八。八歸根於四。四歸於二。二歸於太極。自分剛分柔。至歸根乾坤。其理數有相通者五也。

卦有錯。如乾坤等卦是也。有綜。如屯蒙需訟等卦。

是也。有內外卦交變。如咸恒爲損益等卦是也。其

理數有相通者六也。

每卦有六爻。備三才之道。每一才。每一爻。俱與卦

爲體用。其理數有相通者七也。

卦因爻變而有貞悔。爻亦因變動而有貞悔。無論

一爻動。至六爻全動。其貞悔卦爻之理數。俱有相通者八也。

彖辭與象傳。有合明一義者。有另申一義者。理數

皆有相通者九也。

大小象傳。與彖辭爻辭。有合明一義者。有另申一

義者。其理數有相通者十也。

上下繫傳。雖若孔聖觀玩有得。隨時記載。然其中

原自貫徹爲一。其言其意。與卦爻象象有釋明者。

有神明者。理數皆有相通者十有一也。

懷舫雜著

易通序

九

書不盡言。言不盡意。言意不能盡求之於象數。象數不能盡求之於神明。聖人極深研幾。君子知至。至之可與幾也。知終終之可與存義也。學易者居。則觀象玩辭。動則觀變玩占。易中理數。自有相通。於心志。若四聖人恍然來告者。十二也。至於神而明之之爲通。則存乎其人矣。次則引伸觸類。亦相通於無窮。又何可盡爲臚列也乎。誠能於此十二。則中求其未通者。而得其通焉。亦可謂用心於學。易者矣。惟彼世儒。志在干祿。則固不必盡通乎吾。

所謂通也。子子孫孫善藏此書。並勿忘斯言。
無方無體中。勘出有典有要。非數十年研求。不
能得十二則之切實周到。誠爲學易者南車。可
功四聖不小。確士

懷舫雜著

易通序

十

杜詩偶評序

少陵爲詩。繼述六經。度越百家。未可以周秦而降。
文藝中物色之。乃根柢於三百篇。而莊如頌。彬如
雅。宕逸深婉如風。且合文質。忠信無不備。體驗諸
正變。替隆皆足徵信者也。至典麗朴茂。則左氏也。
沉鬱激昂。則楚大夫也。浩瀚廣博。則漢太史也。而
其取善若自己出。嫉惡如將浼焉。存是非之公行。
美刺之當則。秉三古之直道。學春秋之大特書者。
豈可因誨讀文選。藉之揆藻摘華。遂不思書破萬

懷舫雜著

十一

卷下筆如神。靈妙光怪不可測。指出於學術醇而
性情正哉。余幼知服膺老安著。贊於公詩何足軒。
輪然馬識塗。以其習也。獅弄丸本所好耳。自昔篤
志之士。博觀載籍。尤貴默契而自得矣。而於心會
之餘。探賸索隱。微顯幽亦好古深思所不廢。况
歸正樂章。魯師自語。刪定舊史。筆削莫贊者。聖人
之弘也。因文辭而求義理。因義理而通性誠純清。
不可揜其偽。自莫消言辭。悉發見者。賢人是法也。
于以明其至性。達其隱情。而並宣導立意之厚揚。

於敷辭之美固後世學者之事也又何妨各以心
知求詩旨趣以考公忠愛之誠才識之裕學問畜
殖之富有精純乎卽以此爲蹊徑能得公於詩與
春秋之間謂之爲文學游夏之徒可也假以名位
則管仲晏子之功畢然不屑矣然則公之志行文
章甚無愧三代之英也乎

附錄讀杜詩一章

手持詩一卷孑然滄海憑觀水見東溟誦詩尊
少陵洪荒大氣啟隆蘊萬象烝鬼神秘奧瀉河

懷舫雜著

十二

嶽精華凝乃堪空古今刪後得中興體裁變風
雅格律準規繩忠憤經百鍊高節聳千層激昂
忽痛哭纏綿久服膺苦遭世運衰僅令文章稱
不繼姚宋美徒生李楊惜靈淑慕出閭鉉狙
倖升踪跡終獲落邦國致頽廢驚駭亂發驕
淫歲月乘直詞備含咀詩史兼擅能春秋續下
泉而經得師承是秉性情正寧可才力矜茲編
足開繼百代傳一燈集大成者聖李韓配閔曾
諸子望宮牆願學恐不勝問訊寰中水東歸如

赴徵渾淪到滄海難爲孟杓增

杜詩包羅萬象函蓋諸家太白齊名乃一時之
稱卓絕千古方爲日久論定斯文斯詩洵有高
識

懷舫雜著

十三

輯刊梅勿庵先生曆算全書小引

勿庵先生當代鴻儒學醇品粹年彌高而德彌邵道益隆而量益虛實得理學正傳更精研於曆算老逢聖祖知遇以書生而臨坐論天子前席公卿侍教蓋異數奇榮也先生冲雅高潔迄以儒素終身大業藏山不輕問世而人爭傳之余獲接見憾晚適嬰塵務不能執經請益歲在戊戌偶攝法司因與諸同人設館白下延致先生訂正所著欲共輸資刊行先生既以寧澹爲志不樂與俗吏

懷舫雜著

曆算全書序

古

久處而世事遷變雲散蓬飛竟未卒事閱二載僻居海中官齋閑寂復馳函敬求存稿得十餘種雖屢爲雅慕高賢者錄刻然雜還參錯未成善本箇中尚夥又在耄年靜攝不能遽自校定因嘉許懇懇期爲檢發不意哲人遂萎矣嗚呼歲月不待時會難逢嘆凋謝乎典型慨朋儕之聚散卽一事而百感紛投矣但劍已許君井客自棄於是復向翰編玉汝昆季構得未刻者將二十種俱以付梓工未得完余亦斥廢更於憂患中竭蹶歲餘方竣所

延考誤之客則久已彈鋏他門矣竊思曆所著者天之象也算所明者物之數也象數之學天地造化之精微人物理氣之終始也烏容宜洩哉故仙言丹成而魔來史紀字作而鬼泣彼幻異之術文字之迹且然況上通帝載而下括萬類之書乎宜其傳之不易易也今雖粗覓心志而點畫之間縱橫之際動關精要不容訛舛余之因陋就簡如望洋客更訪專家以就正焉先叙輯刊之鄙意蓋亦竊有不得已之思也夫治曆明時肇自唐虞龍圖龜

懷舫雜著

曆算全書序

五

書出於義禹皆中華古聖帝垂教於天下萬世者也術雖有詳畧疎密而理無可淆亂紛滋况測天者原貴於隨時而稽數者雖多方亦合一安見法出於古人者必拙物得於遠至者始貴乎故當今日明曆算續絕學自有勿庵先生此書具在道不外於歷聖所傳理自存於四海之內法亦備此三十種中也凡好新厭故重遐輕邇者亦可以由中以該西尚目不任耳弗立異而誌怪將求奇於恒焉庶不負先生九十餘年立言垂訓之意也夫

慕義親仁。崇正黜浮。心跡俱白。寧止作文章家。
模範自足。風尚千古。確士

懷舫雜著

曆算全書序

宋

續刻傷寒論本義小引

余束髮學醫。忽忽垂老。少治舉子業。中歲服儒官。
括帖吏牘間。不離軒岐仲景之書。四十餘年矣。用
心既久。寧無所得。聖賢理旨。頗有發明。已刊金匱
雜症本義問世。傷寒定本久成。乏資置之笥中。梓
人進曰。君何未達乎。士大夫所自託者。功名文章
道德耳。君文章未列於科第。功名不登乎臺閣。然
曾手著大易靈素道德南華陰符五經。嘗語人以
爲悉由心血嘔出。不襲陳言。隻字是可與於道德。

懷舫雜著

傷寒論本義序

宋

矣。然皆秘之名山。後世大力者。率於巍榜高班中。
求傳業。烏有問藏堅之舟者哉。且功名文章。皆以
科第臺閣重。惟道德一途。表行著論。率皆不得志
於當時。方不朽於後世。此天地豐嗇之權衡也。君
其酌之。凍餒之慮。不過百年。老而無聞。豈同草木。
顧可不求。獲自重於天下後世者乎。余聞而聳然。
因先以所釋傷寒論本義付刻。自念在艱虞中。無
所尤怨。不效殷浩投札。徒爲虛卿著書。或於向者
誦釋五經。畧有會心耶。蓋道明則遇不足。感理存。

則情有所制。雖未敢謂附於道德。以傳庶幾領悉。於聖賢者。廣之學人云爾。
舍蘊無盡。足徵其書。紬繹靡竭。確士

懷舫雜著

傷寒論本義序

六

明世宗承統大禮論

明武宗崩。無嗣。又無母弟。以孝宗弟興獻王長子。入承大統。此按古宗法。嗣立爲皇帝也。議禮如張璁。桂萼。以古禮傳會。其逢迎不足論。然楊廷和。蔣冕等。專以爲人後之說。主持之。固不足以與張桂抗。況重以人主之勢乎。余試爲申論焉。宗法明而禮定矣。明世宗不同漢哀。來哲爲人後而得嗣立者。以倫序至親也。親親之義。何仿乎。仿於祖。祖立而宗法行。宗法行而五服之制。昭既本親親。以嗣

懷舫雜著

承統大禮論

六

則宜別大宗小宗之輕重。自天子達於庶人。悉同也。而有國有家者。尤必本末枝幹。條理無紊。况有天下者乎。有天下者。所以重統正。所以重宗祖也。以有明一代論。太祖之大宗已篡。以庶支承統。自以文皇爲祖。歷傳仁宣英憲四代。而五服盡。又以孝宗爲大宗之祖。興獻王爲小宗之祖。大宗傳武宗中絕。繼以興獻長子。入承大宗之嗣。乃自成祖。太宗。遞傳至此。雖未爲孝宗後。焉得不同於爲孝宗後乎。非嗣孝宗也。嗣成祖之太宗也。太宗既嗣

小宗之有後與否可勿論矣。何也。此固因宗以重祖。而小宗之父母反在所輕也。非輕父母也。重祖宗不得不輕父母也。父母不幸。分屬小宗。身又不幸。大宗中絕。不得不入繼大宗。以衍祖祚。父母之小宗不能兼顧。此以公義而殺私恩也。近日民間出繼之禮。大宗自絕。小宗自蕃者。皆因官無世祿。宗法之廢而不講久矣。故大宗任其中絕。庶支可以自爲承嗣。倘有建功開國。世承爵祿者。則宗法亦在必遵矣。其間不無以私情淆亂者。若以禮繩

懷觚雜著

承統大禮論

三

之自有畫一也。且民間之禮。長子不外繼。兄獨子乎。此皆以小宗私恩爲重也。若執此而論。明世宗之在興國。身爲長子。更無兄弟。又烏得入嗣皇帝。乎。嗣皇帝必在岐王之子矣。未有論大宗公義。則以尊祖而嗣天子。論小宗私恩。則以重父而入廟。稱宗兼顧自由如是之禮也。聖人曰。禮之用。和爲貴。今人所知也。知和而和。不以禮節。今人多不知也。以尋常愛敬盡於事親之說。議重祖宗。輕父母之禮。是章甫之越。而無所用耳。子爲天子。父爲庶

人者。舜禹是也。非親而以爲祖者。堯舜是也。以親天下大統而言。以異姓之君臣。且以廢至親之父。子而舜。稱千古之大孝。禹稱能致孝鬼神。豈不知盡愛致敬於其親者乎。孝莫大於嚴父。嚴父莫大於配天。然郊社之禮。武王行之。而是魯侯行之。而非者。禮以分定。孝以禮成也。生事。祭不如禮。則反爲不孝。故以舜禹聖人。人倫之至。而不敢以私恩亂公義。方爲以禮事親之大孝。顧在鞠於宮中。養於膝下。而後謂之爲人後乎。是以世宗旣重大

懷觚雜著

承統大禮論

三

宗。而嗣大明皇帝。不得不絕小宗之興國。卽爲之另立嗣與否。俱無關於禮於孝矣。三代之後。有行之者。前漢宣帝。後漢光武是也。乃創爲祖父有罪。不得稱皇之邪說。此誠不孝之大者也。戾太子以大宗而且不承統。以大宗中廢故也。宣帝奉昭帝。嗣以庶支而爲之承統。因武帝以小宗繼大宗也。明成祖與漢昭無異。雖以篡奪得之。亦爲大宗大統。然則世宗之與孝宗。其禮可知矣。何有戾太子爲有罪。而不以爲祖之謬論耶。戾太子有罪。史皇

孫何罪乎。緣有罪矣。而特賧何罪乎。未聞人子因祖父有罪而不以爲祖。爲父者也不言身承大統。秉公義而廢私恩。乃妄議功罪於父祖。其失於禮也遠矣。至於光武舍鉅鹿南頓而承嗣哀平。彼祖父又何罪而哀平又何德耶。明宗法者於民間且知承大宗。卽屬爲大宗。後孔蕆天下之大統者乎。故宗法明而此禮可以無二議也。如是則本支私恩可絕乎。三代以上亦有禮矣。象封有庫。豈有不奉饗賧者哉。則戾太子史皇孫鉅鹿南頓等祀俱懷舫雜著 承統大禮論 三

自出乎。非庶姓擗起而帝者。無血尊本支之禮。古之人有行之者。光武是也。帝后且不可加。况稱宗入廟而躋武宗。以臣躋君。尤大逆也。卽與獻王妃亦當終在藩邸。卽迎養入京。亦宜別爲置官。近奉王廟乃入宮。以太后禮事之。欲謁太廟。費去據歸。人不入廟爲說。致爲張聰所難。何若引藩妾不入祖宗太廟。一言立屈哉。蔣后曰。我子焉得爲他人子。已全忘夫婦爲孝武之臣妾矣。尙可言禮耶。世宗泣辭大位。不知入承大統亦非進退可以自如。懷舫雜著 承統大禮論 三

若堅不欲絕小宗。則倫序以次。岐衡之間。有二子者。獨不可立乎。大宗重。小宗輕。社稷爲重。君爲輕矣。廷臣何不以此義進而舉朝惶懼。知氣已餒。今日猶以議禮得罪諸臣。爲過執者。余謂正因其執之不及耳。非過也。苟以大統大宗之禮主議。雖父母之恩至親。不敵祖宗之義至重。在庶人或可各私其恩。而大宗任絕。在天子必不能大小宗兼繼而思義兼盡也。天無二日。民無二王。宗無二大。統無二正也。觀張桂撫拾援引。祇以善其逢迎之邪。

說耳。烏足與條分縷晰而辨之也哉。故余謂世宗於興獻王當題主曰皇考興獻王。於興獻妃當曰皇母興獻王妃。則父子之恩。君臣之義。大統小宗之禮。皆得矣。

當日又有以絕嗣爲武宗。非孝宗者。以大宗論武宗。絕卽孝宗。絕矣。以大統論明祖。太宗俱絕矣。然則明世宗承統卽爲承繼。又奚疑乎。自記白虎通云。禮服傳曰。大宗不可絕。同宗則可以爲後。爲人作子。何明小宗可以絕。大宗不可絕。

懷舫雜著

承統大禮論

三

故舍己之父。往爲後于大宗。所以尊祖重本。絕大宗也。春秋傳曰。爲人後者。爲人子者。繼世諸侯。無子又無弟。但有諸父庶兄。當誰與庶兄推親之序也。觀此說。則明世宗應爲孝宗後。甚明耳。

靈樞素問通解序

皇古以來。明道之書。莫尙乎易。惟軒岐靈樞素問二經。足以配合於無間。易所明道。在於理。靈素所明道。在於氣。理非氣無所寓。氣非理無所主。何可分言乎。然言理而氣備。言氣而理全。特以其命意立辭。各有指歸焉耳。理至精深。而彰之者。又象也。氣至隱微。而著之者。疾病也。易設爻象。以前民用。靈素詳疾病。以濟民生。皆古聖人仁及天下後世之大經大法也。余家十五世傳易。余復自幼習醫。

懷舫雜著

靈樞素問通解序

五

既註後漢長沙太守張仲景傷寒論金匱要畧刊行。復註大易通解存簡今。又註靈樞素問二經。雖成於十年內外。而自成童迄周甲。其實竭終身之精神心力。以爲研究探索矣。因而知仲景師之書。如儒家之論語也。靈素二經。如儒家之大易中庸也。儒家不善讀書者。以爲大易中庸難明。善讀書者。以論語爲難明也。醫家不善讀書者。以爲靈素難明。善讀書者。以爲仲景師之書難明也。何也以論語所言。雖不常聞。性與天道。而無非性與天道。

也。仲景師之書所言雖不常論天地氣化人物終始而無非天地氣化人物終始也。故余先註仲景師氏之書粗得其意。大易及靈素亦遂次第得解焉。是以敢妄立論以靈素擬易謂之無間然疑吾言者試思易所明者道也。道所以爲道者一陰一陽也。其不測者道之不離陰陽而不雜乎陰陽之神也。又象者一陰一陽也。變化不測者神也。聖人設卦觀象繫辭焉以明吉凶者仍不外陰陽也。至於書不盡言言不盡意則不測矣。君子居則觀象

懷舫雜著

靈樞素問通解序

玩辭動則觀變玩占者亦不外陰陽也。至於神而明之存乎其人則不測矣。皆以可言之道明不可言之神也。靈素二經其言人身藏府支體氣血經絡疾病生死無非陰陽也。卽應乎天地合乎四時同乎萬物無非陰陽也。其神則非可言傳也。亦以可言者明道不可言者會乎神也。是易與靈素分主理氣不同。究所以命意立言以明道者則大同也。故世有通易而不通靈素者矣。未有通靈素而不能通易者。夫易言道之辭遠而與靈素言道之

辭近而顯。易之象象合天地萬物而難稽靈素之疾病在人身體藏府而易致似乎通易倍難於通靈素矣。何余言之悖哉。非此之謂也。通易者可以不通靈素。故多畧之。欲通靈素者不可不通易。是以不容不並求詳盡也。此余所以先註仲景師之書以求博也。於日用飲食知能行習間求明道也。反乎約而註易於天地萬物陰陽變化生死終始求明道也。今方以天地萬物陰陽變化生死終始之理切體之於身而實著之於氣前求道之博而

懷舫雜著

靈樞素問通解序

後反道之約求明道之體必明道之用也。此余所以自勉而並望天下後世學道者無不共勉也。至於老莊余舊亦有篇註所以多方旁求乎道也。伏羲黃帝文王周公孔子數大聖人之外能明道者莫老莊若矣。求明道者合而觀之化異爲同。雖執爲通如一書也。余所以俱名所註五經爲通解云。五經者周易道德南華靈樞素問陰符也。人能遍閱亦可以明天地萬物之爲道。况皆爲詮疏而又通會於一乎。不得不推爲第一家學術。確

輯漳郡誌題詞

誌自明萬曆癸丑。至今恰百年未脩。形於康熙庚寅秋來守茲土。深以文獻散替爲懼。請命於

列憲。延賢於紳袍。集力於僚屬。而緝於成。始於癸巳之春。迄於甲午之冬。計期七百餘日。計字八十餘萬。計費逾千金。將授梓爰述其概而識之曰。

誌以載事。久則無徵。事乃紀時。繁而易軼。代遷者

懷舫雜著

漳郡誌題詞

元

如歲功。往宜順觀其迹也。續起者如時物。來當逆察其情也。跡與心會。存其可存。情隨世移。變其應變。究之可存者。不待人而自存矣。應變者。將及時而自變矣。是以一筆褒嘉。千秋師表者。其鏡乎一人。清惠百代。興感者。其風乎如鏡之無幽不燭。斯無微弗闡也。如風之無遠不屈。斯是故咸新也。望古遙集。有時與善長而揚之。舉之非濫。知人尙論。有時取物精而綜之。核之非苛。寧以一器許偏才。不因一管掩大德。傳百行不敵。請吾私擅三長。何

堪。杜此直前開後繼。問出者荷責頗重也。譽思毀怨。跛行者擇術非工也。仁者愛身。然不愛身而仁乃全知者。知人然不任知而知斯著。仁非冀知者之知而仁以知久。知必辨仁者之仁而知以仁大。然則誌載者仁之事歟。載誌者知之事歟。故愚忠愚孝。喜寬其途。非聖非法。必峻爲拒。收羅放逸。未嘗去準繩。權本於經也。屏絕隱微。未嘗踈軌範。嚴不爲惡也。信昭於今。疑闕於古。始無疑。知卽其功。罪任其怨。庶希怨不忍。百餘年忠孝節義。委之里

懷舫雜著

漳郡誌題詞

元

談巷議。不爲檢收。不甘七千里。聲名文物。沒於蠻烟瘴霧。不爲彰表。化思美俗。思淳在東。教司政者。厚其德耳。良有勸。楷有懲。在採風問俗者。旌其善耳。一郡如彈丸。爲鄒魯非大。一書如敝帚。繼史漢不孤。文章得失寸心知。人物臧否百年後。定滄桑陵谷靡恒也。學士言其有常而已。繁盛奢華未艾也。君子防其叵測而已。士必讀農必耕。女必織。忠厚勤儉者。習俗之源乎。政斯平。稅斯薄。刑斯簡。瘡泊寧靜者。風教之本乎。載舟覆舟者。勢也。山附

反爾者理也。盤錯不治。非利器矣。經術不效。直俗吏矣。惟其裘帶蕭然。可以折衝樽俎。惟其風雅彬彬。可以宣導教化。是政與教相維也。經與史相通也。此輯誌之意也夫。

不衫不履。若斷若續。在畫家爲神品。况重以名理選言。尤見珍貴。確士

懷舫雜著

漳郡誌題詞

三

閩漳紀 恩恭建

萬壽亭碑記

康熙五十三年

粵攷虞周巡邁。讓慶攸暨。侯甸而遐。祇服聲教。懷柔之經。固無泄無忘。然婦子儻。華屋俯仰。欲求實繁矣。本合萬國奉

一人。乃一王心被四海。非知周道濟。德盛化神。曷幾哉。閩漳僻處南濱。九關萬里。海波逆熾。拯躋浸焚。天星四閔焉。近則生聚教養。嬖於上國。

天子仁聖。汪濊厥施。親踈遠邇。浹洽週遍。無敢諛美。

懷舫雜著

萬壽亭碑記

三

其辭似閭閻疾苦之關照。流離瓊尾之恤慰。水旱盜賊之經畫。更視輦轂。且有加者。昔之邊兵。焚劫輪將。棄田廬。轉溝壑。漳人也。今士絃誦於室。農耕鑿於原。商賈往來。貿遷於途。才俊登進。榮顯於世。亦漳人也。試思五十年間。早朝晏罷。兢兢業業。惟恐一民不獲安。一物失其所。

當宁之憂勤。何其懋且永歟。漳人飲食居處有其常。養生送終無所憾。或不知

帝力於何有矣。守啣命宣德布惠下。無以達其愛戴。

上無以明其德意何賴於

朝廷爲漳人置吏矧守古侯職也分陝之任重以周
親省方之典責在列服任綦重哉於時道一風同
而麟趾駒虞異其詞綏福介壽而君王父母別其
號要以陳其上俗民情言其中心誠感俾宮府朝
野若元首若股肱若四體百脉無不相流通貫徹
而已此漳人

功德必紀

萬壽必祝也謹再拜稽首而獻頌曰

懷舫雜著

萬壽亭碑記

三

國家受命混一宇宙擴清創垂躋世仁壽

今上嗣位聖智神武蜚妖幻影風雷蕩鼓遍處清漳

鯨波實猖踰垣覆隍游釜跳梁

帝赫斯怒甘澤繼河榮埔頌頌萃生煦煦芟厥莠草

顧爾髦士似載公車資予明試樓船奏績梯航惠

來雖題鑒昔東南阜財惟嶺之高惟海之淼

帝簡繡衣綏良禦暴舳艫濟險食爲民天六十萬斛

如珠滂淵載貸其逋載發其庾載蠲其租載奠其

居笑獨哀只黃耆恬只征夫罔恤田畯有喜萬有

昭撫膺勿屯其符勿蔽厥聰逮下曰惠事上曰忠亭

宇貞珉文紀輿情南山日對歌誦用興歌曰亭之
喬分南山磷磷朝分亭之固分南山鬱鬱暮分南
山南山君子萬年

卓茂彬雅源左氏而軼西京矣非茲不足表彰
王化於變遠郡唯士

懷舫雜著

萬壽亭碑記

三

漳誌小序

漳自七閩分據。僻在荒服。千百年無所繫屬。即無諸啟土。叛服靡常。元鼎元封間。移民於江淮。聲教幾弗屆焉。泊玉鈴建庵。剪荆榛。驅狐貉。始通上國。風徽漸啟。而彙藁潛滋。沿革多故。屬邑增置。運會日趨於盛矣。然難遇者太平。易凋者生聚。制防設險。抑末也。漸摩以仁義。淪浹於禮樂。斯

盛朝罔替之化歟。志建置。

九州攸同。列星分紀。古者太史世其官。書災祥。察

懷觴雜著

漳誌小序

三

時政。天人之事。胥繫焉。漢宣以後。星曆占驗。等諸術數。縉紳先生弗道矣。煌煌精氣。上應下屬。長民者。客忘觀玩。俯省之鑒哉。漳於寰宇。雖蕞爾海邦。然休咎一體。痼瘼在民。無或遐邇異也。故載分度。明紀次。亦洪範庶徵備叙之意。豈徒辨參商。占水火已哉。志星野。

老子曰。至治之民。安土食業。老死不相往來。國不以封疆之界域之矣。然周官以正甸井邑賦車。則後世都圖里社之漸也。矧漳以山海環匝。四履交

錯。寇戎潛警。設險固圉。豈緩計乎。乃相其形勢。

共都鄙。定賦式。均道里。使之鄉里世守。死徙有恒。熙熙然各得其所。勿走險於野。勿登壘而市。庶幾

安耕鑿。循作息。永爲皞皞王氓也。志疆域。

清漳嶺海奧安之區。千峰萬嶂。雄跨綿亘。巖壑既

遠。流派愈繁。名山川且不可勝紀。培塿溪澗。無論

矣。大抵可室廬而居。耕耨而食者。十二三耳。傍山

多磽瘠。近海半沙鹵。而陽燥濕。易爲乾溢。則亦形

勢使然。然泉石峭列。磅礴浩蕩。鍾氣清勁。土多負

懷觴雜著

漳誌小序

三五

氣岬尚節概。固

典朝教養。培積滋厚。而扶輿之清淑。河嶽之精英。亦

多毓萃焉。志山川。

郡有營建。以固疆圉。利民用恤窮獨也。時至事起。

創制顯庸。要以施於公普。垂之久遠者。爲正。逮世

代遞遷。損益莫紀。良法美意。岌岌乎莫繼矣。爰籍

歲月。攷興廢。庶幾修圯墮。繼美盛之君子。思景前

徽。卽一物一器。可以利賴。祖席漳民者。嘉惠厚德。

均弗替焉。况其鉅乎。志規制。

萃郡邑之士於學。使知以聖人爲法。建之官師。有義學。廣於鄉曲。有社學。卽周官黨正。州長。遺意也。蓋詩書禮樂。以造士。德行道藝。以成材。凡書升額。俊化民成俗之道。權輿於此矣。他如創書院。置義田。何非司牧者體。

朝廷養士。作人之盛心。厚贍其廩餼。漸漬以歲月。專一其志氣。庶成人小子。咸以爲聖人。可學而至。而勸學靡窮焉。志學校。

郡國祀典。仿祭境內山川之制。勿僭勿瀆。用協典

懷舫雜著

漳誌小序

三

則。

國家懷柔百神。明禋由舊。然崇禮

聖哲。宣贊文治。

東幸曲阜。禮原廟。大合樂。祀春秋。近復進朱子次十

哲。皇哉莫京矣。漳朱子舊治。近或不務民義。覘機

祥重巫覡。庸可訓乎。爰列其名著其義。凡農桑之

本。聖賢之澤。食德報功。馨香弗替。亦求陰求陽之

君子宜悉也。志祀典。

漳自唐置。建郡縣。迄今官制增省屢矣。紀乘多

闕。明末兵火。繼以

本朝壬辰乙未間。海氛猖熾。城郭爲墟。安問圖籍。然殘編遺獻。猶有存者。監司守令之綱。守令吏民之本。佐貳分猷。師儒振教。何職非效忠之地乎。旣已驥首王路。誰不欲光史冊。永盛名。顧事久論定。無可倖致。慎哉志秩官。

則壤定賦。義準什一。藏富蓄怨。惟司牧者詳之。夫輸財盡力分也。周疾恤苦仁也。勿煩苛。勿陂側。勿膠常輕變。而賦役維均。川之有時焉。三代弗易矣。

懷舫雜著

漳誌小序

七

漳山海澆鹵。雖魁困息。嚙。

定制昭明。然興草肇

除。待人後行者。猶夥。米鹽細屑。民生。國計攸繫。

茶股苟遠慮長顧。方待旦莫。迫敢膜視乎。民得賣

五月之谷。籍計口之筭。斯有厚幸哉。志賦役。

古以行藝興賢。舉能敷奏。明試之義。代相沿也。然

來時濟變殊途。並用而要。以制科得人爲正。漳郡

制科固功名氣節相望。薦辟門閥亦多樹立。其或

疆圉搶攘。有挾智數材武自効者。夫非立賢無方

乎。今中外久安。士罕以他途進。萃千萬髦俊於兩

試實行弗篤。學殖弗深。虛聲過情。士之耻爾。志選舉。

國家建威消萌。因時制變。道與禮樂。刑政相協。非惟固吾圉也。明初設屯衛。擬唐府兵。末年散弱。難用。改召募。愈不振。

本朝神武肇造。兵民分治。農安業。畎畝士戮力。顏行。經畫截然矣。惟是清漳介在南服。山海環匝。錫波伏莽。近雖蕩平。而防要害。謹備禦。亦安不忘危之義也。爰著爲論。次凡有關戎事。悉載於篇。志兵紀。

懷舫雜著

漳誌小序

天

周官民功曰庸。事功曰勞。治功曰力。戰功曰多。書之太常。殲於大烝。風有位也。漳自唐迄今。逾千紀。官師代承。名蹟莫稽。載在編冊者。近數十人。遠數人耳。德昭斯業。著實至而名彰。影響寧有倖應乎。故脩身加澤。令舉茂永。亦榮矣哉。不幸陸沉板蕩。取義成仁。大節凜然。尤難沒沒焉。志宦蹟。天降維民。地靈維人。人其繼天地首萬物者乎。珠輝於淵。璧潤於川。人呈瑞於邦國。均也。然世值昇平。拜颺志喜。時逢板蕩。鼎鑊成仁。順逆有殊。遇忠

良無二揆。今與古寧異道乎。漳爲南州鄒魯。固多君子。河嶽所鍾也。教化所育也。學者服習聖哲。挺生。

昭代應各以第一流相期許。攷鑒前型。宏啟後效。惟有志斯成耳。志人物。

陰陽下民。厥有恒性。男女固無異賦。冠履俊偉之士。希望哲親師友。道義卓然矣。及臨大節。攷至行。間多訾議。而巾幘張許。閭壺會閔。反表表千古。豈盡說禮敦詩之教哉。故臨難勿苟免。與明哲保身。

懷舫雜著

漳誌小序

天

之義。分常變也。婦人不從死。與節烈殉身之道。辨貞淫也。卽事或過激。而志已可傳。曉茲香奩。光吾青簡。哀而輯之。鬚眉弗愧耳。志列女。風俗之端。成乎教化。從隆從污。惟風行草。漳處南荒。俗沿朴略。紫陽振矣。流風遺教。猶有存者。立國四維。厥則昭哉。去奢而遵儉。省華而存樸。勿使流而愈下。趨而日蹙。惟曰。邇先正。謹訓行。俾海濱鄒魯。日率乃新。君子之教誨。尚規防。亟肅焉。志民風。物產識小也。然古載之地。官甚詳。是有生物之法。

有用物之權。有因物節物之道。國之大事。於是乎修。官之賓旅。於是乎取。商賈往來。貿遷於是乎通。羣黎日用。俯仰於是乎給。免。漳山海。硯。鹵。化育維均。爰哀而紀之。衣食粟布而外。無異物可貴。苟養生送死。無憾。曷多求焉。志物產。

秦漢以前。南服朴略。其俗淳悶。其民蚩蚩。無蹟可紀。郡有山水游覽之勝。樓臺登眺之區。乃唐宋來。通上國。任賢豪。增節聲名文物之一。或事以人傳。或地以物靈。要使憑弔者。還而不舍。覺胸中有故。

懷舫雜著

漳誌小序

罕

觸之難已。則雖荒烟蔓草。斷壁頽基。皆足留連慨慕。弗置焉。若夫佛宮道觀。舊塚殘碑。亦博攷備載。明興廢。鑒賢否。咸好古者寄心也。志古蹟。

著書自漢晉後。僅載總目。嗣則採錄其文。文明漸啟。富有日新。豈踵事增華哉。將營建之終始。政教之得失。風俗之淳澁。咸於新鏡之。而且揆國華徵。瑞附於三立。用垂不朽。願審缺略。弗備歟。漳故人才藪。詩迦正聲。文昭儒術。不惟嗜古之士。矜式。狀卽間閭休戚。時勢利便。一觀覽而興起。綢繆。

經畫無做。非止吟題花月。標紀山川而已也。志藝文。

春秋立訓。嚴紀災祲。蓋謹天變。慎修省。天人之際。微哉。若必動言徵應。隣於傳會矣。古大人永天命。重民巖。無不承以翼翼之小心。固未嘗表雲物。誌嘉祥。以啟迂怪不經之獎。而綏福荷祿。竟靡爽焉。若夫伏莽揚波。山海多故。值頑民梗化。或赤子弄兵。豈逃聽遐聞聲教。未易覃被歟。語云。堅冰易至。滋蔓難圖。則謹小慎微。罔非聖人明訓也。志災祥。

懷舫雜著

漳誌小序

四

雜記之編。史所謂記其軼事也。我思古人一言一行。終不忍沒。俾攷鏡者。博辨有徵耳。乃若山川陸沈。關乎地脈。風俗乖僻。係於人心。苟可備文獻之數。槩可忽乎哉。惟是見聞異辭。語或謬濫。約略節取。歸於諷寓而已。夫國風所陳。每增春秋之缺。爾雅所志。亦補周官之遺。孰非操觚者。當加意耶。志雜記。

右小序二十則。在漳修郡誌時。與紳袍商榷。分任纂輯。而以此見委。因勉成之。不忍散失。遂附。

載集中每一披閱。如讀放翁此身不負負嘉州句也。自記

懷舫雜著

漳誌小序

四

重刊大陀羅尼咒叙

按譯咒文義。爲至誠頂禮。諸佛菩薩。以大悲心。度一切苦者。諸佛菩薩。恒河沙數。而首皈命於觀世音菩薩。則以一大悲心。盡無量佛。施無量法。度無量衆生之無量苦矣。聖人云。一日克己復禮。天下歸仁焉。又云。修己以敬。以安人。以安天下。聖人所謂仁。卽三寶之大悲也。天下歸仁。卽皈命也。而所謂敬。則除觀自在之外。別無他諦。更可知矣。易於觀云。有孚顒若。敬之至也。言敬則克復已寓於

懷舫雜著

大陀羅尼咒叙

四

中。而大悲心。卽生於是。能自在則安於仁。安於仁者。其心安也。心安而天下胥安矣。中庸云。誠者自成也。而道自道也。自在。卽誠者之自成。而成已成物之道。何非從斯而起乎。非心安而天下可以舉安之理乎。天下人同此心。心同此仁。聖人之仁。自成而仁天下之道。亦自行此觀自在菩薩。以大悲心。度一切苦之本末終始。可以證之聖賢之性道。而無二者也。學修者於斯。先以至誠之心。皈命三寶。而更脩其誠心。皈命於觀自在菩薩。求得菩薩

之大悲心。以安己心。於是己心之大悲。藉日月之
光。照於密之內。一燈炯然。照於腔子裡。卽宋儒所
謂常惺惺也。至此則仁可以自全。大悲心可以自
具。仁全本以成己。而成物在是矣。大悲心本期自
度苦厄。而以此心推而度世。一切衆生。皆各生大
悲心。各度苦厄。卽謂此能自生大悲心者。生其心
度其苦可也。而何非皈命於觀自在菩薩之大悲
心。所生所度者乎。則斯咒之與天地同悠久。爲人
物立性命。豈泛常哉。余所以信心奉持。刊而廣布。

懷舫雜著

大陀羅尼咒叙

圖

復明其義於左。

明儒多以釋典說聖賢之書。今先生以聖賢之
書說釋典。是欲其逃楊墨而來歸也。可謂善於
接引。確乎。

儒釋異同論

儒釋之爲道。異同最精微。異同猶易辨。分合更難
知矣。其大端則判於有無。此世所易辨者。而儒道
似滯於有。其實言無。釋教似淪於無。其實言有此
所謂分合難知也。而其分合之大端。又判於生死。
生死固合。生死死生。以爲生死也。此儒釋合也。然
儒則以生死死生者。歸之天地。釋則以生死死生
者。歸之心。儒亦以生死死生者。歸之心。然不過虛
存其理。釋則以生死死生者。歸之一心。竟若常存

懷舫雜著

儒釋異同論

聖

是物矣。是儒於萬事萬物皆言實。而獨於此言虛。
釋於萬事萬物皆言無。而獨於此反言有矣。嘗覽
輪迴報應之說。固釋氏之盛語。而不生不滅之旨。
乃釋氏之微言。究竟爲粗爲精。上承下乘。說到生
死。便云大事。雖非以寂滅爲樂。然似以生死爲苦。
旣知生死於生前死後。非實有一物乎。儒者之言。
則生順死安。生寄死歸。氣還之天。形還之地。乃不
以有知者。樂生死也。生有知而死。卽無知矣。豈非
虛有是理。而並無此物乎。因面有鬼無鬼。有轉生

無轉生。紛紛立論。各彼各是。古今不能齊而一之。試爲酌論焉。鬼神之事。古今聖賢未嘗言無。轉生之說。世間之人亦時有。有轉生必有鬼。有鬼必有知。有知必有苦樂。此誠實有此物。而理亦存於中矣。無此理則無此氣。有此氣卽知有此理。氣無異同。無分合。無精粗者也。是儒道雖不言輪迴報應。而易言方以類聚。物以羣分。本天親上。本地親下。卽輪迴也。易又言積善之家。必有餘慶。積不善之家。必有餘殃。卽報應之說也。不有相同而無異。

懷舫雜著

儒釋異同論

四

者乎。但言虛存其理。則非淪於無矣。如必謂實有其事。豈不滯於有乎。至於分合。儒之爲道。亦有精粗。性命天人之旨。聖賢體會之於心。理存於虛也。善惡邪正。尋常勸戒之在世教。著於實也。亦如釋氏上乘下乘之分也。至於死生。儒言一氣流行。釋言不二法門。又何嘗不合乎。但必以爲有知如火。盡薪傳之說。私乎一心一身。則不如儒言理常存。而氣易散。此身不必常存。而此理自萬古爲公矣。總之性同而論之不同。心同而用之不同。道同而

取之不同。是道本至大。性本至一。儒釋或以爲公。共於天下者。或以爲獨操於心身者。則公私偏正之間。不能不同。中有大異矣。程子謂釋氏以一身之小妄。測天地亦是就其獨操一心處下針砭耳。余嘗與謙庵馬先生論異端。先生曰。端木也。其本則同。細味其語。似大有得於異同分合者。惜未得暇。再與深言。其本雖同而所見亦異也。因將所見儒釋異同分合。妄著爲論。以待質於高明云爾。志道師問六祖法身寂滅。卽同草木。誰當受樂。

懷舫雜著

儒釋異同論

四

祖答以利那無有生滅相。更無生滅可滅。是則寂滅見前。當見前時。亦無見前之量。乃謂常樂。此樂無有受者。亦無不受者。勘此公案。釋氏之言寂滅爲樂。非無非有。有在何處。却是常樂。終是謂人心於人死後。知覺不昧耳。自記

心經註解小引

心經先宮博有註。去家將三十年。久皆遺忘。作何詮疏。乙巳清和。暫來海外。無人可語。無書可讀。借得心經註解數種。閱之。殊覺未能了徹經旨。旁搜曲引。支離汗漫。求明反晦。因靜心凝思。反覆尋繹。者經句。遂爾夙興。淨除三業。掃地焚香。滌硯拂楮。深勘默驗。闡發其微言。宜明其大意。是日乙未。自辰達申。拙註竟成。因約略經要。書於簡端。蓋心經非佛菩薩所說。乃釋教中善知識彰表成佛菩薩。

懷舫雜著

心經註解小引

咒

果者定。以此經爲因也。故首以觀自在菩薩建極。中以三世諸佛會極。終仍以觀自在菩薩歸極焉。一片婆心。願叅證學人。以觀自在菩薩爲準則。由心明性。由明性成菩薩性。遂成佛性。如登山之有徑。如涉水之有梁。洵爲諸經第一妙諦。卽爲下手切要真詮也。如吾儒大學一書。雖不成於聖人。而內聖外王。孔聖一貫之旨。悉在此。又如莊子天下篇。雖不成於莊子。而老莊之道。通相傳述。亦大明。是心經既有。可以傾袖釋典。百千萬億。自初地。

至究竟。安坐寶筏。頓踞上乘。更無阻礙矣。其中首明人性真實。命名舍利。繼言天地人物。空色不二。乃言內外塵障。先除其根。自能斷着。末仍正言。人性真實。不虛。原同佛之如如不動。菩薩之常觀自在。在於釋教。寂滅涅槃。虛空萬有中。勘明指定。至正。至真。本來面目。且不淪於無。不滯於有。有無無着。真如自在。視彼捧喝機鋒。迷離恍惚。以爲宗旨者。光明晦暗。相隔雲塵。此經既明。方知釋教之空虛。如天真如。如帝。慾念不生。正性不滅。與儒之以理。

懷舫雜著

心經註解小引

咒

主氣而克己。以復禮道。之以元主物。而無欲觀妙。有欲觀微。詢非一無二也。是一心一性。立三教之宗。主萬世之法者。俱賴此經爲之開。渾沌揭日月也。余得而誦之。大有厚幸。一切苦厄。庶幾解脫。凡得前持者。願勿作口頭禪觀焉。永證無生。立超彼岸矣。

標出此心。以三三教。是謂正法眼藏。確士

佳人十美图題詞

本爲十卷
俗語爲美

慧性業生麗情緣引投桃易招蕩子結褵偏遇在
且是美而慧不如愚也質多佳麗度尚幽閒花月
雅善修容非白難求力是美而秀不如朴也繡
鳳徒工辟蕩不辨蠶繅難成祭服錦繡乃傷女紅
是美而巧不如拙也禮未諧風雅空嫺詞賦縱
勝古人動止弗昭內則是美而才不如守也質過
孱柔體無敦厚善病難同白首多憂未必宜男是
美而嬌不如慈也貌豔如花命輕似葉窳器何能

懷舫雜著

五

載福尤物且以生灾是美而艷不如陋也歌舞曾
學米鹽不屑嫁衣積中易典古琴爨下難炊是美
而韻不如俗也列屋邀憐深堂抱恨竭歡非尊寶
齋漫藏常愧修惟是美而多不如寡也紅顏倏老
白日誰留深淵永棄前魚暮景難捐舊袖是美而
新不如故也金丹不得華髮來侵生道割愛衾稠
死守縈心香履是美而存不如散也

徵和邵子詩小引

古原春屢至十載曾逾白髮甲將週寸陰必競
花未放蚤安排新歲詩題小雪初飛還整頓殘冬
吟興昔康節題歌擊壤今正值堯日當頭惟孔聖
賢示思齊况幸有古人在望用祈各裁錦綉非同
依樣葫蘆風興千百餘年繼詩十三律公等各言
厥志東坡宗陶不類陶我惟自寫其真子昂畫馬
將爲馬故和章不拘步韻好奇趨險戒昌黎石鼎
之篇而分路儘可揚驪黃玉敲金效大曆蚤朝之
作者英會上亦許忘年修竹林中何妨醒客香山

懷舫雜著

五

諸老願廣千佛名經梁郎羣才欲聯一堂大雅蘭
亭袂日咸來豈論鬚毛帝子樓中相遇無分萍水
務在調高白雪歸於歡溢青陽品柳題花莫入宋
人朋黨論蒸霞蔚秀無殊藝苑謝顏詩才敏曹王
自雲雨崇朝飛送文成司馬期平原十日流連羣
玉無怪砌作瑗樓百尺叢蘭肆採種爲香圃千林
並欲釀金行將槩木敢先糠粃敬博珠璣

薛氏支系序

古人有姓有氏非大功德不獲賜姓各以小宗之祖爲氏或以伯仲或以世官或以封域又或仍大宗五等之爵而加王孫公孫以別之固百世不祧之宗與五世親盡之宗追溯旁求歷數千年不紊也况義軒神聖苗裔三代繼王分茅錫土開國承家列於王朝典策者乎因攷黃帝二十五子得姓者十四人爲姓十二姬紀祈西勝篋任荀釐佶偃依是也時維尚未有薛而唐虞之際豈置黃農之祀於缺略故祀傳曰舜卽位封黃帝子孫十九人

懷舫雜著

至

爲侯伯特其國名無可徵耳薛之得姓肇於夏禹執玉帛會萬國之日殷周改革宗社晏然迨及春秋傳代六十四君享國一千九百載列邦侯國莫與京也戰國兼併於齊孟嘗湯沐然究爲薛而不爲田後值秦漢封建廢宗法淪帝王之後祭無尺土而源遠者流弘根深者枝茂凡聖德王猷利澤及於天下後世有不嶽峙川流逾久彌新乎是以魏晉以來綦重族姓典午渡江僞楚莫論拓跋主夏甲乙是崇隴西李唐雖爲帝族當時且不得首推蓋重積德衍遠祚猶存仁厚悠長之道於不替

焉嘗讀昌黎柳州碑誌叙次人家世系近亦數百年遠則千餘年源源本本條分縷晰何其顯切歟非有記載之書守藏傳播本支百世推原攷論昭然耳目間卽遇博雅淹貫文章驚代之人何由家詳而戶稽耶茲觀薛氏族譜已美蕃昌久矣再觀世系推叙明達乃知海內之廣世家之著自有孝子慈孫顧念事修永終弗諼以是再奕繼彰盛名洵亦有自而致也夫萬物生於天而形成於地人本於祖而肇於聖人况黃帝之爲聖開先繼後在三五之間尤爲首出文獻武烈峻德巍功固與

懷舫雜著

至

天地同流不息統人物而悠久無疆矣又何訝薛氏之麟趾鳳毛蟬聯雀起萬代如一日也乎不靳嘉美而爲之序

母太夫人八旬徵詩引

蓋聞承歡罔極願酬苦節於栢舟錫類無方藉表
慈徽於班管小人有母永祝遐齡仁者贈言廣敷
聖善長生注南極白雪增輝旨酒奉北堂紫霞煥
彩快情揚解懷德投瓊惟 母夫人烏衣著姓黃
鵠清操誠授扶風不染綺紈之習性嫻內範克成
永玉之修歲甲午 先宮傅任兵垣知德曜之素
賢赤繩是綰識仲卿於早歲青鎖於歸夜警雞鳴
相夫進三遷之慶朝欽牙角成君納十漸之章既
而久總憲綱特畀銓政調元黃閣 兩朝寵眷維

懷舫雜著

五

殷結夢青山二疏高風足蹈緬思出處合義實惟
黽勉同心而更嚴格持家慈仁鄉下不怒而閨闈
自肅無言而鹽饋皆齊克儉克勤食鮮兼備而衣
仍三澣惟和惟順遠多令譽而近無間言追憶
先宮傅丙寅捐館也 母氏稱未亡人已三十年
不肖爲藐遺孤方十七歲恨終無怙但依禽犢於
膝前慟迫失天思慰藁砧於地下出釵鈿而襲
風邁裏簪督績紡以延師心慚捧檄甘載茹茶飲
藥永誌鞠勞半生課子育孫深邀顧復今諸姊媿
乘龍之選相寧無訖而七孫凜刻鵠之譏報劉有

日蓋懿則既敦於早歲而母儀復著於晚年爰是
鳳詔榮頒御朱軒而加飭龍章寵錫衣命服以無
誇三命洊加知憂勤之不懈百行勉勵恒訓導而
弗違順志承顏率皆報國忘家之戒立身行道恐
愧移忠於孝之心前者丞守多年子舍凝眸於直
北邇來監司謬簡板輿就養乎江東雖菽水之物
甚微而定省之儀稍盡朝暮夕殮克遂三釜祿養
之情愛日知年正當八袞稱觴之日春酒眉壽庭
開放鵠之籠象管朱絃樂奏將雛之曲望西池所
鶴算丹樓數積千籌仰雲漢聆鴻文華袞榮貽片

懷舫雜著

五

羽敢倩蘭台鉅筆女史載傳敬邀慈閣餘輝婺光
分映摘花彩翰如觀瑤台玉女之顏挹露銀毫勝
取憚掌金盤之賜修箋廣告頓首申虔毋惜珠玉
之章實切雲霓之望謹啟

恭紀

聖恩詩二十四首

紀迎駕第一

紀特陞第二

紀免漕第三

紀貸賑第四

紀幸第五

紀賜宴第六

紀垂問第七

紀優叙第八

紀頒賚第九

紀扈駕第十

紀簡擢第十一

紀補授第十二

紀留任第十三

紀免調第十四

紀復級第十五

紀誥封第十六

紀進書第十七

紀卓薦第十八

紀貢物第十九

紀特簡第二十

紀署臬第二十一

紀移駐第二十二

紀賜勅第二十三

紀命官第二十四

紀恩詩目次

二

恭紀

聖恩詩

康熙四十二年春督押江北漕艘停泊淮安清江浦幸河工往返

迎送崇賜

顧問家世年安皆達

聖恩紀迎

駕恩一

淮黃攷績

翠華東岸柳堤花雨露中

日表舊從

春苑識

初選鳳陽郡佐時在暢春苑澹寧居引

見 葵誠復藉貢航通江河會達如周道水土平成並

紀恩詩

禹功咫尺

天威欣對越擬同前席召宣宮

長兄勤知荊州府事十餘年有因公參罰八十餘案雖屢邀上臺特薦終格於定例四十二年二月

特用為臨洮道恩出望外紀

有兄十載守荆關薦膺頻緣例議刪比歲歸思盈

短札舊時僚友盡崇班

浙閩督臣朱江蘇撫臣宋皆與兄刑曹同官

特申寵命西陲寄緩脫華簪南畝閒

時兄申文告病忽奉

特簡遂力疾西去總是

聖恩容拙宦愧無殊績動

天顏

洪澤為江北巨浸風濤險惡四十二年二月宿州衛船載糧萬餘石遇風漂沒例應升丁攤賠

漕臣雖具疏

顧請部議未允幸蒙

特旨准照大江黃河例同免永

著為例升丁散解

雷動督運亦免掛議仰戴

皇仁於無極紀

免漕恩

三

桐源東匯巨湖成千里波光起潏潏河伯怒呼鞭

雷霆漕艘沉覆飽鯢鯨曾因

巡幸邀

天鑒

特賜蠲除出

紀恩詩

聖明更

命司農標令甲萬年清宴見昇平

四十二年秋山東偶被水患奉

上諭多遣人員前往効力賑養有願領倉米者仍許借給隨具呈

戶部借米二十石赴東省勉襄賑事

貨賑恩

四

宵旰慙慙念二東宣勞自愧一囊空憂縈中夜顛

毛白

恩貸天倉積粟紅蠲賦

先皇除敵政

先臣在諫垣時疏請免天下故切加派訓練餉銀歲四百餘萬即蒙

世祖章皇帝准行並賜召對從此恩遇日隆 救荒

當宁有奇功

兩朝仁育同高厚永慶勳華日麗中

四十二年十二月十二日
上西巡回鑾駐驛柏鄉前一日
蒙宰署直隸撫臣李

啓奏得

旨明日到柏鄉在魏人學士家進膳紀

幸第恩
五

嵩華時

巡龍馭旋邑當馳道快瞻

天築沙堤上鑾輿駐旋馬廳前豹尾聯村姬歡呼生見

佛野人爭祝萬斯年

時男婦老幼擁擠樓還歡呼
載道皆云生見活佛各願減

一歲
以益

紀恩詩

三

聖壽
上大喜悅

聖王一出關休豫豈是尋常樂遠收

是日

駕幸宅第兄弟三人皆宦游中外惟

慈親率稚子七

人瞻迎衆

恩遣內監李魏二臣扶掖隨撤

御筵食品頒賜紀

賜宴恩六

弟昆寄宦久離鄉

法駕來臨宅第光伏路嵩呼皆稚子

有子七人是日
皆跪迎道左

門瞻拜獨萱堂禮加扶掖勞中使恩賜珍羞出

尙方更許

天章榮榜額會看什襲萬年藏

恩許題
賜堂名

魏姓紳衿凡五十餘人恭迎
上奇而詢官職行世更
玉音特問長兄勳三大並問族中可乙榜有若干人紀
垂問恩七

遭逢家世被殊恩羣仰

龍光觀

至尊遍序官階詳長幼細詢世系溯明元

家本元室舊
勳明永樂間

發科至今幸詩
禮之緒未歷 兄名眷顧留

屏宸先業清忠荷簡存

上語侍臣云魏大學
士當日居官甚清 勉副

聖君垂問意實繁科第相臣門

山左賑飢事竣奉
旨自備已資効力賑養者從優議叙紀

優叙恩
八

紀恩詩

四

叩

恩東省問瘡痍報

國憂民心力疲男婦贖回完骨肉衣糧分給免寒饑

宣揚

帝德生成廣感兆

天和風雨時忽降

溫綸勤鼓舞微勞何幸

聖明知

康熙四十六年二月

聖駕南幸看閱淮套河工時備員濠泗督脩
行宮三所乃

駕未臨幸猶叙及在丁諸臣勞勩分頒哈密瓜棠占羊

榛實松子等物紀
頒資恩九

岳牧籌時忠盡同樗材承乏任離宮江南督撫會
議開溜淮套

工以洩淮水請駕親幸指授方略晴雲朗月籠三殿碧瓦丹楹望

九重輦路香塵春草綠樓船簫管彩燈紅兼備辦肝
酒船隻

鑾輿未幸徒延竚牲菓

欽頒資子豐

康熙四十六年三月自淮干奉調赴蘇緣
江南督撫諸臣以才能謬薦馬也在虎阜引

見將薦招交吏部因得追隨
宸遊往返三閱月紀恩
駕恩十

從遊千里蕩春光塵吏身依日月光奔走後先心

紀恩詩

五

有愧春秋耕斂悅無疆舉頭雲漢

天章賜沒齒恩波

御饌嘗在楊之三岔
河行宮蒙

賜御書在蘇松杭州俱蒙
賜克食

巡幸功成龍馭遠瞻天私願慰荒愴是役
也送

駕至江南界蓋自三月
扈蹕至五月方歸

康熙四十七年復有押運之役舟泊潞河閱
吏部推陞除目量移閩之漳郡已奉

旨依擬川而前任守臣趙為浙閩督臣
題留因繳憑回江南領谷另補紀

簡擢恩十

太倉時貢稻秔鮮重上

天家轉運船舟泊潞河遷一郡功酬銓部歷三年自

叙後三年
方得量移已蒙

俞旨移歸棹已領憑
將赴漳又值封章攀去轅前任
太守

題留原
任海表休為來暮詠

聖恩寬與觀親前改補後得依老
母膝下經年

康熙四十八年十一月赴部另
補仍得閩之漳郡次年正月

暢春苑引

見
天語首問先臣次及年庚履歷一一奏對復奉
溫綸詳即抄中小臣名姓萬幾之餘猶蒙記憶也紀補
授

恩十二

緇衣偶咏自胡盧烏帽黃塵入

紀恩詩

六

帝都重到劉郎真可異移官杜牧竟無殊改補二年
仍得漳郡

天顏再覩垂恩渥名姓仍煩

當宁呼從此身心須日檢

君親難負策駘駘

康熙五十年二月盜首陳五顯聚眾泉屬安溪之
太湖巖流劫延漳屬界雖經勦撫擒竄而文武降
斥甚嚴獨知府三員以不同城從寬鑄級留任紀
留任

恩十一

剽劫椎埋舊俗豪常驚白馬照青袍朝歌遽敢矜

盤錯渤海終難賣劍刀議下賊曹多放謫分同遷

客遂遊遨獨留郡吏存

寬政愧我羊亡更補牢

康熙四十七年五月因命案罪重情疑不敢遽定部議降一級准加級抵銷免其調用紀免誦

恩十四

疑罪寧甘失不經敢輕民命重微名孟中共信爲

蛇影斷後誰知鮮續形參聽三公明勵翼無稽一

念悞反平

恩加罰薄終懷愧豈止哀矜在得情

康熙五十二年三月十八日值

聖壽六旬大慶恭逢

恩詔准開復前降一級紀復級

恩十五

壽域同登祝萬方小臣嶺海仰

紀恩詩

七

龍光宥愆夙夜惟思補受祿

明時無可匡總被

聖仁容小過還頒

恩賚遍遐荒時有大臣赴各省賞兵寵庸車服應知報願竭丹誠

作保障

康熙五十二年三月十八日恭遇

萬壽聖恩除先臣前母已受封外母夫人王進階一品

本身暨妻室俱晉四品紀

誥封恩十六

十載重叨

錫類仁

九天雨露逐時新六珈副笄貽慈母

三命循牆愧遠臣四代一堂歡梓里五花八座仰

楓宸

兩朝開濟藏山富欲較傳書當

陞陳

先臣子告後在籍十六年訂較編緝日無暇晷詩文集及雜著付刊問世者百餘種晚年集錄朱文公詮解四書語分置章句之下名爲朱子四書全義於五十三年三月遣長子今任行人司司正魏乾教入京同別著六種恭呈御覽即蒙發

南書房詞臣看校既經繳進續蒙發大學士李王二公參定又經奏繳奉

旨嘉獎詳載本書卷首紀進書

恩十七

聖學時勤競寸陰先臣啓沃齋遐心歸田有樂求圖籍

紀恩詩

八

研理無窮致遠深道備紫陽集繹義書呈

黃幄校詞林仍咨公輔同參定三

錫都俞感不禁

臣形自康熙五十年八月任漳守事至五十四年十一月蒙督臣今大司馬范撫臣今浙閩總制滿卓薦隨本赴京經吏部議准引見於

西苑奉

旨今年天下卓異官員盡好可見更治澄清該部俱查

現缺陞遷臣形等四人以俸淺奉

特恩留京候缺紀卓薦

恩十八

八

六年拙政愧虛名上考叨隨

覲闕行

恩被凡材咸策勵

德昭羣吏倍澄清 冢臣屢拜圭桓肅分道遷除車服

榮需次更能承

曠典願孚瞻就暫留京

康熙五十五年三月值
萬壽大慶臣形在京恭進書畫十種蒙
收董字一冊紀貢物

恩十九

天章曾煥述巡時書契能宣神聖奇塵蹟何堪當

乙覽

宸衷猶喜得多師儒林舊墨珍藏久疎遜微誠

廷獻遲偶值呼

紀恩詩

九

嵩方物貢芹芽幸附紫瓊芝

康熙五十五年五月江蘇撫臣吳 以京口旗民
雜處水陸交衝道員人缺久懸請

旨簡補吏部以卓異知府臣形等四員開列奉
特旨魏荔形着補授江常鎮道即赴新任紀

特簡恩二

京口東南控馭端職分方岳任巡宣

溫泉渙詔由

宸簡憲府陳言念缺懸地極衝疲常攘竊民多游蕩曠

桑田保障深愧無弘略寧靜聊期省過愆

康熙五十六年九月委署江蘇臬司至五十七年
五月卸事代庖八閱月除開封印歷二百日完

欽 部案件四百紀署臬
恩二十一

聖朝垂創重祥刑

帝德同天本好生秉法乏才心倍察推

恩定讞罪惟輕搜尋深夜矜成獄研晰公庭恤得情二

十旬消四百件幸無冤抑慰神明

康熙五十五年十一月因江蘇鎮標兵餉銀米閱
重奉

旨移駐大員嚴稱核重彈壓九卿遵奉會議以江鎮道
臣覆奏蒙

介紀移駐
恩二十二

海微風烟靖汐潮孤懸百雉鎖迢遙城頭日氣連

滄溟沙尾江流注沃焦上將舳艫開蜃市使臣榮

戟建龍標書生戎服臨軍戲廣布

紀恩詩

十

威靈警情驕 河治十六年鎮臣梁化
江鎮道臣既經移駐崇明遂奉

旨勅兼理崇邑地方事務紀

賜勅恩二
十三

樓船笳吹曉霞橫旌節新移寵若驚運道風柔思

轉餉戍臺塵歛喜消兵

元時海運船
道猶可稽也

絲綸榮被欽和戢島嶼恩滋永晏清願肅

仁威歸德化臣民普海樂承平

康熙五十八年二月長男魏乾敷新選行人司司
正奉

旨依擬用紀
命官恩二十四

筮仕兢懷世祿家門前路是舊堤沙

先臣置即於
宣武門外今

男仍寓官閒應取遺書讀俸薄宜除妄費奢慎爾

於此樞機安退諒甘吾淡泊謝浮華生平涼德何堪訓

祖業清忠載

白麻

康熙五十九年歲次庚子日纏大梁之次

江南分守江常鎮崇道按察使司副使臣魏荔彤

恭紀

紀恩詩

上

恭紀

聖恩詩八律

康熙四十二年春督押江北漕艘停泊淮安清口值

上巡幸河工在返迎送蒙賜

聖聽紀迎

駕恩第一

淮黃考績

日表舊從

春苑識

余初選鳳郡時於暢春苑濟寧居引見葵誠復藉貢航通

紀恩詩

江河浮達如周道水土平成類禹功咫尺

天威欣對越恩同前席召宣宮

余兄知荊州府事十二年有因公八十餘案參處雖屢被上憲破格特薦終撓于定例

四十二年二月

特用為臨洮道

恩出望外紀

特陞恩第二

有兄十載守荆關薦牘常遭吏議刪比歲歸

思盈短扎當時寮友盡崇班

浙閩制臺宋江蘇撫臺宋皆與

兄刑曹

同官

特申寵命西陲寄綏卸華簪南嶺閒

時兄已申文告病忽奉

持簡遂力疾
西赴總是

聖恩容拙政
慚無異績動

天顏

洪澤爲江北巨浸下有高堰遇東水勢風濤
險惡最爲可虞四十二年二月宿州衛二村
船載糧萬餘石過湖遇風漂沒例應弁丁攤
賠潛憲雖具疏額請部議終執定例幸

特旨准與大江黃河同免仍著永遠遵行弁丁
聲雷動余隨押本年漕艘均戴
皇仁於無既矣紀免漕恩第三

桐源東匯巨湖成淮堰高橫起湃砰河伯怒
呼鼓風浪漕艘沉覆飽鯢鯨曾因

紀恩詩

二

巡幸邀

天鑒

特賜蠲除出

聖明更

命司農著令甲萬年清宴見昇平

四十二年秋山東偶被水患奉
上諭多遣人員前往効力賑養有願領倉米者仍

許借給以憑速運濟急予具呈戶部借米赴
東省獲與眾員共襄賑事紀借米恩第四

宵旰慙念一東宜勞自愧一囊空憂繁中夜

巔毛白

恩貸天庾積粟紅蠲賦

先皇除敝政

先官傳在諫垣時疏請免明季加派天
下勦練餉銀每歲四百餘萬卽蒙

世祖章皇帝准行並賜

召對從此恩遇日隆不二載由掌垣擢總憲

救荒

當宁有奇功

上于直省水旱皆經盡賑濟民賴全活恩屢逮而
有加法數變而愈善誰云救荒無奇策耶

兩朝仁育同高厚永慶勲華日麗中

四十二年十二月十二日
上西巡回鑾駐駕柘鄉前一日
家宰署直撫李

公啟奏得
旨明日到柘鄉在魏大學士家進膳紀

紀恩詩

三

幸第恩第

五

嵩華

巡遊龍馭旋邑當馳道快瞻

天榮恩坊下

鑾輿駐旋馬庭前虎賁聯村姬歡呼生見佛野

人爭祝萬斯年

時男婦老幼擁塞雜還歡呼
載道皆云生見活佛各願減

一歲以益

聖壽且狂喜之極有以爾汝稱者

上寬仁不較反
大喜悅

吾王一出開休豫豈是經旬樂獵畋

是日

庶幸予家因予兄弟中外官寄惟慈親率諸子瞻

迎蒙

恩遣內臣李魏二公扶退慈親隨撤

御筵食品賜用紀

賜筵恩第六

弟昆宦寄久離鄉

法駕來臨宅第光伏路嵩呼皆稚子

予有子八人
是日皆跪迎

道入門瞻拜獨萱堂禮加扶掖勞中使恩賜

珍饈出

尚方更許

天章標扁額會元什襲萬年藏

恩計題
賜堂名

紀恩詩

四

是日魏姓紳衿凡五十餘人恭迎

上皆面詢官職崇卑行輩長幼更

特問予長兄三次並問余家甲乙榜有若干人紀

垂問恩第七

遭逢舉族荷殊恩

溫旨慇懃及歿存遍序官階詳伯仲細詢世系溯

明元

予家本元室舊勳明永樂間
發科至今幸詩禮之緒未墜

兄名眷顧

申

三錫先業清忠念九原

上語侍臣云魏大學士不負

當日居官甚清

至尊垂問意猶多科第相臣門

是日予家有在籍
甲乙榜七人接

駕蒙

恩獎諭

予山東賑饑事竣奉
旨自脩已資效力賑養者該部從優議敘紀優敘

恩第八

啣

恩東省起瘡痍報

國憂民心力疲男婦贖回完骨肉衣糧分給免

寒饑宣揚

帝德生成廣感兆

天和風雨時忽降

紀恩詩

五

溫綸用鼓舞微勞敢冀

聖明知

肯

康熙四十三年歲次甲申長至日江南鳳陽府

同知

臣魏荔彤恭紀

懷舫集卷上

柏鄉魏荔彤念庭著

長洲學宮前溪登舟

宮牆繞流水悠然八口載播閱歲九遷况瘁心一概稚
子髮垂髫小妻眉減黛客老幸生還敢恨就頽廢送者
岼立堵行人懷豁塊津草正弄色閨柳新作態北顧雲
山多拚割吳苑愛

晚泊虎邱遺婢

翠華昔蒞止眼底盡如雲絃泊橫橋外烟斜草樹紛有
婢年及嫁晨夕侍磨焚不工聲色藝未歌舞氣我歸
遺汝返改繫農家裙勿爲商人妾莫羨宦遊歎終身田

懷舫集 偶選草

舍中世業在縑芸

無錫晚泊

九龍山下縣比歲常來往登眺秦樓幽品嘗惠泉爽今
憐月滿堤肆燈猶懸幌沽酒勞舟師無復時空賞宜興
時大彬
壺爲佳柔櫓停不鳴戍鼓遠啞響倚枕一撫追過夢付
愴惘

寄別天門學士

時寓武進之青山庄

學士焚魚處山青自不老客過望白雲清風送長眺京
國想冠蓋英華動倫表物變閱蒼茫相見盈顛皓歸兮
三黜鄉不走五陵通寄言謝舊遊遠夢託芳草
至鎮江泊三日

重開過江流高岸夾潮汐疏抓徒勞民八載寬督責
途胡濡滯敢暮賢畫前路故人稀留計舟車策風便
張帆渡玉峯昔姑射此生還自證無復過講席江次早渡
訪量聞上人

維揚候晤蓉江宗丈留別並和四詩

播遷自五世派行二百年爰開徽州祖厚德推區綿叔
氏培其風幹運文章宣謀生託籌策貨殖晦高賢我來
官京口久要與周旋初見精神滿繼識志氣虔相於歷
半世得意匪言傳自丙申至辛

伊人水一方七日待來復殘月照舵樓春風吹芳木悠
悠行路寄託唯馬僕雖餘窮途泣寧甘對宗族浩歌

懷舫集 偶選草

往且留盤餐非夙

君舟穆然至客代主爲庖情話侑醴酒新詩閒蔬飯人
事兩雲態流金工折膠相證百年期兩心共昭昭世路
多坎坷友黨乏才豪珍重此握手離懷雙雪鬢

送我君先去時事渺難測一別天分涯白頭各努力飽
懷良德意厚携佳飲食和詩恣豁達寧敢加塗葺西行
冷節近泥途風雨集猶聞廣陵濤已悵隔原隰

宿石梁村 借寓張氏園

暮投百家村巨流枕長虹扶杖入花徑題詩堂壁東周
庭植新芳閒培蕙蔭叢能快塵器襟聞敲襲幽風歸興
託梁燕客跡驅春鴻夜深惟燭寢故園在夢中

李盱眙

曉望西橫翠嵐迎歸客與重遊已隔世遷變共行居少
壯供奔轅輅肉消馳驅故人埋草莽舊寓圯邱墟泗岸
名城傾四民久爲魚僧伽孤柱在佛力砥川虛長淮勢
森蕩平地成沮洳未知後來人何策開苗裔

阻風

淮仗西風惡翻簸勢倍猛波撼寶積峯南宋納金歲幣之所畫夕
狂怒逞小舟卧欹側蓬底窺日影暝色遠岫起山腰燈

火耿無酒慰暮寒三月敵衰冷

晤慈溪故友翁孝先長器

時在泗牧郭同鄉署

一刺飛淮干扁舟起衰病邀坐危船間今日瞻劇孟民

懷舫集 偶選草

三

上

生問往苦吏事談嘉政心幸殘黎蘇申蓋操齊柄賈傳

正英年才業群誰競欲獻治河策將擬得人慶翁語余新草河

野體耗又言將赴河工効力

雨霽日晚開行

風恬浪消痕日落帆影起暮潮清淮上烟雲恣徙倚波

文展足練霞光散零舸舟師嘯歌興妻孥顧我喜初生

明旋墜昏霧四漫瀾舵底魚龍游榜側鼉鼉比重險寧

果行求岸宜蚤艤野水杳無垠滄海一浮航

三月三日淮舟

古賢修禊日衰叟滯歸晨暖氣煦原柳晴陽映岸茵中

流歎乃秦村廟鼓簫陳堪起良遊興還憐慨嘆新銀篲

寶瑟妓紫馬鬱袍賔無物來娛眼繁愁但感聲傳夢燕
趙客誰念役行身晚嶺啣殘照高衙逐兩輪花飛春已
過溪怨滿前津

雙溝

平崗勢迤遠原田圍古屋畫長鷄犬聞或遊秦漢鹿麋
淮隔世塵舟到風吹縮其中人不死四序無寒燠安得
蘇揚閒悉移太古族弗治俗自淳繁簡理往復

五河縣

淮測千家縣長年暑熱憂傍河開小市隔柳聳危樓官
已多人易定仍昔歲留春來花覆岸客過水蒿畔放浪
經江海歌謠記述郵從茲歸故園欲作採風遊

懷舫集 偶選草

四

上

風阻

石尤復迎面頻惠長逐客要津人競進舟子汝何畫青
春原易殘白日又已夕知彼趕舵風笳吹追盡鷁

三令吟

天長侯時昭周五河郭皆昔同事侯故

佟氏有髯客丰采少乘龍范氏爲政不崇異良安碩梗

通復任漢興邑踰伏畢位終伯仁文章士家有燕許公

周棟園携才宰山縣雲陸志飛翀移舒值一蹶翹翼侶

哀鴻徒嘆鐵牛力棟園爲弟買田題蕩散付枯叢郅都

強幹吏官貧民舊窮久居卑濕地常成捍患功拔身歸

畫省金石竟銷鎔故人展綴星孤羽凌天風音書知永

絕墓木望依空季札初解掛楊朱泣正逢援毫寫悲辭

招龜何所從

五君吟

臨淮今高懷遠今沈鳳陽今陸蒙城今

書記素車

遂絕共詠嘯弱候晤白門邀客奏新樂聲

妓集南園

清才賦郢調時有金陵名及我賃吳春伯阜

歸玄妙

沈後入機雲江東彥文采溢談笑官休家阻歸

旅櫬憐無告

鄧侯宰渴濱質直存燕趙學成官未達前

塵夢遠覺與陸同

之兒誰扶主柩廟長公來守毫時命

亦不造遺愛在湯都

墓穴桐鄉鑿五君躡皇路齒髮遠

耄耄朝露薤頭晞

生涯畢胡蹕重來廿四年所歷悉憑

弔欲過漆園中物

古丹

同官吟

太守王巨

懷舫集

五

別駕將軍曹太守巨萬家相聚宦一方濠上淮之涯異

同隨長吏微招七歲華何遜老官閣仲宣歸種瓜我足

頗已成微名久棄瑕開蓬四面挑鼓樓殘照斜市井本

荒僻丞齋舊草衙風雨閱年月胡用感繁奢各天集陌

路萍葉依浮沙未定風吹處春回樹卸花蟲臂與鼠肝

隨地寄根芽缺陷安足補拙婦陋皇媧

憶修泗北河橋

先皇勤陟方旰粥營行殿亟造泗北橋十里飛虹見翠

輦罷來遊數州民力倦今看城下堤崩頽存一線官舍

移南山人鮮安居莫何如事有益伐石爲禦患重整百

雉城鎖鑰淮北面

聞歌值雨

上皇當時歸蜀道靈武新君營再造欲按霓裳舊羽衣

梨園子弟徒追悼杜甫落魄老江南龜年仍奏開元樂

淚洒公孫劍器歌身寄雲安孤艇眺人生踪跡重相形

比歲遷流事儼肖白頭有客走遼遼橫笛驚吹悲愴調

龍之靈今來俯聽玉女洗頭盆柱倒急揭羯鼓聲春雷

風起雲飛星漢照憂歡聚散復何常作刹那看付微笑

中年歸里二首

茫茫誰解付虛舟勿勿終成物內遊風日慣消河未減

津橋屢徙歲無留高旌擁馬浮雲過短褐憑輿暮旅投

道側磷磷千百塚生時人盡願乘騶

懷舫集

六

依然盈眼舊風塵老愧驅馳賸一身久宦家餘蟪在戶

長征時見雁隨人詩囊劍削充行李好友高僧蓄夢因

歸往西峯桃洞住白雲深處筮潛鱗

渡河

復渡大河去勞勞十六年沙平村寫遠雲薄日孤懸金

帶中原束黃龍東海旋濟斯梁達趙家在太行邊

衛輝府

墨子回車地新周稱昧鄉三監竟隨移康叔啓厥疆秦

興開郡邑河北勢雄強昔聖許民庶人文終晦荒太行

列屏遠晨夕變雲光城闌繞衛流浮達輸貢航南熏吹

細雨塵靜征衫涼敞廬半圻近歸夢屬無忙

看山

崇日歸程近與臆飽看山浮嵐堆寶髻宿雨沐烟鬟草
觀羅裙色霞烘翠袖斑鹿林疎密處仙洞有無閒欲笑
妻孥隱仍邀塵市還何師傳辟穀終掩白雲關

途興

甫弔比干墓行軾商容里賢聖六七君培濯人材起彼
昏縱斧斤殷社遂墟矣文王囚羑處卦臺又荒圯乃云
王季誅竹書多誕紀一物釋西伯忘身嗜艷妓信惟天
好還回眸見妹喜

淇縣

瞻彼淇園竹惟餘草樹周蕭條茅茨屋磊落土沙邱尚

懷舫集

偶逢草

七

友多君子無忘歌衛侯古今驚世變誰砥水東流

湯陰縣岳祠

岳家父子三言獄宋室微欽五國亡萬姓血枯成良獄
丈夫氣盡避錢塘英魂異代昭性醴直道當時罹禍殃
不及耳孫充廟祝餞餘醉飽傲侯王

途興

侍中血濺殉君日寧知異代勒蒼石身後佳名要須有
豈云不如一杯酒扁鵲留艾能醫人父存道喪術弗伸
子產遺愛惟惠義千古良臣多士式

彼妹

彼妹飲恨去新歡死別忘情積暑寒追憶前因肱幾折

重來世事變千端纖穠入眼塵生相少壯移時指暫彈
假令卿存今再見對垂白髮定憎看

銅雀臺

臺圯沙頽漳水東當年雙雀久鎔銅二喬南國無消息
衆妓西陵哭雨風誰料馬群符魏識還羞羊后配劉聰
竊侯雖貴穿窬類兩代同歸蕭冷中識指五馬
破槽之語

過磁州弔張爾載

故友張公子長眠已累年豪風傾輦下舞態麗筵前跌
宕才名忌父要義氣堅車停王謝巷酒餞孝廉船余過
磁入
張居張船亦地近聯鄉縣人驚閉壤泉多君猶子貴五
至京江相晤
代一經傳張五代
進士

懷舫集

偶逢草

八

沙河縣

溪沙擁路逢初伏日炙征人背汗紅秋水至時江漢若
雪霜鋪地漠原同猶欣月色臨銀海最苦風霾隔碧空
一望瘠瘠仍賦稅繪圖誰奏九重中

自紀詩

古賢求實非徇名徇名已自義農始黃帝辨物名因昭
良楮分聚判爲二從此立經垂典謨代有司史紀其事
人生咸欲傳嘉行附託直筆不朽冀余塊無成略自鳴
馬老櫪下訴夙志家居直北歷元明四百年餘父累積
登甲乙榜數十人遠祖中樞父鼎司伯叔兄弟四世中
萬八千石慚竊位余宋元室熱臣自明末樂初發科至
今成進士者十一人舉貢三十餘人

五世叔祖謙古明嘉靖時卿會經元任至大同馬有功
遠隆余先人正庵本朝順治首科會魁任股閣大學
士加官傳時稱名臣余叔祖也任潮州守備伯喬
任龍安守備叔喬任平康守備兄勳任潮州守備次兄
嘉平任岳州守備堂兄男任金華守備兄任金華守備
勝任寶慶守備余長子乾教候補知府兄任金華守備
在任親余官廳官閱三任兩對天顏借計吏晚遭毒
也感聖朝終知四山淘匪類余被後有青云何
痛幼無怙失畜學中年暮歲勉切嗜詳習訓詁日月
溪十二古經曾究治手書禿筆埋若邱五六百萬蠅頭
字寧堪藏山待傳人祇可課兒存腹笥余生平歷註大
則四書通解重經義問通解張仲景傷寒論金賦詩將
且契略本義共十二經五六百萬言稿皆手書賦詩將
及三千首恨無理識開才思散落隨時漫與人惟效候
點鼓翹趾嘗評詩聖杜老集允稱詞壇表高幟余有杜詩偶評

懷船集 偶述草

九

六卷時刊碑手揮數十萬黃金足踏數萬里與地交盡
墨泰板問世賢豪千百人貧老近為朝貴棄魏徵宅賣誰能贖蘇季
田空室乃懟八子荷薪十五孫力勝奉養服耕植余有八子
兩人登科三人以守牧註歸作野老知帝恩飽食晏起
閒微醉族譜重修少遠衰尚望三編篤親誼余於康熙
修宋來雍正吳山秀拔吳江清作客九載一瓢寄離筵
庚戌年復作吳山秀拔吳江清作客九載一瓢寄離筵
莫唱渭城歌燕趙故人釀酒待

別吳詩四十律

遺位置

傳經客成館奉詔使扶餘蛟眼樓船射鷹章漢節舒河
汾高第子茂苑富藏書祖道東瀛後門稀長者車別翰
渡濟公舊館于余姻薄車前家薄氏因南翰翰
魯東工部詩其及門奉使琉球歸後未得會晤

聲華與盛日曾識積塵中千仞飛高陸幾年返堵宮伯
鸞來市巷仲蔚隱蒿蓬九載吳城住名艱謁者通別翰
謹函公為孝廉時常過余故
今又客吳往揚每不能晤
執政猶容兀贅婚竟謝髡一身徒梗泛四海鮮家存齊
趙前遊客燕吳舊相門那堪春望處芳草點離魂別宋
公祖前曾議婚以遠
費未便心徒慨然
友亡餘舊宅子去遠依人書記稱高道品題得九歌黃
金方築館白雪以懷珍我去行山麓德孤愧莫隣別故
布山子贊存時在
粵西金撫臺幕中
崑岡五峰秀咸喜識璵璠獨感師恩重急難古道存花
谿聞廢築燕市憶開樽十五年華卸相憐白髮繁別學

懷船集 偶述草

十

使徐敬思其房師陳城庵
每晤余言敬思相得雅厚
孟渡浙潮平驚雲捧鉢行貧無錫可立花不著衣輕頑
石能聽法金鏡為刮晴湖山思稅駕解脫白牛纓別上
雲林寺碑
師欽岩
擇木知時鳥集枯見義豪死生苟息重寄託趙嬰勞淮
水流當求吳峯象自高契交多遠濶白首更重搔別錢
翁王南陽公經營今宋兄梅
友同寮身後官事甚為周詳
乘軒擁蓋久丰采動群官一夕辭賓客三年迫餒寒賣
珠囊貯盡旅櫬淚痕乾才俊諸郎在旋看湯網寬別故
王梅翁
書符晉人法銖毫慎重輕不爭時婉秀潛合古堅精行

裏鐵門就還埋筆塚成歸求九萬內一字警荒倉別工書庫

友陳觀五

出蜀仍高卧藏環倦獻京依劉留楚郡借隱謝文名儀

象存機靜人倫立鑒精歸廬猶未蚤莫待種桑成寄別四川

解元李方明學長時在岳常道溫公墓中

家學推千禩兒才事遠遊寧諳捍閭策惟重物恒修詞

廟陳宗器文章紹祖謀別君思杖履無忝古賢流別賢商言

粹中

才人遺草亭遠客表儀型雲石皆丰骨詞章志岳星焉

知求自勝先欲愛吾劍去此留詩在千秋景性靈別滄浪亭

城闌伍相廟晴雨鎖荒烟恩怨無時歇興亡轉瞬憐人

懷胎集 偶遊草

士

憐今古感我頌孝忠傳能以仁成勇方為倫義全別伍相祠

嗜書復嗜遊常陟此山樓長物餘殘帙歸裝鮮敝裘頻

來閒嘯味時適屢春秋好古求何盡蕭然返葉舟別名山樓

坊古書

花園橫朱檻石塘竚褐衣四時精選艷百美樂忘飢歸

賦心初遠尋芳願獨違關山桃杏滿顧影愧輕肥別山塘

花史

遶遶牛馬走洒洒賦詩多拂袖辭南國驅車渡大河州

郭餘夢境揚冀視樓窗歸路空諸相奚囊障未磨嘲

客吳差自適寄託在詩筒沈約篇章古李頻句調工聯

吟如和曲分來儼爭功我去昌齡起來揚雅社風別詩社沈

李王三位

勢輕知吏貴命賤畏威尊不致豬肝肉期微馬角言數

行傳大號百爾被殊恩款段從茲去鋤瓜老名園別時官

南郭閉門隱讀書兼課耕營居堂構美教子連瑚成忠

為謀心盡和能讓世爭須修高大戶駟馬駕車行別友楊

子瑾并

山僧不厭靜常愛到空齋曳杖隨雲至談禪步月回人

歸留鶴伴庭寂寂見花開莫恨開河遠移時飛錫來懶

西隣有雅士餽酒每無時果熟教分喫花開許折枝窮

途懷易感岐路古曾悲籍至書來日身榮黃綬垂

晴雨聞高咏耄年久治經傳詩圖繪意先生著詩經圖譜立德

懷胎集 偶遊草

士

世觀型孤潔如僧性文章為命憎少微光下照更映老

人星別西唐高夢庄時年七旬有八

又飲上池水年深作地仙過余時問疾愛我重求玄談

論宗經旨方書洩秘詮晉翁著仲景方義甚詳願隨採大藥結室

洞庭巔別鳳醫王醫三

數到西山麓川途迥不迷雲深添寺與水漲礙橋低寄

興詩篇綴題遊歲月移歸舟頻返顧姑射對忘疲別西山

虎阜遊無倦頻行復一登離宮雲四合遠麓樹千層

御輦隨行路禪林舊識僧歸途繫念處夢境更何憑別虎邱

邱

城豈商時築市曹伍相遊千年陵谷改四郭水雲迴客

夢尋常返驚魂點淡收再來丁令鳥難認舊林邱

吳郡周成廟心疑興建初借人青史考喜于白雲居三

住能傳法九還邀著書他年來夢裡鶴化影遽遽

久不君平問休官藉隱名塵中勤物色篋內貯公卿

書內多載南陟仙霞路北歸光武營臨岐重握手遲暮

感浮生別原吳縣

王宰中朝貴謫官澤國居下交鄉庶老績學古遺書歲

月親年識丹青君命除立身霄漢日想更念枯樗

方州伯時艱竟罷官屢年悲剪翼今日幸彈冠笑

御將軍舊同嘗茶味甘臨皮思把臂珍重各衰殘

懷舫集偶逢草

曾屈金閨彥來為絳帳師席珍誰薦廟才俊自乘時當

代爭求驥虛衷屢問奇相期重聚處春滿上林枝

吳寓久比鄰湖山歸興新求仙君採藥公小名任俠

子長貧聲譽難林遠文衡玉尺均贈詩行笈貯祇當典

型珍別錢塘陳

業成招不就學古世難窺領略周程旨陶鎔王孟詞堪

交天下善俾作士林師愛我長逋客連城璧惠貽

詩四章刻

短李聲華著諸侯賓客中家貧局白板遊遠逐青驄

使李山監遇信奇宜晚詩寧善致窮項斯曾遍說別為

訪參籠時方為客

宅旁濂溪住策振康節奇大兒孔文舉今代古皇義後

必昌王旦客將辭魏其子孫看繼起別友王

武功唐顯日先傳漢儒林視草雲霄際裁庭桃李陰談

鋒能屑玉詩調慣敲金焦木如無棄瀕行一奏音

弘農奇數壁伯仲見雙難鳳閣兄終造鵬衛弟蚤搏家

餘經一快文易緣千端曾讀機雲作歸焚兔冊殘

彩鳳巢阿閣姑蘇聚狀頭功名文定後策略仲舒流天

半朱霞建鄴中白雪謳誓同君其席歸免楚僮羞

懷舫集偶逢草

留侯苗裔威所出俊威儀三國吳推顧單親母代師水

清瞻岳嶺霞舉向雲遠臨別危言贈鳴皋天聽垂

故友張匠

門外孫

柯爛樵回晚婆談春夢醒託懷惟汗漫與世渾畦町偶

爾生還遂終焉心役形身歸無怙恃更廢賦原鴿賦

補 4—316

栢鄉魏荔形念庭著

官渡

袁曹隔水立壁壘中有清渠稱官渡各擁威兵勢侈張
寧恃蹄涔分屯聚迺信黃河亘天寰隨地通津儼若布
車徒利涉險且夷卽爲師行必爭路年志云官渡非黃河亦後世好事藉高臺因陵名谷亦會傳千古鑒觀不足當
重興亡海田變跡豈仍故邑與陳留遙對峙漢晉殷繁
郡反附城郭人民已盡非丁令不來誰辨誤非古地矣

圃田

爾雅藪澤圃田列廣袤未盡半境該河決奔騰無定域

懷舫集 偶述草

每過坎窞起岡厓不尋水利求水跡學精桑鄒終疑猜
金元史載鄭河足濬源蓄流農功偕若詢故老審原隰
千頃灌溉惠心開無費無怨成大美願子勤民竭爾才
韓蘇齋斷碑北宋李氏紀其祖平寇功有魏公子忠孝及蘇子中題識順治己亥年今

吳彥芳得於土中

金石遺畱傳北宋此邦文獻存瓊琚賢相令子業弘遠
長公難弟學溪儲片羽凋零吉光貴三代法物球貝如
襄陽構齋名寶晉吳君嗜古營華居歲久頽圯委瓦礫
時發精采凌空虛幽人潛德閤然久定登天祿入石渠
葺堂砌壁怒靈恠宰署從茲鄧吝除相對姑射一段玉
白銀赤仄等塗污

三月晦日 在中

今年客況付舟車子署流連旬日餘路隔大河人未渡
貧籌喪具計全踈寒暄閒至衰身覺晴雨相更春令除
長晝餐眠無一事神勞形逸欲何如

閒賦

客吳累歲成遲暮兒宰河干當歸路來見古槐枝幹繁
逾旬砌上影布蔭晨起晴簷聽雀聲午就閒堦看鶴步
新婦司饋供案餐稚孫騎竹繞庭樹老景悠悠惜寸陰
長慮蚩蚩鮮餘袴衣子解衣食推食紅女田夫恐藏怒
去此言旋父母邦服粗飯糲無出鄉官齋千里仍嫌遠
望爾隨耕丙舍旁

懷舫集 偶述草

示出繼子需牧 時來中 年相迎

七載他鄉兩相見滄海之中河之外老人鬚鬢已全更
少壯儀容應弘泰落拓家貧名未成鬱留逢迎留鯁帶
礪德積學自高明富貴何常委塵蕘知稀我榮固異說
無具求用亦鮮賴能使此心爲已謀呼吸沛然通沆瀣

雙鶴 署年

兩鶴依棲慰客情同居羨爾志同行追隨三徑如虛步
翔舞九皋相和鳴辭漢山東魯二士求仙海上董雙成
愧余驢背揚州路公等來遲未一迎

舟赴朱仙鎮懷古二首

一渠百折更千迴惟我乘閒撥棹來孟覆均堂輕泛芥

風消河潤遠揚灰已事作苦逢年願誰博屯膏當道豺
試過村原瞻岳廟斯民直道本昭回

當年趙宋用食壬此地班師汴社淪甘壤干城迎母后
却歸帝業棄嚴親九哥自戀湖山便長股能逢昏暗君
寧待國亡方論定金甌缺愧女兒身

風雨返年

風雨淒清違夏令車輿況瘁任勞生沾塗自少塵遮眼
淤墊全消舟快行田父欣然霽澤足市豪倏爾子錢輕
秋場登穀完官庾不用弘羊心計精時聞賑救仍須完倉故末句及之

晚抵牟城

漢開郡縣遵秦制此邑全非趙氏城魏惠業衰無晉國

懷舫集 偶述草

三

孝王藩建襲梁名大河為患田沙鹵兵燹曾經民困傾
俗樸風淳猶可整詩書訓士勸農耕

追賑

漢武不為亡秦緒富民晚醵田千秋孟嘗養士知市義
焚券薛衆食報優損上益下事經久天子通計逮諸侯
當宁今春厘豫飢遣使發廩解愠周乃云太倉宜紅
腐不為蔣屋口腹謀亟令有司返渙汗此時暫賑秋徵
收其細已甚將弗堪有無是論 聖君羞讀書人可任
卿相岳牧何膺肉食流長國家而務財用經載畀彼投
荒陬吁嗟小人兮可小知未當大受兮非謬悠

偶以所論為詩示需牧

明道中庸自邇卑漸臻高遠實為基志存師古休從俗
學勉終身無閒時二載賓王寧碌碌一編娛已務孜孜
敦誠守正修言行不向天公論報施

晤連卜公婿父

書生作吏與常閑誰識循良數政寬河畔相逢雙白鬢
宿盤坐守一儒冠盈床圖籍餘身贅奕代饒田付質錢
仍教兒孫勤誦讀學成原不重為官

新櫻桃

廟園薦日客遊梁也得官齋新獻嘗含弄孫嬉怡共美
盤供賓席酒分香征人入塞驚鄉味倦宦離閨憶蔗漿
毋攬 惟思猶在殯隨時奠物感年光

懷舫集 偶述草

四

示子士說二首

時自遼暫歸將迎妻復往

從軍八載暫言歸身尚飄零愧錦衣築版乘城披雨雪
餐糧卧鐵歷寒飢烽烟未熄何家問父母遑將空願違
且返脂車更赴塞瘦妻稚子共依依
身願年壯戢鬚眉努力乘時正有為天馬千蹄堪貢款
燕然片石待鐫碑虎頭祖業雄邊著鳳閣家聲國史垂
何定封侯方入塞功成歸舍養吾衰

二子歸里

二子携還舊鄉袖手跌居淚界面少壯膏騰年復年
人生那得常相見指紅照眼對香焚槐碧覆階藏鳥嘯
旋曝蛙裘澣敝衾更熏繡葛開湘扇春殘鶯老螻蛄鳴

簾外流光儼飛電言歸未歸十暑寒近繁客身旁古汴
一家數處隔音書河側江干紫薄宦衰老孤吟晝正長
詩成日影移幾線

消閒二首

滿階芳草一簾風淡日輕雲隱見中偃仰清齋醒復夢
追維遊境少成翁閒時方訝忙時迫老計何嗟宦計窮
秣我白駒歸故里秋陽正好曝蟬虫

莫放簾前暇日虛衰年燭火照無餘少時失學輕三仕
壯日求書溢五車故物家傳惟此在宦囊遠載少他儲
須知併若皆身外那是携來自我初

又作

懷舫集 偶逢革

五

携得來時帶得回其餘萬有委塵埃良心不死共生種
入理能超浩劫灰佛說真如開大覺聖言無息結誠胎
但知存此爲人本便見清寧一盡該易云天地之

買革鞋

汴市買來幾不借革鞋冠裳空適越文身風規舉步思
吳會踪跡移年感故新從此山遊休著屐便將雲擁欲
起塵寧知乍起仍扶杖舊是涼涼踽踽人

賦得夏雲多奇峰

朱夏司炎令昊天聳岫雲數峯畱遠麓三島映斜曛膚
寸高巒聚峻嶒疊嶂分揚旌如戍嶺結壘儼成軍曠馭
鶯叢路銀河馬象群甘霖期汝作薄海靖塵氛

過臨淮

細路緣城上洪流繞郭闔昔供旌節駟仍駢騎車塵
阻天荒破邑鮮官疎地利陳句稽增巧僞農圃積勞辛
市少豐饒象村多凋敝因爲丞書尾久時宰發嗣新製
錦原先傳烹鮮訓後人八家王政備期月治功馴仕績
由優學卿材本惠民致言賢令守溫飽毋謀身

長淮衛

諸衛明祖建設供運北漕制仿唐府兵力役息征調年
久額丁稀死徒軍田耗選僉視賄行吏侵官政暴時多
改州邑簪曹仍分効地當興馬集舟帆亦紛到蕭條數
百家未庶富安效天桃萬株花銀杏千古造艷姝色悴

懷舫集 偶逢革

六

周玉樹猶窈窕許劍憶徐君人亡流水浩重遊春欲深
往跡首空掉衛南北花甚盛後爲淮衛自果大樹

懷遠縣

禹鑿荆塗山中導淮潰出山閒講城邑白雲滿堂室陰
雨溼嵐墮潤染五花筆月夜聞猿聲恐鎖波臣逸秋水
一時至灝瀕起萃偉流洙蒞市居淺者已沒膝余曾拯
溺來平地蛟螭窟千村沉綠濤登峯望蕩決愧無援手
謀到今懷悔愜布帆復經過還念民苦疾願採野老言
可與風人匹

淮岸清明後五日

淮長柳色遠麥碩社期殘風信遲歸計經遊起曠觀三

春供道路盡室狎濤瀾是物皆詩具隨心引筆端前村
來牧笛淺浦守漁竿岸草青茵溼行厨素食寒晉賢誇
犢鼻古隱避輿冠季世修頽俗中流支瀉灘羞囊山水
貯書卷蠹螢乾梁甫頻成咏牛歌興久闌

望鳳陽府

明祖崛起日欲此建王京山卑水不抱流走歸衍平漢
志載鍾離地非古治城今分五牧領郡勢愈土崩天時
証人事縮者烏可贏司馬官冗長米鹽寵辱驚塵汗供
驅策踞涼虞疎筑南移嶺海際迂迴世已更晴風吹原
野景候過清明川塗頻極目魚老尾傷頰

卞玉

懷舫集

偶逢草

七

上

荆山傳卞玉天令韞頑石精光若耀世物色招俗客剖
露屢刑餘至今重良璧胡知不如葵愛寶足弗惜人賢
是國珍豈顧楚珩白古事畱昭鑒所戒警輕易識德慎
賞實君臣固交擇寧率投弃國貴踊且賤舄

船隻歸里感作

黃郎家陸居淮岸拋田室妻子就舟末甘與風濤愜船
回祖住村欣動來親密訊問遍隣族憶倦及娣姪爲言
官政寬勸勞招返逸余久望鄉縣在舟吟抱膝呼兒整
冠衣命妾澣裙袖歸兮春欲闌閒庭延長日開筵召雜
賓敝裘畱待質民生有方域土木偶非一

桃花

一樹桃花倚岸邊行人識認暮春天
淮干來往誰曾記擲盡風前開卽年

渦河口

魏武具知略卒師出渦口吞吳事竟成業替他人手司
馬踵神姦盜竊附腋肘名義揭日月狐媚貽辱詬蕩滅
過千年流水已改走客至問前塵山川陵谷久逝波旣
莫回謀權滋怙怙開基本淺薄祚命寧綿厚遂倍春秋
書聖意終無朽

水草

藻荇膠縈甚勢足塞淺河乃信文章家言道不貴多正
史虞書紀舜典卽偽訛盲腐更縱意儘可修繁柯宋臣

懷舫集

偶逢草

八

上

疏逾寸艱在躬行何正編存經世一炬非秦苛試看渦
岸民取草滿陂坡去此無益物清流去逶迤

述感

村村桃柳盛曲曲水雲迴稚子隨漁牧農家急欲求支
樓遮種竹懸罾放行舟鷺集晴沙側驢鳴古渡頭長風
帆影正午日草烟稠寺遠僧航寂林深鳥樂幽人情歌
哭盡老景閒關愁祭塚筵常缺乘春暮久收鄉心縈海
燕時序聽桑鳩下津車仍在中酒可謀蚤歸先掃墓
徐醉釣屠流

何家溜

弔曹氏婦

此村有孀婦守死養貧翁歲久人已亡耿耿名無終民

生固有盡青原草木豐不顧身後論富貴等魚蟲坤道
貞乃利四德備斯中穆姜具學識自知老東宮詩書始
少讀文章可緩工不見易安才桑榆嫁儂備

桃威

桃天方北顧眼亂復南回有時盈兩岸山陰道上來花
源世易覓秦民安遇哉此類蝸角國又置陽柯槐人生
遊其內宇宙事已該日月消眠食那更求蓬萊

晚泊龍崗

吳下去已遠故鄉望尚迢前經老莊里蒙邑苦縣交晚
泊荒村外夜靜息煩驚更欲求元旨反多思慮勞心安
理即會本基立無搖離者雄之母黑乃白所包守此致

懷訪集

偶逢草

九

虛一自足遊逍遙

雨

雲隙透晚照曉作春郊雨我舟維不前變清怨貧窶天
明世物動各起營受與欣戚遂異情外應占迎拒陰晴
非有心遇者亦分旅楊整厚裊豪此時在廣宇阮籍稱
猖狂窮途哭何取四野望霽快意極裊侶新水添半
篙霽風帆迅舉居行任所遭無事學神禹

又

林鳥鳴鵲喚河魚撥刺驚雲依水覆簑笠繞田行花
溼紅香重帘飄翠影輕細流紛入澮亢土悉成耕村叟
披衣笑津舟艤岸橫鷗鳬意適寒暄隔溪生蚤晏時

難辨稽留路失程由來竟出候風雨逾清明

卽事

捷足侈夸父追逐與日競賢士重安行子羽不由徑仕
途計久速遲疾更由命馮唐老郎官鄧禹少執政道路
值通塞困達亦數定既知豈怨尤所嗟在瓶罄

晚雨

日夕霏霏雨天涯泛泛身虞卿終去趙杜甫老思秦路
乏班荆故舟無贈麥人時歸民生逢儉歲花事迫殘春
少壯驅馳志功名礪淬頻毫都輝兩緩東國使雙輪北
固看山久梁園作客新何門彈劍蒯誰處醉車稠欲訪
侯生迹仍飛博浪塵要離墳畔淚移哭信陵君

懷訪集

偶逢草

十

曉晴

將至

風起濃雲散寒生晴日來低烟菑浦鎖遠霧逐帆開燕
摘榆錢舞鷗妨荇帶猜市頭看穀種林際結梅胎問路
莊園近服官子姓才贈詩言客况霽雨一春催

蒙城縣

十室邑有人石中存琬琰風尚如唐魏治可因陋儉下
里音自工不爲陽春掩昔飽令君厨秫米肉嘗犬時令
人春晴歸路經縣小值歲歉吾宗賢孫子蒙民近不厭
閨外溪流清水去潤未飲祖德在求成式行爾期儼先
祖於明代任求城一時循吏
無嫌姪孫之五世嫡祖也

晚泊

乘此風日佳程逾百里迅比邑秋溢灾宵征戒心震胡
冒畏途危不息升改各行止固隨時履信宜思順

吳家集

岸平河港狹村僻樹林荒屋鎖知人去春飢見日長稻
梁商少販烟竈暮稀張食係民天重君如文視傷兩瞻
青染麥雲壓菜舒黃田畷應成喜流離召四方

入毫東界

按毫有三今歸德府古名穀孰者爲南
毫然則今之毫州去歸德至近或爲湯

乎都

毫舊知名郡過江漸遠淮市頭堆穀米村岸賣高柴官
政和平便民風梁宋偕虞翻曾治盜蘇晉竟清齋習俗
猶尊法賢豪尚景懷但傷前雨散無與縱談諧余署毫時治盜

懷舫集 偶逢革

十

上

過嚴後甚致海今
金齋十五年矣

雒河集

樓名銅鼓舟名山船
村市日集始多牛車

銅樓沿豫製山棹溯渦流賈貨俱登集田車始馭牛陋
妝農婦拙樸俗僻鄉畱名解傳賢令人來候故侯停船
問疾苦時政罷誅求此地堪移宅武陵莫更遊

晤徐故吏慶

漢制掾曹重馬班紀傳詳後藉避徭役迄保家小康徐

子守鄉井鬚鬢始踈蒼數樂固罕遇誰求驥德良贈別

執鷄豚踏破菜園疆如夢寤邯鄲童喚啜黃梁徐貽穀米雞蔬

數

白龍廟

水淺迺祀龍乞靈通篙楫渦流古巨川淤自黃河接食
貨浮舸艦倉箱滋江汜禹法勤溝渠盡力猶前轍客行
邁千里勞費已逾月更進僦車馬羞蒞囊中竭祝神開
弘源身老風塵怯非少侯貴門懷刺恥修謁

晚泊白龍廟

河水強三尺民居近萬家高樓懸月小故岸罩烟斜雞
犬聲相接閭閻靜不譁燈明宵肆酒林黯穩棲鴉寂境
心常適閒遊春自佳回眸歌舞地揮手謝繁華

毫東途次

水曲岸多折村疎樹接林近淇移巨竹布穀喚時禽花
春殘春氣雲懸故國心晴風寒尚逗客日老誰禁歷落

懷舫集 偶逢革

十二

上

誰城在迢迢歲月沉塵生歸路裏白髮不勝簪

抵毫

丁亥去毫今已
二十五年矣

二十五年期孤姬慮墓木毫城去頻來歲星已三復烏
頭拜卿相歌薤埋溪谷無成時棄翁契濶餘氣獨風青
原上革大車日轆轤遂作馬足塵生意辜繁速良材培
奕世偉器任巨屋小人縱斧斤恥共牛山禿

去毫

夕陽下返照千堆堆烟靄水盡山隱峯崗原遙映帶市
人喜指顧時宰來輿蓋憶此落拓身昔政鮮民害質樸
俗歡文殷厚幼多知豪傑輸趙齊平易比鄭蔡信宿畱
嘉州相負意未艾扶兒登巾車始出吳楚外放翁詩有
此身不負

負著

皂子集

平原千里始坦坦履康莊麥菜留黃蝶如墳樹白楊塵
生人馬足垣匝柳榆湯花看桃連奈音聞角帶商衣表
初染汗曉暮尚侵涼能悉御風景常曾客宋梁

貨車

大車駕兩牛小車碾隻輪一觀驢視羸壯重遠任致均
簪或徒行策騎時敢論西征購陣馬百萬出帑銀驚駘
昂驥價皮相寧九歌良駿疲驢場功多惟喪身驅擄晉
相資失馬塞翁欣今看五陵道猶憐僦寒人九衢蹀躞
影顧我已非倫乘軒雖怯戰老幸謝邊塵

懷粉集

主

上

胡襄城途中感賦

麥高將湧浪燕到競營巢時序流春暮行人屆宋郊為
機鷄斷尾翔羽鳳羞苞善下斯能辱求名莫解嘲文章
非石隱富貴豈恒交學易終吾歲謀生藉白茅

賦哀

庭院海棠發人歸已逾時花老母歿負國累臣危故
里常關念北堂殯失時事年心可逆日暝死無虧患難
疎舍殯衰貧簡物儀哀哀恐周極罷誦蓼莪詩

睢州城

許文國與唐許遠同姓殺高傑歸順
本朝在睢州城可順治乙酉年卒

中原千乘國列雉黃家城一旨楚爭盟霸許張其立名受
攻無險據德順則兵精教一治文明象人非富庶形屢來

年歲改老願治安成苗裔封侯後江淮久蕩平

杞縣

明劉狀元諱理燭國宗
畫節在北京諡忠烈

忠信而重祿士則崇禮報故明洪永來法與經未肖廷
杖斃衛獄冤慘每無告兩苗國篡亡唐宋士慚校試論
所由勸讀書猶多效富貴易致身筆墨乘政要退閒或
罪謫子孫存體貌以此輕身族焚湛常卒暴獻瑞亦寵
榮究不列朝廟武臣陣捐軀刑餘應賊詔杞邑詞章伯
舉室殉流盜迺婉文文山今古相照耀事去百載聞英
靈日月照祠墓想荒涼客過悉瞻眺

陳留縣

有漢縣
明邑人也

中郎漢季儒學博義不斷辱身纂逆例誅死胡發嘆司

懷粉集

主

徒正臣誼名罪天日且留恩秉史權反挾私啓亂由來
文章家獎藉惟墨翰子雲甘美新伯喈事同貫祠堂建
時溪不朽表里開衡華聖賢書蕩佚無足贊

宿省城

示中年令
兒士健

趙宋世不競立基即非地水可亡人國智伯曾相示故
明天命移山川助賊崇一夕河入城億萬化鱗類今已
將百年生聚久未備氣象如僻邑荒陋豈都治況雖上
理時苦無愛人吏去秋值溢災死逃袖手視使車叩恩
來遷流遠遁至但恨餓殍冤風雨怨累棄

又

山河四塞險大梁魏建封山遠倚敵其水迫且自攻而

見宋金亡兵渡如乘風振武失氣勢累世必衰窮母弟
禦七國藉成亞夫功追思委孤注使虎闢穴中驕侈召
詞客鄒枚集苑叢相如更繞指諛多規不從地既輸形
勝士亦少豪雄久居長迭志開繼事業空今惟傳遊賞
艮嶽與雪宮文采詩賦盛花石鳥獸充阮籍笑豎兒此
尤螺贏同

由開封赴中年

晨出汴西路十里白沙源因嘆博浪擊千古驚秦竟夷
門老監者薦賢酬知恩可與滄海士意氣重相敦迺信
趙魏客顧義輕生存俠風惜久泯浮雲焉足論

入牟境

懷舫集 偶述

十五

西入蝗避境漢治尚循吏唐宗甘吞蝗周文如傷意春
秋大無麥郊原多赤地今之從政者知為斗筭器繪圖
監門風矯詔長孺志九重已洞開將順本易事婦子流
亡嗟縣官秦越視寧止負 聖朝祖德亦遐棄先曾祖
於明中
葉今永城有牧荒十二政通省效行舉一
時備吏之最至今永城祠視去年甚近

信陵館

戰國群公子魏信陵為冠開館集義士非私養羽翰救
趙禦暴秦磐石六邦安寧徒奔姊急屋瓦震邯鄲平原
名與齊重勢賢輕看宜陷四十萬千古心猶寒大河屢
湮城故館久茫然遙禮下風激昂動肺肝

吹臺

上建社李尚三賢祠
臺始師曠人不和也

師曠聰於音君前伸正言諸國列強臣冠履亦覆翻所
議警昏暴適開塞紂原登高吹六律八風蕩散繁焉能
端儀表樂終輸池門至今人信好迺惟詩酒論三賢名
無朽臺遂千禩存

梁王城

孝王正少年建藩大河濱驕泰名壽盡故城亦久湮後
世侈華藻漢室尊懿親地終藉人傳稽文重古人登登
群版築傳說帝賚臣賣賦求榮客得財致失身

隨堤

梁國遷睢陽甬道築高沙至隋樹花柳南遊建翠華山
川悉非舊寧論事淫奢客過陳西路離離桑閒麻金線

懷舫集 偶述

十六

纜牙檣光彩接雲霞徒炫詞章色難問水津涯汴泗達
江淮宋元通輕槎每見風塵起推壇悵古遐

續彈詞小引

升庵以宰相子廷試第一人高才茂學博洽淹貫當時猶目爲面皮狀元甚矣士不幸而生於富貴也若非議禮遭斥自必繼美臺閣然恐文章節義未必定可不朽知今日重升庵者不在宰相狀元矣生平悲歌痛哭之文以彈詞爲吉光片羽耳撫事繁而叙情必盡取義精而數辭能達學士大夫稽考羣史精神失注者市販村姬於此皆能聆音而得且發言造意有忠君愛國之深心欲藉憑弔肝衡而著也故足動人性情於不自覺文品在屈騷賈賦之間非相如子

雲可望涯際余凱茲侍庭卽聞矇瞽誦之 先嚴命

作燕趙聲座客青衫多濕迄今垂四紀矣近閱虞山孫氏輯註追憶慷慨激楚之音對酒當歌之槩不禁掩卷悵然放廢曠閒遂編有明一代附後余之寡陋委靡何堪續貂但右軍有言後之視今亦猶今之視昔作者當日豈不預計後有和者蓋樂其文傳得屢續而愈久也三百年餘續成此詞尚論幸不乏人固不必存今昔之疑矣春秋之後無孔子史漢之後無班馬可遽廢史局耶故不能已於是編云

雍正甲辰嘉平月

安齋主人自題

續彈詞卷上

安齋主人編並註

西江月

天地難逃渾沌人間不免興亡一年一度換春光梅柳何曾改樣 運去遂逢百六時來恰際明良千年筵席有收場留作漁樵話講

詩曰

昨日流鶯今日蟬起來又是夕陽天塚中寶玉皆成土絳上侯王不值錢七廟誰家無掃祖五陵何處不寒烟可憐世上虛名利任爾開爭祇百年

續彈詞

談空說有邀君聽且賞當筵詞賦工鑄鼎書旂誇俊

傑殘山剩水吊英雄歌催扇底人將老酒盡樽前話不窮何處高楼招皓月誰家亭館暢春風檀槽珠落

青衫淚玉笛梅開燭影紅往事說來渾似夢危機叅

破摠成空幾人圖畫凌烟上萬骨乾枯野草中壯士

關山飄雪鬢香閨蘭蕙萎霜叢繞移多寶誌公塔

明孝陵卽誌公建塔地 東移十里另建塔寺 早熟盤龍鍾阜松興廢一番添一史

江流依舊日朝東前談元滅已結果一切詞頭再表

明興又添出一椿公案佛教當成造寺有開山之祖

天命應盡末年出亡國之君 明懷宗自謂非亡國之君恐亦難免此名也 如今續

談有明一代自洪武戊申年起至崇禎癸未年止興亡終始

明太祖朱元璋洪武三十一年惠宗允文建文四年太宗棟永樂二十二年仁宗高宗弘治十一年

宣宗德宗宣德元年英宗順宗正統元年代宗初年憲宗二十三年孝宗二十六年

宗十六年武宗原正德十六年世宗原嘉靖四十五年穆宗原隆慶六年神宗原崇禎十七年

光宗昌泰元年熹宗由崇禎十七年懷宗由崇禎十七年共十二代

十六主二百七十七年

明太祖本泗州農家之子明仁祖方世食貧遷濠郡佃種辛勤元運衰歲凶荒流行瘟疫父母死三兄

歿孤子單身乞葬地向田翁不為施惠幸隣人與坏土築掩雙親艱餬口在禪林披淄削髮

值年饑察無米托鉢依人皇陵碑云朝聖炊烟而進步恭投寺四下裡起干戈方劉徐郭

軍各搶馬開亂乾坤佛座前卜卦三藏身逃難太祖與藏密不唯從軍得聖兆乃附滁兵

賴后調停郭子與諸子深忌明祖才克滁州取太平江陵並捷明祖兵起先取滁州後取太平

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

徐湯集花郭至嚴禁克淫徐湯集花郭至嚴禁克淫徐湯集花郭至嚴禁克淫

食始足民開學校舉賢才劉基章溢

陽湖漢王敗死陳友諒稱漢王明祖與戰東破賊闔閭郡卒

克堅城張士誠兄弟據蘇州本泰州李文忠下杭州姑蘇援絕

降國珍死友定元關兵征方國珍降

元政振紀綱嚴刑峻法元政振紀綱嚴刑峻法

長數萬冤魂兩案殺六萬餘人悖直諫封大藩尾真不掉

平遙訓導業居昇應詔直言天下有三事選高僧諸王輔智老而

昏昧廣孝道待侍諸王滅功臣除宰相隄防外舉徐達傅友

臣齊黃方練正學練子寧真廷疎假經濟斷送嫡根

傲晃錯削藩封北平兵發元亡明改元都為北

如霸上兒戲為軍燕齊黃方練正學練子寧真廷疎假經濟斷送嫡根

主回緩兵之計諸王赴軍前與燕王講和緩兵

一字名成成祖入關方正學曰朕欲效周公輔成王其劉誠意之子

齊黃斬孝儒已傷仁德十族誅瓜蔓獄古少斯刑

文皇語方孝儒曰不須求死朕不忍殺方孝儒曰臣死且不避

會撥油高飛遠颺曰甘否臣曰忠臣死且不避

會撥油高飛遠颺曰甘否臣曰忠臣死且不避

會撥油高飛遠颺曰甘否臣曰忠臣死且不避

會撥油高飛遠颺曰甘否臣曰忠臣死且不避

會撥油高飛遠颺曰甘否臣曰忠臣死且不避

會撥油高飛遠颺曰甘否臣曰忠臣死且不避

使朝上竟不可得命內侍以鐵夾持之北而帝曰汝亦朝服耶其忽忽油四起內侍棄夾走死仍向下景清皮能起立

夢授魂驚景清欲刺帝不克遂刺皮懸長安門一日帝驚過皮忽既明

知自家事何須免狠文皇謂方孝儒曰此朕家事先生何自苦變恚怒掩羞慚

不顧神明 忠臣女發教坊尤傷天理能詩有步處金蓮人

教坊之句漢書帝觀人戲謂其父與兒開基業厚德先傾胡藍

及諸難時大義忠義之改燕國作皇都鼎遷社建 置陪京

分南北兩設臺卿以順天府為北京都之北應天府為南瀚海

北屢親征立碑紀武銘曰天山為鏖瀚海為鏖征瓦喇伐阿魯

誇耀威名帝先三河曹台為王元帝不修貢親征之有高煦也

學帝陰謀奪嫡高煦文皇次子太子母弟初喫跌前把滑後

限定輒行人任素為太子時迎駕常行泥中滑仆高煦云前若不是榆

木川卒逢專職文皇暴崩險此兒又惹起靖難刀兵

唯仁廟孝友全廿年監國仁宗為太子時為高煦所譖幾至起禍

無間得免 事精親畜傲弟和順寬洪 每下詔而愛

民歎呼萬姓帝諸書每下熟邊功嚴賊吏勝宋仁宗

歷勝事職或曰惟母食功至聖之母為首禍用法從寬

然嚴賊吏罪曰惟民富自去賊吏始較仁宗寬中有嚴也觀天象對塞

楊預知短祚帝明天文夜觀星變自知數盡播遷義楊士奇備立逾

年稱明代第一賢君 宣帝繼反高煦親行天討高煦

見仁宗廟遂反宣宗遠親征 破樂安全趙國恩義平鈞高煦叛

降之率臣請襲趙 安南棄開平亡封疆輕擲帝召安南鎮臣許

民所據值以大軍與元良哈而與好微行廢胡后稗政譏論胡

和亦廢遂並棄開平棄國三百里 銅缸燬叔命傾恹於炮烙高煦被擒囚於

靜仙師帝又常微行 銅缸燬叔命傾恹於炮烙高煦被擒囚於

紅霞之外燃炭火與紅同銘 葬西山老佛骨封樹無聞建文帝

朝數年方崩葬於 遜國初留度牒江湖影落建文帝為皇太子孫

西山不封不樹 遜國初留度牒江湖影落建文帝為皇太子孫

不取吞之句 四十年重回聽長樂鐘聲建文帝詩云流落江湖

頭長樂宮中雲去盡 賴程濟矢精誠魚龍莫辨請難時諸臣

餘人獨濟始終相從數以術免難已而病 求三丰下西域費盡搜

尋 文皇使胡濙求張三丰使太監王 皇覺寺振宗風富有四海

方離塵遽傳鉢想見前因惠宗遜國時有明祖而僧衣

罪孽幾少師出家不了廣孝功成其弟不肯見之曰白帽子奉

王戴也出佛門廣孝在燕邸嘗云奉一英宗幼大統承天資

惛闇帝九歲寵內臣命閱武致放邊功太監王振閱武以紀廣

自此始次年帝親閱武第一人林勝一杯御酒人言去年 三楊老在經

筵虛隆敬禮楊榮為東楊楊士奇為西楊楊溥為南苗馬曹薦

入閣卸担難撐三楊臨去為苗馬曹薦張太后頗賢明

幾誅王振太皇太后張氏仁宗嫡配常於帝前身死後無忌憚

自擬周公數王振罪惡欲誅之帝及羣臣懇免逐祭酒殺講官時勉

致仕侍講劉球下獄死大理寺少卿薛得三元如商輅何益朝

廷明三百年三國封廢動壘輿六師北伐文皇宣宗皆數觀

伐役用邊功 雷雨驚土木潰天子座嬰征故振德英宗北

大作方命順師而也先兵已
建及英宗被擒兵將皆職
曹錕俱死於是難其
他文武不能盡載
有樊忠殺王振當陣傾生
殺衛將軍忠憤

郕王立用于謙安中攘外
郭定襄守關塞拒敵

要盟
郭登守大同也先兵入口登偵
知夜出擊敗之以功封定襄伯
有新主立中華難居奇貨

惺惺
英宗南歸伯顏送至野狐嶺哭
入南內踐前言甘居陵墓

英宗在北謂通問使臣曰朕
得歸為然首甘守陵墓足矣
廢兄兒立己子未免私情
時英

見深已久立為皇太子代宗至是封見
深為沂王立己子見濟為皇太子尋廢
元宵夜落眾星舊君復辟

丁丑年正月十六日即十五夜也
英宗復位先一刻天星亂落如雨
奪宮門迎聖駕曹石叩功
首

以石亨曹吉祥為最徐有功張軌張觀兄弟
次之徐監功者千餘人名曰迎駕奪門功
王文苑范廣誅金牌

影響
時以金牌名外藩景泰朝閣臣王
殺于謙祇成得萬古

高名
徐有功云不殺
社稷重能保全一腔熱血
皇太后孫氏于

在社稷帝悔之以他事
雲時傾燕京市忠義心驚
祀王振

貶郭登依然憤憤
帝以王振死難復位後命建祠
祀之又貶郭登官安置甘肅
石亨亡吉

祥叛奸黨駢刑
石亨以常懷誅曹吉祥
吹冷菜懲熱羹致失

河套
河套古河南地於
天順六年失之
千里疆稱沃野委棄毛輕
龍門

達負袁彬艱難奉御
袁彬隨駕在外備極辛苦門
達得寵忌而陷之幾致於死
申救論彰

漆匠仍貶南京
彩漆匠楊愼憤發上
書救彬得貶南京
前後算十六年絕無

善政
建庶人肯放出一德羣青
庶人建文帝次子自兩載
入禁年五十餘得出牛牢

祖豪強親征伐幾番出塞
孫軟弱纔興戎遽作

亡人
想當日元帝孫放歸施德
明祖時懷遠元順帝孫到

今朝北狩返重蒞臣民
來與往暑和寒週流勝復

刮春風下秋雨報應分明
憲宗嗣念代宗足稱

公義
憲宗欲徵復蒙泰帝
召郭登用于冕更見寬仁
子仕至

李賢相起奪情不終晚節
賢南陽人於英宗時奏帝曰卿

任宦寺秉兩鉞優人微諷
時太監

貴方士寵妖僧異教尊
俊

疏行遲速死明闇無倫
臣李俊奏論學小帝為滿降數人陳選

汪直竄梁方與去狐留鼠
竄梁方與去狐留鼠

昭德宮作男妓戎服邀春
昭德宮作男妓戎服邀春

年非少德不淑無貌承恩
萬妃死深

官堅依奸臣託府宮煬蔽
時宦官宰相

哀慕數月而崩
成化二十三年正月
孝宗立誅邪臣並斥黨

附
李俊省使諫
守陳來王恕召更擢喬新
擢用王恕楊守陳

萬安罷摘牙牌房術宰相
安初會論罷西廡後竟失
守以房術獻題曰臣安建
劉棉

花終彈倒忠進姦沉
劉吉奸邪彈之者索愈彈
愈索升用人謂之劉棉花
劉馬彭進三

賢彙征連茹
大夏大升
劉謝李用三相顧命知人
選

洪永來立法嚴堂廉悍格
成泰交端的

數弘治君臣
明史紀事本末
弘治君臣自
為一卷備載一時明良知遇之盛
十八年苦無多

太平景象 從此後賢明少 燕脂紛紜 武宗廟興

童心八黨用事 官官馬永成谷太用張永樂 就中間有劉瑾

曉事通文 史稱瑾於流輩中 逐劉謝擅威權焦芳入閣

去事劉瑾陽謀時 逮諫官辱朝士口出絲綸 瑾請旨逮南科

劉瑾附理之存人也 榜朝堂名奸黨追跡元祐 瑾置榜

日官雖日中獨死十餘人 東林案早端倪亡國原因 東林書 宜鑄反張

楊謀得諫惡閣 宜鑄封安化 三更鼓拿劉瑾寸磔其身

安化王反楊一清張永計事之一清勸張永除陰險理本許為復命 同封

伯四監臣仍專朝政 以誅瑾功封張 流賊起有先機關

獻潛根 劉六劉七等起於海 寵四家首江彬微行宣大

帝謂江彬江彬等計無不中 載妓女擊僧頭歡樂遊春 帝在宣

謂之四家蓋皆帝寵幸也 寧王叛戰鄱陽書生破寇 震澤反王守仁破

以僧徒同車 親征稱鎮國威武將軍 帝令輔臣撰冊單詔自稱鎮國公威武大

將軍儲不從欲手刃之 諫南巡建杖下多官命斃 時諫南巡官書餘人皆 險做了周

昭王沉溺江濱 帝歸江濱舟覆 回鑾日死荒淫豹房家裡

帝以宜府為家 安陸府與王子承統稱尊 與王乃憲宗庶子

約亦不稱家 忙碌碌已經移十番帝位 外敵消家難起不第

昇平 仁與宣父子間小康一紀 莫與代兄弟際

授受無情 有謂代宗不 憲宗繼祚聰明宦官宮妾 孝

宗時十八載畧見清寧 早生下正德命禽荒色盡

幾乎如偷狗帝投首姦人 劉宋廢帝帝與姦婦小狎游賭 無

子息深可憐孝宗無後 宋孝宗子光宗不孝有 平陽寵三王

誕祚衍皇孫 青安太皇太后召氏杭州運丁女由選 向後來百餘

宗嫡長公主進宮得中主與姦三王 年昏昏暮氣 嚴詔獄任內官草芥臣鄰 傳家法

洪永朝未貽忠厚 嘆江河滔滔下砥柱何人

百二關河更楚漢 苦無文字攻秦碑

西江月

日月籠中飛鳥乾坤水上浮萍夢中說夢夢中聽大

夢依然未醒 看到殘碁半局已分大勢輸贏到頭

爭劫亂縱橫國手重新修拯

飛殘紅雨春光盡 結子成陰在別枝

九

續彈詞卷下

西江月

雷動龍蛇奮舞風生虎豹咆哮誰教萬物死焦勞造化小兒顛倒野立無聲石馬泉浸不炤魚膏那堪回首舊南朝祇剩春花秋草

詩曰

逆旅年華一擲梭大撓甲子積來多青山綠水誰人賞利窟名場着鬼魔百計難逃疎目網萬牛不挽逝川波好還天亦無成見爭奈陰陽要蕩磨

唱罷新詞對碧空夕陽返照映樓東鏡明不啻顏頰

續彈詞

下

一

下

改表正難留日久中雪水漸消春水白梅花半落杏花紅清歌一曲歡如舊雅調重翻事不同秦女簫吹崑園玉湘娥琴奏嶧山桐高堂絲竹知音在往代遷移王氣終攢漏寒鷄鳴鼎鼎催觴羯鼓響逢逢勞生幾見當頭月愁緒都消過耳風何必九章悲屈子不須五噫嘆梁鴻好將燕趙悲歌意寫作彈詞續史公話說有明自太祖至武宗一百四十九年明運已衰後段一百二十餘年譬如日已過午斷嶺殘霞黯然將暮矣明世宗承大統非為人後用桂張首議禮憑勢梯

榮 漢定陶宋漢王援引非例漢哀帝皆皆預養宮中楊廷和等援引非例故明世宗不從

孝宣帝及光武豈盡愚蒙 戾太子史皇孫即云有

罪谷森著云漢宣帝不追尊戾太子史皇孫以有罪耳如禹之不王鯀也余疑戾太子有罪史皇孫何罪鯀有罪鯀又何罪南頓令

鉅鹿尉未極尊崇光武嗣哀平又何德不追王南頓令鉅鹿尉尉又

時楊博諸臣不堅持此何罪乎有天下者大統所繫承統即同承嗣何當稱皇考廟別營已為盡禮張桂初議祇稱

已順風旗隨流舵入廟稱宗後與獻王追尊為睿宗廷和貶

子慎流席方並用楊廷和父子執為人後之禮以帝繼孝宗帝慈廷和告歸子慎與席書方獻夫俱會議禮者皆

大武世臣郭勲者附和推隆勲武定侯郭英之後初為張桂居停主人亦憑藉張桂希寵引

舊典哭朝門羣爭激怒 百餘人同下獄度欠寬弘

楊慎王元正等率朝臣引憲宗時懿親王百官伏哭文華門爭慈聖后與禮事之例城門大哭帝震怒遣一百三十四人下獄李福達定

獄成羣姦翻案福達在山西煽動教作亂前曾出入郭勲家恐其事敗株連遂同謀翻案鞠問官盡

下獄重犯逃刑帝既信任郭勲鞠審福達之法大勢是假逢

迎狗私結黨 究竟論繼統者即算親生余謂明世宗入承大統則小宗應絕不同民間出繼之例壽安崩未如禮又出何

絕所以重大統也故即為奉宗後不必嗣武宗如民間禮也一身繼大小宗皆應承重與王為小宗既

承大統則小宗應絕不同民間出繼之例如以民間論則與獻王一子豈可出繼乎錄前功王新建榮膺美諡

經既以與獻王為父母而不為壽安太皇太后三年之喪又何禮耶

存伯爵黜邪論桂萼公評萼議王守仁功業可嘉學術不正實為知人名言改木

主享春秋永嘉持議議議退廟無配享中黨公伯寮等十餘人進隆

興寺移和尚數事粗通姚廣孝原太廟配享議議移於佛寺大快人心燬佛殿刮粧

金改修道觀 封真人進宗伯師傳三公進士邵元節仲文皆晉爵大

宗伯封真 建清醮拜雷壇勤求長壽 陶仲文卽元節

兩命先傾 海瑞疏稱帝師事者如卽 當此際啟邊功議非急

務 河套失於漢復辟之後世 曾銑誅夏言斬不盡遂情以

奸隱毒 縱惡兒殺諫士帝贊元功 萬子世蕃貪殺會

楊死號三良朝野切齒 楊最以諫方士下獄死楊爵以恭肅熱在獄

庇仇鸞開馬市俺答驕騰 開市後中國險易虛實 寇宣

大逼京城甘泉烽火 二十九年後答 本兵誅保撫戮姦帥

加封 楊守謙棄市他官冒功索賞 倭寇起賴督臣石塘大捷

聽文華進護陷反殺張經 趙文華初請修元廟後倭

三大殿雷火焚天心已怒 三十六年夏大雨而奉 進紫

芝貢白鹿求致仙靈 八事歸諸建 到頭來做奸臣何

嘗得利 世蕃誅郭勳敗仇帥屍刑 帝性剛暴故羣奸觸犯

生此頑皮物祖繼宗京 禁禁三賊 服金丹藥性發常生

患怒 帝性原嚴急復服金石藥烈思成神仙 朝廷杖暮逮繫犬馬

公卿 自洪永以來廷杖詆歷 一封奏海剛峯披鱗直諫 瑞

終涵容與輕杖悔念方萌 帝覽海奏大怒擲地

初臨御過許嚴幾遭弒逆 帝幸會

到底因王金葉

燥熱傾生 帝因服方士王 尊其父玉堂仙自稱道號

統三元萬壽帝符籙躬膺 自稱爲太上大羅天統

大羅僊何如皇帝 仙所謂薄天子而不爲 名不正言不順何

事能成 臨崩時立裕王爲嗣天子 世宗太子先死穆宗未

張江陵王侍讀宰輔升庸 張居正江陵人以 穆宗立方

士誅褒嘉死諫 下方主全於獄 不旋踵杖給諫故事遵

行 科石星上疏 徐華亭除姦嵩似爲名相 計政萬父子奸

與儀協居正同承顧命 高拱高儀張居正 弱病死祇六年

傳位神宗 科臣蔡汝賢上疏云竊窺聖容 方十歲蒞朝廷提

携馮保 神宗以十餘歲祚 倉卒間逐高拱首相江陵 居正結

王大臣大獄興謀誅將相 有無賴男子衣蟒袖別在乾清宮外

高拱子正直漢危難消平 大臣下獄刑訊保令詞

公饒我爾殺我肚碍船撐 鄒進士看杖畢上章

有胆 越三朝亦杖戍義氣雲凌 居正奪情起復吳中行趙用

修中狀元追踪楊慎 居正子懋修中 才與學遠不逮特報

先生 懋修狀元第一帝語 未十年元輔死文忠榮謚 居正執政

二載奪封廢禍比駱乘 居正於講筵屬聲正帝讀謚之者 輔幼

君表百寮亦稱才相余謂居正當與唐李德裕宋呂夷簡同傳論心術言德量尚

欠調停鄭妃寵致晏朝鄭妃寵致晏朝鄭妃生皇三子封貴妃而皇長子生母王恭妃

擬並封三皇子李嫡機蒙封王初擬皇三子三人並衆

廷臣請建儲愈爭愈緩廷臣紛請冊立太子致多降章愈爭愈緩五年後方出

閣問答詳明光宗年十三方出閣講書講官集議問何謂巧言亂德答曰

待嫡久冊立遲意原觀望神宗自謂無嫡子故不立太子以待之賴

率工多正議羽翼徐成前與後兩妖書四明興獄

設機關陷沈郭祖智江陵王大

臣事未明張差又至差持木棍入慈慶宮被執口稱打先小爺與有

風癲病爭真假聚訟盈廷擬擊為三案之一主深究者首王之宋陸大受等主

總因為明運衰憊沉懷懂仇汝桂所輯史以王大臣張差為與

誅求搜索孫繼祖稅內使過天掘工墳姦子女肆害蒼生錢選停

言水旱報賊盜疏陳不省輔臣葉向高疏云官僚可盡空于言路可盡廢于

黜陟廢臺省皆空各省按差可不代乎科場不用監臨乎吏尚孫

神武門掛冠去接武連踪長安道寂寥寥九

中書堂成苦海生京官孫善繼劉道隆王元瀚顧天俊李勝芳陳治

憂歿樂朱賡疏云輔相于朱允葉相歸上下情壅朱賡于

地真如苦海行皆卒於

官葉向高疏云于惟行之致朱賡奏之今廢亦幸死李廷機亦免矣兵餉缺邊實無饑荒莫賊

高麗上疏云各邊哀號餉餉各處奏捷獲三千各皆災荒無賑濟內府充盈不勝逐監臣民激變盜賊交

開時內使徵發者江西景德鎮雲南倭寇強救

高麗彭功掩敗倭寇高麗王京命楊錫麻遼事壞二將亡精

銳全傾錫麻罪起為遼督趙于兵部馬士惟戰命杜松劉居宮裡悶

惛惛無敬行簡不出朝不降旨凡事留中時上疏多

養就了病痿痺不疼不癢本幸久在宮中沉悶率皆失損

橫邪正相攻葉向高疏云近日建言者門戶已立皇上必斷其

者楊龜山講學之處不臣楊斯稱顧憲成作書院海內師

宗顧憲成無錫人與中時行王錫爵二相皆不和中王孫鄒趙高攀

龍名賢同道孫玉楊卿元標趙南星皆顧同附和者却不盡言

顧其行東林不盡君子神宗光宗時政東林者尚不盡小沈一貫浙

黨魁揆席據首自此方從溫體仁乙巳年撓察典水火交

競三十三三年京察御史溫體仁吏部侍郎楊時喬主察力持公道科臣錢夢奉

詩教主定齊盟宮應震吳亮嗣楚人黨首沈一貫浙黨

皆相與擊異已大小其東時有大東小東之議大東東官

此後至國亡方消黨禍北都政南都立仍戰野龍元黃血

國運同終 易於坤上六爻辭云龍戰於野其 箕神廟在位年四

十有八 遮深雲掩重霧白晝幽瞑 大夢醒乃升

遐光宗即位 光宗在神宗時備極憂患 服紅九遽厭駕又開

移宮 光宗以服李可灼所進紅九加病 李選侍本鄭妃深心獻

納 綿裹針美人計疾染虛勞 崔文昇李可灼雜

投湯劑 山醫崔文昇既進大黃帝一晝夜三四十起 廿餘朝病不

起傳位熹宗 要封號踞軋清奠尊養母 帝崩後楊廷周壽談李汝華排闥入

貴妃選侍被婢立呼皇長子入出吐語 賴楊連申正論宮殿肅清

輕寵幸重朝廷忠臣譏論 帝崩後楊廷周壽談李汝華排闥入

臣既見入慈寧宮聞臣劉一燦曰今乾清宮未淨殿下請暫居此左光斗等

遂會諸請遷侍移宮內侍曰何不顧先帝舊寵乎連怒曰國家事大豈容姑息

即位初頒上諭備說欺陵 無幾日童猷

心弄成服掌 蓋宗既立有賈繼春倡論選侍母女不得其所會選侍所

居漢宮災類論奉臣備言選侍懷恨安店不堪又云會

客吧吧結連了魏監公公 蓋宗乳媼客氏先

與太監魏朝野食

拜乾兒用重賄膝下逢迎 仇舊効恨攀龍甘心

報復 引羣奸聯羽翼節起枝生 呈秀為巡按御史被高攀龍

所糾革職乃微服持節叩志

遷才不終其任 失二陽再起復勢已頽崩 廷初任

繼代楊錫為經略收復城堡招輯人民方有同志料道張修德魏科等交劾

之改用來應泰主招撫遂致遼陽陷城內皆內應相繼失再起延河為經略

勢已不可 王化貞復全遼大言不慚 廣寧潰關門閉

功罪究同 巡撫王化貞大言以六萬軍可平遼與庭陽主守議不合金

前馬上催出兵喪師失將 後招降起內應致失堅

城 御史周宗建疏云方撫順失事特簡楊鶴此時堅守封疆乃定者也馬上

催戰全銳俱亡既而起庭陽於田間築寨宋文一遣使亂人意今日新臣受

事惟有守庭陽已效成規則 未能守戰必輸難稱多算 勢不

競南風弱何故歸誠 多者應泰曰吾且欲盡致之及大兵至內應起

堅城不攻自 廟堂上無成謀用才不竟 局外人動掣肘

怎奏膚功 前宗文勛奏已定庭陽已即事御史郭學復奏之及滿遼全失

御史江秉謙疏曰昔之論庭陽者猶曰風聞及查勘已明而

備復起寧遠封 客魏黨方擅權誅除異已 老王安先試

事陛下抽丁 大監王安有有功於保護光宗客魏憚而惡之族科

意嬖御間立置於死 殤公主隕后孕靈毓無成 光

宗

選侍趙氏與客魏不協楊鶴先殺趙氏方姓已解冊封客氏時於帝絕食

而先馮貴人勸罷內操客魏矯旨賜死成妃李氏誕二公主俱殤又斥為宮人

皇后張氏精明客魏憚之方始客魏密布心腹宮人奉

御無狀而為又於郊天之曰孫殺胡貴人以暴疾聞 楊大洪直糾陳

二十四罪 楊連宇 害東林自此起忠正遭凶 初忠賢與東林

疏糾之遂 逮文言陷諸臣覆盆獄底 閩魏選刑科傳魏論中

甘心為難 借邊疆誣行賄一網全傾 書汪文言欲傾魏大中左

光斗疏入 楊左魏顧周袁號六君子 許顯純承瑞意

文書下獄 拷死冤沉 楊連左光斗魏大中顧大章周瑞象化中

與諸臣逐 攀龍投池自決 後又楊鶴首逮高攀龍等六人攀龍聞訊騎至即縊道

魏開府祠題 繆黃李共二周同時歿斃

今來奇冤案地慘天昏 民心怨天命移釀成禍亂

人云亡邦殄瘁社稷難存 建生祠請題額已遍

天下 浙江巡撫潘汝楨議建忠賢生祠於西湖賜額并德倫極

封廕侯伯盈門 忠賢無不膺封廕聖恩成晉爵公關臣極勛

自六卿至宰輔奴隸兒孫 每迎像入祠百官五拜三稱首

點將錄錄羅排織羅善類 羣小所進點將錄及時

枉三朝修要典顛倒私 霍維華請修移宮校擊紅九三案

殿工竣晉尚公將加九錫 於是盡翻公論名曰三朝要典

呼吸間求揖讓莽捺追踪 生祠祝讚語有云竟天浩蕩聖德

若不是王體乾逆謀有阻 害信王廢

張后明昨先終 客觀今順天府至劉志遠及御史梁夢環疏奏國戚

王體乾曰王上諸事情懷獨於夫婦兄弟間不薄脫有變吾屬無類矣事得

可憐見七年間木偶天子 鋸與刀不離手木器

精工 肅宗善製小木器刀鋸不離手常為小木燈罩進千金云是奇於市

封疆憂忠良亡痛傷元氣 肅宗時全途俱失朝野忠良遠死已盡

昏沉沉迷瞪瞪一病而崩 懷宗立誅元克

森邪懼法 史稱懷宗立神明內恭聲色不動旁無一人之助手剪元克天

分七章叙逆案亦號英明 懷宗令閣臣劉一燾李標等定逆

案詔頒中外甘逆觀客涕泣

大辟過赦

火同樹立決崔星秀親良侯國興等六人次交結近侍監候決劉志選等

理 薄征得恤戎伍尚德寬刑 綏延荒無賑濟饑

民為盜 聽言官裁驛站悍卒羣興 元年陝西綏延大荒發

賊夥 時多調天下兵馬赴邊皆視為死地又值兵餉不繼中

撲滅本起星星 山海關門閉外兵強將勇 王在晉

南北並掃山東 崇禎十一年大兵入口由北直 大軍來出入在

無人之地 象昇死滿桂亡誰敢櫻鋒 總督高第盛桑并

君相疑生 袁崇煥設計誅更滋反間 兵臨城礫

出閣崩潰難撐 島地近朝鮮以牽制大兵不使長驅而入然使餉冒功

再出師承時歸命 崇禎十五年命洪承疇出師大兵誘之深入而

癸未年四番入駐牧三冬 崇禎十五年大兵冬月入口由山東至

周宜興坐通州飲談奏凱 賜自盡悞送死再起

經營 輔臣周延儒因自請督師坐守通州一矢不加屢報大捷懷宗

因積怒賜之死蓋其再起吳昌時力也至是吳昌時同伏法 當此

當此

當此

當此

當此

當此

當此

際一揮旗九鼎唾手

太宗仁留一線不取殘明

癸未年我朝諸王請太宗破京都太

不必自我滅之姑俟天命可也流賊者初起時百十餘處建渠魁立綽

號散亂縱橫賊初起有名號者紫雲梁滿天星蝎子塊老狗狗一字王

世王曹操張飛關王關將九條龍五條龍未溫混天自秦龍走楚豫並

蹂江北一自武關向襄陽入楚一自陝州上平陽入晉窘迫時即乞

降旋肆淫克五省督臣陳奇瑜總理熊文燦前後主撫賊寇迫降諸將

他於穀城遣監軍多內制將驕兵弱崇禎四年以太監要為總

太監唐文征王坤等監視天下兵餉諸監軍皆選精壯自衛又多過賊先道委

罪文武武臣多行賄內監求免罪遂備歸文臣前後遠死及棄市者不勝數終

無救國措餉艱約期迫蔓竹難平師久疲餉不充章

程空急退無罰進無賞縱罪虧功時雖加派錢糧每年至

馬缺餉常不能支給帝性急嚴立限期平賊始以重刑督責繼而不勝其誅

信宦豎疑外臣目為耳蔽尊文官卑武將積

重難輕明代儀制重文輕武雖位至元戎見兵部司官皆卑卑跪道宣府債

帥免監軍寬不究敗將坐封疆數大吏誅斬誰矜

寇勢盛總歸于賀張羅李賀人龍即賀張子張獻忠即八大

賀投誠羅遭併闕獻雙行賀張子降後屢立功漸賜懋賞賊縱反

併悞招撫賊復振奇瑜文燦賊撫後復叛主撫督臣陳戰失

機當陣歿孫傳留名計賊陣歿督臣則文詔死變蛟亡勇

謀殆盡二曹號勇敢能新甲誅一鵬斬無救危傾本兵陳新甲

以快極險寢寐賀瘋子死嫌疑與賊除患此取聞中如拾芥耳

左南寧戰功著漸藐朝廷左良玉封南寧伯以謀勇著功後見時

望屢奉調徵中原內遍地賊流毒九省四川湖南北江南上江河南

交加者十餘年親藩掘陵寢祚命將更鳳陽仁祖陵焚掠承天

明亡方漸消滅天亢旱整三年赤地七省十二年南京河南山

三年兩京山東河南山西浙江大旱蝗至冬大起風霾白晝晦溝壑

尸盈庚辰以後大風晦晝以為常庚申申父食子夫食妻列肆屠

割西此數省皆人相食不足為異有父食子者有夫食比加徵督輸

運時刻難容此賦稅年開屋加至二千三百萬天下大旱餓人相食

王來開城門不納糧草時出荒連年督賦緊急賊流布

王國王來時不納糧於願偕亡觀國勢已見民情四明後

從哲歸體仁獨相懷宗時溫體仁用心思却專在伐異黨

同一貫於神宗時立漸漸方溫本宜興食井研校餘皆碌碌

十七年五十相政府麻蓬宜興周延儒以貪敗并研陳濟食而且

殺將吏殘滅生靈奉益俱歸降李二大賊橫行中原出殘屠戮

向南走襄湖蜀川肆毒張賊自湖入川將全川人殺盡數千里無

至本朝順治十四關向北潼關入擾攘秦京三晉破宣

火降居庸失守李賊先據西安由陽城過河入晉大同宣府犯帝都

逼天子社稷殉生崇禎十七年三月丙午盛入文盡節武捐

軀士民死難一時殉難文臣范景文倪元璐等武臣王國典杜監迎

曹監應獨殞承恩宣府守備太監杜勳降賊賊攻都城杜勳上見

通獻多金諸臣死節稍不決烈即被拘執極刑慘遇呈獻金依舊是

殞於賊山鴻羽到頭來誰不死義暗神昏如項煜

難追挽在旦夕天意神宗素懷宗暴而

人心任其事死其君昭然大義或從容或慷慨

皆足成仁自古國亡人臣死難無如明代殉難者而詳數則士死疆場

死國事雖分功過死詔獄死廷杖均是忠臣報

禮重在臣隣可稱無愧君使臣能以禮明代無聞

痛哭稱亡國者東林君子南都立弘光後遙祭懷宗帝后阮

懷宗自矢云君非亡國忽災荒加賦稅責委何人

明亡於加派餉餉餉二千三百餘萬兩七省三年大旱不恤

用姦相用

宦官不容直諫懷宗命相將五十人清正者如韓蒲州李高邑賀江夏

殺本兵殺疆吏寬罪元戎本兵王洽陳新甲皆坐誅封疆

性躁急尚綜核急匡表亂上自用聰明察察為務天下事

壞上聞之而怒制陞籍陞惜資財重刑戮易致分崩

因不明愈多疑無人可信王司農史

未知有濟御史李邦華右庶子李邦彥請南遷懷宗比肅宗在靈

武議阻時亨賊將至都大學士范景文請先奉太子南行兵科光捨不

得與親兒甘心同死亦無及矣光時亨之言中帝肺腑國祚輕

君位重未算聰明如大毒在神熹養成禍害王司農

神宗安養癰疽熹宗繼嗣修士既忌醫又諱疾躁暴靡寧

謂粗工治大癰腫移性變俗三百年荏苒際改朝換代急

忙忙雙輪轉掣電飛星前智勇後怯愚無非天道

花既開果已熟勢必凋零似春寒不幾朝東風送

暖難久留如秋熱涼雨將行識時務俊傑才非

專人事仰觀天俯察地造化心通大抵來春風

猛秋霜必烈黃帝岐伯洪與永本傳家慘刻相承十

二世十六君仁孝二帝秉忠厚尚寬和青史崢嶸

北京破明代亡南都擁立名由崧鄭王子年號

弘光洛陽失守鄭王子由崧逃至懷慶度南走神宗朝鄭妃生常

淮安馬士英等立之於南都年號弘光

洵愛子神宗第三子常洵即鄭封大國頒厚賜金玉田庄

鄭王之國所賜田庄金無幾時逆賊來酒酣福祿王以鹿內維王

福祿酒悔當日徒謀算竊奪非常馬與阮掌

南朝復行要典大兵征無一旅防守長江馬士英首

王之子故得高政院大鎮則懷宗所定魏黨案內人也以士英前在戊戌時厚

交故起用比附為姦又起逆案楊維垣等重刊三朝要典顯與懷宗為難長江

守禦盡撤以應左四鎮橫左兵與誅姦君側高傑黃得功劉良佐

江北彼此爭地構兵高傑為許定國仇殺於睢州黃河無守劉君共臣勿

澤清降而誅劉良佐降其裨將射黃得功死四鎮一無可恃

死左預計奔亡時左良玉因假太子事自武昌順江東下聲言清君側

於清不元選黎園不一年怎得佳者弘光日事荒淫甲申除夕

於左兵也史可法驅出外盡命維揚馬阮既用事史可法以

者急登舟蕪湖被獲兵抵城下弘光猶演戲不止夜二奸臣別逃

去伯鈺錢塘馬阮二賊托言奉王太妃逃浙間後降本朝又奏記於閩

省立唐王孫年稱隆武唐王名聿號瑞王項燦孫父器城先自河

為監國鄭芝龍明推戴暗已投降芝龍舊海寇投降封伯在閩

旋降位黃石齋效文山出師被擄黃道周字石齋以大學士自請募

本朝江寧郡淮心渡絕命堂堂或云斬於過浙江潮不

新於淮來二方師潰大兵駐杭州錢塘江潮三日不來大炮碎方軍魯監國

心橋巡海島鳥鼠驚惶王明祖子魯王樞之後名以海監光亡浙中大臣

舟山破後歸鄭唐王奔晒龍衣中途遭害唐王在閩曾殺魯王所

成功況之於海芝龍降成功邀父子參商芝龍降成功邀父子參商

後成功拒命芝隆武弟為紹武廣州擁立紹武名聿大學生

龍新於都市破廣東中鏢投縲死蘇觀生亦自經蘇觀生作宰相兩粵爭強

永歷者桂王子神宗孫輩名由榔立肇慶瞿撫

勅桂王神宗少子名常瀛封於衡州後避敵奔梧州卒于由榔為丁繼

先病走楚粵無停居舟宮水主為大兵及藩可望南北通遼先奔

先奔甸南王沐馬隨入蠻邦又自擊西奔滇遂入緬甸

臣沐天波等隨吳三桂領兵來蕩平滇省王時同大兵征黔滇檄

八俱死於緬震天威逼敵出逃死無方有德化與靖

江俱稱監國不成業不就春夢收場已丑十一月大張獻忠鳳凰陂一

箭射斃自成出師進退忠指之曰此即八大王也為我釋縛維布開射死

成賊九宮山軍命村氓姪李過先降明後終走死

李賊出都後復收於潼關秦西安入襄陽走武昌至通城縣留姪李過守當自

車二十騎登山為村民所擊而死李過改名李錦降永明王改名為李赤心

何勝蛟麾下封四義兒三皆死可望封王張賊四義兒孫可望李

定國侯張獻忠元分領其眾推可望為主將後李劉父俱死

望投降本朝封義王順治元年甲申世祖定鼎中華寇盡滅民悉

安化隆一統順治十八年辛丑平雲南康熙二十年辛酉平三逆二十二

招於天下年於亥平臺灣二十三年甲子特頒時建甲子運際昇平赦

大清朝萬萬世慶衍蕃昌

東方擁出太陽光 趕散殘星與明

西江月

佳麗三春美景光華九夏朱陽不過寒暑與溫涼
見乾坤氣象 四季疊興王令千年不換排場
既然生長有收藏總是葫蘆舊樣

惟餘不老文人筆

寫盡三才萬古情

雪霽開窓曉日明寒潮新漲繞江城長安衣馬音書
斷羈旅交遊禮數輕過眼九旬春易去引盃三尺劍
空鳴悠悠此意何人語擊筑聊爲燕趙聲

詞客佯狂作楚些逐臣傷往續悲歌千年故跡觀如
是幾閱清商嘆奈何病起越吟殘涕淚襟留南調舊
山河酒闌曲罷詩人老後此知誰感倍多

續彈詞

右續彈詞成賦二律

念庭先生示懷舫自述跋二百字

昔賢自祭挽寓意因騁倖桓庾善鈴唱一時爭和
之達哉彭澤老絕筆續息時曾孔順自然生死匪
所私遙遙七百載斯理斯人知餘子昧晝夜詎解
天爲師先生少嗜學不墜恒視茲及壯樂行義微
能窮所施順物以治物慮安而行危退食手一卷
絃歌時自怡在政尚簡要出語恢神奇述作手腕
脫經史前紛披網羅百家富窮大不失居業累錄
卷帙窺測非管蠡名山埃其人嗶嗶猶若遺伯玉
六十化憂患同等夷廓然與天遊百年一驟驪託
懷舫自述

跋一

意仿前詰華言恐蹈欺手筆質而放逸情寄九疑
生平貴示信古人如可期

戊申春三月之吉同學世侍生陳恂拜稿



懷舫自述

陶元亮自誌其績彼乃天際朱霞岳巔元鶴豈可方物哉杜子美鴻篇巨作氣塞宇宙歿後數十年得文人時宰爲之表章勒於墓石亦未可輕致心若諛塚之辭以多言爲重者家貧子闇更難遽邀爰自作小文似譜似傳述記平生又何足傳聊貌故我耳如云無忝所生難矣

余先曾王父諱純粹以才品預前明尚主之選志有不願至京以病辭歸既成進士兩任邑宰治水開荒活民數十萬舉廉吏第一爲名御史親老陳

懷舫自述

一

情歸養反先歿大業鬱而未竟先王父諱栢祥懋德積學詩宗杜蘇文法左馬義方著教嚴正化俗值明末喪亂未仕以先宮傳貴貤封而終先宮傳實其仲子余乃先宮傳少子也方母孕時先宮傳夢鶴啣朱丸集廳事極及生時命名荔彤荔取其形彤取其色是歲庚戌爲

聖祖仁皇帝卽位紀元之九年其月己丑其日壬辰先宮

傳方在政府未退食蓋辰時云次年辛亥先宮傳以疾

予告家居著書暇則課子余愧童心不能深悉七八歲

時能誦訓經書大義載在先宮傳樛林三筆中十

二歲入泮十三歲入資爲西清舍人有任子思讓庶叔矣時爲古今體詩十五歲應鄉試十六歲作詞賦父師皆喜奈方十七而孤矣小祥後南走吳越干謁當路求助大襄十七歲喪偶二十歲赴京乞墓銘於大司馬東海徐公克竣塋禮次年續娶復應鄉試次年先宮傳入祀鄉賢遂修家廟築家乘時兩兄宦游予不敢以幼弱自委壬申癸酉陝隴大荒運粟儲賑晉官一級仍需次未授遂得傍覽諸史以涑水資治通鑑爲宗他如左國史漢及

懷舫自述

二

三國志五代史皆詳加考繹初學爲古文意屬秦漢以上而不敢輕作廿七復應鄉試頗美科第思以一遇爲榮謝人事治經書者六年授官不就專心揣摩而竟無成棄之謂遐年已三十有三初任鳳陽郡丞捧檄之喜不勝棄業之愧抵任卽委肝泗勘水時六埧始築沿淮上流積水爲患流言騰聞撫軍喻公恐防悞河工大計親來查詢余曰古者治河必留餘地以與水今清流未暢肝泗間遠難消涸數年後海口深逼自漸成平地況原報水沉田畝已經免賦但得題請蠲賑並行民心可

安不致以蜚語搖亂大計也公驚問夙曾任河官否何以曉人如是對曰家食時讀潘季翁書耳驗大賞識卽令赴毫檢審久滯疑獄往來千里經旬復命州牧得以免然今已屢遷且封侯矣自是三攝州邑兩督重運三理供億復應

特旨自脩資糧山東賑饑任至六年在署歲餘也攝無爲人稱嚴明攝毫人稱忠厚蓋前官一久老病一尚權術故矯而正之攝懷遠不匝月不避勢豪脫前任沈令重罪察來嘉許乙酉丁亥兩值

聖祖南巡皆預辦要務業

懷舫自述

三

賜姓集膺荐勤勞奉

俞旨交行在吏部記名亦小臣之異數山東一役棄產

周急活民數萬口事竣奉

命優叙陞授閩之漳州前官留任輾轉經年復補此郡

年四十一歲矣到會城正苦旱米價湧貴制府撫軍見余僉云漳郡得一幹才可無憂矣抵漳大雨屢沛首以除訟師捕積盜爲移民大悅次年隣郡山盜迭起蔓延及屬邑旋卽撲滅已罹部議又漳有富宦爲大帥利其資產釀成巨禍款加以弑逆周內致死余因無稽不敢殺人媚人亦干考成既皆

赦貸得以詳求廣訪從容敷理首爲漳民足食歷重洋冒奇險遠運粵東及臺灣官穀又領賑贖江廣米萬里海運俱至漳減值發糶比年米價大平蓋漳地人滿食乏米貴則盜聚故以運達周饑爲亟次則興學課士所拔十一庠文士皆面與講經旨學業重資讀書之資建立書院延端品好學進士徐登甲孝廉陳元麟爲師集勤敏者誦習其中捐俸置腴田三百餘畝養贍之期存久遠辛卯鄉試閱榜額中七十人漳士售二十七人甲午售二十人多係書院中經生或季考月課優等或所

懷舫自述

四

拔童子前茅也後成進士選庶常者數人皆願執師弟之誼漳誌百五十年未修延紳袍蔡庶常陳孝廉董數名宿纂輯成事小序二十餘則妄出已手郡爲山海寇與歷古先異後服故於兵制更詳制府滿公深爲賞識郡東長橋不亞泉之萬安大帥募金葺其傾處數載工弗竣蓋委任者借以頭會箕斂志不在利濟也余獨竭已力數月完固往來行旅驚其神速府署經海寇兵燹祇存一堂四面瓦礫前守寄故司李廢廨與吏役雜居余以萬金捐建一新堂後更起高樓額曰仰文郡乃朱文

公過化地也復坦以大屋儲穀脩食重門向陽吏舍對列較舊制規模更弘厥矣時值

皇恩屢沛閩南諸郡因率士民議造

萬壽碑亭呼嵩頌祝爲文紀實載在郡誌從紳士公議

築田泥港以資灌溉以聚風氣皆次第舉興然未嘗費百姓一錢粒米用民間一夫寸力大率以常平捐例羨耗藉全公務不自利也仰文樓成詩以落之有句云儘堪望雲物不爲貯妻兒以明其志在任五年承修水師戰艦百餘隻向例料取之市工取之匠公私大累余憫民困已久且多中飽穀

懷舫自述

五

然草除購材庀工一給時值商匠里戶勤石紀惠守之心力愈憊矣比歲每屆考成皆叙漳第一提帥施公嘉獎勞績不倦亦一知己漳俗好訟舍址田疆兒嬉婦諍細故聚衆鬪狠致傷多命遂成重獄且雀鼠盈庭案牘積阜官民兩苦奸胥得志余立法嚴禁刁控速結畱獄久者消之疑者釋之悔者息之強禦懲之寬抑伸之初覺勞瘁漸得和順年餘竟爾遐適以是登山泛湖吟詩讀書雅興頗豪謀試生徒嘗作時藝詩賦十庠傳觀以爲佳話不知乃從省事寧民中求嘗自題署門曰不矯激

不詭隨直道而行聽訟時是是非非要使此心無愧忤勿煩苛勿怠敬自強不息敷政處源源本本未知斯郡有繁難漳人以爲言行不違焉自制孝弟勤儉四字歌刊印萬本於講

諭勸農時散給里老教戒子弟修補洗冤錄呈督撫一飭知全閩遵爲程式余竟謬叨卓薦偕計吏覲

闕五年間初刑嚴政速後刑寬政平士民共諒余心

非始勤終怠隨時制宜而已去任後立像勒石多爲歌謠編集成帙命之曰清漳風雅觀察使李公題樓額曰懸鏡清漳實餘過情之耻焉閩多揚波

懷舫自述

六

伏莽之虞盜首每猝起如陳五顯李爾章鄭盡心諸渠魁嘯聚千百彌山連艦越省逾郡聲勢駭震聽聞致厘

當宁南顧中樞深求然旋即解散徒貽害善類株連無

已余乘欽命閩紳侍御蔣公至漳極言其事將已獲匪類分別首盜助虐脅從振害四等擬死不遇二十餘名或以末減或竟釋寧活數百命此一事稍合古人靖盜安良之心所寬者姓名亦未嘗上聞獨蔣公默識深契焉乙未冬交篆東裝丙申春觀光京國仰觀

聖顏之日猶蒙記憶家世年庚垂詢甚悉聖都候擇因

江蘇吳撫疏稱要地胥人隨奉

簡畀京口分守之任不數月調駐崇明兼轄三郡地遠既難兼顧權輕且多官責自茲紛糾萬端矣於漳卜行筮得泰之上九繇曰城覆於隍或理數預定耶初至鉅值漕渠築堤大挑岝高泥滑旋疏旋頽迄無成效徒陽二邑里戶每屈糜數萬金力役者仍嚴冬祁寒冒雪踏冰怨咨莫憫因議請各窪政糧道捐資僱善於疏孤者每年挑浚仍修理古閘依時啓閉俾空重漕艘挾潮汐進退魚貫而行

懷舫自述

七

免用民夫五年大挑制府常亦銳意欲爲或問之曰是爲徒陽諸紳計耳遂中止然余終任知其爲害無益八年未嘗大挑竟亦未致悞運可知凡好事喜功之論悉畜別念也既兼轄崇邑海中置城兵民雜處綿亘連接沙島百餘戶口日滋地不產米以棉易粟而海禁嚴密大爲崇病余請秋冬自上江買運米穀存倉春月平糶當事重違蒞閩部使意又惑於蘇市奸牙流布蜚語謂沿海居民將販買濟盜余計置之高閣蓋制府常於余初有國士之目署臬司半載清釐積案四百餘件後阻譏

謗復因數事持正不阿遂稱曰冰炭不投人曰魏守道才識明敏何官不可做也撫軍吳寬和泛愛余在碌碌十九人中而已常居海中學意理崇爲清釐數十年內豪棍影射踞占漲沙數千百頃余皆公諸閩邑納糧之民獨留學田育嬰堂田十餘頃詳允勒石永禁侵冒得至行者止此耳歲己亥年五旬驟得耳疾遂堅有歸志會鎮府前守屢次變更常吳二公各袒所厚令代賄虧缺反以自累崇邑閭伍每春借米濟食其間海江歷險紅腐日積亦多損耗更頽戶捐延不楚種種支絀竟成觸

懷舫自述

八

藩吳將罷官適委龍江關務撫軍吳聊與餬口不意吳公踉蹌去任余遂被論然制府查拜疏時猶深惋惜有所受也進賢退不肖皆不得已洵仁人哉聞

今上踐祚察訪庶官同寮中他有汰者余在平列知何神手竟以羊易誰謂不忍於牛而非愛其財乎余久分衰病棄官敝屣獨以欠缺官物畱滯難歸先塚未掃病母失養是爲死罪餘復何足縈心哉三十年來歲月可惜不止敝廬足敝風雨且有臺沼脩遊觀原田數十頃甘旨得供凍餒無恙父書惟

患不能盡讀多男惟苦不能盡教而棄本務外失
實狗名遂罹世網一往莫測愚聞已極更復何言
服官後自知少孤失學急仕進昧古今何以自立
因觀覽稽求不敢廢置舟車鞍馬經史日隨公退
燈前晷刻未倦雖無所成業而自覺亦有微得手
註九經四子書大易道德南華素問靈樞皆聖賢
精義微言可以闡發道與者也少好豪飲狂吟中
年興減五酌獨不厭題咏有刻詩十二卷續刻詩
四卷別集六卷名懷舫懷舫余別號也詞二卷傳
奇雜曲三卷附於詩後賦十餘首附於雜著各體

懷舫自述

九

文後嘗擬唐試帖詩約百首自爲一集所至好賦
風土漳南江南皆有竹枝百詞與紀恩詩尚述者
聖恩者各爲一卷也性理一書太極通書西銘正蒙皆

爲叙註已刊餘成稿未刻詩書春秋禮記皆有批
論參訂註說彙錄存一家言少習醫卜自謂頗得
秘義所註大易靈素不拾人唾餘釋漢張長沙傷
寒論金匱要畧發明詳盡名曰本義已刊行矣詩
幼遵庭訓讀北地唐選少長讀蘓陸樂天四句後
知學韓杜自少至老輟李軒杜嘗吟杜曰集大成
者聖李韓配閔曾就滄注仇公註杜善本句櫛字

此釋旨間義以明百代詩宗焉檢積諸書似可等

身愧無足明理旨益教學耳此外離騷經鬼谷子
陰符經釋氏心經皆有詮註四書時藝已刊者百
五十篇要欲借以約束放心不致泛濫失歸而已
敢云足傳乎代宣城梅定九先生刊曆算全書三
十種計二千餘頁好讀異書微有父風耳至於倫
常躬行負歉實多夙夜自省幸無不可告人者少
孤未達於先人功德文業無能表揚然續紀
國史書傳海內無待小子揮塵益岳也曾延耆儒
居我士校刊先宮傳全集及四書朱子全義進呈

懷舫自述

十

聖祖乙覽奉

旨嘉許安溪太倉兩相公 南書房張 趙 蔣 陳

諸鴻儒皆與較論得存內府附以不朽母夫人
王鍾愛甚深而懿教嚴至余年五旬已歷三仕尚
累衰親操家政補官虧是終身在携提懷抱矣幼
不能負米爲養仕不能奉母就祿衰病不能侍湯
藥大故不能盡心力是一通天罪人也卽邀

聖恩

恩封極品曷報罔極乎兩兄於余未成童時已登
仕惟先宮傳見背後數年聚首嗣此各鶩名場及
余授官兩兄前後卒於任終鮮之痛莫慘於是會

暫離常式好更篤長兄無子卽以予子需牧承繼
仲兄一子家貧凡兄赴官治裝及喪歸營脩皆長
門繼子共余合力濟事姪又殞命三孤黃口雖余
家亦蕩然終不能忍置焉君臣大義固移孝勿諉
但屢忝荐章而竟勞白簡有始鮮終重負 世恩
何辭自追朋友一道重信義輕財貨知交共諒或
代完公項或力濟私用二十餘年計不下萬金今
自遭奇窘亦莫我顧求友徒鳴如遺自咏寧人負
我我不負人又何憾乎妻子之間不足縈懷而所
遇多幸初娶保定于氏賢婉而天繼娶威縣王氏

懷舫自述

士

慈和而孝不待刑于也子八人七皆偉丈夫矣行
五者出繼長兄少子方勝五尺衣耳女子三二已
嫁兩婚皆宦裔俱登賢書矣一在室受聘儒門孫
男女各十餘人悉幼稚余德涼薄不足矜式先澤
冒後或有興者理數參伍禍福倚伏何能預識昭
烈帝訓子曰勿以善小而不爲勿以惡小而爲之
余推廣之曰勿以爲惡蒙福而謂惡可行勿以爲
善受禍而謂善不可勉子孫能守四語立心制行
盡矣雍正四年丙午余五旬有七患難未平又感
疾病貧憊已極更值凶喪天之降割胡然酷烈哉

命窮奇行誦劣陋奚非由已耶恐朝露迫人聊自
紀叙寸長小效固父母之教負罪積愆洵不學無
術何容文過敢不內訟哉如卽填溝壑清風朗月
無盡藏焉倘假我數年達生知命復奚疑乎

自贊曰不爲鄉愿不爲鄙夫先訓在耳歿齒守株
學鮮畜殖仕讓華膺忽忽已老剝廬及膚奮飛在
羽垂翅於塗家散千黃金活人數十萬手註九古
經望道窺一貫發微言明大義不落前儒窠臼歷
三仕宦廿載不善溫飽長算聖賢豪傑千仞道所
有懷仰企已泯尤怨日月光華今旦復旦人生生

懷舫自述

士

死兮蚤與冥故我常存今生氣不泯此志萬古今
於昭乾象堯峰如岱午流接漢碧草青松風光永
恆

懷舫別集 標曲目次

海天梅雨

四時曲

寒燈

留別曲

濠郡移官時作

十二紅

江舟咏

述懷

感懷

婁江東湖

四時玉娥郎

歸去來辭曲一齣

月次

雜曲

海天梅雨

魚模 正宮

普天樂 滄海際黃梅雨客兀坐無情緒柳陰槐紫濃如
許蟬依樹發響徐徐鳩呼伴傳聲楚楚徒望斷窗開處
水天杳一帶煙雲滿那裏是風帆來路儘教人輾轉一
段幽情對著誰語

雁過聲 懷孤青峰遠渚酒徒散詩腸迸枯別時鶯轉留
芳樹岸悠悠過綠蕪恁春山低描畫圖看不似粧臺眉
黛餘憑雙鱗難訴心咻喚怕寄去淒淒清淚書

傾盃序 當初懸珮玉綴履珠橫寶瑟燒銀燭喜得細雨

雜曲

燈前蘭膏漫蘸柔鄉醉後香汗輕濡怪新經悵別海雲
冉冉江風倏倏怎能般般長房縮地近羅縑

玉芙蓉 對酒誰相娛攤書徒自苦嘆簪溜偶斷蛙聲來
續既不是登樓王粲因懷土又不似踞海任公欲釣魚
真成悞悞然在微祿可禁得繡帷翠被怨離居

小桃紅 濕淋淋庭前注冷颼颼簾內撲蕭蕭颯颯聲無
住愁人寂寂黃昏度離思黯黯江淹賦何處是倚倚修
竹吾廬

尾聲 今宵點把燈花囑願照得蝶影飛來舍卒任雨灑
風吹夢自如

四時曲

尾犯序翠浪拂新晴歷亂煙絲渭城塵靜蕩漾河橋望
搖搖客旌鶯聲誰招得離魂黯淡倩染就征衫掩映春
水畔長條委地攀折不勝情楊柳風

前腔滿砌散輕陰枝照清池新苔鋪襯翠滴銀床聽沉
沉漏滴鳴琴蟾宮影銀光欲隨洞簫聲清愁不禁良夜
永花香露氣愁殺未棲禽梧桐月

前腔幽怨入秋多浙瀝閒窗綠雲敲破翠袖啼痕嘆悵
悵夢說無那鳴階砌寒蛩陣陣響池塘殘荷葉聲斷
續芳心自覺軟轉奈愁何芭蕉雨

前腔香玉捲簾春此事平章山翁有分積素凝華儼翻
翩美人精神誰和得陽春一曲空老却關山雙鬢還喜
那寒漁獨往策笠伴垂綸梅花雪

寒燈

念奴嬌序清燈一盞對愁人靜夜天然異彩成花畫舫
春回蓬窗下欣看漸吐蘭芽無家四十齊頭一年盡夜
相隨爾汝到天涯合唱空負伊光輝耿耿結作奇葩前
腔銀蠟今宵無價看火蓮生焰明珠磊磊高挂雪打風
吹吹不落紫霧紅雲滿架驚詫寒夜清淮玉簫聲斷分
明寶氣悞張華合唱古歌一清淮畔邊冰雪多短檠照

此

二

雜曲

三

我發悲歌枝頭新著顏色好零落風前委逝波金鈿繡
暮空在手花魂蕩漾究何有寒山寺裏起鐘聲燈前且
酌花前酒古歌二寒花寒花誰剪裁煙生枝葉月生胎
香殘漏斷夜寂寂美人不來空相憶月落烏啼花欲飛
畫船扣棹清歌起清歌起淮水寒夢回酒醒人千里花
謝花開夜又闌古輪台月華微桂香生葉映寒帷光搖
孤影夢相對氣蒸霞瑞雲化風隨斗彩星文高綴這花
兒可不須墜壁偷窺如同太乙分輝金蓮寶炬夜深歸
青藜杖偉似江淹夢筆花垂明珠十乘古玉連城聲光
矜貴雨雪漫霏霏愁心萎輕煙定逐曉風飛前腔垂

垂簾人處旅館孤帷越覺的朶朶翻隨枝枝無媚香霧
氤氳照徹碧廚紗翠今夕何年舊歡心醉無端憂喜寸
心違欲挑還未恐花枝報我人歸樓中思婦倦客江頭
同垂清淚形影定相隨人無寐夜深燈燼夢阿誰尾一
聲短笛歌清脆震落寒花玉屑霏怕夢入花鄉春又歸

留別曲淡卿移官時作

畫眉序春風遊上國蒼鬢緇塵負嘯昔看驚濤陸海歲
華徒擲流光悞匹馬孤帆唱咏疎花朝月夕合唱倚樓楊
柳千重色魂斷一絲菴笛前腔迢迢暮雲隔樓外煙絲
繞千尺望金臺極目長天空碧訪賣漿屠狗何方過七

貴五侯誰客合前腔秦淮覓游跡月影花魂曾收拾每
清江倚棹歌樓空憶抱彩雲桃渡春濃縱青鞋蕭關苔
積合前腔山川紀經歷煙景茫茫恁南北見朱纓紫馬
錦園香陌逞豪華原名樂游憐憔悴詩歌行役合前腔
溜子快海內論交心期乍識喜他鄉聚首英豪不一自
訝離羣倉卒中宵清淚長白雲密邂逅他年勿忘此日
鮑老催孤征罔恤樓中計日歸思急春風春雨仍飄泊
宋玉詞屈原騷相如筆別魂黯黯情難述故國迢迢夢
易失東南留滯無消息滴滴金寄愁一紙書重襲天遠
雲長雁音軼落花飛絮春無及兩匝旬風連日香魂頓

雜曲

四

畢綠盈小園紅盡暖怕枝頭子結春歸疾鮑老催游梁
倦客清風袖歸愁四壁渺渺山亭連水驛折柳處送人
別馬嘶急清淮岸上歌聲出驚散也春鴻隻雙聲子憂
端集又司馬恨青衫濕渾難必又驚膠渺朱絃泣歸未
得歸未得嚴程逼早江南江北杏花寒食尾聲夢回酒
醒孤懷室燈滅房櫳暗似添一種清愁只自悉

十二紅江舟味

山坡羊望江天孤帆影滅看夾岸千峰翠結怪客裏輕
寒漸減豈杏花春雨清明節五更轉曉山雲芳洲樹煙
汀月天涯滿眼春愁切鷺侶鷗盟湖海空驚鴻撲尾聲

令柳絲長鶯聲怎惹雨絲亂鳩聲未歇約畧花期好萬
朵嬌紅擷江兒水悞人一片痴魂熱浩渺雲峰萬疊望
斷江皋鎮日離魂驚怯玉交枝歌樓舞榭少年場浮雲
分撇朱霞隔斷嬌喉咽問相隨惟有一輪明月五供養
飛濤捲雪御長風彩鷁雲斜舟行百十里江岸萬千折
人倚蓬窗卧遊奇絕好姐姐兩歇天空月潔盡不出四
野蒼茫夜色玉山頽短歌長嘯不許細塵輕惹金臺空
藏嶽暮雲遮燕南趙北路仍賒鮑老催寒棠遠涉溯洄
水天無窮也萍花一葉風牽曳川撥棹想遊梁倦賞琴
瑟買賦缺茂陵人詞賦徒挾茂陵人詞賦徒挾嘉慶子

雜曲

五

誰白眼能憐蘇季子舌斗閒雲劍氣橫截似我粗豪難挫
折僥僥令潯陽江上月莊叟夢中蝶風雨黃昏江岸船
方信道黯然銷魂惟有別

述懷用尤庚韻

八聲甘州那堪回首一儘年華輕擲逐雁隨鷗詩魔酒
病更飄零舞袖歌喉魂銷千樹落紅稠腸斷雙星碧漢
浮獨憐宦游人物候驚秋

皂羅袍自古名場迤逗嘆英雄垂老尚看吳鉤十年舊
夢在揚州金樽絳燭催殘漏良辰美景湖海悠悠山亭
水驛風雨颼颼這其間佳人絕代凋蒲柳

羽翹排頭欲買名山金盡囊羞辨青鞋遠訪丹丘清風
明月一肩收豐草長林半晌留款段馬筌箕舟不愧當年
馬少游田二頃橘千頭何羨人間萬戶侯

掉角兒序悔長年勞神倜傥喜老至清思馳驟遇煙霞
儘好流連逢花月還能消受數生平已遲暮仍飄蕩儘
風流惹甚閒愁一鞭騎馬十里朱樓輸與那五陵年少
豪華輻輳

尾聲白衣變為蒼狗請看取浮雲散後好把那成敗興
衰一筆勾

感懷南北調 齊後韻

雜曲

木

北新水令朔風吹送雪雲飛影隨形孤燈蓬底驅馳身
已老險阻路多岐回首嗟唏灑江潮淚沉寒水

南步步嬌妙理醇醪開幽滯擊楫又雄心起空驚白髮
垂慷慨悲歌原平徒擬燕趙舊襟期氣凌雲長劍崆峒

倚

北折桂令擁殘編紙上思惟賢聖英豪多少化離大都
來直道難齊十年宦拙三黜時速不能學柔似脂韋免
不得剛則崩摧潦倒賸五斗粟歸去陶潛五張皮賣
了虞奚

南江兒水漫把先民吊還將近事疑誰人識得刀頭蜜

大夢悠悠真如戲恢恢天網疎而密且莫傷殘和氣烏
獸豪鳴也會驚天動地

北雁兒落帶得勝令疎朗朗舊臺司劍佩稀齊濟濟新
班序冠裳會老成人飄零霜草萎典型輩凋却曉風吹
呀老馮唐遇主自衰遲偏鄧禹封侯易為甚的白首楊
雄墜為甚的烏頭江總歸數奇李將軍逢醉尉時宜邵
平侯着草衣

南僥僥令榮枯皆有命莊老尚無為一瞬千秋無多日
人何必辨雄雌爭是非

北收江南柳除完萬種貪共癡打疊起滿腹械和機抵

雜曲

七

獸呆道路少歎崎嶇時節靡靡醒時節嬉嬉這教做混
沌世界葫蘆提

南園林好眼間已看到殘棋成和敗轉變心機下稍
頭儘難收拾看棋好着棋危

北沽美酒游三峽入九疑都看作五雲遙莫向人前露
端倪更缺少叮嚀又山魈伎倆任葳蕤

太平令難得底陽正南離早見那晚景西陸盡角橫吹
津鼓輕棹霧重雲迷月落烏啼斗轉星移漢側河歌少
不得歌散酒闌鐘鳴漏已

清江引老天公怎得如人意造化兒多神伎顛倒倒還

顛無人能久立怎能殼一箇勛斗翻出圈子裏

婁江東湖真文韻

小桃紅 婁江流水去津津四望處煙霞襯也這客途中
孤迢一往黯傷神寒鐘送古城闌風兒冷月兒昏枕兒
上愁無盡也望煞那故國白雲關山際音書杳早挨過
初夏殘春
下山虎輕舸柔櫓湖宕江濱晚夢和鷗離共曉程與雁
臣分滿眼裏樹影山光都變做離思亂紛老作煙波飄
蕩人情傷處誰相問鼓棹揚舠入海門帆上的熏風順
可容得一曲離騷去招古魂

雜曲

八

五韻美 兩和風團成陣蕭蕭舟背傳幽恨好比就蜀道
淋零音韻潮聲來趁晚泊在野水孤村只見那柴門掩
濕雲屯隔小橋漁火如燐清愁綿亘

五般宜 徒斷送韶華去三句九旬轉眼見長亭路紅殷
綠殷空賺老翠袖與朱裙枉耽誤月夕花朝詩新酒新
心坎上愁真病真眉尖上深顰淺顰我待寄花葉朝雲
先滴毫端淚痕

憶多嬌 骨嶙峋味清芬意氣孤行寵辱均踪跡人間陳
續陳早效秦民又爾汝相忘怨恩

哭相思 滄溟東蹈何輪軫三神山飄渺無垠欲求仙去

路難覓過來人雲迷野浪稽天風波少處好安身這教
古今陸海人心裏世事滄桑浩劫塵

四時玉娥郎

春風兒起草芽兒青柳條兒黃架上薔薇送暗香黃鸝
報曉窗啣泥燕繞梁賣花聲猛驚醒夢兒長嬾向粧臺
去理豔粧自情傷門前百草芳玉孫去故鄉晴原上香
車寶馬自雙雙春歸何太忙高樓又夕陽空闌裏耽閣
盡好風光

夏景兒清蟬聲兒接竹林兒幽高槐綠樹隱朱樓薰風
絃上投水肌香汗收蘭湯裏新浴罷舞腰柔火雲千里

雜曲

九

去悠悠漫凝眸炎天金石流良人何處遊畫船中金樽
檀板倦綢繆黃昏月一鉤羅帷靜掩愁銀河岸織女兒
望牽牛

秋聲兒悲梧桐落金井寒夜深涼月照雕欄池塘荷葉
乾蒼苔清露溽塞鴻兒一隊隊又到江南綠窗閑怨鎖
眉尖枕衾單秋色滿關山多情去未還燈兒下征衣裁
剪淚痕斑飄搖黃葉殘寒蛩警夜眠冷雨兒打芭蕉響
到更闌

冬夜兒長雪花兒飄滿樓臺柳絮兒千團撲玉階同雲
密密排水花細細飾齊慶賞說是豐年的祥瑞來瓊樓

玉宇淨塵埃自徘徊檀郎有妙才歸期竟不叶金鈎兒
高挂起珠簾動遠懷風吹玉笛哀紅爐獸炭埋綠窗前
又早見老梅開

雜曲

十

歸去來辭曲一齣

末扮陶淵明副隨上〔末白〕春水滿四澤夏雲多奇峰秋

月揚明輝冬嶺秀孤松老夫姓陶名潛字淵明別號
五柳先生潯陽之柴桑人也家貧耕植不足自給親
故多勸出爲長吏會有四方之事遂投百里之封爲
宰彭澤到官已八十餘日但我質性自然非矯勵所
得飢凍雖切奈違已交病何昨者郡中又遣督郵下
縣縣吏來告應束帶見之想我陶淵明豈能爲五斗
之米折腰向鄉里小兒悵然愧平生之心眷然有歸
與之嘆即日解綬去官須索歸去來也〔唱〕

十一

端正好憶歸兮歸兮妙舊田地可惜久荒拋胡不歸漫
把心懷擾爲形役堪悲悼〔副白〕老爺前日既出來做官
爲何忽然就要歸去

滾繡毬〔末唱〕既往的難諫教未來的堪可逍遙莽迷途

誰肯回頭照但回頭却也非遙〔付白〕必竟是做官還是
歸去有何好處〔末唱〕今日的是依今日昨朝的非改昨

朝黑漫漫十丈塵悞了東華古道光閃閃五朵雲卸却
北闕恩膏鬢蓬鬆不用黃羅罩身直立何必玉圍腰等
閒閒歸去迢迢〔副白〕老爺歸去還是由陸路由水路〔末〕
祇用小舟一葉便了〔副應〕呼船登舟介

倘秀才歸去今是陸行無馬兒識道歸去今是水行有
船兒漫搖歸去今風帆千里順江湖舟搖搖今輕颺皂
帽風飄飄今吹透征袍柔櫓輕舸（白）老爺你連夜而
行這船到也去的恁快（末）你可知道到家還有多少
路（副）問船家還有多少路（雜應介）順風順水不消一
兩個時辰就可到了

呆骨朵（末唱）俺直待要披晨星帶曉月望程途杳問征
夫那裏是三徑蓬蒿睡朦朧枕兒上雞聲報眼迷離天
兒外曙星高又只見山鎖頭煙雲繞繞又只見草樹上
清露蕭蕭喜得是晨光飄渺（弟子白）來此是上岸的所

主

注了（副白）請老爺步行到家罷（末白）你看那一帶五
柳參差早已望見我家的衙門了

滾繡毬（末唱）不覺的一灣灣路迴山角不覺的一簇簇

林掩河橋不覺的遠見衙門舊草茅不覺得喜孜孜臉
面上添懽笑不覺的急匆匆脚步兒走近亭皋（淨扮）

老蒼頭丑扮小童小生扮陶僮小旦扮陶僮同上（生）

（小旦白）（小生白）兄弟今日聞的父親歸來須索帶着

這老僕小童迎接去也（末上見介）

倘秀才（末唱）老的是老蒼頭霜鬢毛小的是小奚童青

垂髫大的是陶僮兒說鬱陶小的是陶僮子相慰勞（人四）

次第問（生白）父親還是這樣平采可是做官快活麼（末）

幾年來可喜的容顏未老幾年來可免的疾病多焦幾
年來可撤的家園冷落幾年來可曉的官味蕭條（淨丑）

老相公回來仍舊是如此光景如何不帶些官裏的俸

米俸銀回來家中用度依舊貧苦如何過得（末唱）怎捨

得俸糧五斗將腰身盡怎不載惹惹盈車把貧困消將

人笑倒（小生白）來到家中了待俺請母親出來（請科）老旦

見

倘秀才（末唱）只見那門裏的樹拂雲暢茂只見那堂上

的書插架題標（老旦白）有酒盈樽為相公洗塵（執蓋上）

主

（末唱）只見那桌兒上樽罍排列着畫紙的妻兒將泥洗

敲針的稚子把塵澆且醉村醪（末）娘子別來不久三

就荒矣幸得松菊猶存壺觴無恙北窗一枕我正是

羲皇世上人也（大笑科）

前腔（末唱）常則是臥北窗閒寄傲儼然是羲皇世樂陶

陶常則是撫孤松把龍鱗懷抱恍然悟南柯郡夢境虛

驚想着那連雲甲第撼風濤室容膝纔覺得偏安樂看

着那似海虞門鎖寂寥戶常關纔曉得免警警你道是

還家富貴如衣錦幾道是貧賤歸田似陟霄乾用初父

（白）娘子孩兒同你去小園內一看便將這酒移在園

中去

前腔小園林朝游暮自眺小池亭雨奇晴更好柴門兒
鎮日少人敲牆兒外流水桃源隔門兒裏荒煙竹林饒
白你看那門前五柳越發長大這小小衙門都把綠蔭
遮滿了唱五柳垂條老旦白相公你到官八十餘日便
自歸來如何未得恁快末白娘子我這出處好比做
孤雲野鶴有甚往來的日期也

倘秀才羞煞那無心雲出離嶺嬌雲時閒聽青山返岫
飄飄羨煞那知還鳥飛投梁稻一頃時倦入雲巢有時
兒策藤枝流憩在長林豐草有時兒酌壺觴沉醉在白

南

日清宵有時兒採菊去訪南山野老有時兒乞米出閭
北里麤豪有時兒縱雙眸將煙霞領畧有時兒搔短髮
看宇宙莽茫白首頻翹小生白爹爹歸來也有許多人
事擾攘況且爹爹名久播朝廷節錄都未必肯教
爹爹閒居寢食如何是好末這也不須你言我已計
之熟矣既賦歸來復駕言兮焉求乎

滾繡毬末唱歸去兮歸曾付料請息了肩謝絕俗交世

與我截斷仙凡我與世騰開矰繳復駕言兮何處遊遨
求富時千鍾不目追求貴時萬乘不膚撓輕似鴻毛生外

初親上今日聞的五柳先生棄官歸來這也清奇古怪

的紫你我都是鄉里親串起早去望他一望生老旦小
下外生白五柳先生你到官不多幾日我們掛號也
沒有去打你便歸來也高的紫歸便歸來但是寂寞
得緊哩末白親戚情話可無琴書足以消憂有何寂
寞壺觴自酌幸得未罄就屈小坐何如外生白纔來
拜望這可不當坐科

前腔末唱樂得是親戚談雅謔朋友話風騷外生今年
雨水還好田苗俱茂盛可喜祇是南風少些天氣熱得
緊要月下乘涼偏是陰雨可厭唱量晴較雨豐穰的朕
兆談空說有風月的譏褒生老相公的行李還不曾

主

解末可將我那無弦琴拿來把那幾本殘書送在架上
閒時再整頓便了拿琴來科外生艾灼做官歸來祇有

這兩件不急之物這也奇了末唱琴聲兒無弦有韻心
獨好書本兒乍掩常開身自朝何處是離恨天心浩何
處是埋憂地柱牢欲愁時不諸愁滋味偶悶時撥斷悶
根苗外生祇怕還有細軟的官囊不肯教人知道嘿末

有有有將酒器詩筒拿來詩箋科末唱有酒枕詩瓢生外

白先生初到家不便久坐告辭罷末白如今是暮春
天氣正好尋遊郊外我們往那裏去行動行動方好

淨丑西嚀上桃李都開了麥秧甚茂故老相公何

不同兩位看賞一番白好好如此帶着酒有就去就
去淨提酒盞丑介外生白纔到家並無一事就去遊

春這也脫灑到絕頂了當得奉陪

脫布衫命巾車將適芳鄰驚鄰舟又泛清潮尋幽境溪

迴澗遠探奇勝嶺角山腰木欣欣青葉泉涓涓翠濤信

得時萬物共與胞吾生須行樂到科外生白此處幕天席地

便好痛飲也唱末不須要平津開閣賓朋閑不須要金谷

爲園花木妖白末祇守着青松黃菊儘足自慰無聊矣唱末

自比鷓鴣白外生先生做官歸來如此高雅也將窮通得

喪都看透了何不見教一番末白列位高親不嫌絮

去

喏待俺撫着無弦琴高歌一曲外生領教領教

醉太平末唱任形骸寄世間天地逆旅蜉蝣誰校能幾

時倏百歲光陰過客日月飛趨何不委心冥冥置身漢

漢隨化滔滔計此身不爽不惠混漁樵營甚麼彭祖顏

淵誰壽誰夭胡爲乎皇皇奔走無時了心急急口叨叨

外生歌得好說得透快拿大盃來奉敬一杯我們想

起來你這樣人既不肯做三公九卿也去登丹臺紫

府真是仙風道骨與衆不同辭末微外生白不敢不敢富

貴既非吾願帝卿又豈所期不過攜杖孤往而耘耔

登高臨流以賦詩吾願足矣我且把那古今來的賢

人也不爲官也不學仙說幾個列位聽外生願聞願

尾聲命淹蹇圖富貴不能相肖骨寒薄做神仙盡屬枉

喬想巢由天下小想黃綺商山奧卜隨務光首反掉泄

柳申詳門塞竅夷齊餓死名徧噪仲子不受楚國召魯

連曾將秦帝逃子推身隱文不要嚴陵披裘常垂釣接

輿狂歌高高調荷蕢聞磬嘻嘻笑孫登長嘯低東岳管

寧點易滄海蹈未曾奏一紙陳情表先須唱一闕歸自

謠想着我樂天知命復何疑歸去來兮歸趣早外生淨

這一段話說的有趣聽的快活每人該敬一大盃纔

去

是末連飲淨丑白老相公醉了二位請回罷外生白

我們改日再來謝擾難得難得下淨丑纔到家中便

如此大醉這也奇得緊且扶他回去罷下淨丑上還有

一張破琴不要忘了拿到家中換米不要祇好做茶

中郎的費下之材了攜琴下

懷舫集三十六卷

直隸總督
孫進本

國朝魏荔彤撰荔彤有大易通解已著錄是集凡詩

十二卷又續集詩九卷別集詩六卷偶遂草兩卷

紀

思詩一卷外雜著二卷懷舫集一卷雜曲一卷彈詞一卷

末附自述一篇蓋仿揚雄之體所云手註九古經

望道窺一貫發微言明大義不落前儒窠臼云云

自負亦頗不淺矣

古今翰苑瓊琚十二卷

〔明〕楊慎輯

吉林省圖書館藏明天啓刻本

附《四庫全書總目·翰苑瓊琚

八卷》提要

古今翰苑瓊琚序



西山先生之選正宗首辭命
笑摠衆展素申隱達淑志
暢鳴悲宣誠布懇或恥上下
之交或訂昏盟之好或黏疏
以爲密或淪怒以爲歡爲機
甚靈厥功則大雕坊行者名
種甚繁然惟用脩之求舊与
元美之續新雅格不一裁而
品俱入雅自蘇而外与帙終

徒人地之足收為姓名之先
合本無垂世之拍寧具出
產之目庸穢冗難腐宿餽
酸遠而已矣當不若是又或
彙蒙吊以為門叙官階以析

陳本

六

二

等備俗工之裁剪引盲人於
荒暗直堪嘔噦不立發噁
至於理學先生之言理欲知
行係抽縷劈經濟鉅公之讀
兵農禮樂示掌列眉自應

兩有韻書不必名為赤牘亦
有閨中之秀華媚戕芳方
外之流詮玄澗妙混須麋
而之藪羣紳孫亦此倫繇
斯以親則瓊琚之選取為

陳本

六

三

合法蓋慎用西山之遺意而
廣之以揚王兩公之風流者也
天啓元年正月喜晴日書
吳郡陳元素



翰苑瓊琚序

古文云言以足志文以足言
之無文行之不遠慎詞哉叔向
云詞不可已則詞何可少尼父
云詞達而已則詞何庸多故東

孫敘

八

一

里潤色鄭國是裨長府片言魯
邦攸藉聊城一矢而齊國解上
林尺帛而漢情達斯詞林之選
軌為治忽所繇開次之而滑稽
諷刺亦足這時下之而押闔縱

機僅能排難最其下者月露風
雲多裨實用雌黃黑白祇采春
華詞之濫觴安所底止其最謬
戾者指証天日而轉眼參商詞
因漆膠而中藏矛盾舌鋒起于

孫敘

八

二

毛穎腹劒舞手毛卿言不由衷
風斯敝已夫書者舒也舒布其
情陳之簡牘其謨訓誥以疇咨
而動股肱之起車表箋疏以下
陳而動天日之高雲箋雲素以

異地而結同堂之契虞夏以來
代有其文自古及今各具厥體
劉勰氏論之詳矣摠之通已于
人而敷言其意掎抽尺素抑揚
寸心隨事立言貴在精要少一

孫敘

八

三

字則意闡多一語則言妨即號
稱鴻筆而多踈翰墨難已選翰
墨尤難已楊用修氏目周迄
明選僅八卷至為精覈王元美
氏十益其九累千萬言頗稱博

雅願近考遠稽即多掛漏而寸
長尺短多所取裁茲自我

明而上卷列為六我

明至今亦為列次帝命王書昭

昭天表臣悃友誼耿々如面師

孫敘

八

四

楊王之妙選闡昭代之人文而
又取則額林旁搜家乘檢閱千
卷以取其精網羅百代以盡其
變譬如上苑琪花豈容剪彩方
諸廣寒玉樹奚用繁陰言人々


殊各臻妙境昔甞氏所稱不可
已與孔氏所稱可以已者斯兼
之矣蓋屈之芟留之棗未必盡
合天下口齊之竿秦之缶未必
合天下耳而玉之有瓊琚則舉

孫敘

五

世知賞之舉世欲佩之茲集殆
類是也聊弁數語以壽之梨

餘姚月峰主人孫鑛題



古今翰苑瓊琚凡例

一諸名公尺牘或譚經濟或論詩文或抒情懷或
寓箴規或期風月山水寧獨一家言其有啓齒
而珠璣滿目落筆而琳琅成響者手錄入集蓋
博觀而約取云爾

一不佞閱貞西山先生文章正宗首列帝王詔誥
次及文詞是集倣先生遺意而類選之庶開卷
而貫若聯珠縱目而森如羣玉積久成帙以公
同志

翰苑瓊琚

凡例

一

一是集自虞夏商周以及秦漢晉自五代以及唐
宋元次爲六卷我明另爲卷次大約因世代
之先後人物之遠近以便考古云

一是集帝王御札列侯睿藻名公彤管巨卿雲翰
坊刻多不及搜全辨其魚魯茲於歷代子史
國朝文集幾經裁訂始付梓人豈特備羣公記
室之先資抑且存一代文獻之實錄

一是集大都彙諸刻本而存笥者惟我明得十
有其三於玉署中及與內翰往來手札緣家中

收藏苦未充棟其見聞未及者俟刻續編庶免遺珠云爾

一啓牘中有長書論事理如少卿子長之類小簡叙寒暄如晉人致語俱採入集以正大之文古雅之詞倩趣之語俱堪不朽茲兼收以爲大觀如清廟明堂之天球弘璧琬璵簠簋俱爲法物也

是選以尺牘清裁當朝書啓濡削選章風教雲箋七才子尺牘雲箋一統數書爲主餘俱摘取

翰苑瓊瑤

六凡例

二

下

一二第妙製不能盡收亦俟續編云爾

月峰主人白

選入翰苑瓊瑤書目

歷代帝王詔誥

歷代名臣奏疏

書記洞詮

書翰類牋

尺牘類選

濡削選章

翰苑新書

古今尺牘玉函

國朝名公尺牘

尺牘清裁

當朝書啓

嚶鳴書啓

國朝名公書啓

翰墨玄珠

國朝名公翰藻

尺牘評林

翰苑瓊瑤

八書目

三

下

翰苑雲箋

詞林片玉

雲翰新裁

金蘭翰墨

七才子尺牘

鱗鴻合璧

雲翰搜奇

瑤箋

古今名公尺牘

風教雲箋

環翠堂尺牘

環碧齋尺牘

尺牘聞見拔尤

名公簡牘

國朝名公小簡抄

玉茗堂尺牘

四六類函

鴛鴦小啓

竺西子淨脩書

橘山四六

交游書翰

今雨堂簡副

金簡拾餘

五雲箋

尺一紅珊

玉振金聲

啓牘琮璜

正續謀野集

擲地金聲

魚腹奇珍

蘇長公表啓尺牘

尺一瓊瑤

貽翰垂清

鯉中尺素

奚囊赤牘

蘇黃尺牘

翰苑瓊瑤

四

弄丸集

雙魚柬

字字珠

四六爭奇

翰府通式

啓牘琅函

名公詒簡

雲箋一統

四六徽音

春雪箋

以上書啓之類約百種俱經選錄者已開書名其內文錄而名不及悉開者因係古今文集非掛一而漏萬也其外搜求後當懇名公選續亦不及悉開

翰苑瓊瑤總目

卷一

卷二

唐虞

列國

卷三

卷四

兩漢

西晉

卷五

卷六

隋唐

兩宋

翰苑瓊瑤

不齊目

卷七

卷八

國朝

國朝

卷九

卷十

國朝

國朝

卷十一

卷十二

四六啓

四六啓

總目終

古今翰苑瓊琚卷之一目錄

虞

虞帝

姓姚氏大舜受唐禪而帝天下

責禹

夏

夏后

姓姒氏大禹受虞禪而王天下

訓後

求言

泣罪

夏后啓

禹子繼王

翰苑瓊琚卷之一目錄

征有扈

商

商烈祖

姓子氏成湯革夏命而王天下

制官刑

禱旱自責

商太宗

太甲湯孫

從尹訓

商高宗

武丁夢上帝夢良弼者

命傳說

又

周



周武王

文王子姓姬氏發紂商命而王天下

訪箕子

答師尚父

答周公旦

周成王

武王子名誦

泣感金縢

命微子

命蔡仲

命君陳

顧命

周穆王

昭王子名滿

命君牙

命伯冏

翰苑瓊琚卷之一目錄

周襄王

惠王子名鄭

卻晉侯重耳請隧

卻晉之請僇衛侯

周定王

匡王弟名瑜

諭晉士會

辭晉使人獻齊捷

周靈王

簡王子泄心生而有髮

賜齊侯環命

周景王

靈王子名貴

讓晉之爭閭田連陰戎侵潁

周敬王

景王子名丐

使富辛諭晉城成周

漢

漢高帝

姓劉名邦誅秦滅項而帝天下

遣諸侯王伐楚

求賢詔

誅伐不義詔

敕太子

又敕太子

召田橫

漢文帝

高帝子名恒

議賑貸詔

除禁誹謗詔

議佐百姓詔

除收斂律

藝苑珠璣

卷一 目錄

三

日食引咎

賜晁錯

問南粵王尉佗

漢景帝

文帝子名啓

令二千石修職

禁采黃金珠玉

詔讞疑獄

漢武帝

景帝子名徹

議不舉孝廉罪

下州郡求異才

報公孫弘

讓楊僕

諭羣臣

棄輪臺

漢昭帝

武帝子弗陵

敕燕王

漢宣帝

戾太子之孫病已更名詢

詔察計簿

報張安世

漢元帝

宣帝子名爽

賜東平王

罷初陵

漢成帝

元帝子名騫

敕有司申禁踰制

報匡衡

報張禹

藝苑珠璣

卷一 目錄

四

漢光武帝

景帝子長沙定王之後名秀字文叔

慰賈復

敕馮異

與子陵

勞耿弇

賜竇融璽書

報隗囂手札

報臧宮馬武

報博士范升

漢明帝

光武帝之子諱陽改名莊

初行養老禮詔

手敕賜東平王蒼歸國

卻館陶主爲子求郎諭羣臣

漢章帝

明帝之子名奭

與東平王蒼

諭侍中曹褒

敕戒俗吏

漢和帝

章帝之子名肇

求直言

漢昭烈帝

景帝之子中山靖王之後名備字玄德

咨諸葛孔明

敕太子

漢後帝

昭烈帝之子名禪

敕諸葛武侯

晉

翰苑叢書

八卷 一目錄

五

晉宣帝

姓司馬名懿

與孟達

晉景帝

宣帝子名師

訓天子

與許允

晉文帝

景帝子名昭

與王基

晉武帝

文帝子名炎

答魏舒

晉元帝

武帝子名睿

荅劉琨

晉明帝

元帝子名紹

與溫嶠

晉簡文帝

明帝子名昱

荅殷浩

晉安帝

簡文帝子名德宗

問慧遠

南宋

宋高祖

姓劉名裕字德興受晉禪國號宋

翰苑叢書

八卷 一目錄

六

下有司

宋文帝

名義隆高祖第三子初為宜都王以義符廢遂立位

與魏世祖

宋武帝

名駿文帝第三子初為武陵王以討逆劬遂立位

與王玄謨

南齊

齊高祖

姓蕭名道成受宋禪國號齊

與崔思祖

示世祖

齊世祖

高祖太子名順

與王延之

梁

梁高祖 姓蕭名衍字叔達蘭陵人同齊受齊禪國號梁

與昭興王

賜何點于書

梁昭明太子 高祖太子名統

與明山賓

陳

陳高祖 名霸先受梁禪

與虞荔

翰苑瓊瑤 卷一 目錄

北魏

魏世祖 姓拓拔名肅

賜王慧龍

魏顯祖 高宗長子名弘

諭羣臣

魏高祖 顯祖太子名宏

諭陸叡

戒咸陽王禧等

賜王肅

北周

周太祖 姓宇文名泰世子覺受魏禪追尊帝號

賜太子手書

賜公卿

札都督李遠

與行臺王思政

周明帝 名毓閔帝覺之弟

勞元英

隋

隋高祖 姓楊名堅時周滅齊而隋受周禪又南并陳則南北混一矣

賜源雄

賜賀若弼

隋煬帝 高祖子名廣

翰苑瓊瑤 卷一 目錄

與史祥

與徐則

唐

唐高祖 姓李名淵受隋禪而帝天下

賜李襲志

唐太宗 高祖次子名世民

諭侍臣

十漸疏聞報魏徵

賜魏王泰

賜褚亮

報虞世南

諭房玄齡

示長孫無忌

手詔諭無忌慰太子

唐玄宗 肅宗之子
名隆基

答張九齡 諭高力士

任韓休諭侍者 嘉平原太守奏事

唐肅宗 玄宗太
子名亨

諭李泌 勞郭子儀

唐代宗 肅宗太
子名豫

悼楊綰

唐德宗 代宗長
子名适

卻李錡慶雲圖 罪已詔

翰苑瓊瑤

卷一 目錄

九

五

唐憲宗 順宗子
名純

戒宣慰使鄭敬 延英殿諭宰相

唐文宗 穆宗子
名涵

賜蕭俛

唐宣宗 憲宗子名忱
繼武宗而立

詰令狐綯

五代周

周世宗 姓柴名榮周太祖郭
威后兄之子嗣其國

諭宰相 賑淮南饑諭臣

詔銷銅像鑄錢 詔頒唐均田圖法

北宋

宋太祖 姓趙名匡胤受周
禪遂大統天下

敕中書省貢舉官 戒公主鋪翠襦

敕曹彬 諭薛居正

宋太宗 名匡義更名
足太祖之弟

諭樞使王顯 詔求遺書

諭趙普 諭張洎錢若水

宋仁宗 真宗子
名禎

翰苑瓊瑤

卷一 目錄

十

五

諭輔臣 諭歐陽修

卻茹孝標獻芝草 並相文彥博富弼諭臣

宋神宗 英宗子
名頊

諭趙抃 諭司馬光

宋高宗 名構徽宗子欽宗弟
以二帝北狩遂立位

答岳飛 諭侍臣

諭洪皓

宋孝宗 名昀太祖之子德芳
之後以高宗嗣立位

諭陳俊卿 賜張浚

元

元世祖

蒙古部姓奇渥溫氏名忽必烈太祖鐵木真之孫

諭左丞伯顏

元仁宗

名愛育黎拔力八達武宗之弟

讓李孟

古今翰苑瓊琚卷之一目錄

翰苑瓊琚

卷一

上

六五

古今翰苑瓊琚卷之一

蜀都楊慎選

浙姚孫鑛評

吳郡陳元素校

虞夏商周漢晉宋齊梁陳

北魏北周隋唐五代周北宋元

責禹

虞帝

臣作朕股肱耳目予欲左右有民汝翊予欲宣力四方汝爲予欲觀古人之象日月星辰山龍華蟲雉

翰苑瓊琚

卷一

一

會宗彙自作虎藻火粉米黼文爲黻文爲絺繡

星辰取其照臨山取其鎮龍取變化華蟲取其文皆以繪于玄衣宗彙取其孝藻取其潔火取其明粉米取其精粹斧取其斷亞以五采章施于五色作服六

十二章凡汝明予欲聞六律黃鍾太簇姑洗蕤賓夷則

故不言六呂大呂夾鍾五聲宮商角徵羽八音金石絲竹

在也治忽以出納五言汝聽明聽作耳目事予違汝

弼汝無面從退有後言欽四鄰

以大舜之聖寧復有違而懸望其臣之邪直惟恐其不面諱盡言以卑臣哉鄰哉之義聖世明良之

乎若此

首表之

訓後

夏后

民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖明故須圖予臨兆民凜乎若朽索之馭六馬爲人上之不見者奈何不敬

又

夏后

內作色荒柔外作禽荒弋甘酒沉嗜音幼峻宇彫牆壯有一于此未或不亡訓列二徵凡五犯一不可况又兼二以上者乎此萬世有邦家者之炯戒惟能圖能敬者免乎

翰苑瓊瑤

卷一

二

求言

需子謂禹之治天下也以五聲聽即此

夏后

門懸鐘鼓鐸磬而置鞀爲銘于篋簾曰教寡人以道者擊鼓諭寡人以義者擊鐘告寡人以事者振鐸語寡人以憂者擊磬有獄訟者揮一作鞀

當日中不暇食一饋而十起猶恐四海之士留于道路按禹好善言此舉法進善之旌誦誦之本事

泣罪

夏后

堯舜之民皆以堯舜之心爲心寡人爲君百姓各自以其心爲心是以痛之

好生之德治于民心茲用不犯于有司即所稱以堯舜之心爲心者而禹所悼歎

征有扈

夏后啟

有扈氏威侮五行怠棄三正于丑寅之正也天用勦絕其命今予惟恭行天之罰

征之正名只在此四句餘皆自誓其衆之詞耳

制官刑

商烈祖

敢有恒舞于宮酣歌于室時謂巫風以歌舞類巫覡敢有殉于貨色恒于遊畋時謂淫風以貪婪縱恣類淫敢有侮聖言逆忠直遠耆德比去頑童狡童焚童等皆是時謂亂風以叛正謂惟茲三風十愆三風愆之綱十愆風之目卿士有一于身家之亂惟茲三風十愆翰苑瓊瑤

卷一

三

必喪邦君有一于身國必亡臣下不匡其刑墨刑

禱旱自責

商烈祖

政不節歟民失職歟官室崇歟女謁盛歟苞苴行歟讒夫昌歟

從尹訓

商太宗

予小子不明于德自底不類欲敗度縱敗禮以速戾于厥躬天作孽猶可違自作孽不可追正書既往背作師保之訓弗克于厥初尚賴匡救之德圖惟厥終同

太甲之悔往過求自新真如日月之食而復明也賢哉

命傳說

商高宗

朝夕納誨以輔台音怡也德若金用汝作礪若濟巨川

用汝作舟楫若歲大旱用汝作霖雨啓乃心沃朕心

啓者在臣若藥弗瞑眩音面厥疾弗瘳若跣弗視地

厥足用傷惟暨乃僚罔不同心以匡乃辟音壁俾率

先王指賢宗迪我高后指烈祖以康兆民嗚呼欽予時命

其維有終

又

商高宗

來汝說台小子舊學于甘盤商故相既乃遷于荒野入

翰苑瓊瑤

卷一

四

宅于河自河徂亳暨厥終罔顯爾惟訓于朕志若作

酒醴爾惟麴蘖若作和羹爾惟鹽梅爾交修予罔予

棄予惟克邁也乃訓

訪箕子時方定殷

周武王

嗚呼箕子惟天陰騭下民是玩騭字定不足以訓之還

野無形故曰陰騭詩及爾相協厥居相兼監視及扶

止我不知其彝倫攸敘人而敘之便是作君師之王

道言不知以求知也

咨師尚父時王踐

周武王

惡有藏之約行之行萬世可以爲子孫恒者乎黃帝

顓頊之道存乎意亦忽不可得見歟按丹書之

答周公旦時以王不寐就問

周武王

告汝惟天不享殷麋鹿在牧蜚鴻滿野傷稼之物若

謂自發未生千今六十年者豈天不享殷乃今有成

武王革殷我未定天保何暇寐定天保乃凝命又曰

定天保依天室王都若天設之居曰天日夜勞來我

西土我惟顯服乃德方明惠政明德自洛汭延于伊

瀆苑瓊瑤

五

汭居易無固其有夏之居設險守國我南望三塗北

望岳鄙顧瞻有河粵瞻洛伊毋遠天室營周居于

邑都鎬而又欲營洛時未營而殤之周公繼志也

泣感金縢周公以流言避居東王以風雷天變

將上因感公祈代武王之訓而述公

歸相

周成王

告二公呂曰其勿穆卜昔公勤勞王家惟予冲人弗

及知今天動威風雷以彰周公之德惟朕小子其親

迎我國家禮亦宜之

命微子

紂子武庚封微子以亂革除其封微子

周成王

惟稽古崇德象賢統承先王修其禮物作賓于王家
虞賓爾惟踐修厥猷舊有令聞去聲予嘉乃德庸建爾
于上公宋公尹茲東夏欽哉往敷乃訓慎乃服命率
由典常以蕃王室弘乃烈祖湯律乃有民永綏厥位
毗予一人世世享德萬邦作式俾我有周無斁

命蔡仲

蔡叔

周成王

小子胡仲惟爾率德改行克慎厥猷肆予命爾侯于
東土往卽乃封敬哉爾尚克蓋前人之愆惟忠惟孝

翰苑瓊瑤

卷一

六

爾乃邁迹自身克勤無怠以垂憲乃後率乃祖文王
之彝訓無若爾考之違王命叔以流言得罪

命君陳

周成王

我聞曰至治馨香感于神明黍稷非馨明德惟馨爾
尚式時是周公之猷訓惟日孜孜無敢逸豫凡人未
見聖若不克見既見聖亦不克由聖爾其戒哉爾惟

風下民惟草

聖謂周公

數語括盡
一篇大意

顧命

周成王

昔君文王武王宣重光莫麗陳教則肄肄不違用克

達殷集大命在後之侗敬迓天威嗣守文武大訓無

敢昏逾今天降疾殆弗與弗悟爾尚明時朕言用敬

保元子釗昭音弘濟于艱難柔遠能邇安勸小大庶邦

思夫人自亂昭音于威儀爾無以釗冒貢于非幾

成王于彌留之際能端冕憑几集輔臣而發正命非生平真學有緝熙于光明不能若是

命君牙

周穆王

惟予小子嗣守文武成康遺緒亦惟先王之臣克左
右亂濟四方心之憂危若蹈虎尾涉于春冰今命爾

翰苑瓊瑤

卷一

七

予翊作股肱心膂續乃舊服無忝祖考牙蓋君懷之後弘敷
五典式和民則爾身克正罔敢弗正民心罔中惟爾

之中夏暑雨小民惟曰怨咨冬祁甚寒小民亦惟曰

怨咨厥惟艱哉思其艱以圖其易民乃寧思艱亦有涉者

涉者

命伯冏

周穆王

惟予弗克于德嗣先人宅丕后怵惕惟厲中夜以興

思免厥愆據前篇言心之憂危與此之思免者當亦

于前悔實賴左右前後有位之士匡其不及繩愆糾

謬格其非心。俾克紹先烈。今予命汝作大正。正于羣僕侍御之臣。懋乃后德。交修不逮。慎簡乃僚。無以巧言令色。便平辟僻側媚其惟吉士。僕臣正。厥后克正。僕臣諛。厥后自聖。后德惟臣。不德惟臣。爾無昵于憯人。即巧言令色輩克耳目之官。迪上以非先王之典。非人其吉。惟貨其吉。若時。是也瘝厥官。惟爾大弗克祗厥辟。惟予汝辜。

勉之慎簡而淡戒其不然也

卻晉侯重耳請隧

周襄王

翰苑瓊瑤

卷一

八

三

王章也。未有代德而有二王。亦叔父之所惡也。昔我先王規方千里以爲甸服。以供上帝山川百神之祀。以備百姓兆民之用。以待不庭不虞之患。其餘以均分公侯伯子男。使各有寧宇。先王豈有賴焉。內官不過九御。王宮有九嬪而外官不過九品卿爲九足以供給神祇而已。豈敢厭縱其耳目心腹以亂百度。惟是死生之服物采章。以臨長百姓。而輕重布之。他何異之有。今天降禍于周室。余一人僅守府。又不佞以勤叔父。而班先王之大物以賞私德。先民有言曰。

改王改行。

王者王鎮圭公桓圭侯信圭伯躬圭子穀璧男蒲璧行步也王進而改則更其常度

叔父若能光裕大德。更姓改物。以創制天下。自顯庸

也。而縮直也取備物以鎮撫百姓。余一人其流辟于裔

土。何辭之與有。若猶是姬姓也。尚將列爲公侯。以復

先王之職。大物其未可改也。余敢以私勞變前之大

章。以忝天下。其若先王與百姓何。何政令之爲也。若

不然。叔父有地而隧焉。余安能知之。隧者天子外朝之驛道以大朝

會諸侯者周公營洛所建也諸侯內屏所朝者卿大夫不應有隧以僭王禮郤之是也。舊說隧爲王禮。堊

之墓道恐誤

翰苑瓊瑤

卷一

九

卻晉之請僇衛侯

周襄王

不可。夫政自上下者也。上作政而下行。之不逆。故上

下無怨。且君臣無獄。元咺。衛臣訟君之殺弟者雖直。不可聽也。

君臣而獄。父子將獄。是無上下也。而叔父聽之。又爲

臣殺君。其安庸刑。一合諸侯而有逆政。余思其無繼

也。不然。余何私于衛侯。

兩晉郤晉議論皆詞嚴義正能令雄侯回慮設當時而得周召在廷左右之亦足爲周令主可以中

候此連宣王惜乎其溺于靡也雖然使后王而能申此卻義顧王章懲逆政豈至爲威烈之命三益

安王之侯田齊耶

論晉士會

周定王

季氏而弗聞乎王享有體薦宴有折俎公當享卿當
宴王室之禮也

時晉使會平王室王享之會燕言私其故王聞而召論之會歸而講求其理能通善也

辭晉使人獻齊捷

周定王

蠻夷戎狄不式王命淫湎毀常王命伐之則有獻捷
王受而勞之所以懲不敬勸有功也兄弟甥舅侵敗
王畧王命伐之告事而已不獻其功所以謹親睦敬
淫慝今叔父遂有功于齊不使命卿鎮撫王室而肇

翰苑瓊瑤

六卷一

十

伯名朔實來又奸先王之禮余其敢廢舊典以忝叔

父乃使委于三吏禮之如克敵告慶之禮降卿一等

遂字有神力刺其不命而專伐也不使又奸串承此又奸指獻捷

賜齊侯環命

時將聘后于齊故

周靈王

昔伯舅太公右我先王股肱周室師保萬民世胙太
師以表東海王室之不壞繫伯舅是賴今予命汝環
公茲奉舅氏之典纂乃祖考無忝乃舊敬之哉無廢
朕命

此比于盛周之命猶存調度

。讓晉之爭閭田連陰戎侵賴

周景王

文武成康之建母弟以蕃屏周亦其廢隊是為豈如
弁髦而因以敝之先王居櫛杙于四裔以禦魑魅故
允姓之奸居于瓜州伯父惠公歸自秦而誘以來使
偪我諸姬入我郊甸后稷封植天下今戎制之不亦
難乎伯父圖之我在伯父猶衣服之有冠冕木水之
有本原民人之有謀主也伯父若裂冠毀冕拔本塞
原專棄謀主雖戎狄其何有余一人晉以王詞直乃致閭田反賴

使富辛論晉城成周

周敬王

翰苑瓊瑤

六卷一

十一

昔成王合諸侯城成周以為東都崇文德焉今余欲

徼福假靈于成王修成周之城俾戍人無勤于朝余勤成已五年此謂城而徼成諸侯用寧螭賊遠屏晉

之力也其委諸伯父使伯父實重圖之俾余一人無

徵怨于百姓而伯父有榮施先王庸之晉人計成周不如城之遂

從王命以告于諸侯

合觀周代諸首周治之盛衰與周文之升降畧可睹矣

遣諸侯王伐楚

漢高帝

天下共立義帝北面事之今項羽放殺義帝于江南

大逆無道，寡人親為發喪，諸侯皆縞素，悉發關中兵，收三河士，南浮江漢以下，願從諸侯王擊楚之殺義帝者。

此舉名義甚正，然由董公進說來。

求賢詔

漢高帝

蓋聞王者莫高于周文，霸者莫高于齊桓，皆待賢人而成名。今天下賢者智能，豈特古之人乎？患在人主不交故也。士奚由進？此轉有大力今吾以天之靈，賢士大夫定有天下，以為一家，欲其長久，世世奉宗廟，下絕

翰苑瓊瑤

卷一

十二

也。賢人已與我共平之矣，而不與吾共安利之，可乎？

賢士大夫有肯從吾遊者，吾能尊顯之，布告天下，使

明知朕意，御史大夫下相國，相國下諸侯王，御史中

執法下郡守。此漢制，詔令領行之大策。其有意稱明德者，必身勸

為之，駕遺詣相國府，署行義年。行狀年歲等。有而弗言，覺

免。貴藏年老癯病勿遣。

詔語雄勁，篇中言能尊顯，句有以爵祿驕天下士氣，恐無以來上，然使郡守身勸駕，猶有三代重道崇儒古色，晚世何緣有此。

誅伐不義詔

十二年三月

漢高帝

吾立為天子，帝有天下，十二年于今矣，與天下之豪士賢大夫共定天下，同安輯之，其有功者，上致之王，次為列侯，下乃食邑，而重臣之親，或為列侯，皆令自置吏，得賦歛，女子公主，為列侯食邑者，皆佩之印，賜大第室。有甲乙次第，故曰第。吏二千石，徙之長安，受小第室，入蜀漢，定三秦者，皆世世復。免吾于天下，賢士功臣，可謂亡負矣，其有不義，背天子，擅起兵者，與天下共伐誅之，布告天下，使明知朕意。

翰苑瓊瑤

卷一

十三

篇中共定共伐，首尾呼應，內三皆字，亦點綴有情，只可謂下負句，夸口不情，帝所負者，韓彭也，天下之反者，如韓如彭如布，皆緣有負元功而起也，反者誅夷，豈盡矣，又欲何誅，噫，帝孰知夫繼是而反者，不在異姓功臣，乃在同姓諸親哉。

敕太子

漢高帝

吾遭亂世，當秦禁學，自喜謂讀書無益，洎踐位以來，時方省書，乃使人知作者之意，追思昔所行多不是。

帝之悔悟，由陸賈新語來，言之太子，以誨之知學也。

又

漢高帝

吾得疾，遂困，以如意母子相累。

戚夫人，子趙王，其餘諸兒皆

足自立哀此兒猶小也

帝不哀此兒小哀其因議廢立種禍將遭呂后之毒而求此太子也太子雖仁豈能無防意外之變

召田橫

漢高帝

橫來大者王小者侯不來吾且舉兵加誅

氣勢凌人

議賑貸詔

元年二月

漢文帝

方春時和草木羣生之物皆有以自樂而吾百姓鰥寡孤獨困窮之人或陷于危亡而莫之省憂為民父母將何如其議所以賑貸之

翰苑瓊瑤

卷一

十四

詔旨溫厚出于德心以故山東吏張布時雖老歲暮疾扶杖往聽願少須臾毋死思見德化之誠其感民如此

除禁誹謗詔

漢文帝

古之治天下朝有進善之旌誹謗之木所以通治道而來諫也今法有誹謗妖言之罪秦法忠諫者為妖言誹謗者為妖言是使眾臣不敢盡情而上無由聞過失也其除之

是使何關轉所以句詞不迫而意精至

議佐百姓詔

後元年二月

漢文帝

間者數年比不登又有水旱疾疫之災朕甚憂之愚而不明未達其咎意者朕之政有所失而行有過歟乃天道有不順地利或不得人事多失和鬼神廢不享歟何以致此將百官之奉養或費無用之事或多歟何其民食之寡乏也夫度田非益過而計民非加益以口量地其於古猶有餘而食之甚不足者其咎安在無乃百姓之從事于末謂商以害農者蕃為酒醪以靡穀者多六畜之食焉者眾歟細大之義吾未能得其中其與丞相列侯吏二千石博士議之有可

翰苑瓊瑤

卷一

十五

以佐百姓者率意遠思無有所隱

只一酒醪靡穀一語便合夏王惡旨之心周王步酒之訓且聞漢詔多只似手札因言見心自與後世屬文臣代草者不同

除收斂律

漢文帝

法者治之正也今犯法已論而使無罪之父母妻子同產坐之及為收帑家朕甚不取其議之又曰朕聞法正則民慤罪當則民從且夫牧民而導之善者吏也既不能導又以不正之法罪是為罪者也言是罪自見其便遂除之

前段下其議
後段決其行

日食引咎

漢文帝

人主不德，天示之災，以戒不治。天下治亂，在朕一人。朕下不能治育羣生，上以累三光之明，其悉思朕之過失，舉以啟告，及舉賢良方正，能直言極諫者，以匡朕之不逮。

實有敬天勤民之忱，故言而動心。

賜晁錯

漢文帝

問太子家令錯為上書言兵體三章，聞之書言，狂夫

韓苑瓊瑤 八卷一

十六

之言而明主擇焉，今則不然。言者不狂而擇者不明，國之大患，故在于此。使夫不明擇于不狂，是以萬聽而萬不當也。

帝奇錯之才，甚故極口稱之若此。

問南粵王尉佗

漢文帝

朕高皇帝側室之子，棄外奉北藩十代，高皇帝樂羣臣孝惠皇帝卽世，高后自臨事，不幸有疾，日進不衰，以故諄暴平治，諸呂為變，賴宗廟之靈，功臣之力，誅之已畢，朕以王侯吏不釋之故，不得不立，乃者聞王

遺書求親昆弟，請罷長沙兩將軍，朕以王書罷將軍

博陽侯，親昆弟在真定者，已遣人存問，修治先人家

前者聞王發兵於邊，為寇災不止，當其時，長沙苦之，

南郡尤甚，雖王之國，庸獨利乎？必多殺士卒，傷良將

吏，寡人之妻，孤人之子，獨人父母，得一亡十，朕不忍

為也。朕欲定地，犬牙相入者，以問吏，吏曰：高皇帝所

以戒長沙土也。朕不得擅變焉。吏曰：得王之地，不足

以為大，得王之財，不足以為富，服嶺以南，王自治之，

雖然，王之號為帝，兩帝並立，亡一棄之使，以通其道，

韓苑瓊瑤 八卷一

十七

是爭也，爭而不讓，仁者不為也。願與王分棄前患，終

今以來，通使如故，故使賈馳論，賈告王朕意，王亦受

之，毋為寇災矣。

側室句，人所諱言。張敖夫據為忠信，行蠻貊之証，然亦要本領，乃見謙光，不然，縱極口貶損，徒見陋

耳。因其求諱而不全，則所罷止從其半，所有問止

在真定者，而不遂送歸之也。修治先家，又特出其

語，隱然有彈壓折衝之勢，而特不自表暴，不自憑

恃耳。德而寓威，作之所以心折也。豈專以柔異哉？

今二千石修職四月漢景帝
雕文刻鏤，傷農事者也。錦繡纂組，害女紅功者也。農

事傷則饑之本也。女紅害則寒之原也。夫饑寒並至，而能無為非者寡矣。朕親耕，后親桑，以奉宗廟。桑盛祭服，為天下先，不受獻，減太官。今光祿省徭賦欲天下務農蠶素有畜積以備災害，強毋攘弱，衆毋暴寡，老者以壽終，幼孤得遂長。今歲或不登，民食頗寡，其咎安在？或詐偽為吏，吏以貨賂為市，漁奪百姓，侵牟萬民。縣丞長吏也，奸法倚法與盜盜共盜，甚無謂也。其令二千石各修其職，不事官職耗亂者，丞相以聞，請其罪，布告天下，使明知朕意。

翰苑瓊瑤

卷一

十八

景帝不改孝文之恭儉，即此可見。

禁采黃金珠玉

漢景帝

農，天下之本也。黃金珠玉，饑不可食，寒不可衣，間歲或不登，意為末者衆，農民寡也。其令郡國務勸農桑，吏發民若取庸，役也，采黃金珠玉者，坐贓為盜，二千石聽者與同罪。

貴穀而不寶金玉，人君愛民之意若此。

詔獄疑獄

漢景帝

試者，人之大命，死者不可復生。朕甚閔焉，諸獄疑若

無文致于法，而于人心不厭者，輒獄之。

有司公明，當無疑獄可奏，若上下其手，則文致與否，何足據耶。

議不舉孝廉罪

漢武帝

公卿大夫所使總方畧，一統類，廣教化，美風俗也。夫本仁祖義，褒德錄賢，勸善刑暴，五帝三王所由昌也。朕夙興夜寐，嘉與宇內之士，臻于斯路，故旅賓耆老，復優孝敬，選豪俊，講文學，稽參政事，祈進民心，浚詔執事，興廉舉孝，庶幾成風，紹休聖緒。夫十室之邑，必有忠信，三人並行，厥有我師。今或至闔郡而不薦一

翰苑瓊瑤

卷一

十九

人，是化不下，究而積行之君子，壅于上聞也。二千石官長，紀綱人倫，將何以佐朕，燭幽隱，勸元元，厲厲丞庶，崇鄉鄰之訓哉！且進賢受上賞，蔽賢蒙顯，倖古之道也。其與中二千石、禮官博士議，不舉孝廉者罪。

吏秋亦可以敦教化矣。

下州郡求異才

漢武帝

蓋有非常之功，必待非常之人。故馬或奔踴而致千里，士或有負俗之累而立功名。夫泛駕之馬，跖音弛之士，亦在馭之而已。其令州縣察吏民有茂才異等

可爲將相及使絕域者

參寥數語而局調不凡

報公孫弘

漢武帝

君不幸罹霜露之疾何恙不已乃上書歸侯平津侯印乞骸骨是章朕之不德也今事少閒君其存精神止念慮輔助醫藥

優禮輔臣情義兼至

讓楊僕

漢武帝

將軍之功獨有破石門尋陘二地名時僕爲樓船將軍先克一地遂與伏波

翰苑瓊瑤

卷一

二十

將軍路博德俱進破番禺平南粵非有斬將奪旗之上告其矜功饒塞故敕責之掩過

實也受詔不至蘭池宮明問又不對假令將軍之吏問之不對今之不從其罪何如今東越溪入漢兵四

伐將軍能率衆以掩過不否

此數殊得取將之譽

諭羣臣

漢武帝

朕卽位以來所爲狂悖使天下愁苦不可追悔今事有傷害百姓糜費天下者悉罷之又曰向時爲方士所欺天下豈有仙人盡妖妄耳節食服藥差可少病

而已

帝寔英主幼乃失學自逞其才而晚年痛悔亦非大力者不能

棄輪臺

漢武帝

有司奏請遠田輪臺輪臺界西域欲起亭隧是擾勞天下非所以安民也朕不忍聞當今務在禁苛暴止擅賦力本農修馬復今以補闕毋乏武備而已

弘羊請遣卒田之以威西國時君方自訟前非而還欲達之弘羊可誅之矣

敕燕王

漢昭帝

王骨肉至親敵也吾一體乃與他姓異族謀害社稷

翰苑瓊瑤

卷一

二十一

親其所疎疎其所親如使古人有知當何面目復奉齋時見高祖之廟乎

後上官桀父子與蓋長公主謀作亂殺光廢帝而迎立燕王燕王當亦未嘗預謀而爲其所累無以自明帝之詰責豈亦由光意乎

詔察計簿

漢宣帝

朕旣不明數申詔公卿大夫務行寬大順民所疾苦將欲配三王之隆明先帝之德也今吏或以不禁奸邪爲寬大縱釋有罪爲不苛或以酷惡爲能皆失其中奉詔宣化如此豈不謬哉方今天下少事徭役省

減兵革不動而民多貧賊盜不止其咎安在上計簿具文而已務爲欺謾以避其課御史察計簿疑非實者按之使真僞毋相亂

此便是帝綜核名實之大端

報張安世

漢宣帝

君先帝大臣明于治亂朕所不及得數問焉何感而上書歸衛將軍富平侯印薄朕忘故非所望也願將軍強餐食近醫藥專精神以輔天年

賜東平王

漢元帝

翰苑瓊瑤

卷一

二十三

朕惟王之春秋方剛忽于道德意有所移忠言未納故臨遣太中大夫子驕諭意王其深思熟惟之

詞不迫而意已真至

罷初陵

漢元帝

安土重遷黎民之性骨肉相附人情所願也頃者有司緣臣子之義奏徙郡國民以奉園陵令百姓遠棄先祖墳墓破業失產親戚別離人懷思慕之心家有不安之意是以東垂被虐之害關中有無聊之民非長久之策也詩不云乎民亦勞止迄可小康惠此

中國以綏四方今所謂初陵者勿置縣邑使天下咸安土樂業亡有動搖之心布告天下令明知之

詞旨溫雅亦能恤民

敕有司申禁踰制

漢成帝

聖王明禮制以定尊卑異車服以章有德雖有其財而無其尊不得踰制故民興行上義而下利以義爲下方今世俗奢僭罔極公卿列侯親屬近臣四方所則未聞修身遵禮同心憂國者也或乃奢侈逸豫務廣第宅治園池多畜奴婢被服綺縠設鐘鼓備女樂車服嫁娶塋埋過制吏民慕效浸以成俗而欲望百姓節儉家給人足豈不難哉詩不云乎赫赫師尹民具爾瞻其申敕有司以漸禁之青綠民所常服且勿止列侯近臣各自省改司隸校尉察不變者

成帝因霸陵門闕災亦知崇儉禁奢然文景今行而成不行何也成帝嬖飛燕合德其飾宮並用金玉珠翠而欲貴近之臣不放尤以倡民得乎此篇吾取其文詞而已

報匡衡

漢成帝

君以道德修明位在三公先帝委政遂及朕躬君遵修法度勤勞王室今司隸校尉專妄詆欺加非于君

朕甚閔焉。方下有司問狀。君何疑而上書。歸侯乞骸骨。是章朕之不燭。燭。字用也。傳不云乎。禮義不愆。何恤人之言。君其察焉。專精神。近醫藥。強食自愛。

報張禹

漢成帝

朕以幼年視政。萬幾具失。其中君以道德為師。故委國政。君何疑而數乞骸骨。忽忘雅素。欲避流言。朕無聞焉。君其固心致思。總秉諸事。惟以孳孳。無違朕意。

以語優師保之道得矣。

慰賈復

時為都護將軍與五校賊戰創甚。

漢光武帝

翰苑瑣瑤

八卷一

二十四

我所以不令賈復別將者。為其輕敵也。果然失吾名將。聞其婦有孕。生女耶。我子娶之。生男耶。我女嫁之。不令其憂妻子也。

君臣之情愈于骨肉。

敕馮異

時命以偏將軍代鄧禹西征。

漢光武帝

三輔

光武時。馮異。遭王莽更始之亂。重以赤眉岑彭之酷。元元塗炭。無所依訴。將軍討諸不軌。降者遣其渠帥詣京師。散其小民。令就農桑。征伐非必掠地屠城。要在平定安集之耳。

遣王莽更始之亂。重以赤眉岑彭

之酷。元元塗炭。無所依訴。將軍討諸不軌。降者遣其

渠帥詣京師。散其小民。令就農桑。征伐非必掠地屠

城。要在平定安集之耳。

命將以仁天下。真王者之師哉。

與子陵

漢光武帝

古大有為之君。必有不召之臣。朕何敢臣子陵哉。惟此鴻業。若涉春冰。譬之瘡痍。須杖而行。若綺里。不少者。斯高皇。奈何子陵少朕也。箕山潁水之風。非朕之所敢望。

忘勢下賢之高誼。諷之不減軒皇空同之駕矣。

勞耿弇

漢光武帝

昔韓信破歷下以開基。今將軍攻祝阿而發迹。此皆

翰苑瑣瑤

八卷一

二十五

齊之西界。功足相方。而韓信襲擊已降。將軍獨拔勅

敵。其功又難于信也。將軍前在南陽。建此大策。弁請北收

上谷兵。定彭寵。于漁陽。取張豐于涿郡。常以為落落還收富平。獲索東攻張步。以平齊地。

難合。有志者事竟成也。

弁之功。如其志。帝之翰。賜其能。並卓犖千秋。

賜竇融璽書

漢光武帝

今益州有公孫子陽。天水有隗將軍。方蜀漢相攻。權在將軍。舉足左右。便有輕重。以此言之。欲相厚豈有量哉。欲遂立桓文。輔微國。當勉卒功業。欲三分鼎足。

連衡合從亦宜以時定今之議者必有任舊教尉能制七郡之計王者有分土無分民自適已事而已

報隗囂手札

漢光武帝

慕德樂義思相結納隔于盜賊聲聞不數將軍操執

款款扶傾救危南拒公孫之兵北禦匡胡之亂是以

馮異西征得以數千百人躡躅三輔自異處以歸功于囂今關

東寇賊往往屯聚志務廣遠多所不暇未能觀兵成

都與子陽角力願因將軍兵馬鼓旗相當倘肯如言

蒙天之福即智士計功割地之秋也自今以後手書

相聞勿用傍人解構之言

報臧宮馬武

漢光武帝

黃石公曰柔能制剛弱能制強柔者德也剛者賊也

弱者仁之助也強者怨之歸也故曰有德之君以樂

樂人無德之君以所樂樂身樂人者其樂長樂身者

不久而亡舍近謀遠者勞而無功舍遠謀近者逸而

有終逸政多忠臣勞政多亂人故曰務廣地者荒務

廣德者強有其者安貪人有者殘殘滅之政雖成

必敗今國家無害政災變不息百姓驚惶人不自保

而欲遠事邊外乎孔子曰吾恐季孫之憂不在顓臾且北狄尚強而傳聞之事恒多失實誠能舉天下之半以滅大寇豈非至願苟非其時不如息人

詳引具見德心

報博士范升

漢光武帝

自古明王聖主必有不賓之士伯夷叔齊不食周粟太原周黨徵不肯至至不肯謁不受朕祿亦各有志焉其賜帛四十匹罷之

初行養老禮詔

漢明帝

輪苑瑯瑤卷一

二十七

光武皇帝建三朝之禮明堂以享祀辟雍以習學靈臺以講武而未及

臨享眇眇小子屬當聖業間暮春吉辰初行大射今

月元日復踐辟雍尊事三老高年淹貫三才義者兄事五更高年

更聞五行事者安車輶輪供綏給受侯王設醬公卿饌珍朕

親袒割執爵而酌音允獻酌不辭之名祝哽在前祝嘏在後舊

在儀禮等詳升歌鹿鳴下管新宮斯干八佾具修萬舞

于庭前備古禮又朕固薄德何以克當易陳負蔡詩

刺彼已詩云彼已之永念慚疚無忘厥心三老李躬

年耆學明五更桓榮授朕尚書詩曰無德不報無言

不酬其賜爵關內侯、恤寡寡、惠幼孤、稱朕意焉。

漢去古未遠、先王遺化尚存、明帝之親、舉尊年、雅容禮樂、畧有彬彬三代之丰儀焉、雖大經云、詔語莊重典雅、絕無浮蔓氣。

手敕賜東平王蒼歸國

漢明帝

日者、問東平王處家何等最樂、王言為善最樂、其言甚大、辭別之後、獨坐不怡、因就車歸、伏軾而吟、瞻望永懷、實勞我心、誦及采菽、小雅篇言君子來朝何錫予之、又言君子來朝言觀其旗、終言其殿天子之邦、而同福祿也、以增嘆息、今送列侯印十九枚、諸王子年五歲以上、能趨拜者、皆帶之。

翰苑瑣瑁 卷一

二十八

王者賢、故帝待之亦厚。

卻館陶主為子求郎諭羣臣

漢明帝

郎官上應列宿、謂二十八宿、出宰百里、苟非其人、則民受其殃、是以難之。

一則不徇戚屬之請、一則不以天官私非其人、是卻有二美也。

與東平王蒼

漢章帝

骨肉天性、誠不以遠近為親疎、然數見顏色、情重昔時、念王久勞、思得還休、辭就、欲署大鴻臚、奏不忍下、筆顧授小黃門、使得出也、中心戀戀、惻然不能言。

親愛之意溢于言表

諭侍中曹褒

漢章明

諺言、作舍道旁、三年不成、議禮之家、名為聚訟、互生疑異、筆不得下、昔堯作大章、一夔足矣。

敕戒俗吏

漢章帝

夫俗吏矯飾外貌、似是而非、朕甚厭之、安靜之吏、悃悃無華、日計不足、月計有餘、如襄城令劉方、吏民同聲、謂之不煩、雖未有他異、斯亦殆近之矣、夫以苛為察、以刻為明、以輕為德、以重為威、四者或興、則下有

翰苑瑣瑁 卷一

二十九

怨心、其勉思舊令、稱朕意焉。

苛刻輕重四項、正是俗吏矯飾似是之實。

求直言

漢和帝

朕以眇末、承奉鴻烈、陰陽不和、水旱違度、濟河之役、凶殛流亡、而未獲忠言、至謀所以匡救之策、寤寐永歎、用思孔疚、惟官人不得于上、黎民不安于下、有司不念寬和、而競為苛刻、覆按不急、以妨民事、甚非所以上當天心、下齊元元也、思得忠良、以輔朕不逮、其令三公、中二千石、二千石、內郡守相、舉賢良方正能

直言極諫之士各一人。昭巖穴。披幽隱。遣詣公車。朕將悉聽焉。

咨諸葛孔明

漢昭烈帝

漢室傾頽。姦臣竊命。孤不度德量力。欲申大義于天下。而智術短淺。遂用猖獗。先生抱濟世之心。謂計將安出。

獻帝以來。炎祚幾新。扶之者孔明一人。昭烈仗義就謀。所由中興不替矣。

敕太子

漢昭烈帝

勉之勉之。勿以惡小而為之。勿以善小而不為。惟賢

翰苑瑣瑤

卷一

三十一

三五

惟德可以服人。汝父德薄。不足效也。汝與丞相謂孔明也從事。事之如父。

可謂能
詒謀者

敕諸葛武侯

漢後帝

街亭之役。咎由馬謖。而君引愆。深自貶抑。重違君意。聽順所守。前年耀師。馘音括斬王雙。今歲爰征。郭淮遁走。降集氏羌。興復二郡。威震凶暴。功勛顯然。方今天下騷擾。元惡未梟。君受大任。幹國之重。而久自挹損。非所以光揚先烈矣。今復丞相原秩。勿辭。

激發人心
當在此舉

與孟達

晉宣帝

將軍昔棄劉備。托身國家。國家委將軍以疆場之任。任將軍以圖蜀之事。可謂心貫白日。蜀人愚智。莫不切齒于將軍。諸葛亮欲相破。惟苦無路耳。棋郭之所言。非小事也。亮豈輕之。而今宜露。此殆易知耳。

按史。時達有反。覆謀。亮遣郭模過其仇。申備泄之。達恩而將舉兵。帝恐其速發。乃以書諭達。今觀其詞。不過給弄語耳。而意致斐然。達得書。遂大喜。詞之不可已也。如是。

訓太子

魏

晉景帝

翰苑瑣瑤

卷一

三十一

三

荆山之璞。雖美不琢。不成其實。顏冉之才。雖茂不學。不弘其量。仲尼有言。我非生而知之者。好古敏以求之者也。仰觀黃軒五代之主。莫不有所稟則。顯頃受學于綠圖。高辛問道于柏招。逮至周成。旦望作輔。故能離經辨志。安道樂業。夫然故君道明于上。兆庶順于下。刑措之隆。寔由于此。宜遵先王下問之義。使講誦之業。屢聞于聽。典謨之言。寔陳于側也。

與許允

晉景帝

鎮北雖少事。而都典一方。念足下震華鼓。建朱節。歷

本州此所謂着繡夜行也。

健秀可補

與王基

晉文帝

初議者云云求移者甚衆時未臨履亦謂宜然將軍
淡算利害獨秉固志上速詔命下拒衆議終至制敵
擒賊雖古人所述不是過也

推美之詞出以雅致

答魏舒

晉武帝

可散愁養氣更增滋味仍給陽燧四望窓戶車庶出

翰苑瑣瑤 八卷一

三十三

入觀望或足散憂也

答劉琨

晉元帝

豺狼肆毒存覆社稷億兆顛顛延首罔繫是以居于
王位以荅天下庶以克復聖主掃蕩讐耻豈可猥當
隆極此孤之至誠著于遐邇者也公受奕世之寵極
人臣之位忠允義誠精感天地實賴遠謀共濟艱難
南北迤邐同契一致萬里之外心存咫尺公其撫華
戎致罰醜類動靜以聞

大得語命之體而委曲有味

與溫嶠

晉明帝

痛謝琨未絕于口世將復至于此並盛年雋才不遂
其志痛切于心廩丁明古多通琨遠有雅致其言雖
未足令人改聽然味之不倦近未易有也相視如何

淡情厚致言表可挹

答殷浩

晉簡文帝

屬當厄運危弊理盡誠賴時有其才不復遠求版築
足下沉識淹長思綜通練起而明之足以經濟若復
淡存挹退苟遂本懷吾恐天下之事於此去矣今紘

翰苑瑣瑤 八卷一

三十三

領不振晉網不綱願蹈東海復可得耶由此言之足
下去就即是時之興廢時之興廢則國家不異足下
私思之靜算之亦將有以淡鑒可否望必廢本懷率
羣情也

可稱都雅流利

問慧遠

晉安帝

陽中感懷知所患未佳甚情耿去月發江陵在道多
諸惡情遲兼常常即與常之意本與經過相見法師
養素山林人所患未痊邈無復因增其嘆恨

下有司

南 宋高祖

吾參大寵恩延賢彥而兔冒潛處考槃未臻兔冒考槃指才

賢而隱者見詩側席丘園良增虛佇南陽宗炳鴈門續之並

植操幽栖無悶巾褐可下辟召以禮屈之

與魏世祖

宋文帝

自頃歲成民阜朝野無虞春末當巡吳會以盡遊豫臨滄海揆禹穴陟姑胥之臺搜長洲之苑舟楫雖盛寡于良駒想能惠以逸足

未知于周之文穆何如但其詞亦自是有烟霞氣

翰苑瑣瑁

卷一

三十四

與王玄謨

宋武帝

聞因敗爲功臂上金鎗得非金印之徵也

與崔思祖

南 齊高祖

不食周粟而食周薇古猶發議在今寧得息談耶聊

以爲笑

示世祖

齊高祖

汝既入朝當須文武兼資人與汝意合者委以後事

世隆其人也所示可用爲柳世隆

與王延之

齊世祖

阮韜言卿未嘗有別意當由劉家月旦耶

與昭興王

南 梁高祖

蕭子雲書筆力勁駿心手相映巧踰杜度漢人草書之祖美

過崔寔或疑作瑗當與元常鍾繇字並驅爭先

賜何點手書

梁高祖

昔因多暇得訪逸軌坐修竹臨清池念今語古何其樂也暫別丘園十有四載人事艱阻亦何可言自應運在天每思相見密邇物色勞甚山阿嚴光排九重

踐九等談天人敘故舊有所不臣何傷於高今賜鹿

翰苑瑣瑁

卷一

三十五

皮巾等後數日望能入也時何點與弟何求同隱今吳中何山乃其所居之地

與明山賓

昭明太子

明祭酒雖出撫大藩擁旄推轂珥金拖紫而恒事屢

空聞構宇未成今送薄助

與虞荔

南 陳高祖

君東南有美聲譽洽聞自應翰飛京許共康時弊而刻迹丘園保茲獨善豈使稱空谷之望耶惟遲待披

構在于茲日

賜王慧龍

北 魏世祖

義隆主畏將軍如虎額相中害朕自知之風塵之言不足介意也

論羣臣

魏顯祖

滯獄誠非善治不猶愈于倉猝而濫乎夫人憂苦則思善故智者以囹圄爲福堂朕特苦之欲其改悔而加矜恕耳

論陸叡

魏高祖

北人每言北俗質魯何由知書朕聞之深用憮然今知書者甚衆豈皆聖人顧學與不學爾朕修百官與

翰苑瓊瑤

卷一

三十六

三十五

戒咸陽王禧等

魏高祖

汝等國之至親皆幼年任重三都折獄特宜用心夫未能操刀而使割錦非傷錦之尤實授刀之責皆可修身慎行勿有乖爽

賜王肅

魏高祖

不見君子中心如醉一日三歲我勞如何飾館華林拂席相待卿欲以何日發一憤也

賜太子手書

北周太祖

汝清規懋賞與白雲俱潔朕榮舍紱以松竹爲心吾少與綢繆每請朝纓恬真丘壑吾以長器之重未忍遠離何容仍屈素業長嬰世網百年之後謂已聽其辭蟬舍冕遂其冲逸之性也

賜公卿

周太祖

蘇尚書名平生謙退敦尚儉約吾欲全其素志便恐悠悠之徒有所未達如其厚加贈謚又乖宿昔相知之道進退惟谷孤有疑焉

翰苑瓊瑤

卷一

三十七

三十九

札都督李遠

周太祖

昔李將軍廣親有此事公今復爾可謂世載其德雖熊渠之名不能獨擅其美李廣遠獵見鹿蒲中一石寸餘因其事類李廣而又同姓故云世載其德熊渠子古之射石沒羽者

與行臺王思政

周太祖

崔宣猷智畧明瞻有應變之才若有所疑宜與量其可否

勞元英

周明帝

知公摧鯨敵威震南海江浦無塵三楚捲壘埃聲被

荒隅同軌斯始公私慶慰良副朕懷便當承威藉澤長驅吳會翦拉遺燼截彼東南

賜源雄

隋高祖

知執撫謙

一作謙

請歸初服恭膺寶令實賴元功方欲

委衷

厚任喻

寄以分陝

周召

何容便請高蹈獨爲君子

乎若以邊境務煩卽宜徙節經郡養德卧治也

賜賀若弼

隋高祖

申國威于萬里宣朝化于一隅使東南之民俱出湯火數百年寇旬日廓清皆公之功也高名塞于宇宙

翰苑瓊瑤

卷一

三十九

盛業光于天壤逖聽前古罕聞其匹班師凱入誠知非遠思見之急寸陰若歲

與史祥

隋煬帝

將軍總戎塞表胡虜清塵秣馬休兵猶事較獵足使李席慚勇魏尚愧能冠彼二賢獨在吾子昔予濫舉推轂治兵于時同行軍旅契闊戎旃望龍城而衝冠盼狼居而發憤將軍英圖不世猛氣無前但物不恆懷俛仰不遂每一思此我勞如何

與徐則

隋煬帝

先生履德養空宗玄齊物深明義味曉達法門悅性

冲玄怡神虛白餐松餌朮栖息煙霞藉甚嘉猷有勞

寤寐欽承雅道久積虛懷昔商山四皓輕舉漢延淮

南八公來儀藩邸古今雖異山谷不殊市朝之隱前

賢已說導凡入聖非先生而誰故遣使人往彼延請

希能屈已佇望披雲

凡帝王實德之貴而非誇文之尚故德文兼者尚矣與其不兼則寧推尊少文無寧文而不德煬帝

之文如鳩鳥之毒而文其毛也如龍魚之暴而文其甲也何足取哉不足取而存之以彼龍章鳳彩

相形耳

翰苑瓊瑤

卷一

三十九

賜李襲志

唐高祖

卿朕之宗姓情異于常家弟姪並立誠效公又分遣

首領申諭諸州情深奉國每所嘉嘆不能已已令並

入屬籍著于宗姓

諭侍臣

唐太宗

治國如治病病雖愈尤宜將護倘遽自放縱病復作則不可揀矣今中國幸安四夷俱服誠自古所希然朕日慎一日惟思不終故欲數聞卿等諫爭也

求言若渴貞觀開元所以爲唐之盛也

十漸疏聞報魏徵

唐太宗

朕今知過矣願改之以終善道以乃所上疏列爲屏障庶朝夕見之兼錄付史官使萬世知君臣之義

賜魏王泰

唐太宗

虞世南於我猶一體也拾遺補闕無日暫忘實當代名臣人倫準的今其云亡東觀石渠之中無復人矣痛惜豈可言耶

賜褚亮

唐太宗

昔年師旅卿常入幕今辰選伐遂已懸車倏忽之間

翰苑瓊瑤

卷一

甲

移三十載眷念疇昔我勞如何今將遂良亮東行想公于朕不惜一兒於膝下耳

報虞世南

時爲秘書少監上聖德論

唐太宗

卿論太高朕何敢擬上古但比近世差勝耳然卿適睹其始未知其終若朕能慎終如始則此論可傳如或不然恐徒使後世笑卿也

史記聖德論不及蘊古大寶箴多矣太宗嫌聖德論之近諛而不能賞大寶箴之忠益至扼于諛而與也惜哉

諭房玄齡

唐太宗

朕以洛陽土中朝貢道均意欲便民故使管之今張玄素所言誠有理宜卽爲之罷役他日或以事至洛陽雖露居亦無傷也

示長孫無忌

唐太宗

今日吾生日世俗皆爲樂在朕翻成傷感今君臨天下富有四海而承歡膝下永不可得此子路所以有負米之恨也詩云哀哀父母生我劬勞柰何以劬勞之日更爲宴樂乎

不惟篤本抑且惜用君天下者正合爾爾

翰苑瓊瑤

卷一

四十一

手詔諭無忌慰太子

時無忌請誅志冲太子憂悸流涕

唐太宗

段志冲欲以匹夫解位天子朕若有罪是其直也若其無罪是其狂也譬如尺霧障天不虧于大寸陰點日何損于明

見此則無崇信奸回故斥師保之事矣

答張九齡

唐玄宗

頃賜扇聊以滌暑卿立賦之且見情素詞高理妙詳之久矣然佳彼勁翮方茲利用與夫棄捐篋笥義不

當也。勸勵、引、利用、扇之用也。佳彼者、謂、以、彼、為、佳、方、茲、謂、勸、方、以、此、利、用、為、用、也。造、詞、頗、新。

諭高力士

唐玄宗

朕任元之以庶政、大事當奏聞共議之、郎更卑秩、一以煩朕耶、

任韓休諭侍者

唐玄宗

吾貌雖瘦、天下必肥、蕭嵩奏事常順旨、既退、吾寢不安、韓休常力爭、既退、吾寢乃安、吾用休為社稷耳、非為身也

嘉平原太守奏事

唐玄宗

翰苑瑤瑤（卷一）朕不識顏真卿作何狀、乃能如是、

四十一

諭李泌

唐肅宗

艱難之際、不敢相屈以官、且衣紫以絕羣疑、時上與泌同出

民指目之云、黃衣者聖人、白衣者山人、

勞郭子儀

唐肅宗

朕之家國、由卿再造、再造二字見此

悼楊綰

唐代宗

天不欲朕致太平耶、何奪朕楊綰之速、

卻李錫慶雲圖

唐德宗

朕以時和年豐、為嘉祥、進賢顯忠、為良瑞、如慶雲、靈芝、珍禽、奇獸、怪草、異木、何益于人、布告天下、自今有此、毋得上獻、時有馴象、豹、狐、獬、雞、獬、犬、悉縱放之、

罪已詔

唐德宗

朕長于深宮之中、暗于經國之務、積習易溺、居安思危、不知稼穡之艱難、不恤征戎之勞苦、澤靡下究、情未上通、天譴于上、而朕不悟、人怨于下、而朕不知、馴致亂階、變興都邑、朱泚、李懷光萬品失序、九廟震驚、上累于祖宗、下負于庶庶、痛心覲貌、罪實在予、自今中外

翰苑瑤瑤（卷一）

四十一

所上書奏、不得更言聖神文武之號、其所加稅權之類、悉行停罷、大赦天下

此三代以後之桑林禱也、

戒宣慰使鄭敬

唐憲宗

朕宮中、用帛一匹、皆籍其數、惟周救百姓、則不計費、卿輩宜識此意、勿效潘孟陽、飲酒遊山而已、

延英殿諭宰相

唐憲宗

朕入宮中、所與處者、獨宮人宦官耳、故樂與卿等共談、為理之要、雖暑、殊不倦也、

此乃人君澄心厲治之良謨若能常循此言矣憂治不克終乎

賜蕭俛

唐文宗

卿道冠時髦業高儒行留芳巖廊逸老林壑志不可奪情見乎詞鴻飛冥冥吟想增嘆

詰令狐綯

唐宣宗

朕以刺史多非其人爲百姓害故令毋得外徙必至京朝入面欲訪問其所施設知其優劣以行黜陟而詔命既行直廢格不用宰相可謂有權

漢武謂田蚡曰君除吏盡未吾亦欲除吏意相類

翰苑瑣瑣 卷一

諭宰相

周世宗

朕每思致治之方未得其要寢食不忘又吳蜀當并皆阻聲教未能混一宜命近臣著爲君難爲臣不易論及開邊策一篇朕將覽焉

據此論世宗乃大有爲之君

賑淮南饑諭臣

周世宗

民吾子也安有子倒懸而父不爲之解哉安在責其必償也

詔銷銅像鑄錢

周世宗

朕聞佛說以身世爲幻妄而以慈悲利人爲急使其真身尚在苟利于世猶不吝割截況此像豈其所惜哉

詔頒唐均田圖法

周世宗

此致治之本也王者之政自此始朕期以次大均天下之田預取元積圖法下頒使吏民先習知之

敕中書省貢舉官

宋太祖

造士之選匪樹私恩世祿之家宜敦素業如開黨與頗容竊吹文衡公器豈宜斯濫自今貢舉人凡關食

翰苑瑣瑣 卷一

祿之家委中書覆試

戒公主鋪翠襦

宋太祖

主家服此宮闈戚里必互相倣效京城翠羽價高四方小民逐利展轉販易傷生浸廣實汝之由汝生長富貴當念惜福豈可造此惡業之端

所謂仁人之言其利溥者與

敕曹彬

時命伐南唐

宋太祖

江南之事一以委卿切勿暴掠生民務廣威信使自歸順不須急擊也城陷之日慎毋殺俘設若困鬪則

李煜唐主一門不可加害朕今匣劍授卿副將而下不

用命者斬之時有懲于王全斌伐蜀事

論薛居正

宋太祖

古之爲君鮮能正心自致無過之地朕嘗夙夜畏思防非窒欲庶幾以德化人之義如唐太宗授人諫疏直詆其失豈若不爲之而使下無間言哉

論樞使王顯

宋太宗

卿世家本儒少遭兵亂失學今典機務無暇博覽羣書能熟讀軍戒三篇亦可免于面墻

翰苑瑣瑁卷一

聖本

詔求遺書

宋太宗

教化之本治亂之原苟無書籍何以取法募中外有以書來上者第奏帙之數等級優賜不願送官者借其本寫之

肅政之議至此悉灰矣當理庭相去

論張洎錢若水

宋太宗

學士之職清要貴重非他官可比朕嘗恨不得爲士之學古入官遭時得位紆朱拖紫足爲榮矣豈得不竭誠以報國乎

論輔臣

宋仁宗

天久不雨朕每焚香上禱于天昨夕忽聞雷起冠帶露立殿下須臾雨至再拜以謝方敢升階比欲下詔罪已又恐近于崇飾虛名不若夙夜精心密禱爲佳爾

具見敬天勤民之實

論歐陽修

宋仁宗

外人知杜衍衍爲平章兼樞使封還內降耶凡有求于朕每以衍不可告之而止者皆所封還也

翰苑瑣瑁卷一

聖七

衍能以封還爲忠帝能嘉其封還之忠可稱兩難

卻茹孝標獻芝草

宋仁宗

朕以豐年爲瑞賢臣爲寶至于草木蟲魚之異焉足尚哉免孝標罪戒天下勿獻

此與唐德宗卻李錫慶雲圖相類

並相文彥博富弼論臣

宋仁宗

古之命相或得諸夢卜今朕用二相人情如此豈不賢于夢卜哉制下士夫慶于朝民人忭于市帝聞之故云夢卜武丁得傳說文王遇呂牙故事

諭趙抃

抃為參知政事

宋神宗

聞卿匹馬入蜀、以一琴一鶴自隨、為治簡易、亦稱是乎、

諭司馬光

宋神宗

古之君子、或學而不文、

學而不文、如申培、袁固、

或文而不學、

不學如相如、王褒、

惟董仲舒、楊雄兼之、卿有文學、何辭為、時光

力辭翰林學士、

答岳飛

飛時上恢復疏

宋高宗

有臣如此、顧復何憂、進止之機、朕不中制、

諭范瑋

不卷一

聖八

此言也、所以先教中興、何至感憤而自憤耶

諭侍臣

宋高宗

頃陳公輔嘗諫朕學書、謂字畫不必甚留意、朕謂人之常情、必有所好、或喜田獵、或嗜酒色、以至其他玩好、朕自以學書賢于他好也、安國胡氏所解春秋、朕置之座右、率二十四日、讀一遍、

諭洪皓

宋高宗

卿忠貫日月、志不忘君、雖蘇武不能過、豈可捨朕去耶、

皓留金十五年還國、即未嘗去母

諭陳俊卿

宋孝宗

朕倚魏公

張浚

如長城、不容浮言搖奪、

賜張浚

宋孝宗

今日邊事、倚卿為重、不可畏人言而懷猶豫、時以符

還議和

諭左丞伯顏

元世祖

古之善取江南者、惟曹彬一人、汝能不殺、是吾曹彬也、

夷主嗜殺之性、而有不殺之心、亦自可尚

諭范瑋

不卷一

聖九

讓李孟

元仁宗

卿能盡力贊襄、

孟時為平章

使兆民乂安、庶幾天心克享、

至于秋成、尚未可必、今朕踐阼、曾未逾月、寧有物價頓減之理、此言非所賴也、

駁得是

古今翰苑瑣瑁卷之二目錄

周

周公

姓姬氏
名旦

留召公

訓魯公

祭

音再
名謀父

諷穆王

密母

諫密侯

芮良夫

翰苑瑣瑁

八卷二目錄

一

七

諫用榮公

召公虎

諫監謗

姜后

諫宣王晏朝

史伯

諷幽王

辛伯有

諫桓王

太子晉

諫壅川

魯

魯隱公

姓姬氏
名息姑

辭齊鄭

臧孫辰

遺魯君書

如齊告糴

申繻

翰苑瑣瑁

八卷二目錄

二

八

諫魯桓公偕夫人如齊

曹劌

對魯莊公

諫魯侯如齊觀社

柳下惠

姓展
名禽

授辭展喜卻齊師

叔孫豹

對晉行人

叔孫穆叔

荅范宣子

孟僖子

遺訓

孔夫子

名丘字仲尼

請魯定公

荅顏淵

冉求

名有

激季孫

晏圉

荅魯哀公

翰苑瓊瑤

八卷二目錄

三

全

季孫

名肥

使冉求弔于宋

季文子

季孫氏名行父

荅子服它

敬姜

訓子公父歇

諭季康子

魯共侯

名齊

諷魏惠君

魯仲連

齊

對齊安平君

斥魏新垣衍

鮑叔

姓姜氏名牙

告魯

薦管仲

管仲

名夷吾

薦五官

請救邢

荅楚子

辭王上卿享

麥丘人

三祝

翰苑瓊瑤

八卷二目錄

四

全

陳敬仲

姓田名完

辭齊卿

仲孫湫

省魯還對

桓公

姓姜氏名小白

對宰孔

輪扁

對齊侯讀書

鄒忌

諷威君

威君

下今國中

孫臏

計救趙

計救韓

孟嘗君

姓田
名文

請于父

馮驩

諫孟嘗君

蕭苑瑤

不卷二目錄

五

六

秦

百里奚

勸饒晉

伯樂

薦九方臯

又

秦孝公

姓渠
名梁

下今國中

秦昭王

名則一
名稷

遺楚懷王

約趙平原君

鬼谷子

與蘇秦張儀

蘇秦

報鬼谷師

與張儀

范雎

上昭王

薦蔡澤

蔡澤

諷范雎

李斯

蕭苑瑤

不卷二目錄

六

辭師荀卿

上秦始皇

語子李由

上二世

陳餘

遺章邯

張耳陳餘

策陳涉

太子扶蘇

諫坑儒

子嬰

諫殺蒙氏

蒯通

策武臣

晉

師服

諷晉穆侯之名子

樂共子

拒曲沃武公

史蘇

翰苑瓊瑤

卷二 目錄

七

憂晉亂

晉里克

諫使世子伐狄

荀息

請以璧馬賂虞

舅犯

勸勤王

止公子重耳

公子重耳

謝秦使

趙衰

舉元帥

胥臣

薦卻缺

卻缺

勸趙孟

范文子 名雙

戒趙武

止爭鄭

止戰楚

憂勝楚

翰苑瓊瑤

卷二 目錄

八

晉悼公 名周

飭諸大夫

祁奚

薦子祁午

魏絳

授僕人書

辭賜樂

韓獻子 名厥

戒趙武

伯宗之妻

戒夫

師曠

對悼公

范鞅

荅秦伯

樂盈

告靈王

舟人盍胥

對晉侯

翰苑瑣語

卷二 目錄

九

魏獻子

名茶

最賈辛

趙簡子

名鞅

示陽貨

趙襄子

名無恤

任王登舉士

聞捷荅侍臣

董褐

復命吳王

智國

一作

諷智伯瑤

御者王良

諷趙簡子

任章

啓魏桓子

吳

吳季子

名札

讓國

伍胥

名員

翰苑瑣語

卷二 目錄

十

對君夫差

楚

楚子

名三姓
羊名侶

諭世子恚少師慶

孫叔敖

對國是

巫臣

過莒諷緒城

楚子

使與師言

公孫圉

對趙簡子

遠啟疆

召魯昭公

莊姬

上楚王隱書

申包胥

與伍胥

告秦伯

藍尹亹

荅子西

燕

燕惠王

遺樂毅

與樂間書

魏

宋石

遺楚將書

范痤

與信陵君

吳起

對文侯

啓武侯

衛

衛武公

名和

求言

石碻

音勗

諫衛莊公

衛屠伯

告晉叔向

甯武子

名俞

盟國人

衛靈公

名元

謚公孫枝

子貢

姓端木
名賜

說吳太宰

對衛出公之使

鄭

祭仲

啓鄭伯

鄭世子 名也

辭齊昏荅人

又

扁鵲 名秦越人渤海鄆人

荅蔡桓侯

鄭公子 姓國名發

責子僑

鄭子產 姓國名僑

寓書范宣子

荅叔向

歸州田韓宣子

鄭豐哲

戒子段

鄭子羽 姓公孫名揮

辭楚使

鄭世叔 姓游名吉

歲趙簡子

荅范獻子

宋

正考父 孔子之祖

鼎銘

宋穆公 名和

還立兄 宣子公宣子

宋向戌

辭偃陽

宋昭公 名杵臼

悔過諭其御

宋公子 名御說

荅魯弔災

子罕 名虎

郤玉

越

范蠡

對君句踐

止越王許戰

辭榮于越

自齊遺文種書

虞

宮之奇

諫假途

又

號

號文公

勸籍田

史記

悼號之請土于神

邾

茅夷鴻

乞師于吳

新苑瑤

卷之二

目錄

十五

古今翰苑瑤琇卷之二

蜀都 楊慎選

浙姚 孫鑛評

吳郡 管珍校

周 魯 齊 秦 晉 吳 楚 燕 魏 衛

鄭 宋 越 虞 號 邾

留召公

節錄君奭篇

周公旦

君奭召公。天壽平格。保乂有殷。二句統指耆賢之佐

伊尹保衡太戊之有伊陟臣扈巫咸。今汝永念則有

祖乙之有巫賢武丁之有甘盤也。

卷之二

一

固命惟文王尚克修和有夏亦惟有若號叔有若閔

天有若散宜生有若太顛有若南宮括武王惟茲四

人號叔先辛故尚迪有祿後暨武王誕將天威咸劉

厥敵今在予小子旦若游大川予往暨汝奭其

濟我受命無疆惟休亦大惟艱告君乃猷裕我不以

後人迷

玩此書召公未嘗疑周公只周公留治洛而召公

獨相于朝若以寵利居成功故欲以老致政耳周

公歷引商周之同心輔國者以規之共濟遂留相終身焉

訓魯公

周公旦

我文王之爲子，武王之爲弟，今王之爲叔父，吾于天下不賤矣。然吾所執贄而見者十人，還贄而相見者三十人，貌執之士百餘人，欲言而請畢事者千餘人，于是僅得三士焉，以正吾身，定天下，人皆以我爲越。渝好士，故士至士至而後見物，見物然後知其是非之所在，戒之哉，汝其勿以魯驕人。

諷穆王

祭公謀父

祈招音詔，祈招武以之情，惜式昭德音，思我王度，式如玉，式如金，形形猶民之力，而無醉飽之心。

翰苑遺珠

卷二

二

是詩忠愛溢出，寓意無窮，聞者自應忻味。

諫密侯

時有三女奔之

密母

夫獸三爲羣，人三爲衆，女三爲衆，王田不掩羣，公行下衆，王御不參一族，同姓姊妹，夫衆美物也，衆美歸汝，而何德以堪之？王猶不堪，况爾小醜，備必亡。

諫用榮公

時厲王悅榮公

芮良夫

夫王人者，將導利而布之上下者也，使神人百物，無不得其極，猶日怵惕，思怨之來，今王而效專利，其可乎？匹夫專利，猶謂之盜，王而行之，其歸鮮矣。榮公若

用周必敗

諫監謗

時厲王任衛巫

召公虎

是障之也，防民之口，甚于防川，川壅而潰，傷人必多，是故爲川者，決之使導，爲民者，宣之使言，夫民慮之于心，而宣之于口，胡可壅也？若壅其口，其與能幾何？

王弗聽，召穆公之忠言，尋有衆之變。

諫宣王晏朝

姜后

妾不才，至使君王失禮而晏朝，以見君王之樂色而忘德也。夫苟樂也，必好奢，好奢必窮，樂是亂之所興。

翰苑遺珠

卷二

三

也，亂之興，自婢子始，敢請婢子之罪，惟君王之命。

諷幽王

史伯

今王好讒，慝暗昧，而近頑童窮固，去和而取同，夫和實生物，同則不繼，天奪之明，欲無敝得乎？夫號石父，讒諂巧從之人也，而立以爲卿士，與專同也，棄聘后，申而立內妾，好窮固也，侏儒戚施，寔御在側，十月云，仲允膳夫，聚子內史，驟惟近頑童也，周法不昭而婦言是行，用讒慝也，不建立卿士，而妖幸之試行，暗昧也是物所爲也，不可以久。

諫桓王 辛伯有
內寵並后外寵兩政嬖子匹嫡大都耦國亂之本也

諫壅川

太子晉

晉聞古之長民者不墮山不崇數不防川不實澤

其自是以民生有財用而死有所藏上下能相固以

待不虞古之聖王惟此之慎其興者必有夏呂之功

焉其廢者必有共鯀之敗焉今王將防關川以飾宮

是飾亂而佐闕也其無乃章禍且遇傷乎時發洛二水關將毀

王官王

翰苑瓊瑤

卷二

四

辭齊鄭

魯隱公

君謂許不共恭故從君討之許既伏其罪矣雖君有

命寡人弗敢與聞謂以許讓魯而辭之也

遺魯君書

臧孫辰

欽小器投諸台食獵犬組羊裘琴之合甚思之臧我

羊羊有母食我以桐魚冠纓不足帶有餘

揚用修云文仲使於齊齊人繫之獄故其書隱語以寄魯君也魯君不知而問其母其母解之云云云見列女傳○按齊繫獄文仲事不見正史辭亦類錢歌非八續之詞語以用修所集聊為存之

如齊告釋

臧孫辰

天災流行戾于敝邑饑饉薦降民羸幾卒大恩殄周

公大公謂魯公也之命祀職業之不共而獲戾不腆先君

之敝器也主敢告滯積以紓執事以救敝邑豈惟寡

君與二三臣實受君賜其周公及羣神祇永享賴之

諫魯桓公偕夫人如齊

申繻

女有家男有室無相瀆也謂之有禮易此必敗

對魯莊公

曹劌

夫戰勇氣也一鼓作氣再而衰三而竭彼竭我盈故

克之夫大國難測也思有伏焉吾視其轍亂望其旗

翰苑瓊瑤

卷二

五

靡故逐之時長勺敗齊

諫魯侯如齊觀社

曹劌

天子祀上帝諸侯會之受命焉諸侯祀先王先公卿

大夫佐之受事焉不聞諸侯之相會祀也君舉必書

書而不法後嗣何觀

授辭展喜卻齊師

柳下惠

昔周公太公股肱周室夾輔成王成王勞之而賜之

盟曰世世子孫無相害也載在盟府太師職之桓公

是以糾合諸侯而謀其不協彌縫其失而匡救其災

昭舊職也。及君即位，諸侯之望曰：其率桓之功。我敝邑用不敢保聚。曰：豈其嗣世九年而廢命棄職，其若先君何？君必不然。

孝公侵魯，魯即與三軍以應之，未必能卻其鋒，而假惠一言以犄師，遂能退之，賢于三軍多矣。

對晉行人

叔孫豹

鹿鳴，君所以嘉寡君而成先君之好也，敢不拜嘉。四牡，君所以况使臣而章其勤也，敢不拜况。皇華，君教使臣曰：每懷靡及，諏謀度詢，必咨于周，敢不拜教。

荅范宣子

叔孫穆叔

翰苑瓊瑤

卷二

六

豹聞之，太上有立德，其次有立功，其次有立言，雖久不廢，此之謂不朽。若夫保姓受氏，以守宗祧，世不乏絕，無國無之，此祿之大者，不可謂不朽。

豹叔之言，三不朽也，便是千古不朽名言。

遺訓

孟僖子

禮人之幹也，無禮無以立。吾聞將有達者，孔丘，聖人之後也。聖謂仲武，仲武有言曰：聖人有明德者，若不當世，其祖弗父何，以宋讓厲公，及正考父，佐戴武宣，三命茲益共，至孔父嘉，死，忠于華督之亂，奔魯。其後必有達人，今其將在孔丘乎？我若獲沒，

必屬_{南宮}適_叔與何忌_于，於夫子使事之而學禮焉，以定其位。

請魯定公

時會齊于夾谷

孔夫子

臣聞有文事者必有武備，有武事者必有文備，古者諸侯出疆，必具官以從，請具左右司馬。

荅顏淵

孔夫子

汝徒知樂天知命之無憂，未知樂天知命有憂之大也。夫修一身，任窮達，知去來之非我，無變亂于心慮，爾所謂無憂也。向吾修詩書，正禮樂，將以治天下，貽

翰苑瓊瑤

卷二

七

來世，非但修一身治魯國而已，而魯之君臣日失其序，仁義益衰，情性益薄，此道不行，一國與當年其如天下與來世何矣？此樂天知命之所憂。

只此數語，可窺見聖人沉慮遠神。

激季孫

冉求

政在季氏，當子之身，齊人伐魯，而不能戰，子之耻也，大不列于諸侯矣。

荅魯哀公

晏圍

古之謂莫三人而迷者，一人失之，二人得之，三人足

以爲衆矣。今魯國之羣臣以千百數一言于季氏之私人數非不衆所言者一人也安得三哉

使冉求弔于宋

季孫

敝邑有社稷之事肥與有職競焉是以不得助執紼紼引也使求從與人與喪曰以肥之得備彌甥康子自稱以父之舅也有不腆先人之產馬使薦諸夫人元公夫人景曹之宰其可以稱旌繁馬言不必可也

荅子服宅

宅謂其上卿相三君矣姜不衣帛馬不食粟爲不華國

季文子

翰苑瓊瑤

卷二

八

吾觀國人其父兄之食粗而衣惡者猶多矣而我美妾與馬無乃非相人者乎且吾聞以德榮爲國華不聞以妾與馬

訓子公父歌

敬姜

魯其亡乎使童子備官而未之聞耶夫民勞則思思則善心生逸則淫淫則忘善忘善則惡心生沃土之民不才淫也瘠土之民莫不向義勞也吾冀而朝夕修我日必無廢先人爾今日胡不自安予思穆伯之絕祀也

要在兩日字敲打在承先業者設心上法

論季康子

敬姜

子弗聞乎天子及諸侯合民事于外朝合神事于內朝自卿以下合官職于外朝合家事于內朝寢門之內婦人治其業焉上下同之夫外朝子將業君之官職焉內朝子將庀治也季氏之政焉皆非吾所敢言也

諷魏惠君

時君解魯宋衛鄭諸侯于范臺

魯共侯

昔帝女令儀狄作酒而美進之禹禹飲而甘之遂疏儀狄絕國酒曰後世必有以酒亡其國者齊桓公夜

翰苑瓊瑤

卷二

九

半不噍易牙乃煎熬燔炙和調五味而進之桓公飲之曰後世必有以味亡其國者晉文公得南之威三日不聽朝遂推南之威而遠之曰後世必有以色亡其國者楚莊王登強臺而望崩山左江而右湖以臨彷徨其樂忘死遂盟強臺而弗登曰後世必有以高臺陂池亡其國者今主君之尊儀狄之酒也主君之味易牙之調也左白台而右間須南威之美也前夾林而後蘭臺強臺之樂也有一于此足以亡國今主君兼此四者可無戒歟

不獨文美而規鑒其正
八主宜括之爲坐右銘

對齊安平君

仲連

將軍之在即墨坐則織黃立則仗鉞爲士卒倡當此之時將軍有死之心士卒無生之氣莫不揮泣奮臂而欲戰此所以破燕也今將軍東有夜邑之奉西有淄上之娛黃金橫帶而騁乎淄澠之間有生之樂無死之心所以不勝也

斥魏新垣衍

時趙說
趙帝秦

仲連

彼秦者棄禮義而上首功以人首爲功之國也權使其士

韓苑瓊瑤

卷二

十一

虜使其民彼即肆然而爲帝則連有蹈東海而死耳不願爲之民也且梁未覩秦稱帝之害也昔者紂爲

帝醢鬼一作九

侯脯鄂侯

拘文王而欲令之死曷爲並

爲君王而卒就烹醢之地乎齊閔王欲行天子之禮

于鄒魯鄒人將伏劍魯人投其鎗不果納今秦萬乘

之國梁亦萬乘之國賭其一戰而勝勝趙欲從而帝

之是使三晉大臣不如鄒魯之僕妾也且秦無已而

帝則且變易諸侯之大臣奪所憎予所愛又將使子

女讒妾爲諸侯妃姬梁王安得晏然而已乎而將軍

又何以得故寵乎

強秦氣吞六國魯連子
之浩氣又併吞三秦

告魯

鮑叔

子糾親也請君討之管召讐也請受而甘心焉

薦管仲

鮑叔

君若加惠于臣使不凍餒君之賜也若必治國家則

非臣之能也其管夷吾乎臣所不若夷吾者五寬惠

柔民弗若也治國家不失其柄弗若也忠信可結于

百姓弗若也制禮義可法于四方弗若也執桴鼓立

韓苑瓊瑤

卷二

十一

于軍門使三軍加勇焉弗若也夷吾治于高俛使相

可也

薦五官

管仲

下察于辭清潔于貨夷吾不如弦商一作賓請立以

爲大理刑官登降肅讓以明禮待賓臣不如隰朋請立

以爲大行儀官墾草仞邑辟地生粟臣不如甯戚請以

爲大田農官三軍旣成陳使士視死如歸臣不如公子

成父音甫請以爲大司馬兵官犯顏直諫臣不如東郭牙

鮑叔牙請立以爲諫臣言官治齊此五子足矣將欲霸

王夷吾在此

請救邢

時狄寇邢

管仲

戎狄豺狼不可厭也。諸夏親昵不可棄也。宴安酖毒不可懷也。詩云：豈不懷歸？畏此簡書。簡書同惡相鄰之謂也。請救邢以從簡書。

答楚子

管仲

昔召康公命我先君太公五侯九伯汝寔征之。以來輔周室，賜我先君履，東至于海，西至于河，南至于穆陵，北至于無棣。爾貢包茅，楚職貢曰：不入王祭，縮酒。

翰苑瓊瑤 卷二

十一

不供寡人是徵。昭王南征不復，寡人是問。

辭王上卿享

管仲

臣賤有司也。有天子之二守國高國氏高氏齊之貴卿在，若節

春秋來承王命，何以禮焉？陪臣敢辭。

桓之嚴天威而下拜，登受仲之辭上享，而受下卿之禮，是君子之所取節者。

三祝

麥丘人

祝主君甚壽，金玉是賤，人為寶。祝主君無羞學，無惡下問。賢者在傍，諫者得人。祝主君無得罪于羣臣百姓。時桓公善其一二而憐云云。臣聞子得罪于父，可因姑其三，邑人拜而起云云。

姊妹謝也。父乃赦之，臣得罪于君，可因左右而謝也。君能赦之，昔者桀紂得罪于臣，民至今未有為謝也。願君熟之。

辭齊卿

于是命為工正

陳敬仲

羈旅之臣，幸若獲宥，及于寬政，赦其不閑于教訓，而免于罪戾，弛于負擔，君之惠也。所獲多矣，敢辱高位，以速官謗，請以死告。

省魯還對

時閔公見弒

仲孫湫

魯猶東周禮，臣聞之，國將亡，本必先顛，而後枝葉從

翰苑瓊瑤 卷二

十三

之。魯不去周禮，未可動也。君其務寧魯難而親之。

世稱齊桓存亡三國，邢衛及魯，故之對，其惠魯也實多。

對宰孔

時孔以王命賜昨，令無下拜。

齊桓公

天威不遠，顏咫尺，小白桓公名余敢貪天子之命，無下

拜，恐隕越于下，以遺天子羞，敢不下拜。

對齊侯讀書

輪扁

臣也，以臣之事觀焉，斲輪徐則甘而不固，疾則苦而不入，不疾不徐得之于心而應之于手，口不能言，有數存焉于其間，臣不能以喻臣之子，臣之子亦不能

受之。于臣。是以行年七十而老。斷輪。古之人既與其不可傳者死矣。然則君之所讀者。其古人之糟粕矣。夫。

諷威君

鄒忌

臣誠不如城北徐公美。臣之妻私臣。臣之妾畏臣。臣之客欲有求于臣。皆以美于徐公。今齊地方千里。百二十城。宮婦左右。莫不私君。朝廷之臣。莫不畏君。四境之內。莫不有求于君。由此觀之。君之蔽甚矣。

鄉生善諷而威君亦能勇于受諷

翰苑瓊瑤

卷二

十四

下令國中

齊威君

羣臣吏民能面刺寡人之過者。受上賞。上書諫寡人者。受中賞。能諺議于市朝聞寡人之耳者。受下賞。

有此三賞之令齊之所以勃盛

計救趙

時田忌欲趨趙

孫臏

理紛者不控拳。救關者不搏戟。批亢擣虛。形格勢禁。則自為解耳。今梁之輕兵銳卒。竭于外。而老弱疲于內。若引兵疾走其都。彼必釋趙而自救。是我一舉解趙之圍。而收弊于魏也。

計救韓

時韓又告急

孫臏

將軍田欲速。臣計韓魏之兵未敵而救之。是代韓受魏兵。顧反聽命于韓也。不如姑徐以淡結韓之親。而晚承魏之弊。則可以受重利而得尊名。

請于父

請郭君

孟嘗君

父聞將門必有將。相門必有相。今君后宮蹈綺縠。而士不得短褐。僕妾餘粱肉。而士不厭糟糠。今君又尚厚積餘藏。欲以遺所不知何人。父嘗問。玄孫之孫。為而忘公家之事。日損文竊怪之。

翰苑瓊瑤

卷二

十五

自是主家庭客

諫孟嘗君

馮驩

生者有死。物之必至也。富貴多士。貧賤寡交。事之固然也。君獨不見夫朝趨市者乎。明旦側肩爭門而入。日暮之後。過者掉臂不顧。非好朝而惡暮。所期物忘其中。今君失位。賓客皆去。不足以怨士而徒絕賓客之路。願君遇客如故。

勸餽晉

百里奚

天災流行。國家代有。救災卹鄰。道也。行道有福。時晉告

薦九方臯時秦穆公欲求馬

伯樂

良馬可以形容筋骨相也。天下之馬者，若滅若沒，絕塵靡轍，臣老矣，臣之子皆下材，不辨此也。臣有所與共擔繆薪采者，九方臯，請見之。

又

伯樂

一至此乎，臯之所觀天機也，得其精而忘其粗，見其所見而遺其所不見，若臯之相馬，乃有貴乎馬者也。
時公使求馬，三月而反，問之曰：「在沙丘，牝而黃，及取之，則牡而驥，公病其物色牝牡，尚不能知。」

下令國中

秦孝公

韓苑瑯瑤

卷二

十六

昔我穆公，自岐雍之間，修德行武，東平晉亂，以河為界，西伯戎翟，廣地千里，天子致伯，諸侯畢賀，為後世開業，甚光美。會麗蹊簡公出子凡四之不寧，國家內憂，未遑外事，三晉攻奪我河西地，醜莫大焉。獻公即位，鎮撫邊境，徙治櫟陽，且欲東復穆公之故地，修穆公之政令，寡人思念先君之意，常痛于心，賓客羣臣，有能出奇計強秦者，吾且尊官，與之分土。

文甚蒼勁，無一字閒散

遺楚懷王

秦昭王

始寡人與王約為兄弟，盟于黃棘，太子入質，至驪也。太子陵殺寡人之重臣，不謝而亡，去，寡人誠不勝忿，使兵侵王之邊。今聞君王乃令太子質于齊以求平，寡人與楚接境，昏因相親，而今秦楚不驩，驩與前至，則無以令諸侯，寡人願與君王會武關，面相約，結盟而去，寡人之願也。

約字謂字亦與前應

約趙平原君

秦昭王

寡人聞君之高誼，願與為布衣之交，君幸過寡人，寡人願與君為十日之飲。

人願與君為十日之飲

只言交飲，則願而文勢轉峭有致

與蘇秦張儀

鬼谷子

二足下，功名赫赫，共國，今以二足下並稱，恐後人罵作，但春華至秋，不得久茂，今二子好朝露之榮，忽長世之功，輕喬松王喬松之永延，貴一旦之浮爵，夫女愛不極，故席男懼不畢輪，痛哉。

報鬼谷師

蘇秦

秦學道十年，去而擊劍，貂衣黧黑，此心未灰，竊慕古

周遊列國，慄慄有負于明時也。

與張儀

蘇秦

大丈夫取功名，豈必需人而立鷹隼，舉翮風雲自生。何至作鵲鵲尾，向人憐也。竊爲足下羞之。

得時人，會做豪氣語，當秦西歸時，亦能舉翮生風雲，不向人憐否。

上昭王

范雎

臣聞周有砥礪，宋有結綠，梁有懸黎，楚有和璞，此四寶者，土之所生，良工之所失也，而爲天下名器。然則世主或作聖王誤之所棄者，獨不足以厚國家乎？良豈知

翰苑遺珠

卷二

十八

病人之死生，而聖王明于成敗之事，利則行之，害則舍之，疑則少嘗之。雖舜禹復生，弗能改已。語之至者，臣不敢載之于書，其淺者又不足聽也。意者臣愚而不概于王心耶？亡其言臣者賤，而不足用乎？自非然者，臣願少賜游觀之間，望見顏色，一語無效，請伏斧質。

薦蔡澤

范雎

客新有從山東來者，曰蔡澤，其人辨士，明于三王之事，五伯之業，世俗之變，足以寄秦國之政，臣之見人

甚衆，莫及臣不如也。臣敢以聞。

諷范雎

蔡澤

夫四時之序，成功者去，今君之怨已讐，而德已報，意欲至矣，而無變計，竊爲君不取也。君獨不觀夫博者乎？或欲大投，或欲分功，君之相秦，計不下席，謀不出廊廟，坐制諸侯，利施三川，以實宜陽，決羊腸之險，塞太行之道，又斬范中行之塗，六國不得合從，棧道千里，通于蜀漢，秦之欲得矣。君之功極矣，此亦君或作秦誤之分功之時也。書曰：成功之下，不可久處。商君、白公

翰苑遺珠

卷二

十九

吳起、大夫種、四子之禍，君何居焉？君何不以此時歸相印，讓賢者而授之，退而巖居川觀，必有伯夷之廉，長爲應侯，世世稱孤，而有喬松之壽，孰與以禍終哉？

辭師荀卿

李斯

斯聞得時無怠，今萬乘方爭，時游者主事，今秦王欲吞天下，稱帝而治，此布衣馳騁之時，而游說者之秋也。故斯將西說秦王矣。

上秦始皇

李斯

胥人謂庸衆人，非謂吏胥者，去其幾謂幾失也，成大功者，在因

環。纍。而。遂。忍。之。忍有沉雄大氣昔穆公之霸，諸侯尚衆，周德未衰，故五伯迭興，更尊周室。自孝公以來，周室卑微，諸侯相兼，關東爲六國，秦之棄勝役諸侯，六世矣。今諸侯服秦，譬若郡縣，夫以秦之強大王之賢，由通竄上，騷除喻掃諸侯，足以滅諸侯，成帝業爲天下一統。此萬世之一時也。今怠而不急就，諸侯復強，相聚約，從雖有黃帝之賢，不能并也。

李斯恐人故開口便說一恐字，由竄上騷除，便是實行恐事，秦王亦恐人，宜其策之相投矣。

語子李由

李斯

韓延壽

卷二

二十

嗟乎，吾聞之荀卿曰：物禁太盛。夫斯上蔡布衣，閭巷之黥首，上不知其驚下，遂擢至此。當今人臣之位，無居斯上者，可謂富貴極矣。物極則衰，吾未知所稅駕也。時以三川守告歸。

上二世

李斯

臣聞臣疑其君，無不危國；妾疑其夫，無不危家。今有臣于陛下，擅利擅害，無異陛下，此甚不便。兼行田常子罕之逆道，而劫陛下之威信，其志若韓玘爲韓安相也。陛下不圖，臣恐其爲變也。

遺章邯

陳餘

白起爲秦將，南并鄢郢，北坑馬服，趙攻城畧地，不可勝計，而竟賜死，蒙恬爲秦將，北逐戎人，開榆中地數千里，竟斬陽周，何者？功多，秦不能盡封，因以法誅之。今將軍爲秦將，三歲矣，所亡失已十萬數，而諸侯並起，滋益多，彼趙高素諛日久，今事急，亦恐二世誅之，故欲以法誅將軍，以塞責，使人更代將軍，以脫其禍。夫將軍居外久，多內怨，通有功亦誅，無功亦誅，且天下之亡秦，無愚智皆知之。今將軍內不能直諫，外爲天下國將，孤特獨立，而欲長存，豈不哀哉？將軍何不還通兵，與諸侯爲從，約共攻秦，分王其地，南面稱孤，此就與身伏斧質，妻子爲僇乎。

策陳涉

張耳陳餘

秦爲無道，暴虐百姓，將軍瞋目張膽，出萬死不顧一生之計，爲天下除殘也。今始至陳而王之，示天下私，願將軍勿自王，急引兵而西，遣人立六國後，自爲樹黨，爲秦益敵也。敵多則力分，與衆則兵強，誅暴秦，據咸陽，以令諸侯，諸侯亡而得立，以德服之，如此，則帝

業成矣、

諫坑儒

太子扶蘇

諸生皆誦法孔子。今上以重法繩之。恐天下不安。

諫殺蒙氏

時二世初立

子嬰

蒙氏秦之大臣。謀士。一旦棄之。而立無節行之人。是使羣臣不相信。而鬪士之意離也。

策武臣

蒯通

足下必將戰勝。然後畧地。攻得。然後下城。臣竊以爲過矣。誠聽臣之計。可不攻而降城。不戰而畧地。傳檄

翰苑瓊瑤

八卷二

二十三

而天下定可乎。今范陽令欲先天下降。畏君以秦吏誅。君何不齎臣侯印。令范陽令先下者也。燕趙城趙郊。使燕趙人見。皆曰。此范陽令先下者也。燕趙城可無戰而降也。此臣之所謂傳檄而千里定者也。

臣從其計。不戰而下三十餘城。

諷晉穆侯之名子

師服

異哉君之名子也。夫名以制義。義以出禮。禮以體政。政以正名。是以政成而民聽。易則生亂。嘉耦曰妃。怨偶曰仇。古之命也。今君命太子曰仇。弟曰成師。始兆

亂矣。兄其替乎、

成師之後爲曲沃。終至奪宗。如其言。

拒曲沃武公

樂共子

成聞之。民生于三事之如一。父生之。師教之。君食之。

非父不生。非食不長。非教不知。生之族也。故一視之。惟其所在。則致死焉。報生以死。報賜以力。人之道也。

臣敢以私利廢人之道。君何以訓矣。時嬖叔死忠。

憂晉亂

史蘇

吾聞伐木不自其本。必復生。塞水不自其原。必復流。

翰苑瓊瑤

八卷二

二十三

滅禍不自其基。必復亂。日君滅驪戎。以其女驪姬爲夫人。而又生男。亂本生矣。雖好色。必惡心。從其惡心。必敗國。且淡亂。亂必自女戎。

諫使世子伐狄

晉里克

太子奉冢祀社稷之粢盛。以朝夕視君膳者也。故曰冢子。君行。太子居。以監國。君行。太子從。以撫軍。古之制也。今君居。太子行。未有此也。夫帥師。專行謀。誓軍旅。君與執政之所圖也。非太子之事。師在制命而已。稟命則不威。專命則不孝。故君之嗣嫡。不可以帥師。

君其舍之

請以璧馬賂虞

荀息

彼不假吾道、必不敢受也。若受吾幣、而假吾道、是實猶取之內府、而藏之外府、是馬猶取之內廐、而著之外廐也。君勿憂。

勸勤王

時襄王以叔帶之亂、出居鄭。

舅犯

求諸侯、莫如勤王。諸侯信之、且大義也。繼文之業、義定武之功、公武啓土安疆、而信宣于諸侯、于是乎在。

止公子重耳

初時里克使人請入。

舅犯

翰苑瓊瑤

卷二

二十四

堅、堅、樹在始、始不固本、終必槁落。夫長國者、惟知喜怒哀樂之節、足以導民、不哀喪而求國、則必樂喪、因亂以入。時齊卓子、再被弑、則必喜亂、是喜怒哀樂之節、易也。且偃聞喪、亂有、小大、父母死、為大喪。獻公、讒在兄弟、為大亂、時惠公、夷吾、今適當大喪、大亂之刻、主首喻也、是以難。

謝秦使

公子重耳

君惠弔亡也。臣、又重有命、恒于斯者、亡臣、父生不得備灑掃之役、死不得預哭泣之位、以重其罪、而何敢。

有他志、以辱君義

率元帥

趙衰

卻縠、音可、行年五十矣、守學彌惇、臣亟聞其言矣、說禮樂而敦詩書、夫先王之法志、德義之府也、夫德義生民之本也、君其試之。

薦卻缺

胥臣

舜之刑也、殛鯀、其舉也、與禹、管仲、桓之賊也、寔相以濟。缺父芮、臣過冀野、而見缺之敬也、相待如賓、夫敬德之聚也、恪于德、以立事、其何不濟、君請用之。

翰苑瓊瑤

卷二

二十五

胥臣之薦晉文之聽、皆能卓出常格。

勸趙孟

卻缺

日衛不睦、故取其地、今已睦矣、可以歸之、叛而不計、何以示威、服而不柔、何以示懷、非威非懷、何以示德、無德何以主盟、子為正卿、以主諸侯、而不務德、將若之何。

戒趙武

時文子始冠。

范文子

而、今可以戒矣、夫賢者、寵至而益戒、不肖者、為寵驕、故與王賞諫臣、逸王罰之、吾聞古之王者、德政既

成又聽于民于是使工誦諫于朝在列者獻詩使勿禁沮風禁沮臚言諺議于市有邪此德而正之盡戒之術也先王疾是驕也

止爭鄭

范文子

變聞之惟厚德者能受多福無德而服者衆必自傷也稱晉之德諸侯並叛可以少安得鄭憂滋長安用鄭

止戰楚

范文子

惟聖人能外內無患自非聖人外寧必有內憂患在

翰苑瓊瑤

卷二

二十一

外猶可救也疾自中起寔難盡釋楚以爲外患乎

山巨源之止晉
伐吳禍此意

憂勝楚

范文子

君幼弱諸臣不佞吾何福以及此吾聞之天道無親惟德是授吾庸知天之不授晉且以勸荆乎君與二三臣其戒之夫德福之基也無德而福隆猶無基而厚墉也其壞也無日矣

飭諸大夫

晉悼公

孤始願不及此謂人雖及此豈非天平抑人之有君

將稟命焉立而不從將安用君二三子用我今日否亦今日

薦子祁午

祁奚

諺曰擇臣惟君擇子惟父午之少也好學而不戲其長也柔惠小物而鎮定大事有直質而無沉心非義不變其可以賢于臣也

授僕人書

魏絳

日君乏使使人厠司馬臣聞師衆以順爲武軍事有死無犯爲敬君合諸侯臣敢不敬君師不武執事不

翰苑瓊瑤

卷二

二十一

敬罪莫大焉臣懼其死以及揚干

揚干悼公弟驪澤之會亂行于曲梁

終修無所逃罪不能致訓至于用鉞臣之罪重敢有不從以怒君心請歸死于司寇

辭賜樂

魏絳

夫和戎狄國之福也八年九合君之靈也二三子之勞也臣何力之有焉抑臣願君安其樂而思其終也書曰居安思危思則有備有備無患敢以此規

戒趙武

韓獻子

戒之哉此謂成人成人在始與善始與善善進善不

善。茂。由。至。矣。始。與。不。善。不。善。進。不。善。善。亦。茂。由。至。矣。
始字進字
根貫得緊

戒夫

伯宗之妻

妾聞陽子

陽處父時以方伯宗

華而不實主言而無謀故難及

其身人以方君君何喜焉夫盜憎主人民惡其上九
者君好直言必及于難盍索士以庇子乎

果爲三郤所構見殺子卽伯州犂得畢
陽送之逃楚伯宗之妻其賢明如此

對悼公

師曠

天生民而立之君使司牧之勿使失性有君而爲之

翰苑瓊瑤

卷二

二十八

貳使師保之勿使過度是故天子有公諸侯有卿卿

置側室

家宰曰室老

大夫有二宗陪臣士有朋友庶人工商

阜隸牧圉皆有親昵以相輔佐也善則宣之過則匡

之史爲書賢爲詩工誦箴諫大夫規誨士傳言庶人

諉商旅臚言于市百工獻藝諫失常也天之愛民甚

矣豈其使一人肆于民上以縱其淫而棄天地之性

必不然矣

荅秦伯

時晉大夫樂氏先云

范鞅

樂武子之德在民如周人之思召公焉愛其甘棠况

其子乎。壓死。盈之善未能及人貳子所施沒矣而壓
之怨實章將于是乎在

秦伯以爲知言蓋善言倚伏之幾前人之慶殃或
流于後人後人之慶殃或積自前人若當身而論
其美報則拘矣

告靈王

樂盈

天子陪臣盈得罪于王之守臣

謂晉侯

將逃罪罪重于

郊甸

時郊甸掠蔡氏

無所伏竄敢布其死

陳其罪狀

昔陪臣書祖

武能輸力于王室王施惠焉其子壓君前臣名不能

保任其父之勞大君若不棄書之力而思壓之罪臣

翰苑瓊瑤

卷二

二十九

僂餘也將歸死于尉氏不敢還矣敢布四體唯大君

命焉

對晉侯

時平公游于河

舟人盍胥

珠出江海玉出崑山無足而至者由主君之好也士

有足而不至亦主君不好士耳無患無士夫鴻鵠一

舉千里所恃者六翮耳背上之毛腹下之毳益一把

飛不加高損一把飛不爲下今君之食客門左門右

各千人亦有六翮在其中乎將皆背上之毛腹下之

毳耶

觀斯文也信斯人也晉之操舟者與齊之斷輪者匹休

最賈辛

魏獻子

昔叔向適鄭。驪明惡。驪欲觀叔向。從使之收器者往。立于堂下。一言而善。叔向聞之。曰。必驪明也。下執其手。以上。曰。子少不覲。子若無言。吾幾失子矣。言之不可以已也。如是。今汝有力于王室。吾是以舉汝行乎。敬之哉。毋墮乃力。

引處重一力字。勉處重一力字。

示陽貨

趙簡子

翰苑瓊瑤

卷二

三十一

夫樹橘柚者。食之則甘。嗅之則香。樹枳棘者。成而刺人。故君子慎所樹。

簡子以虎樹人被收。而教之慎。及已則納虎。豈以虎為猶柚耶。錄此以見君子不以言舉人。不以人廢言。

任王登舉士

時有問

趙襄子

我取登。為中既耳。而目之矣。登之所取。以中章晉已。皆又耳。而目之。是耳目人終無已也。

所謂勞于求賢。逸于任人。襄子得之矣。

聞捷答侍臣

時使新解荷伐。秋。取左人中人。

趙襄子

吾聞之。德不純而福祿並至。謂之幸。夫幸非福。夫江河之大也。不過三日。飄風驟雨。不終朝。日中。正當不須臾。今趙氏之德行。無所積。一朝而兩城下。中人。亡其及我哉。勝而受下。君子。予其善持勝。

復命吳王

時畢長黃池

董褐

曩君言。周室既卑。諸侯失禮。惟是晉密通天子。無所逃罪。用命孤。禮佐周公。以見我。一二兄弟之國。以休君憂。今君掩王東海。以淫名。聞于天子。君有短垣而自踰之。况蠻荊。則何有于周室。夫命圭有命。固

翰苑瓊瑤

卷二

三十二

曰。吳伯。不曰吳王。諸侯是以敢辭。君若無卑。天子以于其不祥。而曰吳公。孤敢不順從君命。

亦能正名于百一。片于管仲。有一觀之功。

諷智伯瑤

智國

一作

夏書云。一人三失。怨豈在明。周書曰。怨不在大。亦不在小。君子能勤小物。故無大患。今主一宴。而耻人之君相。侮其臣。又弗備曰。誰敢與難。夫誰不可喜。而誰不可惡。螭蟻蜂蠆。皆能害人。况君相乎。

扼要肯綮，在夫誰四句。
智伯少省，何至覆宗。

諷趙簡子

御者王良

昔先主文子，少繫于難，有孝德，以出在公族，有共德，以升在位，有武德，以羞進為正卿，即中有溫德，以成其名譽。景子長于公官，未及教訓，而嗣立矣，亦能纂修其身，以受先業，無謗于國。今吾子有文之典，刑有景之教訓，重之以師保，加之以父兄，子皆疎之，以及此難。夫尹鐸曰：思樂而喜，思難而懼。趙鞅先遭范中行，之難，命趙其人之道也，是以修之，曰：庶可以鑑而糾趙之故也。

翰苑瑣瑤

卷二

三十一

宗乎，若之何罰之。

啓魏桓子

時知伯索地，自韓及魏。

任章

無故索地，鄰國必惡，吾與之地，智伯必驕，彼驕而輕敵，此思而相親，以相親之兵，待輕敵之人，智氏之命，不長矣。且君何釋以天下圖智氏，而獨以吾國為智氏質射的乎。

前只散論，本兩句，極微策。

讓國

吳季子

曹宣公之卒也，諸侯與曹人不義曹君，以負弔將立

子臧，子臧去之，君子曰：能守節。今君諸義嗣也，誰敢奸君，有國非吾節也。札雖不才，願附于子臧，以無失節。

對君夫差

伍員

昔吾先王，世有輔弼之臣，以能遂疑計惡，疑而遂則則不陷于大難。今王播棄黎老，而孩童焉比謀，曰：余今而不違，夫不違乃違也。夫不違，亡之階也。夫天之所棄，必驟近其小喜，而遠其大憂。王若不得志于齊，而以覺悟王心，吳國猶世，而天祿亟至，以驕王志，是

翰苑瑣瑤

卷二

三十二

吳命之短也，員不忍見王之親為越禽也，請先死。

讀作應作鴟鴞，桑上觀，母第口可以鳩吳宗已也。

諭世子志少師慶

楚子

舍之。老君謂在前而不踰，少君謂在後而不豫，是國之寶臣也。時慶遂太子車之立茅門內。

對國是

孫叔敖

國之有是，眾所忌，一作也恐王不能定也。君驕士曰：士非我，無從富貴；士驕君曰：君非士，無從安存。人君或至失國而不悟，士或至饑寒而不進，君臣不合，則

國是無從定矣。

國是因時興義在君臣交孚而定之

過宮諷繕城

時魯

巫臣

夫狡焉思啟封疆以利社稷者何國蔑有唯然故多大國矣唯或思或縱也莒子謂解陋在夷其勇夫重閉况國乎

使與師言

時齊桓伐楚

楚子

君處北海寡人處南海惟是風馬牛費誓云馬牛其風謂以牝牡相逐不相及也不虞君之涉吾地也何故

韓苑瓊瑤

卷二

三十四

對趙簡子

公孫圉

楚之所寶曰觀射父能作訓詞以行事于諸侯使無以寡君爲口實謂言其失又有左史倚相能道訓典訓詞作之王之業此楚國之寶也若夫白珩先王之玩也何寶焉

敘述

召魯昭公

時楚成章華之臺

遠啟疆

昔先君成公命我先大夫嬰齊于吾不忘爾先君之

好將使衡父伯照臨楚國鎮撫其社稷以輯寧爾民

言將朝今君若步王趾辱見寡君寵靈楚國以信蜀

之役成公二年致君之嘉惠其先君鬼神實嘉賴之

豈唯寡君

上楚王隱書

莊姬

大魚失水有龍無尾牆欲內崩而王不視王問之對

離國五百里也龍無尾年三十無大子也牆崩不視禍將成而王不改也

揚升菴云按此皆叶韻

劉勰云文仲謬書於羊裘楚韓苑瓊瑤于龍尾指此二事也

韓苑瓊瑤

卷二

三十五

與伍胥

申包胥

子之報仇其已甚乎人衆者勝天天定亦能勝人子故平王之臣今至僂死人發吳豈其無天道之極乎

告秦伯

申包胥

吳爲封豕長蛇以薦食上國虐始于楚寡君越在草莽使下臣告急曰夷德無厭若鄰于君疆場之患也逮吳之未定君其取分焉若楚之遂亡君之土也若以君靈撫之世以事君

荅子西

藍尹聾

子患德政之不修、勿患吳矣。夫闔廬口不食嘉味耳、不樂逸聲、目不淫于色、身不懷于安、朝夕勤志恤民之羸、聞一善若驚、得一士若賞、是故得民以濟其志、令吾聞夫差音扶好疲民力以成私好、縱過而醫諫、音扶之宿臺榭陂池必成、六畜玩好必從、夫先自敗矣、焉能敗人。

登策吳之成敗如錐、高沙可謂長于料事。

遺樂毅

燕惠王

先王舉國而委將軍、將軍為燕破齊、報先王之讐、天

翰苑瑣瑤

卷二

三六

下莫不振動、寡人豈敢一日而忘將軍之功哉、會先

王棄羣臣、寡人新卽位、左右誤寡人、寡人之使騎劫

代人、為將軍久暴露于外、故召將軍且休計事、將軍

過聽、以與寡人有隙、遂捐燕而歸趙、將軍自為計亦

可矣、而亦何以報先王之所以遇將軍之意乎、

與樂間書

燕惠王

紂之時、箕子不用犯諫、不怠以冀其聽、而容不達身、祇辱焉、以冀其變、及民志不人、獄囚自出、然後二子退隱、故紂負桀暴之累、二子不失忠聖之名、何者、其

憂患之盡矣、今寡人雖愚、不若紂之暴也、燕民雖亂、不若殷之甚也、室有語不相盡、以告鄰里、二者寡人不為君取也、

遺楚將書

宋石

二君相當、兩旗相望、惟毋一戰、戰必不兩存、此乃兩主之事也、與子無有私怨也、善者、相避也、

與信陵君

范涇

夫趙魏敵戰之國也、趙王以咫尺之書來、而魏王輕為之、殺無罪之涇、涇雖不肖、故魏之免相也、常以魏

翰苑瑣瑤

卷二

三七

之故、得罪于趙、夫國無用臣、外雖得地、弗能守、然今

能守魏者、莫如君矣、王聽趙殺涇、強秦襲趙之欲、倍

趙之割、君將何以止之、

信陵君賢于王而免之、襲趙之欲、倍趙之割、此語有以淡中、信陵之畏矣、故免之、立國待臣有體、此開例。

對文侯

吳起

君能上賢、下不肖、則陳陣已定矣、君能民安田宅、而親有司、則守已固矣、百姓皆是吾君、而非鄰國、則戰已勝矣、

觀此知武畧總
不出于文治

啟武侯

吳起

昔楚莊王嘗罷朝而色憂申公問之王曰寡人聞世
不絕聖國不乏賢能得其師者王能得其友者伯今
寡人不才而羣臣莫及楚其殆矣此楚莊之所憂而
君悅之臣竊思之

求言

時年九十有五

衛武公

自卿以下至于師長士苟在朝者無謂我老耄而舍
我必恪恭朝夕以交戒我聞一二之言必誦志而納
之以訓道我

諫衛莊公

石

磻

音

臣聞愛子教之以義方弗納于邪驕奢淫佚所自邪
也四者之來寵祿過也夫寵而不驕驕而能降降而
不憾憾而能矜也賊者鮮矣

告晉叔向

衛屠伯

諸侯事晉未敢攜二况衛在君之宇下而敢有異志
芻蕘者異于他日敢請之

盟國人

甯武子

天禍衛國君臣不協以及此憂也今天誘其衷使皆
降心以相從也不有居者誰守社稷不有行者誰扞
牧圉用昭盟于爾大神以誘天衷自今日以往既盟
之後行者無保也其力居者無思其罪有渝此盟以
相及也明神先君是糾是殛

謚公叔枝

衛靈公

昔衛國有難夫子以其死衛寡人不亦貞乎衛國凶
饑夫子為粥與國之餓者不亦惠乎夫子聽衛之政
修其班制以與四鄰交社稷不辱不亦文乎謚之曰

衛莊公

卷二

三九

直惠文子

三字謚前此有之
如庸聖武公是也

說吳太宰

端木子貢

衛君之來必謀于眾其眾或欲或否是以緩來其欲
者子之黨也其不欲者子之仇也若執衛君是墮黨
而崇仇也且合諸侯而執衛君誰敢不懼墮黨崇仇
而懼諸侯或者難以伯乎

對衛出公之使

時奔在越

端木子貢

昔成公遜于陳甯武子為宛濮之盟而君入獻公遜

于齊子鮮子展爲夷儀之盟而君入今君再在邇也
內不聞獻之親外不聞成之卿則賜不識所由入也
詩云無競惟人四方其順之若得其人四方以爲主
而國于何有

啓鄭伯

祭仲

都城過百雉國之害也先王之制大都不過三國之
一中五之一小九之一今京莊公弟叔段邑不度非制也君
將不堪

辭齊昏答人

鄭世子忽

韓地璵璠卷二
大各有耦齊大非吾耦也詩云自求多福在我而巳
大國何爲

又

時爲齊伐北戎
微之辭獻捷

鄭世子忽

無事於齊吾猶不敢今以君命奔齊之急而受室以
歸是以師昏也人其謂我何

答蔡桓侯

扁鵲

疾在腠理湯熨之所及也在肌膚鐵石之所及也在
腸胃火臍之所及也在骨髓司命之所屬無可奈何
今在骨髓臣是以無請也

責子僑時僑言鄭使蔡
有武功之禍
鄭公子發
國有大命爾有正卿童子何知而敢言非徒危已也
又將危父

寓書范宣子

時朝晉
幣重

鄭子產

子爲晉國四鄰諸侯不聞今德而聞重幣僑也惑之
僑聞君子長國家者非無賄之患而聞今名之難夫
諸侯之賄聚于公室則諸侯二若吾子賴之則晉國
二諸侯二則晉國壞晉國二則子之家壞何沒沒也
將焉用賄夫今名德之興也德國家之基也有基無
壞無亦是務乎想思以明德則今名載而行之是以
遠至邇安毋寧使人謂子子實生我而謂子浚我以
生乎

歸結到末兩句
九極傷承可味

答叔向

時向規其
錯刑書

鄭子產

若吾子之言若者服其
規責然也僑不才不能及子孫言無
遠計吾
以救世也
防維
既前
既不承命
毀所鑄
敢忘大惠
愛我

歸州田韓宣子

鄭子產

古人有言曰其父析薪其子弗克負荷施孫段以
于豎地將

愚不能任其先人之祿其況能任大國之賜縱吾子
爲政不問後之人若屬有疆場之言敝邑獲戾而豐
氏受其大討吾子取州是免敝邑于戾而建置豐氏
也敢固以請

戒子段

鄭豐哲

吾聞之生于亂世貴而能貧民無求焉可以後亡敬
共事君與二三子謂卿大夫生在敬戒不在富也

善子貽謀足爲世法

辭楚使

時主于圖欲入國受室

鄭子羽

韓施瑣瑋

卷二

四十二

小國無罪恃實其罪將恃大國之安靖已而無乃包
藏禍心以圖之小國失恃而懲諸侯使莫不憾者距
違君命而有所壅塞不行是愚大意謂我小國恃則有罪謂或市重而
愚今失其恃而爲此乃命以侯諸侯懲不然敝邑館
而憾之者思道君命而有所不行也
人之屬也其敢愛豐氏之祧乃請垂察而入

箴趙簡子

鄭世叔

毋始亂毋怙富毋恃寵毋違同嫌于毋傲禮毋驕能
毋復怒怒而加怒一云毋謀非德毋犯非義

黃父之會簡子領此九言及卒而臨之甚哀亦能受善者

荅范獻子

時主于朝作

鄭世叔

老夫其國家不能恤敢及王室抑人亦有言其不恤
其緯而憂宗周之殞爲將及焉今王室實蠢蠢焉吾
小國思矣然大國之憂也吾儕何知焉吾子其早圖
之詩曰瓶之罄矣惟壘之耻瓶中所蓄以供壘實故
晉或云壘大王室之不寧晉之耻也亦因事有補

鼎銘

正考父

一命初佐戴公而僂再命中佐武公而偃三命末佐宣公而俯循墻
而走亦莫予敢侮饋于是將于是以糊余口

韓施瑣瑋

卷二

四十三

還立兄

宣子

宋穆公

先公以寡人爲賢舍與夷名而立寡人使主社稷
寡人弗敢忘若棄德不讓是廢先君之舉也豈曰能
賢光昭先君之令德可不務乎遂出其子馮于鄭致
于人居正宋之
禍宣公爲之也

辭偃陽

向戌

君昔悼公若辱鎮撫宋國而以偃陽光啓寡君羣臣安
矣其何貺如之若專賜臣是臣與諸侯以自封也其
何罪大焉敢以死請

悔過論其御

宋昭公

吾被服而立侍御者數十人無不曰吾君麗也吾發言動事朝臣數百人無不曰吾君聖也外內不見吾過失吾是以亡也不久復國

答魯申災時宋大水

宋公子御說

孤實不敬天降之災又以為君憂拜命之辱代君詞

卻王

子罕

我以不貪為寶爾以玉為寶若以與我皆喪寶也不若人有其寶

翰苑瑣瑤

卷二

對君句踐

范蠡

四封之內百姓之事蠡不如種也四封之外敵國之制立斷之事種亦不如蠡也

彼我二人才品一筆盡出

止越王許戰

范蠡

謀之廊廟失之原野可乎臣聞古之善用兵者因天地之常與之俱行後則用陰先則用陽彼來從我固守勿與若將與之必因天地之災又觀民之饑飽勞逸以參之宜為人客剛強而力疾陽節不盡輕而不

可取宜為人主安徐而重固陰節不盡柔而不可迫凡陳今陳之道設右以為牝益左以為牡早晏無失必順天道王姑待之

兵有主客之勢陰陽之變遲速之宜要在廟算勝也

辭禁于越

范蠡

臣聞之主憂臣辱主辱臣死昔者君王辱于會稽臣所以不死為此事也今事已濟臣請從會稽之誅

自齊遣文種書

范蠡

蜚鳥盡良弓藏狡兔死走狗烹越王為人長頸烏喙

翰苑瑣瑤

卷二

可與共難不可與共安樂子何不去

招呼文大夫先幾遠引可矣而貶剝君侯似近于侮上

諫假途

官之奇

晉之使者詞甘而幣重必不便于虞不可許也夫虞之有號如車之有輔輔依車車亦依輔虞號之勢是也故虞號相救非相為賜

又時晉再假途

官之奇

號虞之表也語云唇亡齒寒號亡虞必從之晉不可啟寇不可瓶一之謂甚其可再乎

之奇之言詳痛切而不一
采聽此百里之所以結舌也

勸籍田

號文公

民之大事在農上帝之粢盛于是乎出民之蕃庶于是乎興古者太史順時覓土農祥星也晨正日月底于天朝養也土乃脉發農正陳籍禮太史贊王王敬從之王耕一塋班公三之庶人終于千畝稷農則徧戒百姓紀農協功是時也王事惟農是務三時務農而一時講武故征則有威守則有財若是乃能歆于神和于民則享祀時至而布施優裕也

翰苑瓊瑤

卷二

四十六

七

籍田之諫未必宜王不聽國語以不籍千畝附會王師之敗績十畝故難取信

悼號之請土于神

史 歸


號其亡乎吾聞之國將典聽于民將亡聽于神神聰明正直而一者也依人而行號多涼德其何土之能得

乞師于吳

茅夷鴻

魯弱晉而遠吳憑恃其衆而背君之盟辟此辟字作違意君之執事以凌我小國邾非敢自愛也思君威之不立若夏盟於鄆衍秋而背之四方諸侯其何以事君且

魯賦八百乘君之賦也邾賦六百乘君之私也以私奉賦惟君圖之



古今翰苑瓊瑤卷之二

翰苑瓊瑤

卷二

七

古今翰苑瓊瑤卷之三目錄

漢

新城董公

進漢王

外黃令舍人兒

時年十三也

說項王

韓信

字

上漢王

報柴將軍

柴武

翰苑瓊瑤

卷三 目錄

一

與韓王信都

章山堂羣書考索
韓王雙名曰信都

曹丘生

通季布

張良

字子房

遺項王

自引

袁盎

諫馳霸陵

文帝
霸陵

諫趙談參乘

薄昭

與淮南厲王

枚乘

諷吳王濞

又

趙涉

啟周條侯

莊助

廷推汲黯

淮南王

憚汲黯議

諫伐閩越

汲黯

翰苑瓊瑤

卷三 目錄

二

視河內火報上

廷質張湯

諫罪長安令

辭淮陽守

東方朔

字曼倩

諫起上林

與公孫弘

諭友

伏日自責

辟戟卻董偃

西王母

與武帝期望帖

與上元夫人

上元夫人

荅西王母

司馬相如 字長卿

報蜀守臣

荅牂牁盛覽 字長通 制名十

報卓文君

卓文君

與司馬相如

蘇武 字漢卿

報李陵 陵荅蘇武書載在文選中茲故不錄

司馬遷 字子長

翰苑瑣瑱 不卷三 目錄

三

報任安

與摯峻

摯峻 字伯陵

報司馬遷書

孔臧

與弟安國

與子琳

韓延壽

與孔臧

丙吉

與魏相

丘訪

辭右扶風

張敞

論霍氏

與朱邑

諫膠東太后出獵

楊惲

大史公之甥時失平通侯家居

報孫會宗

蕭望之

武作王生

與蓋寬饒

音寬饒

翰苑瑣瑱 不卷三 目錄

四

鄭朋

奏記蕭望之

莊協

與郭恂

賈捐之

賈誼之孫

與友人

楊雄

字子雲

荅桓譚

谷永

與段會宗書

與平阿侯王譚

王昭君

報元帝

班嗣

荅桓生借莊子

劉歆

移太常博士

方望

解隗囂

翰苑瑣瑁 卷三 目錄

五

申屠剛

與隗囂

竇融

讓隗囂

殷光 字子陵

諭侯霸

謝光武

又荅光武

朱浮

讓彭寵

班固 字孟堅

奏記東平王蒼

竇憲

與戊巳校尉

梁商

諫之于冀之父
順帝朝為大將

與楊太僕書

高彪

與馬融書

仲長統

翰苑瑣瑁 卷三 目錄

六

樂志

秦嘉

與妻徐淑

又與妻徐淑

徐淑

荅夫秦嘉

又荅夫秦嘉

杜秦姬

與子元珪

趙嘉

與兄子

虞詡

答親舊

時中其
今朝歌

楊厚

與黃瓊

或刻作楊
張與叔度

李固

與黃瓊

郭泰

與黃瓊

荅友

孔融

翰苑遺書

卷三 目錄

七

與韋公

或刻作范滂
與杜喬誤

張茂

荅孔融

陳蕃

字仲舉

與劉寵

徐穉

字孺子

與陳仲舉

魏桓

荅鄉人

蔡邕

字伯喈

辭辟

竇玄妻

與夫竇玄書

延篤

與劉祐書

與李文書

吳蒼

遺矯慎書

崔瑗

字子玉 齊北征

翰苑遺書

卷三 目錄

八

與姻家書

張芝

字伯英 太尉

與弟書

又與弟書

汚濱叟

荅尚書郎張溫

龐統

字士元

荅劉荆州

又

荀彧

進曹孟德

沮議九錫

陳登

對呂布

孫策 字伯符

諭弟仲謀

周瑜

卻蔣幹

孫權 字仲謀

論呂蒙

楊彪

翰苑瓊瑤 卷三 目錄

答曹操

袁氏 楊彪妻

答下夫人

袁紹 字本初

約諸郡

袁術

謝諸守臣

田豐

啓袁本初

郭嘉

啓曹孟德

關羽 字雲長

卻張遼

謝曹孟德

與曹孟德

陳珪 陳登之父

答袁術

劉表

與尚書袁譚書

翰苑瓊瑤 卷三 目錄

司馬徽

戒子

諸葛亮 字孔明

進劉玄德

與關雲長書

與兄子瑜

與張裔書

答勸益發兵者

誠子

馬謖

送諸葛孔明南征

許靖 字文休

上昭烈帝一作與曹孟德者誤今改正之

秦宓

荅王商

與劉鄩

袁徽

與荀彧書

張裔

與所親書

曹植字子建

與司馬懿

翰苑瓊瑤卷三 目錄

陳琳字孔璋

與曹子建

荅吳張紘

田豫

荅司馬懿

桓範

與管幼安

杜恕

誠子

王果

誠子姪

應璩字休璉

與從弟書

王朗

謝朓

虞翻字仲翔

與客

孫仲奇妹

臨訣

翰苑瓊瑤卷三 目錄

朱績

與諸葛融書

陸景

與兄書

張悌

荅諸葛靚書時逆賊晉兵敗

古今翰苑瓊瑤卷之三目錄

古今翰苑瓊瑤卷之三

蜀都 楊慎選

浙姚 孫鑛評

吳郡 錢允治校

漢

進漢王

新城董公

臣聞順德者昌，逆德者亡。兵出無名，事故不成。故曰：明其為賊，敵乃可服。項羽無道，放殺其主。楚義帝天下之賊也。夫仁不以勇，義不以力。大王宜率三軍，為之

翰苑瓊瑤

卷三

素服以告諸侯而伐之，則四海之內莫不仰德。此三王之舉也。

史按董公此說是第一等議論是漢初第一等關要之事却緣何良平諸人無一人慮及此蓋彼驚於智謀則義理之見或為所汨而董公

說項王

外黃令舍人兒

彭越強劫外黃外黃恐故且降待大王大王至又皆坑之百姓豈有歸心從此以東梁地十餘城皆恐莫肯下矣

舍人兒是時年一十三歲乃能

有膽為民說項王亦一笑物也

上漢王

韓信

齊偽詐多變反覆之國也請為假王以鎮之項氏有并吞四海之才而謀賞不決壯士所以解心誠得授臣假王以當一面保為陛下破之

文埋伸縮有致不接而接是時收魏取趙代降燕平齊信之功數倍于張耳耳已位王故信有此請

報柴將軍

韓信

陛下擢僕閭巷南面稱孤此僕之幸也滎陽之事僕不能死囚于項氏此一罪也寇攻馬邑僕不能堅守以城降之此二罪也今為反寇將兵與將軍爭一旦

翰苑瓊瑤

卷三

之命此三罪也夫種蠡無一罪身死亡謂種見殺蠡逃去僕有三罪而欲求活此伍子胥所以償于吳世也今僕

亡匿山谷間旦暮乞貸蠻夷僕之思歸如痿人不忘起盲人不忘視勢不可耳

與韓王信都

章山堂序書考索韓王雙名曰信都

柴武

陛下寬仁祖稱漢諸侯雖有叛亡而復歸輒復故位號不誅大王所知也今王以敗亡走胡非有大罪急自歸

通季布

曹丘生

楚人諺曰得黃金百斤不如得季布一諾足下何以得此聲於梁楚間哉且僕楚人足下亦楚人也僕游揚足下之名於天下顧不重耶何足下距僕之淡也

無言不贊亦君子厚道宜爾不然則曹丘之說禍矣此今世膏肓一針也

遺項王

張良

漢王失職欲得關中如約如義帝約非羽約也即止不敢東

自引

張良

家世相韓祖開地相昭侯宣惠王襄哀王父平相僖王悼惠王凡五世及韓滅不

愛萬金之資為韓報仇強秦東見滄海君得力士操鐵錐擊始皇博浪沙中

翰苑瓊瑤

卷三

三

天下振動今以三寸舌為帝者師食萬戶位列侯此布衣之極於良足矣願棄人間事欲從赤松子游耳

諫馳霸陵

文帝

袁盎

臣聞千金之子坐不垂堂聖主不棄危而徼幸今陛下

下騁六飛馳下峻山有如馬驚車敗陛下縱自輕奈

高廟太后何

諫趙談參乘

談官者

袁盎

臣聞天子所與共六尺輿者皆天下豪英今漢雖乏

人陛下獨奈何與刀鋸餘人載

與淮南厲王

薄昭

竊聞大王剛直而勇慈惠而厚貞信多斷是天以聖

人之資奉大王也甚盛今大王所行不稱天資皇帝

初即位易侯邑在淮南者大王不聽皇帝卒易之使

大王得三縣之實甚厚大王求入朝見未畢昆弟之

懼而殺列侯辟陽侯以自為名皇帝不使吏與其間

赦大王甚厚法二千石缺輒言上補大王逐上所置

而請自置皇帝曲天下法而許大王甚厚大王欲

屬國為布衣守義真定以母皇帝不許使大王無失

翰苑瓊瑤

卷三

四

南面之尊甚厚大王宜日夜奉法度修職貢以稱皇

帝之厚德今乃輕言恣行以負謫于天下甚非計也

宜急改操易行上書謝罪曰臣不幸早失先帝少孤

呂氏之世未嘗忘死陛下即位臣怙恩德驕盈行多

不軌追念罪過恐恩伏地待誅不敢起皇帝聞之必

喜大王昆弟懼忻於上羣臣皆得延壽於下上下得

宜海內常安願熟計而徐行之行之有疑禍如發矢

不可追已

諷吳王濞

枚乘

臣乘願被腹心而效愚忠。夫以一縷之任，係千鈞之重，上懸無極之高，下垂不測之淵，雖甚愚之人，猶知哀其將絕也。馬方駭鼓而驚之，係將絕，又重震之，係絕于天，不可復結，墜入深淵，難以復出，其絕不絕，一作間不容髮，能聽忘臣之言，百舉必脫，必若所欲為，危于累卵，荀息云：累十二碁于其上，危哉。難於上天，變所欲為，易於反掌，安於太山，今欲極天命之壽，敝無窮之樂，究萬乘之勢，不出反掌之易，以居太山之安，而欲乘累卵之危，走上天之難，此愚臣之所以為太王惑也。

翰苑瓊瑤

卷三

五

五

又前篇在未發之先，此篇在發而後錯之后。

枚乘

夫吳有諸侯之位，而實富於天子，漢并郡國，二十四郡，十七侯。方輪錯出，有正供，有雜供。運行數千里，不絕於郊，其珍怪不如山東之府，吳都。轉粟西向，陸行不絕，水行滿河，不如海林之倉，修治上林，雜以離宮，積聚玩好，園守禽獸，不如長洲之苑，游曲臺，臨上路，不如朝夕，潮，早潮，晚潮。之池，漢壁高壘，副以關城，不如江淮之險，此臣之所為大王樂也。今大王還兵疾歸，尚得十牛，十之五也。不然，漢知吳有吞天下之心，赫然加怒，遣羽林黃頭，習水戰者。

巡淮而下，襲太王之都，魯東郡，絕吳之餉道，梁王節車騎，習戰射，積粟固守，以備榮陽，待吳之饑，大王雖欲反都，亦不得已。

從枚生之前策，銷其逆心，上也。從其後策，乘朝廷新許，是錯以謝吳，而兵解次也。

啟周條侯

趙涉

吳知將軍行，必置死士，殺澠阨隘之間，且兵事尚神密，將軍何不從霸上，右走藍田，出武關，峭，秦中北道，武關，秦中抵洛陽，直入武庫，諸侯聞之，以為將軍從天而下也。

翰苑瓊瑤

卷三

六

五

廷推汲黯

莊助

使黯任職居官，無以踰人，然至其輔少主，守成淡堅，招之不來，麾之不去，雖自謂賁育，賁，夏育，古大力士。亦不能奪之矣。

憚汲黯議

淮南王

在廷獨長孺，好直諫，守節死義，難惑以非，至如說丞相弘，如發蒙振落耳，發蒙，謂草木上蒙翳也。

諫伐閩越

淮南王

越方外之地，翦髮文身之民也，以地圖察其山川，要

塞相去不過寸數而間獨數百千里險阻林叢弗能盡著視之若易行之甚難陛下以方寸之印丈二之組也錢據方外不勞一卒不頓一戟而威德並行玩心神明秉執聖道四海之內莫不響應陛下垂德惠以覆露之天下之安猶太山而四維之也夷狄之地何足爲一日之間而煩汗馬之勞乎臣安竊恐將吏之以十萬之師爲一使之任也

肯除在地圖數句其大要在命使而不必命兵安非結臣不可以人廢言

視河內火報上

汲黯

翰苑遺規 卷三

七

民家失火比屋延燒不足憂也臣過河南河南傷水旱萬餘家貧民或父子相食臣謹以便宜持節發河南倉粟賑貧民臣請歸節伏矯制之罪

廷質張湯

汲黯

公爲正卿上不能褒先帝之功業下不能抑天下之邪心安國富民使囹圄空虛何乃取高皇帝約束紛更之爲而公以此無種矣

諫罪長安令

汲黯

長安令無罪獨斬黯民乃肯出馬且渾邪畔其主而

辭淮陽守

汲黯

降漢何至令天下騷動罷廢敝中國而以事夷狄之人乎

臣自以爲填溝壑不復見陛下不意陛下復收用之臣嘗有狗馬病力不能任郡事臣願爲中郎出入禁闥補過拾遺臣之願也

諫起上林

東方朔

夫南山天下之阻陸海之地秦之所以虜西戎兼山東者也此百工所取給萬民所仰足也今規以爲苑

翰苑遺規 卷三

八

上乏國家之用下奪農桑之業是其不可一也且盛荆棘之林大虎狼之墟壞人家墓發人室廬是其不可二也垣而囿之騎馳車騫有溪溝大渠夫一日之樂不足以危無隄之輿乘輿無禁防奈何是以就樂自危是其不可三

也夫殷作九市之官而諸侯畔靈王起章華之臺而

楚民散秦興阿房之殿而天下亂糞土愚臣忘生觸

死逆盛意犯隆指願陳泰階六符三台星每合以觀二星爲六符

天變不可不省

與公孫弘

東方朔

骨肉或作不相貴以禮同類之游不以遠近為故東

門先生居蓬戶空穴之中即東門魏公子无一朝以

百思造之呂望未嘗與文王側席而坐一朝讓以父

師大丈夫相知何必接塵而遊垂髮齊年哉垂髮者

齊年同

諭友

東方朔

木槿夕死朝榮士亦不長貧也然不可使塵罔名韞
拘鎖怡然長嘯脫去十洲三島相期拾瑤草吞日月
之光華共輕舉耳

翰苑瑣瑤入卷三

九

伏日自責

東方朔

受賜不待詔何無禮也拔劍割肉亦何壯也割之不
多又何廉也歸遺細君又何仁也

辟戟卻董偃

帝姑嘗人

東方朔

偃有新罪三以人臣私侍公主一也敗男女之化亂
婚姻之禮二也陛下富於春秋方積思於六經而偃
以靡麗極耳目之欲乃國家之大賊人主之大蠹三
也

與武帝期望帖

西王母

何離蓬萊過弱水南望扶桑晶光五色意者中國有
聖人生子帝翩翩好脩得無是乎但太上好生而欲
殺好儉而欲奢種種幻魔遲爾遐舉予將乘彼白雲
以歸三千年後期爾於少室之陰

與上元夫人

西王母

王九光之母敬謝但不相見四千餘年矣天事勞我
致以愆面劉徹好道適來視之見徹了了似可成造
然形慢神穢腦血淫漏五臟不淳關胃彭字骨無津
液脉浮反升肉多精少瞳子不夷三尸狡亂玄白失

翰苑瑣瑤入卷三

十

時雖當語之以至道殆恐非仙才也吾久在人間實
為臭濁然時復可游望以寫細念庸主對坐悒悒不
樂夫人可暫來否若能屈駕當停相須

報蜀守臣

司馬相如

皇帝方嚮外治而某以儒術建師西遊故鄉遠近之
士無求多焉其令守吏以下負弩前導旌麾所指俾
山靈增色毋為題橋生先是入長安嘗題柱曰不
笑於關吏也乘四馬高車不復過此橋索

答梓柯盛覽

司馬相如

詞賦者合綦組以成文列錦繡而爲質一經一緯一官一商此賦之迹也賦家之心包括宇宙總覽人物斯乃得之於內不可得而傳

言及不傳妙處是解不傳之傳

報卓文君

司馬相如

五味雖甘寧先稻黍五色有燦而不掩韋布惟此綠衣言賤將執子之釜言代錦水有鴛漢官有木連理也誦子嘉吟而回予故步當不令負丹青感白頭也

與司馬相如

卓文君

翰苑瑣瑤

卷三

十一

羣花競芳五色凌素琴尚在御而新聲代故錦水有鴛漢官有木彼木而親嗟世之人兮替於淫而不悟朱弦齧明鏡缺朝露希歇白頭吟相如欲納妾茂陵文君作白頭吟傷離別努力加餐毋忘妾錦水湯湯與君長訣

報李陵

李陵答蘇武書載在文選中茲故不錄

蘇武

曩武奉使方外值封豕造孽豺狼出爪摧辱王命身幽於無人之處迹戢於胡塞之窟軟朝露以爲飲茹田鼠以爲糧窮目極望不見所識側耳遠聽不聞人聲當此之時生不足甘死不足惡所以忍困強存徒

念忠義雖誘僕以降爵厚寵黃金之利不以滑其慮也迫以白刃在頸鉄質在喉不以動其心也何則志定於不回期誓於沒命幸賴聖明遠承拯贖得使入湯之禽復假羽毛則斷之足復蒙連續每念足下才爲世英器爲時出語日夜行衣繡不足爲榮況於家室辜滅棄在絕域衣則異制食味不物棄捐功名雖尚視息與亡無異向使君伏節死難書功竹帛傳名千代崩土之封永垂不朽不亦休哉嗟乎少卿事已去矣失之毫釐差之千里將復何言所貶重遺義當

翰苑瑣瑤

卷三

十一

順承本爲一體今爲異俗余歸漢室子留彼國臣無境外之交故不當受乖離邈矣相見未期國別俗殊死生隔絕代馬越鳥別詩代馬嘶北風越鳥巢南枝能不依依謹奉答報

龍之爵祿不能更其節加之鉄絛不能易其心忠義之忱堪集千古

報任安

司馬遷

勇者不必死節怯夫慕義何處不勉焉僕雖怯懦欲苟活亦頗識去就之分矣何至自沉溺縲紲之辱哉所以隱忍苟活幽於圜牆之中而不辭者恨私心有

所不盡鄙陋沒世而文采不表於後也古者富貴而名磨滅不可勝紀惟個儻非常之人稱焉蓋文王拘而衍易孔子厄而作春秋屈原放逐乃賦離騷左丘失明厥有國語孫子臙脚兵法修列孫子兵法乃吳其孫而修述之耳不韋遷蜀世傳呂覽當國時集賓客成之韓非囚秦說難孤憤詩三百篇大抵賢聖發憤之所爲作也故述往事念來者思垂空文以自見僕不遜近自託於無能之詞罔羅天下放失舊聞略考之行事綜其終始稽其成敗興壞之紀上計軒轅下至於茲

韓延壽傳 卷三

十三

爲十表十二本紀八書三十世家七十列傳凡百三十篇亦欲以究天人之際通古今之變成一家之言藏諸名山傳之其人通邑大都一傳以待則僕償前辱之責雖萬被僇豈有悔哉然此可爲知者道難爲俗人言也

與摯峻 峻字伯陵

司馬遷

遷聞君子所貴乎道三太上立德次立功次立言伏惟伯陵智能絕人高尚其志以善厥身冰清玉潔不以細行荷累其名固已貴矣然未盡太上之所由也

願先生少致意焉摯峻與太史令司馬遷善隱于所山司馬遷以書招之

報司馬遷書 遷字長

摯峻

峻聞古之君子料能而行度德而處故悔吝去於身利不可以虛受名不可以苟得漢興以來帝王之道於斯始顯能者見利不肖自屏此其時也周易大君有命小人勿用徒欲偃仰從容以送餘齒耳

揚升卷云摯伯陵始終不仕卒於所山所人立祠號曰所君其十二世孫恂字季直隱于終南通五經百家弟子扶風馬融而國恒驕皆知名融妻即恂女也其後有摯虞知名于晉

與弟安國

孔臧

韓延壽傳 卷三

十四

相知常忿俗儒淫詞冒義欲撥亂反正而未能果雅達通博不代而生浮學守株比肩皆是衆非難正自古而然誠恐此道未申而以獨智爲議也

時得孔壁經詔安國作傳故臧勉之釐正者固戒守株隨俗又戒獨智自用語其斟酌

與子琳

孔臧

告琳頃來聞汝諸友生講肄書傳孜孜晝夜衍衍不怠善矣人之進退惟聞其志志進則進志退則退取必以漸勤則多得山澗至石爲之穿注澗處久則穿石木爲之敝豈非漸之致乎

與孔臧

韓延壽

蒼蠅之飛。不過十步。自托駢驥之尾。乃騰千里路。然無負於駢驥。使蒼蠅絕羣也。以蒼蠅自比。以駢驥比孔公。

與魏相

丙吉

朝廷深知翁翁。翁翁。相之字也。行直方。且大用。願少慎事。自重。藏器於身。不顯其能。

辭右扶風

楊本作扶風。尹。按漢有右扶風。無扶風。尹。今改。丘訢

明府欲臣訢耶。師訢耶。明府所以尊寵人者。極於功曹。所以榮祿人者。已於孝廉。一極一已。皆訢所不願。辭苑瑣瑤。卷三。十五。

論霍氏

張敞

仲尼作春秋。述盛衰。譏世卿。最甚。乃者大將軍。謂霍光也。決大計。安宗廟。定天下。功亦不細矣。朝臣宜有明言。曰。陛下褒故大將軍。以報功德。足矣。間者輔臣專政。貴戚太盛。君臣之分不明。請罷霍氏三侯。皆就第。明詔以恩。不聽。羣臣以義固諍。而後許。天下必以陛下為不忘功德。而朝臣為知禮。霍氏世世無所患苦。今朝廷不聞直聲。而令明詔自親其文。非策之得也。今

兩侯。元孫。山雲。以出。大司馬。光子。及其支屬。必有畏恩之心。夫近臣自危。非完計也。臣敞願于廣朝。白發其端。直遠守郡。其路無由。夫心之精微。口不能言也。言之微眇。書不能文也。四句從范。雖辭化來。況乎千里之外。因書文。論事指哉。

與朱邑

朱邑。時為大司馬。

張敞

明主遊心太古。廣延茂士。此誠忠臣竭思之時也。直敞遠守劇郡。馭於繩墨。胸臆約結。固無奇也。雖有亦安所施。足下以清明之德。掌周稷之業。猶饑者甘糟。穰歲餘梁肉。何則有亡之勢異也。昔陳平雖賢。須魏倩而後進。韓信雖奇。賴蕭公而後信。故事各達其時之英俊。若必伊尹呂望而後薦之。則此人不因足下而進矣。

諫膠東太后出獵

張敞

臣聞秦王好淫聲。葉陽為之不聽。鄭衛之樂。楚嚴好田獵。樊姬為之不食。鳥獸之肉。口非惡甘。旨耳非憎絲竹也。所以抑心意。絕嗜欲者。將以率二君。而全宗祀也。禮君毋出門。則乘輜駟。下堂則從傳母。進退則

軍昭然度行積思塞邪枉之險蹊宣中庸之常政與周召之遺業親日昃之兼聽則下忝其庶幾願竭區區底厲鋒鏑奉萬分之一

鄭朋詞意卓有奇氣宜望之之禮接也以朋之行不端絕不與通後卒爲朋所傾然則高言妙語多有難憑以信心定人品者可不謹哉

與郭恂

莊協

高皇刑白馬而盟非軍功者不侯公孫弘卒以儒術致位平津身都將相大丈夫取功名寧有種乎子何局促作轅下駒也

翰苑瑣瑤 卷三

十九

與友人

賈捐之

大丈夫以凌雲之氣而俯首書案之間午夜一鐙展窓萬字蓋將學爲有用之文以歌太平頌中興否亦策治安演絲綸耳豈肯爲此沾沾徒作酸文耶虛辱君命戲筆橫斜

荅桓譚

楊雄

長卿賦不似從人間來其神化所至耶大諦計能讀千賦則能爲之諺云伏習衆神巧者不過習者之門

巧出天然者與人工勝終是少異

與段會宗

谷永

若足下之材可優游都城而取卿相何必勒功昆山之側願吾子往因循舊貫勿求奇功萬里之外以身爲本願詳思愚言

與平阿侯王譚

谷永

君侯宜在上將久矣以大將軍在故抑鬱於家今大將軍薨累親疎序材能宜在君侯屬聞乃以特進領城門兵愚竊不爲君侯喜宜淡辭職收泰伯之讓保謙謙之路闔門高枕爲智者首願君侯與博覽者參之小子爲君侯安此

報元帝

王昭君

臣妾幸得備員禁嬖謂身依日月死有餘芳而失意丹青遠竄異域誠得捐軀報主何敢自憐獨惜國家黜陟移於賤工賤工謂毛延壽也南望漢闕徒增愴結耳有父有弟惟陛下幸少憐之

荅桓生借莊子

班嗣

若夫嚴子者時避明帝諱故莊多作嚴絕聖棄智修生保真清虛

澹泊歸之自然獨師友造化而不為世俗所役者也。不往聖人之網不顯驕君之餌蕩然肆志談者不得而名焉故可貴也。今吾子已貫仁義之羈絆係名聲之韁鎖仗周孔之軌躅馳顏閔之極摯謂所既系學執守於世教矣何用大道為自眩曜昔有學步邯鄲者一作遂匍匐而歸耳恐以此類故不進。

移太常博士

劉歆

今上德通神明繼統揚業亦閱文學錯亂學士若滋

新苑遺稿

卷三

二十二

因陋仍敝雖昭其情猶依回謙讓故下明詔試左氏之風相與雖昭其情猶依回謙讓故下明詔試左氏可立否將以輔弱扶微與二三君子比意同力冀得廢遺今則不然淡閉固拒而不肯試猥以不誦絕之欲以杜塞餘道雖滅微學夫可與樂成難以慮始此乃衆庶之為耳非所望士君子也夫禮失求之野古文不猶愈於野乎往者博士書有歐陽春秋公羊易則施孟然孝宣皇帝猶廣立穀梁春秋梁丘易大小夏侯尚書義雖相反猶並置之何則與其過而廢之也寧過而立之傳曰文武之道未墜賢者識其大者

不賢識其小者今此數家之言所以兼包大小之義豈可偏絕哉若必專已守殘黨同門妬道真違明詔失聖意以陷於文吏之議甚為二三君子不取也

漢師丹皆執以為不可議遂格送東漢建武中陳元奏立之

辭隗囂

方望

范蠡收責即請從會稽之誅語是也句踐乘扁舟於五湖咎犯謝罪文公亦逡巡於湖上君入欲辭去也夫以二子之賢勒名

兩國猶削迹歸愆請命乞身望之無勞固其宜也望聞烏氏名邑有龍池之山微徑南通與漢相屬其旁時

有奇人聊及閒暇廣求其人願將軍勉之

方望未見有所樹立然能究詞去言不足賢矣豈與充泥之輩等哉

與隗囂

申屠剛

聖書數到欲與將軍共吉凶布衣相與尚有沒身不負然諾之信况萬乘哉今何畏何利久疑如是卒有非常之變上滅忠孝下媿當世誠願反覆愚老之言

讓隗囂

竇融

當今西州地勢局迫人兵離散易以輔人難以自建

融聞智者不危衆以舉事仁者不違義以邀功今以小敵大於衆何如棄子微功於義何如且初事本朝稽首北面忠臣節也及遣伯春賈質子垂涕相送慈父恩也俄而背之謂吏士何忍而棄之謂留子何自起兵以來轉相攻擊城郭丘墟生人溝壑今其存者非鋒刃之餘則流亡之孤幸賴天運少還而將軍復重爲難是使積病不得遂瘳幼孤將復流離其爲悲痛尤足愍傷言之可爲酸鼻庸人且猶不忍況仁者乎

翰苑瑣語

卷三

二十三

論侯霸

嚴光

君房素癡寧少瘥否懷仁輔義天下悅阿諛順旨要領絕

謝光武

嚴光

昔唐堯著德巢父洗耳士固有志何相迫乎

又答光武

嚴光

游魚思淵麋鹿走壙被文繡而中犧牲之用不若野逸生而曳尾塗中逍遙於使陵當作得歸於富陽一作足矣熙載之烈非所敢望也

讓彭寵

朱浮

朝廷之於伯通彭寵字恩亦厚矣委以大郡通陽任以威武事有柱石之寄情同子姓之親匹夫媵母尚能致命一餐豈有身帶三綬一太守二將軍職典大邦而不顧恩義生心外叛者乎伯通與吏人語何以爲顏行拜步起何以爲容坐卧念之何以爲心引鏡窺影何施睂目舉措建功何以爲人惜乎棄休今之嘉名造臆鴟之逆謀捐傳世之慶祚招破兵之重災生爲世笑死爲愚鬼不亦哀乎往時遼東有豕生子白頭

翰苑瑣語

卷三

二十四

異而獻之行至河東見羣豕皆白懷慙而退若以子之功論於朝廷則遼東豕也定海內者無私仇勿以前事自誤凡舉事毋爲親厚者所痛而見仇者所快

奏記東平王蒼

班固

昔在周公今也將軍詩書所載未有三此者也幕府新開廣延英俊四方之士顛倒衣裳將軍宜令遠近無偏幽隱畢達期於爲國得人以明本朝竊見故司空掾桓梁宿儒重名德冠州里京兆祭酒晉馮結髮白首無回好古扶風掾李育經明行著教授百人京樂道玄默自守前世名儒無以加焉京

兆督郵郭基

孝行著於州里涼州從事王雍

之弘農功曹史殷蕭

行絕才德隆當世如蒙徵納以輔高明此山梁之秋

義取夫子所為嘆也昔卞和獻寶以罹斷趾靈均

納忠終於沉身而和氏之璧千載垂光屈子之篇萬

世歸美願將軍隆照微之明信日長之聽少屈威福

咨嗟下問令塵埃之中永無荆山汨羅之恨

與戊巳校尉

竇憲

匈奴沐漢高皇威德久矣間者復不靖關焉問討則

翰苑瓊琚

八卷三

二十五

當事者之過也某幸以椒房親視事以來夙夜戒備

得專征伐諸所賞否有明天子三尺法在終不敢干

以私二三大夫其尚時明伍仗以俟

與楊太僕

梁商

間者得請列侯以暨卿士校尉俱辭不受門徑蕭然

幅巾私第會當挈攜妻子種果芋山中歲賦秫米二

三百釜落而為漿陶陶沉飲此外不議人間事矣

梁商謙虛已進賢好施遺令薄

與馬融

高彪

承服風問從來有年故不待介者而詢大君子之門

與一見龍一作光以敘心腹之願不圖遭疾幽閉莫

啟昔周公旦父文兄武九命作相以尹華夏猶揮沐

吐餐垂接白屋故周道以穰天下歸德公養病傲士

故其宜也

樂志

仲長統

使居有良田廣宅背山臨流溝池環匝竹木周布場

圃竺前果園樹後舟車足以代步涉之難使令足以

息四體之役養親有兼珍之膳妻孥無苦身之勞良

翰苑瓊琚

八卷三

二十六

朋萃止則陳酒肴以娛之嘉時吉日則烹羔豚以奉

之踟躕畦苑遊戲平林濯清水追涼風釣游鯉弋高

鴻風乎舞雩之下咏歸高堂之上安神閨房思老氏

之玄虛呼吸精神求至人之彷彿與達者數子論道

講書俯仰二儀錯綜人物彈南風之雅操發清商之

妙曲逍遙一世之上睥睨天地之間不受當時之責

永保性命之期如是則可以凌霄漢出宇宙之外矣

豈美夫入帝王之門哉

具是習次不必用宅富足帝王之寵祿皆可樂也蓋

逢明出世忘情親開之爲
快說亦何昌言之作哉

與妻徐淑

秦嘉

不能養志當給羣使隨俗順時黽勉是去知所苦故
耳未有瘳損想念悵悵勞心無已茲涉遠路趨走風
塵非志所慕慘慘少樂又計往還將彌時節念發同
願意有遲遲欲暫相見有所屬托今遣車往想必自
力

又與妻徐淑

秦嘉

車空往返甚失所望兼敘遠別悵悵之情顧有悵然

翰苑瑣瑤

八卷三

二十七

間得此鏡既明且好形觀文采世所罕有意甚愛之
故以相與并寶釵一雙好香四種素琴一張常所自
彈明鏡可以鑑形寶釵可以耀首芳香可以馥身素
琴可以娛耳

荅夫秦嘉

徐淑

知屈主璋應奉歲使策名三府觀國之光雖無高素
皜然之業亦是仲尼執鞭之操也自初承問心願東
還迫疾惟宜所宜抱嘆而已日月已盡行有伴例想
嚴裝已辦發適在近誰謂宋遠企予望之室邇人遐

我勞如何溪谷逶迤而君是涉高山巖巖而君是越
斯亦難矣長路悠悠而君是踐冰霜慘冽而君是履
身非形影何得動而輒俱體非比目何得同而不離
於是詠萱草之喻以消兩家之恩割今者之恨以待
將來之懼今適樂土優游京邑觀王都之壯麗察天
下之珍妙得無目玩意移往而不能出耶

又荅夫秦嘉書

徐淑

既惠音令兼賜諸物厚碩殷勤出於非望鏡有文采
之麗釵有殊異之觀芳香既珍素琴益好惠異物於

翰苑瑣瑤

八卷三

二十八

鄙陋割所珍以相賜非豐恩之厚孰肯若斯覽鏡執
釵情相彷彿操琴誦詩思心成結教以芳香馥身喻
以明鏡鑑形斯言過矣未獲我心也昔詩人有飛蓬
之感班婕妤有誰榮之嘆素琴之好當須君歸明鏡
之鑑當待君還未覩光儀則寶釵不列也未侍帷帳
則芳香不發也按淑又與秦書云奉金錯梳一枚可服藥酒
徐淑勸循禮儀遵蹈規矩而後歸死不嫁毀
形傷生報荅兩書辭詳情至而無絲毫之憾
與子元珪
杜秦姬
中人情性可上下也。在其檢耳。若放而不檢。則入惡。

也。昔西門豹佩章以自寬。宓子賤帶弦以自急。故能
改身之恒。爲天下士。

訓示正大。卓
有孟母之風。

與兄子

趙嘉

大丈夫遁無箕山之操。仕無伊呂之勲。天不我與。復
何言哉。可立一員石於吾墓門側。刻之曰。漢有逸民。
姓趙名嘉。有志無時。命也。奈何。

按鍾嶸詩品。有漢上計趙壹
字元叔。後嘉字。誤作壹字耳。

答親舊

時中其
令朝歌

虞詡

翰苑瓊琚

卷三

二十九

事不避難。臣之職也。不遇盤根錯節。無以別利器。此
乃吾立功之秋也。

與黃瓊

或刻作楊
虞與叔度

楊厚

某與兄。蟄處甕牖久矣。一聲霹靂。春夜發祥。而棕屨
適至。時同其與我共驚人之鳴乎。

與黃瓊

李固

君子謂伯夷隘。柳下惠不恭。不夷不惠。可否之間。聖
賢居身之所珍也。語云。曉曉易缺。皦皦易汙。盛名之
下。其實難副。近樊英被徵。初至朝廷。設壇席。猶待神

明。既而訾議布流者。豈非觀聽望淡。聲名太盛乎。以
故俗論。皆云處士純盜虛聲。願先生弘此遠謨。令衆
人嘆服。一雪此言。

與黃瓊

郭泰

某以貧故。食無魚。以旱故。羹無蔬。日煮澗泉飲。一作
飲一作脫粟。脫粟曰飲。耳海物惟錯。半含蒼潮。所謂眼中
餽。有兩主人也。予脫粟者。一今
餽海錯者。又一

答友

郭泰

奉高奉高
字之器。譬諸汎濫。汎泉旁出
濫泉正出雖清而易挹。叔

翰苑瓊琚

卷三

三十一

度黃憲
字。汪汪若干頂波。澄之不清。滂之不濁。不可量
也。

與韋公

或刻作范滂
與杜喬誤

孔融

前別意恨甚多。不悉。幸從事至。承獲所訊。喜而起。居
無恙也。僻疾不得復與。足下岸幘廣坐。舉杯相托。以
爲邑邑。前日元將來。英才亮茂。雅度弘毅。濟世之器
也。昨仲將來。開一作敏篤誠。保家之主也。不意雙珠。
二將並
章公子近出。老蚌甚珍貴之。遺書通心。

答孔融

張茂

虞仲翔名前頗爲論者所侵美玉雕磨益光不足以損

與劉寵

陳蕃

日外郊行見有盤踞草中疑爲怪物徐而視之則暗香一根移植檻間奇心可狀柰無園可栽敢持爲齋閣獻君雖榮貴必不賤我枯朽也

與陳仲舉

徐穉

某與執事爲同登而生又同甲簷花細雨豈不願承一夕教淒其旅思孤颿欲遂東矣意氣相與毋枉再

翰苑瑣瑤

卷三

三十一

三

荅鄉人

魏桓

夫干祿求進所以行其志也今後官千數其可損乎廐馬萬匹其可減乎左右權豪其可去乎使桓生行死歸於諸君何有哉

辭辟

蔡邕

申屠蟠稟氣玄妙性敏心通喪親盡禮幾於毀滅至行美誼人所鮮能安貧樂潛味道守真不爲燥濕輕重方之於邕以齒則長以德則賢

與夫

竇玄妻

棄妻斥女敬白竇生卑賤鄙陋不如貴人妾日以遠彼日以親何所控訴仰呼蒼天悲哉竇生衣不厭新人不厭故悲不可忍怨不可去彼獨何人而居我處

與劉祐書

延篤

昔太伯三讓人無得而稱焉延陵高揖華夏仰風吾子懷遠氏之可卷體審子之如思微妙玄通冲而不盈茂三光之明永暇以天下爲事何其劬高邁歟

與李文書

延篤

吾嘗昧爽櫛梳坐於客堂朝則誦虞夏之書歷公旦之禮樂覽仲尼之春秋當此之時不知天之爲蓋地之爲與慎勿迷其本棄其生也

遺矯慎書

吳蒼

仲彦矯慎字足下勤處隱約雖乘雲行泥栖宿不同每有西風何嘗不歎蓋聞黃老之言乘虛入冥藏身遁迹亦有理國養人施於爲政觀道德五千言至如登山絕跡神不着其證人不睹其驗吾從先生欲其可者於意何如昔伊尹不懷義道以待堯舜之君方今

翰苑瑣瑤

卷三

三十二

三

明明四海開闢，巢許無爲，箕山夷齊，悔入首陽，足下
審能騎龍弄鳳，翔矯雲間者，亦非狐兔燕雀所敢謀
也。可爲紫身亂倫者，生右敬

與姻家

崔瑗

賢女委頓積日，治此爲憂，懸焦心，今已極佳，足下勿
復憂念，有信來，數附書知聞，以解其憂。

用三個受字，一在已，一在彼，一在所稱賢女者。

與弟書

張芝

知汝殊愁，且得還爲佳也。冠軍暫屯釋，當不得極蹤。

翰苑遺書

卷三

三十三

可恨。以未滿得志吾病來，不辨行動，治何理耶。言未得且方後

方有諸分張，不知比去復得一會否。

按詳先後文勢，此書乃與其冠軍者後另一書，乃與其講習者，諸刻俱誤合爲一書，今改正之耳。

又與弟書

張芝

講竟終年，纏此當不竟可恨。欲講貫之畢，則纏綿終可汝還當思更就理厭游厭厭，不終纏而講不竟，又恨汝還當思更就理厭游厭厭，不終纏而講不竟，又

往虎丘否，此甚蕭索。虎丘同故在焉，祖希以昔米芾斷唐張旭書或以爲非漢非唐，乃晉張玄之作，祖希玄字也，然古人相企慕，多端襲名字，如相如類，安必祖希之非前時病，因行藥，欲數處看過，還復共集一散芝字耶。

耳。參酌衆方，以定一對病之劑，然有名湯名散之殊耳者也，此與前言吾病治何理，與前詳畧，然非一篇

安等人當與行，不足，不過彼與消息。

不書言所見者，當與講論而諦聽之，詳故友與行類衆，當不自足已，不自適人，消息參焉，則師友兩益也，所見者，講師左軍，疑職名，兩可恨，有無涯之思，後段中言行藥集散，見妙粗悉，便是爲學影樣，妙能。

荅尚書郎張溫。桓帝時幸危陵，溫其獨不輟耕，觀，汚濱叟

我野人也，不達爾語，請問天下亂而立天子耶，理而立天子耶，立天子以父天下耶，役天下以奉天子耶。

翰苑遺書

卷三

三十四

昔聖王宰世，茅茨采椽，而萬人以寧，今爾之君，勞人自縱，逸遊無忌，吾爲爾羞之，爾尚何忍欲人觀之乎。

論者勿謂李膺無士也，此更便是千駟弗顧之尹矣。

荅劉荆州

龐統

鴻鵠巢於高岑，一作林之上，暮而得所，栖，鼯鼯穴於溪淵之下，夕而得所，宿，夫趨舍行止，亦人之巢穴也，各得其栖宿而已。

又

龐統

世人皆遺之以危，我獨遺之以安，雖所遺不同，未爲

無所遺也

漢書是尋常拙夫語言後來荆州二子以少凌長曹師南下劉琮束手迎降遂而歸于畢於于禁之傲雲林之安哉有識之士便自當于此處看破

進曹孟德

荀彧

自天子蒙塵將軍首倡義兵徒以山東擾亂未遑遠赴今鑒輿旋軫東京榛蕪義士有存本之思兆民懷感舊之哀誠因此時奉主上以從人望大順也秉至公以服天下大畧也扶弘義以致英俊大德也四方雖有逆節其何能為

翰苑叢書

卷三

三五

文若之請名義甚正今遇光武可不下鄧禹

沮議九錫

荀彧

明公今興義兵以匡朝寧國秉忠貞之誠守退讓之實君子愛人以德不宜如此

文若雖所事失人而其終九錫之沮與其初本迎之勸猶能言相顧而不負者

對呂布

陳登

登見曹公言養將軍譬如養虎當飽其肉否則將噬人公曰不然譬之養鷹饑即為用飽則颺去其言如此

只述兩個譬喻而事情已具悉

論弟仲謀

孫策

舉江東之衆決機於兩陣之間與天下爭衡卿不如我舉賢任能各盡其心以保江東我不如卿

兩人才具了然目中

卻將幹

周瑜

子翼字幹良苦遠涉江湖為曹氏作說客耶丈夫處世遇知己之主外托君臣之義內結骨肉之恩言行計從福禍共之假使蘇張更生能移其意乎

翰苑叢書

卷三

三十六

慷慨片談直使蔣生壯口心服其雅量也

論呂蒙

孫權

孤豈欲卿治經為博士耶但當涉獵見往事耳卿言多務孰若孤常讀書自以為大有所益

參參數語遂成名言

答曹操

楊彪

雅顧隆雋屏蒙接納私自顧慰小兒修頑鹵謬見采錄不能期效以報所愛相子之行莫若其父恒慮小才一作兒必致傾敗足下恩恕延罪迄今聞慰時發修以書慰

之。日。心。腸。酷。裂。凡。人。情。誰。能。不。爾。淡。惟。其。失。用。以。自。擇。省。覽。衆。賜。益。以。悲。思。

荅下夫人

楊彪妻袁氏

路岐雖近不展淹久。嘆想之勞。情抱山積。曹公匡濟天下。遐邇以寧。小兒疎細。謬蒙采拾。未有上報。果自招罪戾。念之痛楚。五內傷裂。尊意不遺。復辱惠告。見

明公與太尉書。具知委曲。度子之行。不過父母。度子。時所云。爲度意。

小兒遠越。分應至此。憐其始立之年。畢命埃土。遺育孤幼。言之崩潰。明公所賜以多。又加重賚。禮

謝諸守臣

袁紹

約諸郡

袁紹

漢家無甚失道。徒以太阿倒握。政付刑餘。黨錮諸賢。毒流海內。識者爲之寒心。某世登元宰。得專征柄。目愴神京。髮豎皆裂。不自度德量力。欲提孤旅之師。掃清宮纓。比死者一洗之。凡我同盟。幸戒期毋自失。

謝諸守臣

袁術

天下事大可憂。國家瘡痍。祇除二豎。迫據膏肓。晉侯。爲二豎子據膏肓之上。膏之下。秦。晉末云。疾在膏肓。不復治矣。令人震懼。僕中宵踴

躡鍼砭不施。以膏肓之難治。喻官豎之難極。惟歸而繕精兵。以觀其變。諸君志在王國。幸不悞。通。各。熟。計。之。

啟袁本初

田豐

明公四世元老。人望所宗。間者入清禁掖。不以此時。居中制外。而下同藩邦。望人看聽。則諸臣之過計也。悔之。

啓曹孟德

郭嘉

漢之宗親。俱守穴鼠耳。謂袁。璋等。劉備有鷹隼之才。秋風倏起。獵獵有凌雲心。明公宜謹避之。

謝諸守臣

郗張遼

關羽

魯仲連。東海之匹夫耳。爲齊下士。然且耻帝秦。獨可使其負漢耶。子且休矣。吾極知曹公待吾厚。然吾受劉豫州恩。誓以共死。不可背之。吾終不留。要當立效。以報乃去爾。

謝曹孟德

關羽

羽聞主辱。臣憂主辱。臣死。曩所以不死。欲得故主之音問耳。今知己在河北。此心飛越神已先馳。惟明公幸少矜之。千里追隨。當不計利害。謀生死也。子女王

帛之貶勒之存丹羽謝

與曹孟德

關羽

劉豫州有言尉佗秦之小吏耳猶獨立不詭其啞啞飛鳴翔而後集寧甘志終小人下也使明公威德布於天下幹旋漢鼎窮海內外將拜下風沐高義矣獨某兄弟哉瞻悚羽再復

荅袁術

陳珪

曹將軍神武應期興復典刑將撥平凶慝清定海內信有徵矣以爲足下當修力同心匡翼漢室而陰謀

翰苑瓊瑤

卷三

三十九

不軌以身試禍豈不痛哉若迷而知返尚可以免吾備舊知故陳至情雖逆於耳肉骨之談也欲某營私附阿敢以死請

與尚書袁譚書

劉表

金木水火以剛柔相濟然後克得其和能爲民用青州天性峭急仁君度數弘廣當以大包小以優容劣先除曹操以卒先公之恨事定之後乃議曲直之計不亦善乎

錫用諺云尋表此言可謂藥石而譚尚忽焉授手通下惜哉然未從知之不能行之易費之奇不減

本初二跡亦等良可笑也

戒子

司馬徽

聞汝克役室如懸磬何以自辦論德則吾薄說居則吾貧然勿以薄而忘不壯貧而行不高也

與公家積陰德之訓互相發

進劉玄德

諸葛亮

今曹氏已擁百萬之衆挾天子以令諸侯此誠未可與爭鋒孫氏據有江東已歷三世此可與爲援而不可圖也荆州北據漢河利盡南海東連吳會西通巴

翰苑瓊瑤

卷三

四十

蜀此用武之國而其主不能守此殆天所以資將軍也益州險塞沃野千里民殷國富而不知存恤智能之士思得明君將軍既帝室之胄信義著於四海若跨有荆益保其巖阻內修政治外觀時變則霸業可成漢室可興矣

與關雲長書

諸葛亮

孟起馬超兼資文武雄猛過人一世之烈驟赴之徒當與翼德張飛並驅爭先未若關公美美稱公也絕倫逸羣也馬超故孔明解之

與兄子瑜

諸葛亮

殷往嗣名弘秀才之僑子盼叔也東吳孤蘆中乃有奇偉如此人兒瞻今已八歲聰慧可愛嫌其早成不為重器

與張裔書

諸葛亮

去婦不顧門委非不入園以婦人之情草萊之性猶有所耻想忠壯者意何所之

答勸益發兵者

諸葛亮

前大軍在祁山箕谷皆多于賊而不能破賊為所破

翰苑叢書

卷三

四十一

者此病不在兵少也在一人耳今欲減兵省將明罰思過校變通之道於將來若不能然者雖兵多何益自今以後諸有忠慮於國但勤攻吾之闕則事可定賊可死功可矯足而待矣

誠

諸葛亮

夫君子之行靜以修身儉以養德非澹泊無以明志非寧靜無以致遠夫學須靜也才須學也非學無以廣才非靜無以成學悄悄急情不學兼則不能研精險躁不但寧靜則不能理性則不能研精性未理何云致遠年

與時馳意與歲去遂成枯落悲嘆窮廬將復何及

語語成規

送諸葛孔明南征

馬謖

用兵之道攻心為上攻城為下心戰為上兵戰為下今討南中叛夷願公服其心而已

上昭烈帝

一作與曹孟德者誤今改正之

許靖

驚怯偷生自竄荆蠻漂泊風波絕糧茹草欲東身歸死關廷而荆州水陸無津交部驛使斷絕益州復有峻防仰企光靈何由假翼自致哉靖入蜀先主即位遂為司徒

翰苑叢書

卷三

四十二

答王商

秦宓

以國君之賢子為良輔不以是時建蕭張之業未足多也僕得曝背乎隴畝之中誦顏氏之簞瓢詠原思之蓬戶時翱翔於林澤與沮溺之等儔聽玄後之悲吟察鳴鶴於九臯安身為樂無憂為福處空虛之喻無居不靈之龜用無知我者稀則我貴矣斯乃僕得志之秋也何困苦之戚焉

與劉鄩

秦宓

處士任安仁義直道流名四達如今見察則一州斯

服昔湯舉伊尹、不仁者遠、何武進二襲、雙名竹帛、故貪尋常之高、而忽萬仞之嵩、樂面前之飾、而忘天下之譽、斯誠往古之所慎也、甫欲鑿石索玉、剖蚌求珠、今乃隋和隋侯珠和氏玉炳然、有如皎日、復何疑哉、誠知晝不操燭、日有餘光、但餘情區區、貪陳所見、

與荀彧書

袁徽

許文休許靖字英才偉上、智畧足以計事、自流宕以來、與羣士相隨、每有患急、嘗先人後已、與九族中外、同其饑寒、其紀綱同類、仁恕惻隱、皆有效事、不能復一

翰苑瓊瑤

卷三

四十三

二陳之耳

王鳳洲云所謂許文休虛名滿天下、豈不信耶

與所親書

張裔

近者涉道、晝夜接賓、不得休息、人自敬丞相長史、男子張君嗣附之疲倦欲死、

楊升菴云君嗣為留府長史、故有是言、真雅謔也、便是嵇阮輩家法

與司馬懿

曹植

今賊徒欲保江表、守區區之吳耳、無有爭雄宇宙、角勝中原之志也、故其俗蓋以洲渚為營壁、江淮為城

塹而已、若可得挑致、則吾一旅之卒、足以敵之矣、蓋弋鳥者矯其矢、釣魚者埋沉也或作埋誤其綸、此皆度彼為慮、因象適宜者也、今足下曾無矯矢埋綸之謀、徒欲候其離州、伺其登陸、乃圖并吳會之地、收陳野之民、恐非主上授節命將之心也、

與曹子建

陳琳

明使君始垂憐哀意、眷養日崇、譬之疾、乃始、炎神分藥、岐伯下針、疾雖未除、就沒無恨、何者、以其天醫至神、而營竟鬼自盡也、

翰苑瓊瑤

卷三

四十四

答吳張紘

陳琳

自僕在河北、與天下隔、此間率少於文章、易于雄伯、霸故使僕受此過差之談、非其實也、今景興王朗字在此、足下與子布張昭字在彼、所謂小巫見大巫、神氣盡矣、

答司馬懿

田豫

年過七十、而以居位、譬之鐘鳴漏盡、而夜行不休、是罪人也、

味鍾漏之言、可稱妙喻、不直譬揚已也

與管幼安

桓範

鑿坏而處，養德顯仁，堯舜在上，許由在下，箕山之志，于是復顯，嚴平鄭真，未足論比，思請見于蓬廬之側，厥途無由，託思晨風。

誠子

杜恕

張子臺視之似鄙朴人然，其心中不知天地間何者美好，作俗人如此，自可不富貴，然禍患當從何而來。

誠子姪

王景

勸苑瓊瑤

卷三

四十五

景名其兄子，曰默，曰沉，名其子，曰渾，曰淡，戒之曰：吾以四者爲名，欲使汝曹顧名思義，不敢違越也。夫物速成則疾亡，晚就則善終，朝花之草，夕而零落，松柏之茂，隆冬不衰，是以君子戒于闕黨也。夫能屈以爲伸，讓以爲得，弱以爲強，鮮不遂矣。夫毀譽者，愛惡之原，而禍福之機也。人或毀已，當退而求之于身，若已无可毀之行，則彼言當矣。若已無可毀之行，則彼言妄矣。當則無怨于彼，妄則無害于身。又何反報焉？諺曰：救寒莫如重裘，止謫莫如自修，斯言信矣。

毀譽不加于心，千古聖賢識力，即象示滅，名義定然，左氏命同，正與此例，宜詳玩之。

與從弟

應璩

風伯掃除，雨師洗道，按轡清洛，周望山野，亦既至止，酌彼春酒，接武茅茨，涼過大厦，扶寸肴羞，味逾方丈，逍遙陂塘之上，吟咏苑柳之下，結春芳以崇佩，折若花以翳日，弋下高雲之鳥，餌出淡波之魚，蒲且贊美，便僂稱妙，何其樂哉。

謝柰

王朗

柰以夏熟，今則冬生，物以非時爲珍，恩以口腹爲厚。

勸苑瓊瑤

卷三

四十六

朗謝

與客

虞翻

僕聞琥珀不取腐芥，磁石不受曲針，過而不存，不亦宜乎。

臨訣

孫仲奇妹

鏡與粉盤與郎香奩與若也，欲其行身如明鏡，純如粉，譽如香。

與諸葛融

朱績

某遠來疲困，馬無所食，力屈而走，此天助也，今追之。

力少、可引兵相繼、吾欲破之於前、足下乘之於後、豈一人之功哉、宜同斷金之義、

與兄

陸景

自尋外役、出入三年、緣兄之篤睦、必時存之、寶錄兄書、積之盈筭、不得新命、無以自慰、時輒溫故、以釋其私、有信、勿望數字、謂一二字亦可、每見兄書、如復暫面、

答諸葛靚

時逆賊晉兵敗

張悌

我爲兒童時、便爲卿家丞相、諸葛下喻、所識拔、常恐不得其死、負名賢知顧、今以身徇社稷、復何遁耶、

古今翰苑瓊瑤

卷之三

四十七

下

古今翰苑瓊瑤卷之三

古今翰苑瓊瑤卷之四目錄

晉

王基

與司馬師

司馬攸

與山濤書

司馬越

與阮瞻書

與陳敏書

張就

古今翰苑瓊瑤

卷之四

目錄

一

下

上父書

山濤

勸存吳

與弟求婦書

羊祜

惜伐吳異議

與弟

杜預

與王濬

卻衆議

奏考課法

范通

規王潛

何惲

賧周浚

索靖

月儀帖

又

皇甫謐

荅辛曠

王沉

荅傅玄

翰苑瓊瑤

卷四

目錄

二

五

劉儼

上杜預

楊濟

與傅咸

傅咸

荅楊濟

衛玠

示友

衛瓘女

達朝士

劉毅

論中正

對武帝

魯褒

論錢神

郭欽

奏徙戎

江統

論徙戎

翰苑瓊瑤

卷四

目錄

三

七

鈕滔母

荅吳國書

與從弟孝徵

徐藻妻陳氏

與劉氏妹

張華

與褚陶

荅雷煥

韋忠

辭辟荅人

蔣濟

與魏臻

吾誕

與郭魏

陸機

與弟雲

陸雲

與陸典書

又

與戴季甫

與楊彥明

孫惠

翰苑瑣瑁 卷四 目錄

四

與朱誕

顧榮

上郎邪王箋

賀循

報虞預論楊方

陳頤

與王導

王導

與王允之

荅陶侃

妹淑

與兄弟

顧和

問訊王導

劉琨

與友人

諭親故

石勒

荅劉琨

王敦

翰苑瑣瑁 卷四 目錄

五

與僚屬

蔣潛

奉武陵王

陸玩

與王丞相賡

卞壺

與溫嶠書

孔坦

遺賡與庾亮

庾亮	報孔坦	陶母湛氏	責子	陶侃	與庾亮	陶士衡	答慕容廆	梅陶	翰苑遺稿	卷四	目錄	六
							諭慕容廆		與曹識			
									桓溫			
									與撫軍牋			
									蔡謨			
									答所親			
									衛夫人	姓李		
									與鑒師			
									王羲之	字逸少		
									與會稽王			
									與殷浩			

又與殷浩	與益州刺史周撫	寧所親帖	破羗帖	殷浩	答謝尚書	庾冰	與王逸少	庾翼	翰苑遺稿	卷四	目錄	七
時謫罪			陶谷家藏					字稚恭	與殷浩書			
舉北伐	薦虞安吉	與謝吏部萬	名王羲之帖						答殷豫章送折角如意			
約壽友遊蜀									與都人			
									王胡之			
									與庾安西			
									孫盛			
									與桓溫			
									習鑿齒			
									與桓溫			
									與謝公			

與謝安書

王坦之

與謝安

謝安

荅王坦之

與支遁

袁崧

荅謝安惠扇

孫楚

謝賜障日

翰苑瑣瑤 卷四 目錄

八

薦傅長虞

王徽之

與兄 三首

鏡湖帖

辭中令

顧愷之

與殷荊州

桓玄

與殷仲文

與遠法師書

張天錫

荅索商

王猛

與張天錫

符詠

與慕容垂

陶潛 字淵明

與子

又

諸葛長民

與劉敬宣

翰苑瑣瑤 卷四 目錄

九

劉敬宣

荅諸葛長民

南北朝

謝靈運

與廬陵王

與弟書

顏延之

與王曇首

荅丘珍孫

王微

與道明僧

與何偃

謝鎮之

與顧羽士

與劉虬

沈麟士

荅吳興守張永

沈慶之

諫北伐

王僧虔

戒子

孔珪

翰苑瑣瑁

卷四 目錄

十一

戒子慎終

陸靜修

遺張融

王融

與劉虬

蕭子良

荅王僧虔

劉休

與親知

謝朓

謝隋王賜紫梨

劉瑀

與顧竣

張克

與王儉

宗測

荅魚復侯

荅齊豫章王

自署

翰苑瑣瑁

卷四 目錄

十一

陶弘景

荅謝中書書

荅趙英才

吳均

與朱元思

劉之遴

與劉孝標

劉孝標

與何炯

庾肩吾

謝陶隱居求蒸

楊本作沈約

沈約

謝賜絹葛

荅劉繪

殷芸

與劉溉

王泰

荅法雲師

何遜

爲衡山侯與夫人

謝范瑒

卷四 目錄

十三

陳徐陵

與楊惔

周弘正

荅王褒

陳暄

與兄子秀

魏祖瑩

示友

賀拔勝

與宇文泰

甄湊

荅親戚求官

荅官謀求麋角翎毛

杜弼

與高允

蔡景歷

荅宇文周公

宗欽

荅裴衍

謝范瑒

卷四 目錄

十三

崔瞻

與李槃

袁聿修

辭邢邵貺

隋

李諤

奏文體

時爲治書侍御史

李士謙

荅客贊

王通

荅楊素素乃越國公

杜之松

荅王績

楊暕

與崔頤

王貞

荅齊王暕

徐洪客

翰苑瓊瑤卷之四 目錄

爲李密荅唐公淵

賈閏甫

對李密密時開洛口倉賑民

古今翰苑瓊瑤卷之四目錄

古今翰苑瓊瑤卷之四

蜀都 楊慎選

浙姚 孫鑛評

吳郡 陳仁錫校

晉 南北朝 隋

與司馬師

王基

天下至廣萬機至猥誠不可不矜矜業業坐而待旦也夫志正則衆邪不生心靜則衆事不躁思慮審定則教事不煩親用忠良則遠近協服故知和遠在身

翰苑瓊瑤卷之四

定衆在心許允傳報袁侃崔贊皆一時正士有直質而無流心可與同政事者也

與山濤書

司馬攸

中庶子東宮顯職加侍接左右一無誠宜得篤粹有行檢六人想悉在尊意必允衆望也

與阮瞻書

司馬越

禮年八歲出就外傳明始可以加師訓之責十年曰幼學明可漸先王之教也然學之所入淺體之所安深是以閑習禮容不如式瞻儀度諷誦遺言不若親

承音旨、小兒毗、既無令淑之質、不聞道德之風、望諸君時以閒豫、周旋誨接、

附習四句、各言、

與陳敏書

司馬越

將軍建謀富國、則有大漕之勲、及遭永昌之亂、則首率義徒、以寡敵衆、隻身挺立、雄畧縱橫、擢奇謀于馬首、奮靈計于臨危、金聲振于江外、精光赫于揚楚、攻堅陷險、三十餘戰、師徒無虧、勅敵自滅、五州復全、苞茅入貢、豈非將軍之功力哉、今羯賊屯結、遊覓河濟、

翰苑瓊瑤

卷四

二

鼠伏雉竄、藏匿陳留、始欲姦盜、終圖不軌、想割草土之哀、抑難居之思、捨經執戈、來恤國難、天子遠巡、鑒與未反、引領東睇、有懷山林、當憑將軍戮力、王輅承書夙發、米布軍資、惟將軍所選、

雄渾華瞻、亦詞翰之飛將也、

上父書

張就

大人率厲燉煌、西垂忠義顯然、豈以就在困厄之中、而替之哉、昔樂羊嘗子、李通覆家、報國之臣、寧懷妻孥耶、今大兵垂至、但當趣通兵犄之、願不以下流之

愛使就有報于黃壤、

勸存吳

山濤

自非聖人、外寧必有內憂、今釋吳以爲外患、豈非算哉、

與弟求婦書

山濤

長子容、當爲求婦、遠求小姓、足使生子、天其福人、不在貴族、芝草無根、醴泉無源、

世俗娶婦、必慕高門、此帖使人病骨

惜伐吳異議

羊祜

翰苑瓊瑤 卷四 三
天下不如意事、十常八九、天與不取、豈非更事者、限于後時哉、

與弟

羊祜

既定戎事、便當角巾東路、歸故里、爲容棺之墟、以白士而都重位、何能不以盛滿受責乎、二疏是吾師也、

一本無便字、補作居、

與王濬

杜預

足下既罷其西藩、便當逕取秣陵、殄累世之逋寇、釋吳人于塗炭、自江入淮、渝于泗汴、沂河而上、振旅還

都亦曠世一事也。

郤衆議

杜預

昔樂毅藉濟西一戰以并強齊今晉師下吳兵威已振譬如破竹數節之後皆迎刃而解無復住手處也

奏考課法

杜預

古者黜陟擬議于心不泥于法末世疑心而信耳目疑耳目而信簡書簡書愈煩官方愈僞魏氏考課卽京房遺意也其文可謂至密然失于苛細以違大體豈若申唐虞之制去密就簡俾易從也

翰苑瓊瑤

卷四

四

規王濟

范通

卿功則美矣然恨所以居美者未盡善也向旋旆之日角巾私第口不言平吳之事有問者輒曰聖主之德羣帥之力老夫何功之有此蘭生所以屈廉頗也王渾能無愧乎

近于有道之言下獨王渾所宜知

賤周浚

何惔

書貴克讓易大謙光前破張悌吳人失氣龍驤因之陷其區宇論其前後我實緩師既失機會不及於事

而今方競其功彼既不吞聲將虧雍穆之弘興矜爭之鄙愚不取也

月儀帖

索靖

山川路限不能翻飛登彼崇丘逍遙長望延佇莫及思積情疲不勝眷然之感

又

索靖

雲漢之路龍驤天府忘此反信飛沉一殊何緣言燕所與爲時節寶光儀

荅辛曠

皇甫謐

翰苑瓊瑤

卷四

五

聞服有素委心無量汎愛不遺猥降德音情義款篤執誨欣然若饗太牢抱佩至眷銘于心膺鄙薄才頑行穢天奪其志神迷其心因托虛靜遂竊美選聖上仁聰亮其辛苦每自陳訴輒見寬放雖大君有命實小人勿用也匪敢盤桓疾與榮競聞命悚灼如蹈春冰

玄晏先生名謐而文質陰沈如吳

荅傅玄

王沉

省足下所著書言富理濟經綸政體存重儒教足以

塞楊墨之流通齊孫孟即荀孟于往代每開卷未嘗不歎息也不見賈生自以過之乃今不及信矣

傳先生欲砥柱當時之頹波而卒如棒土塞孟津者由無良主倡而寡和

上杜預

劉 儉

昔以謬選忝備官屬各得與前征南大將軍祐參同庶事祐執德冲虛操尚清遠德高而體卑位優而行恭前膺顯命來撫南夏既有三司之儀復加大將軍之號雖居其位不行其制至今海內渴佇羣俊望風涉其門者貧夫反廉懦夫立志雖夷惠之操無以尚

翰苑瓊瑤

卷四

六

也自鎮此境政化被乎江漢潛謀遠計關國開疆諸所規模皆有軌量志存公家以死勤事始辟四橡未幾而隕昔召伯所憇愛流甘棠宣子所游封植其樹夫思其人尚及其樹况生存所辟之士便當隨例放棄者乎

與傅咸

楊 濟

江海之流渾渾故能成其深廣也天下大器非可稍了而相觀每事欲了生子癡了官事官事未易了也了事正作癡復爲快耳左丞總司天臺雖正八座此

未易居以君盡性而處未易居之任益不易也想慮破頭故具有白破頭云者猶言不能自全之意

言問川正且謹今人捉摸不定故是管人清談

荅楊濟

傅 咸

衛公云酒色之殺人此甚于作直坐酒色死人不爲悔逆畏以直致禍此由心不直正欲以苟且爲明哲耳自古以直致禍者當自矯枉過直或不忠允欲以亢厲爲聲故致忿耳安有慳慳爲忠益而當見疾乎大抵勿欺而信而後諫乃直之善道若計以爲直取直之禍而假口以直爲戒無有是處咸之言

翰苑瓊瑤

卷四

七

示友

衛 玠

人有不及可以情恕非義相干可以理遣

不刊名言

達朝士

衛 瓘女

先公名謚未顯無異凡人每怪一國蔑然無言春秋之失其咎安在悲憤感慨故以示意

論中正

劉 毅

今立中正定九品魏用陳羣議今郡國置中正官州置大中正取本土人爲之使銓次

等九品高下任意榮辱在手操人主之威福奪天朝之權勢公無考校之負私無告許之忌營私百態鑽謀萬端廉耻之風滅奔競之俗成古今之失莫大于此臣愚以爲宜罷中正除九品棄魏氏之敝法更立一代之美制

對武帝

劉毅

桓靈賣官錢入官庫陛下賣官錢入私門以此言之殆不如也

毅之言直意切於漢時乃帝大笑曰桓靈之世不聞此言今朕有直臣固爲勝之雖能容言然不能聽

翰苑瑣瑤

卷四

八

然改何哉

論錢神

魯褒

錢之爲體有乾坤之象內方外圓親之如兄字曰孔方無德而尊無勢而熱排金門入紫闥危可使安死可使活貴可使賤生可使殺是故忿爭非錢不勝幽滯非錢不拔怨讐非錢不解今聞非錢不發洛中朱衣當塗之士愛我家兄皆無已極執我之手抱我終始凡今之人惟錢而已

常謂此語公行銀錢旁午殊不成國體亦不成世風皆由武帝作法之不涼耳褒論可謂痛快

奏徙戎

初魏與蜀分界徙戎都于秦川然以禦蜀後遂滋蔓○郭欽時爲侍御史

郭欽

戎狄強獷歷古爲患宜及平吳之威謀臣猛將之畧漸徙內郡雜胡于邊地峻四夷出入之防明先王荒服之制此萬世之長策也

論徙戎

江統

關中土沃帝王所居未聞戎狄宜在此土也非我族類其心必異宜申諭發遣還其本域慰彼羈旅懷土之思釋我華夏緘芥之憂於計爲長也

翰苑瑣瑤

卷四

九

郭欽之奏江統之論並有至慮晉祚從之○欽有五胡之禍○江統時爲太子洗馬

答吳國書

鈕滔母

胡桃本生西羌外剛樸內柔甘質如古賢欲以奉貢與從弟孝徵

鈕滔母

省爾譏我以養鶴乃戒以衛懿滅斃之禍斯言惑矣吾未之取衛懿之好民無役車之載鶴有秦軒之飾禍敗之由由乎失所若乃開圃匹乎文囿沃池矩乎神沼靈魚躍于白水素鳥翔乎神洲豈非周文之德大雅所修哉夫嘉肴旨酒非不美也夏禹盛以陶豆

殷紂貯以玉杯而此聖以興彼愚以滅蓋置之失所如其無失來難何施乎

失所之論切乎事情

與劉氏妹

徐藻妻陳氏

見偉方所作先君疑陳誄其述咏勲德則仁風靡墜其言情訴哀則孝心以敘執咏反覆感賴交集輒不自量有疑一言畧陳所懷庶備起予先君既體弘仁義又動則聖檢道長祚短時乏識真榮位未登高志不遂本不標方外蹟者也老莊者絕聖棄智渾齊萬物等貴賤忘哀樂非經典所貴非名教所取何必輒引以為喻耶可共詳之

一婦人乃有此卓識舉晉之名流愧之矣

與褚陶

張華

二陸龍躍于江漢彥先鳳鳴于朝陽自此以來嘗恐南金已盡而復得之于吾子故知延州子之德不孤淵岱之寶不盡

荅雷煥

張華

所致詳劍文乃干將也

干將雄劍也華見斗牛間紫氣命雷於豐城獄中掘取

之後煥之子佩劍至延平津躍出與津中劍合化為二龍飛去莫邪何為不至雖然天生神物終當合耳華陰赤土還贈為拭

辭辟荅人

時裴頠薦忠於張華華辟之

韋忠

張茂先華而不實裴逸民欲而無厭棄典禮而附賊後此豈大丈夫所為哉逸民每有心託我我常恐其溺于溪淵而餘波及我况可塞裳而就之哉裴俱遣先於遠慮豈不超然耶

與魏臻

蔣濟

漢祖遇下虜為上將周武拔漁父為太師布衣廝養

翰苑瓊瑤

八卷四

十一

可登王公何必守文武而後用

與郭魏

楊本作韋誕奏記魏公

吾誕

伯喈自矜能書兼明斯李斯喜傳或云之法非得純素不妄下筆工欲善事必先利器用張芝筆左伯紙及臣墨又得臣手然後可以盡徑丈之勢方寸之言

與弟雲

陸機

此間有餘父指左思欲作三都賦須其成以覆酒甕耳

及左思賦成士

與陸典書

陸雲

巨卿在臺、高譽洋溢、洛邑之內、無不欽敬、東南之貴、實、真、不、但、會、稽、之、篠、簜、也、每、會、常、共、歌、咏、信、無、一、面、不、嘆、吟、也、想、方、周、旋、攜、手、散、今、日、之、思、耳、

又

陸雲

國土之邦、實鍾俊哲、太伯清風、遯世立德、龍蛻東嶽、三讓天下、垂化邁迹、百代所希、高蹤越于先民、盛德稱乎在昔、績及延陵、繼譽馳聲、沉淪漂流、優游上國、聆音察微、智越衆俊、通幽覽遐、明同聖哲、言偃昭烈、于孔堂、貞武邁功於諸侯、自秀偉相承、明德繼踵、亦翰苑瓊瑤

八卷四

十二

爲不少、吳國初祚、雄俊尤盛、今日雖衰、未皆下華夏也、來誨所及、遐邇同懷、重及二聖、下逮衆子、或生荒秋、或在邊域、勲美之隆、實如嘉誨、愚以東國之士、進無所立、退無所守、明裂背苦、皆未如意、雲之鄙姿、志歸丘壑、非門閨審之人、敢希天望之異、至于紹季札之遐蹤、結高軒于中夏、光東州之幽昧、流勲于朝野、所謂闔管以瞻天、緣木而求魚也、重申不列、

與戴季甫

陸雲

長遊前工、停此十餘日、想德欣喜、無以爲會、分別恨

恨、于、今、戀、之、當、暑、遠、涉、益、遣、心、懸、清、粹、沉、茂、思、敏、通、微、居、德、履、道、秉、心、真、實、貴、一、時、良、彦、言如上一時良彦也、君之別久、見之懽察、察猶微也風姿美令、心神烈暢、已成美器、欽愛之情、款然至實、近聞若思、未有通塗、每用於邑、

篇中轉折多風

與楊彥明

陸雲

彥先來、得書爲慰、時去荏苒、歲行復盡、悲此推移、終然何及、漸已欲熱、想自如常、悠悠守限、良談未日、眇

翰苑瓊瑤

八卷四

十三

然東望、思以敘至、及返、憤罔孔多、孔作不誤行矣愛德、往來相聞、

與朱誕

孫惠

馬援擇君、凡人所聞、不意二陸、相攜暴朝、殺身傷名、可爲悼嘆、

上郎邪王箋

顧榮

陸士光、貞正清貴、金玉其質、甘季思、忠款盡誠、膽幹殊快、殷慶元、質畧有明規、文武可施用、榮兄公讓、明亮守節、困不易操、會稽楊彥明、謝行言、皆服膺儒教、

足為公望、賀生沉潛青雲之士、陶恭兄弟才幹雖少、實事故佳、凡此諸人皆南金也。

可為薦刺之式

報虞預論楊方

賀循

此子開拔有志、意只言異于凡猥耳、不圖偉才如此、其父甚有奇名、出其胸臆乃是一國所推、如方者乃荒萊之時、苗、鹵田之善秀、姿質已良、但沾染未足耳、移植豐壤、必成佳穀。

與王導

陳頴

翰苑瓊瑤

卷四

十四

中華所以傾敝、四海所以土崩、正以取才失所、先白望而後實事、浮競馳驅、互相貢薦、言重者先顯、言輕者後敘、遂相波扇、乃至陵遲、如有莊老之俗、傾惑朝廷、養望者為弘雅、政事者為俗人、王職不修、法物墜喪、大欲制遠、先由近始、今宜改張、明賞信罰、拔卓茂于密縣、顯朱邑于桐鄉、然後大業可舉、中興可冀耳。

與王允之

王導

太保安豐侯、以孝聞天下、不得辭司隸、和長輿、海內名士、不免作中書令、吾輩從死、亡畧盡、子弟零落、遇

汝如親、如其不爾、吾復何言、

晉人養高輕朝一職可見于此

答陶侃

王導

默居上流之勢、如有船艦成資、故苞含隱忍、使其有地、一月潛嚴、足下軍到、得以風發相赴、豈非遵養時、以定大事者耶、

陶書云、郭默殺方州、即便為方州、害宰相、便為宰相乎、蓋茂弘姑息之政、便與待王敦一例、

與兄弟

妹淑

風遘禍、喪其所天、男弱未冠、女幼未笄、是以黽勉

翰苑瓊瑤

卷四

十五

求生、長育一子、上奉祖宗之祀、下繼祖禰之體、然後觀于黃泉、永無慚色、仁兄德弟、既不能勵高節于弱志、發明德于暗昧、許我他人、逼我于人、要嬰不以白刃臨頭、改正直之詞、梁寡杞梁之妻不以毀形之痛、忘執節之操、高山景行、豈不思齊、兄弟備名學門、不能匡我以道、雖曰既學、吾必謂之未也、

結句尤翻得妙、一篇正論激昂冰雪、此時兄弟、寧復夜叉面目、

問訊王導

顧和

王光祿王含為遠避流言、明公蒙塵路次、

皆以于羣敦反故、

下不寧、不識尊體、起若何似、

與友人

母、姓胡、吐佳言如鋸木屑、罪罪不絕、誠為後進、白

眉、馬氏五常、

諭親故

吾枕戈待旦、志梟逆虜、恒恐祖生先我着鞭、

荅劉琨

事功殊途、非腐儒所聞、君當逞節本朝、吾自夷難

為效、

翰苑瑣瑤

卷四

十六

與僚屬

王敦

昔王輔嗣吐金聲于中朝、衛玠今復玉振于江表、不

意永嘉之中、復聞正始之音、阿平若在、當復

絕倒、大笑也、

奉武陵王

考參

今送犀導、小物耳、然是情發于中、而寄乎

物、東海蔣潛、得通犀導、於一腐尸首、以奉晉武、使

大宰所得、以命

與王丞相牋

昨食酪小過、通夜委頓、民雖吳人、幾為禽鬼、之稱、以

疾自

與溫嶠書

元規召峻意定、此國之大事、峻已出、任意而召之、是

更速其禍也、必縱毒蠱以向朝廷、朝廷威力雖盛、不

知果可禽否、王公亦同此情、吾與之爭甚懇切、不能

如之何、本出足下以為外援、而今更恨足下在外、不

得相與共諫止之、或當相從耳、

翰苑瑣瑤

卷四

十七

忠懷

遺牋與庾亮

孔坦

未謂疾苦、遂至頓弊、自省縣縣、奄忽無日、修短命也、

將何所悲、但以身往名沒、朝恩不報、所懷未敘、即命

多恨耳、足下抗威顧盼、名震天下、棲櫟之位、常願下

風、使九服式敘、四海一統、若死而有靈、潛聽風烈、

臨終、梨梨

報孔坦

庾亮

得八月十五日報、知疾患轉篤、遂不起濟、悲恨傷楚、

不能自持，吾以寡乏，忝當大任，國耻未雪，夙夜憂憤，常欲足下同在外藩，修力時事，此情未果，來書奄至，申尋往復，不覺涕淚漉漉，足下慷慨之懷，深痛足下不遂之志，邈然永隔，夫復何言。

責子

初侃為魚梁吏，以脯餽送母，母封還責之。

陶母湛氏

汝為吏，以官物見餉，非惟不能益吾，反以增吾憂也。

非大賢母，不能道此。

與庾亮

陶侃

賞罰黜陟，國之大信，切怪君侯矯然獨為君子。

時元規辭

翰苑瓊瑤

卷四

十八

庚

賞

答慕容廆

陶士衡

夫功成進爵，古之制也，車騎雖未能為官摧勸，

然忠意

一作義

竭誠，今騰箋上進，可否遲速，當在天朝也。

諭幕屬

陶士衡

樗蒲者，牧猪奴戲耳，昔大禹聖人，乃惜寸陰，至於衆人，當惜分陰，豈可逸遊荒醉，生無益于時，死無聞于後，是自棄也。

千古法言
堪為箴戒

與曹識

梅陶

陶公機神明鑒，似魏武，忠順勤勞，似孔明，陸抗諸人，皆不及也。

與撫軍牋

桓溫

北胡肆逆，四十餘年，傾覆社稷，毀辱陵廟，遇其可亡之會，實是君子竭誠，小人盡力之日也。江東雖為未

豐方之古人，復為未儉，少康以一旅之衆，思復祖宗

光武，奮發中興，漢室況以大晉之祚，樹德長久，兼百

翰苑瓊瑤

卷四

九

二

越沃野之資，據江漢山海之利，鹽鐵寶帛之饒，角幹

羽毛之用，收英賢之畧，盡兵民之力，賊之強也，復猶

遵時養晦，及其斃也，不齊力掃滅，則大賊何由而自

平，大耻焉得而自雪，臨紙惆悵，慨嘆盈懷。

答所親

蔡謨

夫能順天桑時，濟羣生於艱難者，非上聖與英雄，不能為也，自餘則莫若度德量力，觀今日之事，殆非時賢所及，必將經營分表，疲民以逞，既而才畧疎短，不能副心，財殫力竭，智勇俱困，安得不憂及朝廷乎。

嗣是褚哀毀浩之改與桓溫之敗皆不出蔡公之所料

與鑒師

衛夫人

姓李氏

近奉教寫急就章遂不得與師書耳但衛隨世所學規摹鍾繇遂歷多載年廿著詩論草隸通解不敢上呈衛有一弟子王逸少字義之甚能學衛真書咄咄逼人筆勢洞精字體道媚師可謂晉尚書館書耳仰憑至鑒大不可言弟子李氏衛和南字禮也

與會稽王

王羲之

今雖有可欣之會內求諸已而所憂乃重于所欣以

翰苑瑣瑣 卷四

二十

區區吳越經緯天下十分之九不亡何待願令諸軍皆還保淮須根本勢舉謀之未晚

憂國而為之長計者炳州如丹尼聖所稱夫人不言言必有中

與殷浩

王羲之

聞鮑焦立稿接輿狂歌首句舊缺今補今先生處平壤遊人間吟典籍襲衣裳事異昔人而欲夙蹈其跡不亦難乎孔子可師何必首陽

又時謀補

王羲之

知安西敗喪公私惋怛不能須臾去懷以區區江左

所管綜如此天下寒心固已久矣而加之敗喪此可熱念願思弘濟將來今天下寄命有所自冠亂以來處內外之任者疲竭根本各從所志竟無一功可論一事可紀任其事者豈得辭四海之責哉若猶以前事為未工復求之於分外宇宙雖廣何所自容

約壽友遊蜀

王羲之

足下今年政七十耶知體氣常佳此大慶也想復勤加頤養吾年垂耳順推之人理得爾以為厚幸耳順七十者尚差十年故云然但恐前路轉欲逼耳以爾要欲一遊目

翰苑瑣瑣 卷四

二十一

汶領通非復常言足下但當保護以俟此期勿謂虛言非復常言言爾志卓勿謂虛言我志同得果此緣一段奇事也

與益州刺史周撫

王羲之

省足下別疏具彼土山川諸奇楊雄蜀都左太冲三都皆賦也殊為不備悉彼故為多奇益今其遊目意足也別作可得果珍異當告卿求追勿誤少人足耳至時示意遲待此期真以日為歲想足下鎮彼土未動舉動觀理耳要欲及卿在彼登汶領峨眉而旋實不朽之盛事但言此心已馳于彼矣

薦虞安吉

王羲之

虞安吉者昔與共事常念之今爲殿中將軍前過云與足下中表不以年老甚欲與足下爲下蜜下蜜言勞如蜂之采花作蜜而言意其姿可得小郡足下可思致之耶所念故遠及

寧所親帖

王羲之

瞻近無緣省苦傷其但有悲嘆足下小大悉平安也云卿當來居此喜遲也付不可言想必果言苦有期耳謂止息亦度卿當不居不安稟此既避意謂屏迹在此又節氣佳是以欣卿來也

卷四

二十三

與謝吏部萬

王羲之

比當與安石東遊山海并行田視地利願養閒適未食之餘欲與親知時共懽燕雖不能與言高咏銜杯引滿語田里所行故以爲撫掌之資其爲得意可勝言耶常依陸賈班嗣楊王孫之處世甚欲希風數子老夫志願盡于此也以君邁往不屑之韻而俯同羣碎誠難爲意也然所謂通識正自當隨事行藏乃爲

遠耳願君每與士之下者同則盡善矣食不二味居不重席此復何有而古人以爲美談成否所由實在積小以致高大君其存之存念

下王人有上上智故宜同之儉素德基也故宜履之

破羌帖

陶谷家藏一

王羲之

知虞帥云桓公已至洛卽摧破羌賊重命想必擒之王畧始及舊都使人悲慨淡此公威畧寔著自當求之於古真可以戰使人嘆息知仁祖小差仁祖謝此慰可言桓溫破姚襄將以謝尚鎮之

卷四

二十三

答謝尚書

殷浩

真長黨同伐異俠之大者常謂使君降階爲甚乃復與之驅馳耶

與王逸少

殷浩

足下出處正與隆替對豈可以一世之存亡必從足下從容之適幸徐求衆心卿不時起復何以求美政深源之推重逸少若此

與王逸少

庾冰

得示連紙一丈致詞一千徒增其嘆耳了無解于往

懷

答兄冰

庚翼

殷君始往雖多驕豪實有風力之益亦似由有佳兒弟故小令自頃以來奉公更退私累日滋大較江東祇一作致以偃儻豪強以為民蠹時有行法輒施之寒劣兄弟不幸橫陷此中自不能拔腳於風塵之外當其明白而治之

與殷浩書

庚翼

王夷甫先朝風流士也然吾薄其立名非真而始終

謝安瑣瑣

卷四

二十四

莫取若以道非虞夏自當超然獨往而不能謀始大合聲譽極致名位正當抑揚名教以靖亂源而乃高談莊老說空終日雖云談道實長華競及其末年人望猶存而甫自稱述徇小好名既身困胡虜棄言非所凡明德君子遇會處際寧可如是而世皆然之益知名實之未定敝風之未革也

翼初薦桓溫雄才足以弘濟治輩宜束之高閣今又請為司馬亦品鑒無定耳偽士眩人如此

答殷豫章送折角如意

庚翼

得所致雖是敗物猶用理而用之用之謂不虛送意

與都人時在荊州

庚翼

小兒輩賤家雞愛野雉皆學逸少書須吾下當比之

與王逸少

庚翼

吾昔有伯英章漢章帝愛杜度草書今章奏用草字謂之章草十紙過江亡失常嘆妙蹟永絕忽見足下荅家兄書煥若神明頓還舊觀

揚升菴云庚翼初不服右軍故有野雉之言久見右軍與庾亮書乃深服之猶吳道玄之於張僧繇宋思陵之於於傳朋也

與庾安西

王胡之

謝安瑣瑣

卷四

二十五

此間萬頃江湖撓之不濁澄之不清而百姓投一綸下一筌皆奪其漁具不輸十正皆不得放不知漆園吏莊周何得持竿不顧漁父屈平何得鼓枻而歌滄浪也

可謂善談

與桓溫

孫盛

州遣從事觀采風聲進無威鳳來儀之美退無鷹鷂搏擊之用徘徊湘川將為怪鳥

與桓溫

習鑿齒

某沉於稽古拙于逢時不遇明公荊州老從事耳

孫元習早蓋先
輩后進亦不同

與謝公

習鑿齒

每省家舅目檀溪念崔杜之交未嘗不撫案踟躕悵悵終日矣

與謝安書

習鑿齒

來此見釋道安故是遠勝足下不同日而見其亦每言思得一敘

楊升菴云按出三藏記載習鑿齒與謝安書云來此見釋道安故是遠勝非常道士師徒數百肅講

翰苑瑣瑣

卷四

二十六

不徒無變化技術可以感常人之耳目無重威大勢可以整羣小之參差而師徒肅肅自相尊敬洋洋濟濟乃是吾由來所未見其人理懷簡奧多所博涉內外羣書畧皆徧觀陰陽算數亦皆能通佛經故最其所長作義乃是法蘭法祖業統以大無不肯稍齊物等智在方中馳騁也恨不使足下見之其亦分言思得一見足下

與謝安

王坦之

吾子少立德行體議淹允加以今地優游自居僉曰之談咸以清遠相許至於此事實有疑焉公私二三莫見其可以此為濠上悟之者得無鮮乎且天下之寶故為天下所惜想君幸復三思

荅王坦之

謝安

僕所求者聲謂稱情義無所不可為聊以自娛耳若絮軌迹崇世教非所擬議亦非所屑嘗謂君粗得鄙趣者猶未悟之濠上耶莊子惠子談魚樂處故知莫道未易為人

即藉功之喪不廢絲竹事坦之之規正也

與支遁

謝安

思君日積計辰傾遲知欲還剡自治甚以悵然人生如寄耳頃風流得意之事殆為都盡終日感觸事

翰苑瑣瑣

卷四

二十七

惆悵惟遲君來以晤言消之一日當千載耳此多山水山縣閒靜差可養疾事不異剡而鑒藥大同作大必思此緣副其積想也

荅謝安惠扇

袁宏

當奉揚仁風惠彼黎庶

切扇意揮灑遂成名言

謝賜障日

孫楚

大恩賜障日其器雖小而禮遇甚弘昔衛瑄賜六劍珍而不用楚雖不敏且受而藏

薦傳長虞

孫楚

騏驎不遺能于伯樂良寶不藏耀於下和是以耀光
夜射價連秦趙飛駟絕影終朝千里物尚有之士亦
宜然

與兄

王獻之

兄伯蕭索寡會遇酒則酣暢忘返乃可自矜意在勸
又

崇虛道士驚羣並復歸也當須向謝之右軍時驚羣
流以振其草枯此仍然者或慕子敬之草肖其考耳
崇虛或即羽人之號而宋因之建崇虛館耶楊用修

翰苑瑣瑣

卷四

王

謂時無館名爲乃其甥姪之小字此段出于附會恐
過泥矣假如唐玄宗建號開元而唐初先有開元錢
豈可謂錢在建號之後者哉人名會名
自不妨兩有道號或在未建館之先也

又

王獻之

兄靜息應佳何以復小惡耶伏想比消息理盡轉勝
耳譽溪是可疑事藥性太熱兄意惠散輒發癰勢爲治乃
不易願復更思

鏡湖帖

王獻之

鏡湖澄澈清流瀉注山川之美使人應接不暇

世說王右軍云每行山川勝處上如鏡中遊
與此可互觀又于高致如此帖中有語

辭中令

王獻之

民志不慕高情不忘榮懇懇祈訴惟願離今任耳餘
無所擇王懷祖先輩名流作此職可謂僉允桓宣武
窺尚書門猶言此中無人固知當之未易也

與殷荊州

顧愷之

地名破冢真破冢而出行人安穩布帆無恙
與殷仲文

德之休明肅慎貢其桔矢如其不爾籬壁間物不可
得也桓崖有好桃而性嗜求之
不得故戲與仲文道此

翰苑瑣瑣

卷四

王

與遠法師書

桓玄

佛經以殺生罪重地獄斯罰冥科幽司應若影響余
有疑焉何者夫四大之體卽地水火風耳結而成身
以爲神宅寄生棲照津暢明識雖托之以存而其理
天絕豈唯精麗之間固亦無受傷之地滅之既無害
於神亦猶滅天地間水火耳

荅索商

張天錫

吾非好行行有得也觀朝榮僅則敬才秀之士玩芝
蘭則愛德行之臣觀孤松則思貞操之賢臨清流則

貴。廉潔之行。見。則。賤。貪穢之吏。逢。颶風。則。惡。凶。狡之徒。若。引。而。申。之。無。遺。漏。矣。

與張天錫

王猛

大秦之威。旁振無外。可以回弱水。使東流。返江河。使西注。關東既平。將移兵河右。恐非六郡士民。所能抗也。劉表漢南可保。將軍謂西河可全。吉凶在。不元龜不遠。宜深算妙慮。自求多福。

與慕容垂

苻諛

苻堅王猛。皆人傑也。謀為燕患。為日久矣。今若乘機。翰苑瓊瑤。卷四。三十。不赴。恐燕之君臣。將有甬東之禍。

與子

陶潛

少學琴書。偶愛閒靜。開卷有得。便欣然忘食。見樹木交蔭。時鳥變聲。亦復懽然有喜。常言五六月。北窗下卧。遇涼風暫至。自謂羲皇上人。

又

陶潛

汝旦夕之費。自給為難。今遣此力。助汝薪水之勞。此亦人子也可善遇之。

我愛子。人亦愛其子。雖貴賤之不同。常能以心體心。則能得其心也。

與劉敬宣

諸葛長民

盤龍狼戾專恣。自取夷滅。異端將盡。世路方夷。富貴之事。相與共之。

答諸葛長民

劉敬宣

下官自義熙以來。首尾十載。遂忝三州七郡。今此伏節。當思福過禍生。實思避盈居損。富貴之事。非所敢當。

與廬陵王

謝靈運

會境。既豐山水。江左嘉遁。並多居之。若王弘之。

翰苑瓊瑤。卷四。三十。

拂衣歸耕。孔淳之。隱約窮岫。阮萬齡。辭事就閒。纂成先業。既遠同義唐。亦激貪厲競。若遣一介。有以相存。真可謂千載甚美也。

與弟書

謝靈運

聞惡道溪中九十九里有五十九灘。王右軍遊此惡道。歎其奇絕。遂書突星瀨於石。揚升菴云。李白詩。遠入註。乃見其事。今本難談作疑。

與王曇首

顏延之

君家高世之善。有識歸重。豫染毫翰。所應述載。况僕

托慕末風竊以敘德爲事但恨筆短不足書美

荅丘珍孫

顏延之

褚先生從白雲舊矣古之逸人或留慮兒孫或使華

陰成市訪問而此子索然惟朋松石介于孤峯絕領

者積數十載近故要其來此與慰日夜比談討芝桂

借訪薜蘿若已窺烟液臨滄洲矣知君欲見之輒當

申譬論也

與道明僧

王微

頃見亮公非常人也比日聞所未聞不覺歲之將暮

翰苑裴瑒

天卷四

三十一

珠生合浦魏人取以照車壁在邯鄲秦王請以華國

與何偃

王微

吾性知畫蓋鴻鵠識夜之機盤紆糾紛咸紀心目故

山水之好一往皆得彷彿

與顧羽士

謝鎮之

敬覽夷夏之論清詞斐曄官商有體玄致豐盈其可

味乎哉

與劉虬

謝鎮之

王燭太平橋登年金商在律炎涼始貿機動靜惟安

勤味道腴業遵雅尚良書獨擁善談無析願言之子

實癖我心不遠千里尺書道意

却月露

荅吳興守張永

沈麟士

明府德履冲素留心山谷民是以過渴負杖忘其疲

病必欲飾昆沌以娥眉不能冠越客於蟬冕無身無

之可用走雖不敏請附高節有東海之蹈耳未忍受此

黥劓

翰苑裴瑒

天卷四

三十三

張永時欲辟麟士爲功曹故力辭之

諫北伐

沈慶之

治國如治家耕常問奴織當問婢陛下今欲伐國而

與白面書生輩謀之事何由濟

戒子

王僧虔

汝年入立境方應從宦兼有室累何處復得下幃如

兒郎時取各爾身已切豈復關吾耶鬼自謂惟知愛

淡松茂柏寧復知子弟毀譽因汝有感故畧敘胸懷

戒子慎終

孔珪

吾生平所善，自當凌雲一笑，三千買棺，無製新衣，左手執孝經，老子，右手執小品法華經，以吾平生以謝，何至使婦人行哭聲，亦不須暫停聞問。

遺張融

陸靜修

扇暨塵尾，唯驚白羽，此既異物，以奉異人。

與劉昉

王融

伏以黃葉村居，菊籬已老，白衣人至，竹屋為春，自非獨有，二天未必不孤，九日受言，感戢莫既，敷宣。

荅王僧虔

蕭子良

翰苑瓊瑤

卷四

三十四

子邑

左伯之紙，妍妙輝光，仲將

章

之墨，一點如漆。

伯英

張芝之筆，窮神盡意，妙物遠矣，邈不可追。

與親知

劉休

虞公

名玩，散髮海隅，同古人之美。

贈

而東都之送。

殊不諳諳。

屠綽與云王儉與玩之言論不相下，玩之歸，儉不出送，隨朝無錢者，故休云然。

謝隋王賜紫梨

謝

味出靈關之陰，旨介玉津之澁，豈徒真定歸美，大谷慙滋，將恐帝臺妙棠，安期靈棗，不得孤植，玉盤獨甘。

仙席雖秦君傳匪，或作章后推餐，望古可儔，於今何

與顏竣

劉瑀

朱修之，三代叛兵也，一朝居清油幕下，作謝宣明面，孔向人。

與王儉

張克

克崑山百姓，岱表一人，蠶而衣，耕而食，不能事王侯，不見，或作知已造時人，騁遊說，容與屠博之間，情懽甚矣，然舉世皆謂克為狂，克亦何能與諸君道。

翰苑瓊瑤

卷四

三十五

之哉。

若自棄，若自貶，總在不客言之間，而待鑒賞者。

荅魚復侯

宗測

少有狂疾，尋山采藥，遠來至此，量腹而進，松朮度形，而衣薜蘿，澹然已足，豈容當此橫施。

荅齊豫章王

王時辟宗測為參軍

宗測

性同鱗羽，愛止山谿，眷戀松雪，一作輕迷入路，有若

狂者，忽不知老至，而今鬢已白，豈容課虛責有限魚

鳥，與燕燕，羽燕燕，羽燕燕。

趙然
塵表

自署

宗測

家貧親老不擇官而仕昔人以爲美談予竊有感誠不能潛獲地金冥致江鯉但當用天時分地利那能食人祿憂人事乎

答謝中書書

陶弘景

山川之美古今共談高峯入雲清流見底兩岸石壁五色交輝青林翠竹四時俱備曉霧相歇猿鳥亂鳴夕日欲流沉鱗競躍實是欲界之仙都自康樂以來翰苑遺編卷四
未能有與其奇者

答趙英才

陶弘景

子架學區中飛才甸外偃蹇園巷從容郊邑昔所謂傲賓者此其是乎巖下鄙人守一介之志非敢茂榮嗤俗自致雲霞蓋任性靈而直往保無用以得聞壠薪井汲樂有餘懽切松煮朮此外何務然亦以天地棟宇萬物同于一化非死生晝夜之能間

與朱元思

吳均

自富陽至桐廬一百許里水皆縹碧千丈見底游魚

細石直視無礙急湍甚箭猛浪若奔夾峯高山皆生寒樹負勢競上互相軒邈爭高直指十百成峯泉水激石泠泠作响好鳥相鳴嚶嚶成韻經綸昔務咸窺谷忘返矣

桐廬景色
一幅畫出

與劉孝標

劉之遴

間聞足下作類苑總括百家馳騁千載義以類聚事以羣分述作之妙楊子班孟堅儔也擅此博物何快如之吾聞爲之者勞觀之者逸足下已營於精力宜令

吾見異書

與何炯

劉孝標

託名超超越俗如半天朱霞敲人矯矯出塵如雲中白鶴皆儉歲之梁稷寒年之織績

謝陶隱居朮蒸

庾肩吾

味重金漿芳踰玉液足使芝慙明麗丹愧夫容
夫容伏火
砂本此
坐致延生伏漢銘戴

謝賜絹葛

沈約

素采冰華
絹綺文霜潔
言變潺暑于閨閣起涼風于

襟袖。

荅劉繪

沈約

郭有道宗漢末之匹夫非蔡中郎伯不足以偶三絕。

蔡為郭作碑時以郭之行謝安石素族之台輔功業

於時無麗藻少蔡之能迄乃有碑無文安石之功高

無字碑非以無佳文也况文獻王文獻王冠

冕彝倫儀刑宇內自非一代詞宗或難與此一作約

閭閻鄙人名不入第歟同酬令旨便是以體一作許

人聽命慙顏已不覺汗之沾背也

與劉溉

殷芸

哲人云云云云者疑儀表長謝元龜何寄指南何托

荅法雲師

王泰

一日曲蒙燕私預聞范中書有神形偕滅之論中書

斯人逕庭莊子云大有逕庭謂言之不近人情直以

王才謂已之才未能折五鹿之角耳五鹿姓名克宗

辨論屈于朱雲漢書云五鹿岳朱雲折其角

為衡山侯與夫人

何遜

帳前微笑涉想猶存。幄裏餘香從風且歇。掩屏為疾。

引領成勞鏡想分鸞琴悲別鶴心如膏火獨夜自煎
思等流波終朝不息

與楊惲

陳徐陵

晨看旅鴈心起江淮昏望牽牛情馳楊越朝千悲而

掩泣夜萬緒而回腸遂使東平拱樹長懷雲漢之悲

西路孤墳恒表鄉思之夢

荅王褒

周弘正

家兄致來書故人之跡有如對面昔吾壯日及弟富

年俱值雍熙並懼衡泌弦琴促坐無乏夕晨玉瀝金

華並酒與獲難老不虞一旦翻覆波瀾吾已惴陰弟

非茂齒永念平生難為胃臆正當視陰數箭排愁破

涕人生樂耳憂戚何為願愛玉體相保期頤猶冀蒼

鴻頰鯉時傳尺素清風朗月用寄相思擗管操觚聲

淚俱咽

與兄子秀

陳暄

但見汝書與孝典陳吾飲酒過差吾有此好五十餘

年汝以飲酒為非吾以不飲酒為過昔周伯仁渡江

唯三日醒吾不以為少鄭康成一飲三百杯吾不以

為多平生所願身沒之後題吾墓云陳故酒徒陳君之墓道足矣速管糟丘吾將老焉汝毋多言非爾所及

示友

魏祖瑩

文章須自出一家機局成一家風骨何能與人同生活也

與宇文泰

賀拔勝

勝萬里杖策歸身闕庭冀望與公掃除逋寇不幸隕斃微志不申若死而有知猶望覓飛賊庭以報恩遇

韓苑瑒

卷四

四十

耳

一片報國忠忱不逾生死可感臣子

答親戚求官

甄淡

趙郡李謚耽學守道不悶於時常欲致言但未有一次耳諸君何為輕自媒銜

答官謀求麋角翎毛

甄淡

翎有六翮飛則翀天麋有四足走便赴海下官身體疎懶手足遲鈍不能逐飛追走遠事佞人

與高允

杜弼

希懷寄契延想積久天遂其願爰觀京師比公私理異疇咨路塞端拱蓬宇歎慨如何思遲德音以祛鄙吝若能紆鳳彩以耀榛薈迴連城以映瓦礫者是所望也

答宇文周公

蔡景歷

走賤庸妄人耳秋冬讀書終慙專學刀筆為吏竟闕異等衡門衰素無所聞達今王道中興殷憂啟運方懼飲啄是謂來蘇

答裴衍

宗欽

韓苑瑒

卷四

四十一

知欲養病中嶽鍊石松領栖素雲根餌芝清餐騰跡之操淡用嘉焉但治缺古風有愧山客耳既志往難裁豈容有抑便從來請

與李粦

崔瞻

仗氣使酒我之常弊譏訶指切在卿獨一作甚足下告歸吾於何聞過也

辭邢邵貺

袁聿修

今日仰過有異常行瓜田李下古人所慎願得此心不貽厚責

奏文體

時為治事侍御史

李諤

魏之三祖，崇尚文詞，忽君人之大道，好雕蟲之小技，下之從上，遂成風靡。江左齊梁，其敝彌甚，競一韻之奇，爭一字之巧，連篇累牘，不出月露之形，積案盈箱，盡是風雲之狀。世俗以此相高，朝廷據茲取士，祿利之路，既開，愛尚之情，轉篤。於是閭里童昏，貴游總丱，音貫，一音解。未窺六甲，日千文先製五言，五言謂詩也故文華日繁，其政日亂。良由棄大聖之規模，構無用以為用也。

翰苑瓊琚

卷四

四二

荅客贊

李士謙

所謂陰德，正猶耳鳴。已獨聞之，人無知者。今吾所作，吾子皆知，何陰德之有。

荅楊素

素乃越國公

王通

通有先人之敝廬，足以蔽風雨，薄田足以具饘粥，讀書談道，足以自樂。願明公正身以治天下，使時和年豐，通也受賜多矣，不願仕也。

荅王績

杜之松

康成道重，不許太守稱官。老萊家貧，羞與諸侯為友。

延佇不獲，如何如何，奇迹獨全，幸甚幸甚。敬想結廬人境，植杖山阿，林壑地之所豐，煙霞性之所適，蔭丹桂，藉白茅，濁酒一杯，清琴數弄，誠足樂也。

與崔頤

楊陳

足下飽漢臣，張安世之三篋，似涉蒙山，蒙山，或曰東萊，對梁相，惠之五車，若吞雲夢，相如賦，吞若雲夢者八九吾兄，謂隋欽賢敬士，重愛忘疲，先築郭隗之宮，常置穆生之醴。今者重開土宇，更誓山河，想得奉飛蓋，曳長裾，藉玳筵，躡珠履，歌山桂之偃蹇，賦池竹之檀樂，幸甚。

翰苑瓊琚

卷四

四三

荅齊王陳

王貞

孝逸，貞字生于戰爭之世，長于風塵之季，學無半古，才不迫人，往屬休明，寸陰已昃，歸來反覆，心灰遂寒，豈謂橫議過實，虛塵睿覽，枉高車以載駸，駸，龍能食牛角者，費明珠以彈雀，二句喻以貴下賤但以積年沉痾，遺忘日久，拙思所存，纔成三十三卷，咫尺天人，稱周章屏管不暇，怖甚真龍之降，葉公畫龍，只好畫龍，見真龍而駭走焉慚過白豕之歸，前句自喻伏紙陳情，形神悚越。

為李密荅唐公淵

徐洪客

所望左提右挈、膠力同心、執于嬰于、咸陽三秦、遂定、殪商辛於牧野、四海永清、豈不快哉、

對李密密時開洛口倉賑民

賈閏甫

國以民爲本、民以食爲天、今民所以襁負如流而至者、以所天在此故也、而有司曾無愛吝、屑越如此、時地積路志切恐一旦米盡民散、明公孰與成大業哉、人驟踐

古今翰苑瓊琚卷之四

翰苑瓊琚

四二四

乙未

古今翰苑瓊琚卷之五目錄

唐

魏徵字玄成魏州曲城人

奏論明暗

劉文靜

荅世民時就訪獄中

虞世南字伯施越州人

與友人書

褚遂良亮之子字登善

翰苑瓊琚

八卷五目錄

對太宗時論舜造漆器不足諫

與法師書

歐陽詢

與友人書

王紹宗字承烈郎邪人

與人書

陳子昂字伯玉梓州射洪人

寄東方虬書

王泠然

上張說書

長孫皇后

與文皇書

岑文本

字景仁
鄧州人

稱馬周

周為中書舍人
岑為中書侍郎

馬周

諫襲封刺史

駱賓王

義烏人
十歲能賦詩

與親舊書

姚崇

字元之
陝州人

翰苑叢書

卷五

目錄

二

五

答盧懷慎

吳兢

卻張說

張旭

與友人書

又

杜之松

答王績書

司馬承禎

對玄宗

李白

字太白
西蜀人

上裴長史

上韓荊州

權德輿

字載之
秦州洛陽人
四歲能賦詩詞

答楊憑書

崔顥

卞州人

薦樊衡書

符載

上樊澤書

顏真卿

字清臣

翰苑叢書

卷五

目錄

三

六

貽子弟書

令狐楚

字穀士五
廣能文

薦齊孝若

王維

字摩詰
太原人
九歲知屬詩
辭工草隸
善畫

與裴迪秀才書

與魏居士書

張巡

字巡
鄆州人
曉戰陣法

答或問

以行兵不
依古法

張志和

字子同
金華人

答陸羽

羽隱居吳中
號攄波釣徒

柳渾

料吐蕃

李泌

字長源七歲知文辭號爲奇童

對德宗

又

李吉甫

字弘憲趙人

訪裴均

裴均

卻故人求京兆判

李絳

翰苑瑣瑤

卷五月錄

四

勸優諫官

論同年

柳公權

荅送碑本

柳玘

戒子弟

韓愈

字退之南陽人

與馮宿

荅張籍

上鄭留守

時愈尹河南

荅侯繼

荅李翱

荅衛大受

與袁荊南

與柳鄂州中丞

劉太真

宣州人

與韋應物刺史書

柳宗元

字子厚河東人

上李中丞

與蕭俛書

荅友書

崔鶯鶯

荅張生君瑞書

李德裕

字文饒趙州贊皇人

翰苑瑣瑤

卷五月錄

五

與姚諫議書

論朋黨

吳武陵

信州人

與孟簡

田承嗣

荅薛嵩

關盼盼

徐州人

與白舍人

白居易

字樂天其先太原人後徙華州下邳

寄元微之

又

柳仲郢

與今狐綯

杜牧

字牧之
京兆人

與友人

司空圖

字表堅
河中人

與王駕

王珂

與李茂貞

田頔

翰苑瓊瑤

不卷五目錄

木

金

與楊行密

劉軻

上座主

王章

謝友人示蘇李泣別

孫樵

與賈秀才

王宗弁

與友人

趙規

與王宗弁

馮道

對唐明宗

述農家苦上唐明宗

張九齡

上姚令公書

荅嚴給事書

姚元崇

荅曲江張丞相書

徐鉉

翰苑瓊瑤

不卷五目錄

七

荅田告

王方

約友夜集

陳搏

對周世宗問飛昇黃白之術

王朴

獻策

王珪

侍宴對上

王方平

報麻姑

麻姑

荅王方平

姜叔茂

與太極官僚

涓子

別蘇林

荅轡書

山陽侯使

翰苑叢書 卷五 目錄

九

遺趙無卹

猗尼渠餘國神

報劉聰

維摩詰

上世尊書

西竺千歲和尚

與行脚僧書

釋慧遠

謝勞問書

荅王謐書

與鳩摩羅什書

又

荅鳩摩羅什書

荅盧循書

釋法琳

與辛中舍書

釋鳩摩羅什

荅慧遠書

與慧經書

僧肇

荅劉遺民書

竺法泰

翰苑叢書 卷五 目錄

九

與道安書

帛道猷

與道壹書

玄暢

與傅琰書

僧儼

荅劉善明辭舉秀才書

智林道人

與周顒

傅大士

上梁武帝書

懷仁

上唐文皇書

懷素

與律公書

朗禪師

召玄覺大師山居書

玄覺

答朗禪師書

翰苑瑣瑁

卷五

十

庚

古今翰苑瑣瑁卷之五

蜀都楊慎選

浙姚孫鑛評

吳郡蔣鑛校

唐

奏論明暗

魏徵

人主兼聽則明偏信則暗昔堯清問下民故苗惡得
以上聞舜明目達聰故共兇不能蔽也秦二世偏信
趙高以成望夷之禍梁武偏信朱异以取臺城之辱
隋煬偏信虞世基以致彭城閣之變是故人君兼聽
廣納則貴臣不得壅蔽而下情得以上通也

答世民

時就訪
獄中

劉文靜

今主上南巡江淮李密圍逼東都羣盜殆以萬數天
下大亂當此之際有真主謂若高驅駕而用之收集
豪杰察虛入關號今天下不過半年帝業成矣

唐之物興而造大統文靜實為首功而
竟就寢懷嘆唐之寡恩殆甚於漢

與友人書

虞世南

賢兄處見臨樂毅論便是青過於藍荀子論學不
已如青出於藍

而青於藍、水出於水、欣忭無已、數願學耳。上說獎之、又中勉之、

此友必是從遊者、致意處、正有數願學句、近刻脫此句、誤矣

與法師

褚遂良

家姪至、承法師道體安居、漢以為慰耳、復聞久棄塵滓、與彌勒同龕、一食清齋、六時禪誦、得果之來、將無退轉也、奉別熏示、踰三十載、即日遂良須鬢盡白、兼復近歲之間、嬰茲草苦、執親喪也、燕雀之志、觸緒生悲、且以即日蒙恩、驅使盡生報國、塗路近止、無由東帶西眺、於是悲罔更淡、因姪還州、慘塞不次、

對太宗

時論舜造漆器不足諫

褚遂良

奢侈者、危亡之本、漆器不已、將金玉為之、忠臣愛君、必防其漸、若禍亂已成、無所復諫矣、

與友人書

歐陽詢

詢年二十餘至鄱陽、地土沃平、飲食豐賤、眾士往往奏集、每日遊賞、恣口所須、其二張才華議論、一時俊傑、殷薛二侯、故不可言、戴君國士、出言便是、月旦、漢計、子將有、蕭中郎頗放誕、亦具雅致、彭君摘藻、亦有自

然、此數子、遂無一在、殊為惻惻、

與人

王紹宗

鄙人書無二者、特由水墨之積習耳、常精心率意、虛神靜思以取之、吳中陸大夫、常以余比虞君、少以不臨池故也、聞虞被中畫腹、正與余同、

寄東方虬書

陳子昂

文章道喪五百年、漢魏風骨、晉宋莫傳、然而有可證者、嘗觀齊梁詩、彩麗競煩、而興寄都絕、每以永嘆、昨見明公孤桐篇、骨氣端詳、音韻頓挫、有金石聲、遂用洗心收視、發揮幽鬱、不圖正始之音、復覩於茲、

上張說書

王泠然

詩云、投我以木瓜、報之以瓊玉、此言雖小、可以喻大、相公五君咏、蘇公一聞、移公於荆府、積漸至相、出蘇得也、今蘇屈居益部、公在廟堂、投木報瓊、義將安在、

與文皇

長孫皇后

妾聞主明則臣直、今魏徵直由陛下之明故也、妾敢不賀、

稱馬周

周為中書舍人、岑為中書侍郎

岑文本

馬君論事、援引事類、確古今、舉要刪煩、會文切理、一字不可增、亦不可減、聽之靡靡、令人忘倦。

諫襲封刺史

馬周

昔堯舜之父、猶有朱均之子、倘有孩童、嗣職萬一驕愚、兆庶被其殃、而國家受其敗、正欲絕之也、則子文之治、猶在、正欲留之也、而樂厲之惡、已彰、以關樹樂與其毒害於見存之百姓、寧使割恩於已亡之一臣、則向所爲愛之者、乃所以傷之矣。

味此、則岑公之稱信然。

翰苑遺珠

卷五

四

與親舊

駱賓王

某初至鄉閭、言尋舊友、耆年者、化爲異物、少壯者、咸爲老翁、山川不改舊時、丘隴多爲陳迹、感今懷古、撫存悼亡、不覺淚涕之無從也、聊期展接、以申濶情、祇敘尚餘、傾係何極。

答盧懷慎

姚崇

昔楚莊吞蛭而愈疾、孫叔殺蛇而致福、奈何不忍于蝗、而忍人之饑死乎、若使殺蝗有罪、崇請當之。

卻張說

吳兢

若狗公請有一二改移、則此史不爲蓋筆、何以取信於後。

與友書

張旭

足下晚後、不知疾痛何如、淡極憂難比也、上下安之、必得友耶、上下至親、或忽視之、則切心體念、得足下十五日問爲慰、僕前患以瘥、前患、即謂淡極憂、

又

張旭

忽肚痛、不可忍、不知是冷熱所致、所服大黃湯、冷熱俱有益、如何爲計、絕診本。

翰苑遺珠

卷五

五

謂料理周到、使絕病疾之本、則他日不至復發、未審獲否。

答王績書

杜之松

辱書知不降顧、嘆恨何已、僕幸恃故情、庶迴高躅、豈意康成道重、不許太守稱官、老萊家貧、羞與諸侯爲友、延佇不獲、如何如何、奇跡獨全、幸甚幸甚、敬想結廬人境、植杖山阿、林壑地之所豐、烟霞性之所適、蔭丹桂、藉白茅、濁酒一杯、清琴數弄、誠足樂也。

對玄宗

司馬承禎

夫道者、損之又損、以至於無、恬澹虛無、固非帝王所

能有事也。承顏時從天台召入

上裴長史

李白

前禮部尚書蘇公出為益州長史白於路中投刺待以布衣之禮因謂羣僚曰此子天才英麗下筆不休雖風力未成且見專車之骨若廣之以學可與相如比肩也四海明識具知此談前此郡督馬公朝野豪彥一見盡禮許為奇才因謂長史李京之曰諸人之文猶山無烟霞春無草樹李白之文清雄奔放名章俊語絡繹間起光明洞徹何以盡陳倘其賢賢白有翰苑瑣瑤卷五

可尚夫唐虞之際於斯為盛有婦人焉九人而已是知才難不可多得白野人也頗工於文惟君侯顧之無按劍也夜光之珠暗投駭者按劍

上韓荆州

李白

白聞天下談士相聚而言曰生不願封萬戶侯但願一識韓荆州何今人之景慕一至於此豈不以周公之風躬吐握之事使海內豪俊奔走而歸之一登龍門則聲價十倍所以龍蟠鳳逸或作起誤之士皆欲收名定價於君侯君侯不以富貴而驕之寒賤而忽之則

三千之中有毛遂使白得穎脫而出即其人焉白隴

西布衣流落楚漢十五好劍術徧干諸侯三十成文

章歷抵卿相雖長不滿七尺而心雄萬夫皆王公大

人許與氣義此疇曩心迹安敢不盡於君侯哉君侯

制作侔神明德行動天地有惡升為文視之變而善筆參造化學

究天人幸願開張心顏不以長揖見拒必若接之以

高宴縱之以清談請日試萬言倚馬可待恒溫伐鮮卑欲作露

布衣袁宏倚馬前走筆成之今天下以君侯為文章之司命人物

之權衡一經品題便作佳士而今君侯何惜階前盈

翰苑瑣瑤卷五

尺之地不使白揚眉吐氣激昂青雲耶且人非堯舜

誰能盡善白謨猷籌畫安能自矜至於制作積成卷

軸則欲塵穢視聽恐雕蟲小技不合大人揚雄謂雕蟲小技童

子事耳壯夫不為若賜觀芻蕘請給紙筆兼之書人謂抄然錄者然

後退掃閒軒繕寫呈上庶青萍結綠青萍劍名結綠玉名長價

於薛下之門薛能相劍下善識玉幸推下流大開獎飾惟君侯

圖之

答楊憑書

權德輿

鐘大玉慶霄天籟奇彩正聲鏗鏘照燭真可謂作

者之表方駕古人

薦樊衡書

崔顥

竊見衡神爽清昭才能絕倫雖白面書生有雄膽大
畧淺識可以軌時俗長策可以安塞裔藏用守道既
有歲年今國家封山勒崇希代罕遇合育之類莫不
踴躍况詔徵隱逸州貢茂異衡之際會千載一時君
侯復躬自執玉陪鑒日觀泰山名峯此州名藩必有所舉
當是舉者非衡而誰伏願不棄賢才賜以甄獎得奔
大禮升聞天朝衡因此時策名樹績報國榮家今當
翰苑瑣瑤卷五八
代之士知出君侯之門矣

上樊澤書

符載

故處士孟浩然文質傑美殞落歲久門裔凌遲丘隴
頽沒永懷若人行路慨然前公欲更築大墓闔州縉
紳聞風竦動而今外迫軍旅內勞賓客牽耗歲時或
有未遑誠今好事者乘而有之負公夙志矣

貽子弟書

顏真卿

吾去歲中言事得罪以不能違道徇時為千古罪人
也雖貶居遠方終身不耻汝曹當須諒吾之志不可

不守也

薦齊孝若

今狐楚

辱垂下問今公舉一人可管記之任者竊見高陽齊
某字考叔年二十四學專受文皆雅正詞賦甚精章
表殊捷疎眉目美風姿外若坦蕩中甚畏慎執事倘
引在幕下列於賓佐使其馳一檄飛一書必能應馬
上之急求言腹中之所欲夫擬芳刈楚不棄幽遠况
某相門子弟射策甲科家居君侯之化下且數年矣
不勞重幣而獲至寶甚善甚善

翰苑瑣瑤卷五九

與裴廸秀才

王維

近臘月下景氣和暖故山殊可過足下方溫經猥不
敢相煩輒獨往山中憇感配寺與山僧飯訖而去北
涉玄灞清月映郭夜登華子岡輞水淪漣與月上下
寒山遠火明滅林外溪恭寒犬吠聲如豹村墟夜春
復與疎鐘相聞一作此時獨坐童僕靜默多思曩昔
攜手賦詩步仄徑臨清流也當待春中草木蔓發春
山可望輕條出水白鷗矯翼露濕青皋麥隴朝雉斯
之不遠倘能從我游乎非子天機清朗者豈能以此

不急之務相邀然是中有淡趣矣無忽因御黃篋人往不一

一篇潮州書
圖景界耳

與魏居士書

王維

古之高者曰許由挂瓢於樹風吹瓢惡而去之聞堯讓臨水而洗其耳耳非駐聲之地聲無染耳之迹惡外者垢內病物者自我此尚不能至於曠士豈入道者之門歟借古人發議近有陶潛不肯把板屈腰見督郵

解印綬棄官去後貧乞食詩云叩門拙言詞是屢乞

翰苑瑣瑤卷五

十

而多慙也嘗一見督郵安食公田數頃一慙之不忍而終身慙乎亦是借議非正論孔子曰我則異於是無可無不可

不可

荅或問

以行兵不依古法

張巡

今與胡虜戰雲合鳥散變態不常臨機應猝在於呼吸之間而動詢大將事不相及非知兵之變者也故吾使兵識將意將識士情今人自爲戰不亦可乎

荅陸羽

羽隱吳中號烟波釣徒

張志和

其太虛爲室明月爲燭與四海諸公共處未嘗少別

何有往來

料吐蕃

柳渾

戎狄豺狼也非盟誓可結今日之事臣切憂之

對德宗

李泌

陛下不以臣不才使待罪宰相宰相之職不可分也非如給事則有吏過兵過舍人則有六押至于宰相天下之事咸共平章若各有所主是乃有司非宰相也

又

李泌

翰苑瑣瑤

卷五

十一

天命他人皆可言之惟君相不可言蓋君相所以造命也若言命則禮樂刑政皆無所用矣紂曰吾生不有命在天此商之所以亡也

訪裴垺

李吉甫

吉甫流落江淮踰十五年一旦蒙恩至此思所以報德惟在進賢而朝廷後進罕所接識君有精鑒願悉爲我言之

卻故人求京兆判

裴垺

公才不稱此官不敢以故人之私傷朝廷至公

勸優諫官

李絳

人臣死生係人主喜怒敢發口諫者有幾人故明君孜孜求諫猶恐不至況罪之乎如以謗訕罪之杜天下之口非社稷之福也

論同年

李絳

同年乃四海九州之人偶同科第登科而後相識於情何有然宰相職在量才授任若其人果才雖在兄弟子姪之中猶當用之況同年乎避嫌而棄才是乃便身非徇公也

翰苑叢書

卷五

十三

答送碑本

柳公權

辱問却送及碑本兼虛獎逾涯但渼反側不安因見趙張或云二如虛獎之說爲緣飾也幸甚不具

戒子弟

柳玘音

凡門第高可畏不足恃也立身行已一事有失得罪重於他人死無以見先人於地下此所以可畏也門高則驕心易生族盛則爲人所疾懿行實才人未之信少有疵類衆皆指之此所以不足恃故膏粱子弟學宜加勤行宜加勵僅得比他人爾

詞旨凜然讀之可爲汗下

與馮宿

韓愈

垂示僕所闕非情之至安得聞此言朋友道缺絕久無有相箴規磨切之道僕何幸乃得吾子僕常憫時俗人有耳不自聞其過凜凜然惟恐已之不自聞也而今有望於吾子矣足下與僕交久僕之所守足下之所熟知在京城一年不一至貴人之門人之所趨僕之所傲與已合者則從之遊不合者雖造吾廬未嘗與之坐此豈徒足致謫而已不僂於人則幸也追思之可爲戰栗寒心故致此以來克已自下雖不肖人至未嘗敢以貌慢之況時所尚者耶以此自謂庶幾無時患不知猶復云云也古人有言曰告我以吾過者吾之師也願足下不憚煩苟有所聞必以相告吾亦有以報子不敢虛也不敢忘也

然友朋古道見其開之勇

答張籍

韓愈

愈始者望見吾子於人人之中固有異焉及聆其音聲按其詞氣則有願交之志因緣幸會遂得所圖豈

惟吾子之不遺抑僕之所遇有時焉耳近者嘗有意
吾子之闕焉無言意僕所以交之之道不至也今乃
大得所圖脫然若沉疴去體灑然若執熱者之濯清
風或作也

三有字相
貫有心人

上鄭留守

時愈尹
河南

韓愈

坐軍營操兵守禦爲留守相公出入前後驅從者此
旨軍人矣坐坊市賣餅又稱軍人則誰非軍人也此
必奸人以錢賂賂將吏盜相公文牒竊注名姓於軍

翰苑瓊瑤

卷五

十四

三十

籍中以凌駕府縣此固相公所欲去奉法吏所當疾
雖捕繫杖之未過也昨聞相公追捕所告受辱罵者
與小人素所望信少似乖戾雖然豈敢生疑千萬一
必諸從事與諸將吏未能去朋黨心蓋覆轡音閣
不以真情狀白露左右伏惟相公憐念愈無適時用
漸不喜爲吏得一事爲名可自罷去不啻如棄涕唾
無一分顧籍心願失大君子纖芥意如丘山重守官
云官惟今日指揮

川與樂毅遺
燕王書同看

荅侯繼

同年進士

韓愈

僕少好學問自五經之外百氏之書未有聞而不求
得而不觀者然其志惟在意義所歸至禮樂之名數
陰陽土地星辰方藥之書未嘗一得其門戶雖今之
仕進者不要此道然古之人未有不通此而能爲大
賢君子者每用自愧今幸不爲時用無朝夕役役之
勞將試學焉力不足而後止猶將愈於汲汲時俗之
所爭爭不得而怨天尤人者此吾今之志也思足下
以吾退歸因謂我不復能自強故因書奉曉冀足下
翰苑瓊瑤

卷五

十五

三十

知吾之退未始不爲進而衆人之進未始不爲退也
有相問者爲我謝焉

猛志力學以退爲
進究成大儒以此

荅李翱

韓愈

使至辱書慙愧來并不容於心然皆子之愛我多重
我厚不酌時人待我之情而以子之待我之意使我
望於時人也僕之有子猶有不知者時人能知我哉
持僕所守驅而使奔走伺候公卿間開口論議其安
能有以合乎向僕在京師八九年無所取資日求於

人以度時月。當時行之不覺也。今而思之。如痛定之人。思當痛之時。不知何能自處也。今年加長矣。復驅之使就故地。是亦難矣。其知我者固少。知而相愛不相忌者。又加少。內無所資。外無所從。終安所爲乎。嗟乎。子誠愛我矣。子之責我。誠是矣。然恐子有時不暇責我。而悲我不暇。悲我而自責。且自悲也。嗟乎。子亦慎其所之哉。

三上章。謂書。韓子之過云。當時不覺。今猶痛定而思痛時。可謂能悔過矣。○經痛之人。不欲人亦犯痛。其文法似阿房宮賦之掉尾。

翰苑瑣瑤 卷五

十六

荅衛大受

韓愈

足下曰。命之窮通。自我爲之。恐未合於道。若曰。以道德爲已任。窮通之來。不接吾心。則可也。窮居荒涼。草樹茂密。出無驢馬。因與人絕。一室之內。有以自娛。足下喜吾復脫禍亂。不當安安而居。遲遲而來也。

與袁荊南

韓愈

伏聞賓位。尚有缺員。幸蒙不以常輩知遇。思有論薦。竊見前太子舍人樊宗師。孝友聰明。窮究經史。又善爲文章。詞句刻淡。獨追古作者爲徒。習於吏職。識時

知變。非如儒生文字。止有偏長。退勇守專。未爲宰物者所識。閣下倘引而致之。密加識察。有少不如所言。愈爲欺罔。太君子便宜得棄絕之罪於門下。誠不忍奇寶橫棄道側。而閣下篋橐尚有少缺。不滿之處。猶足更容。輒冒言之。退增汗懾。

公之薦賢。真不啻若自其口出。

與柳鄂州中丞

韓愈

閣下用儒雅文字之業。取先天下。武夫關其口而奪之氣。其所以服人心。在行事適機宜。而風采可畏。愛

翰苑瑣瑤 卷五

十七

故也。夫遠徵軍士。行者有羈旅離別之思。居者有怨曠騷動之憂。本軍有饋餉煩費之難。地主多姑息形迹之患。急之則怨。緩之則不用命。浮寄孤懸。形勢銷弱。又與賊不相諳委。臨敵恐駭。難以有功。若召募土人。必得豪勇。與賊相熟。知其氣力所極。無望風之驚。愛護鄉里。勇於自戰。徵兵滿萬。不如召募數千。閣下以爲何如。倘可上聞行之否。

與韋應物書

劉太真

顧著作來。以足下郡齋燕集相示。是何情致。暢茂適

逸如此沈謝何劉始精理意緣情體物備詩人之旨後之傳者甚失其源惟足下制其橫溢師摯之始關雖之亂於足下見之

上李中丞

柳宗元

宗元無異能獨好爲文章始用此以進終用此以退今者畏罪悔伏匿惴惴猶未能去之時時舉首長吟哀歌紆泄幽鬱因取筆以書紉章而編畧成數卷閣下以文章升大僚統方隅而宗元幸緣罪辜得與編人齒於部內不以此時露其所爲以希顧視是自棄翰苑瓊瑤

八卷五

十八

也敢飾近草合四十三篇倘以爲有可采者當繕錄其餘增几席之汚

與蕭儼書

柳宗元

謠語轉侈言囂囂漸成狂人飾智求仕者更思僕以悅僞人之心

答友書

柳宗元

自孔氏以來茲道大墜家修人勵剏精竭厲者幾千矣其間耗廢簡牘役用心神者其可數乎登文章之

錄波及後代越不過數十人耳其餘誰不欲爭裂綺繡互攀日月乎率皆縱誕而不克踴躍而不進力賊思窮吞志而沒故曰得之爲難

答張生書

崔鶯鶯

玉環一枚是兒嬰年所弄寄克君子下體之佩玉取其堅潔不移環取其終始不絕兼亂絲一絢文竹茶碾子一枚此數物不足見珍意者欲君子如玉之貞故志如環不解淚痕在竹愁緒縈絲因物達誠永以爲好耳幽憤所鍾千里神合春風多厲強飯爲佳

翰苑瓊瑤

八卷五

十九

按微之會真詩恐托言張生非張生也崔氏詞致詩云女也不與士二其言士也周極二三其德者耶良女之寧輕玉慮及此矣

與姚諫議書

李德裕

天地窮人物情所棄閣老至仁念舊再降比專人遠逾溟漲兼賜衣服器物茶藥至多稿木漸榮寒灰稍煖自十月末得疾伏枕七旬屬續者數四藥物陳裏又無醫人委命信天幸而自活羸敗至甚自料此生無由再望旌榮臨紙涕戀

論朋黨

李德裕

夫邪正二者勢不相容，正人指邪人爲邪，邪人亦指正人爲邪。人主辨之甚難，臣以爲正人如松柏，特立不倚，邪人如藤蘿，非附他物不能自起。故正人一心事君，而邪人競爲朋黨。陛下誠能慎擇賢才，以爲宰相，有奸罔者立斥去之，常令政事皆出中書，推心委任，則天下何憂不理哉！

與孟簡

吳武陵

古稱一世三十年，子厚柳宗元字之謫十二年，殆半世矣。霆砰電射，天怒也，不能終朝，安有聖人在上，畢世而翰苑瓊瑤八卷五 二十

怒人臣耶。

荅薛嵩

田承嗣

某之首領，係在恩私，便宜知過自新，不復更貽伊戚。所置紀綱外宅兒者，本防他盜，亦非異圖。今並脫其申蒙，放歸田里矣。

與白舍人

關盼盼

自公薨背，妾非不死，恐百世後人，以我公重色有從死之妾，是玷我公清範也。

按盼盼，張建封妓也。念舊不嫁，獨居燕子樓中，有懷詩云：「長恨此身非此骨，燈前惟曉霜。」獨眠人起，合歡床相思。

一夜情多少，地角天涯未是長。白亦贈答一詩云：「黃金不惜買蛾眉，綠得如花四五枝。歌舞教成心力盡，一朝身去不相隨。」盼盼得詩感泣，遂不粒者旬日而死。嗟嗟，盼盼祇欲表揚白公清範而之死，就謂青樓薄倖耶。

寄元微之書

白居易

僕去年秋始游廬山，在南康府到東西二林間，香鑪峯下，見雲水泉石勝絕，因置草堂，前有喬木十數株，修竹千竿，青蘿爲牆垣，白石爲橋道，流水周於舍下，飛泉落於簷間，紅榴白蓮，羅生池砌，每一獨徃，動彌旬日，平生所好，盡置其中，不惟忘歸，可以忘老。

翰苑瓊瑤八卷五 二十一

不減鹿門菟裘，直是樂天福地。

又寄元微之

白居易

有鄧魴者，見僕詩而喜，無何魴死，有唐達者，見僕詩而泣。未幾而達死，其餘卽足下，又十年來，困蹟若此，豈六氣四始之風，天將破壞，不可支持耶。

與令狐綯

柳仲郢

任安不去，常自愧於昔人，吳詠自裁，亦何施於今日。李太尉受責既久，其家已空，遂絕蒸嘗，誠增痛惻。

與友人

杜牧

嗜酒好睡其病已痼往往閉門便經旬日申慶參請亦多廢缺至於俯仰進趨隨意所在

與王駕

司空圖

吾適已自編一鳴集且撐霆裂月劼作者之肝脾亦當謂吾言之不忤也

與李茂貞

王珂

上初反正詔藩鎮無相侵而朱公不顧約攻敝邑敝邑亡則邠岐非公所保天子神器歛手付人矣宜與華州韓公出精銳固潼關以張兵勢僕不武公其惠

翰苑瑣瑤

卷五

二十二

我西偏之地以爲扞守蒲請公自有之

與楊行密

田頔

侯王守方以奉天子譬百川不朝於海雖狂奔澶漫終爲瘠土作地之災禍如瘠疾也不若順流無窮也東南楊爲

大刀布金玉積如阜願公上天子常賦臣悉儲峙單車以從

上座主

劉軻

軻本沛上耕人代業儒天寶末流離于邊徙貫南鄙元和末方結廬於廬山之陽農圃餘隙積書窓下日

與古人磨礪潛心歲月悠久寢成書癖

謝友人示蘇李泣別

王章

武以十九年不屈於匈奴而陵以一敗降之可絕交矣然歸漢之日念陵不已泣涕以別武之泣其別所以泣其降也觀留別之詞謂雙鳬北飛一鳬南翔果何由而不翔耶隱商之意見矣

與賈秀才

孫樵

物之精華天地所秘惜故蒙金以砂錮玉以璞珊瑚之叢必茂重溟夜光之珍必領驪龍挾而不知已積

翰苑瑣瑤

卷五

二十三

而不知止不窮則禍天地讐也文章亦然

與友人

王宗弁

廉者足而不愛貪者憂而不足吾鄙人致位至此足矣寧復有他想

是能達老氏知足之訓者

與王宗弁

趙規

某塊處間寂以書自娛亡與晤語者每獲侍坐一聽驚世絕俗之談則紙上語直古人之糟粕耳第以禮遇厚重爲公費不文數造以爲恨也

對唐明宗

馮道

臣昔在先皇幕府奉使中山歷井陘之險臣憂馬蹶執轡甚謹幸而無失逮至平路放轡自逸俄而顛隕凡爲天下者亦猶是也

述農家苦上唐明宗

馮道

農家歲凶則傷於穀貴不免流殍歲豐則傷於穀賤不償借貸豐凶皆病者惟農家爲然臣嘗記進士聶夷中詩云二月賣新絲五月糶新穀二語皆言其未成熟而預以貸醫得眼前瘡剗却心頭肉語雖鄙俚曲盡田家之情狀農於四民之中最爲勤苦人主不可不知也

翰苑瑣瑤

卷五

二十四

三

上姚令公書

張九齡

某謹奏記紫微令梁公閣下公登廟堂運天下者久矣八之情僞事之得失所更多矣非曲學之說小子之慮所能損益亦已明矣然而意有不盡未可息區區之懷或以見容亦猶用九九之術以此道也忍棄之乎今君侯秉天下之鈞爲聖朝之佐大見信用日渴太平千載一時胡可遇也而君侯既遇非常之主已踐難得之機加以明若鏡中運如掌上有形必察

無往不臻朝暮義軒之時何云伊呂而已際會易失

功業垂成而舉朝之衆傾心前人之弊未盡往往擬

議愚用惜焉何者任人當才爲政大體與之共理無

出此途而曩之用才非無知人之鑒其所以失溺在

緣情之舉失見勢則附俗人之所能也與不妄受志

士之所難也君侯察其苟附及不輕受就而厚之因

而用之則禽息之首爲知己而必碎豫讓之身感國

士而能漆至于合如市道廉公之門客虛盈勢比雀

羅廷尉之交情貧賤初則許之以死狗體面俱柔終

乃背之而飽飛身名已遂小人恒態不可不察自君

侯職相國之重持用人之權而淺中弱植之徒已延

頸企踵而至諂親戚以求譽媚賓客以取容面結笑

言談生羽翼萬事至廣千變難知其間豈不有才所

失在於無耻君侯或棄其所短收其所長人且不知

漢旨之若斯便謂盡私於此輩其有識者則曰不識

宰相無以得遷不因交游無以求進明主在上君侯

爲相安得此言猶出其口某所以爲君侯至惜也且

人可誠感難可戶說爲君侯之計謝媒介之徒卽雖

有所長一皆沮抑專謀選衆之舉息彼訕上之失禍生有胎亦不可忽嗚呼古人有言禦寒莫若重裘止謗莫如自修修之至極何謗不息勿曰無害其禍將大夫長才廣度珠潛璧匿無先容以求達雖後時而自寧今豈無之何近何遠但問于其類人焉瘦哉雖不識之有何不可是知女不私人可以爲婦矣士不苟進可以爲臣矣此君侯之度內耳寧用小人之說爲固知山藏海納言之無咎下情上達氣用和洽是以不敢默默而已也願無以人故而廢其言以復君侯之明此至願也幸甚幸甚

翰苑瓊瑤

卷五

二十六

義正詞達曲盡人情國體

荅嚴給事書

張九齡

自出江郡慰誨累及情義已積昆弟無踰人生相知可謂厚矣僕方請歸養從此告辭會面無期所懷當盡故復畧而言之耳凡爲前相所厚者豈必惡人耶僕爰自書生燕公待以族子頗以文章見許不因勢利而合但推獎之日不量不才引致掖垣有負時議然則初有超拔豈由本心嗷嗷之口曾不是察旣不

稱其服又加之譏間負藥致冠幾於不免當此時也若無所容以獨特之身處背憎之地自怪旣往何幸而全追想寒心怵怵發悸嚴子足下不意而然旣而遠出猶有餘囊巧言潛構期僕傾危故使者之來怒於心而色於事賴於自慎幸且無咎不者吹毛洗垢求其痕疵勢窮力屈將無控告未始怯事也有爲而然以故春中有書薄言求庇足下猶不諒此意以爲汲汲於聲名而乃約以莊生之言博以東山之法曉導精至誠故人之情向之所防有異來旨彼二教者

翰苑瓊瑤

卷五

二十七

忘情滅識無有躔愛故福至不喜禍至不憂今僕養親豈復割離恩愛直措心於此地哉正欲惟疾之憂全身遠害故雖在小小敢不兢兢至如自於身心雖復昏昧幸受教於君子亦聞道於古人何必崎嶇齟齬求入然後爲得也去矣嚴子勉事聖君儻存平仲久要之言無惜詩人金玉之問幸甚

荅曲江張丞相

姚元崇

忽辱陸翰喜慰攸集退自循省慙恩亦淡實智力之所不逮也宜朝廷之所見責也僕本凡近之才素非

經濟之具。叨承過聽。謬膺朝委。自少及長。從微至著。惟以直道爲業。匪以曲路期通。歷宦三朝。年逾一紀。凡所稱薦。罕避嫌疑。實有祁奚之舉。非無許允之對。則天之世。已被流言。行之有常。久而自辨。近蒙獎擢。倍勵駑庸。每以惟賢進士爲務。欲使公卿大夫稱職。豈陽橋之或用。及解狐之可爲。而悠悠之徒。未足矜察。嗷嗷之口。欲以中傷。上恃天聰。俯仗神道。既不得奉身而退。但知信心。而前然顧無隱匿。亦死爲明分矣。猥惟不敏。敬承厥休。持當座銘。永爲身寶。臨書九頓。

翰苑瑣瑤

卷五

二十八

荅田告

徐鉉

負鼎叩角。顧廬築巖。各由其時。不失其道。在我而已。何常之有。

約友夜集

王方

小池春草。雨後肥綠。夜未將半。澹月鳴蛙。黯山遠樹。思亦可遣。已具勺醕。興展軫以過。

對周世宗問飛昇黃白之術

陳搏

陛下尊爲天子。當以治平天下爲務。安用此爲。

獻策

王朴

中國之失吳蜀。皆由失道。必先觀所以失之之原。然後知所以取之之術。其始失之也。莫不以君暗臣邪。兵驕民困。因小致大。積微成著。今欲取之。莫若反其所爲而已。夫進賢退不肖。所以收其才也。恩德誠信。所以結其心也。賞功罰罪。所以盡其力也。去奢節用。所以豐其財也。時使薄歛。所以阜其民也。俟羣才既集。政事既治。財用既克。士民既附。然後舉而用之。功無不成矣。

翰苑瑣瑤

卷五

二十九

寥寥數語。絕是篇條陳大議論。

侍宴對上

王珪

孜孜奉國。知無不爲。臣不如房玄齡。才兼文武。出將入相。臣不如李靖。敷奏詳明。出納惟允。臣不如溫彥博。處煩治劇。衆務畢舉。臣不如戴胄。耻君不及堯舜。以諫爭爲已任。臣不如魏徵。至於激濁揚清。嫉惡好善。臣于數子。亦有微長。

報麻姑

王方平

王方平敬報。久不到民間。今安此想。姑能暫來語不。

荅王方平

麻姑

比不相見忽已五百餘年尊卑有序拜敬無階煩信承來在彼食頃卽到先受命按行蓬萊今便暫往如是當還還便親覩願未卽去

與太極官僚

姜叔茂

昔學道於鬼谷道成於少室養翮於華陽待舉於逸域時承鸞輪宴於勾曲悟言永嘆徂謝之速物存人亡我勞如何

別蘇林

涓子

翰苑瓊瑤

卷五

三十一

吾餌朮精三百年服氣五百年精思六百年守三三三百年守洞房六百年守玄丹五百年中間復周游名山看望八海回翔五嶽休息洞室樂林草之垂條與鳥獸而相激川瀆吐精丘陵蒼鬱萬物之秀寒暑之節弋釣長流遨遊玄籟靜心山岫念真養氣呼召六丁玉女見衛展轉六合無所羈束守形思真二千八百餘年宴樂中仙不求聞達今卒被召上補天位徘徊世澤惆悵絕氣吾其去矣請從此別子勤勗之相廳室也

荅桑轡書

涓子

吾子來問云有死亡而復有神仙者事兩耶予不知乎言固可兩有耳草木皆春生秋落必矣而有松柏之倫芝英萍實竹嬰戒火長生不死者何怪乎仙耶

遺趙無卹

山陽侯使

余霍泰山山陽侯天使也三月丙戌余將使女反滅知氏女亦立我百邑余將賜汝林胡之地至於後世且有仇王亦黑龍面而鳥喙鬚麋髭頤大膺大胸脩下而馮左袵界乘奄有河宗至於休溷諸貉南伐晉

翰苑瓊瑤

卷五

三十一

別黑姑

報劉聰

猗尼渠餘國神

猗尼渠餘國天王敬信遮須夷國天王歲在攝提當相見也

上世尊書

維摩詰

維摩詰稽首世尊足下敬問無量興居輕利游涉康強少承福慶願得世尊所食之餘欲於忍界施作佛事今此懈廢之人得弘大意亦使如來名聲異聞

與行脚僧書

西竺千歲和尚

三我高出五嶽秀甲九州震旦國第一山也楊升菴云震旦

一作真丹音義同

謝勞問書

釋慧遠

陽月和暖願御膳順宜貧道先嬰重疾年衰益甚邈蒙慈詔曲垂光慰咸恩之至十百于懷幸遇慶會而形不自運此情此慨良無以喻

荅王謐書

釋慧遠

昔人不愛尺璧而重寸陰觀其所存似不在長年耳檀越既履順而游性重佛理以御心因此而推復何

翰苑瓊瑤

八卷五

三十三

羨之於遐齡耶聊想斯理久以得之為復酬來信耳

與鳩摩羅什書

釋慧遠頓首去歲得姚右軍書具承德問仁者曷日

殊域越自外境於時音譯未交聞風而悅頃承懷寶

來遊則一日九馳徒情欣雅味而無由造盡寓目望

途增其勞佇夫旃檀移植則異物同薰摩尼吐曜則

眾珍自積且滿願不專美於絕代龍樹豈獨擅於前

踪今往比量衣裁願登高坐為著之

又

釋慧遠

日有涼氣比復何如去月法識道人至聞君欲還本

國情以悵然先聞君方當大出諸經故未欲便相諮

求若不傳不虛眾恨何言今輒畧問數十條事冀有

餘暇一一為釋此雖非經中之大難要欲取決於君

耳

荅鳩摩羅什書

釋慧遠

欲令作大智論序披省之日有愧高命又體羸多疾

觸事有廢不復屬意已來其日亦久緣告之重輒粗

綴所懷至於研究之美當復寄諸明德

翰苑瓊瑤

八卷五

三十三

荅盧循書

釋慧遠

損餉六種淡抱情至益智乃是一方異味即於僧中行之

楊升菴云按盧循以茶藥六種餉遠公書稱苑暢廬子先叩首遠荅之云云循書稱字循也或曰此賊叩首和南非佛也己自稱字而片人小名自是東晉流薄之風耳循曾以益智茶餉劉裕何此賦屢辱益智耶按劉裕報以續命湯便是英雄一技

與辛中舍書

釋法琳

乍覽瓊章用祛痼疾徘徊吟諷循還卷舒蘊畜懷袖不覺紙勞字故

答慧遠書

釋鳩摩羅什

鳩摩羅耆婆和南。既未言面。又文詞殊隔。導心之路不通。得意之緣圯絕。傳譯來說。粗述風德。比如何。必備聞一途。可以蔽百經。言未後東方。富有護法菩薩。易哉。仁者善弘其事。夫財有五備。福戒博聞。辨才。淡智。兼之者。道隆。未具者。疑滯。仁者備之矣。所以寄言通好。因譯傳心。豈其能盡粗酬來意耳。損所致比量。衣裁。欲令登法座時著。當如來意。但人不稱物。以為愧耳。今往常所用。鑰石雙口澡罐。可以備法物數也。

翰苑瓊瑤

卷五

三

楊升菴云。按什有偈一首。遺慧遠云。既已捨染心。樂得善攝。不若得不馳散。淡人實相。不畢竟空相。申其心。無所樂。若悅禪智慧。是法性。無照。虛誑等。無實。亦非停心處。仁者所得法。幸願示其要。慧遠答報一偈云。本端竟何從。起滅有無際。一微涉動境。成此頽山勢。惑想更相染。觸理自生滯。因緣難無主。開途非一世。時無悟宗匠。誰將握玄界。來問。佛日之規。則鳩為本。色。要之彼此相勝耳。

與慧遠書

釋鳩摩羅什

天竺國俗。甚重文製。其官商體製。以入絃為義。凡覲國王。必有讚德。見佛之儀。以歌嘆為貴。經中偈頌。皆其式也。但改梵為秦。失其藻蔚。雖得大意。殊隔文體。

有似嚼飯與人。非徒失味。乃令嘔穢也。

答劉遺民書

僧肇

不面在昔。佇想用勞。得前疏并問。披尋反復。欣若暫對。涼風戒節。頃當何如。

與道安書

竺法泰

每憶敷上人。周旋如昨。逝波奄復多年。其清談之日。未嘗不相憶。思得與君共覆疏。其美豈圖一旦。永為異世。痛恨之淡。何能忘情。

與道壹書

帛道猷

翰苑瓊瑤

卷五

三

始得優游山林之下。縱心孔釋之書。觸興為詩。陵峯采藥。服餌蠲病。樂有餘也。但不與足下同日。以此為恨耳。

與傅琰書

玄暢

貧道棲荆。累稔年衰。疹積厭毒。人誼所以遠託。岷界卜居。斯阜抱郭。懷邑廻望。三方負巒。背岳遠瞻。九界以去年四月。創功覆簣。輒疏山讚。以露愚抱。

答劉善明辭舉秀才書

僧儼

此日之事。為可聊作一樂。不謂恩旨綢繆。芳音驟屈。

勞誨之厚、一至於斯、伏讀未周、竟汗交集、然鄙志區區已備前款、願貸愚執、賜遂陋襟、

與周顒

智林道人

捉麈尾來、四十餘載、頗見宗錄、唯此途白黑、無一人得者、爲之發病、非意此音猥來入耳、始是眞實行道第一功德、

上梁武帝書

傅大士

雙林樹下、當未解脫、善慧大士、白國主救世菩薩、今欲修上中下善、希能受持、其上善、畧以虛懷爲本、不

翰苑瓊瑤

卷五

三

著爲宗、下相爲因、涅槃爲果、其中善、畧以治身爲本、治國爲宗、天上人間、果報安樂、其下善、畧以護養衆生、勝殘去殺、普令百姓、俱稟六齊、今聞皇帝崇法、欲伸論義、未遂襟懷、故遣弟子傅朏馳書、

上唐文皇書

懷仁

昔章文休見二王書曰、二王自可稱能、未是書也、若夫天鋒秀拔、顧盼適健、該五賢之衆體、盡先哲之多能、爲毫翰之陽春、文字之寡和者、信歸之於我皇也、

與律公書

懷素

鴈蕩山、自古圖謀未嘗言、山頂有大他、相傳爲鴈出石下、二潭爲龍湫、山南有芙蓉峯、下有芙蓉驛、西竺經、諾矩羅尊者、居震旦東南大海際、山以鳥名、村爲花名、

召玄覺大師山居書

朗禪師

自到靈溪、泰然心意、高低峯頂、振錫常遊、石室巖龕、拂巾宴坐、青松碧沼、明月自生、風掃白雲、縱目千里、名花異果、蜂鳥銜將、猿嘯長吟、遠近皆聽、鉏頭當枕、細草爲羶、世上崢嶸、競爭人我、心地未達、方乃如斯、

翰苑瓊瑤

卷五

三

答朗禪師書

玄覺

自別以來、經今數載、遙心眷想、時復成勞、忽奉來書、適然無慮、不委信後、道體何如、法味資神、故應清樂也、粗德延時、欽詠德音、非言可述、承懷節操、獨處幽栖、泯跡人間、潛形山谷、親朋絕往、鳥獸時游、竟夜綿綿、終朝寂寂、視聽都息、心累閒然、獨宿孤峯、端居樹下、息繁餐道、誠令如之、

古今翰苑瓊瑤卷之五

古今翰苑瓊瑤卷之六目錄

宋

寶儼

示諫僚盧多遜楊徽之

范質

荅人約往霄上

曹彬

諭諸將

薦子

韓建瓊瑤卷之六目錄

田錫

荅或人

宋琪

對太宗

李昉

示子弟

呂蒙正

對帝

寇準

入議儲

張詠 號乖崖

卻堂吏例簿

教上官正等

荅王觀察

李沆

對真宗

諭王旦

畢士安 字仲游

薦寇準

與蘇子瞻

韓建瓊瑤卷之六目錄

范純仁 字仲淹

與晏尚書 時守睦州

自署

歐陽修 字永叔

與梅聖俞

又

與富鄭公

與王介甫

與章伯道 一作

與張學士

與王懿敏

與呂申公

王安石 字介甫

荅蘇子瞻

蘇舜卿

荅韓持國

常穎士

荅韓持國畏暑

司馬光 字君實

與姪

與呂申公

蘇軾 字子瞻號東坡眉山山人

與徐仲車

與毛澤民

翰苑瑣瑤 不卷六目錄

與陳輔之

與弟子由

與程全父

與徐得之

與何聖可

與黃魯直

與劉宜翁

與秦太虛

荅士言

荅李端叔

與楊元素

與李公擇

荅范蜀公

荅王仲敏

荅參寥

荅友

邵堯夫

與仕宦友

田畷

貴鄒浩

浩為右正言諫哲宗
廢孟后被謫新州

彭淵材

誇鄉人

黃庭堅 號山谷

與曹荀龍

又

與甥周惟浚

與甥洪駒父二首

與濟川姪

與元不伐

翰苑瑣瑤 不卷六目錄

與朱叔和

荅宋殿直

荅譚司理

與人

與徐和州

荅蕭子孝

荅王補之

荅子飛 時子飛父喪

蘇轍 字子由

荅陳師仲

荅約觀狀元者

米芾 字元章

寄遠

陳師道

與秦少游

與李端叔

秦觀 字少游

與邵彥瞻

與蘇東坡

韓駒

與叔興

王十朋

答趙撫幹

岳飛

對問馬

翰苑遺稿 卷六 目錄

五

陳諒

答呂伯恭

朱熹 字元晦

與史太保

與臺端

陸九淵 號象山

遊龍虎山題壁

魏了翁 號鶴山

寄蔣良貴左史

孫觀 字仲益

與無爲趙守

與胡樞密

與常州徐守

與張墨卿

與胡侍讀

與莫剛定

與王倅

答楊公

與陳秘校

與虞守

與常子正

與晁府判

與朱師是

與胡寺丞

與常太守

答孟少傅索詩 一作誤作賈彪與周仲連今正之

翰苑遺稿 卷六 目錄

六

與王舍人

張無垢

答人

趙方

告史彌遠

陳埴

對史彌遠

方 號秋崖

與吳季時

答魏監丞

謝郡守

又

約江侍御古心遊廬山

荅陳司直

荅趙寺丞

荅金臨江

荅高宰

與方憲司

謝趙倅見招

與趙判宗

胡銓

號澹菴

諫和金

馬廷鸞

謝郡守

入卷六目錄

七

陸辭

汪立信

與賈似道

文天祥

號文山

時政策

荅謝教授

與繆郡守

荅鍾玉

書汪元量水雲詩後

劉辰翁

字會孟號須溪

敘水雲詩

周方

字方叔號義山

贈汪水雲

謝枋得

號壘山

與賈似道

以救趙制使之罰納

與程雪樓

與魏天祐

卻聘書

李道勗

與慈明師

元

耶律楚材

謝郡守

入卷六目錄

八

勸班師

示僚屬

郝經

與介佐

時使宋拘于真州

王恂

荅燕王守心之問

許衡

謝惠荔枝石巨

借風月軒

吳均

與朱元思

阿沙不花

進諫

拜住

入對

倪瓚

與分石書

見柳

馮子振

謝送油酒

鮮于樞 字伯幾

翰苑瓊瑤 卷六

九

與趙子昂評書

趙孟頫 字子昂號松雪

與鮮于伯幾

又

與師可

虞集 字伯生

與昭文相

與朱萬初

陳紫黃

荅張同野

古今翰苑瓊瑤卷之六目錄

古今翰苑瓊瑤卷之六

蜀都 楊慎選

浙姚 孫鏞評

吳郡 陳元素校

宋元

示諫僚盧多遜楊徽之

實儼

某推步星曆丁卯歲五星聚奎自此天下始太平二拾遺見之某不預也

事在周顯德中而寔宋文治之祥故以弁于此然不獨知代興之奎聚又知人我之預見與否也亦

翰苑瓊瑤 卷六

奇矣

荅人約往雪上

范質

雪上號水晶宮非止謂野渡酒旗漁鄉蟹舍隱映于浩渺間也綠波滿郭花下櫓聲而轉橋到門倚柳垂釣不減西河之意某當侍大教

諭諸將

曹彬

余疾非藥石所能愈惟須諸君誠心自誓以克城之日不妄殺一人則自愈矣

邵潘美預賀

以帝先許使相

曹彬

不然。夫是行也。伏天威。遵廟謨。乃能成事。吾何功哉。況使相極品乎。

薦子

曹彬

臣無事可言。臣子璨瑋二人材器可取。皆堪為將。然深不如瑋。

荅或人

田錫

某事君之誠。惟恐不竭。矧天植其性。豈以一賞可奪耶。

對太宗

宋琪

翰苑瑣瑤

卷六

二

昨普執御詩涕泣。謂此生餘年。無階上荅。庶希來世得效犬馬。今復聞聖諭。念普有功國家。齒髮衰。不欲煩以樞務。擇善地以處之。君臣始終。可謂兩全。

示子弟

李昉

賢人主之事。若受其請。是市私恩也。故峻絕之。使歸恩于上。若不用者。既失所望。又無善詞。取怨之道也。

對帝

呂蒙正

臣非執蓋陛下未諒耳。臣不欲媚道。妄隨人主意。以

害國事

入議儲

寇準

陛下為天下擇君。謀及婦人。不可。謀及中官。不可。謀及近臣。不可也。惟陛下心擇。所以副天下望者。

卻堂吏例簿

張詠

宰相所以進賢退不肖也。何以例為。若用例。只一吏職耳。

激上官正等

時蜀王孟波之黨作亂。張詠正階中官王繼恩討之。

翰苑瑣瑤

卷六

三

類若老師曠日。即此地。錢所還為爾死所矣。

荅王觀察

張詠

少年無思算。好陪狂徒。高談劇飲。泊登朝。又倖邊郡。塞外清帖。公中事希。日與虎侯雜戲為樂。五木未止。六博已興。投壺奕棋。排象旋子。謂斯實眇末。無足快心。其所至者。蹴鞠。打引強。擊射。弋筭帖。謂賭攘袂掣肘。嗥呼爭贏。其或八月。草枯縱獵。擊射在通。渴飲已乏之酒。饑餐連血之肉。馬不絕馳。弓不下臂。又若天清氣和。列坐啜飲。樂奏繁劇。獵引滿。擊劍電

轉筵中此角觥虎爭餘興未窮則巨觥相罰倒甕頽
冠畧未云止與希生者道真堪喪魄

寫出雄恣不羈之態有似龍犀虎躍張牙
舞爪怒鬬乖厓奇人哉何以能一變端然

對真宗

李 沆

臣待罪宰相公事則公言之何用密啟人臣有密啟
者非讒即佞臣常惡之豈可效尤

仇直之語
令人欽容

諭王旦

李 沆

人主少年當使知四方艱難不然血氣方剛不留意

翰苑瑣瑤

卷六

四

聲色狗馬則土木甲兵禱祠之事作矣吾老不及見
此參政他日之憂也

薦寇準

畢士安

準方正慷慨有大節忘身徇國秉道疾邪朝臣罕出
其右第不為流俗所喜今天下之民雖蒙休德涵養
安佚而西北跳梁為邊境患若準者正所宜用也

此數言自勝
飾詞推轂者

與蘇子瞻

畢士安

夫言語之累不特出諸口者其形於詩歌贊論賦頌

託于碑銘著於序記皆言語也今知畏於口而未畏
于文是其所是則見是者喜非其所非則蒙非者怨
喜者未必能濟君之謀而怨者或已敗君之事矣

與晏尚書

時守睦州

范純仁

衢歛二水合於城隅一濁一清如濟如河百里而東
遂為浙江漁釣相望鳬鷺交下有嚴子陵方千之隱
第羣峯四來翠盈軒窓東北曰飛龍崔嵬如岱西南
曰馬目秀狀如嵩白雲徘徊終日不去巖泉一支潺
湲齋中春之晝秋之夕既清且幽大得隱者之樂惟

翰苑瑣瑤

卷六

五

恐逢恩一日移去

自署

范純仁

為之在我者當如是其成與否有不在我者雖聖賢
不能必

與梅聖俞

歐陽修

去夏因飲滁水甚甘問之有一土泉在城東百步許
遂往訪之乃一山谷中山勢一面高峯三面竹領回
抱泉上有佳木一二十株乃天生一好境也遂引其
泉為石池甚清甘作亭其上號豐樂亭又於州東五

里許靈溪上有怪石二因移置亭前廣陵韓公聞之以細芍藥十株見遺亦植其側其他花竹不可勝紀山下一徑穿入竹篠蒙密中豁然路盡遂得幽谷已作一記未曾刻石亦有書託王仲儀寄去未知達否

語意簡質而情景之真一筆画出
○按此似可作豐樂亭一小記也

又

歐陽修

承惠詩并序開闔數四紙敝墨淪不能釋手緣文尋義益究益深清池茂林俯仰觴詠它腸蘊此欲寫未能聖俞所得文出人外昔之山陽竹林以高標自遇

翰苑瓊瑤

八卷六

六

三

與富鄭公

歐陽修

有蜀人蘇洵者文學之士也自云奔走德望思一見而無所求然洵達人以謂某能取信于公者求為先容既不可卻亦不忍欺輒以冒聞可否進退則在公命也

與王介甫

歐陽修

賢者不能留之于朝衰病者不得放去皆失其分歸

咎何所其自春來目益昏耳亦不聰大患難久于世筆硯平生所懷有所未畢恐遂為庸人以死耳

與章伯道

一作

歐陽修

山郡僻絕不與人通每辱誨問何深感愧伯道尚厭一作江郡大亨有時先以小抑亦通否之理然也惟與自愛以副昨禱

與張學士

歐陽修

辱誨存兼承遠寄佳篇豈勝珍誦湖園野趣近郡豈無夢寐在焉何嘗忘也若得偶逃罪責歸老其間遂養庸拙何勝幸也

翰苑瓊瑤

八卷六

七

三

與王懿敏

歐陽修

某居此如魚鳥之池籠歲律忽盡衰病日侵交游多外情緒可知人生聚散憂患百端相見何時况開年決求南去遂益為胡越也

與呂申公

歐陽修

前日愚望一賞羣芳之盛已而遂雨古人謂四樂難并信夫十三日欲枉軒騎顧訪蓋以草堂僅次幸一光飾之耳

答蘇子瞻

王安石

餘卷正冒眩尚妨細讀嘗鼎一臠旨可知也公奇秦君數口之不置吾又獲詩手之不舍然聞秦君嘗學至言妙道無乃笑我與公嗜好過乎

口之手之筆端自奇

答韓持國

蘇舜欽

北雖與昆季遠遠而伏臘稍足居室稍寬耳目清曠不設機關三商漏下而眠高春三竿而起淨院明窓之下羅列圖史蒲博琴尊以自愉悅有興則泛小舟

翰苑遺稿 卷六

八

出盤閫二門吟嘯覽古下江山之間清茶野饌足以消憂尊鱸稻蟹足以適口又多高僧隱君子佛廬勝絕家有園林珍花奇石曲沼高臺魚鳥流連不覺日暮

答韓持國畏暑

常穎士

野人無修簷大厦旦起不畏車塵馬足之勞胸中無他念露形挾扇投足繩床視木蔭東搖則從東西搖則從西耳

與姪

司馬光

某素無才能久在冗散一朝除擢出人意表舉朝之人悉非舊職見忌疾者何可勝數而獨以愚直之性處于其間如一黃葉在烈風中幾何其不危墜也汝輩當識此意不得恃賴聲勢作不公不法則我之禍必起汝輩且當共相愛惜我特預先約束汝輩所以曲相保全可且莫怪也

與呂申公

司馬光

比來物論譏晦叔申公字晦叔慎默太過若此際不廷諫國事蹉跌則入彼用謂王矣矣光自病以來以身付醫

翰苑遺稿 卷六

九

家事付伯康子國事未有所付今日屬于晦叔矣

與徐仲車

蘇軾

昨日既蒙言贈今日又荷心送盎然有得載之而南矣辱手教極切厚愛孔子所謂忠焉能勿誨乎當書諸紳寢食不忘也

與毛澤民

蘇軾

歲行盡矣風雨淒然紙窓竹屋鐙火青燐時於此間得少佳趣無以持獻獨享為愧想當一笑也

與陳輔之

蘇軾

昨承訪及病重不能起見愧仰深矣萬里海表不死歸宿田里得疾遂有不起之憂豈非命耶若得少駐復與故人一笑此又望外也力疾書此數字

與弟子由

蘇軾

之一作兄弟老矣當以時自娛此外萬端皆不足介懷所謂自娛者非世俗之樂但胸中廓然無一物即天壤之內山川草木虫魚之類皆吾作樂事也無事時寄一字以慰寂寥

與程全父

蘇軾

翰苑瑣瑤 卷六 十
初至僦官屋數椽近復遭迫逐不免買地結茅僅免露處而囊爲一空困厄之中何所不有置之不足道聊爲一笑而已

與徐得之

蘇軾

定省之下稍葺閒軒簞瓢雞黍有以自娛想無所慕于外也閒中多異人隱屠釣呂尚屠于朝歌釣于渭水得之不爲簪纓所縻尚得見好人乎

與何聖可

蘇軾

辱示朱先生所著書詩詞義淡矣淺學曾不足以窺

其萬一結髮求道篤老未衰世間有幾人而飽係于此不得一望其履幕慨嘆不已

與黃魯直

蘇軾

凡人文字當務使和平至足之餘溢爲奇怪出于不得已也晁文奇麗似差早然不可直云爾非謂其諱也恐傷其邁往之氣當爲朋友講磨之語乃宜不知以爲然否

與劉宜翁

蘇軾

昔葛稚川以丹砂故求句漏今先生倘有意乎嶠南山水奇絕多異人神藥先生不畏嵐瘴可復一游則小人當奉故履以從

與秦太虛

蘇軾

所居對岸武昌山水絕佳有蜀人王生者在邑中往往爲風濤所隔不能即歸則王生能爲殺雞炊黍至數日不厭又有潘生者作酒店樊口棹小舟徑至店下村酒亦自醇醪柑橘枳柿極多大芋長丈餘不減蜀中米斗二十磨鹿如土魚蟹不論錢旗亭監酒胡定之載書萬卷隨行喜借人看曹官數人皆家善庖

饌喜作會。吾事不既濟矣乎。展讀至此。想見掀髯一笑也。

荅士言

蘇軾

雪霽清境。發於夢想。此間但有荒山大江。修竹古木。每飲村酒。後曳杖放脚。不知遠近。亦曠然天真。與武陵舊遊。未暇議優劣也。

荅李端叔

蘇軾

得罪以來。淡自閉塞。扁舟草屨。放浪山水間。與漁樵雜處。往往爲醉人所推罵。輒自喜。漸不爲人所識。平

翰苑瓊瑤 卷六

十二

生親友。無一字見及。有書與之。亦不荅。自幸庶幾免矣。足下又復創相推與。甚非所望。不有癭石有暈。犀有通氣。以取妍於人。皆物之病也。

與楊元素

蘇軾

近聞小人。輒瀆左右。此何品類也。乃敢如此。信知困中。無種不有。想以道眼觀之。何啻蚊虻一笑可也。

與李公擇

蘇軾

僕行年五十。始知作活大要是慳耳。而文以美名。謂之儉素。然吾儕爲之。則不類俗人。其可謂淡而有味。

者。自謂長策。不敢獨用。故獻之左右。往京師。尤宜用此策也。一笑。

荅范蜀公

蘇軾

請公試觀能惑之性。何自而生。欲救之心。作何形相。此猶不力。彼復何依。正恐黃面瞿曇。亦須歛衽。況學之者耶。

荅王仲敏

蘇軾

今到海南。首當作棺。次當作墓。仍留手疏與諸子。死卽莖海外。庶幾延陵季子。贏博之義。生不挈官。死不

翰苑瓊瑤 卷六

十三

扶柩此東坡家風也。此外宴坐內照而已。

荅參寥

蘇軾

淨慧諸僧。懇爲默禱。欲僕亟還中州。甚荷至意。自揣省事以來。亦粗爲知道。但道心數起。數爲世界所搖奪。恐是諸佛。知其難化。故以萬里之行。相調伏耳。

荅友

蘇軾

昨論作木山記跋尾。以明允公之文章。如天地之有元氣。萬物資之而春者也。豈復可刻畫藻哉。往年歐陽公作五代史。作序記其前。王荊公見之曰。佛頭

上。豈。可。着。糞。竊。淡。嘆。息。以。爲。名。言。

與仕宦友

邵堯夫

此賢者所當盡力之時。新法固嚴。能寬一分。則民受一分之賜。投効何益耶。

當時能盡力。不便法而寬民者。惟許子先一人。安得人人而如之。

責鄒浩

浩爲右正言。諫哲宗。廢五后。被謫新州。

田畫

使志完浩隱默。官京師。遇寒疾。不汗。五日死矣。豈獨嶺海之外能死人哉。願君毋以此舉自滿。士所當爲者。未止此也。

翰苑遺稿

八卷六

十四

誇鄉人

彭淵材

吾囊中富可敵國。有文與可畫竹一枝。李廷珪墨一錠。歐陽永叔五代史一部也。

與曹荀龍

黃庭堅

承奉親江湖間。縣僻無事。何樂如之。在當世塵埃中。常苦人事奪光陰。得岑寂處。可讀書作字佳耳。讀書勿求多。唯要貫串。使義理融浹。則欲下筆時。不寒澁也。阻面故云此。

又

黃庭堅

作賦要讀左氏前漢精密宏渙。其佳句善字。皆當經心畧知某處可用。則下筆時源源而來矣。

與甥周惟浚

黃庭堅

甥天資甚美。但恐讀書未得其要。學問當以古人爲師。勿以一日之長係主司得失爲意。則世間疾苦。不能入之矣。

與甥洪駒父

黃庭堅

別後惘然累日。雖道途悠遠。鴻鴈相依。頗不索漠。黃州人來得平安之音。甚慰也。卽日想安勝尺璧之陰。

翰苑遺稿

八卷六

十五

常以三分之一治公家。以其一讀書。以其一爲基酒。公私皆辦矣。

又

黃庭堅

古之能爲文章者。真能陶冶萬物。雖取古人之陳言。入于翰墨。如靈丹一粒。點鐵成金也。

幾見讀書工夫。到神解處得來。

與濟川姪

黃庭堅

夜來細觀所作文字。甚有筆力。他日可爲諸父雪耻。但須勤讀書。令精博極。養心使純靜。根本若淡。不患

枝葉不茂也。

與元不伐

黃庭堅

所論家徒四壁。應舉蹉跎。貧者士之常。富貴在天安可。人方較耶。知寸心不與萬物俱盡。千萬開拓。習次衡門之下。古人不遠。

與朱叔和

黃庭堅

留意於學書。修身治經之餘。誠勝他習。然要須以古人為師。筆法雖欲清勁。必以質厚為本。古人論書。以沉着痛快為善。唐之書家。稱徐季海。怒猊觸石。渴驥奔泉。大意可知。凡書之害。姿媚是其小疵。輕佻是其大病。直須落筆。一端正。至于放筆。自然成行。草則雖草。而筆意端然。最忌裝綴。便不成書。

論書字法
此為破的

荅宋殿直

黃庭堅

人習中久。不用古今澆灌之。則俗塵生。其間照鏡。覺面目可憎。對人亦語言無味也。

昔人謂窮士千人。而目可憎。語言無味。山谷齷齪。却謂人之窮。於學者自爾。而無財非窮。

荅譚司理

黃庭堅

賢郎性和易。濟以經術。即成佳士。但師友非長育。人才之匠。恐不能盡如才耳。勿令與悠悠之徒雜處。

以經術濟于弟。故欲慎擇師友。約是要言。

與人

黃庭堅

就居城南。雖小屋而完潔。舍後亦有三二畝閑地。畦蔬植果。為飯後逍遙之所。所謂園日涉。以成趣。門雖設。而常關者也。生事雖竟。未能有根本。然衣食隨緣。厚薄亦自寡過。少累耳。

與徐和州

黃庭堅

公監理甚辨。內外斬斬。點吏無所措手。且頗甄別官曹。人物精確。定不使玉石俱焚也。熟觀詩文。極見琢磨之功。奉想丹墨之暇。左右經史。時以古人用心處。一浣刀筆之塵也。

荅蕭子孝

黃庭堅

與足下之先君子遊。於今三十年。常恨濟父不見。用于時。又愧碌碌。隨食南北。不如濟父。一丘一壑。便足了一生也。此辱治命。見囑作銘。方此銜哀幕次。何得復有文思。又不敢但已。以孤泉下之願。率爾就此。不

知傳後可否試持與君表議之倘可即摹刻也

荅王補之

黃庭堅

見省榜得第二郎君姓名。懽喜。此猶未見賜第之書。度必取巍科也。示喻唐某稱述僕小子。愧悚。小子今十四。骨氣差麗厚。讀書不甚廢人。鞭策。但義理之性。不甚發耳。過荷齒記。故具之。

荅子飛

時子飛
公喪

黃庭堅

善人宜極省壽。况於名教。尤所勸勉。士大夫知與不知。誰不嗟惜。日月如積。追慕則新。奈何奈何。屬以病

南苑瑤瑤

不卷六

十八

目意緒無聊。欲勉作小文。以侑奠酌。久之。牽強乃成。是以往事。獨後眾人。惟其忠實之情。則在眾人之前。仰侍哀譽。

荅陳師仲

蘇轍

轍少好爲詩。與家子瞻。多少相若也。子瞻既已得罪。轍亦不復作詩。世以詩名者。蓋無幾人。間有作者。不足貴也。然僕得其所爲。輒諷咏終日。譬如新病瘡。人口不復歌。聞歌者。猶能手足舞蹈。以自慰釋。足下尚能以五百篇見惠耶。苟有以慰我。不必矜自口也。

黃門所得所識大都良苦
雅有良以資喜若以資笑

荅約觀狀元者

蘇轍

聖天子策天下英豪。而賜之官。爲首選者。既拜命。擁出麗正門。黃旗塞道。丹彩一作青彩被體。馬蹏蹏。望壩頭而去。觀者雲合。吁。亦榮矣。然子觀人者乎。欲爲人所觀乎。若欲爲人所觀。則移其所以觀人者。觀書。

不拒云不觀不足觀而轉激
其觀人者觀書可謂善規

寄遠

米芾

海岱咫尺不能到。焚書而已。日短不能晝眠。又少人

翰苑瑤瑤

不卷六

十九

往還。惘惘。足下比時何所樂。

與秦少游

陳師道

辱諭章公諱降屈年德。以禮見招。不佞何以得此。豈君嘗欺之耶。已於彼欺謂虛譽公卿不下士久矣。乃特見于今。而親于身。幸就比焉。愚不足齒士。猶當從君之後。順下風。以成公之名。然先王之制。士不贊不見王公。夫相見所以成禮。而其弊必至自鬻。故先王謹其始。以爲之防。而士爲世守焉。其於公。前有貴賤之嫌。後無平生之舊。公雖可見。禮可去乎。且公之見招。豈以

能守區區之禮乎。若昧冒法義，聞命走門，則失其所。以見招，公又何取焉。雖然，有一于此，幸公之他日成功謝事，幅巾東歸，其當御欵段也，乘下車也，柴車也，候公于上東門外，尚未晚也。拳拳之懷，願君以聞焉。

充丘清節人
依為此善辭

送李端叔

陳師道

爲今中國患者，西北二虜也。狙伺我久矣，西小而輕，故爲變易；北大而重，故爲變遲。小者疥癬，大者癰疽也。自北方罷兵，有司如故事，歲時發幣，而北顧無事。

新苑遺稿 卷六

二十一

矣。鴟梟不鳴，要非祥也。豺狼不噬，要非仁也。見其不鳴，謂之孔鸞，見其不噬，待以犬馬，吁，亦過矣。定武虜衝也，其容有侮乎？夫椎牛酹酒，豐犒而休養之，非欲以醉飽爲德，所以增士氣也。聞定武異時從軍吏士，豐樂豪盛，而今燕豆粗惡，終日受享，腹猶枵然，官吏貧窶，有愁苦無聊之心。且朝廷既委所當費以奉虜，而不愛矣，將軍將重兵，臨方面，天子屬以何事，而與持籌小吏日夜計口腹之贏，此何爲者也。真能遂不費一錢，纔贏幾何哉？子從辟也，以佐帥軍事，與有責。

矣。挾端叔之學問，而從蘇先生如決大川而放之海，是則予無以贊子矣。

與邵彥瞻

秦觀

春色遂爾鵲然，草木魚鳥各有佳意。廣陵多登臨之美，臨風把盞，所應不貲。

與蘇子瞻

秦觀

比蒙教誨，把玩彌日，如晤玉音，釋然不知窮困憔悴之去也。其鄙陋不能脂韋婉孌，乖世所好，柰何。

與叔興

韓駒

新苑遺稿 卷六

二十一

浮江二千里，眼厭旌旗，不料到此復見擾擾也。然駒間關自賊中來，最能言其情狀，若無內應，決不能入。故須靜以俟之，擾則民怨，驚則民駭，二者足以召變，不可不知也。

守禦之士
宜備服之

答趙撫幹

王十朋

蟾蜍風味，不惟勝無腸公子也，蟹自可輩江君瑤柱也。臨食必起故鄉之思，但不能如張翰勇決耳。遠蒙分覲，以養吾老養，愧感俱不少也。道山石渠，輒納墨本。

置之悠然閣。可與南山俱入眼。劉子政乃天祿閣中人。豈能懷惓惓之忠。屈于外耶。

對問馬

岳飛

臣有二馬。日啖芻豆二斗。飲泉一斛。然非精潔。即不受。介也。而馳初不甚疾。比行百里始奮迅。自午至酉。猶可二百里。褫鞍甲而不息不汗。息倦也。汗浴也。若無事然。此其受大而不苟取。力裕而不求逞。致遠之才也。不幸相繼以斃。今所乘者。日不過數升。而秣不擇粟。飲不擇泉。攬轡未安。踊躍疾驅。甫百里。力竭汗喘。殆欲斃然。此其寡取而易盈。好逞而易窮。騖鈍之材也。

王鳳洲云。要知此對蓋借馬以喻人主論相之術也。

荅呂伯恭

陳諒

官爲宰相。可以生殺廢置人。官爲臺諫。給舍。可以彈駁榮辱人。官爲國子監官。可以考校法去取人。升講座。開口高談性命。縱有錯謬。人無爭辨者。畏其勢也。此三等。謂之係籍聖賢。謂非聖賢。而人據聖賢版籍者。今丈方中宏詞科而歸。未是係籍聖賢。豈可升座耶。

與史太保

朱熹

竊聞頃者。几杖造朝。禮際隆洽。蓋自祖宗盛時。所以褒崇故老。報荅元勳。未有若斯之盛者也。人無愚智。莫不咨嗟嘆息。以爲聖王尊師重道之意。若此其厚。

而以明公平。平日自任之重。卜之。知其所以報此殊遇者。必當有以度越前人。決不肯爲張禹孔光。以及近世之明良慶會。自居者。遺臭無窮也。今變異重仍。虜情叵測。當宁仄席。有識寒心。其切謂元老大臣。同國休戚。告猷之會。未有急于斯時。明公不能及此。發口一言。永無報效之期。終懷寵祿之愧矣。故願溪谷愚

韓苑瑤

卷六

二十三

言。亟召門下直諫多聞之士。曲加訪問。俾盡其說。兼總條疏。悉以上聞。于以報塞恩遇。慰荅羣情。追配前修。一洗疑論。計無便於此者。不審明公。亦有意乎。狂瞽妄發。惟明公有以寬之。

與臺端

朱熹

伐木而翦其枝葉。不若斧其根。壅水而捍其波流。不若塞其原。鳴金鼓。耀戈甲。而噪呼以逐虎。不若寐其方睡而斃之之速也。今執事則旣撼而覺之矣。又猶欲緩視徐趨。以當其虓怒決裂之勢。其切爲執事危。

之也。

遊龍虎山題壁

陸九淵

木歲星在龍氏金太先填鎮通於亢著雍戌涪灘申

月望東壁以壁月推之木金土星東見天景也時

雨新霽西風增涼間雲未歸攸然垂陰黍粒登場稻

花盈疇菽粟粲然桑麻沃然象山翁觀瀑半山登舟

水南宿上清信龍虎次於新興究仙巖之勝石

瀨激雪澄潭漬藍鷺翹見飛恍若圖畫疎松翠篠蒼

苔茂草之間石護呈黃金燈如舒紅被厓緣坡爛

翰苑瑣瑤不卷六

若錦繡輕舟帆檣嘯歌相聞聚如魚鱗列如鴈行至

其尋幽揆奇更泊互進迭為後先有若偶然而相從

老者蒼顏皓髯語高領溪少者整矜肅容視微聽冲

莫不各適其適余亦不知夫大小粗精剛柔緩急之

不齊也乃俾猶子謙之慙之子持之分書同遊者七

十有八人邑姓名字于左方

不為詞而仙遊景一覽在月

寄蔣良貴左史

魏了翁

經由錫麓室邇人遠回首十年前良貴領褒羣彥泛

雪敲冰徘徊累日而後去今何可復得乃知樞庭督

府於我何加所謂武夫從者祇嚇童孺耳

與無為趙守

孫觀

鍾陵舊國故都江山雄奇天下絕境部使者風采震

疊百城而有方外之樂某一行作吏豈復有一息如

公者乎

與胡樞密

孫觀

新第落成市聲不入耳俗軌不至門客至命坐青山

當戶流水在左輒談世事便當以大白浮之使不得

翰苑瑣瑤不卷六

言也如觀當晨夕奉杖履亦復掃迹瞻悵不可以言

與常州徐守

孫觀

衰老不堪兒女之債比客去已恍如醉夢中矣雪餘

台候萬福勝否比客過都迎餞良苦第當脂轄送將

無庸祝之便生四角也一笑

脂轄使易行情便殊于投轄畏客與好客不同也

策言稀膏轉軸所以為滑也然而不能運方穿四

角當即方穿

之謂云耳

與張墨卿

孫觀

向過臨川余子蒼舍人相從兩日而別論文說詩超

妙入神、其一世之雄也、然識真者少、千里之馬、在冀北、而終日按伯樂之圖、豈不悞哉、聊發一笑也、

與胡侍讀

孫觀

蒙遣騎、祇拜感服、某自脫籠檻、屏居田間、天寬地大、徒步而游、及是拜賜、又若吳牛之見月也、吳牛作喘見月而喘無由瞻近、愧恐而已、

與莫刪定

孫觀

窮巷掃軌、可張羅矣、不謂長者車轍之臨、倒衣趨迎、不覺屐齒之折也、連日接奉、健論抑揚、一洗憤憤、慰

翰苑瓊琚

卷六

二十六

喜不可言、春和客中、勝否承舟楫、將次朋溪、想復少

留、不獲追路、一陪下藥、第極瞻悵、

與王倅

孫觀

高才屈于佐郡、非但一邦之慶、而衰老又得分餘光、于鄰燭之下、唯是屏迹田野、不獲修桑梓之恭、祇自訟也、伏蒙高誼、收錄陳人、寵以長牋、光賁衰晚、二過喜愧交并、匆匆占辭、莫致瓊瑤之報、又以為

祇自又以二句
顧應得動拔、

荅楊公

孫觀

焦山度暑、活水快風、一洗蒸溽、而又有可與晤語者、愧其獨不得陪杖屨以從、

與陳秘校

孫觀

學省分攜、不知書劍所寓、奏名喜聞先登、亦不果馳、慶具審、即日起居勝常、想益磨礪、以須大對、側聽第一之傳也、

與虞守

孫觀

大手治劇、如破竹然、庭無留人、老吏震駭、謹頌四至、田間邦人凜凜然、惟恐召節之來也、

翰苑瓊琚

卷六

二十七

與常子正

孫觀

自投南嶠、日聞登進、賢者得路、實慰昔心、歸途次三衢、又遇執事為地主、遂情一見之顏、竊自慶也、

與晁府判

孫觀

聞風久矣、道出封內、一再款接、實副所聞、贐貽豐腆、荷存錄之厚、屬罹垢汙、朋友致饋、飲食之皆不受、若拜賜于門下、則得罪者衆矣、尚幾恕登、

與朱師寔

孫觀

久欲詣省、非謬語也、鄙事滿前、意不如約、第准上無

新聞歲晚具小舟造門矣海錯已拜珍餉感作新橙木瓜兩篋附還狀馳送雖不堪食謾爲供飣之觀也

與胡寺丞

孫觀

右丞墓碑謂不復有矣伏蒙馳貺把玩三復文采字畫皆足以發揚潛德當命工裝裱揭之座右爲洞心駭目之觀也

與常太守

孫觀

九日今節想見賓筵一時倒冠落佩之適莫囊菊盞竟日歡呼豈復記明年之健否也

翰苑叢書

八卷六

二十八

荅孟少傅索詩

一作賈彪與周仲連今正之

孫觀

蒙索小詩豈敢自外容抒思也公一世名臣當有翰墨之士道古今而譽盛德安用蒼蠅之聲出于蚯蚓竅中乎

與王舍人

孫觀

公文勝前作非設言也別去數年筆力雄健如老驥伏櫪他日當大典選天廡四十萬可以一洗而空矣

荅人

張無垢

處事之法速不如思便不如當用意不如平心

告史彌遠 趙方 催科不擾是催科中撫字刑罰不差是刑罰中教化

對史彌遠

陳埧

好名孟子所不取然求士於三代之上惟恐其好名求士于三代之下惟恐其不好名耳

與吳季時

方秋崖

吾兄名家駒識見與流俗蓋相百也得瓦缶瓦缶秋崖自喻于崩岸泥沙之底遽而利剔之斯亦奇矣他日提携而過黃鐘大呂之間或謂季時之陋于音柰何

翰苑叢書

八卷六

二十九

荅魏監丞

方秋崖

某入林溪密與世闊疎當路名郡大賢之藪固非某得數數也一牛兩水徒與芸夫蕘子樵歌牧咏以陰陽于不言之中敢圖記存訪問寂莫感激其何可云聊菴遺書布滿天下紫陽精舍雲漢昭回顧獨無有是不謂缺典歟門下典起斯文以幸後學某泐賜矣瞻望凝目無任注仰

謝郡守

方秋崖

退然氓耳刺史朱兩轡而臨其鄉百函通爵里耆武

相接也。某獨未以書賀。茲宜在所督過而灑翰先之。賡之以鏗金曼玉之詩。寫之以屈鐵蟠銀之字。矮屋迫窄。光芒欲飛。某持出諸公夸之。平生未見此奇也。敢不再拜。

又

方秋崖

玉麟一角。與世作儀。昆侖蓬萊。寧久羞薄。獨恨某輩碌碌。分當田畊。方且丐一員外俸。恐不得迎拜上東門郊耳。寵蒙垂諭。如某者。規行矩步。不敢失尺寸。何能為度外事。幸為我多謝方君。功名之享。固自有時。

翰苑瓊琚 卷六

三十

瞻晤未涯。神爽飛越。

約江侍御古心遊廬山

方秋崖

生平聞三峽之雪。五老之雲。忻然攜破硯來觀。政方無與會心者。秋霽一碧。天風吹衣。侍御其獨能亢亢。擁書窓下乎。某敢僭為廬君請。謂山如慨焉。惠幸泉石而賜之行期。某負弩矢前驅矣。

荅陳司直

方秋崖

某於執事交疎而心親。勢睽而道合。與世之詡詡相逐者有間矣。去之弗能二百里。而江心愁予。塵埃迷

人。甚恨交一臂而失也。天下事變萬端。英英白雲。忽已蒼狗。要是不滿虎溪一笑。而弄精覓者。顧自云奇。特亦可嘆已。劉忠烈表表如此。輒書數語于老筆之後。真所謂珠玉在側。覺我形穢也。會且歸矣。臨紙惘然。

荅趙寺丞

方秋崖

歸耕邴下。日與遊者。芸夫蕘子。而老硯荒矣。賢郡守與民介福。揭虔妥靈。乃不鄙屬筆於牛衣之間。刻之廟道。字畫福陋。不足以導迎景休。而執事者一念在

翰苑瓊琚

卷六

三十一

焉。神又其忘。諸某敢不與里父老再拜受貺。

荅金臨江

方秋崖

自里人不戒于火。先廬燼焉。蓋無所居。十餘年矣。歸自江上。手苦草堂。斧斤雜然。非匠事不接于耳也。千騎旣東之數日。始有為某言者。為之頓足扼腕。而無及。執事不惟不督過之。且賜之翰章。長上之于後輩。其勤勤乃爾。某知愧矣。世偷日狹。何往而非風波。歸興浩然。傲睨林壑。方將左花右竹。以寄吾高。而宣室受釐已。有久不見賈之嘆。行矣。王觀恐非芳卿作。

芳一覽所能留也

荅高宰

方秋崖

其惟鶴山魏了翁負一世之望慶源演迤實自諸高詩

書之傳未艾也執事者出其家學絃歌斯民夫奚有於邑之難錯節盤根方見利器其何幸蒙成焉縮手袖間使汗顏于血指大匠必不肯坐而旁觀也明以告我聞斯行之

與方憲司

方秋崖

聞蓬萊弱水三萬里風引孤蓬而去莫近翠雲此其

翰苑瓊瑤

三十三

所以簾弄明月之珠頃頃飛霞之佩也然嘗從薦紳大夫後知其琳琅翰墨羣秀瑤林使鞭鳳咎鸞羽儀萬方謂當朝玄圃而夕昆侖矣綠綈夜下尚竊遲之

謝趙倅見招

方秋崖

竊伏下風有年矣田家作苦牛衣夜寒其於當世公卿所謂地位清高隔風雨也自意光風霽月之間分我半席雪舞黃金之縑雲飛白玉之香其既書紳而駕言屏星臨門送汝此意又何敢忘耶

與趙判宗

方秋崖

某試此巖邑不自意兩考而餘鼠技既窮百短呈露強弩之末如魯縞何安得老先生一言爲吾鍼砭朝夕以冀且書諸紳

諫和金

胡銓

虜不可和倘乾剛獨斷追回使者則省數千億之歲幣專意武備足食足兵無書名之耻無去大之辱無再拜之屈去十弔而就十賀利害較然矣詩云毋用婦人之言今舉朝皆婦人也

披肝瀝膽之論

翰苑瓊瑤

卷六

三十三

陛辭

馬廷鸞

臣死无日恐不得再見君父然國事方殷疆圉孔棘天下安危人主不知國家利害羣臣不知軍前利害列闕不知陛下與元老大臣惟懷永圖臣死且瞑目矣

與賈似道

汪立信

今天下之勢十去八九而君臣宴安不以爲虞酣歌淡宮笑傲湖山欲拱揖折衝不亦難乎爲今日之計有三內郡何事多兵宜盡出之江干以實外禦算見

兵可七十餘萬人而沿江之守不過七千里若距百里而屯屯有守將十屯爲府府有總督其尤要害處輒參倍其兵無事則泛舟長淮往來遊徼有事則東西齊擊戰守並用刁斗相聞餽餉不絕互相應援選宗室親王忠良有幹用大臣立爲統制成率然之勢之上策也權許歲幣以緩師期不三三年邊垂稍休藩垣稍固生兵日增可戰可守此中策也二策不行天敗我矣若銜壁輿觀之禮請備以俟

時政策

文天祥

翰苑瑣瑤

卷六

三十四

本朝懲五季之亂削藩鎮建都邑一時雖足以矯尾大之弊然國以浸弱故敵至一州則一州破至一縣則一縣破中原陸沉痛悔何及今宜分境內爲四鎮建都統御于其中以廣西益湖廣而建閩於長沙以廣東益江西而建閩于隆興以福建益江東而建閩於鄱陽以淮西益淮東而建閩于揚州責長沙取鄂隆興取蘄黃鄱陽取江州揚州取淮北地大力衆約日齊奮彼備禦力分疲于奔命而吾民之豪杰又伺間出于其中如此則敵不難卻也

荅謝教授

文天祥

寒簷積雨抖擻無棕得手書而讀之昏眼爲拭天祥落落白雲間西疇春綠自飯吾犢浮世榮辱事付之山外張惜所蒙君言過矣

與繆郡守

文天祥

天祥茅屋三間在萬山溪處借書沽酒外一毫不爲公私撓獨蒔松百畝日騎牛扣角其間天惠仁侯自此隸不打門犬不夜吠猿呼虎嘯各適其適則其受賜多矣

翰苑瑣瑤

卷六

三十五

荅鍾玉

文天祥

杜門避影久矣出山一事不到夢寐間聞命誤膺旄節湘羅笑人矣方循墻丐祠以安半菽倘拜俞音春晝花陰猿雀飽卧亦五雲之餘蔭也

書汪元量水雲詩後

文天祥

吳人汪水雲羽扇綸巾訪予于幽燕之國袖出行吟一卷讀之如風檣陣馬快逸奔放詢其故得于子長之遊嗟夫異哉

敘水雲詩

劉辰翁

昔者烏孫公主王昭君皆馬上自作曲鍾儀之繁南
冠而操土音自作樂使人聽樂就樂或謂作者之悲
不如聽者之樂聽者之樂復不如旁觀者之悲也汪
氏之琴天其使之娛清夜釋羈旅耶何其客之至此
也初侍禁中至
隨三宮留燕琴本出於怨而怨者聽之亦樂謂能
雪其心之所謂也當其奏時如出乎人間落乎天上
殆泊與澹相遭而卒歸於無有其亦有足樂耶歸江
南入名山着黃冠元祖嘗命琴奏因
賜為黃冠師南歸據槁梧以終又
其起而出以詩見自奉使出疆三宮去國及所過歷

翰苑搜珍 卷六

三十六

皇王帝伯之故都遺蹟凡可喜可詫可驚可痛哭而
流涕者皆收拾于詩解其囊南吟北嘯予蓋不忍觀
之孰不游也以琴遇少琴能詩又少予欲盡其卷評
之而不勝其悵鬱也則復使之進琴焉

宛轉聯聯大
似雅門之操

贈汪水雲

周方

余讀水雲詩至丙子以後為之骨立再嫁婦人望故
夫之隴神銷意在而不敢出聲哭也方叔自以易代
言之而諷刺
山陽夜笛聞之者四壁皆為哽咽正平補衡操

聽之者三臺俱無聲韻噫水雲之詩真能使人至如
是至如是其感哉

與賈似道

以教趙制
使之罰納

謝枋得

千金而募徒木將取信于市人三卯而棄于城豈可
聞於鄰國

與程雪樓

謝枋得

某親喪未克葬持服未三年若違禮背法順執事之
意不孝莫大焉執事不可稱匪其人而孤大元求才
之義某不可進不以禮而誤執事知人之名惟執事

翰苑搜珍

卷六

三十七

亮某之心使某幸免不孝之名是成我之恩與生我
等也

與魏天祐

謝枋得

鈞旨云欲訪某何事某決不敢者魯公父文伯死而
母敬姜不哭曰孔子聖人也再逐于魯而此子不能
從今死也未聞長者來內人行哭失聲自殺閨中者
二此子也必于婦人厚而長者薄也吾所以不哭君
子曰此言出于母之口不害為賢母也若出婦人之
口不免為妬婦矣某義不出仕者雖有忠謀奇計人

必以為妬婦矣。恐徒為天下所笑。

只連戰國陳軫之言而若發新硯以中款會

卻聘書

謝枋得

夷齊雖不仕周，食西山之薇，亦當知周之恩。四皓雖不仕漢，茹商山之芝，亦當知漢之恩。況羹藜含糲于大元之世乎？大元之赦某屢矣，某受大元之恩，亦厚矣。必若效魯連之蹈海而死，則不可，而今既為大元之游民矣，若貪戀官爵，昧于一行，縱大元仁恕天涵地容，哀憐孤臣，不忍加僇，某何面目見大元乎？某願

翰苑瓊琚

卷六

三十八

與慈明師

李道昂

海內法友，惟師與楊大年耳。大年棄我而先，僕年來衰落，忍死以一見。

勸班師

耶律楚材

是獸名角端

鹿形，馬尾，綠色而獨角

日行一萬八千里，解四夷

語，是惡殺之象。今大軍征西，已四年，時滅回回，進大蓋上天惡殺，遣之以告陛下，日汝主宜早還願承天

心。宥此數國人命。

示僚屬

耶律楚材

朝廷興一利，不若除一害。生一事，不若減一事。

與介佐

時使宋，拘于真州

郝經

將命至此，死生進退，聽其在彼。守節不屈，盡其在我，豈能不忠不義，以辱中州士大夫乎？但揆之天時人事，宋祚殆不遠矣。

答燕王守心之問

王恂

嘗聞許學士衡言，人心猶印板。然板本不差，雖摹于

翰苑瓊琚

卷六

三十九

萬紙，皆不差。本既差矣，摹之于紙，無不差者。

謝惠荔枝石巨

許衡

承貺以荔枝石巨之珍芳，紅銷玉膚，光映冰盤。江風海雨，寒入牙頰。石巨，或云石榴野人藜藿之腹，坐覺三洗而九滌也。

借風月軒

許衡

公解軒廡，貴者地也。豈隱者可假以居，然巢許雖以泉石自娛，而陶謝不以風月自私也。一枕涼颼，栩栩夢蝶，其必賜以假寐之地。

與朱元思

吳均

自富陽至桐廬一百里許。水皆縹碧，千丈見底。遊魚細石，直視無碍。急湍甚箭，猛浪若奔。夾峯高山，皆生寒樹。負勢競上，互相軒邈，爭高直指，千百成峯。泉以激石，泠泠作響。好鳥相鳴，嚶嚶成韻。經綸昔務，咸窺谷忘返矣。

進諫

阿沙不花

八珍之味，不知御。萬金之身，不知愛。惟麪粢是好，姬嬪是耽。是猶兩斧伐孤樹，未有不顛仆者。

翰苑瑣語

卷六

四十

人對

拜住

槃圓則水圓，孟方則水方。有唐宗納諫之君，則有魏徵敢諫之臣。

與分石書

倪瓚

偶命扁舟入吳，寓村落中。調氣靜坐，得以少紓其中磊磊者。一日從一二林下人登靈巖山，覽觀天池石壁之勝，尋姑胥臺古跡。若司馬子長、蘇長公、悲世憤俗，有不勝其哀。後人百世而不及見古人，則求古跡觀以自解，惜不肖非其人。回望太湖之西，諸山依約。

點數螺若芥舟泛泛杯中者，當是銅官離墨。因並吾寄止。公政着白雲滅沒處，杜門著書降屈其心志。

見柳

倪瓚

往歲客西湖，嘗行柳堤中。見雪花漫天，銀毬滾地，爲之狂吟者屢日。今歸故里，念此欲飛君家翠陰成巷，欲覓數榦插之溪邊，少遏春風遊蕩之情，毋吝。

謝送油酒

馮子振

某生平無貂可解，有瑩在囊。君之賜大矣，然迢迢清夜，欲醉竹葉，則恐負蘭膏。客思所以處之。

與趙子昂評書

鮮于樞

張長史懷素高閑，皆名善草書。長史顛逸，時出法度之外，懷素守法，特多古意。高閑用筆粗，十得六七耳。至山谷乃大壞，不可復理。

與鮮于伯幾

趙孟頫

都下近見有晉人謝稚，一牛圖妙入神，非牛非麟，古不可言。

又

趙孟頫

常州張治中有虞永興世枕卧帖筆意清峭紹興內府故物是爲希代之寶伯幾不可不知也

與師可

趙孟頫

夫尊榮貴顯人所甚欲然鶴之棄軒隼之棄墉定惟取謗患于足下彼挾矢者交領環坐其生之不能保將愛之實害之先生慮不及此耶

與昭文相

虞集

集之西遊獲衣被光華以遂登臨之樂又以其間得申其情事於百歲荒殘之丘隴大槩昭文之賜也還

翰苑瓊瑤卷六

四十三

京之日即圖謁謝而稽帷客客已在鈎陳豹尾間矣

與朱萬初

虞集

溪山高居爐香不可缺退休之人佳品乏絕人爲取老松柏之根枝實葉其禱治之斫風助屨和之每焚一丸亦足助清苦今年大雨時行志潤溽暑特甚萬初致石鼎清晝焚香空齋蕭寒遂爲一日之借良可喜也

答張同野

陳紫黃

春初飲醇挹清嗣是日通誨益盎然坐我春風今人

消得無限鄙吝何幸何幸夏間忽見今叔維揚之命沐愛優渥雖分不當辭而風波遠任豈曰獲已及見騶從先我着鞭遂使一旦鬱衿轉爲抱到儀旬日酬應紛紜邇遷蕭寺少浣塵想緬承教墨不我遐遺益誦再三儼瞻溫範極目隋堤恨未由一縮地耳

古今翰苑瓊瑤卷之六

翰苑瓊瑤卷六

四十三

古今翰苑瓊瑤卷之七目錄

明

馮國用

首附入對

陶安

迎戴陳言

答楊彥常

劉基

字伯溫

論任將

論相

與執政

與士人

韓苑瓊瑤

卷之七目錄

宋濂

字景濂號潛溪

答郡守

答張秀才

喻朝治

方孝孺

字遜大

與蘇先生

與鄭叔度

一首

答俞景文

答劉養浩

答王仲縉

解縉

字大紳

大庖西室論對

白李善長寬

與貝川先生

王禕

字子克

疏君德

桂彥良

對治道

王叔英

貽方孝孺

王紳

字仲縉

貽少宰蹇義

韓苑瓊瑤

卷之七目錄

錢溥

辭安南國贈

李賢

示友人

答吳與弼

于謙

字廷益餘杭人

入對緊急

抗議遷守

練綱

字長洲人

勤王急務

馬中錫

與侍郎李汝弼

張寧 字 漢璽人

與牛都閫

楊守陳 號鏡川鄞縣人

與徐少詹

勉馮汝正

何喬新 號叔丘廣昌人

與翰學彭華

荅陸大參

荅李鴻臚鏊

李東陽 號西涯茶陵人

翰苑瓊瑤 卷七 目錄

五

荅錢與謙

東王守溪

王鏊 號守溪吳縣人

與陸冢宰

陳獻章 號白沙新會人

荅李憲長

與左行人

與羅彝正

羅倫 字彝正號一峯永豐人

復丘正學

上書叔父

程敏正 號篁墩休寧人

荅劉振之

與陳孝廉

東蕭文明同守

儲巖 號柴墟泰州人

與張進之

林俊 號見素閩人

寄張東所

皇甫汈 字百泉吳縣人

與沈僉憲

冷珂

翰苑瓊瑤 卷七 目錄

四

與皇甫百泉

楊一清 號邃菴京口人

東李西涯

王雲鳳

貽楊邃菴

李夢陽 號空同開封人

與吳廷舉

與楊石崇 三首

梁儲

草益地秦王制

何景明 號大復信陽人

與甯兵備 東何塘

陳公甫

與羅彝正

王守仁 號陽明餘姚人

與黃宗賢 與楊士德薛尚謙

許相卿

上王陽明 與郭孟涓

與呂貞夫 與王鶴山

翰苑瓊瑤 入卷七目錄 五

邵寶 號二泉無錫人

東王二水

崔銑

復河南憲司

王九思

荅王德徵

康海 字德涵號對山武功人

荅冠子焯 荅德克弟

唐寅 字子畏號六如吳縣人

荅文徵明 又

錢福 號鶴洲華亭人

與郡侯

鄭善夫

與孫太初 荅倪宗正

陸深 號微山上海人

與楊東濱 又

魏校

荅黃起亨 荅黎世謙

翰苑瓊瑤 入卷七目錄 六

與支孝先

霍韜

與王晉溪

楊慎 字用修號升菴蜀人

與張含 與劉繪

與金鶴卿 與徐用先

與劉嵩陽 荅劉南坦

商大節

荅李中麓

謝少南

荅李中麓

馮惟訥

荅李中麓

許宗魯

與皇甫子循

張岳

與林希元

胡侍

翰苑瓊瑤 卷七目錄

荅吳邦貞

荅劉致卿

王廷陳

荅劉松石

與余懋昭

荅劉儲秀

與趙文源

與衛淇竹

顏木

與柯分巡

高叔嗣

荅袁永之

袁表 字永之長洲人

復劉司空

陸粲 號貞山長洲人

奉錢太常

與王道思

王臬

東太守劉士奇

與勲部江景熙

徐禎卿

與劉子

荅李獻吉

劉麟

翰苑瓊瑤 卷七目錄

謝若翁紗厨

與喬白岳

與吳月山談玄

與吳行可

顧璘 號東橋長洲人

與陳魯南

及友論文

七弟英玉中第

荅孫鳳岡

古今翰苑瓊瑤卷之七目錄

古今翰苑瓊瑤卷之七

蜀都 楊慎選

浙姚 孫鑛評

吳郡 文震孟校

明

首附入對

馮國用

金陵龍蟠虎踞真帝王之都願先拔金陵而定鼎然後命將四出掃除羣寇救生靈于水火勿貪子女玉帛倡仁義以收人心天下不難定也

翰苑瓊瑤 卷七

計馮鄴公與陶姑孰公以道義收人心取天下真嘉謨也

迎戴陳言

陶安

方今四海鼎沸豪傑並爭攻城屠邑互相雄長然其志皆在子女玉帛取快一時非有撥亂救民安天下之心明公率眾渡江神武不殺人心悅服以此應天順人而行弔伐天下不足平也

荅楊彥常

陶安

近袁生來得所惠書宛見顏色于詞林之表慰契闊矣夫以偉才達識如君使居金馬承明可以補益時

用而猶棲遲冷職天固以此養賢使之端其德性性韜飲其英風豐平內不暴乎外積之深厚則其發也光大無窮必將兆于斯也

論任將

劉基

臣蒙厚恩得侍左右每觀廟算初謂未必皆然及至摧鋒破敵動若神明由是知任將在上將之勝不若主之勝也然臣觀陛下常不拘古法而勝此尤所難也

論相

劉基

楊憲有相才無相器夫宰相者持心如水以義理為權衡而已無預焉者也今憲不然能無敗乎

與執政

劉基

僕聞農夫之田也不以羊負輓索賈子之車也不以豕驂服知其不可以集事虞其敗也是故三代之取士也必學而後入官必試之事而任之不問其系族惟其賢不鄙其側陋今風紀之司耳目所寄非常之選也而悉取諸世胄昵近之都那豎為之是愛國家不知農夫之田賈子之車

與士人

劉基

執事以解牛妙技小試割雞不憂不及但虞太過耳夫明而晦用之剛而柔出之此善道也僕嘗傷于虎者故以此告君而歷龍門之險者或可以言舟矣詩云他山之石可以攻玉僕不能自計安能計人哉而獨願忠于足下幸毋曰汝何不自醫而遂吐之也

荅郡守

宋濂

所居之北有一峯峻甚俗以其如馮翊夏陽之山因號曰小龍門其間多閒曠之地思誅茅結草屋幾間以奉老親此足一出眾事皆棄出謂出栖小龍門之草廬

荅張秀才論詩

宋濂

為詩當自名家若體規畫圓準方作矩終為人之臣僕詩乃吟咏性情之真所謂風雅頌者皆出吾之一心特因事感觸而成今之學者頗多貢一作自高濶視前人為無物且揚言曰前代諸作雖佳不必師吾即師師吾心耳故其所作往往猖狂無倫以揚沙走石為豪而不復知有純和冲粹之音可勝嘆哉

前後議論若出兩截前要人自名家後要人師古而不師心要知能不師心乃足名家而善師古者

卒非規規效其方圓也

喻朝治

一本誤刻魏莊渠

宋濂

春意溶洽光益宇宙萬物茁然以萌此天地盛德氣象然其根乃從隆冬沍寒之時藏極于嚴密夫然後薰蒸醞藉盛大流行吾以易名家乾端坤倪參之熟矣夫治猶此也惟靜可以善動

與蘇先生

方孝孺

承念潛溪公之德欲為論次遺事以傳私心喜慰之甚嗚呼天地之大日月之明無資于人而行度徐疾

翰苑瑣瑤

卷七

四

盈虛之數猶必俟人紀之而後定彼以聖賢君子為無待于人之言不亦過乎千載之間士之蒙誣受誑何限然其心迹卒光明于後世者賴有明公端人斷以天下之公是非而不惑于流俗一時之私意大者下誣于史冊小者表阡銘墓以示將來是以士有就死九原而含笑者以有人發于後也

當時剖心瀝膽為宋潛溪言之矣

與鄭叔度

方孝孺

拙益甚家益落有田數廿畝小民棄不為佃萊棘盈

時家人報絕糧輒笑曰古人有三旬九食餅無儲者豈我獨耶且天下之不得其願者皆是也吾縱自憂其如衆人何

。又

方孝孺

古之人未嘗以文學也而豈有意爲之哉譬之登太山之顛極乎目之所至水則江海淮泗山則鳬繹龜蒙國則魯齊滕薛燕晉秦楚皆得之於心故言之不誣問之無不知澤中之夫升尋丈之丘而望焉所見不過東阡北陌雞犬牛羊踪跡輒逞智以談于人終不啻適何者所見高下不同也故有人知道與否而文何以異此

翰苑瑣瑣

卷七

二

荅俞景文

方孝孺

善爲親圖者不在乎得可傳之文在乎可傳之人也今之風俗漓薄視人之文不論工拙先舒紙尾覽官位爵秩故索文者必於穹位隆爵之人不復問其中作何語蓋習使之然也某素賤士其身且不能自傳安能傳乎人耶雖然以位而傳者猶器以丹漆而美也器有待于丹漆之飾飾亡而美亦亡矣若金玉之

器天美也人欲丹漆之且無所施而況他飾乎足下有取於某意者其相求于丹漆之外也歟

荅劉養浩

方孝孺

閒居獨處追惟昔日賢豪之盛儀狀言笑宛在目前徐而思之如風花霜葉存者無幾吾兄于衆人競進之時雖若少抑而卒以此全人之得喪倚伏之際孰非天哉而彼顧置喜戚其間非惑耶

荅王仲縉

方孝孺

僕論文且擬僕於司馬遷夫遷豈易及哉足下特過聽而溺于相愛之淡耳昔有愛珠者得徑寸之珠甚愛之或謂之曰此明月珠也愛珠者聞其言固將以問人月之光寧過于吾之珠乎他人聞者皆笑之而愛珠者仍持其說而不變夫非不知月之明且大也信人之言太篤而愛已之珠太過耳夫稱珠以明月豈謂珠果類于月哉而愛者斬然而擬之則過矣長山之稱我明月之說也足下遂以遷寶之得無類于愛珠者乎

大庖西室論對

解縉

願陛下以天地爲一體以天下爲一人令出必行
不宜于數改刑期無刑也寧失于不經陛下天資甚
高而學問不克善端間發而心學無素祀天宜復掃
地之規尊祖宜備七廟之制蓋謂是時祭天不干壇
而于廟祭先用同堂異
室況乃進人不擇于賢否授職不量乎重輕監生進
士多用州縣孝廉人材驟登華要惟埋負販者一旦
冠蓋赫奕賢者羞與等列庸人習其風流以貪婪苟
免爲得計以廉潔受刑爲飾詞宜簡用委實忠良弗
任意喜怒生殺

翰苑瓊瑤 卷七

七

白李善長冤

解 縉

臣聞君親無將春秋誅意臣子事嫌不軌固天下之
所共誅然于事嫌不軌之中辨析幾微之際此禍機
之所不測骨肉之所難言者惟明主能察焉切見太
師善長與陛下同一心出萬死以定天下爲勲臣第
一爵國公男尚主天下之富貴無以復加矣若謂其
自圖不軌尚未可知而今謂其欲佐惟庸揆之事理
此大不然人情之愛其子必甚于兄弟之子安享萬
全之富貴者肯僥倖萬一之富貴哉善長于惟庸姪

之親于陛下則子之親豈肯舍子從姪哉假使佐惟
庸成事亦不過勲臣第一而已豈有加于今日之富
貴者乎凡爲此者必有漢仇急變大不得已而或挾
以脫禍圖全未有平居晏然都無形迹而忽起此謀
者也若謂天象告變大臣當災則殺人以應天象夫
豈上天之所欲哉天下孰不曰功至善長竟何如哉
臣恐四方之解體也

與貝川先生

解 縉

母喪在殯未遑安措家君耄齡倚門望思而冀一瞻

翰苑瓊瑤 卷七

八

山陵隕淚九土進不能盡忠于國退不能盡孝于家
不忠不孝孤生平學問之心抱萬古不窮之痛實爲
有道之羞是以數鳴哀感冀皇天后土之鑒臨得還
京師復見天顏少陳情悃或遂南歸父子相見即走
也更生之日

意必欲以移孝爲忠未免爲
忠者當遂遂多齟齬情哉

疏君德

時出判漳州

王 禕

君德之要曰忠厚以存心寬大以爲政夫上天以生
物爲心故春夏以長養之秋冬以收藏之皆所以生

物也。其間雷霆霜雪，時而搏擊肅殺，皆暫而不常，向使雷霆霜雪無時不有，則上天生物之心息矣。臣願陛下之法天道也。夫民待君以生，撫之以方，取之有節，則民生遂而得其所。今浙閩諸路既平，臣願陛下之順人心也。法天道順人心，則存於心者自然忠厚，施於政者自然廣大。祈天永命之道，未有越此者。

時政尚嚴切，律以寬諷之，似亦良臣。

對治道

時為太子正字，分教文華殿肄業舉人。

桂彥良

治道在正心。心一不正，則好惡頗好惡，則賞罰差。

翰苑瑣瑤 卷七

九

賞罰差，則太平未有期也。是以君人者，必忿欲是務去，用德則逸，用法則勞。法以靖民，民勞而弗靖，德以靖民，則民靖于德矣。

忿便惡頗而罰差，欲便好頗而賞差，去得忿欲，心便正。○帝稱之曰：江南上儒，惟卿一人。彥良對曰：臣不敢當，宋濂劉基耳。帝曰：濂文人，基峻隘，不如卿也。其受知有如此。

○貽方孝孺

方時召入翰林，王時為漢陽令，後以薦擢修撰。

王叔英

凡人有天下之才，固難能自用其才，尤難如子房之於高祖，能用其才者也。賈誼之于文帝，未能自用其才者也。子房之于高祖，察其可行而後言，言之未嘗

不中，故高祖得以用之。賈誼之于文帝，不察其未能而易言之，且又言之太過，故文帝不能獲用其言。方今明良相逢，千載一時，但天下之事固行于古，亦可行於今者，夏時周冕之類也。亦有行于古而難行于今者，井田封建之類也。可行者行之，則人之從之也易；難行者行之，則人之從之也難。從之易，則民樂其利；從之難，則民受其患。此君子之用世所貴得時措之宜也。

貽少宰襄義

王紳

翰苑瑣瑤 卷七

十

執事方負天下重望，而治亂安危固係于進退取舍之是非也。而所任非其所長，所職非其所事，位高于器，則有履餗之患；才過於職，則有積薪之譏。非其才而強委之，至于僨事，則是執事雖欲為尋常無聞之人，不可得。況敢觀其逸樂優游，與時俗上下乎。

辭安南國贈

錢溥

辱祖送千里之遠，此固敬事朝廷以及行人之禮情已渥矣。乃金帛載加，潤我行李，則王所以愛之者適所以涼之也。又焉用是。夫禮無加貨，事無二成。古之

使者常謹于此用是返壁幸毋見誅

示友人

李賢

賢自少不喜釋老人有奉者即斥其非以為名公鉅儒決不如此後在驗封詣王家宰見正寢東一室嚴整疑必家廟問之則曰佛堂也不覺駭嘆又以為文章名世者必不爾既而見石首楊先生庭懸奉一幅視之乃觀音像也不覺失笑嗚呼人其人火其書將誰望耶

答吳與弼

李賢

翰苑瑣瑣 卷七

十一

朝廷致敬盡禮待先生非輕初無不承權輿之意今必欲如傳說爰立作相亦難不若日就宮僚若果有建明大任以漸而至不然所辭不允亦合權就以答朝廷至意

入對緊急

于謙

虜賊不道氣滿志得將有長驅深入之勢不可不預為計通者各營精銳盡沒隨征軍資器械十不存一宜急遣官分投召募軍餘義勇且起民夫替回漕運官軍采辦神機等營操練聽用權為兵仍令工部齊

集物件內外局廠晝夜併工造成攻戰器具核計

京師九門宜用都督孫鏜衛穎等統領兵士出城守

護列營操備以振軍威仍選科道官如王竑輩巡視

勿致疎虞為計徙郭外居民于城內隨地安插毋為

虜所掠其通州壩上倉糧不可捐棄以資寇宜今在

官在伍人員悉往關支准作月糧之數實為兩得

抗議遷守

于謙

京師天下根本宗廟社稷陵寢百官萬姓帑藏倉儲咸在若一動則大勢盡去宋南渡之事可鑑矣據臣

翰苑瑣瑣 卷七

十二

而論一步不得離此

勤王急務

練綱

虜勢猖獗非直要求金帛而已未必不欲效金人以

汴宋待我也我朝國富彊固非宋比然求其人

如李綱种師道亦未多見乞遴選武臣授以方畧俟

其深入隨奮擊之及救邊將勒兵內向邀其歸路說

有倡為和議緩下武備且請南遷以圖偷安者即為

奸臣宜即加誅以為眾戒

與侍郎李汝弼

馬中錫

謝病以來、日理舊業、置得薄田兩頃、構得茅屋數間、前後雜樹數百株、別號東田、以此入首夏、賚酒時往、擇繁陰、席地以坐、與二三衣冠文字侶、商晴較雨、更呼餘瀝、盡懽乃罷、日夕巾車而歸、矮床兒枕、駒駒美睡、日將三丈、始起科頭、未及理髮、而酒伴已及門矣、

與牛都閣

張寧

此後湖山風月、當盡入尊俎、閣下遂爲東南一偉人也、少間當操一豚蹄、壺酒爲歲寒軒賀其始有主人也、

翰苑瓊琚 卷七

十三

與徐少詹

楊守陳

平日才無半斗、而喜作文、飲僅可數合、而喜與賓客燕酣、行不能里計、而喜游涉、今皆不復爾、入朝班滿、朝皆少年新貴人、獨有一白髮青衫、廁其後、雖未謀引去、宦況已索然矣、

勉馮汝正

楊守陳

切堂杯水、僅浮一芥、而江海容萬斛之舟、一燈熒熒、渝時息焰、而日月光於萬古、故當大任、振遐聲者、非大德不能也、六經四書、宜熟溫之以端其本、諸子羣

史百集等、宜博覽以啗其枝、序記碑銘傳贊、宜識其體裁、皆與德學有相資者、亦不必如昔人十年賦兩都、旬煅月鍊、而工無益之詞、誤有用之學也、

與學士彭華

何喬新

善觀國者、不觀國勢之強弱、而觀用人之賢否、今用人賢歟、否歟、愚不能知、但見升一官、進一秩、士論輒譁然曰、某以親舊當道、某以通書政府、某以納賄權門、始聞之、謂人言不可信、徐營之、巧宦者悉皆超擢、日守者往往淪棄、亦不能不信也、平居之時、旣徇利

翰苑瓊琚 卷七

十四

進身多難之秋、肯捐身報國乎、故廟堂之上、必當崇獎恬退、抑遠奔競、以振名教于風頽俗靡之際、夫知人固未易、大抵剛介寡合者、必君子也、柔媚易親者、必小人也、於此察之、十得八九矣、果君子歟、拔而用之、不必親也、不必故也、不必識其面也、果小人歟、斥而退之、親不可私也、仇不可避也、羣言交屬、不可徇也、以此處之、庶幾有招之不來、麾之不去、社稷之臣出焉、此時政之大者、閣下官爲學士、職號論思、經筵進講之餘、凡時政之孰得失、人才之孰賢否、宜從容

陳之使天下陰受其賜可也

荅陸大參

何喬新

吳中以文章名家者無慮數十欽謨尤爲杰然閣下不求諸彼而求諸此無乃昔人所謂近舍皇甫湜遠取白居易耶抑所謂厭珍羞而嗜菖蒲菹耶不敢奉命時命作新建縣學記年來多病乞身南歸他日追尋益公訪石湖故事謁公於錦谿別墅觴于茲堂酒酣意適當托諸楚聲爲閣下賦之尚未晚也

荅李鴻臚鏊

何喬新

翰苑瓊瑤 卷七

十五

歸田以來憂患不干于心毀謗不入于耳視陸敬輿在忠州疑過之矣方少壯時猶不如人况老且疾豈可再起以取後生描畫哉倘相知有問煩語之曰老病不堪世用矣冠萊公王三原何如人哉

未引二公咏嘆有言外之思蓋二公皆受人吹噓不憚再起而取後生描畫者故以自見不欲仍蹈其轍也

荅錢與謙

李東陽

屢得書并寄詩文知詣益溪博但詞旨曼衍勢難精擇且中間時作贅牙語則又失之險怪視數年前撰

述明白頓挫動中機會者却似不同夫珠雖善走要不可使躍出盤外水雖就下若止于非所當止則溢爲橫流與謙之明非不及此也無乃以易心發之如柳柳州所戒者乎

東王守溪

李東陽

自接迹臺閣三四年來飲醇挹清賴以不墮汚濁多矣撓亂之懷近益加其亟欲乞身辭退而橫罹羈累緬思班駘既仙昔萊瑤情之行爲登仙美其入官京職也此引用則美其歸對山林也東南洞天復隔人世羨慕之極不能爲情憂勞并集

翰苑瓊瑤 卷七

十六

久疎候問亦坐初心日負無以相白耳比聞尊候未調旋已勿藥不勝欣慰餘非筆舌所既諒之而已

與陸冢宰

王鏊

得邸報知已正位冢宰甚盛甚盛銓曹自昔所重居其位者可無幹旋之術乎折奔兢黜貪殘崇名節獎恬退久任使此其術也勿謂時誰爲此而不爲將誰爲矣

荅李憲長

陳獻章

破數百金先生不惜與人顧受之者汗顏耳病夫平

生山水稍癖待明年服闋後采藥羅浮訪醫南嶽上
下黃龍洞嘯歌祝融峯少償夙願然後歸拜先生之
賜未晚也

與左行人

陳獻章

秋且盡矣拉何山人駕扁舟出扶胥口東望羅浮鐵
橋之勝遂登飛雲訪朱明洞天此其時乎近藁十數
錄別紙早晚東遊則此紙或可隨行有至飛雲頂且
令從者歌之爲我通一語於山靈也

與羅葵正

陳獻章

翰苑瑣瑤 卷七

十七

君子未嘗不欲人人於善苟有求于我者吾以告之
可也強而語之必不能入則棄吾言于無用又安取
之且衆人之情既不受人之言不必別生支節以相
矛盾吾猶不舍而責之益淡此取怨之道也不可不
戒

前在教法當相可而施以
規非止非爲學者言也

復丘正學

羅倫

昔淵明之出爲餓所驅爲倫之驅者獨餓已乎此長
者所知也已而速返初服抱病幽谷及此星周八矣

進無益于國退無益于已惟思選名山揆勝地漱流
枕石卧雲餐霞以終此餘年他無所願也昔北走燕
南走閩周遊萬里隻眼已具未有若吾邦山木之奇
而東南巖壑最勝自古未有發其幽光者其無待於
今日乎去年一出正欲了此而親故未諒烹豚烹羔
醉飽連日清虛方來塵埃隨塞轅已南而復北席未
煖而卽行敢故違長者之命乎爲是故也

葵正先生之雅
尚具見於此

上書叔父

羅倫

翰苑瑣瑤 卷七

十八

爲人祖宗父兄者惟願有好子弟所謂好子弟者非
好田宅好衣服好官爵一時誇耀鄉里也謂有好名
與日月爭光足以安國家風四夷奠蒼生垂後世
若只求飽煖習勢利則所謂惡子弟也在家足以辱
祖宗殃子孫害身家出而仕也足以汙朝廷禍天下
負後世此豈祖宗父兄之所願哉吾叔父聽之于姪
戒之共從心成我做天地間一个完人蓋未有治國
不用齊家者何謂齊家不爭田地不占山林不尚鬪
爭不肆強梁不欺鄉里不擾官府不尚奢侈弟讓其

兄姪讓其叔婦敬其夫奴恭其主只要得一忍字一讓字便齊得家也若使我以區區官勢來齊家不以禮義相告便成下等人耳

粗粗說出便是齊家治國一段大議論

荅劉振之

程敏政

鄉人自吳中回得手書佳作披讀之際如見故人接談笑是日併得石田詩及書畫石田別號山房寂寥忽爾增重入夜秋聲滿竹樹間疑助予之喜躍吟諷何其快哉聞欲至山鄉挹紫陽名山之秀對練溪之清尋

翰苑瑣瑤

卷七

十九

豎焦漁以發豪思夫敝鄉所產不過斑筍紫菱石雞沙鱸之流不能吳品角萬一恐無以供大嚼爲愧耳吟履果來當拿小舟下桐江泊釣臺以俟

典致躍然有濠濮間想

與陳孝廉

程敏政

不佞不能作賦三都顧日從事邑乘而彌縫其缺其之陋也向奉書記室兩月於茲矣足下當世之玄晏哉皇甫士安序左思三都賦者其與進之而今有所傳惟命其棄之而今無所傳亦惟命若惠顧前好微福于陳使君

不泯其書使懸諸國門藏之公府足下之惠也謀之願也非所敢望也

東蕭文明同守

程敏政

僕大病經年近方獲愈氣血衰耗鬚髮日益白奉親課耕之餘無足道者惟停雲之思陶詩停雲思親友也不能忘顧衡微相去幾何而音問疎濶若此不能不令人悵惘也白紙十二幅公暇求一揮之昔人有讀檄而愈頭風觀輞川圖而愈瘡者區區坐是不能不有望于左右會晤末期聊發一采

翰苑瑣瑤

卷七

二十

與張進之

儲 罐

雨中檢敗篋得舊稿數篇奉覽甚愧流目鼎珍禁臠飽飫之餘亦須一嘗葵莧之盤知世間別有此味耳

寄張東所

林 俊

柴桑諸往方幸接農談侶漁話與風烟援鳥爲徒而宿疾載嬰隱憂時作嗣以先君子之喪天禍不相待如此哉

與沈僉憲

皇甫汈

兄以雄才雅望秉憲西陲輯綏遠人當有解辦削衽

蒙化者焉若夫蒼梧形勝巡遊展眺勾漏丹砂采鍊服食斯亦足以發藻績而固金石矣豈必近地乃爲快哉

與皇甫百泉

冷珂

承佳製常坐匡床擁羊裘讀之以祛凝寒若種豆燕泥千載膾炙于楊薛二君何病焉僕且重味之

東李西涯

楊一清

承諭書中少寒溫語伏念萬里一身心事翾縷所欲號于知己者何限顧君命至重義存國體惟奉職不

翰苑瓊瑤

卷七

二十二

效是思誠不敢及其私昔人謂王陽在位貢禹彈冠僕不望又有推轂但以故人在機軸地不於此強自樹立將不負于明時良朋耶

貽楊遂菴

王雲鳳

近留王昂一疏人所傳誦不聞唐介初貶時文潞公有此否然介貶數月卽復殿中侍御今昂卽不獲還之青瑣推薦超升亦在執事筆端耳每恨李文達近稱賢相然惡羅倫淪落以死憾岳正坎圻終身而極貪之陸布政反得峻擢今文達之富貴安在哉一時

之快意可畧也前輩影樣之多後人是非之公可畏也且用舍之間士風所係伏特正人則善類慶而士風以振獎進邪人則善類沮而士風以頹竊恐有奔趨齟齬之人相見之際非稱功頌德之詞則乞憐希進之語未有以直諒之言達于聰聽以古人功業望執事者故敢布其愚焉有補王路
明目張翥
有補王路
蘇音添談吐監切
蘇音添談吐監切

與吳廷舉

李夢陽

僕與公並生明盛之世共有海內之名而往昔邂逅

翰苑瓊瑤

卷七

二十二

湖東奇情未諒各負氣不下致生異同此亦古今豪杰之常然於心無他也患難相值風萍偶聚頭攢耳摩卧起相聞酒食延呼數月之間兩衿遽豁轉爲綢繆前何以戾今何以歡隱衷忤懷彼此獨知矣

與楊石淙

李夢陽

壯歲性狂膽粗高視獨行四方是負義之所拂投冠便往以爲軒冕之耀不若丘貉爲安于是擬江左再圖襄漢心勇迹阻竟還舊栖才弱力寡自鄙自嗤去年室人喪子子憇孫孺家事埤躬顛毛漸種種矣

夙志謂何、臨鏡竊嘆、邇卜域釣州大陽山地、其泉石幽曠、想于茲爲老矣。

又

李夢陽

歸田錄四帙、奉教勘定了畢、敢先馳以獻者、竊念某身處堂下、眼在管中、乃敢橫肆譏評、點竄名作、謬擇明珠、瑕指完璧、誠爲萬罪、夫栗然之色、不以指而損美者、以其璧真也、淵然之光、不以擇而亡圓者、以其珠神也、我公神珠真璧、幸無怒于妄人、轅門萬里、無由質疑、以聆緒旨、面瞻太華吳嶽之峻、不勝仰戀之至。

翰苑瓊琚

卷七

二十三

又

李夢陽

識者謂公喜通才、獎辨給、拔門士、優故吏、其顯名高位者、程事簿書之夫多、而雅尚鎮俗之徒寡、快爽進取之流揚、而先憂識微之士抑、委曲活變之風行、而守死執義之心灰、至今言官、猶以此病心、而不知道以正行、事由通濟、聖人通天下之情、達天下之變、而後能成天下之務、夫日有中昃、時有季孟、愚竊觀天下之才、正德不如弘治、弘治不如成化、豈否泰消長

生材有高下耶、抑有之而未用耶、聊用之而未盡耶、

草益地秦王制

梁儲

昔高皇帝著令、此土不畀藩封、非吝也、念此土廣且饒、藩封得之、將多蓄士馬、恃富而驕、奸人誘爲不軌、不利宗社、今王請求懇篤、朕念親親、界地于王、王得地、宜益謹侯度、毋收聚奸人、毋多養士馬、毋聽狂人誘爲不軌、震及邊方、危我社稷、是時雖欲保全親親、不可得已、王其脊之、毋忽。

與寧兵備

何景明

翰苑瓊琚

卷七

二十四

大抵今之人、率不察于利害之實、而必遂其意見之私、畧其所似、而惟攻其所不同、故泛議者騰無情之謗、而中禍者下有隙之毒、天下之事、奚所救而欲勿壞也。

東何塘

何景明

海內朋友、屬目幾何、三四君子、悉已謝時、仲木、耕于高陵、獻吉、夢羈處于大梁、德涵、康久廢於岐下、子衡、王廷、伏竄於海濱、有憂國傷人之思、而寧無云、亡殄瘁之嘆乎、先生乃復欲憤世自遂於情得矣、恐

不免偏心之譏而或謬於進退之道也

與羅彝正

陳公甫

學者先須理會氣象變急爲緩變激烈爲和平非但氣象好而已亦遠禍之道也

與黃宗賢

王守仁

到家即欲與曰仁成鴈蕩之約親友牽絆弗能自由五月終決意往值烈暑阻者益衆復不果時與曰成稍尋傍近諸小山其東南林徑最勝絕處相期候宗賢一至即往又月餘乃從上虞入四明觀白水尋龍

翰苑瓊瑤

入卷之

二十五

三

溪之原登杖錫至於雪竇上千丈巖以望天姥華頂若可睹焉欲遂從奉化取道至赤城適彼中多旱山田盡龜裂道傍人家彷徨望雨意慘然不樂遂自寧波買舟還往返半月餘相從諸友亦微有所得其最歎然宗賢不同茲行耳

與楊仕德薛尚謙

王守仁

即日已抵龍南明日入巢四路兵皆已如期並進賊有必破之勢憶向在橫水嘗寄書仕德云破山中賊易破心中賊難區區翦除鼠竊何足爲易諸賢勉之

上王陽明

許相卿

卿罪戾餘生遠遠矩正懜禮負教慚思何言伏惟道化德猷坐殿南服炎荒絕徼久外天日之夷一旦手挈之聖治輿圖中觀平復田州一疏遠猷淡識夫豈近世功名之士所敢覲見其藩墻卿跼伏聖堵亦爲吾道增氣

與郭孟涓

許相卿

觸暑臨存已拜勤注沃以清談經歲黃埃倥偬中人灑然俱爽孤帆西引神飄飄與畫鷁偕逝矣

翰苑瓊瑤

入卷七

二十六

三

與呂貞夫

許相卿

禮摯病廢久不裁報教牘惟古之有道君子不得於時而食於術如君平子真之流咸高尚絕世晦迹一廬而風動百代及今猶可想見卿慕之甚劇安得起之九原與之下上其論也今時庶幾身見之吾子何如

與王鶴山

許相卿

知己曠隔常自惻惻不但作惡而已妙語遠來恍見高懷懇至蘭絨精緝曷稱衣被卿年逝力屈平生嗜

好。不。却。自。遠。知。已。尚。欲。鐘。鼓。爰。居。邪。山。中。殊。少。雨。雪。
芒。屨。短。策。時。與。村。農。谷。樵。倒。一。尊。於。夕。陽。籬。落。間。布。
褐。甚。溫。菜。菽。甚。甘。野。語。甚。洽。兄。輅。車。乘。便。一。過。星。涯。
農。談。半。日。恐。亦。不。忍。別。餘。也。

東王二水

邵寶

峽口泉聲枝頭鳥語潺潺晰晰若銀管與冰絃並奏
弟攜一壺于花下邀足下來共聽之醉則唱金縷一
曲爲和也何如

復河南憲司

崔銑

翰苑瓊琚 卷七

二十七

僕家于相七十餘載先人所遺屋不華可以容膝田
不饒可以糊口僕又早失偶一婢給灑掃一子能自
力食一孫甫成童自費一飯一蔬一褐一葛所玩止
易論語亭下修竹十個又愛古人好生非祭不宰雞
鴨此外皆長物也自知福薄分足敢固以辭望鈞恩
勿再布以動漁者之妄幸願諸公擴此心更加惠于
疲民寒士則愚老式同大慶

荅王德徵

王九思

九思者當世之狂人也翰林不容出爲吏部吏部復

罪左遷壽州壽州不可罷歸田里當世之士自負豪
傑者耳其姓名罔不怒罵而執事之書曰吾何愧此
可發英雄一笑也

荅冠子焯

康海

放逐後流連聲伎不復拘檢垂二十年人苦不自知
僕既自知之而又自忘之此則淡惑爾矣有醜婦被
出者借鄰女之飾更往謂夫曰曩以不修子故棄妾
今修矣子何辭焉其夫拒趨而出其姊尤之曰一出
已羞更復何求其言雖鄙可以理喻惟萬萬念之

翰苑瓊琚 卷七

二十八

荅德克弟

康海

晚且寢矣覽爾所上書淡有意致卽爾不知吾意在
所然其言自多愛敬欣然終日且知弟由是以往能
改過亮德也益大喜飲酒數杯至大醉卧恐爾不知
吾樂故以此告爾

荅文徵明

唐寅

昔僕穿垣擊革纏雞握雉參雜興臺屠販之中便投
拜足下比來癡叔未死晉武謂王濟卿狂奴故若武
對侯霸言子遂致足下投標甚愧甚愧然山鵲暮喧
陵狂如故態

林鴉夜眠。胡鷹聳翮于西風。越鳥附巢于南枝。性靈既異。趨從乃殊。故陳張以俠正而從斷金之好。陳餘張耳或曰陳溫荆以偏淳而惕伐木之義。溫嶠與陶淵公與王蓋古人忘已齊物等衆辨於穀音。出門同人。戒伏戎之在莽也。寅束髮從事二十年矣。不能翦飾。用觸尊怒。然牛順羊逆。願勿相異也。

又

唐寅

聞之累呼。可以當泣。痛言可以譬哀。故姜氏嘆于室。而堅城爲之隳堞。荆軻議于朝。而壯士爲之徵劍。良翰苑瓊瑤。卷七二十九。以情之所感。木石動容。而事之所激。生有不願也。僕無似。乃足下忘其罪累。猶以英雄期僕。是馬遷之志不達于任侯。少卿之心。不信於蘇季也。

與郡侯

錢福

日來山莊課魚。得時物。敢效懶祭報本之教。先獻後嘗。禮也。考本草。鰻能澤膚殺蟲。蟹能疎滯清膈。且於仁人君子。惠下驅姦。決壅理弊之德。有類焉。擇而獻之。

與孫太初

鄭善夫

行藏事。悉有三不可。姑且逐風塵以去。未敢論也。先見不真。後慮不遠。不能學箕山。賴水奈何。

荅倪宗正

鄭善夫

善夫自抵家。削迹荒村。與野老無別。近哭先皇帝。一進城耳。又家食。朝饘暮粥。飲水甚甘也。天下將太平。吾輩耕巖釣海。何適不樂。秋末天台諸友欲往。少谷遂爲羅浮之行。

與楊東濱

陸深

晚有佳月。別具畫船。載鼓吹同泛。昨至湖石數株。西翰苑瓊瑤。卷七三十一。堂漆却一倍磊塊。新涼能過我。信宿留乎。兼製隱居冠服。待旦夕間命下。便作山中無事老人矣。

又

陸深

僕夜歸宿山中。晨起觀初日散影。遙田滿地皆白雲。以輿輿經過。瀾漫霖沐。俯見城郭。此身真在天上。須臾扁舟亂流。還坐南榮。映日從兒子寫漢書一兩段。方啜新稻飯一盂。此樂恨不與東濱共之。

從實試寫出自覺津津有味

荅黃起亨

魏校

久不挹碧梧翠竹之姿。時入懷抱。鑑湖風月。無恙否。
雲霞出海。其樂何如。校多病杜門。聊以拙自修。時出
觀化。俯仰宇宙。氣。氣。然會心。物我俱忘。觀來
書。似猶以舊事芥蒂。願開拓萬古心胸。虛名在。人間
世。譬猶閒雲在天。浮漚在海。聚散起滅。何常之有。語
曰。達人大觀。無物不可。狂言何如。

答黎世謙

魏校

別後。聞兄備嘗險阻。人不能堪。固天所以玉汝也。松
柏不歷冰霜。幾與凡卉無異。大丈夫歲寒之節。正須
翰苑瓊琚。卷七
受得摧挫。挺拔山羣。纔有根器。可致遠大。

與支孝先

魏校

昔聞論及華人農情。而不知耕。山有葛。而女不知織。
養蠶矣。而不知治繭。水中有漁。而無漁師。吾因贊曰。
若興此數利。此廟食百世功也。願爲蒼生汲汲。

與王晉溪

霍韜

全陝沃野。周以王秦。以伯漢唐。四三伯年基業也。外
嚴武備。內勸農桑。尋秦漢富饒。故迹而修焉。漸復西
周之舊。惟先生茲行是賴。

與張含

楊慎

年來萬慮灰冷。惟文字結習未忘。頗以此自累。招罪
用是。勇念書壁云。老境病魔難親。筆硯神前發願。不
作詩文。自今以始。朝粥一盞。夕燈一盞。作在家僧行
徑。惟持麗公空諸所有四字。

與劉繪

楊慎

策髮以還。頗厭進取。幸茲荒戍。瑟居得以息黔補朋。
自惟千鈞之弩。一發不鵠。則可永發矣。故無寧放昔
人放於酒。放於賞物。日文有仗境生情。詩或托物起
興。如崔延伯每臨陣。則召田僧超爲壯士歌。宋子京
修史。使麗登燕榭。燭吳元中起草。今遠山磨險。康是
或一道也。豈能執鞭古人。聊以耗壯心。遣餘年。所
謂老顛欲裂風景者。良亦有之。不知我者。不可聞此
言。知我者。不可不聞此言。

與金鶴卿

楊慎

擔石同栗里。而室無阿舒之愉。遲暮如子雲。而門無
好事之問。僻遠視瓊儋。而館無白鶴之假。寂莫均柳
永。而遊無黃溪之適。時復靜言。追惟疇曩。承清塵於

俊造。則華景於英流。桑梓芝蘭之契。宴笑過從之雅。酒賦琴歌之歡。炳焉服膺。宛猶昨暮。忽爾影響。曠若隔世。

與徐用先

楊慎

途之畏者莫如宦。任之重者莫如身。事之難者莫如患。處之善者莫如道。子乎子乎。以畏者去。則輕以重者幸。則全以難者行。則素以善者求。則得復奚喟焉。復奚愧焉。走昔承下風於子矣。今復爲子誦之。

與劉嵩陽

楊慎

走重欽下風。憬瞻高躅。翳有由矣。自昔文人類畧細謹。仰高明則濯纓清泠。牽絲壁立。不依禾絹。不謁黃鵬。不近冰峯。此固走沃聞鑠膺者也。

荅劉南坦

楊慎

奉別以來。星紀卅易。閨餘八更。迷瞻官牆。渺在雲漢。何嘗不望南颺。而引領向東。晷而搖心。顧空谷隔于便郵。嗣音阻於馳問也。走桑梓未反。蒲柳先衰。已求田瀕。問舍昆池。烟霞爲朝夕之賓。林泉作栖羈之主。虛布無實之名。多取造物之忌。執事獨判迹求心。

實愛忘其醜矣。

荅李中麓

商大節

所惠新聲。展玩至再。有以見不得已之情。發諸善。古謂長歌當哭。陽春白雪。不足爲調矣。

荅李中麓

謝少南

辱新詞。快歌朗咏。灑然如出埃壘。遊廣庭。又戚然悲歎。世網吁噓。樊籠也。

荅李中麓

馮惟訥

名作高才。逸羣絕調。邁古詞隱義真。有風人之旨。諒固談虎之夫。朗吟數章。不覺激烈。放情齊物。我忘寵辱矣。

與皇甫子循

與皇甫子循

許宗魯

不才歸田以來。放達自居。比跡阮謝。惟求晦廢。奚恤指誚。竊意樛櫟苟全。冀以長年耳。何知郊畿小警。遂厯簡書。騏驎之選。旁及豕鹿。奔赴皇皇。復蒙譴罰。竟膺一秩。奉衛陵園。揆之初心。大不類矣。勉事冠裳。整頓舊態。老嫗再譙。新婦是師。良可醜也。

與林希元

時希元欲征安南

張岳

奏已行。追之無及。亦不必追。欽州非用武之地。尊相無封侯之骨。恐有後悔。

荅吳邦貞

胡侍

平涼氣勢高。寒山川雄美。崆峒朝那名超圖。識黃秦。雖邈往蹟猶存。暇日登臨足增幽志。

荅劉致卿

胡侍

僕號紱歲久。分同死灰。新貴之人多非舊識。遽條戚施之態。心復惡之。是以一值未同。輒意緒落落。不能巧發寒溫語。直拙之性。卒難移奪。故能閉戶忍貧。眇

翰苑瓊琚

卷七

三十五

三

詣炎路。間有枉訪。亦不逢迎。匪敢自詭高尚。以附掃軌鑿坏之賢。直不受俗眼相白耳。足下於僕既闕盍簪之歡。又隔雲泥之跡。而神交千里。辭竭兩端。曠覽超然。驪黃是畧。破觚越俗。沒世憐才。篤逾久要。情存莫逆。在古賢已艱。有胡今人能然乎。無以勉副大雅。仰酬高誼。致足愧也。

荅劉松石

王廷陳

邇年川靈失職。河流逸軌。公私病焉。執事者遵神禹之故智。寬瓠子之深憂。然又不俟八年之久。不資馬

璧之沉。而大功告成。萬世永賴。大抵不與河爭固。所謂行所無事者也。執事入而當國。一如治水。則紛更之患息矣。臨書感切。

與余懋昭

王廷陳

漢林居無營。自惟丈夫樹立已矣。惟是引曲自適。上不慕古。下不肖俗。為疎為懶。為拙為愚。高竹林之賢。而醜其放懷。三閭之忠。而過其沉智。鴟夷之逝。而汗其富。每景物會意。輒命酒自歌。酒不盡。量歌不盡。調倦則偃卧。卧不為夢。厭苦俗途。寧獨無與復究心。老

翰苑瓊琚

卷七

三十六

三

荅劉儲秀

王廷陳

首冬旌節暫駐江干。僕以卧病。無緣蒲伏候謁。乃冀返棹。必得扳留。野人理釣。臨江磨刀。向鮮飭肉。治具玉趨在瞻。松桂含色。而執事又以間道直趨會城。雲雨虛無。延佇徒切。使我林壑無光。嚳嚳見嗤。世路莽蕩。再覲何日。

與趙文源

王廷陳

台道中山色最奇晴靄沒螺髻嵐翠橫蛾眉幅幅皆摩詰輞川圖惜不令二弟載筆爲副車令足下鼓掌狂叫稱人世一大快也

與衛淇竹

王廷陳

別後度縉雲嶺冰封石徑輿馬不前入永康道則寒凜不減朔北回視貴治和氣襲人宛然另一人間世矣門下何不普陽春於四海乃令東甌獨私其造化

與柯分巡

顏木

諭纂輿志誤欲召充筆研之役連朝貽愕神覓如失

翰苑瓊琚 卷七

三十七

三〇四

十數年來躬親穡事書史文學塵積珠網重以體貌山野禮數迂疎少加約束則心煩性悞輒至流汗譬之林藪放逸之物一旦羈絆籠絡之將有性命之憂非但不食不飲而已

荅袁永之

高叔嗣

金門多暇持戟自適勉事聖君流聲當世使僕得高枕丘中逃名世外耕稼以輸王稅采樵以奉親顏于時新穀既升田家大洽肥粃烹以享神枯魚燔而召友簞笠在戶桔槔空懸濁醪相命擊缶長歌茲亦

鄙人之自快而故人之所與也

復劉司空

袁 袁

慧公過峴山樓居得夏秋書問僕罪禍之人分當縱放山水間近者臨安天目富春嚴灘遠則天姥赤城一一遊之陶朱五湖子長萬里豈獨昔人耶長興去此半日路耳屢欲飛棹一洗胸中悵鬱恐公復趨溧陽又不果九日有客期登碧巖聞此地有瀑水數十丈大可觀公嘗遊否

奉錢太常

陸 榮

翰苑瓊琚 卷七

三十八

三〇五

江西事辭染獻吉朝廷何以處之昔人論孔北海謂當時復有魯國一男子慨然爭之庶幾不死今日亦有若人焉否乎

與王道思

陸 榮

不共談對十餘年矣兄高蹈海濱韜養冲邁文章行業當世所尊仰榮性資猥下方少壯時其志所欲爲者無窮而羸懶玩愒弗自彊勉今顛毛種種百無一成雖耽悅文史未渝故習然精力已大耗減每展卷有得亦復欣然會意不數日旋即遺忘或澡弄鉛槧

有所述作他時更取讀之乃如啖水酪了無適口之味田光有言驥之老也驚馬先之固知古人情盛年之難再圖美業之早成良有以也

東太府劉士奇

王 臬

今歲境內秋成僅及六分而百姓知有賢使君在上賴以不思以是知仁政樂于豐年也千騎榮還願及冰之未泮幸勿使竹馬郊迎者有來暮之嘆

與勳部江景熙

王 臬

年過強仕素乏通才隋世就功名自嗟已晚因時爲翰苑瓊瑤 六卷七 三十九
俛仰誰復爲容顧區區南部之求實切切北堂之養所願裁其進退權其重輕倘不遐遺效老馬收功于末路謂當永畢且越禽自放于溪林

與劉子

徐禎卿

少時不解人好憎往往學吟咏擬古賦謬爲先輩所推獎而忤于時流排于俗吏羝羊逆性卒不能與時低回方欲飽核聖經周覽子傳以坐償夙心未易一二道者

荅李獻吉

徐禎卿

聞子西歸藜藿不惡其口家人不見其色既退處原野抱杖行歌沐耳清渠之濱晞髮茂陰之下而枕以六經漱以羣籍撫景則悠然賦詩臨流則引觴獨酌斯可以言達矣揆之此懷何必上同三閭下減殷中軍耶河清難俟人壽幾何願子勗之

謝箬翁紗厨

劉 麟

金帛積而不散爲造物所忌昨見紗厨高爽洞達非金非帛而意興逼人靜可憩息動可徜徉春宜遲日夏宜涼風秋宜朗月冬宜熾爐溪山相映卉木交輝倚檻微吟對景小酌雖居天壤遠翳絕塵紗厨主人誠爲勝遇

紗厨佳妙
形容殆盡

與喬白岳

劉 麟

近得王南原書曰朱顏日夜不如故青史功名在何處至感嘆欷歔東岡詩云飲中相顧色別後獨歸心益爲惘然計公則慷慨大義坦如而已安有是耶

與吳月山談玄

劉 麟

所論藥物全是只無火候終非至訣第古人傳藥不

傳火其候甚難歸根復命正是緊要去處妙在存想
存者存吾神也性也。想者想吾身也。命也。存則歸根
想則復命。存想不已。內照光明。羣邪退聽。藥得火行
不運而動。不煉而化。真如聖果。不在我耶。

藥物是本體。火候是工夫。
必到果地。乃得內丹之訣。

與吳行可

劉麟

敢問痔毒近復何如。大凡魔障之來。已非一日。其去
也。亦非一日。及其既去。計其復來。又非一日。吾不爲
子憂。今日之去。而憂異日之來。若然。且移今日之心。
翰苑瓊瑤 卷七 四十一

以虞後日之病。則痔不足慮矣。

與陳魯南

顧璘

手書承道不遺。故舊數事。及寄劉邦直書。此公至性
夙聞。何待今日。乃知士大夫以心術爲根本。以倫理
爲楨幹。以學問爲菑畬。以事業爲結實。以文章爲花
葉。雖不能備。不敢不勉。

有裨於
紳之士。

及友論文

顧璘

今有南威西子之容。畢妝而鑑焉。鑑之所不及。在側

者。能誨之。豈在側之容。固美于南威西子哉。妍媸都
鄙。其辨一也。如有不自美其容者。僕能效在側之勤
耳。執事毋內罪之。

七弟英玉中第

顧璘

念惟祖宗以來。隱居吳中。躬蒹山澤。勤苦淳厚。不侵
于物。不戕于天。昨過展墓。會諸族人。尚不識城市之
態。即可知前人矣。祖父二世。遷京師。富而能散。循禮
敦義。此爾我所親見。世積之慶。初發小子。德誼淺薄。
不克負荷。故踣蹶屏逐。至於此極。天其意者在吾弟。
翰苑瓊瑤 卷七 四十二

荅孫鳳岡

顧璘

老不近筆研。日與溪山相拱揖。猥辱翰及兼拜詩箋。
展誦爛然。知孫逖乃有後身。幾不知劍斬詩魔矣。斬
詩魔矣。

古今翰苑瓊瑤卷之七

古今翰苑瓊瑤卷之八目錄

明

方鵬

字時舉龍溪人

與時鳴第

張邦奇

與唐白野

與馮子和

豐坊

與方外友

馬理

翰苑瓊瑤

八卷八

目錄

一一

與薛仲常

王廷相

號浚川儀封人

與門人

鄒守益

與葛子開

歐陽德

寄石山

答林子仁

徐柬

辭里中蒙館

戒兒勿求分司

徐階

號存齋華亭人

復郡侯朱泰菴

與洪芳洲

張時徹

號東沙鄞縣人

與沈鳳峰

羅洪先

與聶雙江

唐順之

字應德號荆川武進人

與安子价

與季彭山先生

王問

字子裕號竹山無錫人

翰苑瓊瑤

八卷八

目錄

二

與吳齊賢

陸時中

與仰涵山

與張別駕

田汝成

與屠文升諭德

答陳約之

祝允明

號枝山長洲人

與朱憲副

王慎中

與熊遇賓

與吳泉濱

王寵 字履吉號雅宜吳縣人

答湯子重
答陸之裴

呂光洵

與吳霽寰

葉材

謝枯郡守惠酒

胡松

與吳霽寰

陳束

補苑瑤瑤 入卷八目錄

與田叔禾
又

答屠漸山

徐獻忠

與莊小山
與諸君

與馮南江
與吳之仲

孫陞

答陳鶴

王維禎 號槐野華亭人

答許少華
與李主事

與李汲泉
與凌給諫

答敖祭酒

文徵明 字徵仲號衡山長洲人

與王中丞

胡纘宗 字孝思號可泉泰安人

與文衡山

徐渭 字文長號天池山陰人

奉徐公
答許北口

與馬策之

補苑瑤瑤 入卷八目錄

陸光祖

復許敬菴

王世貞 字元美號鳳洲別號弇州太倉人

與楊仲芳
束楊應元昆季

答殷元美
答宋吳尹

與羅虞臣
奉翁孺參司馬

與吳明卿
與余德甫

與王舜華
答顧季狂

束張助甫
與穆敬甫

與陸淩明

答張元春

與李于鱗

又

又

與汪惟一

與周叔夜

與盧次楨

與俞仲蔚

又

宗臣

字子相陳方城興化人

與李于鱗

與王元美

吳中行

與唐弼庵

發苑瑤瑤

卷八目錄

五

沈愷

字舜臣號鳳峰華亭人

與潘憲副

蔡汝南

與余侍御

慰潘袁兩生

汪道昆

字伯玉號南明歙縣人

與李于鱗

與宗子相

又

與陳山人

茅坤

號鹿門歸安人

與張崑崙

與董潯陽

與何吉陽

與蔣曉山畫士

與吳悟齋

示吳顧二生

與王鳳洲

與袁太冲

論舉業示兒

董份

答余司成慰子下第

李攀龍

字于鱗號滄溟歷城人

與宗方城

與王元美

又七首

報王令

發苑瑤瑤

卷八目錄

六

陸樹聲

答江荆石

涂淵

與許穎陽

盧柟

與申洄野

張九一

字助甫號周田新蔡人

與屠長卿

楊繼盛

字仲芳號梅山容城人

與繼津兄書

凌湛初

答沈君典

李贊

答李見羅

復焦弱侯

與袁石浦

袁宗道

與李卓吾

又

陶望齡

翰苑瓊瑤 卷八 目錄

七

與袁石浦

與袁六休

袁宏道

上馮琢菴

與李卓吾

與張幼于

梅國楨

答李卓吾

古今翰苑瓊瑤卷之八 目錄

古今翰苑瓊瑤卷之八

浙姚 孫 鑛參選

吳郡 蔣 鑛校訂

明

與時鳴弟

方 鵬

言路開則治，塞則亂。世之恒談也。言官爲朝廷耳目，則治爲大臣爪牙，則亂愚之獨見也。方權奸柄用，則從而附之以傷善類，及其敗也，又從而攻之以滅其跡。嗚呼！果皆若人，國家何賴哉！故善觀世道者，不必問其人，敢言不敢言，但觀所言者何事，不必問言路開不開，但觀居言路者何人，則天下治忽可考矣。

命世名臣傳
可作言官讀

與唐白野

張邦奇

懶性與滄洲相便，自剡北歸來，還與釣竿爲伍，乃知茗川蔀屋，有何風波。終日科頭箕踞，與桑麻者閒，閒看野鳬岸岸，欲步則步，欲卧則卧，聲折吏不如也。有閒便謀過訪，共尋鳥鼠，戍臺游，昭明禪院，在天目追曼倩之滑稽，可以博笑。世無不謝花，莫怪阿嬌釵墜。

也

與馮子知

張邦奇

兩道貴治使人忘其爲逆旅也舟中無事得咏高文
遠致清聲令人歎慕然文詞之于人猶繪藻之于木
也當其燁然在目自不可少乃若棟梁廟堂具瞻天
下則于楨榦而不予繪藻矣

與方外友

豐坊

禪偈五百總來只一空字仙經入萬究竟只一靜字
然靜與空必先諸坐忘垂簾不知宇宙塞耳不聞雷
聲

卷八

二

風然後可語此欲坐忘必先諸輕物眇蟬冕如浮雲
鄙金谷爲逐臭然後可語此欲輕物必先諸知機欲
知機必先語了悟禪不悟到不可與入定仙不悟到
不可與結丹足下固求靜與空者能打破此關頭耶

與薛仲常

馬理

抗顏復出計將效尺寸以酬夙昔耳乃入京無幾何
輒有校文之役廿年勲名不出筆硯間愧之愧之今
公幸離文墨講戈馬之事矣乃茲復徵之典秦閣焉
雖執事之長僕之短並終罹毛錐之誚未可倚以畢

百年也

與門人

王廷相

世有閉戶而學操舟之術者何以柁何以招何以櫓
何以帆何以引竿罔不講也及出而試諸山溪輒敗
何也風水之險必熟其幾者然後能審而應之虛講
而臆度不足以擅其能夫山溪且爾而况江河之澎
湃洋海之鼎沸乎

與葛子開

鄒守益

葛子自揚來學請良知之教余曰亦在致之而已子

卷八

三

知稻粱之足飫乎知鴆毒之足以斃乎曰知之曰知
稻粱之美也必食之乎曰朝夕養焉曰知鴆毒之害
也亦食之乎曰望而避之矧于嘗也曰若是可謂能
致其知矣子亦知夫仁義之爲稻粱利欲之爲鴆毒
乎曰知之曰子于仁義能如稻粱時食之乎曰好焉
而未能恒也子于利欲能如鴆毒望而避乎曰惡焉
而未能去也曰若是則未能致其知也

寄石山

歐陽德

仕途如風江湖海吾兄今泊小洲渚矣自此整理舟

楫堅牢。自濟濟人幸甚。嘉禾去留京非遠。拉伴微行。
爲牛首燕磯之遊。金陵南有牛首山。北有燕子磯。僕當攜榻相就。領教旬日也。

荅林子仁

歐陽德

夫一念不起。則正念常存。萬緣皆空。則萬事皆實。學者就此靠實磨礪。毋自欺而常自慊。易簡久大。可馴致矣。

辭里中蒙館

徐東

大丈夫生不能游大人以成名。卽當效魯仲連。布衣

輪苑瓊瑤

四

而排患解紛。今千里誦義爾。終安能區區爲章句師。

坐帷中。日夜呻其佔俾。從羣兒取糈升斗自食乎。

老學究讀此。不無石所面赤。

戒兒勿求分司

徐東

若日食大官廩。列郎署。不一志媚茲上。而奈何戚戚計其私。吾年八十。臘屐登天目山。飲不人後。醉不人先。擾鹿無恙。木奴指漸繁計且足。可慎無求分司。惟關求分司。吾且不食汝。

復郡侯朱泰菴

徐階

敝鄉往時士夫。以不入公門爲高。郡中亦以此目爲人物。厚加恭禮。近時則顏色之所向。交際之所施。專在旦夕奔走無恥之徒。而閉門自守者。其門外乃無復郡公之轍迹。於是人爭爲諛家。競爲媚士。風日淪胥甚矣。往時郡中每察奸吏猾書。重寘之法。近或縱而不問。庇而不舉。又或進而與之爲市。至於善良。則或使代拖欠之所輸。或使償侵欺之所負。構机饕餮。宴樂自如。而力耕務本之家。父子兄弟。至不相保。願執事一洗前弊。主之以仁。行之以禮。斷之以義。使恩威賞罰。各適其宜。君子小人。各得其用。夫然後謂之良二千石。僕大爲執事稱愉快哉。

與洪芳洲

徐階

承惠書。知憲節已蒞東藩矣。天下事誠壞於不實爲然。爲之亦自有漸。夫採木鎔金。均之所以爲器。但鎔金一注。而員方卽成。採木則必從容而後克就規矩。當茲承平之時。踵因仍之後。其勢何異採木乎。願公之稍加慎重云耳。

與沈鳳峰

張時徹

明公偃蹇烟霞之宅。王盟騷雅之壇。搗康樂之蕨詞。舒孫登之長嘯。抑且稽古立言。明太上之玄旨。離經繹訓。垂不朽之令名。公之所得於物外。亦既多矣。視彼競響。螭蜚。爭榮。舜華。束縛纓綬之羈。馬。舖。齊。鼎。釜之腥膻。福與禍。纏憂隨樂。禪將孰與多寡哉。

與聶

羅洪先

在山在家。無所去取。內境外境。本自相緣。心既有攝。須以靜除。欲其盡除。必令盡忘。動與不動。

與安子价

唐順之

韓荅瑋瑋

卷八

六

布被一端。奉為送嫁之需。布被誠至質且陋矣。然以之而廁於刺繡結綺。綃金綴翠。朱紫錯陳之間。則如葦籥土鼓。而與玉磬大鏞相答響。乃更足以成文。又如貴介公子。張筵邀客。珠履貂冠。狐裘豹袖。聯翩雜坐。既美且都。而有一山澤之癯。被褐曳杖。逍遙其間。乃更足以粧點風景。而不失其為質且陋也。且夫桓少君之事。兄之所以養成閨行者。豈多讓古之人哉。素辱知愛。敢以家之所常用者為獻。而侑之以辭。不然。亦願兄受之。而以畀媵僕之用可也。

與季彭山先生

唐順之

游會稽。聞高論。先生之於經。開解闢竅。指擢腎腸。不猶秦越人之隔垣而洞見五藏者乎。詞鋒所向。決古人所未決之疑。開今人所不敢開之口。不猶荆卿擊節慷慨。睥睨燕市之中。而旁無一人者乎。目論古事。頡頏上下。不又如身揖讓於虞周禮樂之間。憑軾以觀。圖於晉楚齊秦之域者乎。而俾聽之者。且不知忽焉躍以喜。忽焉瞿以愕。而卒果然以飽。亦雄矣哉。世未之有也。六經之道。其卒於先生有明也已。

與吳霽寰

王問

大牌前導。客舫繼發。非直艤艫遠避。且使風伯雨師。囚首奔竄。可見江上主人。威力如此。夜過青陽。江潮已落。孤燈獨坐。離思眇然。舟中惜乏卷耳。不然。明燈染繪。當圖萬里江流。千章雲樹於方寸之縑矣。計明日抵家。辭楓潭。即至毘陵。治一巨卷。待兄於舟渚間。不知送行文。畱別詩。能滿此否。幸早圖。毋使臨期。索通成逼迫也。

與仰涵山

陸時中

前輩有云。但願士夫有此名節。不願士夫立此門戶。立門戶且不可。而况借門戶以爲私乎。宋史道學有傳。識者慨之。近世喜名新進。但見一說迥異。便從而鼓噪之。立一名字。而不知一開此門。操戈者將四至矣。此意識微者。當自知也。

與張別駕

陸時中

聞令愛矢節一事。令人毛聳。擊節不置。大都婦人女子。脂韋者多。剛腸者少。既醮而孀。尚有不克令終者。而况于未識面之夫。僅爾許字者乎。或者謂此爲迂。爲過。不知身雖未嫁。而業已許之。則身乃夫之身矣。嚴之婦矣。以嚴婦而爲嚴守。奚復不可。是匹夫匹婦之所駭。而仁人君子之所安焉者也。

與屠文升論德

田汝成

竊聞之福不可使盈。而名不可使侈也。故紉蘭握瑾者。誨妬之良媒也。要津利孔者。招怨之危幟也。宏談鯁論者。騰謗之健駟也。方人儼物者。反刺之銛刀也。是以君子綱盛采而不揚。屢幾望而知戒。正考父一命而僂。再命而偃。三命循牆而走。自今觀之。似乎耀

擬選輒持名抱賴。與石建孔光同科。而達者稱之以爲必聖嗣後。固知忠厚積福之基。而謙虛育德之本也。

荅陳約之

田汝成

倘足下晚節倦遊。菟裘在念。吾當爲子求田西湖之澳。方山之陽。問舍虎林之衢。治中人十家之產。農末兼作。已足優游。且其地沃而宜稼。俗淳而好禮。又有清溪碧石。蘭嶼荷洲。茂樹穹谷。可以游衍。使僕得與足下比園廬。通袍澤。展燕婉。結朱陳之戚。敦管鮑之風。追二仲之踪。希七賢之逸。垂綸荇藻之沼。談稼穡柳之隄。酌醴焚魚。伏臘相勞。顧不樂歟。又何必涉千里而孤栖。緩急無所爲力也。

與朱憲副

祝允明

老夫馮杖。患人藉醫。忽然失之。顛踣委頓。明以譴陋。夙賴鑄輔。自頃睽判。濶然春秋。明公翺翔冲舉。切摩烟霄。賤迹淹伏。蓬蓬志闕。紆繫腸。非木石能不動搖。明發不昧。何復自己。

與熊遇賓

王慎中

一時同朝數子、僕所得以文學意氣相周旋者、今皆以罪譴廢放、天於此輩、豈都無意佑之、抑其人皆以聰明才敏、盜竊天機、播弄造物者、自當得罰也。

與吳泉濱

王慎中

天孝子不忘親者、思其居處、思其笑語、思其所樂、所嗜、思之之極、精誠之專、猶不得見而一讀吾文、則若其先人忽然在前、而居處笑語樂嗜、皆是蓋文之靈妙如此、昔少君致李夫人於帷帳燈燭之間、使武帝真以李夫人爲生也、文亦有是歟、然非佩甫君之孝、

新嘉坡

卷八

十

三

亦安能于吾文中、輒見其親之悲、至于此極也、公旣深愛佩甫、而猶好吾文、故聊奉覽、而并道佩甫之所感于斯文者、使知吾文未足好、而佩甫之孝爲可重也。

荅湯子重

王寵

家本酤徒、生長鄺市、入則楣柱塞目、出則蹄足攝履、呼籌握算之聲、徹晝夜、每一焦煩、心腸沸熱、以故山水之好、倍於儕輩、徜徉湖上、樂而忘返、莊周言逍遙

羅者、聞人足音、則蹵然喜、僕雖日羣鹿豕、壤斷徑絕、

愈覺心神俱爽耳、且生平無他好、頗耽文辭、登臨稍倦、則左圖右書、與古人晤語、縱不能盡解、片言會心、莞然獨笑、饑而食飽、而嘻、人生適意耳、須富貴何時、誠日夕私賀、恐後之不如今也、尚安望哉、

荅陸之襲

王寵

承惠長牋、累千百言、疑僕以壹鬱得疾、愛則渥矣、文則華矣、然未諒乎哀也、僕築室石湖之濱、山水禽魚、足以自娛、頗有遺世之志、此休承輩所知也、一第得失、何足重輕哉、長卿遭遇武帝、奮藻雲臺、然窮年消渴、婆娑茂陵之下、亦豈壹鬱不遇邪、若僕以一第之故、違老莊養生之旨、逐子牟魏闕之戀、焦心灼腸、以與天競、是夸父逐日也、豈不愚哉、足下何時過我莊、居覽雲物之華、窮山水之趣、徜徉丘壑、游目弋釣、亦且傲然脫滓、相忘江湖之上、來札所謂被酒悲歌、慷慨淚下、亦無庸矣、况僕耶、方餌朮作報不一、

與吳霽寰

呂光洵

茅翁所云、雪舟夜興、訪洵剡溪、天姥之間、把臂笑談、徒虛語耳、洵之歸棹可期、而翁之名韞未脫、方將馳

驟於兩都雄雉之間以畢平生之志豈暇與偃僕病
夫較量風月取鑑水尊鱸造物主分惟與逸人仙吏
麟閣雲臺之士皆弗與也勿妄圖勿妄圖

謝枯郡守惠酒

葉材

占枯十萬家和氣釀為烟雨樓中玉壺春色一日飛
下七十二灘與鄙人澆胃中之磊塊對林間傾之與
碧琅玕一色

與吳霽寰

胡松

齋廬兀坐萬里書來詞旨諄勤登拜感刻比連奉摘

與吳霽寰

士

論文武二疏事狀明覈而文采煥炳詞義嚴正宛然
太阿龍泉之初發矚莫敢就視矧敢狎侮願公自
是暫輟益養鋒鏑之神以須虎兕蛟鼉而斷之如何
如何

與田叔禾

陳東

承諭知貴夫人捐棄不付何以爲情昨計轍迹當道
楚中時與阿婦言幸且會而女兒以爲懼悰今乃已
耳當還白婦共爲酸涕

又

陳東

海內同志亦有毘陵或言其抱病食不能暫甘便欲
挂冠躡屣相依荆水之上此中儻有富人可以貸債
買僮逐什一之息量粟收雞豕庶幾足飽糜之養遊
遊名山沒齒無憾比得李侍御書云江南富人祇敬
官人罷則無所于貸誠然誠然眉睫之間何情不爾
又望之賈豎乎貧非爲病黔婁原憲彼亦何人儻得
與此輩同歸耳

荅屠漸山

陳東

爾來湖上已三見朱明矣磷淄塵軌玄髮變衰跋履

與吳霽寰

士

山川壯心潰裂是以過黃陵而嘆息泛赤壁以歎歎
淒目九派之流傷心一柱之觀即旌陽鐵柱觀哭屈平于湘
水弔賈誼于長沙北上荊州更懷王粲西還夏浦再
泣福生正平作鸛鵲賦處俯仰古今異代同嘆足下視僕豈
後於常人哉母性高明生能容介之隱妻賢女也
死不沒黔婁之行已矣哉金門何期石室能待高賢
無分名山可藏耳

與莊小山

徐獻忠

秋容在戶文思逼人佳客時來論心當意區區別後

如隱山中舉目無交知之樂克庭皆簿書之累且山縣荒涼百凡草創邑廬隘促市巷蕭條馳思天涯竟同隔世玄談所止境界尚懸不知會晤當在何日也

與諸君

徐獻忠

近已定計武康山溪俗厚去太古不遠誠得壑闢之勞亦何所苦縱不能上承沈麟士之踪究竟其事亦不下堯章白石矣蒼雲碧水與草堂照映更得足下名文記事使大字之內徐君不死更何所多望乎

與馮南江

徐獻忠

翰苑瑣錄

卷八

十四

三

頻年作事皆出樂興未嘗量度時力用是多致狼狽然已列貧籍無可脫身矣尚幸貧是氣質不復知苦屋後開荒漸成菜畦接果饒鶴時有佳况野蔬淡粥神恬氣清不知為窮人也異日老兄功成便用此作樣子時復往來結社清明重九饒勝相遺幅巾逍遙存問鄉曲與野老談水旱習農桑雖有他樂何以加此不知老兄曾中果曾着此念否

與吳之仲

徐獻忠

足下高踪曠度遂復遠謝人羣正馳宵慕何意忽來

春鳥鳴千谷中流雲宿千榻下久無俗跡况復虛懷春韭方萌槽聲亦沸客到即醉醉即熟夢足下舍此主人雖十日醒亦無益也

答陳鶴

孫陞

詩如畫意典所到形神畢具稱善盡詩又如樂羽干在列節奏比和稱備樂故詩不得含聲調而專氣骨畫不得遺色相而事模臨樂不得廢音響而尋條理詩本難言然可意求格由淡造亦從調入足下其謂何日來溷溷無好懷搥筆向足下乃覺滌去塵穢動我詩神輒復傾布若此無難作者亦鮮賞音故於足下惓惓焉

答許少華

王維楨

夫君子之行不同而志各有寄陶之酒阮之琴嵇之鍛王之耽意聲樂謝之遊矚山水人固謂放浪形骸闊畧禮法矣夫數君子者皆當世所謂賢豪人也彼其始豈不欲為矜矜之行用世之徒哉時有所不可乃退而就此故琴酒鍛樂山水六物者數君子之寄寓乃其情淡遠矣惟公壯歲標植嶢然而不污慎焉

而不爽。當是時，自謂曾參不殺，慈母相信，蕭曹丙魏之業，行可立致。此其志豈不貞固哉？旋乃蒼蠅肆點，黃金邁鑠，遂令韓非孤憤，殷浩書空，棲李廣于南山，竄楚平于澤畔，百懿不錄，一肯被放，斯足悲矣。孔子曰：「遯世不見知而不悔，惟聖者能之。」言悔，賢人猶不免也。于是境殊志遷，勢阻情鬱，故切昵近異物，假借蕩懷，免憂生之嗟耳。亦若陶之酒，阮之琴，嵇之鍛，王之聲樂，謝之山水，皆寓也。而知者鮮矣。

與李主事

王維楨

僕守在祠曹，論四六，校聲律，自其本事。顧念頻歲四郊多壘，農夫輟耜，工女下機，商旅不行，吾安事筆硯間哉？以故數從客談戎務，究所為破狂胡而紆中國者，言者紛如，卒未效實。公以餉事親行塞上，熟悉之矣。其教我無諱。

與李汲泉

王維楨

僕守詞林二十年矣，且尚不諳文墨事，豈能諳兵謀？顧聞之越人操舟而逾於河渭，秦人從旁指津渡，刺刺然不已。越人顧而笑之，夫秦人誠不習風波事，謬

妄言，然為越人計，念則忠矣。君侯其毋為越人之笑我哉。

與凌給諫

王維楨

瞿子以鄙人峭直，與世不諧，恐有吹沙射影之患，遺音示諷，以為愛我則可，謂知我則未焉。鄙人結髮時，輒慕賈誼汲黯之為人，也以為其骨已朽，其氣當猶存。然二子者，卒以慙不得久居內，後世善宦之徒，或舉以為戒。鄙人乃猶奇之，往不自量，言天下之事甚易。若里婦臨鏡，私照自艷其容，及既出門，則見東鄰之婦，挑頰西鄰之姬，黛眉皆姣好，不可與並抵。今老而益醜，斯固其掩奩日也。以故恒思歸華山巖洞，日夜傾心，纓紱微纒耳。苟有肯為鄙人說者，聽之可也。

答敖祭酒

王維楨

適奉翰札，若以僕妄持觚稜，益務不可下之節者，僕非敢若此也。僕猶夫故吾耳，顧於南中不宜，且南中亦不宜於吾，以故人取其近似者，以訾之，曰：「亢旱之高也。」且僕懸直朴略，受性已定，猶僕之貌，猶

昂首掀眉。揭膺闊步。皆造化陶冶。不可移易。古之挾仙術者。能蛻人骨。不能易人貌。今公責僕。勿高勿卑。擇中而居之。亦嘗有以里婦之效顰。聞於公者乎。僕即死不忘也。

與王中丞

文徵明

比聞江皋散警。幕府燕閒。風聲遠矣。徵明犬馬之齒。八十有四。容髮衰變。日益頽墮。待盡林間。無足道者。

與文衡山

胡纘宗

別既久。思益深矣。何時一尊酒。重與細論文。纘宗於

翰苑瓊瑤

卷八

十八

衡山亦云然。惟摩詰有詩。輞川有畫。而吳門烟月。震澤帆檣。始有出於藍田者。萬里故人。寧不悵然興懷。一代高人。自惓惓於我衡山也。去冬橫遭回祿。平生鬻文之衣。典衣之書。俱爲所燬。天耶人耶。非走之所知矣。

奉徐公

徐渭

曩兒枚歸自塞垣。伏承推恩。兼賜教示。捧誦之後。懷在袖中。出入既頻。紙毛字褪。而後歸於篋。首迫於北上。謂得更沾熏沐。庶幾桑榆而臺下。遂遠承明。失所

依庇。渭衰老荒塞。無王粲杜甫之才。時既太平。又非避亂投安之比。徒覩顏毛。穎博十年。粟藿爲衣。入山一往不返之計。故低頭沙漠。顧復跼蹐而歸。行道不省。饑鷹便謂脫兔。悉虛聲耳。獵者自知也。

答許北口

徐渭

公之選詩。可謂一歸於正。復得其大矣。此事更無他端。即公所謂可與可觀。可羣可怨。一訣盡之矣。試取所選者讀之。果能如冷水澆背。陡然一驚。便是興觀羣怨之品。如其不然。便不是矣。然有一種直展橫鋪。

翰苑瓊瑤

卷八

十九

粗而似豪。質而似雅。可動俗眼。如頑塊大鑿入嘉筵。則斥在屠手。則取者不可不慎之也。鄙本盲於詩。偶去取無甚異同。於公然有異同。亦恃公之知。不敢詭隨也。不妨更爾。惟子安採蓮。長安等篇。涉艷者。愚意在所必選。比之真西山文章。正宗附李斯逐客書。可也。如何如何。

與馬策之

徐渭

髮白齒搖矣。猶把一寸毛錐。走數千里道。營營一冷坑上。此與老牯踉蹌以耕。拽犁不動。而淚漬肩瘡者。

何異噫可悲也。每至菱笋候，必兀坐神馳，而尤搖搖者，策之之所也。厨書辛爲好收藏，歸而尚健，當與吾子讀之。

復許敬菴

陸光祖

執事所引汲長孺趙充國，謂三代而下無幾人。此言一出，高視千古。夫充國之師伯仲伊呂，後世惟諸葛孔明羊叔子似之。長孺之學有源，其道不威而重，其政不煩而理。漢武帝所謂社稷之臣是也。來書云：長孺立朝，猶獨有遺憾。僕未暇覆閱史傳，不知執事所指何事。無亦以其有積薪之說，又不樂外補乎？古人於其意所不安，無復矯飾，且當時君臣之際，有懷必吐。若家人父子然。今世則朋友之間，此道絕矣。是未足以短汲公也。嘗謂漢世人材，視古最近。唐宋以來，漸愈不及。以想像論，議日入於精微，而朴厚反躬之道益衰也。譬之花卉，漢猶含萼歛萼之時，宋以降則爛熳闌珊之後也。宋人以道學自命，往往藐視前哲，所謂挾天子以令諸侯，卒之枝葉成，而寔用虧，其病至今莫救也。今之時，又益甚矣。高談性命，妄意孔顏。

翰苑瓊瑤

六卷八

二十

而退考其素，有反不若鄉里小人。硜硜自好，其殆孟氏所譏行不掩言者耶？執事素隆實學，又居黜涉進退之司，悼時憫俗，障狂瀾而挽頽風，非執事其孰望之。

與楊仲芳

王世貞

接卽報知執事遷夏官，所遇諸君子無不色喜者。丈夫得意事，要令磨墨屑鼻，左手持素，右手寫燕然碑，乃爲快耳。第執事名太高，如孔翠威鳳，弋人爭欲得而籠之，幸自避千仞遙覽，乃下可也。莫助之愛弟姑効愚焉。

翰苑瓊瑤

六卷八

二十一

柬楊應元昆季

王世貞

吾與尊君肝膈相委，燕市赴義爲老親傍徨，不得游從地下。蘭若須眉一再見，夢生氣凜然。行部郡城欲取道過予，世網洶洶捉鼻忍息，慚愧人世。豈惟山陽聞笛之感，向秀思舊事西州叩門之慟，羊曇事二子宜勉思令德，砥礪誼行，而翁懋懋舍志長逝，待後人發之。嫂抱影煢獨，以日爲歲，棄而翁就二子，勉旃自愛，薄俸甘金可裁十一，烹隻雞，絮酒以酹餘治嫂菜糜，吾不

敢煩郡縣不能多耳

答殷元美

王世貞

僕副山東時嘗與諸賢酒間戲言志中丞吳峻伯謂宦轍不必中土卽滇蜀甌閩須盡歷之飽其風物山川最後亦須坐尚書省押尺一詔敕表本乃告老耳僕謂

鄙念不及此願得二頃陂四圍列梧竹垂楊芙蓉之屬陂中養魚數千頭中構一島築高閣三間其下左室貯書籍及金石古文右室盡貯美酒傍一小室具茶竈簞釜兼蓄鮭脯瓜菜閣上一榻兩几讀書少倦

翰苑集

卷八

三

卽呼酒數行醉輒假息島傍維兩蜻蜓艇客有問奇善觴咏者以一艇載之來一艇網魚佐酒不問朝夕倦則相對隱几興盡更復載去若俗客見撓者雖叫呼竟日了不酬應以此終身足矣峻伯問誰可當俗客僕謂坐尚書省押尺一者卽是也衆大噱笑而罷

答宋吳尹

王世貞

公藻言霞綯逸思川湧旣開案牘不廢嘯歌良美良美其對帙目眩拈筆指酸譬之饒燈魚脂照杯卽明機績便暗耳重虛來命奈何

與羅虞臣

王世貞

夜飯郡齋時也李于鱗謾松下風二地主濯濯月中柳謝廬亦矯矯儉父而僕狂浪自放疑非人間游也別後提鼻見道上貴人都無復意味耳

奉翁孺參司馬

王世貞

貞無似嘗辱從公僚末而公國士我又辱稱公之州民而公覆翌我迨謬起稱公之下屬吏而公復故人我使蘇枯登于華席槎蘂被以春菜伏謁之軀恍若驟貴間從邸報見公所上流民圖疏爲之北向加額翰苑集老臣拳拳之忠不知九閣遂無阻否貞半殘人也安能復仰中貴鼻息已具疏乞休天下事須大力人負之耳

與吳明卿

王世貞

諸貴人目攝我輩久且未發當時是嚴黨也雖然僕乃其魁焉亦寧能獨後足下夫諸貴人計且誤矣思足下莫若顯足下用長安一席地縻之今令不絕升斗而放之曠蕩清漣之所使窮耳目之態而時拂以牢騷激昂之思此爲厚耶薄耶

慰意委曲是王元參
失火欲弔而更賀也

與余德甫

王世貞

不才踪跡誤玷山公啓事中然此生斷無出理坐臥
萬卷作老蠹魚此饗何似喫大官膳單舫隻屐放浪
湖山間何似車塵馬足旦晚躡屐慈幃問顏色何似
伏候光範門然非足下不敢道也

與王舜華

王世貞

曾因便風布其區區將無洪喬浮沉之慮否殷洪喬授人附

書于仲蔚書來云足下必擬壯游得非曩者陵陽之

翰苑遺書

卷八

璞未遭楚法耶長安貴人齟齬我輩詩文之禁等於

劫殺足下蛾眉便娟何自藏人睚眦間哉言之碎胆青齊

風物不甚惡杖策而來脫粟對飯揚摧風雅粗泄素

懷然後奉一款段使奚馭而之太岱之顛登天門觀

日出亦大奇也足下果有意乎時先生官山東故以泰山之觀悅其京游

答顧季狂

王世貞

從游客得足下所爲螳談讀之如食勺藥名快美甚

已又得足下所刻諸體詩似三鸚鸚音尼○周禮鸚人應鸚鹿鸚麋鸚

七菹菹音菲○葵馨旨留窾咽間矣僕比酒好如昨而

更懶甚獨喜時時爲詩輒有奇語不知從何所來也
足下能東乎當治一室稷下之里相待

東張助甫

王世貞

擬以望前登岳欲取月色得示當移望後一日若陪
從群公則力辭之已辦白拾行滕接羅爲山叟裝無
慮也此間真僻寂日開門如升堂法師却無問法者
日閉門却不如退院僧有弟參承耳兄但來於文苑
內豎一指便得不二法門矣

與穆敬甫

王世貞

翰苑遺書

卷八

孤生平乏實行奇節萬不足以望公之一而不幸用
薄伎有海內名夫名者兼知與忌而有之試觀世之
知我就與忌我多也知我而譽我者十能勝夫忌我
而毀我者一否孤固籌之矣

與陸浚明

王世貞

遠辱寄高文讀之至再三不作一今人語又不襲一
古人語抑何奇也其所知海內者王參政唐太史號
稱巨擘覺揮霍有餘裁割不足執事之文如水中之
月空中之相不落蹊徑不窘邊幅間與吳峻伯評之

謂正印在執事也。吾吳作者，後先固不乏，何至撥六朝諸家之敗纓，結鵲聯絡而成章？僕私心怪之，以爲如閭門市綺，得三尺頭面耳，不直一銀也。

答張元春

王世貞

京師逐客如蠅，腥散而復聚。留京客，則如蚊嘯，鏤牛無血，可飽亦無驅者。足下何所乘而不來，或慮瘧病蚤休，所以中沮耶？

與李于鱗

王世貞

寺握手，邈若河山。既別之後，意更深矣。近天津，雨乍過，波濤人立，遠不見天。茫茫盡白，獨立舷際，神

翰苑瑣瑤 卷八

三

王氣豁，悵然不挈于鱗共賞也。已命酌盡一斗，則取于鱗長篇十絕，爲曼聲歌之。浮雲不流，魚龍若竦，稍間復感而按之，悲風颯來，不能自禁。泣數行下，嗟嗟，頰仰上下，人代河山，倏忽咫尺，肝膽委折，僅一千鱗，又焉別也？倘令僕或戀耕釣，僕來執事，或遂厭承明，縱有流水之思，誰爲吐也？亦復誰憐之者？遊子悲故鄉，丈夫乃志四海。假令與于鱗周旋，雖絕胡貉，導非人之境，吾二人足樂矣。如今向桑梓，逐高陽，故交爲

關雞六博之觀焉。在適耳目也。子相每每志援桂樹，僕故怪之，亦云此耳。萬里比鄰，誰謂不達？必要神賞而廢相親，則鍾子期沒，伯牙何爲不鼓琴也？

又

足下雖高枕物外，僕避世牆東，尚得托跡鱗羽，揚扈素懷。如其不然，可訪我於夜臺之側也。于鱗于鱗，與言至此，腸不寸斷。玉玦一瓦，硯一以奉君子衣几之御，玦訣也。硯見也。既以爲訣，終願相見。

又

僕時謂足下文如韓淮陰，連百萬衆，多多益善，八門五花變化奇正，莫測然覺。伯玉有蕭蕭馬鳴，悠悠旌旌，意程正叔老儒也。尚恨不見淮陰與項王，各以十萬確鬪。僕謂淮陰用蒯通策，作鼎足視阿瞞，及大耳兒紫髯奴，必有可觀者。足下觀此意，恐不竟許。

與汪惟一

僕已爲于鱗成全集，世薦紳大夫猶不能無疑其文。則薦紳大夫未盡讀古書過也。于鱗每稱屬文言屬者，取古辭比今事而聯屬之耳。謂其臆創詰曲不解

之語非也。世有不得於實者，必借而攻其名。僕所以預爲之地也。以意而輕退古之作者，則有之以意而輕進古之作者，則無是代益之可也。足下識之。

與周叔夜

王世貞

楚中莽曠，饒山水。足下弭節三湘，放奏九辨，令郢雪益輝，巫雨流潤，不大奇快。

又

長安中風濤洶洶，一葉下上，分魚腹矣。又不意不卽禦魑魅，而稱東藩臣，念吾與兄隸事，揚扈風雅，慷慨世故，獨兄出入爲循吏，所至有神明稱，而弟離齷齪筆間，遂垢而涉妒女之津，不免風雨，良可歎也。

與盧次楨

王世貞

天之靈不我棄也，亦得遂善于鱗。此子嶽聳於中原，僕亦崢嶸於江左，后土所命，忘其崔嵬，切劘下上，無復宇宙。楚人吳國，倫淮南宗臣，吳人徐中行，故南海梁有譽，草昧特起，偃蹇群雄，獨吾二人者，相慕說，輦上君子，遂成就，握節之日，昵友耳，戒出，生胥靡也。其於助君浮薄，名不淺於乎。

自拾人間遺失物，何預諸少年事耶。

與俞仲蔚

王世貞

僕居恒謂與子如醍醐和軟，豐腴靡所不入。今見足下解帶留連，東吳孤蘆中，便自有千古風流。令人妬聞此舉，淄青大都會也，襟帶海嶽，多古賢士大夫之跡。足下能杖策而來乎？郡厨雖索然，脫粟之飯，可以佐游。足下無自苦人生百年里中也。政復何益。

與李于鱗

宗臣

憶昔五子結盟，義掩白日，風波中起，羽翼漸乖，眇人于此生。此生矯厲，非僕當之幾負矣。

與王元美

宗臣

足下被繡擁旄，提兵千里，所督者，故齊地，其俗慆悍，猾賊椎埋作奸，談王道者，病之。足下往，得以憲章從事，取象於物，惟豸性能觸邪，故贈君豸衣，一襲夫群邪所自戢也。自上之約束爲之，不束之而遽收之，是謂不教而殺，非聖謨所貴。君子之束人也，必先自束。

其身故贈君要帶一束自束束人矣猶有不若者則
付之三尺以彰國威以著足下之明信故贈君古劍
一口襲是服束是帶操是器明有豺狼幽有魍魎無
不糜之矣

與唐凝庵

吳中行

今郎家寶國珍造物者與之謂何奪之又謂何兄玄
覽曠識且等之爲浮漚爲幻火而弟猶效世俗慰唁
語以申千里一念之思亦贅矣魏元陽云吾不及莊
生遠矣安肯以無益自損乎章敬遠云去來常事耳
死生去來也何足悲願兄誦斯言重此金玉軀

與潘憲副

沈愷

石鼓之遊風景殊絕不似人間塵界及登仰高樓俯
視瀟湘天光一碧風帆隱見如入畫圖執事以南霍
高人而吏隱於此不知君似瀟湘瀟湘似君耶小詩
見意真不能滿公一笑

與余侍御

蔡汝楠

公發衡後日誦公詩英雄回首卽神仙安期生曾以
策干項羽而華山亦逐鹿之羣雄卒證玄學公殆其

匹也過岳陽樓不能走訪洞仙共觀雲水公當笑我
豈范老之所謂先憂與可愧

慰潘表兩生

蔡汝楠

石鼓院書握手倏屆殘秋於楚中得賢書兩賢未錄始
而駭既有懷在俗爲一番筆鋒戰挫之後在君子
爲一番繁華夢醒之秋也世間事有可窮者有不可
窮者今人讀書一取第謂讀書事畢今人爲官一極
品謂爲官事畢至于吾人能事何時是盡何物是窮
且相與遊無窮盡之門而盡有窮盡之遇何如

與李于鱗

汪道昆

政爲明卿懋懋間足下二歌忽飛來一字一淚也更
復作鮫人一淚一珠耳夜鼓動取足下歌朗誦之泣
數行下已而呼酒一斗伸紙倚和倏忽成篇出看簷
楣間星斗來侵人也嗟哉明卿足謫矣

與宗子相

汪道昆

酒間見答一章慷慨高咏清雪盡飛卽僕不遇死而
二三君子健飲無恙天地未大窮也

又

東抵盧龍，踽踽無足談者。吾以漆園擬吳生，以湘纍視宗子，以腐令當于鱗，以盲史肩子與日自相上下耳。長安諸貴人，橫弄風雨，卽盡逐我輩相苦，如飛羽鍛而絛束之，無奈耳。若逐之廣漠之野，乃所以爲樂也，足下何害。

與陳山人

汪道昆

八年隱吳市，掩關高坐，如神如帝。而今趨蹌公府，鋤矜容，下螢目，低眉撻齒，日視人，嚙笑作休戚，良可羞也。市中無良茗，無上藥，無嘉魚，無肥蟹，無踞鱸，無鳧

翰苑瑣瑤

卷八

鷄猶有，庖牛腥豕，不堪薦口。日以苦菜下飯，如終南頭陀然，頓令人腸枯。所賴室中侍子，盛鬚曼睩，作吳語相慰勞，差能度日耳。爲問七十老翁，日何所樂？有帛盈箱，有稻登塲，霜畜露葵，黃雀紫蟹，四腮之鱸，三白之鮓，齋廚不乏，而日與鵠髮嫗抱子弄孫，說素麻課機杆，其亦足樂乎？江南之叟，與嶺外之官，試令人擇地而處，當不以彼易此。

與張崑崙

茅坤

天子盛明，虜酋內款，卽如幕府遠近之郊，胡馬且不

敢南向而牧。公乘鉞過之，得無如羊開府所謂輕裘緩帶，其間者乎？抑亦有橫槊賦詩，如樂府所載，出塞入塞諸曲，於以思猛士而拂鐵衣也者？故人不可見，而故人之襟期英爽，大畧從白鴈三秋時時流目者也。

與董潯陽

茅坤

被放以來，山中獨臥，旣與世不相聞，牀第閒惟奕一局，古今墳典及百家莊老之言數十卷，間對局及劫地破闢，兩家勝敗處，則爽然自適也。讀傳記至莊生

翰苑瑣瑤

卷八

三

馬蹄諸篇，則陶然喜。或屈原卜居，賈誼鵬賦，則潸然悽以涕。未始不卽彼之所以得，而弔此之所以失也。山中無他賓客，間有携金買文者至，旣不能卻，又不

與何吉陽

茅坤

古人有云：士屈於不知已，而伸於知己。公抑謂我爲臣死忠，爲子死孝，蓋憐僕之區區，不敢脂韋，渙浥以

自負當世者而今安在哉。日月如流，事業無聞。此僕所以臨溪而釣，閉戶而吟，不敢不頽然一壑以爲終焉之計。而間抽傳記，按往牒，讀古人奇崛魁壘處，且未嘗不爲之對鏡而慚，睹髀肉而歎歎嗚咽也。公得無憐之。

與蔣曉山畫士

茅坤

得君所爲鹿門圖，因以屏之草堂。到今來，烟雲泉壑猶朝夕衿帶間也。近復得君所臨東坡像，開綃對之，角巾野服，疎眉朗姿，若揖之於西湖赤壁之上，而與

論苑瓊瑤

卷八

三十四

之載酒賦詩者，聞君善畫於山川花鳥竹樹，無不得其解，不貌山川花鳥竹樹，以貽僕，而獨貌東坡者，豈以僕臭味夢寐間，或近其千百之十一者乎？人事有代謝，往來成古今，僕對今所遺像，酒酣輒淋漓慷慨，因酌之曰：公之賦不云乎？彼固一世之雄也，而今安在哉？吾悲公能逃其寵榮患難，而不能逃其名像，猶傳之至今，令今之人猶對綃而引觴歎歎也。

與吳悟齋

茅坤

知公偕鳳阿過華亭，轉西湖矣。此向平康樂之游也。

僕豈敢後然世之矜西湖者，大較在烟波悠冶歌舞綺麗與夫城闕逶迤樓臺蔽虧孤山六橋漁梁荷館所謂星羅而緹綰者耳。以予觀之，入山愈深，則其泉愈冽，而谷愈僻，薜荔松蘿之所崇，鼯鼯猿狖之所宮，琪花瑤艸之所布，懸崖絕壁之所徑，甚且鳥窠有龍羽，仁有客相與扳鶴栖捫虎窟，而魚且鉢于其間，所公而問之，知山靈谷神必爲掃雲翳，排霧氛，凌波而待矣。僕如兒輩，稍謝藥餌，將蹣踪而隨，幸兩公所當巖賦而行吟處，按時日題識其旁，俾僕也踞巖而呼。

論苑瓊瑤

卷八

三十五

示吳顧二生

茅坤

古之善論射者，必首養由基，二君其養由之射乎？抑亦世之稱穿札洞胸者乎？苟諸生之爲文，不自挾其穿札洞胸之技能，而必求其至，須於精神之措注，若引江淮之水而灌之百川之間，大者畫城邑，濬河山，細者導蟻穴，疏蛙竇，於文藻之所傾吐，若懸明月於斗牛之墟，而下照四方也。方其吹金波，洗玉繩，浮埃輪，顯氣蟾蜍之所不能蝕，河漢之所不能挹，關山

之所不能斷。雲煙之所不能翳。閨姬成婦之所不能倚。而凄然以吟。胡笳虜騎之所不能憑。而峭然以悲。遷臣騷客之所燕笑登臨。而翩然以賦。則靡不善矣。且有司之校遺才也。恒剏題之最難者。以困諸生。於是時請凝神而思。當其瓜蔓葛引處。便須如提太阿。截犀兕。刺虎豹。殊有獨得之解。當其單文斷簡處。便如入山者之轉窮谷。而劃然天開。如掘井者之及虎跑。而盎然仰出。此則古人所稱舞大娘之劍。觀廣陵之濤。而低昂舞袖。素車白馬。相爲踊躍于心目之間。翰苑瓊瑤 卷八 三六

與王鳳洲

茅坤

嘗誦南北二鳴編。王元美與李于菴相倡和之集竊感明興以來詩歌。何李爲盛。何景明及李夢陽已而唐高諸君。唐順之及高叔嗣又洵洗鉛華。獨露本色。然皆近體。獨二公遠遡騷人以後之旨。而揣摩之。高者入雅頌。次者宗漢魏。譬之逆流而航。亦雄也已。卽如五七言近體。及長歌絕句。諸

什。其匠心所至。甚且唐人所不能。而二公時時抽逸。響出別駕焉。嗚呼。甚矣僕乎。二公之什。縱欲効之。何異東鄰之媼。衰且白矣。聞西家之娃。珮明璫。披霧縠。燕歌趙舞於其堂。而顧令傅粉紅脂。空白咤歎爲也。然吳興故多文獻。弁之山茗之水。能無聞公之過而爲之吐英靈於其間乎。

與袁太冲

茅坤

太冲以忤當世。坐罪奪官。以歸。或傳太冲不樂賓客。往往匿身烟霧間。嗟乎。太冲其古之逃虛者乎。抑亦世之不忍於組繹簪紱之遺者乎。如前所云。則必莊生之傲漆園。而卻楚聘者也。是太冲所不可爲也。如後所云。則又區區於顧破甑。憐浮漚者也。是又太冲所不屑爲也。然則丹山綠水之間。吾獨不可掃巖而臥。枕溪而釣乎。

論舉業示兒

茅坤

舉子業。今竝以之掇科第。然於神理。未有能解之者。予所謂解。卽曩與蔡白石論文書。謂萬物之情。各有其主。而史遷以下諸作者。獨得其解者也。近觀方伎

傳如稱顧虎頭畫鄰女以棘刺其心而女輒呻吟吳道子畫驢僧房間有皴裂破逆之聲張僧繇畫龍點睛而龍忽破壁飛去古人一藝之微得其神解則以之呼吸人鬼如此而舉業並約聖賢之旨而成文蓋本其性情心術之微而摹寫天地陰陽之化者豈可不深之乎道以求致其解顧特沾沾然勦人舊蕪之言以續耳第目乎哉

答余司成慰子下第

董份

天下有可知者有不可知者使世之砥礪職業者必

翰苑瑣瑣

卷八

三

進爲顯官否則退博洽文學者必陟在高第否則黜如此則人皆得而主之詹尹無所用其卜唐生無所神其相而窮通自致貴賤有由天固邈若無預今惟其進退倒置黜陟不倫若以爲別有所司而特不得其朕屈原遂有天問焉今夫行川澤泛陂池領其長年三老之能與否耳舟楫帆檣之具與否耳未嘗呼天而徵神也及涉江湖有風波之險其神始靈及越海則風波益不可知其險益不可測恍惚左右若皆有神而其靈益甚至於鯨吹颶作雲黑霧迷咫尺而

安危殊瞬息而浮沉異故江海之上神獨靈而海尤著者謂天所主而人不自由也今兒賦才本拙基學本疎固舟楫帆檣之未全長年三老之未力此當歸責於人耳而場屋則司命之江海也有天在上有神在旁人何能擅耶

與宗方城

李攀龍

元美來亟會子相出遇都門之外信宿而去蕭然各有江湖之氣也壯哉邢州太守奉職無似一日治牘十日爲布衣之飲齋閣海內旁若無人郡城之樓不

翰苑瑣瑣

卷八

三

下數尺西望太行東望漳水北眺神京一瞬千里歸復雷雨乃歌黃榆諸篇以敵其勢則響振大陸秋色漂颯頽乎就醉遂極千載品物五子於中原右宗左徐哀吳郎之去國悼梁生之不祿是時也曾替牧皮爲未狂他豈暇論哉

雄豪與致
辟易萬夫

與王元美

李攀龍

秋高酒熟極思携元美子與輩飲燕市中醉爲吳歌相枕籍股掌間也而不可得又不能奮飛爲奈何郡

甚邇鄴滑，每能聞謝客新詩，滑令張佳胤亦美士也。嘗扼腕自恨不得見王生，嗟嗟！一時傾蓋遂成曠代之遇，精元契合，氣數適值，當今之世，舍我其誰？吾弟少年名家子，激清風於千仞，愈益振響矣。唯時掖進，勿負聯壁之約，不朽者文不晦者心。

又

辱諭兼得奉揚佳篇於指掌中，見元美近事，何似攀龍業已濩落，不爲齒奈何？元美亦復在睢，猶泮渙之間，假借姓名重他客也。明卿謫矣，吾道錯莫攀龍不去，難終不解，予相乃自謂與元美爲衆所急，攀龍郡國吏當末減也，此殊悞。

又

向見紫髯魏從事，併念足下不識玄德夫人，當如孫仲謀面孔否也。

又

徂暑之月，蓋不佞祗役上郡道中，忽隸自山東來，持元美報書及郵卒自隴西，以小馮君所致元美遺僕書各至，發之如見元美也。詩凡十有四章，咄咄生色。

矣。時攀龍披髮據胡床，高坐以奏江湖太華之篇，則飛霜自塞外來，朔氣逼人，肌膚胡笳頓咽，代馬躑躅也。悲哉！豈齊音故有騶生之風耶？秦漢以還三千載，乃有物如此。攀龍且歸矣，許長史猶在人間，得足下書輒馳示攀龍云，足下視管鮑直賢豎耳。

又

足下兄弟聯翩薦疏嚶鳴，聖朝二三子與伐木之響，兩游自輕簾君乃欲相吏耶？敬美乃負包宗舍吳之志，稱天下事未可量，耽耽欲作江南小英雄，尋將火攻伯仁，奈何不善備之也。

又

攀龍不幸中于流言，足下愛我乃能縷縷爲語，如汚已者是猶不以攀龍爲非人，足下曩固慮及于此。攀龍雖偏彊亦已，郡國一吏矣。方且局促轅下也，元美自信攀龍豈能以伯樂望衆人？卽間及攀龍他事，攀龍益不敢知。攀龍情民苟升斗粟餬口，卽飲河之願不欲爲，慮至長者攀龍亦名爲守哉。跡攀龍所御一朱轡而抱關者爾，猶尚不免于流言，胡爲爾日爾然。

磨折路傍，早晚解綬去已定矣。一州如斗，大日出而視事，卽不崇朝，閉閣臥也。燕趙南北殆千里，人相食，盜賊嘯聚，白日出禦人，卽那裏之間有羗犬，我輩何謂無益時理亂，何謂於吏治厭薄也？足下不示攀龍，誰復言者？今攀龍亦獨爲足下言爾。

又

日爲候足下者，小祇園清齋辟瘴，坐談名理，孰與相視海岱之間，雄飲盡石旁，若無人也。遂不知別時作何狀，旣抵西郭，茵馮之上，恍惚拍浮之態，元美在前。

翰苑瑣瑤 卷八

聖

泰惟四顧，月出之光耿耿流思耳。千古一快，唯足下念焉。今遣僕泗追謝足下，不遠數百里命駕者，是役也不佞敢忘，所以圖報乎。奏記諸臺，幸假一椽，屬與僕泗共之。恃足下爲代，豈依依於此。

又

不佞於足下，視猶元美也。豈以友于一堂爲可慰藉，斯人二三子，遂願交驩，此是足下載錫之常耳。奈何兼鍾竝毓，維天是私，崛起鴈行，翱翔氣類，使不佞聽焉，有意乎其來者。

報王令

李攀龍

天縱之才，辟之飛黃結綠，其步驟符采，人盡奇之，不必卜樂矣。不佞承乏關中，得足下于髫齡，蓋適遇之耳。自我不見，誰其舍諸？而敢貪天功爲已力乎？況復不數年而舉進士，出宰百里，由是以躋崇揚烈，龍錫之光爲不佞重，使得以藉多賢蒙鑒裁之稱者哉。輒辱存問，足明不鄙。雖足下性自篤詎，然卽所不遺，故舊而加意，百姓以爲百里父母者，可因識其循良之績矣。旣以緒餘成政，而游息于藝文，以嗣家學，奚但

翰苑瑣瑤 卷八

聖

仕優則然也。近會王元美備述足下爲屬吏之最者，狀云三郡一令矣。此公少推與而獨極口足下。

答江荆石

陸樹聲

弟疎慵屏質，情於涉世，自歸掃舊廬，意况粗適。譬之弱羽，傳枝不能軒舉，獨戀戀故棲耳。兄丈廉明，剛正爲時，羽儀使巖棲者，回藉以生色也。

與許穎陽

涂淵

不佞無臥龍之姿，而有麋鹿之性，少棲海曲，次寥無人，洗洋自放，讀書粗了大義，發爲詞章，好作寥廓語。

而才不逮情氣常浮格立馬橫槊意氣有之而不講於黃石之略徒野戰耳從橫江淮間或可得意何能當足下節制之師而足下謬見推轂倘非裏言乎

與申洹野

盧 枏

伯樂適燕燕王請見曰燕雖小固冀北天下之馬藪也寡人有馬願先生相之伯樂曰諾燕召國人牽上乘以見馬肥而茁潤黃金白壁之光流於月題伯樂曰奴馬飾之爾明日牽中乘以見靡鞭策絕兩衡介睨騰躍而趨齧左右也伯樂曰胥馬不可御爾又明

韓苑瑤瑤 卷八

雷

日牽下來以見溲溺膠其腹菽汁液其鬣骨象峻嶒進之如有遲也退之如有思也俛而噴仰而鳴若有所言而不能也伯樂改容變色一舉而三失走見王曰臣相馬三日一不中法今見王之下乘夫下乘固天下馬也而王斥之外廐母乃枯之皮毛而不能索之牝牡玄黃之外乎燕王曰謹謝客寡人弗識也夫今天下之士華言善服者居上乘奔利據要者居中乘言衷行成上微君相之遇下見困于草苴泥塗者居下乘足下乃于貧賤之士延之於閭閻爲上客賜

之坐及之話言胡獨能索士於下乘哉足下相士也伯樂矣

與屠長卿

張九一

九一歸自武威蓋邂逅孫德以吳仲文二君云二君竝稱門下天下士也又述所爲詩賦古體本諸黃初而近體逾大曆壽夢之鼎要離之劍觀者罔不易視聽矣九一結髮論交海內幾徧然澤麋而蒙雕虎之文尸鳩而附鷦明之羽比比也若門下實所罕觀昔漆園歎當世不可莊語楊雄謂後世必有子雲九一於門

韓苑瑤瑤 卷八

四十五

下固當世可語而不必俟後者鍾之應山山乃銅母月之從星箕風畢雨理有固然又安敢以未同爲解而自外於上足哉上足高僧振錫者

與繼津兄書

楊繼盛

承問足見兄爲國之忠樂善之誠弟不當阻抑之以隲其向上之志但愚衷有見其不便者數條請上陳之備採納焉此事部中允行而人皆避之蓋難其入而兄獨勇往任之則爲衆悅服今本部既束高閣而兄欲強行則堂官惡之同僚忌之此不便一也兄爲

拯援小第之故。離家欲害而無由。乃今自尋事幹。是自居受害之淵。數此不便二也。弟訪問宣大將官。俱云地方狼狽已極。兵馬必難整飭。所謂雖有善者。無如之何。兄欲任之。萬無成功之理。昨何道長慨然有開海運之請。一無成功。人皆笑之。此不便三也。到彼處行事。凡有謀爲。又先題請。兄自忖當道者果欣而允之乎。抑或故阻其所爲乎。此不便四也。許公之請。必欲其駐劄陽和城。兄無兵馬之寄。一遇有警。軍將各守信地。遺一空城。虜或逼圍。將何以爲。保身家之

翰苑瓊瑤

卷八

四六

四六

策此不便五也。整飭兵馬。責任甚重。萬一失事。其責當與將領督撫等兄自忖。其當道者肯恕兄乎。抑必加重於兄乎。此不便六也。細觀許多之疏。蓋恐一時失事。兵部叅劾。故扯兵部官在內。將欲謝擔於兵部衙門。且又云責令容彼提調。則若彼之屬官者。勢機在彼。持握豈得自專。行事無事之日。受彼提制。有事之日。替彼頂缸。成功難必。禍害預知。此不便七也。夫識時勢者在俊傑。此等時勢。兄識之久矣。而必欲爲此者。蓋一念爲國之誠。故利害有所不暇顧耳。然欲

幹天下之事。當思其如何下手。如何收煞。事成如何。結果不成。落何名目。死生雖不計。畢竟果不徒死。不思之思之。又重思之。第非阻兄忠貞之爲。若損友者。蓋真見事必不可成故耳。況此時兄十分小心迴避。猶恐禍及何乃自投禍機乎。情出迫切。不覺涕泣之道。直述其事。詞意不倫。幸惟情亮。

答沈君典

凌湛初

圖來對之慷慨欲飛。非先生神筆。豈令鄙人至此。但恨俱已點眼。若一時大發光怪。忽焉上昇。使鄙人又

翰苑瓊瑤

卷八

四七

四七

答李見羅

李贊

山水以人爲重。未有人而千里尋山水者也。閒適之餘。著述頗有。嘗自謂當藏名山。以俟後世子雲。今者有公。則不啻玄晏先生也。

復焦弱侯

李贊

蘇長公何如人。故其文章自然驚天動地。世人不知。

祇以文章稱之、不知文章直彼餘事耳、世未有其人、不能卓立而能文章垂不朽者、第於全刻抄出作四冊、俱世人所未取、世人所取者、世人所知、然亦長公俯就世人而作也。

與袁石浦

李贄

坡仙集、我有披削旁註在內、每開看、便自歡喜、是我一件快心、却疾之書、大凡我書、皆是求以快樂自己、非爲人也。

與李卓吾

袁宗道

翰苑瑣瑤 卷八
忽得法語、助我精進不淺、又得讀近詩、至白盡餘生髮、丹存不老心、遠夢悲風送、秋懷落木吟、使我婆娑起舞、泣數行下、近作妙至此乎。

又

方同諸兄遊上方歸、小休榻上、忽見案頭有翁書、展讀一過、快不可言、又得讀與焦弱侯書、又得讀四海人物、目力倦而神不肯休、今日又得讀孫武子叙、真可謂暴富乞兒也、不佞讀他人文字、覺懣懣讀翁片言隻語、輒精神百倍、豈因宿世耳根慣熟乎、雲中信

使不斷幸、以近日偶筆頻寄、不佞如白家老婢、能讀亦能解也、笑笑。

與袁石浦

陶望齡

天下有二等自在人、一大睡者、二大醒者、惟夢魘未覺人、謂睡着、則已欲醒、謂醒、則正在夢境、叫號譫囈、純是苦趣、僕覺者也、足下雖振其手、搖其足、未肯霍然寤也、欲自在、得耶、此古人所以願親近善知識、以爲甚於衣食父母也、長安如奕棋、世路日難矣、歎歎。

與袁六休

陶望齡

翰苑瑣瑤 卷八
此事如磨鏡、當投藥時、反益其暗、及藥垢盡、光瑩自然、勝前、乃知華嚴五十位、與尼父志學從心、年進歲益、本無了期、本無止法、此後又不知作何進步耳。

上馮琢菴

袁宏道

讀邸報、知拂衣還里、謬謂趣深泉石、興衰主絃耳、不意遂抱大痛、殊切惋歎、然以垂白之年、倦游林下、不謂不適、門拖行馬、庭滿芝蘭、不爲不貴、福緣如此、自當含笑蛻去、何恨哉、石火電光、理無常照、雞骨支牀、昔賢所慮、願益加餐自愛、至於蓼莪之篇、則二三弟

子廢吟久矣。宏病五月，屢牘乞休，竟不得請。然宏意已決，賤體稍愈，便當策蹇扣門，與師共窮生死之奧，不朽之旨，與言及此，自覺狂謬，惟師恕之。

與李卓吾

袁宏道

僕嘗謂六朝無詩，陶公有詩，趣謝公有詩，料餘子碌碌無足觀者。至李杜而詩道始大，韓柳元白歐詩之聖也。蘇詩之神也，彼謂宋不如唐者，觀場之見耳，豈真知詩為何物哉？

與張幼于

袁宏道

翰苑瓊瑤 卷八
以今致病，以病解今，今致病，今誠苦我病解，今病不樂我耶？吳中無足繫去客者，獨大小何君，經年未得傾腸一吐，為恨耳。

又

擲却進賢冠，作西湖蕩子，如初出阿鼻，乍升兜率，情景不可名狀。自今以往，守定丘壑，割斷區緣，再不小草人世矣。快哉！昔士安作傳，不錄兩龔，六百日縣令，恐遂不得與幼于同傳，但彭澤黔婁業已先之，舊史俱編入隱逸矣，何恨！

答李卓吾

梅國楨

丘長孺書來，云翁有老態，令人茫然，楨之於翁，雖心向之，而未交一言，何可老也？及問家人，殊不爾，又讀翁翦頭細書，乃知轉復精健耳。目病一月，未大愈，急索焚書讀之，笑語人曰：如此老者，若與之有隙，只宜捧之蓮華座上，朝夕率大眾禮拜，以消折其福，不宜妄意挫抑，反增其聲價也。

古今翰苑瓊瑤卷之八

翰苑瓊瑤 卷八

五十一

古今翰苑瓊瑤卷之九目錄

明

高拱 號中玄新鄭人

與李克齋

丁士美 號後溪淮安人

與李司馬

張位 號洪陽人

與金文宗

趙鉞 號桂野桐城人

翰苑瓊瑤 八卷九目錄

謝同科

盧柳南 號方山浮梁人

答友約觀狀元

申時行 號瑤泉長洲人

東朱年丈

張瀚 號元洲仁和人

寄中丞楊朋石

姜寶 號鳳阿丹陽人

奉瑤泉申相公

孫鑛 號月峰餘姚人

上陸侍御

又

趙用賢 號定宇常熟人

啓吏部陸五臺

鄒德溥 號四山安福人

上陸侍御

許國 號海嶽徽州人

與阮孝廉

薛應旂 號方山武進人

翰苑瓊瑤 八卷九目錄

答胡伯泉

蕭良有 號漢冲漢陽人

與王元禎

黃河清 字兆聖豐城人

寄總鄉黃二丈

與沈君典

范應期 號屏山杭州人

與張幼于

與張仲子

王應選 號牛山慈谿人

復江念所

羅萬化 號康洲會稽人

東魚臺令

王簞 號少廣慈谿人

與鄧孝儒

魏允中 號崑山魏縣人

答惠詩扇

蘇濬 號紫溪晉江人

與秋同年

與鄭道行

沈懋學 字君典宣城人

翰苑瓊瑤 卷九目錄

答黃先生

東胤峰許司馬

沈一貫 號蛟門鄞縣人

與金省吾

程廷策 號石鋒休寧人

東程伯子

東金福山

黃洪憲 號葵陽嘉興人

與潯陽董宗伯

沈位 號虹臺吳江人

上存齋徐相國

楊啓元 號復所北直人

與王元禎

徐中行 字子與長興人

上存齋徐師相

與王元美

凌約言 號藻泉烏程人

東茅鹿門

東王璉川

孫繼皋 號柏潭無錫人

復沈太史

何良俊 字元朗華亭人

翰苑瓊瑤 卷九目錄

奉聶雙江

祝世祿 字無功德興人

與王德儒

復汪廣文

黃道年 字玄合肥人

寄光聖宗兄

黃道月 字玄合肥人

寄宗兄光聖

寄許君信

黃道日 字玄合肥人

寄許君信

林鳴盛

字

閩縣人

東饒科舉生

王兆雲

號赤江麻城人

答許君信

朱國祚

號養淳嘉興人

答陸五臺吏部

李廷機

號九我晉江人

寄李思亦明府

吳國倫

字明卿武昌人

翰苑遺珠

八卷九目録

五

與李臨淮秀岩

答李于鱗

何三畏

字

華亭人

東子德翁先生

陳文燭

字玉叔河陽人

與李惟寅

竇子偁

東許君信

袁黃

號了凡嘉善人

東少松滕操院

謝荆石王閣下幣

顧憲成

號涇陽無錫人

東管彥寰

馮時可

字元成華亭人

上申瑤泉閣下

唐文獻

字元徵華亭人

東徐少游

周天球

字幼海長洲人

答王元楨

張棟

號可菴崑山人

翰苑遺珠

八卷九目録

六

東魏確菴總督

答陳範溪經畧

答王鳳洲

沈明臣

字嘉則永嘉人

與王百穀

王士騏

字澹生太倉人

與吳秀卿

劉曰寧

字

江西人

答魏甫佳甫二王孫

黃姬水

號質山長洲人

與歐郡博禎伯

湯賓尹 號霍林宣城人

寄吳典一

東泗源伯子

沈演 字烏程人

答劉惟貞

呂圖南 字爾博晉江人

與魏世愚

黃志清 字晉江人

與何伯英

翰苑瑤瑤 卷九目錄

林欲揖 字漳州人

寄陸太學

許以忠 字君信南陵人

東徐萬空

復鄧孺孝

東朱陵埜

與西寧侯宋忠父

孔四可 字成吾高淳人

與褚鳳林

東許君信

謫大將軍戚南塘公

與張凌虛

寄沈君典殿撰

梅鼎祚 字禹金宣城人

答劉維芳

童珮 字子明龍游人

與李惟寅君侯

張鳳翼 字伯起號凌虛長洲人

答王中丞元美

復劉侍御惠集書

與中立宗侯書

顧養謙

與屠長卿

翰苑瑤瑤 卷九目錄

包銳

東許君信

葉逢春 號和齋餘姚人

東張同年

詹萬善

復汪虞仲

虞邦譽

與朱帶河

與未琢上人

可求

東宋年丈

李之藻

寄陳贊府

錢士鰲 號麓屏

答范堯卿司馬

古今翰苑瓊琚卷之九目錄

翰苑瓊琚 卷九 目錄

九

古今翰苑瓊琚卷之九

浙姚 孫 鑛選

吳郡 陳元素校

明

與李克齊

高拱

公負振世之才。經綸未竟。遽乞病歸。豈所論托而逃。歟。子房之智。誠高矣。乃獨如天下。何。今海內尚爾多難。豈豪傑深藏之日。蒲輪且至。或未得遂。侔赤松也。使旋布此惓惓。

翰苑瓊琚 卷九

與李司馬

丁士美

往歲島夷肆逆。毒流淮海。慘不忍聞。幸聖明起舊。我翁壯猷。整旅累戰。而盡殲之。迄今遺安。數載膚功。赫赫光照。淮楊塗人。能稱述之也。何能謏。何能謏。近迺掩滅寇之崇勳。析縞軍之鉅費。蓋徂目前之寧謐。闇疇昔之艱危。無足怪也。翁承主上眷倚之隆。繫天下安危之重。幸無以此介諸台度。伏惟爲國加珍。以慰中外具瞻是望。

與金文宗

張位

伏聞門下楚鐸之振，聲猷赫奕，教決士孚，而且高標偉節，動爲世楷。知已平生，快慰之私，當何如。蕭春元來，承遠翰記存，感謝且。二生能誦動定甚悉，弟雍席謬分，倏踰半載，殊媿模範，無當大都。教弛士淪，一切轉移，竟涉文具，惟是上之所施，遇有關係，或稍風動。今士質可進者多，讀古今書，異日不憚憚面牆，聊塞教責云爾。此外空言之聒，行檢之采，祇增僞耳。亮大雅設施，更有妙處，不吝分楚之餘，以惠南國，尤幸。

謝同科

趙 鈇

謝存齋

卷九

二

三

僕之此行也，如涉崇岡峻嶺，然前者挽，後者推，凌兢盤折而後得度。及度，則又相顧色笑，慰藉之，飲食之，曰：「度一人矣。」度者，履平地，非不怡然喜。及回盼向所挽者，推者，尚在千仞之上，瞻望弗及，則又惘然傷矣。莊周云：「送君者及崖而返，君自此遠矣。」念之實有類于今日。計良鄉去都城六十里，儼然如在天涯，不知抵滁陽又當何如也。離索之懷，容嗣盡。

謝存齋徐相公

趙 鈇

今天下有一人焉，以身任天下之重，天下之士歸之。

如羣鳥依鳳，覽輝翔集，然猶遲迴周視而不敢前，而所謂一人者，非不知羣心附之，亦儼然任其去留而無所必。何則？固各有懷也。鈇蒙我翁造就之仁，及桑梓之愛，其拔而出之也，惟恐後時，以波臣易溺耳。今果出層濤，入深谷，晏然不驚，每側觀天外風波，不時大作，真有捫心出舌時也。可奈何？鈇去教下數月，杳如隔年，雖切瞻依，終遠光範，敬遣人代候台體，少申積思。伏願相公至誠以結主，無心以應人，使天下知有青天白日之心，又有虛舟飄瓦之度，則福益隆，澤益廣，士之所倚者不孤矣。不勝傾注頌願之至。

謝存齋

卷九

三

四

答友約觀狀元

盧柳南

聖天子策天下英豪而賜之官，爲首選者，既拜命擁出麗正門，黃旗塞道，青衫蔽體，馬蹄踏躐，望滿橋而去。觀者雲合，吁亦榮矣。然子欲爲觀人者乎？欲爲人觀者乎？若欲爲人所觀，則移其所以觀人觀書。

東朱年丈

申時行

驥足鳳毛，困於軫籠，亡論誼蒸者拊心，卽海內紳笏重爲不直，謂麗日中天，何穠桃有抱，背陽之歎，達論。

洞屬復翼展足當不令門下負此丹青也登堂宴笑
郎須之事幸毋咄咄作向隅耳追念不能去心顧門
則缺幸門下以此原我不則何自解於怒郝耶辱先
之笑况高情乃爾何得使人忘使還馳此

寄中丞楊朋石

張瀚

某自束髮誦習孔孟思欲飭行修詞進思狗馬之功
退不失枕嗽之潔視富貴利達貌如也一入世網浮
沉三十年生平意氣銷鑠殆盡取嘲笑於山靈呼牛
馬于兒稚譬之馴鶴甘稻梁秦鹿飫芻梗循除伏柵
鑒其隱時時感念竊聞上書新皇宜有徵言大略
足以格心意善政治昔人所謂剛毅正直守之以寬
忠恕仁厚發之以義要在有所感格非夫倜儻矯異
非常驚詫之論逞辯智以塞言責而已

奉瑤泉申相國

姜寶

惟門下宅首揆以來蕩平正直曾無有幾微好惡偏
黨真可謂能有相度近聞於百司事一無干與惟應
之以虚心而裁之以公道又真可謂能得相體矣從

是當見宗社之日以寧謐海宇之日以清平某昔
所稱太平賢相惟門下可以當於今幸見之非佞語
也山林衰朽之人本不當寓竿牘涸台嚴然自惟兒
昌蒙收錄門牆培植之造就之某又蒙通久疎濶之
情於江陵相國左右稍得自適其叢積之愆咎此一
段高情厚誼既不容自疎自外茲遇國家得大賢
為元輔造千百年泰山磐石之安則尤我素叨知愛
者公心為世道慶當居他士人先於恒情殆不啻倍
蓰而已也昌在彭城一會上候起居聞辱恩慈齒及

奉瑤泉申相國

五

焉顧迂疎其又何當此謹齋沐馳尺楮以將寸誠某
瞻望台光不勝戀慕伏惟為道自重為社稷蒼生
自愛不宣

上陸侍御

孫鑛

自昔辱厚愛甚至比玉節南發薄冗未及躬餞有懷
耿耿伏惟門下直節遠略超邁時哲一時聲譽赫然
冠於西臺今出按江右持斧專斷抑豪猾扶貧困揚
清激濁舉吏治民風而一新之頌聲四馳將俟海內
回心易習非徒江右之人受福而已也奉翰教知念

存之厚、不以遐遺、甚感甚荷、使旋肅此爲謝、冗次百不一、悉統祈炤亮、

又上陸侍御

孫鑛

辱手教、不鄙非劣、諄諄下問、甚盛心也、顧不孝素昏昧寡識、今銜哀衰經之中、羸然視息、僅存、復安能罄一得以贊遠猷、徒厯虛懷、有媿汗洽其背焉、家母承厚奠、賤兄弟感深大骨、憲臺清肅、不敢以微物爲謝、益深跼踖、謹因使者附布鄙悰、總希垂亮、

東陸吏部五臺

趙用賢

謝苑瓊瑤

八卷九

本

居都歲餘、卽不能數奉言笑、然所被提獎眷存者、亦旣優渥矣、昨匆遽南行、未遑一叩別門屏、甚自哀愧、茲仗庇已抵天津、遂揚帆乘流矣、日遠台光、能無悵悵、輒附送役還、草率裁謝、諸懷悵悵、統惟慈原、

上陸侍御

鄒德溥

惟我老公祖碩德宏才、爲天下鎮、不肖欽仰高誼之日久矣、天假德星、照臨我江右、下吏祇若丰采、莫不藻心滌治、以承下風、其黔黎定受無疆之福、而不肖復得瞻範都門、先承休嘉焉、卽古所稱爲李若御、何

榮是矣、以憲節方肅、不敢一通尺牘、而尊翰儼然先之、感當何似、役旋肅此、少布謝忱、統惟台鑒、

與阮孝廉

許國

伏讀翰教、公移、及佳刻種種、爲丈欣幸、又竊自慚也、老年伯心事行誼、宦蹟鄉評、輿情不謀而同、國議不久而定向之、汶汶亦足自白、丈之孝思、庶乎少伸、故爲之幸、弟忝通家子、昔聞浮議、旣能助微力、今觀盛典、又不能贊一詞、得無慚乎、然義動兩鄉、廟食百世、軒綬或可以偶圖、俎豆不可以倖致、生前之譽聞猶易、歿後之謳歌寔難、纂國史者、固將特采、司風教者、豈復生疑、丈亦可以無慮矣、偕計在邇、良晤有期、不盡、

東獨山孫郡丞

許國

公以經濟宏才、佐理劇郡、八面應敵、在在奏勛、夜半前席、不日內召矣、國也、素切瞻韓、末由御李、茲舍姪良和、叨仕屬下、極口我公矜矜厚惠、不勝銘鏤、風便聊省興居、兼爲舍侄致謝悃、千里神交、不嫌未同、惟公照亮、

答胡栢泉

薛應旂

旂讀公籌邊疏草。經制機宜。巨細周悉。雖是趙復生。韓范再出。文章議論。當不是過真。非請纓繫頸之虛設也。鄙衷慷慨。益切向往。以爲有人如此。天下事無難爲矣。不謂當事者。不能破格用公。而持國是者。乃復顛倒其說。此何理哉。公今潛卷滁陽。益明宿學。於公何負。但權衡人物者。似不當如此耳。邇聞當宁寤寐求賢。恐永叔不當終爲醉翁。而豐樂亭間。不能久羈公之迹也。使旋奉復。惟孚亮之。

蘇東坡

八

與王元禎

蕭良有

往都門晤顧叔時。及劉伯子。則知有王先生也者。劉伯子同里耳。叔時馬牛風不相及也。乃猶交王先生。而不佞顧憤憤焉。能無責沈之文哉。此之意蓋嘗與徐春鵬丈道之。而不謂春鵬丈卽轉致也。又不謂足下過聽之。而遂過注存之也。手書之辱。足下意良厚。乃不佞悚悚有愧衷矣。惟楚有材。自古稱之。而數不能得志於京闈。尚論者憾焉。是在足下哉。是在足下哉。願努力勉之。不必爲劉伯子尊人。而爲顧叔時所

以厭京闈。京闈所以張楚也。僕行矣。惟日望之。馬首已西。詞不宜悃。統之容嗣圖焉。

寄德卿黃二丈

黃河清

別後殷殷在念也。豈而今四外無豪傑哉。兩令弟英英可人。弟更得兩知己。聞之于足下。快也。若何。佳作已皆付刻。但些須不堪成部。第一番心力。欲用之有實地。南羽不絕。不吝遠擲。非止慰我海內引首者。共睹之矣。足下豈有意乎。長公高臥。當道所惜。弟舌甚利。對人輒刺刺不休。然不知于長公未面也。誠所謂相知心者。與盛价之便。附此一訊。古書數種奉覽。餘統倒之三郎腹中。故不備。

與沈君典

黃河清

循良風。邈政。慘秋荼。沒齒來。未甚見之。廉叔度來。何暮。其在今日與。

與張幼子

范應期

掩扉山中。百慮灰稿。實以多病逼衰。揣分知止。非敢舉箠蔽面。求避元規之塵。以冀終南之捷也。執事下帷發憤。臥閣著書。卽今海內士人。無不知有張仲子。

者亦足徵宏遠矣。豈必一第爲多哉。別去忽忽一年。時切注想。秋來兩感暴症。僵臥四閱月。纔一出門。偶過舍親所。念使者函書遠訊。情見乎詞。新裁舊染。座客噴噴。豔羨拜賜之侈。重逾車馬之餽矣。來使迫于反命。草略附謝。膚力漸充。擬赴胡原荆梁溪之約。披襟道懷。當以春半花滿爲期。執事其待我于石湖之上。諸惟函炤。不具。

與張仲子

范應期

掩扉山中。百慮灰稿。實以多病逼衰。揣分知止。非敢舉簔蔽面。求避元規之塵。以冀終南之捷也。

復江念所

王應選

吾丈名世上才也。往從長安邸。耳聆華篇。琅琅珠玉。則旣目攝而心企之。願爲執鞭。今且十年。所以乃獲從薦書之後。竟爽齊鰲。戚然稱兄弟焉。可不謂天幸哉。榜後知丈以大艱歸。倉卒中不及修禮。茫然心折。乃遠惠瑤札。頒之珍貺。弟則何能當焉。感媿甚矣。萬物同盡。幸勿以過哀自傷。且讀禮之暇。游意今古。劑量萬變之務。計當益熟。異日者。出而對大庭。肩鉅務。

批隙導窾。綽有餘地。豈若弟輩。旅逐鵷行。風塵役役者哉。日月不居。禪除伊邇。佇聽北征。欣承榮問。使旋值有大計之事。草草附謝。尚圖嗣候。不次。

東魚臺令

羅萬化

貴治土地人民。夙稱疲且梗矣。乃日者過之。覩疆域之犁鋤。知盛德之壅闢。卽林木之森叢。見仁政之栽培。載接寮案。旣覽役屬奔走趨踰。轉盼指顧。無不人奉約束。轉疲爲沃。易梗爲良。我翁風猷政績。此其章章較著。行必爲當道薦擢無疑矣。以是知赤縣者。乃翰苑瓊瑤。大卷九。青瑣之先資。魚臺者。誠烏臺之小試。今日福星他年霖雨。不卜可預必者。不佞如萬化。言不足以驚人行。不足以範世。乃得以接清陰沐玄論。感賜豈眇解哉。忝旋附此。臨楮軫結。

與鄧孺孝

王荻

朱方風雅。足下囊括殆盡。僕每過此。輒翹首流盼。以不一幸。覩眉宇爲恨。今復請告。急趣廣陵矣。然已與兩荆君約。擬返棹一哭其尊人。或得併覓良觀。參入郊扉。聽哇丁。薦朱櫻。足下亦有意乎。

答惠詩扇

魏允中

扇頭佳製。風風乎。直過唐人門戶。楷法遒麗。要使鍾顏三舍。不意赤水玄珠。乃得之罔象。什襲藏之。猶不覺時時發光怪也。

與狄同年

蘇濬

風縠水紋。月翻花影。此天地間自然景色也。時取足下佳製。顏顏之真足與化工並美麗矣。

與鄭道行

蘇濬

武夷風景。領袖八閩。距足下所游。不甚遼隔。濬倘獲

翰苑瓊瑤

卷九

十二

三

南翔邀足下共叩武夷君。一葉一樽。唱棹歌九曲。幔亭在上。曾孫在傍。懸崖寒溜。冷冷齒牙間。當不讓華嵩太和也。

答王先生

沈懋學

郡邑兩侯。茲求繼美使。一天湛露。四境生春。僕之心。僕之責也。奚俟丁寧哉。

東胤峰許司馬

沈懋學

大臣佐天子以孝治天下者也。故史嵩之不致親喪。諸生作捲堂文矣。江陵公聞計不奔。僕以疏聞。屢

匿不報。竊念僕遭聖朝盛際。狗馬未效。一旦丁今日事。官可黜。頭可斷。何可使綱常減自大臣始也。此志不酬。憤鬱成嘔血疾。以故歸志牢莫能破矣。寧復習作。聾啞翁而鼠竊國家之廩餼哉。僕行矣。門下當披肝瀝膽。上補衮闕。下拯時艱。使天下稱爲忠蓋臣。僕卽蒙霧露於溝壑。且將與伯愷諸人挽手夜臺。以快覩知己者。豪哉舉矣。

與金省吾

沈一貫

自丈秉節都門。執袂言別。自後不能一望台光矣。卽

翰苑瓊瑤

卷九

十三

三

尺素猶滯。可勝瞻係。而丈以憂歸。弟亦旋受先太夫人廬。兩地傷心。音問遂渺。長安昔游。如夢如寐。百年離合。能幾何哉。恭聞大振文德。楚多士。蠅興將與鄒魯齊風。訢訢如也。甚盛甚盛。回視堅儒墨守儒林。無能效一長於海內天淵矣。因舍親歸州守。謹勒短狀。奉候雲樹蒼莽。跂望百感。

東程伯子

程廷策

頃部使者搜賢郡邑。以不肖應命。方切愧心。遽此機而解韋帶。起闕下。何仲木不信我。乃爲北山移文。南

山捷徑。要非其人也。彼管庫伊呂。而父老堯舜者。豈肯易斯志哉。惟足下亮之。

東金福山

程廷策

僕今調郡。爲歸計甚適。頃發武陵。見漁舟繫纜。問之。何不去。曰。風如此。雪如此。前途風波。不良舟楫。僕憮然。曰。命之矣。謹復。

善狀善喻
情見于詞

與潯陽董宗伯

黃洪憲

洪憲推魯豎儒。文質無所底。微時厚幸。濫廁詞垣。每

翰苑瓊瑤

八卷九

十四

十五

聞學士先生長者。品隲前猷。譚富代鉅儒。鴻烈靡不抵掌。頌先生個儻非常。文章學術。振耀千古。今綸扉之上。承明金馬。著作之庭。藉得起先生于東山。相與典潤皇猷。鴻裁國史。不足稱愉快乎。此輿情衆望。真不啻如泰山北斗。爲天下所宗嚮也。鄉東晚進。疑啓寡聞。無足當鞭箠使者。而先生篤粉榆之誼。念肺腑之情。屢借吹噓。猥承盼矚。固知長者休容。軼追吐握。而小子何識何脩。繆膺寵倦。若此。所謂恩重丘山。義等灰沒矣。頃者率爾北轅。弗及。樞衣登別。而鼎翰瓊瑤。

儀儼然辱而貺之。且獎詡溢分。屬望過情。長跼捧讀。

且感且愧。語云。崧高在前。丘陵無色。明公操一代作。

者之衡。蜚鴻藻振大雅冠冕。人倫羽儀。世道培護。蟻

蛭。惡敢望泰華之一卷哉。顧高山景行。仰止芳躅。以

私淑自艾。則區區之夙心。所不敢自棄于長者也。今

天子寤寐英哲。訪落猶勤。安車蒲輪。旦夕且至。從茲

鹽梅。聖德霖雨。蒼生爲社稷無疆之計。天下幸甚。

小子無能爲役。惟願竊四壁之光。徼九重之潤。以爲

終身依庇。是所私于先生者耳。台光漸遠。瞻戀彌殷。

翰苑瓊瑤

八卷九

十五

謹肅一介起居。寒淺不恭。無任惶悚。

上存齋徐相國

沈位

某聞司馬公之入相也。舉朝之臣。皆曰。相司馬矣。間

巷婦人小子聞之。皆曰。朝廷相司馬矣。遠而至于窮

廬。逐水之鄉。侏言左袵之輩。聞之。亦皆曰。中國相司

馬矣。夫士相與悅于朝。民相與忭于野。而四夷相與

慶于邊場。方是時。其門生故吏。豈無自幸之心哉。亦

能無幸吾相享天下之譽哉。而公顧何以得此。若熙

寧間。天下多故。公口不談新法者。且數年。德望之信。

于人者日深及其一朝執政而天下翕然尊之如秋水赴壑無一人異同者其勢然也今我翁之爲相亦若是矣雅重而發之以厚正直而容之以寬德被生民量包天下上爲天子之所倚信下爲百執事之所推服而四夷君長之所畏懷故自執政以來世路清夷士民樂業百官奉法而至于郡縣之小吏莫不淬勵以自效于下風而求免吾相之憂此其功業之宏偉聲名之赫燁譬如富貴之車服儀從人皆知其宜然而非僥倖于一時者也古之君子能坐制天下

翰苑瓊琚

卷九

其

而收其成功者未始不本于寬厚若翁之德之量其何足以窺其幾微之萬一然先伯父辱翁爲同年交最厚某是以得入侍以燕閒之間而聽其議論之末則某之所以窺翁者意或在此蓋翁之德望與司馬同而量則過之朝野之大蠻夷之衆與夫門生故吏所以私相自幸且幸翁有以享天下之譽于無窮者亦甚于當時之願司馬而某亦幸者之一人也某荆楚賤士固不可以言高獨念自幸之私無以上達是以恣其說而無所忌伏惟翁少垂察焉

一氣呵成可作師相行狀熟讀全篇方見筆力

與王元禎

楊啓元

客歲見南國賢書甚用駭愕不平蓋兄丈具有用世之略亦已久困不宜更復困自鄙人微幸後始爲兄丈平之蓋三復孟氏疾疾憂患之訓也鄙人得此磨礱之力自以爲可矣今出入風波中駸駸有搖奪之勢乃知其果未也則兄丈之久困更復困正其得天之厚而鄙人所爲解其不平之意者也盟誦教僕二書一日不易所守二日無負平生幸甚幸甚敢不佩

翰苑瓊琚

卷九

其

服惟兄丈益厚其積益韜其光益完其運用天下之術時分餘緒以惠鄙人尤所望也不盡拳拳

上存齋徐師相

徐中行

曩中行武曷時仰辱鼎翰垂答正海寇之子操戈時也中原仗義之士方欲鳴鼓攻之門下顧置之不校而於畸人之淪落扼腕不已蓋不啻劉越石之於盧諶也高誼耿耿豈非千古一慨哉尋徙滇池則又去門牆萬里矣雞肋何物鬼國何親矧遲暮未了之身乎欲迴車者屢矣而同好書來謂金馬點蒼城外之

勝在焉。如大教所云。乃黽勉抵任。間一登太華。見西北浮雲。往來吳會。鬱紆久之。而吳關紫氣。奕奕如昔。乃稍自寬解耳。然中懷依依。無須臾不在五湖之東。九峰之南也。夏生來。得拜台翰。悉起居及承書中慰藉之首。肩頭寫懷之篇。欣然若暫侍几。歸也。弟觸事興懷。則感歎繼之矣。門下脫躡萬戶。拂衣五湖。寧有意人間耶。然不免如夏生云云。正謂鴻鵠已翔於寥廓。而羅者猶視夫數澤。不亦大笑哉。頃聞座客常滿。而飲量益寬。不肖豔慕殊切。非久當掛冠作彭宣後。

翰苑瑣瑁

卷九

六

堂客矣。不腆聊供譙具。惟尊慈命之翹首三江。不任馳戀。

與王敬美

徐中行

讀和李詩。翩然歷下生語也。青雲並秀。白雪雙高。于鱗豈私足下哉。吾黨氣色益復橫絕。卽五湖爲酒。南斗爲卮。醉我千日猶少也。扁舟之興。春來如約。必不令西湖獻嘲。東湖騰謔矣。弟山靈有此善緣否。

東茅鹿門

凌約言

宣風遐服。固不待金門詞客。然丈夫壯遊。不辭萬里。

雖宣尼父亦東南西北人耳。知江山之勝。高軒經過。皆入品題。亦可增滿詩囊。旦夕內召掌制。刻成瑤編。一二百卷。亦不朽之盛事也。願卽命駕。

東王璉川

凌約言

吾吳山水清遠。其靈秀所鍾。奕爲人文。近時科甲浸盛。而綴詞之士。亦蔚然雲興。授經如馬融。問奇如子雲。叩之則洞晰無隱。使簪筆詞垣。豈在王漢陂諸公下哉。

復沈太史

孫繼皋

翰苑瑣瑁

卷九

九

夫人著敬亭之屐。泛宛水之槎。近與開之浮大白。廣大雅。胸次開朗。陽陽陶陶。一食刀圭。白日生翰。自有一種仙家趣味矣。若儂臯者。血肉凡軀。不能從八公輩翱翔。僻回里中。行檢無當於月評。又不能與蓮社列。爲五柳先生掩口竊笑者多。多自謂長絕於宮林矣。庸知丈人者。猥以清書翩翩自雲間下邪。望過平生歡騰兩頰。亟取讀之。感激百倍。欬欬淚下也。又人與開之垂念儂臯業已三緘。到錫山矣。愧儂臯東樓思婦。腸斷玉關。天寒剪冷。不復知有寄衣曲也。那能

織成錦字、如蕙娘之上。獻哉時因青浦役旋附此先聲、秋鴈飛來、當有別繫。

奉聶雙江

何良俊

俊服膺明訓、不敢妄有所圖、且衰病日久、僅存皮骨、若更稽緩、是以軀命博一官也、先生於當路之前、少賜吹噓、得畢此生、歸臥海上、走受賜多矣、不然、拂衣而去、亦不難也、謹此奏記、伏惟炤鑒。

與王德儒

祝世祿

大火西流、涼風在樹、兀坐齋頭、願刊落詩字之枝情。

翰苑瑣瑤 卷九

三

景蕭爽、咄咄可人、獨慚爲寒蟬給事、無可藉手以答明時、兄居輦轂之下、無間雅俗、鉅細衆聞、獨見可無所以詔我。

復汪廣文

祝世祿

廣文清寒、儻不忘簪履之舊、草草八行、見近况足矣、奈何以此相加、義無可受、昔王丹與故人別、無以爲贈、贈之以不拜、不佞不足以當王丹之故人、而欲王丹足下以爲賢于今之足恭者也。

寄北聖宗兄

黃道年

每仲弟語次、輒首稱足下者、軒軒霞舉也、不佞寢處山澤中、喜接意氣、恍慨之士、所嚮往于足下者、蓋與江流俱東也、雖未被霑接、而兩地神交、同之舊暱、讀芳論、倍增氣色、未知肝膽向誰、是不佞尤所急于足下焉、不佞亦有心人也、誓效之尺寸。

寄宗兄兆聖

黃道月

瑤華復翩翩下山中、故意勤懇不淺、夷堅不下齊諧、索隱人皆空目、此足飽之、雲箋首俠太史、太史得死所哉、足下于友誼、自范張後罕覩也、海內有心人、乃

翰苑瑣瑤 卷九

五

在豫章、抱甕外史、數語英英、後死者不得與于斯文、藉此徵信、逸事不足存也、秋夜露坐、銀河瀉冷、壁蛩作吟、神馳不禁、私計咄咄、狂奴別白下三年也、乘興作一歌行、秋鴻不南、煩思宛篤、以一莊奴負書候足下、知晒爲溧水一僕來也、所將殊不足、甕頭一夜、知片心炯炯左右。

寄許君信

黃道日

弟如非丈夫也者、當于山林中求之、只今蒿目憂時、方圖爲不負足下雅望、計又何忍自棄也、足下教我。

無非欲弟俯首隨時然弟亦知過高之病生于求知千載之後不甘與眼前齷齪輩爲伍耳頃自七月以來三千丈王氣每每捉筆按之視孔丘孟軻語若復孌孌依人因循之久覺與之親一切古圖書漸已上塵雖云自出萬不得已之計乃家人里閨無不以此規三郎行藏人情世態其樂趣廊廟有如赴矣時與家仲譚不免一粲人之相知貴相知心捧誦足下雲翰可謂先得其同矣春風不遐面譚可必餘情總俟之

翰苑遺書

三

東錢科舉生

林鳴盛

騏驎自空羣慚言伯樂鳳凰今有象喜際明君二日先試鹿鳴九日快覩龍奮旨酒宴賓聊陳鼓吹之頌薄言勸駕願效茹苴之征

答許君信

王光雲

車騎辱臨紫氣經夕未散佳章復至更增光焰幾丈矣序文來午奉謁躬致且不媿媿

答陸五臺吏部

朱國祚

恭惟門下雅度淵停古節嶽立海內聳聞丰采久矣

茲者奉命按江右江右莫不欣欣歌詠譽望滋重盛德所感召然也不佞祚幸屬鄉末無繇通問迺荷翰儀遠錫莊讀登嘉不勝悚媿使旋敢布謝于下執事惟高明垂照焉

寄李思亦明府

李廷機

自燕臺會晤惟如平生不意走得蹇困而公亦遇明夷旅人且天各一涯不及握手說舊事悵當何如矧忽二年而兩經秋換幾番計謀書問其如衡陽雁斷乎雖然屋梁顏色何地無之昨于家兄署中覩邸報知已還朝陽近日月矣此蒼生幸何止故人彈冠哉

與李臨淮秀岩

吳國倫

頃過金陵辱承教雅重筵厚贐尤非鄙薄所能承別且踰年無從申謝乃三山二水間無日不延佇矣胡茂承爲生乞叙許相公今始得之成書乃敢先束一部寄覽幸賜裁教郭大司馬遇生過厚亟欲通書屬茂承不欲以布衣見尊貴人遂復不果嗣容再圖相見一道鄙意千萬千萬

答李于鱗

吳國倫

天門日觀其容幾何、迺使二大夫飛揚其間、人所不
到之境、雄視千古如是哉、幸告山靈、楚狂且至矣、

東子德翁先生

何三畏

曩間兩浙之間有翁先生焉、以行書樂四方、又能以
禮延接天下賢豪士者、頃歲從太末尹君譚、具得先
生之槩、先生蓋博雅好古君子、賢而隱於斯業者云、
則不佞竊竊鄉往之、往之顧先生之心胸而不識先
生之面目、良用爲恨、間將治裝遊武林、行且握衣以
謁先生、此時圖一倒素襟耳、

與李惟寅

陳文燭

長安一別、音問阻脩、追憶與維錫子靜思伯懋功公
瑕裕卿惟敬諸君子游、甚驩也、乃足下調高思逸、裨
益俱多、卽諸君子之興賴足下振之、非但不穀已也、
昨至淮陽、歷牛首雨花采石諸勝處、恨不與足下大
醉相倡和如疇昔、今簿書冗冗俗吏矣、卽足下坐白
雪齋中、與諸君訂舊盟、得無念江淮間有沉淪故人
乎、家大人承草堂之詠、薜蘿生色、風雨自驚、業有詩
卷呈謝、

東許君信

寶子儼

月夜渡江、風帆如飛、回顧南岬、則故人有衣帶之隔
矣、別後何狀、更於何日握手、以慰所思、歸來乎、迫冗
爲苦、得荆卿論千古、道意氣、差足自解、然未嘗不思
足下、海內安得有此人、亦安得常共一地、壯丈夫氣
色、時座酒間、家兄之伴、有報入白門者、草草寄心、不
盡欲吐、

東少松滕操院

袁黃

臺下碩德厚望、旣府江南、乃引一新進小生與之抗

與李惟寅

三五

禮若平交、然生亦不遜、儼然履大賓之席、掀髯鼓頤、
高論疊疊、不置、夫公卿不下士、尚矣、乃特見於今、又
親於其身、幸孰大焉、生雖頑鈍、不敢自齒於國士、然
亦不敢不勉、附國士之後、以成臺下禮賢之高節、此
豈生一人之榮、夫以公卿之尊、而折節創行古道、寧
不可起世教之衰、而鼓士氣乎、是臺下爲斯世斯道
屈、生亦爲斯世斯道受此禮也、今而後能日磨日煉、
日脫其舊、而日進高明、庶幾不負臺下之禮遇、不然、
遭國士之知、而行不離於凡人、貽玷臺下、不淺矣、生

實。廩。廩。懼。聖。世。典。刑。實。在。臺。下。何。以。教。我。聖。人。多。
過。賢。人。寡。過。愚。人。無。過。向。所。奉。告。者。亦。願。臺。下。留。意。
也。君。子。一。日。不。見。已。過。則。一。日。不。新。相。別。之。後。正。長。
繼。此。而。會。當。計。日。以。仰。臺。下。之。新。德。疊。領。華。筵。又。辱。
嘉。惠。翹。首。感。恩。然。徒。以。空。函。奉。謝。貧。士。贈。言。故。當。然。
哉。

謝荆石王閣下賜幣

袁 黃

四十餘年青瑣之債賴閣下始償三百五十黃甲之
英忖鄙生獨幸甄陶惟一感激則深銘心不足以叙
翰苑瑣瑣大卷九 三六
欲報之詞瀝肝不足以繼感恩之涕况復憫芻蕘之
未試念桑梓之當極曲爲吹嘘俾獲將事舊恩未報
新惠轉滋乃又寵之以華筵申之以厚貺矧予何以
酬生於父母朽株何以謝德於乾坤哉九頓登嘉寸
心啣結

東管彥寰

顧憲成

憲成無所曉識得稱年兄弟於足下藉天緣也頃者
聚首都門放浪形骸挑燈話曲把酒論文隆情渥誼
卽一胎者無以踰之矣偕計之後擬得再附仙踪不

謂神驥暫蹶而驚駘劣質倖進於跬步遂使百年知
已天各一涯悵悵然以足下之氣骨丰度奚慮一第
南旋後度必破釜枕戈計在必克捷丙戌之大魁者
可唾手至也別後奔風未遑脩候疏節之罪擢髮莫
數矣乃辱扇簞之賜數日來引扇則疾風驟至臥簞
則中熱自消足以惠我以瓊瑤使憲成將何以爲報
耶感劇感劇

上申瑤泉閣下

馮時可

伏聞 天子睿聖迷陽蒞施不吝翦伐深爲天下幸

翰苑瑣瑣大卷九 三六

慰然而良工苦心亦孔熯矣時可近嘗玩易究古聖
賢所以處世變而知先生之業在乾之九三九四也
九三居下之上于地爲危故其爻曰終日乾乾夕惕
若厲無咎而孔子贊之曰反覆道也九四居上之下
于勢爲疑故其爻曰或躍在淵無咎而孔子贊之曰
自試也惕而反復乎道則雖有所慎而非顧忌之私
躍而不離乎淵則雖有所試而無亢滿之咎惕而不
以道是循循者也張孔所以容身也躍而不能下是
翹翹者也陳李所以賈禍也循循者旣不足立事而

翹翹者亦無濟于事是皆不明乎易者也。以先生簡在帝心。膺龍光之慶。固無危疑之迹。而當茲國論回通人心滄泚之際。兇虎矛戟隱伏于莽。亦有危疑之機矣。然而本之精白。濟以臧嘉內持。夫有方而外與之無崖。慮不動乎几席。容不變乎禮結。而詭隨惛愒。翕然自息。正所謂能惕而能躍者。更危爲安。轉疑爲信。豈倖致哉。豈倖致哉。

東徐少游

唐文獻

吾社中都聰明丈夫也。獨獻者不聰不明。幾不稱夫

翰苑瑣瑤

卷九

三

矣。緊諸丈是賴。倖得聽鹿鳴雋南宮。魁大庭。作玉堂一冠帶書生也。斯時也。翠袖傳花。朱衣折簡。吐氣成五彩。飛捷遍三江。譖謔此果游夢境耶。抑入仙宮耶。宴上猛省諸丈。不覺泫然淚下。滴盈酒杯。蓋舉君恩友誼一吞注于胸中。而經今心醉矣。追惟不肖未遇時。家叔往弔少陵公于宛陵。遇黃陳兩術士。家叔聞渠嘗決少林公有驗。尋出賤造謀之兩士。兩士者同舌期不肖有今日。且爲券之。能加勿色于塵埃。此亦當世之君平乎。吾社中人人發俱唐子。固不必譏矣。

直年次之先後。不可不令渠推步之也。萬里外惟願諸丈破釜夾策。以收大業。不肖當綴籤天祿以待焉。燕雲吳樹。分隔天涯。書付郵筒。心神翬翬。

答王元楨

周天球

目眇如霧。已不能小楷。稍大者如命。公素善臨池。真得君家右軍嫡派。僕所歆慕。奈何復問道于盲也。

東魏確菴總督

張棟

大疏指事詳確。抽慮周當。自今別爲章程。悉改狗虜故轍。猶或可以障末流而挽萬一。不然宋禍且立致。

翰苑瑣瑤

卷九

无

矣。每年巡按御史劾實具奏。甚佳。但貴得人。苟非其人。亦能扶同誤國。卽今西事不有誇詡其詞者乎。獨非執法使者乎。蓋世運日衰。肉食者以全軀保妻子爲上計。共效悞熟。世方目爲老成忠厚。而認真任事。不顧嫌怨。且有好名立異之疑。可歎也。不特邊事。凡國家事。盡犯此諱。奈何奈何。臺下負有實心爲國者。敢以私衷質焉。手勒弗次。

答鄭範溪經略

張棟

上曾借路南行。我兵奮勇一創。前示云。獲級八十。

類亦未爲首功不多矣。邊事披靡數年來專以殺賊爲諱。今得臺下弛其禁而又能鼓之使用命。眞千載一時也。但諸會循習故態蔑視中國。雖曰借路若履坦途不虞我兵之敢於拒阻敢於截殺。今一旦被創而回此其蓄忿必深懷報必切。自今以往須計出萬全事圖長勝庶不能保其不來能保其來而必創爲幸之幸耳。引領西望佇聽好音臨楮不勝惓切。

答王鳳洲

張棟

離家兩旬日始得渡江不肖故多火疾朝夕御舟致

翰苑瑣瑣

手

肝木扶心火展轉作惡旅况殊不佳正望小力還可奉長者命言以開胃次而何當專使鄭重賜贐捧械啓誦言言藥石不肖久所盟心固不能紆迴以迎合在上者亦不能矯強以傳會在下者自信其一點虛靈終未敢昧如長者來命中立而徐察之不肖謹佩藏以去矣第所云廟堂一公論庶僚一公論不肖尚未釋然於中天下豈有兩岐之道耶此公則彼必私彼公則此必私無待其辭之畢而世固有誅心之論矣長者有意不肖之人何不明惠之教約束之使

就公而背私也若乃台馭之久速不肖固不敢挽之而止亦不敢贊之必去茫茫海宇如翁清望可更求其次哉而使安於林壑定非盛世之事彼萋菲爲者或借翁以攻其所必爭然予者終不勝嘲者則翁去就皆可夷然無憾耳高明以爲何如先業不足收辱長者許爲傳之此子孫雲來世世之感非筆舌所能稱述也舟次恐稽公使匆遽布復未宣

與王百穀

沈明臣

去夏握手承大篇之贈玉趾賁臨敝邑不得追隨後

翰苑瑣瑣

手

先山川何幸躍履高人品隲之餘榮光曷旣僕從闕返抱病杜門江上形容忽焉已老足下負驚世之奇姿自致青雲之上如取諸寄新天子仁聖賢宰執濟濟於清朝足下奏長楊羽獵陸沉金馬薄仕以見志隱約玩世此其時與箕仲舍姪得會晤否君房有吾率爾聚首當作一番傾倒也超然玄覽東指海雲飛起曾會沈郎吟嘯於下乎

與吳君秀卿

王士驥

秀卿久不聞問不知作何狀意將爲寧越乎他日再

聚首常咄咄秀卿不復吳蒙矣長公病僕未遑致問然夜觀銀漢少微星正炯然長公豈死哉惟秀卿作以枚生七發長公當霍然起矣盛庭幽花其苦蕾想大放僕欲襲以清芬特求一本倘肯分惠之僕以君子重其人亦將以君子愛其花必不令不加培植化而之蕭艾也次公畫品大佳僕懸之壁間遂增一奇更借秀卿之舌代說殷殷

答魏甫佳甫二王孫

劉曰寧

不佞環堵蕭然無長物君侯伯仲以兩明月投之遂

卷九

三

令偷兒執兵夜覘其室奈何新聲變而詭隨者靡然虛有其表函牛之鼎而中豈羹何味哉不如瓦鐺烹伏雌可飽也君侯走使者而詢不佞不佞何以報乎欲事吹竽今老矣有當時之瑟在取爲君侯鼓再行又恐君侯臥也

與歐郡博禎伯

黃姬水

日月幾何忽爲徂暑嚶嚶黃鳥實懷同心讀軺中稿千役之中不廢遊陟許椽才情可以想見若詞之溫麗秀逸則逢人說項斯矣首指滿畦青苔蝕壁廣文

先生擁榻長吟與據梧隱几者同趣其高牙大纛車馬如市符牒如雨厥心皇皇憂患者視公所得何如哉

寄吳典一

湯賓尹

賓尹自意氣者哉卽落落莫莫不及把諸昆臂雄視相噓此神往還矣頃倏忽又客青陽無任黯黯勉作山中逃名柔如繞指但偶一抑鬱故態復出忽起忽罷奇狀驚人耳楊后卿亮已爲水陽之行不遑趙訊岐路各方可笑人更無那我遠遊如此也賓尹壁立翰苑瓊瑤

卷九

三

柬泗源伯子

湯賓尹

翰之飛也若渴而飲之瓊液愛我哉伯子也別期動輒四五旬聚散那可預知俠兒意氣邇且被山中數聲木魚消磨殆盡胸中烏有矣卽君少年名家幸毋彈鵲以珠哉某乃託千秋于後生也

答劉君惟貞

沈演

文旌不在敵廬十五霜矣。錦雲之奇與凱風俱來。不勝煦燠我也。劉公一書真賢於十部從事哉。足下福履天申。有佳兒佳婦。兼得賢孫。大于世界。惟貞獨無缺陷。是今生受者。乃前生作者耳。僕糾命四十。舉一子。天若童烏。今艾矣。止有四齡弱息。而玉燕投懷之夢。竟寥寥然。此果前生作者。今生受者耶。雖然區區鄧氏與天無讎。蒼蒼者天。既使我伯道無兒矣。當不令伯道之後。又一伯道哉。家兄老逼。止食貧。然幸有翰苑瓊瑤。卷九。三。豚犬者三。長能採薪。其次則舞象。又其次亦能爲鳩車之戲也。誼屬通家。承明命下問。故一一舉以爲二人對。

與魏世愚

呂圖南

萍水面足下。遂成膠漆。魏君耐久朋也。別後觀飛螢三度。雙魚尺素。孤鴈帛書。俱寥寥然。翹首瀘陽。輒有美人。今天一方之歎。爾秋場角藝。足下不旗鼓南征。意有所待耶。來科特出奇師。一戰而趙旗拔矣。俟之俟之。

與何伯英

黃志清

足下遊天竺峰。二三俠客。說劍雄談。驚動天上人。無端雨師。撓人佳興。歸來時。或角巾之墊也。而足下或自咤爲寒雞乎。芝陽之捷。功可稱尺寸。不謂之尋丈。乃足下矜多不一。茲不例遼東豕乎。儂以藥言進。足下味其太苦。口不言平吳可也。

寄陸太學

林欲楫

足下朱汗五花。第自惜障泥不渡耳。故得阻其驍騰。而令僕緩頰邪。大司成目如九方臯。當求足下於驪黃之外。湖上之役。假歇刻數息。歸對兒女子。依依牀簀間。安用鬚髯如戟哉。足下其幸努力。無徒事此爲也。

東徐萬空

許以忠

吾五六兄弟。昨在雨花。朗言今日重遊。無端山靈作怪。聽以告風師。風師遂邀雨伯。飛空而下。先占亭臺。且也洶洶烈烈。當簷閣。優弟已典春衣。換斗酒約諸兄弟。卽過荒邱。呼盧喝采。以敵彼勢。母使風雨笑人寂寞也。

復鄧孺孝

許以忠

某乃煙水中一流民也。德大豪傑不鄙錫之瑤箋，錫之佳什，又錫之新刻，展誦則種種奇珍，字字明珠，幾欲剖腹而藏之矣。許生卽貧居，顏巷不將與富家翁競寶玩哉。第著述苦人，時無暇隙，不能燃鬚和諸什，倒胃作長箋，僅以二詩短語，仰答駿音，殊愧不莊。俟蘇武雁來，再繫帛書矣。足下亦毋吝銅湖秋色，重分來鍾阜間也。

東朱陵埜

許以忠

翰苑瓊瑤。不卷九。素。江楓攤錦旆，籬菊綴金錢。景色堪描，誰謂秋容冷淡。平蚤起步入溪頭，鬻得鱸魚一尾，呼蒼頭時挑蓴菜。復以斗酒，謀諸室人，邀足下游，翫芳埜，劇飲豪歌，自成佳趣。何必悽悽坐屋宇下，作悲吟賦哉。命彼信人，夙駕和鸞。

與西寧侯宋忠父

許以忠

燕山之錦雲及也，匪獨譚心叙濶，雅愛殷流，而文彩陸離，翩然盈楮，真入大將軍武庫中，青霜紫雷，爍爍驚人，假非不佞當之，人膽幾大，奈何而不落于宋君。

侯哉，愛日齋并家嚴九十詩，辛蚤橫槊賦就，借來人書郵是便。夫來人者，選貢管季美，新賜進士五陵弟也，以廷試北上，不佞以君侯好士，若葉公之龍，特引真龍見之幕下，咄咄君侯，慎毋反走哉。西園花卉近添幾分春色，不佞久未應接，恍覺生疎，欲借管君長安看花之目，一溫之，主人且謾下蕨蕤之鑰。

與褚鳳林

孔四可

孤山烟雨，知己相對，謔語雄談，千古一快，是夕別足下，放舟湖心，山月入簾，水樹瓊瓏，身遂在畫圖間，取足下詩讀之，奇哉，非風塵中人能爲此語，足與七子鞭弭中原矣。當梓之以警瞶瞶者，乘月宿天竺，妙香清楚，經聲徹夜，恨不同足下耳。足下此時如何，聞百尺樓中，多古書法帖，不敢不求觀，以洗向來風塵之眼也。

柬許君信

孔四可

足下才致風流，翩翩豪舉，一唾一珠，自令人奪色，辟之神龍，鞭駕風霆，威稜無敵，又能五色成文，與秦淮明月相映也。不佞昔在白門，聞足下名重寰宇，奈情

以事奪、竟慳良遇何、茲者復如都下、幸接顏色、足慰生平、把臂論交、遂成知己、蓋猶太白之于纖阿哉、故提鉛弄管、抽葦對白、不佞當讓足下、若載酒狂歌、觀花謔浪、足下無不佞、卽神仙亦稱寂寞矣、張念峰大是五陵豪傑、當邀入雉壇、約以意氣相許、各相淬勵、鼎足而成不朽之業、不大愉快哉、二三兄弟、同心努力、

謔大將軍戚南塘公

孔四可

聞雙鳬旣發、效五湖之泛、計入宮爲難、同舟可仙矣、

翰苑瓊瑤 卷九

五

不意河東獅子、乃有大澤龍蛇之慮、當令庭中桃樹、不敢開、花短轅轅、車長柄塵尾、將何所施、足下蓋世英雄、獨忍馮敬通所不能忍、而怖諸葛元直所不必怖、良可浩歎、聞秦室山有赤理木葉、乃是要藥、得之可令周姥撰關雎、螽斯不爾直須覓荀氏接膝少年客耳、母爲元孝友所毒恨也、一笑、

與張凌虛

孔四可

足下清曠邁俗、不關山水、而自有神情、至于詩文酒態、絕似晉朝人物、見之真令人愛殺、春初過曲水、艸

堂殘梅送香、新笋入饌、知也相對語、語烟霞、雖不倒接、惟而舞如意、亦稱賞心矣、行時又蒙贈以五言、一路展玩、宛如坐曲水堂中、對足下面也、舟次錫山、明月在天、言念君子、亂我心曲、

寄沈君典殿撰

孔四可

不佞自入南雍、與羣賢論交、幾滿天下矣、人間惟丈意氣相期、然諾相許、殆非五都三川俗情可比、倫也、近聞宋陽翁撫臺薦姜鳳翁老師、復被讒人所妬、可恨、姜老師、天人也、屬望久矣、天生斯人、原爲蒼生計、一讒人、其奈天人何、雖然、又不能不爲蒼生惜耳、老夫爲姜門高弟、今居詞翰、日與廊廟相周旋、可不從臾一言、以爲之遣大行人乎、僕不肖無似、第神情閒曠、笑傲烟波、種種世味、頗亦脫洒、獨爲舉業事束縛、亦不求甚工、竊自疑爲謫仙人耳、薊門多寒、雪花如席、言念君子、悵矣心飛、

答劉維芳

梅鼎祚

明珠滿握、頓爾霍然、何必枚生七發、陳琳草檄、邪、伏枕遙謝、不省云何、

與李惟寅君侯

童珮

僕以廿四日抵德州還望京師已隔千里故人在雲霄之上不知曾一念路人否黃葉隨流無極所底付之慨歎而已茲乘譚家蒼頭之便草率布此荒城回首不勝依戀也

答王中丞元美

張鳳翼

昔人謂子長南遊江淮上會稽探禹穴闕九疑浮於沅湘以爲文章之助在是及讀太和新編則知千百禩後卽今桑田變海此山當與此編俱不磨是子長

翰苑瓊瑤

卷九

四

不可無山川而山川不可無足下也僕未弱冠嘗從先君子躋攀於斯禮於斯今復神遊於斯豈於是山有宿緣哉獨五龍爲足跡所未至而有巖曰凌虛若爲僕設便當刻一小印曰凌虛巖道侶并祈足下爲僕賦一詩俾後世擬此巖以僕名可乎華山詩率爾應命仙奕卷幸秘之不爲沈生所攘先君子所遺僅僅存此耳承問及敢復老母開歲年已七十矣有便幸寄惠一詩當令寶婺回光麻姑駐節不但草堂生色也詩不必裝池但書桑皮一幅可耳鄙言二律書

二簋用見近况非所以將遠敬報腴儀也幸賜閱而頒之從者

復劉侍御惠集書

張鳳翼

昨辱郎君枉過失迂主臣捧誦巨集如乘桴泛溟渤不覺搖魂驚神夫中郎往矣孰賞詩細世無桓譚亦何以知太玄之絕倫必傳哉下走謬托藝末幸不至如聽古樂恐臥耳如日窺其堂與其在季朗緣不及拜使命特遣人馳謝

與中立宗侯

張鳳翼

翰苑瓊瑤

卷九

神交有年晤對無因雲吳月寔主盟契仁侯世濟賢聲不倦倒屣而賤子動爲時棄末由曳裾曩歲奔走風塵迄克疲劇乃得享三漿之餘歷飮六膳之正味雖信陵虛左於夷門孟嘗申恩於代舍葭以過也兄子備員上邦不爲生客百凡仰借游揚是藉是懇茲有千里之驥方困中阪仰林孫陽敢爲先容詳具別啓

與屠長卿

顧長卿

每行山水間見孤峰插天秀色飛動雲霧穿雲奇葩

映日恍然見足下顏色矣乃翩翩翰墨讀之神遊四表精驚八極若五嶽之要大是宿願他年不踐不丈夫子而母徒爲紙筆空談也

東許君信

包銳

夏初瑤華飛墮蹇然之音哉足下狀貌不踰中人而神游萬卷尺一僅盈百語而勝集五家宛陵陽谷之間乃毓此奇物行可都料詞壇職志藝苑寧直使生色雞林增華魚鳥三山二水留玄度丰標耶勉旃自愛母令懷中明月篋裏夜光爲按劍少年所窺也別

翰苑瓊琇

卷九

三

來臥起山房稍理弊帚繼苦二豎芝朮日親壯心固不已奈此髮短何每欲專遣一价而伸紙輒輟蓋坐懶病相成視捉筆處於荷戈耳同心之言斯實錄哉歷山赤牘久不剗刪何謂吳老諸書僕僭批評者母更刪之爲感求而復棄我實不德矣足下忍陷僕於羣邪鍾山在望祇有神馳

東張同年

顧養謙

神劍天馬射日騰空日至青雲之上矣顧念置泥淖否僻郡隱吏苦無事事儘日惟閉閣偃臥而已偃蹇

中養成疎懶故至知如吾丈者亦槩無片紙脩候所幸諒在漂藉之塵不敢上沾清几耳

復汪虞仲

詹萬善

河梁言展日漸沉西令人徘徊溪路側恨恨不能辭歸來月掛松梢鄙人携酒獨賞倏忽間鐘鳴漏盡昔人云把酒邀明月對影成三人第身親觀矣第無緣與嵇公共之嘆嘆

與朱帶河

虞邦譽

足下白雪才高青雲器偉蛻泥蟠而天行霖雨蒼生

翰苑瓊琇

卷九

三

無不可者乃竟齎其名位浪跡溪山弔崆峒之遺踵磻溪之勝豈非等浮名於雞肋輕濁富於鴻毛者耶海內聞風而起者不少矣

與未琢上人

虞邦譽

師門前竹石故無恙想當點眼其間倦則聽松間瀑布雲外鐘聲聞弄禪關宗旨也樂甚樂甚

東朱年丈

徐可求

與足下別來便中荆棘叢中且今者曾不得閑箸一飯帖枕一眠不佞昔同鬚眉何能眷曲甘此狀也足

下繡眼高居。視若輩不啻井泥中矣。同儕榜人何苦樂不均至此。承手教無得息暇。以應廣文。且行伏案草此奉覆。餘伺續啓。

寄陳贊府

李之藻

人有從海上來者。輒問象山政績。得知翁不負丞當指日喬遷以膺大拜也。詎翁身薄雲霄。情牽泉石。乃解哦松之興。遂結種菊之緣。嗟嗟陳門德星固有以來。太白之占。其如東海失霖雨何。吾恐天曹檢點賢才。必馳檄而起翁矣。然則龍橋風月。豈容久恣吟弄。

翰苑瓊琚

下卷九

四

五

乎。令郎繼坤。固卓犖丈夫子。將來應作蕭相國後身矣。顧卿亦自奇偉男兒。何可蹉跎歲月。以廢舊業。過庭時。須嚴加督率。使之淬礪全鋒。以成大事矣。翁家殊有鳳毛。令姪羅陵。居官未期。已膺七薦。喬遷可必矣。僕在京承渠父子。顧惠殷殷。果繇曾坐西席於潭府。故愛翁屋上之烏耶。語多不文。惟以至敬諒之。

答范堯卿司馬

錢士鰲

東海有兩司馬也。而賢不肖。平時籍甚耳中矣。往識張司馬天矯如神龍。顧於明公未有謁也。意缺然如

望蜀。蓋中心藏之者。又十年而不虞公之臆間。亦有王生也。將無田叔輩緩頰邪。田叔之嗜羊棗而私於不肖。猶可以涸。乃公過矣。捧書敬誦。字字明月。幾欲剖腹乎。不肖之報汝南公。甚媿於智氏之國士。而僅托於絮酒炙雞。白馬素車之下風。此其事曾足多乎。聞公之獎賞。則慚怖欲死。異時或以田叔故而獲執鞭於公。卽不肖之自幸。不減乍識張司馬時也。

古今翰苑瓊琚卷之九

翰苑瓊琚

下卷九

四

五

古今翰苑瓊瑤卷之十目錄

明

海瑞 號江峰

與呂豫所

與張開府

曾省吾

與徐使君

與梁乾吉

與謝宗聖

寄李元甫太史

王世懋

號麟洲太倉人

與李惟敬

翰苑瓊瑤

卷十目錄

李維禎

字本寧號異軒京山人

與李臨淮

沈自邠

與費鰲使

王錫爵

號荆石太倉人

寄沈太史以仁

王鼎爵

初號荆田別號和石太倉人

與陳光州

馮夢禎

字開之號具區嘉興人



與屠長卿

又三首

與馮琢菴

答盛永叔

與馮文所

張獻翼

字幼于號壺梁

與唐孝廉

王穉登

字百穀號玉遮

與陳觀察誕先

與李汝芸

與王敬美

答王孝廉

答梁伯龍

與王元美

翰苑瓊瑤

卷十目錄

寄李司徒

范守已

與王元美

屠隆

號赤水

與沈君典

與李惟寅

與陸敬承

莫雲卿

字廷韓號少山華亭人

與王百穀

鄒元標

字爾瞻號南阜吉水人

與袁內史

沈九疇

與屠赤水

馮琦 號琢菴

寄曾余二同年

寄黃慎軒

答張岱輿

答王元美

寄諸親友

答王兵憲

答張考功

答黃葵陽

答馮開之

答李霖寰

翰苑瑣瑤 卷十目錄

湯憲祖 號若士臨川人

答舒司寇

答趙贊善

別沈太僕

答屠緯真

答郭明龍

答王宇泰太史

答謝繹梅司寇

寄萬二愚

寄帥惟審膳部

復劉郡伯

答潘完樸大叅

答王子聲

柬長卿

答山陰王遂東

與丁長孺

答趙夢白

答馬心易

答黃貞父

寄孫區吳憲伯

與門人王觀生

與于中父

答林若撫

與丘毛伯

答石楚陽中丞

寄董思白

答鄒公履

與孫令弘

與趙南渚計部

與劉君東

與沈華東憲伯

答馬仲良

與孫子嗇

答李乃始

答王宇泰

翰苑瑣瑤 卷十目錄

與但直生

答羅匡湖

答李還素

與王觀生

答余瑤圃

答錢受之太史

與李九我宗伯

寄李鵬岳

答郭明龍

柬丁庚陽

許解 號鍾斗

與李瓊芳

與王溧水

與李見羅

答吳按君

與伯書

擬上沈龍江先生書

俞琬綸 號君宜長洲人

與陳玉海

與同年某

與徐大治

與周玉繩

與謝赤儿

與繆當時

與陳韋翁

與管席之

與陳古白

又一首

與張赤涵

與徐日方

古今翰苑瓊琇卷之十日錄

翰苑瓊琇 卷十日錄

五

古今翰苑瓊琇卷之十

孫鑛評

吳郡 陳元素 校

明

與呂豫所

海瑞

今年春公當會試天下士諒公以公道自持必不以私徇太岳想太岳亦以公道自守必不以私干公也惟公諒之

與張開府

海瑞

翰苑瓊琇 卷十日錄

宣城吳仕期上江陵書曰寧爲天下第一品人毋爲天下第一品官斯言誠龜鑑不可以草莽忽之

與徐使君

曾省吾

憶昔爲郎時斧斤參雜刀鋸憑陵遊睇成嫗舉足觸穢而僕也抑志降心勉爲奔走徒以先帝神聖能使醜類奪氣細物銷魂効赤心之涓埃節蒼生之膏血每一把臂叫呼狂心稍洩僕誠不肖稟天地之靈負剛大之氣比之販繒屠狗之徒自致功名者豈少讓之哉而顧掘泥揚波浮沈於土木瓦礫之間者誠

自恃其能不汚有以表見於當世也

與梁乾吉

曾省吾

比來馳逐長安無停晷顧其精魄未嘗不飛越鐵柱柳門間延想孤標吹角鳴沙羯奴宵遁幸甚幸甚第月明橫笛風起悲筵顧瞻朋儔各在一涯西方美人增我勞結

與謝宗聖

曾省吾

弟爲郎七載晚得從兄遊於木石之間相期與兄弛擔投館盟垢披襟耀靈邇而聚首清歡明月來而撫翰苑瓊瑤六卷十
二
膺長嘯商歌激發羽觴流行斯時也響寂雲飛氣橫斗落拉荆卿於易水揖魯仲於聊城寧復知有人世之功名哉

寄李元甫太史

曾省吾

得所爲應陳守平蠻牌文哉文哉譬之兵其軒轅氏涿鹿之戰乎騰天涌泉橫裂四出然自是太古堂堂氣象不事叫怒擊刺以爲聲自所向無前矣或曰何如淮西余曰樊道公麼冠耳何可比元濟顧文則韓李何殊焉乃韓作在強仕後公卽弱冠已登壇若此

豈不難哉獨恐事不迨文將爲知言之累耳

與黎惟敬

王世懋

別來及暮頓有許大陵谷如某者百方求退之人苦挽而不遂萬口排訕之日或推而僅存此何祥也今則苦吟豪咏邈若山河簿領爰書動如掾吏鬚髮垂素要背員熟似有味乎吏之者又何祥也雖然使東吳王郎得早謝桎梏擊鮮飲淳坐弁山園中伸脚作洛生咏天得無吝之乎會聞有家人入京促通書者足下與歐博士耳隻身來篋中無可爲黎先生壽者翰苑瓊瑤六卷十
三
爲外吏貧乃爾竟與內閣少參何殊一笑

與李臨淮

李維楨

帆過白下不敢亂首抗巾以入國門遂與君侯咫尺千里前月高淳令始致君侯報書是何文采之巨麗而慰藉之綢繆乎方今介冑禮儀箕裘翰墨者惟君侯延攬英豪勞謙下引者亦惟君侯時清政暇意廣才高登壇則有竹素之名退食則有山林之樂通人熙事靡不畢具辱在交游嘉之何已僕儻宕些窳不適世用甘守一壑無復他望稍欲踵吾家供奉太白

故武放浪金陵山水，弔六朝之荒遺，頌二京之全盛。醉臥當壚，看公等鳴騶呵護而過，固浮生一快然。未易易也。少弟南行，奉寄此語，聊以當觀。

與費巖使

沈自邠

與陳使君期，將以公爲禹穴主人。今陳君且歸矣。柱後惠文御史方按部，山川草木不寒而霜，公亦何暇出盤中水晶，享客哉。齋額海雲長嘯，惟公所須。噉海錯，飽如果然，不敢謁大士而歸，報公以佐噴飯也。

寄沈太史以仁

王錫爵

題柱仙郎，一入承明廬，日給蘭臺爲天子注起居，貴甚矣。鄙病兀然，衆口刺之，骨欲消。世棄君平，君平亦棄世乎？病起坐齋頭，斜月掛松上，娟娟可憐，便憶往長安。每月佳夕，出閣召酒人，走彈陌上桑。曲醉甚起爲鷓鴣舞，佐之烏鳥自快。今方局蹐窮巷中，兀兀以糊口。十日九饑，面色如菜。間者挾一苾芻，過天竺謁大士，見茗中風土佳，欲買十畝峴山桑，割松陵沮洳，半頃歲種蹲鴟，咀薑噉蔗，皆可飽。漚麻結置捕魚鰕，或可起家作陶朱公。自笑見卵而求時夜哉。君旣貴

矣。僕然一札，欹斜黯淡，如月中花影，淋漓滿薄，蹠得無媿乎。

與陳光州

王鼎爵

汝南有許子將之月旦乎？聞公搔首肝衡，不能已。公昔所居官處，皆槎牙然，亦未嘗少損冰鐸之銓。況今乃得其醜髀地乎？惜也。樓煩林胡之鏃，徒用之射麋耳。沈商城故岳岳，得隸陳先生部下，甚幸。亦時時相與盤薄乎？異時州刺史坐檐帷中，如三日新婦，令丞輩折腰其間，大以爲榮。俗吏滿目，可憎如鬼。乃公視沈郎，直當耳熱烏烏，消此俗態也。雖然，安得王郎婆娑其間，大言諸諸，小言詹詹，俾兩賢恍然自失哉。

與屠長卿

馮夢禎

天帝私卿五采毫，令播弄一世而齎卿名位。此殊有意。金馬石渠間，豈必才子，比如奪足下才而多與之物，口不吐白鳳，目不辨青黃，禽息視肉，足下甘之乎？足下謫星也。天上不容，乃之人間，人間不容，欲高飛遠舉，何之乎？新集不欲驟行，此君典意，便欲投之高閣，其亦斗間光怪何用君之心，行君之事，安君之命。

足下忘之乎。見時當揮白玉塵。以被足下蓬心努力。

又

談玄者紛紛。甲可乙否。迄無定論。秦皇漢武。竭天下以奉之。不足。徒爲後世笑。何況我輩。請以一丸泥封戶。而專意無生之業。何如。若黃白女鼎之說。爲害甚博。拒之可也。足下慧業文人。卽不爲神仙。不害千古。幸不爲此輩所惑。足下比來能經年不出門。豈真得點化術乎。一笑。

翰苑瓊瑤

卷十

六

又

得長卿賦讀之喜。翩翩欲狂。足下搦管。便宏麗若此。江鮑而在。江淹鮑照猶然辟易。胸中洵有五采筆。上帝怒足下太橫。伺眊寐間。或令鬼物竊去。當復何由雄快。今日哉。受校足下集。間出聲俊。丙子已前。尚荷措大面目。北上諸作。雄爽可喜。自後縱橫變化。如餌九轉丹砂。騎日月。凌倒景而去。遂與凡隔矣。遂欲爲足下忠臣。乃比干裂胼割疣。卽存此。不害足下千古。雪山有草。名曰肥膩。牛食之。純出醍醐。足下丙子前。特未

嘗此耶

又

吾與足下俱聰明男子。上之當了達生死。證無上菩提。如達磨盧能。次之當飛神玉京。後天地老。如赤松羨門。又次之當一丘一壑。栖神養和。以終天年。如龐公司馬子微。下之當垂空文。以自見。齒於不朽。如左丘明太史公。最下與時浮沉。而取榮名。蚊睫蝸角。以爲國土。朝露秋霜。以爲事業。生無一日之懽。死無百年之譽。今之人大都然矣。願足下自擇焉。

翰苑瓊瑤

卷十

七

與馮琢菴

馮夢禎

別足下已七年。茱萸軒亦三易主。而弟青山之夢。已不可回矣。長安馬蹄。了不足戀。卽鼎足亦須臾事。大馮君尚不屑以黃梁擬之。所不忍割者。小馮君耳。弟得罪之故。想足下所了。足下書來云。芥蒂非足下。不芥蒂非吾輩。具感知我愛我之意。今日之天下。水旱盜賊。在在而有。然非大患。患當有所在。足下卽繼二三執政而起。何以策之。此足下他日之憂也。而弟又爲足下憂。此非迂闊。惟力勉之。勿使後人謂一蟹不

如一蟹也。去歲楚錄甚盛，豫章差可稱伯，微足下一出誰支詞館聲價乎。

答盛永叔

馮夢禎

次卿得吳婦自許佳甚，今足下又推潤之少佐其計，然之策從此長年不出戶，作雙鴛鴦相媚，皆足下之賜也。南都公署司業署最勝，俗呼南衙，前臨廣池，此時新荷出水，已二尺餘，後倚雞鳴諸山，金碧蒼翠，參差溢目。一鑑亭三楹，盡領其勝。公餘日棲息其中，鳥聲樹色不減林落，足娛馮先生，不失今歲蓮花時。一翰苑瓊瑤 卷十 八

與馮文所

馮夢禎

門下提文章密印，旗鼓海內，而頑處儒墨之間，自顧如夜郎王，未賓清化。門下以文告收之，從此胡越一家矣。讀門下詩若文，是有意古道，不爲今人語者，瞻珪璋而想瑤圃，遙遙楚天，不能奮飛奈何。

與唐孝廉

張獻翼

足下不以僕之老悖，肯幸臨僕，僕故醢雞蟻蠓也，何

足當虛左，徒以尊公尚爾有布衣之好，禮之若祭酒，然此其自貶損甚矣。雨深山寂，不能襍被爲聯床夜談，大負西牕絳蠟。今日得以羹菁飯麥，享從者，如不棄僕以長者車轍而過窮巷席門，僕竊比於陳孺子矣。

與觀察誕先

王穉登

觀察公頃何似，學圃五丹之間，秋樹如沐，翠色滿衣，裾矣。一部清商樂已教成，吹明月上花枝，顧不令髡平盡一石哉。樂甚寒齋梧栝，經雨濯濯，僕單絃岑牟。

翰苑瓊瑤 卷十 九

九

挾一編箕踞樹下，倦則擲去，聽秋鶯殘弄，澀如老妓歌桃葉，半鳴半咽，則大愉悅，以爲不減江州司馬琵琶絃上聲，又何用青衫盡濕爲哉。公聞之當大噱謂王生不知漢大耳，夜郎王問漢使日漢孰與我大

與李汝芸

王穉登

積病逾十旬，巫請禱，醫請藥，豁然耳中，僕不一聽而聽簷聲滴中唐之甕，急者如伏波蠻中銅鼓，緩者不減遠公山房蓮花漏，朝朝莫莫，川壑灌盈而僕亦頓然蘇矣。雨後熱如蒸，齋居若飢，憶足下棹沙棠載醪

醉扶柔曼二三柔曼美也夷猶九曲之間紅袖拂白雲
日凡幾回但言病者心怛怛矣

與王敬美

王穉登

自有閩部疏他墳籍悉能不觀病甚則以却病暑甚
則以消暑此疏有德於僕最深卽七寶莊嚴不足報
乃屬以么麼之文并諸首簡蓋將以僕言爲糠粃乎
不然寧有秦宮狐白而堪袖以羔羊哉

答王孝廉

王穉登

函封戀戀藹然故人之情何異綈袍我哉侍尊大夫

翰苑瑣瑤

卷十

十

爲日幾何鈴閣多暇曾一遊平原厭次之間弔東方

曼倩

人

顏魯公

平原守

之故墟乎僕颯然以老買山

龍池之上鳴澗在門聲中琴筑梅花遶屋幾百樹蒼

皮皴瘝苦蝕之若龍鱗誅茅結菴鷄息於此亦可以

樂而忘死矣尊大夫書中談東山不置英雄欺人耳

白雲流泉且須讓僕

答梁伯龍

王穉登

僕輩少無賴自分當以情死乃今回頭是岬矣不知
情從何起復從何滅無起無滅安所係情足下尺五

虬髯白如霜尚沉淪欲海以義和之輪未駛而更加
策耶

與王元美

王穉登

王元禎楚材之甲門下高其品自當不脛而走矣此
君乃十尺紅珊瑚今已舉鐵網收之若僕瑣瑣僅供
石家如意耳

寄李司徒

王穉登

江田一項斥鹵不宜稼去荷鋤而種荳荳僅有其去
種瓜瓜不能東陵五色并田鬻之以畢婚嫁今徒視

翰苑瑣瑤

卷十

十

食耳爲人諛墓含毫思澀攢眉捫腹者凡幾而得一
鍰兩鍰以飽其孥此其貧次骨矣

與王元美

范守已

不佞猥瑣弗類索居溱洧間與蚩氓伍謏陋無所知
識長從梁汴諸先生遊得聞閣下駿聲以爲李何之
後一人竊心傾嚮之然以僻瑣故未能購一章什以
豁蒿目洎除鶴城鄒魯益邇快觀之私愈殷而無孔
北海之舊猶阻龍門心悵悵者久之去春仙舫遊雲
間不佞得隨輿隸後竊覲龍光不勝忻慰既而得獵

艷異清裁等帙以爲惠子五車殆不足多繼又購得四部稿然藜嘿誦不覺駭汗淫淫然下若神龍出沒排山浪中變化叵測若威鳳矯翼天表孔翠輦翟之屬千億雲從五色熠燿眩惑心目竊又以爲軋李杜軼屈宋矣李何又不足多云把翫之餘益切捧心數年舊癖不覺新癢因昧揣量踴躍然欲抵掌虜叔敖不免天祿按圖取伯樂之大嗤也昨忘堊鼻之醜醜然欲試斤于匠石幸蒙不賜大叱假以溫顏復賞譽其一二不佞何以得此於閣下也夫泰山之高可以

翰苑瓊瑤 卷十

十一

小天下而梁父突兀凸然趾麓之側迺泰山忘其庫而封禪之際持與之齒此泰山之所以爲大也閣下其何異於是然劒或嚙缺卷鉅稱以頃襄之劒則貴人爭佩之而撥刺之琴號之爲鳴廉脩營昧者亦多鼓也是在風胡師涓輩游揚之爾不佞又何敢必焉而洩勃參苓固均有意於藥籠中也茲敬裁長句一章以發一噓

與沈君典

屠隆

方今聖明在上雲龍既遘魚水自投無令泉石情

深烟霞成癖何必巢許卽如姬孔不可謂非人豪謝眺青山終非卿家物也東望故人神與書往

與李惟寅

屠隆

僕學書無成矧作令又疇昔所未學者哉窳落可知也尹何製錦隆滋懼爾人亦有言跬步不已跛鼈千里隆竊有志于此蓐食視事戴星中道將以小勞而補其所大拙縱多瞶瞶明者猶能鑒我雖得過猶輕曰是屹屹者隆今氣息惛惛頭岑岑矣人言屠生作令不難于治事而難于折腰今腰肢不盈一束何云

翰苑瓊瑤 卷十

十一

難折哉過客東西馳者吏云當郊迎卽百病束帶起云當拜卽望塵僕僕耳何知爲誰京師有休沐令三日不食寧敢對上官稱病哉而長者怪其太瘦則或以他辭置對爲令如此譬食苦菜苦有味矣隆無他行能所謂以小勞補大拙者今幸上下稍安其拙無大得過此中父老子弟雖無治狀可聞于知己亦惟是昕夕廩廩以求無爲故人謬辱僕之願也獸奈何隆譚詩而此中不產詩人好啖蔬果而此中無蔬果大麥豪豬雅不宜賤性老母稱苦日夜思東歸每念

東海黃魚遠莫致之隆自揣無青雲骨相今聊明薄游爾身爲鸞鳩何識圖南口銜江上葦蕭將結廬四明之下山靈知不逐客也

與陸敬承

屠隆

功名胡可以巧取哉巧取而得者命固得之也命苟得之巧亦來不巧亦來不然造物能破壞之矣

與王百穀

莫雲卿

聞駕臨敝郡然不一過莫生此中人眼淺便謂雲卿不足致王先生也先生竟不能一顧而重雲卿乎

翰苑瓊瑤

卷十

十四

與袁內史

鄒元標

人生若浮烟何乃據一窟欲作千年窟耶門下半帆超忽朝金陵而暮吳閶若無家者所著佳詠字字皆凌風颺讀之知仙標拔俗數千丈不可羈控難與俗子論也邇來所得想已參妙氣服上藥署名丹臺矣可能以妙語批示否恐鐵鎖金繩渺不可攀徒令人悵望耳雁宕龍湫飛清鬪奇宇內罕有嘗謂人生探歷名勝于茫茫大夢中作佳夢比之涉蓬瀛則未及比之混市廛則度越矣此門下舊遊地亦曾向夢中

說夢否

與屠赤水

沈九疇

長卿無恙急欲知長卿治穎上者狀廼長卿高自許可賢雋所願效於世種種非令無自得之諒哉其言之也夫吾四三兄弟而不旦夕望長卿如長卿所自許可乎窺之而綽約窺之而嫵媚窺之而嫚罵則受餘竅則承則似之而非也長卿固繆稱安見嫫母廼工巧笑安見汪罔廼化細腰昔人言性有不堪真不可強斯爲近情者矣烏聲効鵲則揭竿而逐之者尤

翰苑瓊瑤

卷十

十五

寄曾余二同年

馮琦

南浦之別黯然不能自制忍淚登車客都下十七年別諸故人如去其鄉抵家乃反如客道路曲折已不復記憶人家宅第十更其七親友相迎遂多不識面者久遊乍還欣慨兩集入見老父母弟妹皆在側滿堂譙笑極歡家君自抵舍七箸稍增而杯酌無減或醉或不醉而未嘗一日不飲時時嫌酒伴少耳一切

家事皆不問。大而婚嫁。小至米鹽瑣屑。皆取辦於家。母一第一妹。竝以兩月內成禮。禮皆豐腆。而家君不知也。親友以爲家君逸樂。家母憂勤。皆世所僅見。第其勤不能一日暫釋。而樂之極。一日不飲。則不歡。人子互有喜懼耳。山城少人事。數日便已了。稍葺書舍。息機習靜。漸覺有少佳趣。念二兄客京華。相隔數里。不能共朝夕。卽聞過從。亦止兩人相對。古之所歎。惟在離羣。我則離矣。而二兄亦不成羣。更可念也。

寄黃慎軒

馮琦

翰苑瑣瑤

卷十

十六

浮議易消。公評具在。暨淹漢渚。終作商霖。恐不免捉謝安之鼻。勿遽爲洗。許由之耳也。從龍南來。具聞動定。舟泊水次。宅枕山岡。辟疆之園。常開廷尉之羅。未設坐。有問奇之客。庭設景范之倉。恨不臥遊。第有神往耳。

答張岱輿

馮琦

足下才足自達。而亦卒從吏議。投荒炎徼。在古則柳子厚。在近時則楊用脩。皆爲流人。說者以爲此兩人得窮文乃工。以自見於後世。視當世貴人所得孰多。

少也。此則足下之事耳。足下勉之。

答王元美

馮琦

先生網羅百代。雕刻萬物。嘯詠則宿莽回姿。顧盼則短丘生韻。一時文雅。同仰宗盟。琦夙以弓裘妄操鉛槧。手追心慕。歷有數年。昔文舉以通家自附。長源以小友見呼。此皆忘分忘年。定交傾蓋。先生抗志雲壑。渺若冥鴻。不佞拘守樊離。有同澤雉。恐於斯事。永無望矣。長公抱玉乘龍。鬱爲時棟。王家玉樹。故有鳳毛時一條承典刑尚在。茲復遠別。約結如何。

翰苑瑣瑤

卷十

十七

寄諸親友

馮琦

夫結綬漢庭。擊筑燕市。終不如故土樂也。傾蓋彈冠。從海內士大夫游。終不如故人歡也。故莊舄之吟。仲宣之賦。雖通塞殊途。而感懷則一。琦獨何心。能無戀戀哉。

答王兵憲

馮琦

臺下執法殿中。風裁凜凜。我敝邑僻在東海。臺下不鄙夷而辱臨之。此天所以福我東土而不棄其遺黎也。下車以來。吏奉而民安。風行霜肅。繼以膏雨。四民

之。頃。如。得。艾。焉。如。得。慈。父。母。焉。不。佞。雖。遠。處。京。華。猶。躬。被。之。也。使。命。過。獎。借。稱。大。小。馮。君。非。不。佞。父。子。所。敢。任。以。至。海。沂。之。康。賴。有。王。祥。則。敢。爲。臺。下。誦。之。

答張考功

馮琦

人。臣。患。不。爲。主。舉。職。耳。門。下。乃。更。以。舉。職。爲。罪。且。如。叔。向。子。朱。爭。對。客。事。至。於。仗。劍。拂。衣。而。當。時。且。謂。兩。臣。所。爭。者。大。假。令。在。今。世。則。用。何。法。也。然。門。下。去。吏。部。而。吏。部。之。職。存。依。阿。唯。諾。濡。忍。不。發。可。不。去。吏。部。而。吏。部。之。職。亡。門。下。雖。去。得。去。所。矣。

翰苑瑣瑤 卷十

六

答黃葵陽

馮琦

鴻。飛。冥。冥。而。七。者。猶。視。於。數。澤。何。其。謬。也。今。如。吹。毛。議。且。銷。骨。後。之。君。子。誰。能。勉。旃。要。之。事。不。極。不。厭。不。厭。不。反。謹。極。而。嘿。晦。極。而。明。茲。其。時。乎。讀。大。疏。事。理。了。然。無。可。疑。者。而。衆。咻。不。肯。置。士。論。久。而。明。天。道。定。而。勝。惟。閣。下。以。天。自。信。耳。

答馮開之

馮琦

足。下。姓。馮。弟。亦。姓。馮。足。下。視。象。弟。亦。視。象。足。下。頭。白。弟。亦。頭。白。惟。足。下。幼。子。幼。孫。擁。戲。膝。前。與。夫。清。夜。歸。

來。擾。僕。不。睡。此。兩。事。霄。壤。耳。來。教。誨。以。禪。理。一。死。生。齊。得。喪。回。雖。不。敏。請。事。於。斯。藉。足。下。食。芹。之。甘。一。浣。茹。荼。之。惻。也。

答李霖寰

馮琦

不。佞。於。古。人。文。字。本。無。所。解。既。不。能。負。又。不。能。贗。今。古。之。間。鑿。空。兩。無。所。據。久。之。既。厭。遂。欲。棄。之。直。以。知。已。有。命。勉。操。鉛。槧。而。臺。下。過。爲。許。可。飾。無。鹽。爲。夷。光。適。令。避。匿。不。敢。出。耳。

答舒司寇

湯憲祖

翰苑瑣瑤 卷十

九

吾。鄉。在。昔。明。德。未。乏。邇。向。聞。軟。明。公。品。品。雄。雄。殆。欲。爲。後。生。所。仰。接。手。書。諷。以。方。壯。宜。近。老。成。人。今。滿。朝。闕。氣。者。多。惡。少。今。幸。以。爲。戒。無。與。親。受。教。無。量。竊。觀。先。師。有。戒。壯。在。闕。而。衰。在。得。蓋。血。氣。有。餘。宜。受。以。不。足。不。足。又。宜。受。之。以。有。餘。自。消。息。自。補。引。亦。觀。其。生。進。退。之。義。也。如。此。然。後。可。以。觀。民。諸。言。者。誠。好。事。中。多。少。壯。蓋。少。壯。多。下。位。與。物。論。近。與。老。成。更。歷。之。論。遠。相。與。黨。遊。而。執。政。之。遊。絕。故。其。氣。英。既。不。習。於。事。又。不。通。於。執。政。之。情。名。位。輕。而。日。月。長。去。就。不。至。深。

諺。或。以。此。自。嘉。議。隨。意。生。風。以。羽。成。圖。誠。有。之。未。足。爲。定。也。而。諸。老。大。臣。又。多。不。喜。與。少。年。郎。吏。有。風。性。者。遊。物。論。既。寡。所。得。又。進。而。與。執。政。親。熟。其。恩。禮。宴。笑。因。知。其。所。難。物。盈。而。慮。周。中。多。眷。礙。如。井。汲。且。枚。不。復。念。瓶。羸。也。故。傾。朝。中。尊。卑。老。壯。交。口。相。惡。莫。甚。此。一。二。年。餘。人。各。有。心。明。公。以。諸。言。事。者。多。惡。少。正。恐。諸。言。事。者。聞。之。又。未。肯。以。諸。大。臣。爲。善。老。耳。以。不。佞。當。之。與。其。開。而。兩。傷。不。如。交。而。兩。成。諸。少。年。宜。上。遊。於。諸。老。領。所。宦。學。時。觀。而。勿。語。以。深。厚。其。器。而。須。

翰苑瑣瑣

卷十

十一

厥。成。諸。老。亦。宜。稍。進。諸。年。少。好。事。者。挹。其。盛。氣。以。自。壯。自。補。無。爲。執。政。者。所。柔。因。以。益。知。外。事。蓋。不。佞。竊。唯。以。血。氣。損。益。相。補。之。誼。年。少。之。資。於。老。成。人。猶。老。成。人。之。資。年。少。關。在。不。得。得。在。不。關。二。也。交。而。用。之。以。二。爲。一。蓋。朝。家。以。關。啓。壯。者。之。用。而。壯。者。故。自。以。不。關。資。衰。者。之。用。朝。家。以。得。懸。衰。者。之。用。衰。者。又。能。以。不。得。資。壯。者。之。用。而。後。知。老。與。壯。交。相。成。也。惟。血。氣。未。定。好。色。之。遊。老。成。人。正。無。所。資。之。耳。如。聞。更。有。所。近。夫。亦。知。好。關。之。禍。烈。於。好。色。正。不。知。好。得。之。誠。

深。於。好。關。耳。不。佞。言。若。反。然。衛。公。九。十。餘。求。戒。卿。士。自。稱。小。子。未。知。臧。否。誰。投。以。桃。報。之。以。李。區。區。有。云。感。於。睿。聖。報。李。之。誼。知。門。下。不。爲。謠。言。撫。手。一。笑。

大。識。見。大。有。關。繫。絕。非。調。停。法。

答。趙。贊。善。

湯。憲。祖。

主。國。體。者。實。厭。煩。言。然。容。者。之。多。言。亦。主。者。之。少。斷。天。下。前。已。驚。驚。而。貴。臣。天。隕。可。謂。洗。削。一。時。今。又。坐。失。後。幸。難。再。今。相。國。雖。未。有。奇。號。爲。和。雅。而。名。公。以。才。名。出。其。門。下。又。戚。里。見。知。得。有。所。言。宜。莫。如。足。下。

翰苑瑣瑣

卷十

十一

以。足。下。之。才。之。親。不。能。轉。一。和。雅。之。相。乃。向。無。所。施。處。談。天。下。事。乎。三。十。六。卦。寧。止。一。遯。世。且。以。足。下。挾。傲。而。去。不。益。正。言。之。名。意。有。所。念。雖。夜。半。遊。相。國。於。曲。房。之。中。天。下。知。其。無。邪。心。第。幸。無。以。去。爲。言。以。戚。且。知。而。僅。耿耿。以。去。誰。不。可。以。去。也。

惟。謝。

別。沈。太。僕。

湯。憲。祖。

明。公。渡。江。急。不。得。見。不。知。明。公。更。得。渡。江。否。虎。以。操。麝。龍。以。靜。全。花。以。上。披。根。以。下。存。名。不。可。以。多。取。行。

不可以繫危虛以居之。可以待時。

答屠緯真

湯憲祖

讀足下手筆。所未能忘懷。是山人口語一事。天下固有此人。初莫矜其鷗也。取之雛雛之中。生其羽毛。立其魂魄。乍能飛跳。便作愁胡。但我輩終當醉以桑椹。紫其饑嘯耳。寧人負我。無我負人。江海蕭條。大是羣鷗之致。

安得此長者言

答郭明龍

湯憲祖

翰苑瑣瑤 二卷十

三

讀考工記序。大作。曾其詞。遠其旨。易云。形乃謂之器。老云。埴埴爲器。聖人制器。如大鈞造形。規矩鈎繩。毫孔無不中理。入神者。周公亦自占多才多藝。能事鬼神。匠宰無神。五官爲竄。於工有不枯而雁乎。質生洛陽。絕才。太史公徒寫其怨急。以貌其人。政事疏自有別行也。班始入疏。遂覺靡長。總之吾兄賢者宜識其大。無庸彘彘文筆間也。第乞南部閒郎。所謂量而後入。幸爲語山公。雖是私乞。不妨公次也。當索弟官級之外耳。

答王字泰太史

湯憲祖

門下殆真人耶。世之假人。常爲真人。苦真人得意。假人影響而附之。以相得意。真人失意。假人影響而伺之以自得意。邊境有人。其名曰人。人之所畏。吾得不畏哉。僕不敢自謂聖地中人。亦幾乎真者也。南都偶與一二君名人而假者。持平理而論天下大事。其二人裁伺得僕半語。便推衍傳說。幾爲僕大戾。彼假人者。果足以言天下事歟哉。然觀今執政之去就人。亦未有以定真假何在也。大勢真之得意處少。而假之

翰苑瑣瑤 二卷十

三

得意時多。僕欲門下深言無繇矣。門下且宜遵時養晦。以存其真。

答謝繹梅司寇

湯憲祖

門下金崎精英。玉融風雅。鬱貞士之情神。顯大儒之作用。近讀風雷之奏。彌開日月之章。十漸不克終。遇唐宗而豈諱。六可長太息。逢漢帝以何嫌。今雖爲瑱。以言古有投珠於道。膏脂瘡痂。時事多非。救粟參苓。其言自在。

寄萬二愚

湯憲祖

讀兄大疏甚善。一不負江西。二不負友。三不負

新太宰清。新御史大夫明。或能久兄。兄亦可效外人。怯移病去官。已作殿中侍御史。不爲朝廷用。更何如。

寄帥惟審膳部

湯憲祖

人生有限之年。豈給無窮書籍。但用深心。取適於妙。第去嶺海。如在金陵。清虛可以殺人。瘴厲可以活人。此中殺活之機。於界局何與邪。歸苦墊廛。魄幾易宅。疴危之後。身寄轉輕。語云。本見而艸木節解。此時然也。兄無甚酒。幸爲我畱少許情神。相老而嬉。

翰苑遺事

下卷十

三

復劉郡伯

湯憲祖

辱以郡乘下詢。意三十年中人物。皆在耳目之前。鄉賢官以媚人。何得依鄉作傳。名官人以媚官。未審以何而名。大可忘言。細復何述。若兵食雜志。祇取各縣規條。浹夕而成。又無需立局也。

答潘完樸太參

湯憲祖

昔賢下車。先問名德。夫買骨可以致駿。尅象可以來龍。精微之致也。若夫非駿非龍。而首被物色。羅翟之人。固已感深於神選。拊切於風斯矣。九日登高。當從

大夫之後也。

答王子聲

湯憲祖

來朝官禁與朝士通。徒阻我良晤。彼暮夜者。亦何能禁也。風雪邸中。白晝擁臥。正爾爲佳。直是旬計。聽鐘鼓鳴笳。都不似十年前。長安同少婦時。五更驚夢也。

東長卿

湯憲祖

弟洗竹林寺。以待足下。竟成子虛。羊溝蚶谷。何得遊赤水之珠。吳人莫寒泉之子。窮而問所之。弟云。王大司馬後。屠緯真。家宜客君。以爲何如。妙於人。

翰苑遺事

下卷十

五

答山陰王遂東

湯憲祖

自分衰棄已久。無緣名字復通顯者。不謂采幽扶微。極意提獎。重以太夫人徽音之示。佳狀琳琅。披文相質。易以應命。附名碑陰。不朽良幸。又論因貧折腰。待稍治生。當歸讀書。此誠言也。某少壯時。卽妄意此道。苦無師傳。至博士爲郎南都。讀書稍暢。又以流去嶺海。幸得小縣。乃更不習爲吏。去畱無所當。棄官一年。便有速貧之歎。斗水經營。室人交謫。意志不展。所記書亦盡忘。勿偶有承應文字。或不得已。竭蹶成之。竊

色亦復何如。欲恣讀書。治生誠急。門下可謂通人。但讀書人。治生終不可得。饒世路良難。吏道殊迫。相爲勉之。

深知世語

與丁長孺

湯憲祖

弟傳奇多夢語。那堪與兄醒眼人看目。兄今知命。天下事。知之而已。命之而已。弟今耳順。天下事。耳之而已。順之而已。吾輩得白頭爲佳。無須過量。長與饒山水。盤阿寤言。綽有餘思。視今閉門作閣部。不得去。不

得死何如也。

真一帖
清涼散

答趙夢白

湯憲祖

天下皆知明公爲龍。可興雲雨。終不敢擾而用之。疑非人間物。終不可近耳。顧彼亦無雲雨天下之心。誠有之。卽似龍如弟輩。必且祈卜而致之。封固而迎之。拜跪而候之。庶幾以類得雨。而後送歸其處。况如門下真龍者哉。聞公隱於酒。酣暢高歌甚善。承問索弟時義於仲文兄處。不知弟衰時時病苦。不復留意此。

道。近日三尺童子能之。弟其挾掠絞擾其細已甚。亦如數年中奏疏。諄諄之流耳。公子高才俊氣。能爲文章。須爲其大者。弟近號鬬翁。乾而不出。無由更覩清光。悠悠天水。徒厯思存。

答馬心易

湯憲祖

南臯書來慰弟云。茫茫海宇。遂不能容一若士。倘若士此中。又不能容一海宇。卽便爲所弄矣。此語雖非其至。差足豁人。亦足轉奉兄破處爲笑。

大言

翰苑瓊瑤 卷十

毛

答黃貞父

湯憲祖

葉生來云。丈訝弟邇來書詞淡淺。覺有自外意。世有恐外吾貞父者乎。從頭二十一史。從何處說起。此時卽有深言。兄亦不能爲弟聽判。又不知弟當深言否也。弟之知遊臥起論心。經有年歲者。四五人。今皆開府而去。獨郭希老能於吏部堂上。昌言留遂昌令。魏見泉石楚陽。逢人作不平語。李翼軒生未一面。而爲弟高談人生。何必深也。

知己之感。政不容不深。

寄孫區吳憲伯

湯憲祖

八閩有孤介之士曰沈君鈇者。弟禮曹時敬信友也。如鄔如衡。耿耿自將。時論過之。而士論未嘗不心儀之。擯落家居。蕭然可念。而遠聞有里閭之疑。涉於吏議。乃至流落隱屏。不能自釋。凡在風聽。皆為傷心。以弟料之。世情自非晏平仲。誰能解驂而脫石父。自非孔北海。誰能飛文而理彥章。幸際吾兄。英慨自命。倘痛志士之坎壈。洞世路之嶽嶽。解其機絲。縱其毛羽。使沈生寬然。無磨鋒觸檻之憂。有巖棲川觀之樂。豈翰苑瓊瑤。卷十

與門人王觀生

湯憲祖

霍林為世疑至此。門下宜遣慰之。古人懷一飯不佞於天下士。懷一言也。

真話不必多

與于中父

湯憲祖

郎吏之推尚爾不下。此中進退竟是如何。弟惟喜朝

家有威鳳之臣。郡邑無餓虎之吏。吟咏昇平。每年添一卷詩足矣。

答林若撫

湯憲祖

不佞近衰。胸縮限在。自謚蘭翁。乾而不出。忽承門下。鏘琅雅歌。登然來思。起其再眠。抽其獨絲。頓使枯蟻。蠕蠕遂遂。如動如生。有出飛隄。戶間作五色意。加以長生名筆。虬拏鸞峙。攢為世寶。天噓地吐。五內為承。諸作精好。流祖自是。廊廟元英。積感之餘。尚圖嗣音。

與丘毛伯

湯憲祖

翰苑瓊瑤。卷十。正文體自是正論。弟我國家。全任法。不全任人。即文體不正者。服官不敢不如法治。偶以此三年一度耳。

答石楚陽中丞

湯憲祖

弟流覽時事。常有慨於卜式之談。縣官有隱能者。宜輸力。富者宜輸財。明公以文武兼資。秉鉞乘障。為國力臣。弟為世捐便宜。率妻子耕種牧畜。逐商賈什一之利。致富贏漚。輸助邊。今並以精力罷緩。心計迂錯。無能有所壅蓄。向麾下少致升粟寸鏹。助軍市牛酒。萬一而猥以破俸厚貽。願拓無用之人。此其人曾不

能與牧豎同短長。而輒敢覲顏。再餐不幾。怙愛而頑。無節度之甚者乎。誦扇頭報章。五六十明珠。瑟瑟然。從肺肝鏘激而出。必非餘人所得懷袖者。古歌但得一心人。何用錢刀爲。原貺返璧。篤誼中心藏之矣。

何等心事

寄董思白

湯憲祖

卓達二老。乃至難中解去。開之長卿。石浦。子聲。轉眼而盡。董先生閱此。能不傷心。莽莽楚風。難當雲間隻眼。披烈唐突。亦何與於董先生哉。形家饒生上謁。十年通此一字。生願而爽。要離豕傍。亦可用也。

翰苑瓊瑤

卷十

三

薦地師遂訓指玉樓諸公此筆情之巧

答鄒公履

湯憲祖

任公托末契而爲客。子美思述作以同遊。裁理酬情。今昔無睽。寧當僕不求公履。而公履不求僕耶。當時序已佳。平心定氣。返見天性。可爲良言。僕直望公履。轉縱轉深。才情更稱。少年人不在平心定氣。而在讀書。能縱能深。乃見天則爾。

與孫令弘

湯憲祖

孫君奇人也。乃知爲公孫貴門。無所苦而自以意性。好爲蒼淵簡遠。不入世之文。所謂怪怪奇奇。祇以自娛者耶。已而知君名爲公孫子。高華中實有所苦。故激而爲文章。怪忤而苑伊。雖然。然年少亦何至是也。昨讀後寶晉齋記。寥戾綿延。出人語度之外。至云。春秋三十有一。周旋百端。出罕素交。入偏室適。公孫何其多恨也。晉王述三十年。不爲其從子所知。山簡三十年。不爲巨源所知。以君之才氣凝郁如是。交遊內外。豈遂無足知子者耶。淡以明之。寬以居之。何知公孫之不復爲公也。

翰苑瓊瑤

卷十

三

寫令弘如畫

與趙南渚計部

湯憲祖

初試政時。極奉知遇。倉卒南去。自知才非世需。不敢求通長者。後益淪落。每讀大疏。軍國平章。千里之外。宛如聚米。國體民生。於焉是賴。而忽來旁及之論。遂成遠引之思。豈有維繫之誠。徒滯近關之迹。詩云。雖無老成人。尚有典刑。每咏斯言。恨身已錮。不能出一言爲明公發其悃悞。聞明公已待放於郊夫。咫尺君

親而去住難言。朱紱之困甚於蒺藜。此幽憂之士所不能堪。而何以爲名公釋然也。捐擯以來。長安問絕。而獨不能忘舊於明公。以明公立朝。都無過舉。所疑一二大事。自有主者。後人當自諒之。明公無愧色也。惟優游龍蠖。以爲世儀。周志齋堂。翁無恙其公子名位。何似幸示之。

真話真文章

與劉君東

湯憲祖

來教旁人何知我輩交情也。屠長卿曾以數千言投

翰苑叢書

八卷十

五

弟。弟以八行報之。渠頗爲怪。弟云。古人書上云。長相

思。下云。加飧飯足矣。此世人所不解也。公子何得不畱膝下耶。古人秉燭夜遊。是真實語。弟偶隨兒子至此。歸去看演黃梁夢耳。

與沈華東憲伯

湯憲祖

世大治。亂常起於殺人。殺人常起於殺萬物。讀老伯樹德堂稿。始知吾兄識韜多所全活。有從來矣。承諭代作。弟從來不能於無情之人作有情語也。

答馬仲良

湯憲祖

不佞少頗能爲偶語。長習聲病之學。因學爲詩。稍進而詞賦。想慕古人之爲。久之亦有似者。總之有韻之文。可循習而似。至於長行文字。深極名理。博盡事勢。要非淺薄敢望。時一強爲之。輒棄去。誠自知不類昔人之爲也。明公過聽毛伯之言。盱衡揚眉。謬爲引飾。委以頌言。勉承嘉命。祇益慚泚。誠又自知其不類。今人之爲也。瑤刻大致。性乎天機。情乎物際。星月定於衡璇。風雲通其律呂。含星吐激。自然而調。英妙如斯。過此安極。讀而樂之。又不啻身爲昔人矣。

翰苑叢書

八卷十

五

與孫子畺

湯憲祖

璆琅大編。本淹中之名理。發郢上之奇音。心骨俱清。神采並茂。極慕用於衰蹇。輒寶示於羣頑。嗣晤劉太甫。始知旌節已在鍾陵。禮重維桑。情深班草。而公歸已亟。予跂未能。悵寄如何。昨得讀尊公大集。益知至性有源。越人輿誦。皆知執法之清。而楚水瀕危。具見遺身之孝。事兼家國。義叶君親。此風人所以發興於景行。而沈心於懿德者也。聊因南羽。少附思存。小刻并附政庶幾無愛風斤。垂光秉燭。

婉篤
多采

答李乃始

湯憲祖

僕年未及致仕而世棄已久平生志意當遂湮滅無餘獨丈每見有暱僕之色每聞有賞僕之音僕萬有一中不無私念秋柏之實枯落爲陳偶有異人過而餽之曰此不死之餌也則必有採而畜之以傳其人者而自度清羸恐一旦爲秋柏之實不能不倚丈爲異人也獨自循省爲文無可朽者漢魏六朝李唐數名家能不朽者亦或詩賦而已僕於詩賦中所謂

翰苑瓊琚

卷十

五

萬有一當爲丈不朽者過而異之文章不得秉朝家經制彙常之盛道旨亦爲三氏原委所盡復何所厝言而言不朽僕極知俗情之文必朽而時官時人輒干之不置有無可如何者偶而爲之實未嘗數受朽人之情爲朽文也然思之亦無復能不朽者北來人才未有聽睹才識如丈年纔不惑庶其圖之僕觀館閣之文大是以文懿德第稍有規局不能盡其才久而才亦盡矣然令作者能如國初宋龍門極其時經制彙常之盛後此者亦莫能如其文也習而望之道

宏以遠誠知且朽猶欲逾於莫之示而無所聞者

答王宇泰

湯憲祖

來教令僕稍委蛇郡縣或可助三逕之資且不致得嗔宇泰意良厚第僕年來衰憤歲時上謁每不能如人且近蒞吾土者多新貴人氣方盛意未必有所扼而欲以三十餘年進士六十餘歲老人時與末流後進魚貫雁序於郡縣之前卻步而行伺色而聲誠自覺其不類因以自遠至若應付文字原非僕所長必糜肉調飴作衎衎中扁食今市人盡鼓腹去又竊自

翰苑瓊琚

卷十

五

醜因益以自遠其以遠得嗔僕固甘之矣所幸雞肋尊拳長人者或爲我一快耳然因是益貧田可耕子可教利用安身僕亦有以觀頤也趙真寧書亦語及此種種情事悅之尤能爲兄詳言之總非諸筆能盡

肝腸之言
一字一痛

與但直生

湯憲祖

良書疊疊知一意時文字殊慰嬌兒兒女偶爾流態不待飾粧青衣有遇也殆如夢中婉變耳老女施襦必須粧嚴精曉尊章鑒之姒媼睨之俱可而後君子

安焉。此如醒時迎別，故難易。若夏耳，總之男女遇合，有命也。直生正當醒時，未能免俗，聊復爲之，爲之則得矣。

答羅匡湖

湯憲祖

市中攢眉，忽得雅翰，讀之謂弟著作過就綺語，但欲弟息念聽於聲元，倘有所遇，如秋波一轉者，夫秋波一轉，息念便可遇耶？可得而遇，恐終是五百年前業冤耳。如何？二夢已完，綺語都盡，敬謝真愛，不盡。

答李還素

湯憲祖

翰苑瑣瑤

卷十

美

五

蒲柳之姿，偃臥江閣，辱惠曹溪三作，檀度機神，言無不盡。至云非不讀六籍，一讀一脗，脗文字原不立，何字可寓聯，可謂又領窮於此域，頃贊深乎彼岍矣。豈非朱冥浩杳，雲霞之所沃蕩，浮峰軫隱，日月之所回薄，驅靈洞秀，合而成東父之文言，耀南瞻之震旦耶？珍藏鳴玉，代響洪鍾，病起觀濤，晤言斯企。

與王觀生

湯憲祖

世人如鼇山燈，裁有煖氣，手足便動，吾弟可不一發走龍沙矣。

答余瑤圃

湯憲祖

不佞自爲童子，求蒙而叨執憲之知，暨作祠郎，進旅而托司空之重，仁深引汲，義切歸依，願以宸迹於炎方，遂乃銷聲於寒谷，音微儼爾，慶赴闕知，每咏大車動，焦裘豹袂之想，欲陳采藻，寫桃投李報之思，力請未能，公論具在，加以通家之喜，得觀華國之成，妙宰殊高於一丘，集賢將徵於四諫，拜太丘於都下，久知元方之有季方，重蒼生於會稽，快觀萬石之齊安石，方懷宿好，更重新知，海上相望，明月祇用思存，山中惟有白雲，無堪持獻。

翰苑瑣瑤

卷十

美

五

答錢受之太史

湯憲祖

文章之道，有盡所托，曠世可以研心，異壤猶乎交臂，存來感達，咸效於斯，或爲風神形似之言，或以情理氣質爲體，愜一而止，得全實難，捧讀大制，弘郁之文，深微之旨，豐美者如羣鳳奉妻，而朝陽溢其采，簡妙者如高鴻嶺嶺，而靈露發其音，渴者飲其情，瀾倦者驚其神，岳翰天飛而不窮，卮日出以無盡，粲矣備矣，而復垂音，一介獎借橫披，所謂溝中之斷，寵以丹青。

混沌之姿鮮其眉目通懷若斯心感何極不佞壯莫
猶人衰當復盛世途賸賸妄馳王霸之思神理綿綿
長負師友之愧賦學羞乎壯夫曲度夸其下里諸如
零小作移時輒用投捐蓋亦寸心所知匪煩人定
者也又何足掩空虛而對問修怡悅以把似者哉江
外三藩時勤星使如天西顧候望有期

六朝即解此情妍
能解此情時手台

與李九我宗伯

湯憲祖

從京師來者言丈蔬食敝衣或以丈爲貧或以丈爲

翰苑瓊瑤

卷十

三

倫夫世人何足與言真偽也馬心陽作縣食嘗不飽
趙仲一爲銓部歸來幾爲索賄人所斃貧而仕仕遂
不貧耶古人云匈奴未滅何以家爲此時亦非吾輩
作家時也惟丈有以自礪

寄李鵬岳

湯憲祖

吾兄敷歷清英物望民宗遑遑而著而高情逸韻仍
在衡泌常願遶烏鵲之枝從大鵬一息而僕病未能
我觀難嗣或者天造西人起兄於桃源紫帽間一過
章門道乎弟尚得披惠風飲甘露於以已病除衰所

願幸也

答郭明龍

湯憲祖

兄爲諸生時有以自立同異爲大臣而當更聽人耳
語耶世病兄輕發大端要亦獨行其是無所逃於天
地之間命也上有疾雷下有崩湍卽不此去畱能幾
余中孚未能感人幸自出險爲需有慶門下苦過黃
梁祠有詩枕中人會當破枕而去猶憶亥冬僊署笑
言屬有期契向後再計入都人地遂宵投棄幽虛時
作故人夢想而公才公望亦復以明夷出門庭矣江
楚風遙湘騷可接清流王相如負俊氣遊江湖間欲
盡見明公鉅大以廣其意惟兄進而教之

東丁庚陽

湯憲祖

王中丞近以湖州事爲吳越人人口語然正大之舉
或非邪小能害暫須一畱彭繡衣未知稅駕何所朝
家奕手似換而局勢未移彼人善後事宜吾鄉故不
能及

與李芳瓊書

許 儼

別後有楚豪購上客百金不佞自計力能得之飛騎

龍福寺中云已促裝去矣人生離合固自有數人力亦可奈何老丈才固自豪調自古加以沉頓之餘養當益厚庶幾後發先至者惟以古人神情肖以今人肌膚色澤使勿謂世眼所駭怪則可矣非固欲老丈舍所好從人既名為時文自宜與時上下如十翼雖古終不能復追典謨蝌蚪變而篆隸篆隸變而爲鍾王顏柳諸法詩則三百篇有蘇李五言又有建安有江左有盛唐五七言律排律時代固然其無足怪積桴土鼓不可以薦清廟汗尊杯飲不可以羞王公商

龍苑瑤瑤

卷十

甲

七

藝周鼎不可陳於百戲之場封建井田肉刑兵車不可治後世之天下試使古之能文之士如左丘屈原司馬遷相如楊雄韓退之之徒復生今世未始不可以卽古文爲舉業而卽今之善爲舉業者亦未始不可卽舉業之中而復見左丘屈原司馬遷相如楊雄韓退之諸作者之精神惟得其精神而遺其面目此真能學古人者不古不可以爲今不今不可以爲古老丈高明當自得之其又奚用予言余所論者蓋文體耳拙稿初出頗有時名諸有識者以爲文體復歸

大雅此正吾丈得行其志之日也勉哉努力勿負所期餘惟炤亮不宣

論時義便如寫家書一般

與王溧水

許 綬

日者行色匆匆出都門方欲脩一酌言別則已弗及悵之恨之溧水太邑盤根者多簿書案牘之積如山非我丈才名宜莫能治古人所稱寄命不小百里我丈樹駿垂鴻於今伊始異日宰天下亦如斯已不佞弟去書生還得一書生既做不得古人文章又做不

龍苑瑤瑤

卷十

甲

七

得今人事業悠悠歲月茫如捕風反不若分符郡國遙借天子之寵臨猶足有所堅立易言多譽乃利在遠勉哉我丈母負所期舍親典史王敷前於京中曾已面囑諒無容贅餘情縷縷惟炤亮不宣

與李見羅

許 綬

一離門牆遂覺蓬心區區修証之念既爲習氣所累復爲伎倆所奪忽奉瑤言寵以教語茫若亡子之見所親驚喜之餘愧汗不少某自佩服大教于茲有年矣粗知自好不敢泯泯間嘗以語於人曰取天下第

一等名位。不若幹天下第一等事業。幹天下第一等事業。不若做天下第一等人品。然言則如是。實或未然。反而求之。未能真見。夫簞瓢陋巷。所以可樂。窮通順逆。得喪寵辱。所以可一。聖賢所以必可爲。每一開卷。而閱古人。便如腰纏十萬。而入百貨之場。語任俠。則慕戰國四公子。語悲歌慷慨。則慕燕趙諸少年。語權謀。則慕管樂。語總核。則慕申韓。於莊周列禦寇東方朔之徒。則喜其宏放無礙。於東漢獨行諸賢。則喜其苦節。江左則喜其流麗。司馬穰苴韓白之流。則喜

翰苑瓊瑤

卷十

聖

其善用兵戰必勝。攻必取。左馬屈賈韓柳歐蘇諸作者。則喜則善紀事。與屬詞。出入衝突。常爲心患。眩亂反覆。莫知所歸。既而揆之於道。以爲無益。則又欲隱括是數者。而折衷於仁義中正之域。以庶幾于孔子所謂兼智廉勇藝之全。而文之以禮樂者。既而復自笑曰。學問固自有源。亦自有真。世有神仙之徒。能點鐵成金。終不若以金作金。久乃無弊。吾而習心盡忘。鳥用取徑於此。苟其未忘。則雖尺尺寸寸。周規而折矩。禹行而舜趨。亦止可名爲智人。廉人。勇人。藝人。不

可名爲禮樂。所謂真能節禮樂。致中和者。乃不當如是。然而牽於所嗜。亦未能決然舍去。如勞苦倦極者。之求休息。病者之求瘳。嗟夫。俯仰百年。爲日有幾。雞鳴而駕。日出而馳。日之將中。而尚徘徊參差。臨岐路。以於邑。迨其日暮。不知將安所稅駕也。方今世道亦大可知。其在老師。進而商鼎鉉之業。固不如退而明道。淑人以俟後之君子。卽某輩欲蹙蹙有所堅立。亦不如反而求之身心性命。庶幾不負此生。奈何館事方殷。未得遽去。累欲具疏請告。又爲主者所阻。未便

翰苑瓊瑤

卷十

聖

如志。甲辰歲。徑拂衣歸矣。此時葛巾長嘯而來。復逡巡法堂前。北面稱弟子。吾師尚曰。此子可教否。餘惟炤亮不宣。

對理學先生
言合如此

答吳按君

許解

曩方持斧出都門。甚嚴不敢請問。既而自恨以小嫌廢公誼。終愧古人夫忘人之德。揆人之能以成己之高。而使膺簡。命舉刺人才。急欲得人。同升如明公者。終有不能盡知之歎。蓋非古人所爲。故敢因鴻便

遂陳左右硤江知縣鄭耀乃某之師曩作敝邑教廉不取貧士一金所識拔皆知名士如某則尤所憫念其貧時分篋中金而佐之學者而某時尚微爲齊民未得與庠士齒則尤難耀閩縣人爲八閩都會某後以鄉會試往來其家又知其于孝友最著今世爲人如此者有幾明公與某相知無間不復疑其他其必知耀也無疑矣夫以耀之爲人固自可知而區區猶以爲言蓋亦示天下有知己之感云爾令孫岳自是遠器不知後來亦知有許先生否大抵爲師者必實

翰苑瓊瑤

卷十

聖

有可稱道之賢無可忘之誼而後可以薄德責其弟子稅使縱橫日甚江以西惟明公是賴明公勉之餘惟炤亮不宣

鄭映江高義資難得

與伯書

許獬

接家信見兩弟書知子榮弟已受室稱成人家中雍睦有加甚喜堯弟卽婚稍遲不害要當擇禮義之門而委禽焉乃稱吾家婦爲吾家造福不淺吾祖宗書香積累數世至於今始發發亦當數世未艾保而持

之使有永在人諸伯叔兄弟貧困久素所悼念伯又老矣非敢盡望爲不肖食貧束手待殍如昔日但造化忌盈亦忌驟凡事俱當以漸如古人所稱善居室者利以漸收家以漸殖饒人取豐我獨取嗇非特遠怨全名亦是畱不盡之福以遺子孫祖喪暴露幾四十年此豈可緩緩之不過欲待風水正恐風水不足甚憑耳且葬事亦不必甚厚當此末世倘遇兵火悔之何及反不若苟成事之猶足以塞責也朔風日嚴願加珍攝餘不盡

翰苑瓊瑤

卷十

聖

擬上沈龍江先生書

許獬

某自少時伏讀公爲宗伯時所爲舉業式頒行天下者則已知當朝有沈龍江先生銳意斯文以世教爲已責既壯守其轍不敢變遂叨一售官中秘未數月而公膺天子之新命入贊大政爲天下宰某私喜自語賢者固不負其位位宗伯也宗伯主文章風教卽以文章風教爲已責宰臣知天下政獨不以天下政爲已責乎而釋之乎文章雖係世道汗隆於天下之利病安危要不甚急若夫政一失之所關於天下

甚大所關於公之出處亦甚大自古大臣以禮進退始終其節不汙者世多有之其去而復起而能厭人望者鮮矣其復起爲天子之宰而能厭人望使無憾者則又鮮蓋非獨任大責重者之未易爲力也亦以望方新則難塞一不如意而苛論我者倍常時始爰立之命下人曰上以人望用公有曰非也利其衰且弱不爭事可以惟吾所欲爲又有非之曰否果若此曷若無之之爲愈也閣位闕不備者久矣果若此曷爲獨畀公蓋以公忠勤可屬又久居田間習知天下

翰苑瓊瑤

卷十

宋

人情所苦樂行且視公所引當否爲舉罷及公之辭也人謂公必不來夫公嘗謂上卿致政功立名成年七十餘老矣復何求而來有應之曰然公功立名成又老矣復何求而來倘其來必不苟又有曰然來而苟不如不來有謂今天下有一事乃舉世所共毒而上心所甚甘曩欲罷而不忍罷也公雖爭必不聽來何益有謂上久虛大位待公必有以異公且旣嘗欲罷之矣公爭之或聽其可以來嗟乎聽與不聽於公何所重輕獨所爲爭不爭與爭之力不力則天下之

所爲覘公而高下其議者盡在於是昔里革嘗正也而斷魯公之罟屠蒯膳夫也而徹晉侯之膳張釋之公車令也追止太子梁王之車且劾治其大不敬狀至使人主爲屈已謝過而後得釋鄧鄠門尉也死拒車駕毋得夜入所轄門至移從他門乃得入此皆卑官小吏能舉其職卒光史籍令名無窮矧上此什百者乎故職苟舉矣雖以罟正膳夫公車令門尉之官卑寵薄而猶爲道行職苟不舉雖貴爲公相而猶爲道不行也苟足以行其道雖以罟正膳夫公車令門尉之官卑寵薄而人猶願爲之苟不足以行其道雖貴爲公相而人猶恥之而不爲若曰吾自有潛移默奪之術無事乎悻悻決去就若小丈夫者之見則非愚所能知也某淺陋無知識惟習聞孔子所謂大臣以道事君之義謹拭目觀公之所爲惟公審所處幸甚

翰苑瓊瑤

卷十

四

甚制直自是歸
德公同心之言

與陳玉海

俞琬綸

別兩周序尺素未將情篤而骨懶知己之味固自有

真耳去冬曾辱遠書雖無多語恍如晤言別離之愁藉以差解弟兩年來無可慰懷之事惟唐人傲吏閒齋因獨眠與朝看飛鳥暮飛還二語稍與莫逆客車如蝟不問姓名拜跽如奴視爲俳戲身在浪淘風簸中情在煙駕雲裝外是可爲知己道耳弟入都不遠屈指晤期欣然起舞凡貴省貴榜貴部諸公從北而南者鉛霜未卸卽叩問起居皆言萬福深以爲慰終以未達一函爲怏怏適有家兄便艸數行代候儻以通家之好不惜一見寵藉無窮餘畱面旣

翰苑瓊瑤

卷十

哭

壬午

與同年某

俞琬綸

每於月底花前言念風采言念款誼獨步百迴渺焉神往及逢驛使動筆寫懷輒未數字而裂紙嚼去蓋臨風靜想之神過於晤對巧於夢寐纔落筆而真失耳年丈雅愛吾書弟不能謙惟感年丈能愛吾書爲知己乃別來潑墨數升盡歸椽曹兩廊架上與屋梁塵宰堵雨絮結爲團而竟以歸鼠之腹架上者之薄命與愛者之有情相憶而緣淺可歎也然機緣雖淺作合有神長夏初秋間願以新作草書數筆以當長

安惠縑之贈恐費相思先因家兄道經之便以爲作合之媒家兄名某倘不揣投刺幸門者進之彼無他腸但於都中敝止每以辱顧時曾望顏色別來瞻戀無已於懷耳彼臨岐受絨躍馬而北弟深羨之羨其見年丈之蚤於弟也春雲引思谷鳥牽愁遇有青鴻幸有以慰

與徐大治

俞琬綸

言念如玉幾番腸斷弟素有一癖性凡一處注存便萬事廢棄自西安受事以來終日閉門漫不理事卽

翰苑瓊瑤

卷十

哭

壬午

或稍理夢如亂絲蓋爲注存年丈也甲寅秋曾有一極長柬托一過客奉寄其中曲致相思可當面談今并此過客忘其姓名而細味來翰知己浮沉可恨也仙御逗吳昌多日弟正百病相煎甚有性命之憂簿書高束筆研欲焚且千里傳言有謂已還楚者有謂不久來西安惠訪者有謂卜宅閬城久居者遂視咫尺之書爲緩圖而孰意其皆誤也天涯久別恨不能促義和之足及此冬春間可得一快晤兼晤錦瑟樓人而弟命涼薄遭逢違願年兄再淹苦塊初容漫卜

刀鐮蕭索都門黯然無色去歲聞有惠訪西安之興
懸榻以待乃有促至一詩片片秋帆掛夕曛山深樹
樹鳥呼羣多情唯有江灘月未報來期日待君又有
懷初容一詩相對香齋綠正勻清歌送眼更愁人至
今想起銜杯夜猶帶長安二月春今人事多舛兩詩
不靈不能爲星媒月證便嚼碎付濁流矣金元甫丈
真第一流人物弟藉交契已註金蘭簿中晤元甫面
讀年兄書作初容想四人促膝邸中矣敬此慰謝函
吾內兄再遭焚惑之災昔年燼餘今盡燼矣報施舍
翰苑瓊瑤 卷十 辛

人蒼蒼何意可爲破屣而歎奈何

與周王繩

俞琬綸

別時未春草也今且枯楊吹鬢矣引頸拂霄恍猶舉
袂皋蘭清露尚有餘芬所恨過去風光疾如飛激未
來日月淹若蚍蜉屈指後期再親雲上眞畧刻三秋
也昔人謂拙病宦情少弟於此語語眞味長常想人
生何處不可以容七尺乃有此一業境非苦非甜愈
甜愈苦入之不禁額爛脫之無奈絲牽令人日老於
壁上可歎也弟濯翼梯高之志胸中絕無捱過兩年

稍免堂下休儒卽尋故丘簞笠青規兄弟望我母奢
矣今弟考成時也何成可考無非兒戲稍循故事候
謝從時一片微心不在側理也三衢爲橘柚之鄉遂
染得一身酸澀卽以將寄味之螯人無盡鬱懷統惟
心照

與謝亦凡

俞琬綸

還想昔年眞一夢也物換人非風颺浪簸少年雙去
若骨摧殘其匪石不轉久而勿替悠悠居諸不能老
吾兩人者襟期隔世研席猶香翦蝶尋鉤喁喁宴宴
翰苑瓊瑤 卷十 壬
一種情凝白首同心耳以兄丈之才荷衣猶掛天乎
人邪良足悲感因聞道費公傾蓋相得問弟舊遊時
之知己弟捫胸長歎灑涕而談爲兄極口稱絀且深
囑其睇睨費公長者兄試枉見之崇安史亦步弟與
同籍而交契誼高古人足商緩急凡有縣力可効處
不妨垂諭勿見外也白雲無情曠望迷目閩浙一衣
帶水兄好游乎毋如弟之匏繫則弟幸矣際此周道
往來續紛然無可爲鱗羽者偶廣文某丈亦稔知兄
與談甚悉因其使便走尺一以相聞慚愧祿薄無可

爲贈區區芹致資兄捧腹臨書神往勿靳好奇

與繆當時

俞琬綸

未出長安時長安爲難今出長安之味絕少而知已半留長安則屈指來冬入長安時又仙人矣。謝江濤春明標與年丈醒裏平分夢中交換然而通問之書。曾然蓋自有心期而竹素桃文非所言贈也。弟與年丈異氏宗梟今同籍雲泥矣而素心往來原不在同籍時故不惜有素心之懇弟嬾骨嬾情與仕途相謬受事來百苦攢心惟有飲泣無告人處雖有一念撲

翰苑瓊瑤

卷十

五

誠斤斤細節頗見知於上下而情與事違病以愁積度日如年推刻似夏兩月前以萬不能忍亟草文移改教而畏而思逃逃乃益繫計無復之惟有耐至入觀時爲此舉而非年丈不能預爲之地蓋至期本省司公同在部堂當事者非有先入之言勢必取決於司公而司公未必相許則亦無可誰何望以此情同玉繩諸年丈共爲扶掖是則天涯兄弟向中禁僊求吹蘭者此耳適有西安廣文李使入燕便附數行不

與陳韋翁

俞琬綸

綸征軸乍北卽寸腸九迴矣不待今日也。榆莢旣更未嘗數行通候然每於家報中得寢興康勝大慰遠懷音問雖疎精神密邇也。長公親家得名山爲館地襟懷愈奇才海愈溢每一念之心飛神往然其聲名太燥燕中縉紳欲一識韓而不可得祿位名壽四字能兼之者古來惟舜且當今之世露不如藏願長公善愛之也。綸六月受官侍對之期尚有百日思慕孔切舉眼無佳况雖長安鸞花殢人而兩腋翺飛目盼南鴻耳

翰苑瓊瑤

卷十

五

與管席之

俞琬綸

編愁以爲膺未足述相思也雲中之音乃得之卯金刀奇緣哉弟此番來病稍可而懶較甚委懷丘壑日想退鱗固未必前生有根荄者然世上淡泊人儘有何至如弟可笑可怪可暗暗驚喜而不可語於人且未可盡語於兄者遂亦未可自測三輪二諦徒滿人間席之一向好笑乎不向僧中老此身又於何處放看也兄詩大妙卽此詩卜他日有放着席之處而今

猶未能一鞭先到未知是爾是我耳兄謂秋涼過此何故而罷蚤是今日纔見此東若是蚤見不害弟預報青山今將安解乎然此期終不可負春來未晚亟須畱意除夕祠夢此第一件吉事矣外附數年前一未了之事心日感而無賴又未可以盡言

與陳古白

俞琬綸

得兄書乃在春之半而前此數日弟亦曾致遠懷情言纍纍兄見之乎犬子得帥皆荷明賜前書所囑此其第一義也弟自出勝後殊自慚愧才華如古白尚

翰苑瓊瑤

卷十

書

困鱗池中我胸中若得古白半分錦繡則今日一第亦傲以爲當然矣弟不久卽歸以便道訪兄於京口計焚修之處必在金焦兩山敵友劉季昭久仰高名今亦在隨從列乎外有奉懷詩數首來人甚迫不服請教後有便鱗當并拙稿致上兼求一叙定名陳俞兩生南園二集矣弟試作甚不慊意不可以示兄庶幾平日頗自苦心見知於造物若論試卷則萬萬無是理乃知此道遇與不遇又有在八股外者兄亦勿過認真只落得瀟瀟灑灑快活過日命中若有必無

人奪去若時命未逢亦必不爲躁心而先與之天生古白定有一發付處但寡交與省繁務才愈高而自歛名愈高而自愛則似與天心相宜耳特望於此處稍進一解他無可片獻也兄次聯附短箋以代候兼廣兄意如左所云至如思念之盡不待言述

又

三月杪作數行奉候且南鴻數返而嗣音罕有蓋知兄讀書北固枕江高吟瀉筆萬里才彩與山霞爭錦而地以兄靈兄亦以地王斷去塵囂神輕夢清寤寐

翰苑瓊瑤

卷十

書

可以往來不待尺素也然兄亦知江山之勝乎朝奇暮幻爲千古絕大文字然非雲卽霞非煙卽雨三尺童子未嘗不經見文之所以壽也彼與兄關才定關不過而才多爲患似反輸一籌兄能以四出之才華爲三尺童子所嘗經見者乎况以四出之光歸并於一隙則此隙中之徧現更不可方物願兄畱意才名爲造物之所忌如繆當時張異度尚未得兄錦繡中一綫而當時今始一第異度且以爲昔年名士而不得蓋人情惡薄今且彌甚而天之度量似亦寬於昔

而狹於今、可畏也。且才華爲山岳異寶、收在性靈、自有大用、非以堅不示人、遂謂虛廢也。弟六月受官、七月領憑木葉未下、可與兄把臂於金山妙高臺、兄館之間左、有劉季昭名懋文者、向慕已腸熱、今定入金蘭簿矣。此兄意超而心虛、幸朝夕共事、弟有拙稿、幾二百篇、在太淳處、託渠付梓、乞兄叙額以爲重、又欲得姚孟常一篇、反瀆兄轉索、千萬留神。

與張赤涵

俞琬綸

吾與兄苦欲盡甘將來乎。甘有不同、皆甘也。時感愈

翰苑瓊琚

卷十

五

苦更甘也。未到甘時、望着甘境、尤甘也。其舉數斛酒、遙相慶哉。扇俱不佳、字怎得住、非慢扇而不佳、佳字撐腹、對此惡扇、遂橫撐堅閉、而不肯出、其奈之何。兄以送人、姑言此書、未必君宣真筆、他日索真者、再送可耳。姚孝廉受知於兄、兄弟子之、更子弟之、弟之幸也。夫人被德於師之感深、被德於不師而師之感尤深、因此師、更得彼師、受彼師之德、而爲此師之感尤深、兄其使姚君深感弟哉、而弟之感兄、又可知也。千里衷腸、數行閑話而已。

與徐日方

俞琬綸

兄去乎、其夢乎、聊說夢於越吟之類、可以留嘉話、可以續斷魂、風前三歎、雲外孤期、脉脉於此、臨書廢筆而寐、希復有此夢也。

古今苑瓊琚卷之十

翰苑瓊琚

卷十

五

翰苑瓊琚卷十一目錄

啓

申時行

賀董宗伯壽

羅萬化

賀張鳳磐相公壽誕

孫繼皋

請南直進士

王應選

翰苑瓊琚卷十一目錄

賀張閣下太夫人壽誕

沈懋學

賀耿楚侗擢院副都啓

于慎行

賀魯王元旦千秋

孫鑛

賀郭華溪晉大司馬

王家屏

謝鄭中丞

郭子章

候姜大司成

馮琦

賀致政王司徒壽

汪道昆

擬請按院閱城

張學懋

賀趙主考

代

管志道

翰苑瓊琚卷十一目錄

賀石大司馬壽

徐常吉

賀戚南塘壽

蘇濬

上裴大司徒

葉向高

賀按院元旦

方從哲

請同鄉新進士

馮時可

謝裏王元夕惠燈果酒菜

屠隆

壽董大宗伯

賀陳進士奉詔歸娶

詹在泮

賀張新建進禮書

張文介

謝益王酒饌

徐渭

翰苑瑣瑤

卷十一 目錄

三

上新樂王

吳國倫

謝鄭王

褚用章

賀新任江院李

上張刺史公啓

賀淮安杜太尊

賀朱御史

羅棟

請大司成

李劉

賀黃安撫除大理少卿

李維楨

賀楊冢宰公子登第

蔣孟育

賀葉相公加少傅

湯賓尹

請陶諭德座師

湯顯祖

候高太史同年

賀王紹賓憲伯

翰苑瑣瑤

卷十二 目錄

四

與陸津陽岳伯

答吳微如大參

趙邦柱

上楊大司徒

何三畏

請按臺鷹揚宴

鄧宗齡

王相公壽誕

答大司成黃儀庭

陸應川

回方教授賀壽

王穉登

賀按院元宵

焦竑

賀相公元旦

朱錦

賀殿下

胡國鑑

上劉健菴撫臺

田大年

翰苑瑣瑤 八卷十一目錄

候大司徒陳公

鄭明選

賀汪中丞擢少司空

陳幼良

候西寧侯

張應泰

賀申長洲考績

上冢宰王公

郭淳

賀郡伯孫公冬至節

連繼芳

賀朱金庭相公

賀沈龍江相公

賀總兵皮林奏捷

賀李總兵壽

答李總兵

張守戎征苗奏捷

林豈塵

賀楊國錄

成於思

上大京兆五岳陳公

唐文燦

翰苑瑣瑤 八卷十一目錄

賀戴司業

賀都督元旦

六

古今翰苑瓊瑤卷之十一

浙姚 孫 鑛評

吳郡 陳元素校

啓

賀董宗伯壽

申時行

仰惟臺下鶴算日升鴻禧天錫七十杖於國更曆三
暮八百歲爲秋行躋萬壽神明有象吾黨咸欣竊聞
昌熙有道之期乃生碩德不二之老出爲世用若祥
麟瑞鳳之儀於明廷退而里居如大呂黃鍾之藏於

翰苑瓊瑤 卷十一

二

三九

清廟縉紳仰其風采鄉邦率其典刑人稱達尊帝社
元吉昔所聞者今乃見之伏惟老師道德積躬文章
名世忠納人主之知而不盡行其志身任天下之重
而不見容於時歛其精華臻於壽考碧瞳玄髮望而
疑其山澤之癯熊經鳥申默而契乎神仙之術登山
躡履不假扶筇對客命觴常聞繼炬援筆萬言而不
經思揮塵累日而無倦意翩然若少壯之年睟乎有
嬰兒之色知精神獨得於內而體力無變於初其爲
壽徵可以理決此朝野所共稱慕而在門牆尤切懽

忤者也茲屬澄秋恭逢華誕星輝南極南極壽星也瞻紫
氣之常浮雲臥東山謝安臥東山知蒼生之共祝祇緣忝
竊未遂振趨曳組垂紳敢忘受恩之所自稱觴進履
其如上壽之無從聊具蕪緘敬修芹悃尚祈台鑒不
任瞻馳

賀張鳳磐相公壽誕

羅萬化

天啓昌辰寶曆應萬年之景運帝資良弼瓊圖徵五
福之脩齡光燭上台祥依北斗仰觀象緯俯愜輿情
恭惟閣下累朝元老曠世達尊山以西毓粹鍾靈間

翰苑瓊瑤 卷十一

二

三九

出鳳凰之瑞海以內嚮風歸化永貽磐石之安張相
磐此聯直切二字至誠結主上之知先覺任天下之
重措太平於紳笏多士彈冠紆康濟於廟堂群生挾
纁惟茲建午之月實際生申之辰詩維岳降神南極
流輝東華注筭東極青華酌兕觥而瞻龍袞錦連珠
履三千拜金闕而薦瑤觴班舞玉樓十二遍人寰而
慶忤率區宇以歡呼某敬迓鴻禎共申燕賀喜同青
鳥爲傳天外之音心切丹葵竊向日邊之影伏願長
爲柱石永濟鹽梅書說命若作和享祿位名壽以無

疆奚啻中書公二十四考唐郭子儀爲中書令凡二十四考此社稷山河於永固還齊聖天子萬有千年

請南直進士 孫繼皋

留都重地繼周家菁莪撲棧之歌詩文王菁莪樂南有撲棧作人

國多材侈漢室方正賢良之對美匪竹箭寵踰粉榆

同卿曰敬秩初筵樂觀盛事恭惟先生簪纓望族同

季札之賞音禮樂名家嗣言游而振響剖綠字丹書

之秘掩二陸於雲間抽玉函金簡之藏駕八公於淮

上圖南奮翼早知月旦蜚聲冀北空群今見雲霄發

翰苑瓊瑤六卷十一 三

跡天廷揆藻洋洋經緯之章甲榜題名濟濟圭璋之

彥蓋分符者一十四郡而入彀者六十七人總制額

三百英雄奚止十而得一計國家十五屏翰豈徒一

以當三馬蹄忽遍長安紙價頓高洛下雖玉山珠海

固百年孕毓之煩而風虎雲龍寔一旦遭逢之盛某

等均爲吳產欣逢比室芝蘭共際明時快覩滿城桃

李日臨癸巳星賁奎躔敢修梓里之同盟需雲布彩

易雲上丁天需君用續瓊林之勝典湛露分香雍容

子以飲食宴樂閒雅以取市儈豈君素志正直忠厚以陳國是寔我

同心仰止龍光聯翩鳳翥

賀張閣下太夫人壽誕 王應選

元扉弼化明良際一德之光慈幄凝釐忠孝洽兩全

之美瞻翟輪之就日喜溢舍生仰鳳詒之自天道弘

錫類寵膺紫極養就黃扉宗社奠安正捧魏公之日

庭闈悅旋瞻狄相之雲躬上宰以承迎萬里錫荆

襄之重介中樞而祗迓九天宣日月之華玉佩仙琚

共看婺光聯壽極婺女星名青瞳白髮爭傳金母下瑤京

都人士舉洽歡聲卿大夫胥傾喜色兩京申眷殊儀

翰苑瓊瑤八卷十一 四

特重於上方五位頒綸異數迴加於九錫禮有九錫日與馬衣

服樂則朱戶納陛虎賁弓矢鉞鉞龍也霞駟奕麗冠彈簪八座之榮

六曹尚書并令雲鼎煒煌亞玉食九州之貢大孝遂

於顯親上忠資以報主奉慈聖而左右慈慶導康

寧福壽之疇輔皇極以敷錫皇猷綏蕩平正直之

理憲萬邦而維則昭千古之爲光其謬綴班行仰勤

知遇西來按節遙瞻相業之格天北嚮傾心祇誦孝

思之永世敬裁竿牘贊喜門牆伏祈台鑒之昭垂莫

罄私衷之欣躍

賀耿楚侗擢院副都啓

沈懋學

位重西樞、藻火榮輝於象服、班聯北極、羽儀光映乎
螭頭、翹首五雲、馳神萬里、恭惟憲臺下三朝宿學、一
代宗工、撥巍魁於丙辰之春、麟經獨步、秉文憲於南
畿之服、鳳翥高騫、累涉清階、光臨閭壤、丰采明三千
組練、草木知兵、精神壯百二金湯、山川增色、未期年
而過化、竟千載以頌功、顧繡斧方新、化雨淪濡於海
甸、乃白雲錐彩、秋風淡蕩於湖湘、讀禮里間、養高桑
梓、東山戀謝、傳蒼生引領何殷、謝安隱東山人曰安石不起當如蒼生何

翰苑瓊瑤

卷十一

五

洛社起溫公、丹詔臨軒載錫

司馬溫公歸洛社集者英會後起宰相

晉

參天憲雅、握風裁肅、清朝野之具瞻

聳臣工之觀

聽諒遺直、更踰鄭叔、清班暫列於兩丞、知偉度有如

九齡、峻秩應隆於三獨

光武特詔御史中丞與司隸校尉尚書令會同並專席而坐故京師號

日三獨坐

上台接踵、萬國傾心、凡屬帡幪、孰不景

焉、駘賤品、向承伯樂之垂青、瓦礫徵資、久荷風

胡之俯鑑

伯樂相馬風胡相劍

鱣堂千里夢

楊震嘗有雀銜三鱣于講堂占者曰

此卿大夫服象也數三

無地趨蹌、鳳閣一心懸、有天

怙冒、肅將燕賀、聊貢魚箋、伏願簡注殊殷、崇禧益迓

澄、清、海、內、忠、良、指、日、以、彈、冠、表、樹、朝、中、貪、墨、聞、風、而、
解、綬、八、表、回、淳、龐、之、俗、四、方、成、熙、皞、之、休、仰、冀、斗、垣、
俯、垂、末、鑑、

賀魯王元旦千秋

于慎行

內三成泰

內卦三陽則爲泰

弘開萬象之春、得一爲元、茂祝

千齡之筭、東風入律、南極呈輝、恭惟殿下地重親賢、

德隆藩輔、州分海岱、郊青帝以迎年、國應奎婁、轉旋

儀而得歲、丕膺純嘏、懋對昌期、將臨獻綵之辰、適值

懸弧之誕、日躔初度、十二月成物以周天、帝與仙齡、

翰苑瓊瑤

卷十一

六

八千歲爲春而始旦、紀夏正而四時肇序、考魯頌而

三壽作朋、其也幸列華封

華封人祝堯曰多壽多男

久依大

廈

疾風暴雨然後知廈屋之爲帡幪也

望青陽之左个、莫稱玉殿之觴

慶紫府之長春、願效瑤階之英、恪陳鄙頌、仰祝蕃禧、

伏冀睿慈、俯垂電炤、

賀郭華溪晉大司馬

孫鑛

夔龍位次三台、八表仰羽儀之重、司馬權專九伐、六

師總籌略之雄、威靈遐邇、慶貽中外、恭惟臺下自天

生德、維岳降神、雙魚迢遞飛來、獨鍾間氣、九鯉淵源

流出遂毓真精。心上有經綸。半壁東南砥柱。目中無
胡虜。一麾陸海縱橫。千里折衝。萬邦爲憲。頃握符於
嶺表。兼持斧乎粵東。虎帳魚書。寒破犬戎之膽。霓旌
雪刃。坐銷鯨鯢之魂。至仁無恩。太平有象。旣垂庠於
盛代。遂晉秩乎崇階。圻父掌王瓜牙。詩圻父王之瓜牙圻父司馬也
廷議得人乃可。尚書司天喉舌。僉曰舍公其誰。隆眷
特鍾於一人。輿望允孚於四海。進階則仰憑日月。出
地三千曳履而直上星辰。離天尺五芳聲有永。偉績
無前。某望北徒殷。落南寢久。蟠木爲萬乘之器。必資
翰苑瓊瑤。

八卷十一

七

根抵之容。祥光躍大冶之爐。敢作莫邪之想。聊申燕
賀。徵慶蟻忱。

謝鄭中丞

王家屏

某支離陋質。樗櫟散材。逖迹蒿萊。甘心腐朽。猥荷台
慈。特達睠注。勤倦喚咻。於疾痛之中。藻潤其疲。爾之
狀。吳公之薦。賈誼未比其知。叔向之識。嚴明詎方其
遇。第自分溝中之斷。莊子百年之木破爲浮舟。青黃
而文之其斷在溝中。此獲寧于
溝中之節。則棄不復收。何敢擬上之。時而後出。
美惡有間矣。門下與人不愛其情。進賢欲加諸膝。遂使鼎疑真鳳。

取信於下惠之言。馬誤驪黃。定價於伯樂之顧。卒憑
履幕之薦。再屢旃厦之徵。所自來。知非偶爾。所媿
宿疴雖減。莫濟中乾。舊殖盡荒。何資入告。探伯魯之
簡。祇切憂兢。臨楊朱之岐。楊朱臨岐路而哭。爲可勝
其可以南可以北也。迷謬肅茲馳控。以代先容。王程有嚴。方迫束裝之冗。
台光非遠。已儲撰履之誠。

候姜大司成

郭子章

山中宰相。常懷捧日之心。地上神仙。惟抱擎天之志。
身雖遊於綠野。望實繫乎蒼生。久切瞻依。可勝戀慕。

翰苑瓊瑤

八卷十一

八

恭惟台臺三吳間氣。百代殊才。麗藻燦銀河。直織天
孫之雲錦。詞源翻玉浪。橫吐明月之驪珠。魁薦賢書。
金闕麟經。獨步英遊。秋苑玉堂。鳳羽高騰。出司兩浙
之文衡。培植宮牆桃李。陶鑄三千之禮樂。玉成廊廟
珪璋。晉陟太常。旋登師席。圖橋壁水。盡羅四海之髦
英。錦軸牙籤。泛覽千箱之圖籍。譽徹九重。天子望
推輔弼。元臣忽被流言。遽興歸思。日逍遙乎繡里。每
潦倒乎綺園。琴鶴雙清。秋月春花爲侶。詩書數篋。高
山流水知音。堪云海上蓬萊。僉謂人間閭苑。况鳳凰

巢於阿閣久誇八極之羽儀乃鸞鷟縱於丹丘復侈
一方之人瑞唐鄭仁表有才識人謂曰天瑞父有作
年有述文章經學淵源家為孝國為忠德業世傳汗
簡其為祝頌曷罄名言念先君夙忝同袍會挹星標
於都下顧孺子濫叨後進久瞻風采於詞垣數年萍
梗參商終日斗山仰企久稽候悃未遂鄙私謹以鴻
翔聊將驚臆伏願純禧薦至介祉日新鶴表出塵佇
蒲輪來於早暮龜齡長歲祝椿樹紀於春秋揖司馬
於耆英宋文潞公集洛中公卿司馬光等九人為耆英會不數金莖玉蕙幸

翰苑瑤瑤 不卷十一

九

潞公之嬰鑠但看綠鬢朱顏蒼赤傾心冠裳引領統
祈珍攝百拜琅函

賀致政王司徒壽

馮琦

七十而賜几杖如同絳縣之年

左傳絳縣之老八千

以為春秋願上漆園之壽地鄰東海節屆南薰敬祝

長春喜逢永日恭惟臺下氣涵剛大性秉中和漢庭

高獻替之風楚甸懋將明之烈任隆地部方登九川

之崇情切天親不以三公而易芝蘭滿砌袍笏盈牀

架上詩書已作傳家琬琰邊頭鈇鉞亦成奕世弓裘

請看自古之靈椿孰若吾鄉之喬木天之所福非但
美意以延年人皆曰賢兼有令名而長世茲逢穀旦
益茂繁禧遙瞻松栢之標敢致薦蘿之款崆峒問道
瞻鶴髮以何時蓬島逢仙衍龜齡於此日偕陳不腆
代祝無疆龍馬丰姿葆精氣神而登上壽麒麟勳業
兼齒德爵而稱達尊未既敷陳伏惟崇炤

擬請按院閱城

汪道昆

四星臨翼軫

二星在南方

霜威澄湘水之清六察震

藩垣風采肅礎磐之峙激揚玉斧增重金湯屹東南

翰苑瑤瑤 不卷十一

十

為長城者萬里襟疑嶺列泰山於四維茲者龜告吉

於良辰雉張拱以待閑

城上女牆曰雉

天章錯鳳翥

鸞迴之采地勢乘龍蟠虎踞之雄窮眺臨送孤鴻於

天際奉笑語聞九鶴於臯中

詩鶴鳴九臯

非玉尺之

撞洪鐘執茅簞以隨繡節

賀趙主考代

張學懋

天部表儀四海快斗山之望文林衡鑑三秦仰衣鉢

之傳

宋范質舉進士主文和凝愛其才以第十三登

老夫衣鉢也蓋亦

桃李生輝簪纓動色恭惟台臺

事君以人求賢爲國上書楓陛才名久著於聚區主
爵銓曹品藻允符於輿論惟茲關陝之地故多齊魯
之風毛詩之詠兼葭尚書之存泰誓儼然作者郁平
文哉邇來人士之趨奇侵淫異學遂至舉業之日繁
割裂聖言乃推一代之偉人來作五經之司命皇華
霜曉星軺歷道里三千棘院風清電目收英才七十
賢書奏進誰爲躍冶之金程式流傳洵是奔瀾之砥
其猥以樗材謬當屏翰仰上臣事主之偉節當效執
鞭懷北道作主之微忱莫伸投轄走力布區區之片

翰苑瓊瑤

卷十一

十一

惘代躬陳瑣瑣之疏儀此日韓昌黎起文風於八代

昌黎集序文起八代之衰他年裴行儉垂玄鑑於千秋唐裴行儉典選吏部有清鑑所用皆知名當世號稱知人

賀石大司馬壽

管志道

大呂司晨

犬呂陰律十二月也

瑞氣滿睢鳩之署

左傳睢鳩司馬也

中

樞明宿勝事值王羊之年武庫五兵

杜預爲度支尚書流杜武庫言

無所

安胎宇內天門八翼

陶侃夢生八翼飛上九重天

光近日旁

恭惟門下功參造物謀協先天瘳霄垣碣之高標挺
乎作柱納海洪河之量沛然成霖崇論讜言補帝袞

而熒熒五色

仲山甫補之

沉機深略敵王愾而皇皇

六師坐策銀州一鼓而雲徹泮渙默籌滄海再舉而

席卷虔劉鐵障金城國家伏精神於元老蒼松翠栢

夷夏瞻氣色於長安初度筵開丁年無二毛之感千

秋業富子夜有四時之歌月既望而北落爭明星方

迴而南斗獨燦

南斗老星也

壯猷貞吉丈人之錫命惟三

易云王三錫命

好德康寧師臣之歛福有五

書五福首曰壽

竊念後

學最慕前脩兩塞驅馳夙奉幕中之畫三垂坐鎮深

懸閭外之推酌漢水以爲漿矢酬明德望華封而效

翰苑瓊瑤

卷十一

十一

祝莫罄私衷伏願恩與日新業隨年峻雲龍風虎六

符常見昭明地雁天狼萬里永消氛祲

賀戚南塘壽

徐常吉

文昌揚紀上將連司命以俱垂壽瑞著符老人向直

狼而特現氣壓旄頭之會芒銷箕尾之熒

傳說佐武丁乘東維

箕尾而

東井無氛

氣字星也

北河有躍叨分郎位每承

比壤以承華喜睹帥門方鎮近郊而獲吉口誦天官

史記手題極老畫圖馳函奉祝敬曝將忱厨品粗供

於張索苑牲敬進於聚婁犒羽林之大軍雖非其具

需翼舍之遠客、或在所留、惟祈高澤增輝、正參旗而
明河鼓、更使妖邪歸順、藏外看而戡罕車、

上裴大司徒

蘇 濬

其胸約無奇、才疏鮮績、豈惟局趣、固同轅下之駒、抑
且葩茅、如見日中之斗、日中見斗、謂其時猥以末品、謬佐下
風、見束於蝥蛙、詎知大海、技殫於鼯鼠、罔效中山、瑕
曷止於毫纖、癡何堪以洗索、洗索、洗垢索、癡言恭惟臺下

鑒萬類、以為光、納百川、而能下、方城漢水、望實倍乎
高深、洛汭商山、貴已及於草木、歌吉甫之憲、而風動

翰苑瓊瑤

卷十一

十三

日暄、各惟其施、試越人之劑、而牛溲馬渤、咸適於用、
越有石醫牛溲馬渤皆出為千城之寄、入為邦計之
取之為藥餌可以治病司錢穀甲兵、不徒鋪張之飾、文章禮樂、總皆咳唾之
餘、如某者、自分黜幽、反承褒袞、春秋胡序一字咸虛
而受、晉錫有加、采菲及葑、頓忘下體之賤、維桑與梓、
獲增大塊之春、顧昔在商於之墟、即念釋名言、猶若
允出、今入蒼梧之境、縱寤思展轉、何異面牆、

賀按院元旦

葉向高

青陽肇歲、熙辰方會、於三朝、聽馬行春、渥澤漸流、於

一路、先自葉榆而動色、且沿檣棟、以傳聲、不假放生、
東部遙迎淑、淑、何煩禳厲西陲早闢妖氛、凡茲闔省、
之蒙庥、皆本尊臺之歛福、某幸逢上日、恭挹下風、對
階栢而銜杯、難隨飲栢、懷院椒、以試筆、擬效頌椒、共
選微員、專齋短疏、仰贊道亨之喜、俯摠心服之誠、至
敬無文、惟披悃素、太和有象、豈止澄清、願伸讜論、以
徹重閣、白獸樽首膺寵錫、祈協訐謨、而躋九列、黃鍾
律旋賴均調、

請同鄉新進士

方從哲

翰苑瓊瑤

卷十一

十四

桃花千尺浪、文揚牛斗精、芒杏苑十分春、慶洽龍雲
盛際、望真人之邇止、覺喜氣之初舒、恭惟臺下海鶴
奇姿、石麟異稟、雪裏飛鴻之句、絕烟火於塵寰、壁間
銜蚪之文、披霞濤於物表、臚邊雲五色、蚤經太史之
占、江上景王春、預待眾真之集、謹涓月之廿有一日、
假肆筵之樽俎、萃兩浙之人文、榆社情殷、上國迂龍
光之燦、蘭交誼重、都街引騶、從之儀、秀色映冰壺、縹
緲蓬萊風月、高談霏玉屑、依稀閬苑神仙、佇聽鸞鳴、
不勝鵠竚、

謝襄王元夕惠燈果酒菜

馮時可

月殿星橋，峴山起高明之界。銀花玉葉，襄州開韶麗之天。三爵行樓，九龍不眠。恭惟殿下金枝翊運，麟趾開祥。孤月西園，秀心鏡而齊朗。小山叢桂，假情田以竝春。惠徧寒門，常普燭龍之照。樂逢佳夕，盛張火樹之輝。控紫驪以駢驥，人人稷李。度清管以飄搖，處處落梅。其曳裾有緣，應教自幸。宮牆天遠，誰能瓜畫新聲。庭燎雲連，何日壁分餘照。方欲借虹橋於殿角，不意來鴈使於郎中。燦爛雙燈，侈分金羊之耀。旨甘百

翰苑瓊瑤

卷十一

十五

壽董大宗伯

屠隆

經世雄文，會日月星辰之運。匡時上宰，調陰陽風雨之和。簡德業於帝心，發英靈於嶽降。恭惟臺下天日奇姿，文心鉅匠。名成三策，少年籍才子之稱。賦就兩都，一日貴長安之紙。碧雞金馬，言翰林之職業崇班清映乎冰壺。威鳳祥麟，言翰林之才德藻思光生乎彩筆。遂登講幄

佐盛德於青宮，爰正秩宗。掌邦禮於紫禁，久勞廊廟

士民仰北斗之尊，暫夢烟霞。辭官歸隱遠近繫東山之望

時屬三秋，忻逢嘉節。天高八月，適誕偉人。借桂輪以

代華燭，朱顏照見桃花。取天樂以張瓊筵，綠髮明於

黛色。交梨火棗，供自西池。仙曲雲謠，傳來金母。蓋

皇明之運祚有赫，知元老之壽考無疆。某昔承人乏

作牧名邦，朱門清燕。數奉音徽，綠野逍遙。時陪杖屨

仰德星之曜里，契洽傲蘭荷甘露之灑心。義存金石

椒蜜金石竝喻交契也逮自移官以來，嘗不敢念疇昔陟香山

翰苑瓊瑤

卷十一

十六

之高標，停雲而憶白傅。望澄江之如練，臨風以懷謝

公。伏惟壽比嵩高，芳流竹素。名齊綺皓，商山四皓位

自伊周。

賀陳進士奉詔歸娶

屠隆

黃姑織女，銀河渡天上雙星。弄玉蕭郎，金屋貯人間二妙。連理枝倚春風競美，合歡帶指新月要盟。蓋倖洞府於塵寰，卽神仙不足爲樂。而等佳期於天漢，雖日月不足爲長。恭惟臺下桂林一枝，崑山片玉。年少登朝，羨芙蓉之出匣。才高作賦，抒錦繡之凌雲。茲者

上書以請暫辭鷄鷺之班奉詔而歸永結鳳凰之侶
文就千言美矣東都才子粧成七寶嬌然南國佳人
紅綃拂滿袖之天香絳蠟映盈階之月色光華並耀
倚綽約而花垂律呂相和吹參差而鳳下蓮開並帶
影憐池上之鴛鴦縷結同心日麗屏間之孔雀人心
之歡娛斯極生平之樂事都兼伏願采綠道周薦蘋
宗廟舉梁鴻之案所重惟賢饁冀缺之耕郊缺周時
人夫夫李
日使冀見缺耕于野其妻饁之敬如賓歸薦相待一
于文公序缺大夫賜黃為采邑因稱黃缺云
敬此才鮑謝彼美姬姜恒裨職業於雞鳴詩女曰雞
鳴士曰昧

翰苑瓊瑤

卷七

十七

旦夫婦微 蚤召符占於熊夢

賀張新建進禮書

詹在泮

紫閣擎天萬國仰平章之績黃扉誓日一朝成戡定
之勳豐猷既懋於西寧丕光武烈峻秩自宜於北斗
上映文昌寵渥天邊慶延雲裔懽孚中外喜動儒紳
恭惟臺下南浦鍾靈西山毓秀懿文華國名高萬選
青錢正色立朝聲重千秋金鑑唐張九齡進
千秋金鑑錄謹論藉
回天之力綿國祚於苞桑訐謔收浴日之功鞏皇圖
於磐石追誅逆黨益效嘉謨飛羽檄於城中內變勤

翰苑瓊瑤

卷十一

十八

思於外應靖烽烟於關外近攻絕意於遠交徐興決
壩之圖堅守築堤之計止聲一鼓犬羊魄散於青霄
遂陷孤軍虎豹氣雄於紫塞風雲助陣草木為兵首
叛如劉困比鼎魚就沸元亮若亭亭承恩寧
夏之變阨同穴
免貼危宥脅從之無知大開湯網殲渠魁於不赦卽
倒武戈衝冠之怒始涓滔天之罪已正此固聖明
之神武獨斷操威福於九重然亦忠良之妙筭相成
決勝負於千里試觀冲鋒克敵雖嘗稱韓信無雙畢
竟授旨據謀誰敢望蕭何第一敬循往轍用布新綸
進宗伯之階追襲龍而典禮樂申胥子之教姬周魯
以象箕裘顧叙功止陟春卿寔體相公之謙讓惟崇
德直登首揆方摠主上之寵靈某等均屬王臣共
持國是激忠肝而遏亂嘗思饑處餐腥鼓義膽以除
兇但欲渴時飲赤壯士飢餐胡虜肉
笑談渴飲匈奴血媿非韓范無能
滅賊於西陲賴有富歐卒致獻俘於北闕高懸賊首
痛快人心大整綱常盡復周官之法度重新冠履仍
還漢室之威儀光武平賊父老還道
口今日復見漢官威儀燕喜惟殷無
計趨踰於八座雀歡莫罄遙申美頌於三台

謝益王酒饌

張文介

西。澗。尋。花。偶。有。斗。槎。之。泛。張騫尋河源乘斗牛宮東。園。載。酒。
忽。驚。仙。使。之。來。未。由。正。席。以。先。嘗。固。已。醉。心。而。飽。德。
恩。踰。亟。餽。感。切。素。餐。伏。遇。殿。下。秀。質。稟。至。人。之。盛。德。
生。知。兼。才。子。之。多。能。好。善。忘。勢。近。邁。百。王。虛。已。憐。才。
遠。師。千。古。如。臣。枯。朽。亦。照。陽。和。德。匪。穆。生。均。叨。設。醴。
楚元王敬禮申公等穆生不嘗酒元王每設醴待之才。慚。李。白。并。荷。調。羹。賀知章知
李白于元素召見論當世事受。茲。眷。知。何。殊。覆。載。臣。
奏頌一篇帝賜食親為調羹敢。不。矢。心。夢。寐。圖。補。涓。埃。報。恩。方。去。雖。有。媿。乎。雲。長。

翰苑瓊瑤

卷十一

十九

乘興重來、永不忘乎雪夜、少摘鉛刀、敝帚之能用、申
一飯千金之義

上新樂王

徐渭

某陪驂作賦、本無梁苑之才、下獄上書、乃有吳宮之
阨、逡巡解網、憔悴非人、偃蟄自幽、鄉閭不齒、恭惟殿
下乘陳思曹氏之麗藻、兼河間獻王之大賢、侍飛蓋
者、豈止應劉、登秘府者、悉皆經史、宜其高視一世、卑
俯百家、顧復遠覽之餘、不遺葑菲、文石之寵、重以珠
璣、言其重也出袖迸霞、入齒飛雪、迸霞飛雪是誠東海

之上與員嶠而爭奇、西苑之濱、偕芙蓉而竝逸者也、
矧以二生頌述、五夜歡娛、諧笑所及、風雨雜陳、揮灑
不停、驂駟失驟、野人聞此、益復靡然、遙想高風、便欣
授簡、顧茲脩路、曷由裁管、謹布尺書、託諸魚腹、兼呈
小刻、真媿蟲雕、

謝鄭王

吳國倫

恭惟殿下、惓惓翊國、恭儉宜家、德表九宗、文輝四曜、
雖東平之樂善、漢武帝問處家何等最樂王言為善最樂未足齊賢、豈鄴
下之摘詞、遂能媲美、艱難將嘗於重耳、左傳晉公子在外十九年

翰苑瓊瑤

卷十一

二十

險阻艱難、切磋兼勵於武公、彌邵清脩、誕膺光復、某
憾曳裾之尚晚、慚授簡之非才、設醴既顯、緘書至再、
中嶽之靈孔通、南皮之感滋深、無自稱觴、徒懷獻襪、
茲觀一陽來復、懸知百福是遒、顧勤使命、瓶膏味旨、
於瓊蘇、遠錫珍儀、篚幣文工、於火藻、緘服之文有山龍火藻、
之則枯腸頓澤、服之則弱體加溫、河水盈盈、私心戀戀、

賀新任江院李

褚用章

蘭臺霧擁、漢官儀御史內掌蘭臺督諸州刺史貞百度以佐三台、繡斧

風嚴控長江而制千里。坎孚效順鯨鯢帖於安瀾。巽
令更新豺狼屏於大道。喜同百辟歡洽八荒恭惟閣
下中土人豪千秋國寶智周天地符籌策於草廬語
割洪濛漱芳潤於梁苑東萊讞決早著明允之聲南
國激揚益表端凝之望芳名傳海外笑比黃河性極
厲人以其笑
比黃河清謙論動朝端霜飛白簡傳玄每有奏劾
捧白簡坐以待
旦風聲振肅不妨拄笏對西山江海澄清聊復寒
觀南服其才慚擊隼補衮職媿無其能識之埋輪玷
清班實非其分昔一時被命深幸附驥以續貂頃兩

翰苑瓊瑤

卷十

三

地分馳敢辭策駑而磨鈍左提右挈所冀梅信時傳
植朽吹枯庶幾簡書不墜茲者按部靜海未覩台光
仰祈電察俯灼私悰

上張刺史公啓

褚用章

漢竹榮分

竹馬迎
郭汲

千騎擁專城之寄召棠席廕

甘棠
不召

公萬間叨大厦之依仰中日以傾心承下風而問道

三薰裁素

書
翰

九頓抒丹丹恭惟臺下斬水儲靈荆巖

挺秀注三湘於筆海擅江漢以六千奔七澤於詞源

吞雲夢者八九功成製錦咸稱補衮之才治美烹鮮

已試調羹之手公室共私門如水操凜冰壺江干與
海滋皆春明同玉燭馴雉奏中牟之異仁風嘘徧隴
桑麻驛驅空驥北之群惠露灑滿門桃李謳頌旣騰
於花縣福星遂照乎崇川入境謹迎想竹馬兒童生
色下車令播知杖鳩老父歡呼老人扶杖刻鳩于首
警其食不使咽也
其賦性最迂識字可數驚寒未收於燕市幾凋伏櫪
雄心砥礪屢別於荆庭敢謂席珍待聘苟謀祿養謾
領除書何圖堂忝三鱣東序未開乎絳帳已幸穀扶
五馬南薰先到乎朱輪大叩則大鳴小叩則小鳴媿

翰苑瓊瑤

卷十

三

乏洪鍾餘響先知覺後知先覺覺後覺欣逢鼎呂當
前山木離奇總賴工師之斲削鑛金頑鈍仰憑大冶
之陶鎔敢布蓬心僭通竿牘潢汙之水向滄溟而知
歸泰山之高容土壤而不讓

賀淮安杜太尊

褚用章

股肱上郡九重資臥理之鴻猷柱石名賢千里想經
綸之駿業封疆雖異統轄相均况長淮更南北之衝
而末屬總照臨之地輝連首領喜接茅茨恭惟臺下
元凱家聲永年世閱氣凌象緯阜囊炳日月之光華

阜。囊。諫。臣。所。佩。望。重。鑒。坡。丹。管。代。乾。坤。之。黼。黻。四。載。
以。封。章。奏。者。瓊。花。之。境。三。州。七。縣。皆。春。瓊。花。揚。州。土。產。又。揚。州。府。轄。三。州。七。縣。萬。家。
棠。棣。之。陰。五。馬。雙。蟠。竝。美。喬。遷。淮。甸。密。邇。維。揚。無。絲。
瞻。對。倍。切。傍。徨。何。鳳。彩。之。既。睽。忽。龍。章。之。下。燭。學。無。
足。錄。繆。蒙。武。庫。之。稱。材。不。逮。人。誤。廁。文。林。之。譽。叔。向。
升。然。明。於。階。下。慶。百。世。之。奇。逢。晏。嬰。載。石。父。於。道。旁。
感。一。生。之。知。已。雖。身。羈。冷。局。敢。負。明。知。即。步。縮。窮。簷。
勉。供。薄。職。曙。官。常。之。難。玷。冰。兢。學。憲。之。明。條。矢。職。掌。
之。靡。愆。猛。洗。章。縫。之。陋。習。近。覺。士。風。稍。變。少。酬。作。養。

翰苑瓊瑤 卷十

三

洪。恩。兼。將。蕪。穢。重。新。抑。亦。斯。文。小。補。釐。爲。條。款。上。寶。
臺。端。允。有。千。言。仰。喧。視。聽。伏。願。惠。露。載。霏。下。國。春。風。
仍。逼。寒。飈。竝。贊。皇。圖。旋。膺。大。軸。誕。登。政。府。允。陟。華。階。

賀朱侍御

褚用章

埋。輪。風。峻。龍。光。久。賁。於。三。山。推。轂。日。勤。多。繡。薦。頒。於。
五。位。恩。超。今。甲。喜。溢。僚。寅。恭。惟。閣。下。政。善。治。庖。批。卻。
不。勞。而。迎。刃。忠。旌。折。檻。櫻。鱗。匪。利。於。探。珠。鳥。栖。駭。歷。
者。十。年。鯨。浪。澄。清。於。萬。里。廼。膺。殊。簡。特。授。兼。曹。六。軍。
之。組。練。雲。屯。伏。霜。威。載。整。龍。蛇。之。陣。萬。害。之。陳。因。雪。

積。藉。風。力。用。驅。雀。鼠。之。群。白。簡。糾。彈。看。肘。後。黃。金。印。
繫。纆。而。竝。綰。絳。騶。行。部。訝。腰。間。蒼。玉。綬。若。若。以。雙。垂。
自。設。栢。府。以。來。未。荷。楓。宸。之。眷。有。如。閣。下。之。於。今。日。
者。也。某。也。謬。因。承。伐。忝。廁。清。班。御史爲垂領一朝聲
譽。久。叨。於。附。驥。分。行。八。道。丰。裁。遠。規。乎。乘。騶。望。鍾。山。
之。龍。惟。玄。誨。逢。睽。於。隔。壑。剖。邦。江。之。鯉。喜。素。書。雅。便。
於。傳。郵。恭。聞。持。斧。之。榮。曷。任。彈。冠。之。慶。敢。申。燕。賀。佇。
頌。鴻。施。

請大司成

羅棟

翰苑瓊瑤 卷十

三

大。儒。華。國。昂。藏。碧。落。之。林。國學曰碧落之林前。哲。垂。謨。趨。步。
翠。華。之。府。震。雷。初。動。值。螭。伏。之。俱。驚。杲。日。中。懸。喜。光。
明。之。竝。耀。敷。春。暉。於。縫。掖。縫掖儒生服也透。秋。籟。於。蓬。萊。久。
矣。心。齋。媿。非。珍。列。依。然。郝。席。願。挹。芝。容。恭。惟。閣。下。聲。
摩。奎。壁。瑞。應。璣。衡。騰。騫。嶺。外。之。元。凝。厚。朝。中。之。望。得。
扶。輿。間。值。之。氣。扶輿天地世。推。爲。第。一。流。讀書省有用
之。書。人。服。其。窮。萬。卷。掃。千。軍。於。獨。手。文選如。
古。鏐。今。關。百。聖。於。寸。心。出。神。入。化。祛。儒。家。之。障。蔽。發。
性。學。之。淵。源。禮。闈。收。入。彀。之。英。有。作。斯。觀。御。策。臨。闈。

橋之士吾道益尊其等伏處華門獲隨禁苑文在茲
矣記瑣憲紅藥之詞禮由舉之設細雨簷花之酌候
茲爽氣用迂仙林瓊簫奏而鳳凰來方爲計日玉衡
掣而麒麟至正在此時則蓬瀛新進均叨時雨之零
而館閣雄觀共詫德星之聚

賀黃安撫除大理少卿

李劉

晉卿叢棘升帥前茅乘八月之柄既瞻隨於斗柄回
二星之部仍典領於參旗四履驩然重臨幸甚恭惟
臺下負材明允蓄德碩膚淵海澄深得龍津炳靈之

翰苑瓊瑤

八卷上

三

三

秀扶輿鬱積繼龜山正學之傳久留金馬之坊妙翰
木牛之運中兼閫制外憺戎輶遠略折衝南人不復
反矣從臣虛位東山以公歸乎然河內競借於冠帽
宜關中復留於蕭相俊升金掌併總玉鈐公去公來
信有關於輕重時行時止俱不失其光明共美班景
倩登仙之除咸有樂正子爲卿之喜佇盡護於諸將
遂進長於六官其妻其一寒去此十暑未問五馬二
毛之無用最覺孤鴻獨影之可憐矧熬波之素封今
掃地而赤立水旱重蓼蟲之苦風景增尊鱸之思所

幸穎川黃霸之復來或察夜郎李白之可念老牛舐
犢誰敢論瓜葛之連孤鳳求凰或亦備蘋蘩之薦其
爲頌侯罔既鋪茶

賀楊冢宰公子登第

李維楨

玉韞堯都五鳳啓孕星之瑞璧傳晉產六龍依捧日
之占魏星少時夢上太行山兩手捧日後爲履槐位之峻崇忠開吐握
周公爲相一沐三吐哺髮一飯三吐哺楓宸之清切眷重解推漢王解衣衣我推食食我都上相而布宜民宜人之休擁少主而光
文子文孫之烈功高祐篤誕鍾麟趾之祥德積慶餘

翰苑瓊瑤

八卷上

三

三

式展鳳毛之麗駒稱千里早承紫禁知名鳥集五文
久擬青錢入選氣冲星象筆華分祿閣之光光不動雲
雷墨陣起戰場之色榜魁南省人云才子多才聲徹
北宸帝曰相門有相芝蘭茁於麟閣寧馨異常桃李
蔭乎鯉庭娛顏自別地均栖月榮逾列戟鳴珂望若
培風恩希朱輪華轂其仰窺太乙健羨青藜謹束箋
箋之儀聊陳縷縷之悃切冀福綏黃閣備鼎命之主
璋造重彤庭錫靈壽之几杖紫雲若若揚紫薇而垂
虹霓翼翼繩繩倚紅杏而攀龍鳳

賀葉相公加少傅

將孟育

異命元臣

易巽以申命

升班亞傅，勤宣玉鉉，毗寶曆萬萬

之安，寵賁黃扉，燦台階兩兩之色，便加思數，閣憚同

辭，闕憚皆

悅也

恭惟相公閣下，直大以方，清和而任，精誠

貫日，固盡散夫朋群，道利斷金，亦誰見其聲色匪躬

蹇蹇

易王臣蹇蹇，匪躬之故

持國是於盈庭之分，雅量休休，鎮

物情於隨波之潰，正當陰陽剝復之介，默爲撥機，卽

有官廷釜鬲之形，漸乎納牖，登政府獨柄，幾七載，肩

重負海之六鼇，獨人主恭已撫五辰，功懋擎天之

翰苑瑣瑤

卷十一

三七

柱邊垂捷奏，斯謨算之簡上心，歲閱再成，則勳猷之

惟帝念，聿躋二少，親切顯槐，度領三卿，遂冠列棘，燕

饗湛蓼蕭之露，絲綸陋熟金之銘，累累華蔭之清銜，

遙遙峻秩之奕世，雖冲懷自挹，守固讓以撝謙，

易無不利

乃聖眷愈殷，竟重申乎成渙，蓋

以不致自安之意

兼弘酬勸之典，竊仰窺特達之知，其等素切儀刑，欣

聞海渥，傳諸往牒，明良之合，庸可以作歌，驗彼泰符

君相之懽，宜感於垂象，共巾燕喜，莫慰見趨，敬布荒

鄙之私，肅脩菲薄之獻，伏冀如納，昇任瞻馳

請陶論德座師

湯賓尹

雨露開新燠

薪燠喻貢舉也

並集千人之儔，日星輝矜睠

謝青，竊紆一顧之榮，際雲龍風虎而遇，稱奇等父乾

母坤而恩均大，溥不知其所報，內自顧於無堪，恭惟

太宗司台臺國棟高標，廟絃古訓，擢英於東海，而金

書玉簡，獨窺使者之藏，樹幟於南宮，而天祿石渠，時

叩老人之杖，名蜚繡虎，才應世之無窮，養湛木雞，學

造理之至眇，物無不可範而成也，譬泥之在鉢，人將

有所待而興焉，猶蛇之附驥，遂使閒閒小技，毫毛絲

翰苑瑣瑤

卷十一

三八

粟之間，俱無遺漏，且兼一一審吹，尺度權衡之中，自

有劑量，薦之郊廟，倘牛鐸之可調，拔之泥途，豈犧樽

而勿舍，仰承宏鑄，俯規纖流，皆徒控地於枋榆，今共

回春於黍谷，敢不磨鉛刀以試割，策蹇步以斬前，勉

立脩名，庶有青雲之可附，虛邀厚福，豈容白璧之不

爲，茲者謹詹某日之吉，跼進壺觴，言攀金馬，有儀式

貴，見雲霞五色相質，片語儼臨想，咳唾九天而下，何

以明信，抵溪毛淵燕之微，維此作人在春風化日之

內

候高太史同年

湯顯祖

五題詩賦粉署對太乙之青藜六絕文章清班夾玉
皇之香案人稱儲相世號登仙恭惟門下語妙天下
文瑞朝廷劇賈壘短曹牆才涵萬狀薰班香摘宋豔
書破千言脫骨地仙直上蓬萊瀛洲之島影纓天策
偏登承明金馬之庭曉景畫春江三花剪龍馬之鬣
黃盤麗雕錦一幅開山水之門賜衣之詩公權應聲
於駐輦御閣之帖歐陽規諫於呈文今日天子之
私人其時廟堂之元老其鄰好風諧年盟永講萬里
翰苑瓊瑤

卷上

无

賀王紹賓憲伯

湯憲祖

門下以父母之愷悌爲天子之保障借法星者三
年允矣江湖紫氣播清風於萬里巍然嶠嶺青天臨
桂促熙春父老攀轅於東邑甘棠留化雨衣冠寫詠

於西江何但懷去思於五賢固且佇來儀於八座不
接披雲宇下愛日天中快覩遷喬既來好音於幽谷
欣聞適館敢致微敬於緇衣

與陸津陽岳伯

湯顯祖

明公含寓內之冲明發雲間之鉅麗長安一觀清氣
溢於素襟豫章載言舊德形乎色笑吹喧寒谷許談
辨於高筵采翠枯條引陶匏於刻石移歲序而感歎
滋深想風神而夢想何極喜因當湖之選敬申臨汝
之懷道重機衡北望徒懸於斗極天開節制南行或
翰苑瓊瑤

卷上

三十一

答吳徹如大參

湯顯祖

門下冲年對日壯節傾時毓南國而麟趾自振久稱
君子之子起東林而臯比獨擁將日聖人其人卽王
色以揚休亦黃中而通理至如不佞放三年而免逝
未能消積罪於公卿偶一旦而嚶鳴猶幸竊奉教於
君子爲俗所擯乃時爲道所容同病相憐誰謂同明
相照我思公子延陵湘漚之間公眷幽人靈谷柴桑

之際

上揚大司徒

趙邦柱

官崇主計正躋宅揆之階位峻司元特隆敷教之寄
慶貽宗社光溢簪紳恭惟台臺三晉鉅儒中朝碩德
泥河汾渟心之潤筆海翻瀾沙太行恒霍之巔學山
聳秀芳齡通籍弱冠掄魁再起家聲益弘世德爰代
工於天府旋晉秩於文衡朗照獨持冀北一朝空萬
馬神鋒迅運中原何地有全牛譽命聿新皇衷簡在
由二卿而秉鉞威名震布於荆湘自三楚而移營偉

翰苑瓊瑤

卷十一

三

略載宣於齊魯勳伐藏之盟府文武憲於萬邦藉作
股肱用司喉舌向書為惟度支關軍國之重綜理盈
縮動克中平機宜矧公私方詘乏之時東餉西輸尤
倚殫夫心計寬嚴互用允稱青史社稷臣謀斷兼資
不負蒼生公輔望正容几几周公亦擴度休休片善
必甄揖仲宣於葵席一言可紀接然明於鄭階即如
其者學愧師心才同僧髮備員未屬空糜度支氏不
給之資匪隊文曹殊乏都人士有餘之德惟是陽春
大造虛煥不靳於朽枯遂使樸樾散材青黃謬出於

溝斷恩隆高厚德普生成屬者移疾憂居復蒙枉書
下邳承筐珍綺簪履之念彌殷累繭溫詞堂陛之分
盡略讀之羹牆若見薦之筵几生輝何物藐孤冒茲
靈貺欲隕九地敢忘二天惟是凶禍頻侵遂致音郵
曠缺望堯眉之動綵可堪螭陛雲高想阮瞻之流青
庶幾龍門風接爰題赤蹠用布素忱希織女之殷勤
報章七襄何補想蛟人之宛轉溢淚一掬空懸敢曰
多儀亦稱不腆伏祈順時欽福捧日調元太平素茂
於黃扉奕世勳高於赤舄儻某幸延喘息猶得望台

翰苑瓊瑤

卷十一

三

斗之休光敢負裁成庶長挹春風之化育

請按臺鷹揚宴

何三畏

序屬玄英十月吉月應小春之淑氣筵開翠釜嘉辰
張陪鼎之鴻儀誦周雅采芑之詩瀛洲步武叨漢庭
奉觴之慶華屋傳杯宴騎射而鳬趨階縉紳以雀躍
名章麟閣喜溢栢臺恭惟臺下執法殿中觀風吳下
尊俎三千禮樂韜鈴十萬甲兵龜上集蓂龍緝熙光
明之日月禁中收頗牧燕舞號令之雷霆鵬奮之雋
星羅鷹揚之譙雲舉飛鸞鳩於決起允賴高風瞻鶴

鵠以摩空共攀迅翮桓桓壯士近城南尺五之天矯矯材官登階前方寸之地瓊漿分北斗酣既醉之壺觴使氣指長庚按未央之劍佩可作干城詩赴赴武夫公侯干城於聖世堪稱桃李於公門如某奏職無聞沾榮有事傍使星而分部幸與登庸依卿月以揚麾欣隨式燕藉文武德威之佐進上將以彈冠綴飲食歌舞之班望中朝而擊節繡服光華於虎帳輜車貴重於柳營道左負戈席前擁篲

王相公壽誕

代作

鄧宗齡

翰苑瓊瑤

卷十一

三

三

秉軸清時玉燭朗中天之運懸弧今日紫垣分南極之輝蓋名世徵列象以咸休斯景福符昌期於有永恭惟恩師相公閣下三朝元老百代魁名宮保論思斐篤九重啓沃鈞衡翊贊揆端百辟儀刑茲以大呂載陽之期爲嵩高薦祉之候盛德在西屬鴻辰五十之春休命用申佐鳳紀億千之運施覃海內肇多福以方永誕屬日中錫長生而伊始矧趨庭鯉訓已冠多士於汾陰歷塊龍駒行空群良於冀北禎祥事並集相家德壽星交環帝座鑠象光華之候昭然昌

熾之徵其叨庇門牆恒勤山斗風塵狗下吏遙同熱雀以趨蹌簪珥想西清敬擬岡陵而獻祝惟祈變調元氣崇勳閔以勒鼎鍾綜理玄風完真詮而登圖錄

答大司成黃儀庭

鄧宗齡

絳帳雲開蔚起兩都之禮樂蘭臺日煖裁成五色之絲綸萃山斗之望於南宮依歸有自分奎壁之光於東觀踴躍奚勝恭惟門下中原大雅間世鴻儒學究淵源六經搜千年之上才通經濟九垓覺兆庶之迷自是萬國儒宗居然一代元老高山仰止雖私淑之

翰苑瓊瑤

卷十一

三

三

有年泮水淵如媿遡流之無自乃仰承夫華翰更寵拜夫瑤函藏以爲榮寧言寶孟公之尺牘誦而知惠何啻獲隋氏之雙珠某韋布庸流甕繩末品辱歐冶之陶鑄深懼鉛刀奉班門之矩繩庶無敗斧敬陳鄙悃用謝台慈仰祈汪涵俯垂遠鑑

回方教授賀壽

陸應川

男子桑弧方動蓂莢之感外孫盤日遽蒙華袞之褒圭復再三珍藏什襲恭惟臺下胸次冰清毫端泉湧雖多識三朝李邕知名之士然尚記王戎阮籍忘年

之交時製新腔遂成故事君如許邵得無累月旦之評僕匪郢人愧莫和陽春之唱第知感激虛負襟期南有箕北有斗常歎二星之乘除愈爲雲郊爲龍安得四方而追逐區區報謝縷縷費詞

賀按院元宵

王穉登

玉律回陽三五欣逢佳節金蓮燦錦億兆共際豐亨雅稱賞心賸言懷德恭惟門下風彩凝霜久藉冰晶之望水姿瑩璧佇調玉燭之元遙知午夜鼇山普濟鈞天之樂自愧半星螢焰莫陪燈月之光輒陳獻藻

翰苑瓊琚

卷十一

三五

三

賀相公元旦

焦竑

正朔奉九州淑氣先盈於台府陽春彌六合晴光溥散於寰區福與歲增道隨時泰恭惟閣下象緯儲精風雲應會三槐拂座香清玉鉉之梅六琯調元候協金門之竹通者辛盤餞臘粉荔迎年歲時記洛陽人家正旦造絲雞鳳勾芒布令堯階

鳳進三

太簇司辰舜陞初陽瑞鳳勾芒布令堯階

始發仙莫變調適丙相之功郊牛謝喘仁育過趙臣之惠野雀還生華閣迎新福祉寧煩於桃梗御厨分龍芬芳共入於椒觴其早役下僚忻逢上朔仰春暉而拭目遠藉餘恩摠賀臆以颺言恭申鄙悃念主上之春秋方富股肱允賴於元臣唯君子之福祿來崇膏澤時流於下土

賀殿下

朱錦

斗極呈輝瑞藹氤氲於北座真君益算祥光彪炳於南天朋如陵朋如同喜介萬年之景福俾爾昌俾爾

翰苑瓊琚

卷十一

三六

三

泰長觀七月之清秋樂事駢臻驩聲環匝恭惟殿下儲精衡岳孕秀麻源握聖賢道德之尊醞天地中和之氣文華禮樂翹襄舜日之華恭儉溫良遐映堯雲之彩壽域亘八荒之表金城繫萬世之安方國家卜世以無疆宜福祿自天而未艾喜茲誕週甲子節屆秋初張內樂於仙人內樂仙樂也鏗錚鳴鳳獻宮桃於王母錯落翔鸞高敞雲臺笑斟霞盞福陳響五沕符箕子之疇歲俾有千競繼魯公之頌其依光大廈渥被雄風席庇鄰藩頻霑穆醴揚詞稱竿慚微穿雲裂石

之音稽首晉城敬效地久天長之祝伏願永隆國壽
獨對天休九十齡而為夢帝眷遐膺八千歲以為春
壽星長耀

上劉健菴撫臺

胡國鑑

績枌屏藩課冠百僚之右恩流宸極慶敷奕世之輝
朗溫制於麟臺電英譽於虎帳纓綬喜挾簪履芬垂
恭惟翁臺百二儲鼎九五凝渥遭大有為之主奮
不世出之猷建牙而鎮迺邊疆風靜漁陽鼙鼓策勛
而衛茲甸服霜生幽薊干城夙膺眷注之隆業介崇

翰苑瑣瑁

卷十一

三七

竑之祉載觀報績存荷馳綸晉以總攬憲維煥柏垣
之氣象兼以陰錫胤祚延槐城之芳馨雖三命循牆
具疏昭孫膚之媿迺九霄湛露宣諭見彤弓之誠史
冊有書燁然盛世酬功之選典彈冠有慶休哉清時
稽古之殊榮某叨廁藥籠聳傳寶詒寧勝燕雀之賀
厦聊同蟋蟀以陰秋所願烈姪汾陽歷中書二十四
考將釐追召虎對王休百千萬年

候大司徒陳公

田大年

恩綸誕布峻登常伯之班權任宸隆溥運洪鈞之化

九州遂福四海具瞻恭惟臺下奕葉名卿累朝舊德
三千年間氣鍾匡廬彭蠡之祥五百載昌期際喜起
明良之會早受知於明主遂薦陟乎崇階天部持

衡猶誦山濤之啓事司空揆宅益欽大禹之神謨曳
履以上星辰荷囊而依日月顧是父是子既誇簪組
之紹芳而難弟難兄尤美嚴廊之繼美播清朝之盛
事昭百代之美談喉舌之司顧問特資乎簪筆鼎鉉
之地調元行看於宣麻其誼忝通家才難治賦龍門
為御深叨造就之恩鳳閣承差彌荷吹噓之力銘寸

翰苑瑣瑁

卷十一

三八

心而感德無任巖瞻脩尺楮以輸忱統祈電照

賀汪中丞擢少司空

鄭明選

虎符宣略倚重長城鳳綽流恩升華起部慶在百工
之典班聯八座之尊恭惟台臺張弛文武闔闢樞機
騁千里驂騑追雷風於封疆之遍羣三吳磐礫開雲
霞於昂畢之墟范老子之英聲方騰外間郭令公之
雅望久繫中朝帝曰疇若垂哉擢掌汝工之職僉云
無如公者宜握程匠之權北輔之節鉞功高進參玄
武冬卿之飭材任重造福蒼生紀綱繕修之規百官

惟叙杜塞淫巧之作五材是宜張忠簡御書之頒有如
如曠昔李貞一宰相之望難擅當年其叨攬三江之
轡欣逢十年之條朝廷無踰仲卿思院併自少府此
正聖天子寵眷特隆之日抑亦老先生謨謀大展
之秋經之營之自躬嗟民力之已竭小東大東在耳
願君心之挽回寅亮天工暫煩少常伯之司咸熙帝
載行踐中書令之考

候西寧侯

陳幼良

細柳雲屯介胄肅真將軍之令長楊日麗經綸頒

翰苑瑣瑤

不卷十

三十九

三十九

聖天子之恩喜溢簪紳光搖海甸恭惟麾下英雄天
稟慷慨自期慕廉頗李牧之風爲孫武吳起之學輕
裘緩帶不威而克振軍聲橫槊賦詩有武而雅閒儒
術家傳發略不求紙上之風雲神授智謀自有胸中
之兵甲八面鋒何施不可萬人敵所向無前十里一
置五里一埃竚看帶礪之盟億人曰俊兆人曰英盡
仰經綸之略其遐迤適願已幸識荆倥傯寄懷未遑
訪戴鈞駕嚴臨既感軀身先匹夫之意燕詞上獻敢
云一紙賢十部之榮

管州刺史劉私爲書甚款密
成日得劉公一書賢于十部從

戰慄不勝涵容是祝

賀申長洲考績

張應泰

三朝宿老握珠斗而輝潤天機一德宗臣翼璿圖而
鴻宣王略功高歲序九載績懋於虞廷寵冠臣鄰三
錫榮逾於漢典易曰王三錫命言恩禮疊施也騅翔翠節慶益彤扉
恭惟閣下靈胥醞頴震澤揚精羽儀玄鸞之朝德苞
元凱冠冕彤雲之代望重崑崙綬管星霏振金機而
禦六氣在天有六氣陰陽風雨晦明也寅賓日麗握瑞扇而風八紘

翰苑瑣瑤

不卷十

四十

三十九

醞釀於華胥維茲元勳九年之辰適我西師三捷之
日天聲破虜龍關淨望曲之塵聖武犁庭馬水清姑
滅之路嫖姚千里寧言決勝於疆場尚父五符實已
運籌於樽俎垂溫誠於天語渥華獎於宸綸錫燕春
曹玉醴與珍厨麗美褒功冊府琳章與琬札交輝莽
服以庸上公崇赤舄之命麟符錫廕尚璽列黃綬之
班衮衣繡裳之華衮繡皆三公服治朝特典彤弓湛露之寵
太平榮觀實際名世之期豈惟興邦之傑其疏壤細
品飛籙微生披雲霧而未由密依陰樾景星辰而在

望翹跂光躔欣黼座益峻於巖瞻規宸極永隆於魁
柄驚聞大廷之播告渙發制麻謬與翹館之起居賁
摩簪札伏願曷離輝於太乙快雲紀而分天章翼乾
步於因提幹方儀而運圓景

上冢宰王公

張應泰

都六卿而啓署尊則稱天班三事以持衡平還似水
自昔非人不任於今總德而升忻衆正之途開美吾
鄉之道泰恭惟臺下九苞鳳彩一角麟文蚤擅賦於
靈光旋揚華於上苑度支暫試著馬遷平準之書示

翰苑瓊琚 卷十一

四二

伯稍移補劉惠考功之缺既膺推轂乃更前茅藻鑒
人倫不數山公之啓巖廊物望寧高裴楷之名荷注
楓宸增榮桑梓其么麼末品懷刺長安曾
龍門之再及分符遠邑竟鯉素雙沉亦勢隔於雲
泥遂彫疎於日月敬因瓜代双芹將拂拭惟公未
敢托身桃李并況有命所祈念粉榆同鄉

賀郡伯孫公冬至

郭淳

至望同辰雲薄翠微之曉陽林入開碧落之春
維承流師帥之尊膺自天戢穀之慶松檖燕

寢頌洽鯨樽恭惟臺清徹壺氷溫如圭日黃堂盡永
運陽開陰闔之機盡戢霜凝收歲稔時和之效煖回
寒谷人樂熙臺田里無怨聲久洽袴襦之愛漢廉范
守民歌曰范叔度來何暮不朝廷知治行佇頒綸綍
之褒昌期已報於愁窮冬至日曰窮盛德益隆於剛
長一陽生丈三日近遙知宮線之添尺五天低趣侍
宸旒之邃其遭時七日藉庇二天煖入孤根已動楊
州梅興時傳殊渥喜聞詞掖芝香愧與賀并意非言盡

翰苑瓊琚 卷十一

四三

賀朱金庭相公

連繼芳

鳳從天而下白宣綸綍之麻鴻遶遠以飛赤呈心膂
之駟帝瞻阿衡之托人快維石之瞻恭惟閣下越海
釀乎魚水周楨翹自虎林肩雲霧之臆號私人於內
禁曳星辰之履班常伯於中臺歸洛溫公數載大艘
之橫澤還朝潞國一朝巨棟之擎霄傳諸令於藥珠
宮聳聞學士之拜待漏聲於丹鳳閣洪仰相君之新
逢父父子子之昌時遘君君臣臣之嘉會豈天佑乎
聖代欲今日而開治平之期故簡在乎帝心非我公

不與弼諧之選。槐庭棘位。布新蕤契於同寅。舜陞堯階。起舊唐虞於今日。某爲王慶佐。爲帝慶師。傾耳于禹之倡和。賀夏得珣。賀商得璉。拭開治化之珪璋。惟願一明一良。乃心乃德。東南之力已竭。宰相之言自真。雲從龍。噓塞兩間。天下頌太平之公輔。鳳引雛。直翔千仞。池上伸世美之絲綸。

賀沈龍江相公

連繼芳

沙堤新築。陟八座於三台。鉉路華升。絢五雲之多處。有斐綸函之播。於昭黼座之知。恭惟臺下周彝商祚。

翰苑瓊瑤

卷十一

王佐帝師。玉箸著書。世稱文章宿老。容臺典禮。人美宗伯。神仙泰階未平。而韜秘光耀。霖雨未浹。而收歛神功。王曰歸哉。舊弼爲中朝之望。天其或者。太平當今日之期。金甌覆崔相之名。唐玄宗命相書崔琳簪紳舉笏相賀。銀信趣鄴侯之覲。士民遮道聚觀。聖賢相逢。治具張不在茲乎。天地交泰。得君專有如彼也。蓋向焉夢有鳥脚之斜。金碑根於天意。一人金璫。碑字因問之曰。宰相碑也。又問有杜家兒否。曰有。鵠之得名。下有鳥偏旁。曳脚而忘其字。乃名子爲鵠。漸在今日。人羨魚頭之政。王鉉慰乎輿情。某方喜公道。

之伸。又慶知己之遇。雖莫陪東閣。奇士少裨康濟之猷。當敬率西方。諸侯恪奉作新之詔。伏願恢天紘以佐帝。拓地軸以襄皇。青槐列伊周。緝熙商姬之日月。紫極侍堯舜。快覩唐虞之乾坤。

賀總兵皮林奏捷

連繼芳

元戎秉鉞。遏狂寇之陸梁。深阻觀兵。奏膚功於三捷。鼓鐘旣設。竹帛交云。恭惟臺下韓白成羣。孫吳疊跡。地中鳴戰鼓。陣雲結晦於三苗。天上出將軍。兵雨滯騰於一舉。公爲甲冑之扛鼎。何慮皮林之跳梁。開闢

翰苑瓊瑤

卷十一

卷十一

虜在目中。山谷不煩聚米。馬援論。虜可攻于帝前。聚米爲山谷。指畫道徑。連籌握諸掌上。金城奚俟馳書。天賜黃鳥之旗。登山而戮封豕。神奉玄狐之籙。臨水而斬長鯨。數萬人惟一心合力。如山壓卵。分諸軍爲陸路。扼吭若刃摧枯。象不駕於昆陽。太白入月。牛何勞乎卽墨。高鋒簞雲。帝舒南顧之憂。班師有慶。民頌西平之子。惟我有臣。某徒切執父末由借筋。引睇燕然之石。慶于城之爲公。爲侯。豫睹釐爾之圭。綿河山之若帶。若礪。

賀李總兵壽

連繼芳

長子來熊西向嵐烟消五路老人呈象東方花果獻
千年樂事駢開歡聲翔匝恭惟臺下氣走風雷謀噴
江海將門將子六面高牙叢閫外高牙旗正正而陣
堂堂難弟難兄七營細柳遍寰中綬纁纁而印若若
熊羆入夢郭令公端是前身龍虎戰生李光弼豈知
復出當泣寒鑿冰之日正閭陰開陽之時上將之生
人主捐軀乎頗牧元戎之壽公侯屬意乎干城黃鬪
少年麒麟標其姓氏青牛老子龜鶴美其鬚眉其望
賓筵於咫尺隔公堂於山川聞蘇學士誕降當年見
奇苑瓊瑤不卷上

答李總兵

連繼芳

鵲印高懸鈴閣秋霜清島嶼龍韜遠播節樓曉日凜
旌幢帝有長城公爲良翰恭惟臺下神行蠱蠱空冀
北之羣鋒淬鉅鉅偉江南之蘇一弓霹靂千營月殿
高牙三鼓崑崙八陣雲間耀武瓊瑤魂銷於沙漠故日
俗披冰稜敢犯戎衣腥苗喙息於皮林嵐氣絕

凌征旆李將軍有如今日馬伏波復殿此邦某引身
輟轄回首帷帷聽西陲之銅鑼無聲知北門之金城
有鑰冠準爲北迢迢道路曳曳心旌一片供采芑之
餘輪囷抒謝勺水補投醪之費藁秸包羞倘母金玉
乎爾音奚管瓊瑤之我贈

張守戎征苗奏捷

連繼芳

戰鼓自地而鳴野外驚金革之振將軍從天而下征
西快羽書之先兵將傳文書用師勝臯蘭功彰細柳
恭惟臺下熟濟北之一編優山西之諸將壯猷方叔

翰苑瓊瑤

不卷上

之元老英姿公瑾之少年周喻爲年惟三楚之三苗

敢於肆叛勤五兵於五嶺中兵外兵騎兵別討其陸

梁元戎啓十乘之行妙略羅八花之陣叱咤則罡風

變態啞啞而天漢爲傾賊若釜中游魚師如枕上取

肉彼突梯鼠首濫欲寄於旄頭而杪忽蜂腰虛見燔

於齊斧西顧邊徼既有鳴劒抵掌之雄南面帝形豈

惜藏弓貶心之腆公未四十正富貴之時水擊三千

搏扶搖之運某仰張子房之運籌魏唐臯陶之叔問

賓階引步阻觀振旅之闌騎驛傳音敢後肇賡之貢

賀楊國錄

林起塵

畫承三接易畫日三接言展誨諸生帝問嚴安恨見

之晚士仰韓愈快觀之先斯文有光吾黨增氣欽惟

昭代截若辨章至於拔擢茂異之倫則必度越尋常

之外然而由選曹而登文石文石言國學也此事罕傳拔外

官而儀壁流大學外水環流近世間見天其或者道

將行歟朝暮取一人焉而羣遂空東北歸二老者而

子往焉豈惟盛事卓掩前聞某負三十年之文聲振

一二邦之教鐸數虞庠之人物曠若老成盡漢廷之

公卿皆出薦口白見果登於華實明揚立至於要津

華實要津其述奉除音喜適常等陪細雨簷花之酌

能忘故情記瑣窻紅藥之詞宛成佳識

上大京兆五岳陳公

成於思

東風一道喜鵲錦之生花元日十行漢光武一慶麟

袍之疊繡渚宮碧潤聯星嶠於天階巫峽青山觀羔

旌於江夏幸際葵丘之好陰同年增輝杏苑之盟一

介施先左傳一七襄恐後詩終日七襄恭惟臺下文

章燦爛學海淵澄負宇宙之志爰重中樞演洙泗之

流式光前轍說書而動宗師久傳秘書之學拂衣而

謝藩鎮不辭刺史之勞江春洗衛杜之愁衛杜庭書

絕衍楊之影折楊鳴佩下瀟湘山搖而岳立弭節登

京兆斗轉而星移瑤編玉牒參天上之神仙紫界粉

牆隔人間之風雨司牧典在循良之文獻可徵宜詔

時乘昭穆之聲猷孔邇真儒無敵中國有人瓊基累

秀續遺響於先秦兩漢之間王翰驚薰挺雄姿於秦

山黃河之上荆俗相傳於佳話蕭規幸續於前修史

蕭規民五袴而牛犢滿街米萬橋而蠶桑遍野名近

漢郡之三公惠鮮神州之八邑高山舊洩有潤澤萬

物之功太極渾融無運用四時之跡已播甘霖傳太

史不勞結網悵皇家陳陶詩中原莫道無麟辦香九

諧銜冰自釋投轄留賓久著孟公之風采軾廬愛士

津宜仲舉之謀猷臥理淮陰則歌王褒之樂職校文

西蜀則追張緒之風流軌淮泗之漕而三軍爲之挾

纘司豫章之牧而萬里爲之耕桑入境則風動鍾山

下車則惠洽障海雲閣森嚴上接神仙之府天因明

概下臨斗女之墟風振寥廓星沉貫索遂晉駕行特

超居於紫府，遙參京尹，姑借重於白門，陽翟歸耕，回首西江之牧伯，徂徠作頌，傾心南國之名卿，廟廊比筭，相賀都鄙，遮道且瞻，某也，猥塵馳轡，強赴賀床，載醪醉之清，指玉麟而爲壽，遡斗樞之紫微，金鵲於方來，久哉望歲，除此行春，露資涓滴，期結網於美魚，目斷槍榆，聊興歌於扣角，吟詩自得，允懷元亮之音，元

翰苑遺稿

卷七

四九

室之蒼苔，不勝持贈。

賀戴司業

唐文燦

兩載佐成均

成均國學名

教澤尚流於樸棧

詩文王樸棧作人

三

秋臨試院藝林方集，夫梗楠欣逢祝聖之辰，巧會生

賢之月，時非偶爾，事有由然，蓋夔典樂，龍納言，德業

連扶乎帝日，故樞搖精虹呈象，光華早映乎輔星，某

雅蒙知己洪恩，恒抱隆師微悃，慨一方繫役，阻候門

牆，欣千里歸程，遙臻京闕，豆觴夙具，恭寓進以追補

賀忱，圖軸新成，強標題而盡摠懷臆，焚香拜送，揀牘

叩祈，仰嵩嶽之鍾英，作誦雖慚肆好，占斗垣之應瑞，陳謨更願惟諧。

賀都督元旦

唐文燦

竹爆徹千營，年矢已催平，客臘光陰似箭桃符聯萬

戶，曉籌尋轉夫王春，真和門納祉之辰，正完壘紆防

之候，障無烽墩無燧，宜開宴以慶清時，牢有豕豕，圖有

疏，敢廢供而虛令節，特馳行李，聊代頌椒，元日有條

風披虎豹之關，願益振天聲於不殺，瑞日映麒麟之

閣，斯常扶帝祚於無疆。

古今翰苑瓊琚卷之十二目錄

啓

黃汝亨

上吳中書

答同社賀誕

龐時雍

謝張掌詹兼翰林侍講學士

馬朴

謝太宰李公

同鄉請賀太保溫公

賀大宗伯雲衢余公

求楊宮諭撰制文

翰苑瓊琚

卷之十二目錄

一

賀大中丞亦齋溫公

賀檀紹谷

爲駕部叔父答譚中丞送蜀扇

賀秦道吾太守

劉觀文

候張方伯

袁宏道

賀撫臺元旦

劉國綰

通李修翁漕總

賀沈太素開府全豫



賀都察院溫六年考滿

侯郭青螺老師

謝郭青螺老師

王寅疇

答少司馬楊老先生

顧天峻

慰畱兩廣制臺

汪國楠

賀范尚書除禮部兼內翰

朱之蕃

請蔣老師

上

請蔣老師

賀孫太宰

許儼

請曾老師

李言恭

賀王太倉

李國祥

請薛少叅

熊宇奇

上榮王

盧純臣

賀徐州兵憲劉公新任

謝廷諒

候座師王公

禮部觀政合請諸曹長

蔡復一

迎梁撫臺

趙秉忠

賀張方伯晉尹京兆

林欲厦

賀楊少宰

周弘祖

賀大叅洞巖周公

曾光魯

候衡郡二守陳肖崖公

徐榛

上工部聶公

曾希孔

擬候兩廣戴部院午節

黃克纘

答王與參大叅

報李及臬總河

答董定所恤刑

答溫用廷侍御

報曾景默總河

答李光宇侍御

答李集虛翰林

答王霽宇總督

答曹嗣山總河

賀曹嗣山總河壽

答李霖宸賀壽

答曾景默總河

吳啓元

報平樂易大尹

王納諫

候桂林許郡公九日

文翔鳳

報揚州謝戶部中秋

丘兆麟

賀林進士

王宇

迎熊宗師按臨

宋鳳翔

擬按院請撫臺奏捷

李春熙

候署院張少司寇年節

古今翰苑瓊琚卷之十二目錄

翰苑瓊琚 卷之十二目錄

古今翰苑瓊琚卷之十二

浙姚孫鑛評

吳郡陳元素校

啓

上吳中書

黃汝亨

披雲漢之天章。夙見舍人之樣。勒山林之俗駕。來瞻學士之真極。知大匠之門。難飾小夫之牘。顧無藉手。輒用引吭。恭惟臺下學冠。儒縵道航。聖牘周情。孔思心傳。先聖之不傳。宋艷班香。文到古人之未到。鑒混沌之手。煉成五色石。以補天。奪造化之機。飛上廣寒宮。而脩月。唐鄭仁本遊嵩山。見人云。月乃七寶合成。其缺處常有八萬二千戶脩之。因示以斧。繫襟度悠悠。不俗文章字字有香。頃受華綸。海膺清秩。玉堂草罷。又啞紅藥之翻。金匱細餘。還作紫薇之伴。彼智效一官而不足。此身兼數器而有餘。人望一條之冰。陳彭年在翰林清秘。其容已肅。公傍九霄之月。所樂不存。固知木天視草之仙。行作金鼎調元之相。某孤蘆末品。蓬藿卑飛。聳聞天上除音。竟阻廣閒。賀悃仰泰山北斗之望。方傾心金馬之門。賦雪車冰。

柱之詩更馳念玉川之句盧仝詩

答同社賀誕

黃汝亨

某犬馬跋涉安知初度之臨烏兔飛升頓覺年華之益懷哉良友贈以妙歌借黃絹幼婦之受辛詢絳縣老人之甲子蒼顏染面方愁桃李之笑人綺語薰心安得藥石而生我既受賜矣細吟香山三十六之詩何以報之還禱崆峒千二百之壽

謝張掌詹兼翰林侍講學士

龐時雍

鼇禁徹金蓮清夜增光於玉署鑒坡視御草祥光流

翰苑瓊瑤

六卷上

二

彩於木天價重南金名高東壁恭惟門下龍門儔品鳳閣仙才瑞藹陽春毓稽山之秀祥符和氣鍾鑑水之精文追墳典而邁兩都詞逼離騷而陋七國英雄五百爭看獨步於上林禮樂三千誰敢爭馳於閭苑虎觀講五經之同異宣帝詔諸儒講五經同異辭龍尾而運兔毫鳳池典一代之文章立螭頭而含雞舌尚書郎口含雞舌香以瞻天顏揚典謨訓誥致吾君於聖帝明王撫忠悃辨治亂興亡奠社稷於天長地久經筵虛左講幄推先宸綸將藉之青宮青宮太子

宮養成少海太子為少海台鼎旋調於紫閣寅亮天工某

誼辱金蘭親聯肺腑時勤鞭策知雅愛之未衰日捧

箴規或循省之有賴在不佞銜環結艸永傾向日之

葵右挈左提勿靳濟川之楫庶不至于顛覆可無負

于栽培

謝太宰李公

馬朴

冢宰佐王統百官而建典大君有命承三錫以邀靈

錫命易王三非藉殊知曷叨異數莫酬塊土無痕之造野

和萎蘭不斐之辭恭惟臺下河馬圖靈津龍劍氣負

翰苑瓊瑤

六卷十二

三

濟時之偉略經以詩書挺命世之瓊材瑩為圭璧射策瀉天人之學漢董仲舒上天人三策宣猷翔州木之名絃歌其民繩糾其君歷險夷而一致旬宣于藩明弼于臬備文武之兼資絃歌追叙其為邑令繩糾追叙其為按察司地卿攝綱紀之權灌輸借算天子重銓衡之寄簡在賜餼饋餉不通家有空庭而牧馬晉鄧攸遷牧馬于請求盡絕門無彈鋏以歌魚息食素不受朝論翕然蔚起棘槐之望卿評藉甚倍殷桑梓之情某通籍餘二十年心力雖殫于中外抱關凡三四載毫

毛奚補於後先方虞素餐之貽譏何幸紫泥之錫誥
天子六軍皆以武都紫泥封蓋階從牙繡冠服也
制出鸞文號渙明廷三葉輝騰於宗祏字頒華袞五
花祥動於庭闈有隕自天孰爲之地使我卑一生之
願報公誓九死而甘是用瀝誠以明鏤德伏願二十
四考長教龜鶴以羨年千百斯男頻使熊羆之入夢
其爲感頌未盡鋪敘

同鄉請賀太保溫公

馬朴

憲臺上最鼎彝銘亞相之助亞相孤卿俱太保也儲邸升華綸

翰苑瓊瑤

不卷十二

四

綽渙孤卿之命羽翼隆而元良倚重耳目貴而朝廷
愈尊况出特恩郵稱盛事遙動華河之色敢羞沼沚
之毛恭惟閣下虞岳疇庸商巖帝賚庭下科名啓秀
蚤授元魁殿前屈軼奇英屈軼諫也使人聲蜚諫
議藩鎮重寄奮庸三省賴旃幪省寺清階簡陟九遷
崇閣閱洎曳尚書之履式表惠文之冠此歷叙其由
鎮省寺尚書而登太保之貴物望三朝人倫一代掌邦度者六載
霜威肅大法小廉結主知于九重天語亮資深勅懋
再登最考渥拜殊恩東宮太保之端僚既躋一品南

臺中丞之峻秩仍董百官循牆禹讓以鳴謙當宁堯
欽而申巽輝煌衰鳥三台極臣子之榮煇耀龍章四
世晉公孤之貴傾朝欽羨獨坐光華基等誼聯維梓
情繫施松鵲鷺班中久式如金之度麒麟殿上爭看
橫玉之儀賀厦同懽秩筵蠲吉福霞照專席座生永
日之清芬槐幄蔭台階簾引薰風而掩映佇俟鸞車
之至預殷鳬藻之迎

賀大宗伯雲衢余公

馬朴

帝命納言北闕依股肱之重岳咨典禮納言典禮俱宗伯禮部之

翰苑瓊瑤

不卷十二

五

南宮司喉舌之聲懽動九垓榮生八座恭惟閣下
冠冕人豪鼎衡公輔蚤掄國秀蜚玉樹之英聲穎出
朝賢擅金閨之妙譽玉樹金閨俱詞垣畫永含毫散
紅藥之光書觀夜清披帙映青藜之色直鈐索而視
草禁中草書詔雖宸翰所口代絲綸登旃厦以談經
細旃廣厦心弘啓沃文衡天下程材得雋於陪京師
範日邊教胄升華於儲幄儲幄太子茂著東宮之望
副參南省之儀卓冠人倫彌厘帝眷行下北甌之詔
先躋踐斗之階斗指禮尚書言咨女秩宗贊中和而

典禮樂佐王保國秉寅直以協神人文昌尚麗九天
九鼎鬱廟堂之重由銘九鼎今借以言公輔之為國鎮也輔弼仰承六
極六符增象緯之輝有美榮名無窮令問某簿書俗
吏子治衰宗良子之子必學為箕通家幸厠於龍門
晉秩喜聞於鳳掖且地鄰仁里夙殷賀厦之忱但天
遠容臺容臺禮部也莫遂掃門之悃敬裁竹簡附班片儀
仰冀慈尊俯弘涵鑒如山如阜願膺周雅之純禧作
礪作舟新建商衡之大業若金用汝作礪若濟大川用汝作舟楫喻言作相也

求楊宮諭撰制文

馬朴

翰苑瓊瑤

卷十二

六

金閨儲望簡心孚鼎軸之尊簡在帝心調鼎當軸玉署代言繡
口渙絲綸之美主言如絲其出如綸光昭帝德宣煜人榮朝廷
倚重於如椽如椽大筆海寓徵靈而仰斗恭惟閣下儀庭
德鳳華國文龍搜二酉四庫之藏笥厨失富全五嶽
三光之氣雲漢為章魏科高掇於綺齡峻望鬱騰於
秘省秘書省即翰林也蓬山縹緲含毫隨雉尾之雲旃厦清
嚴師傳諭德講官廣厦細旃以進勸誦矢口傍龍鱗之日詞壇七步史
局三長東觀抽書藜火光中無亥豕非屏典制筆花
揮處聽春蟲非仁義不陳宜備青宮之羽翼有謀猷

必告佇弘黃閣之絲綸某蠢簡迂儒麟符俗吏麟符所抱識荆之願屈指有年乏御李之絲承顏無地茲當考績例得馳恩
傳家之琬琰作忠教孝渙聖君褒寵之勤思闡嫩發
潛慰人子顯揚之至願端惟名願足賁幽明是假先
容額陳下悃倘原景仰于緘魚之外惠賜染濡于倚
馬之間則台仁與斗極偕隆偉製并龍章共重天子制誥
其為感戴曷既敷宣

賀大中丞亦齋溫公

馬朴

翰苑瓊瑤

卷十一

七

南臺總憲北齊王高崔暹為御史謂之日避車望絕
於羣寮北闕宣綸弄印分榮於副相萬流仰鏡四海
蒙休恭惟臺下河華地靈井全天府富胸中之學術
經筵推弘括心上之經綸智囊天正瑣闥繩糾之氣
勁官禁門有青瑣之飾漢藩垣屏翰之功高給事日暮人對青瑣門清切備
儀保釐清陟周召公保由貳樞而佐計勳揚日月之
旂歷少宰而司空聲重星辰之履幾年綠野已儲台
鼎之瞻頃歲丹書爰付紀綱之任行無迴避凜威望
於馬嚴性不吐茹篤公忠於熊遠風生臺閣奸回失

著以自驚霜蕭闕庭忠義彈冠而相慶王陽在位貢

為猶謂中丞察縉紳之黜陟固貴正紀晉周處為中丞

形等正繩直而大臣關社稷之安危尤先補袞累借

推剛之白簡傳玄為御史每有奏劾捧白簡坐以待罪用陳納約于紫垣

行見回天已惟動地某粉榆後進樛櫟散材登龍之

志未酬作蠹之身幾誤爰捐筆硯薄試簿書一歲馳

驅課績敢云可也萬分撫字勤勞庶幾近之積土為

山謬冀興雲于後起樓近水殊忻得月之先久殷公

有于寸丹聊布私衷于尺素龍門仰誼敢叙援孔李

翰苑卷十一之家烏府疏恩頗指引龔黃之路得蒙涵鑒曷任寵

榮

賀檀紹谷

馬朴

巖邑鳴琴久茂神君之譽清朝賜墮光膺循吏之徵

仕宦極榮古今殊典恭惟臺下乾坤儲秀海岱鍾英

近聖人居蘊藉見百官之富負公輔器經綸志三代

之英擢第甲科海內榜稱龍虎服官午道畿南化洽

鸞鳳六載勛庸九重眷注丹書詔下求兩漢之龔黃

青史傳中起一時之卓魯望望鳬飛仙鳥省臺虛席

以俟其來行行鵠擁侯車李元紘治潤州代閭里攀

轅而惜其去美傳實錄頌出虛懷某幸忝同僚快聞

殊簡雖悵良規之漸遠判袂方家然欣大業之益弘

彈冠為國敢裁赤牘附和玄纁聊申燕厦之歡悰竊

負龍門之賀誼統惟揮頓可任寵光匏繫維時恨莫

遂執父之願葵傾向日冀蚤躋曳履之班用既寅誠

尚希丙鑒

為駕部叔父答譚中丞送蜀扇馬朴

虞絃風動九天颺解慍之歌舜彈五絃琴歌曰南風

今蜀筵霽回萬里拜揚仁之賜袁宏答謝安贈扇曰

春生滿袖感切彌襟恭惟臺下道合時行化孚風

偃柄持綱紀簞叢戴酷暑之驅蠶叢及下文鳥道皆

輶運帷籌鳥道羨妖氛之靖茲當畏景左傳夏忽

既奇統乍啓瑤函色炫九華之彩九華漢獻帝載揮

寶握爽生萬籟之涼巧出天孫坡詩天孫為織雲錦裳重逾雲

母石虎作雲母玉明扇睠此希奇之殊渥何堪涼薄之溫承捧

明月以懷人古詩團扇舉眸見德挹清風之惠我握

手成歡感刻寸丹報裁尺素神馳開府莫披縮地之

雲衛璠謂樂廣如披雲霧親望重秉銓佇見朝天之

日希垂慈鑒靡竟鄙悰

賀秦道吾太守 馬朴

五典佐王績茂握蘭之省漢官儀尚書郎懷香握蘭

郎中一麾出守寵新剖竹之符竹符太天福荆襄地

輝河華恭惟門下才高幹國器重聞家曾子文章水

之江漢星之斗趙戡人物劔則干將木則桐藻振丁

年芥拾甲第立西曹而司臬蜚臯陶淑問之聲行南

國以祥刑布虞舜好生之德欽哉惟郵既致理以例

翰苑瓊瑤卷十二

成敬敷在寬仍擾民而叅化計兼軍國常虛利刃之

投司劇版圖獨裕芬絲之理金部最材臣之勛玉皇

榮香吏之行紫極演綸燁燁雙龍辭帝闕朱燔典郡

駢駢五馬出神京鼓吹暫歸鄉里羨晝遊之錦檐帷

旋起閭閻歌夜作之襦廉叔度不禁火民得夜作行

將徵拜還朝且看勛名題柱其幸聯梓里願識荊州

頃迂隼熊既艱倒屣茲伏狗馬猶阻樞衣慙慙之款

未申嚮往之私徒結是馳慶牘用展賀悰明月無因

雅逡巡於按劔明月之珠夜光之璧無因而至前以

其見青雲有意遂欣慕於執鞭惟賜鑒存可勝瞻系

候張方伯 劉觀文

紫綬燦金章漢制二千石以海國重藩臣之寄琅函

緘玉簡琅玉名函以盛詔大朝崇岳牧之司庶僚具

瞻羣工倚毗恭惟臺下八紘鉅望紘音宏即三楚雄

才太微二十五星太微天光搖江漢祝融九千餘丈

節倚雲霄題鳳紙以登庸蚤醉曲江之燕唐進士為

長安坊市為半空笑陟鸞臺而進御殷流瑣闥之風

聲出典浙藩旋膺閩臬布德威於八郡冰霜蒞而貪

翰苑瓊瑤卷十一

墨洗心賴全活者萬人雨露濡而蒼黎生色不可久

勞于外固宜亟召居中覆崔相于金甌唐玄宗書崔

于德之行掌中書之令趣鄴侯于銀信代宗欲用李

不得已出必約曰後召當以銀青為暫顯右轄之司

信忽除銀青必知載敗已且相矣屬吏駿奔快覩維新號令編民雀躍佇看元相風裁

閩海恩流荆湖澤遠其徒縻職守莫遂趨承黃閣倚

雲邊馳驅倍切丹心懸日下仰載何私

賀撫臺元旦 袁宏道

瑞薦青靈瑞青四序肇履端之始化行丹陛三陽協

盛危明之偉略，殫精詢瘼，盡哺饑陰，賜之要圖，擅命世之雄標，猶勤吐握。周公下士，一飯三吐哺，一沐三握髮。運回天之全力，不棄菲葑，竊念其齷齪，豎儒簿書末品，技窮鼯鼠，敢云襍線之長身，偶鳬鷺暫脫樊籠之外，痛民間之髓竭，徒勞精衛之填，感髀裏之肌生。漢先主款髀肉復生，不以安逸也。尚效羌娘之轉，昔綠冗役，獲覩光儀，列戟塞帷，儼招搖之轉斗，登樓解榻，恍蟬蛸之垂天，談注九流，領略擬韋弦之佩，榮分八璉，束懷勤琬琰之鐫，路雖隔乎雲泥，心每傾乎山斗，蓋曹丘未託，已蒙吳祐之

翰苑瓊瑤

卷十二

七

賀沈太素開府全豫

劉國縉

洛師爲天地之中，洛師河南地。樹風聲于八表，節鎮重撫綏之寄，高月且于三台，朝野咸慶得人，戚屬尤忻藉寵，恭惟台臺渥注神品，漢武帝得神馬于渥注水中。吳會名家，呈奎曜于天衢，試霜芒于水部，右雕龍而左雕虎，灼然武緯文經，出紫闥而參紫微，允矣冰清玉瑩，某顧慚

襍線，幸奉鞭弭，自三山啓戟，幸依未照于魁杓，乃一介顙蒙，仰荷鴻鈞于大冶，時念蒼生之昏墊，正須宏濟之材，每逢赤牘之下頒，益感注存之雅念，茲者天申異命，日麗中原，移濟上之甘棠，詩蔽芾甘棠，勿剪勿敗，召伯所憩。秉周南之節鉞，知海岱以東之父老，扶杖送冠君之行，冠向爲穎川守，徵爲執金吾，從上過穎川，百姓遮道，願惜冠君一年。在汝汶以北之蒸黎，拭目覩臨淮之幟，蓋篤生豪傑，宜居鼎鉉之司，而簡命英賢，寔重腹心之地，韓崇爲汝南太守，召見汝南古腹心之郡，位大京師也。三十輻共轂以栖，斯服箱之效奏，百萬命待公而活，宜拯救之益宏，某涓埃未報，何能裨海岳之高深，芹曝微將，益自媿瓊瑤之珍重，伏願運助勩之偉略，勒鍾鼎之功勛，大闢和門，全豫並登乎栢席，永膺福祉，芳名長耀于日星。

翰苑瓊瑤

卷十二

七

賀都察院溫六年考滿

劉國縉

鹽梅舊望，台衡總風紀之權，日月恩新，忠孝兼國家之慶，福關宗社，喜溢簪紳，恭惟臺下一代元臣，三朝頤輔，仙人掌，金莖露顯氣同清，太華峯頭，玉井蓮纖塵不染，三尺仰關西夫子，四夷知洛社溫公彩筆

奪江花。江淹夢筆生花。自此文思日進。錯落夜光凝怪。汪襟澄謝練。

吞吐雲夢失奇。生平笑比黃河。包公嚴厲未嘗有笑。容人謂包公笑比黃河。

清骨鯁霜寒。青瑣富強何意。天房協雲錦之文。律呂

旋調。禮樂建中和之極。大官御前。令陋三諫于叔方。

廷尉天下。張釋之曰。廷尉天下之平。平弼一人。于刑措。允文允武。

府開吳越之名區。司馬司農卿貳戶兵之鉅任。困遷

雷都冢宰。復改治正冬。曹魚躍鳶飛。遠韻在東山別

墅。祥麟威鳳。高風終北闕。儀刑遂晉中丞。特崇獨坐

而史中丞。專席。挈臺綱于五院。激濁揚清。貞憲度于

翰苑瓊瑤。卷十二

百寮。小廉大法。天時人事。六年當報政之期。主聖臣

賢。九重正酬功之日。欽資寶光。搖碧漢。喜動龍顏。尚

方瓊液。瀉玻璃。香分烏府。染官雲。而天葩自灑。天葩。宸翰。

御筆之。重忠讜。而宸翰親題。紫誥金章。祖德施封五

世。錦衣墨綬。君恩奕葉千秋。誠古今殊異之榮。豈臣

子尋常之數。念某柱下迂材。臺端末屬。出嶺南州之

役。謬竊驄乘。桓典為侍御。史。常乘驄馬。每依北斗之瞻。憂深蚊負。

輒再逢有成之盛。論。三年有成。一任滿也。匏繫難遂

見趨。迺快覩戢穀之宜。嵩呼莫禁雀躍。特希官而齋

短揭。敢借物而效長謳。伏願福祿永康。地天長泰。卷

阿嗣響。磐石鞏國祚三千。喜起初賡。彝鼎紀勳庸。廿

四。某無任激切瞻戀之至。

侯郭青螺老師 劉國縉

天惠坤維。元老蒞師中。而制勝。書方叔元老。帝弘泰。

道。樞臣當閭外。以肅公。關五季未啓之輿圖。功高而

心彌下。歷四載未經之胼胝。禹乘四載以治。木。胼。手足。貌。瘦而。

民始腹。恭惟師臺。撓日丹誠。揆天彩筆。恢乎曠度。吞

雲夢八九澤。而有餘。超然壯猷。擊南溟三千水。而直

上。展真儒之作用。繇事變之繁興。昔者撓槍煽妖。冥

偷簸舌。上廬宵衣。旰食。化所守為豺狼。下煩議餉徵

兵。驅吾民于鋒鏑。獨此鬼方之懸度。鬼方。小國也。易。

之。尤難神運。以圖功。所賴長策濟艱虞。如卽墨孤

城。弱為強。而虛為實。精忠貫金石。若阪泉雄戰。風為

陣。而鳥為旂。是以金戈鐵騎之夫。以及鑿齒雕題之

輩。鑿齒。雕題。夷。稟命而深入其阻。奮力而載展我疆。

帝曰。都哉。宜懋分茅之賞。侯誰在矣。聿崇聽履之班。

杜尚書詩。聽。夔龍宜晉乎三台。黔楚尚淹乎六韞。蠶

履上星辰。

茲小醜不懷解網之仁，最爾游魂，尚作經余之梗。雖
慈心爲底，蟻蝶亦囿于生全，而我武維揚蜂蠶詎容
其毒螫，揮太阿而斷朽，鼓洪爐以燎毛，佇見武澤文
恬，弓橐鼓臥，永標銅柱，南蠻無復反之期，長鞏金甌
北闕有虛前之寵矣。某夙當冰鏡，世沐雲津，德效支
離，卽鼓篋布精而猶歉，材慚樸遯，縱雕蟲篆刻以奚
爲，積疎慵而不寄，洪喬實切飲冰之懼。某公于高日
吾朝受命而
夕飲幸因緣而得逢元季，每叨刻燭之談，起居時得
以備詢，翰簡忽驚乎飛墜，計謨定命，尚念及于鯁生

翰苑瓊琚 卷十二 七

鴻造回春，爰先加于腓草，感深五內，望極二天，茲敢
少布片私，敬候函丈，抽毫愧班，掾燕然之石，空裁籌
策，豈柏耆淮蔡之氛已熄，伏願作明三壽，永肩一心
駐世，木公觀帶礪河山之盛，揚芬桂子，步箕裘弓冶
之良。

謝郭青螺老師 劉國綰

恭惟師臺斗極儲精，坤維握矩，觀疏域外，指樞而川
岳效靈，妙應環中，談笑則鯨鯢投首，昔值鬼方之猖
獗，易高宗伐鬼
方三年克之正當民力之凋疲，後先犄角，則呼吸

之勢難通，直搗長驅，則駭突之虞可慮，或謂妖星未
滅，或稱公案難完，所仗師臺武緯文經，風馳電掣，鈞
巨鼇于滄海，無煩會稽之躡，倚長劒于崆峒，旋效扶
桑之桂，挈黔蜀生靈于衽席，收西南夷境于版圖，竹
帛旂常，快親膚公之奏，河山帶礪，漢封功臣盟曰黃
河如帶，泰山若礪
行看異命之申，某猥以孱軀，久耽藥裹，遙聞露布，覺
鬱結之頓消，凝睇魁杓，卽夢魂而常戀，幸游燕市，獲
御次公，備承骨肉之雅情，載訊興居之多祉，未附錦
鱗之便，忽驚銀鹿之來，煥奎壁于蘅茅，飛煙雲于楮

翰苑瓊琚 卷十二 六

墨，注存不遺，纖悉接引，下逮葑菲，昔蒙再世再造之
恩，難忘頂踵，卽竭一步一趨之力，敢望奔塵，伏願位
晉上台，道隆三壽，紹美韋平之業，捷書蚤報乎泥金
壯猷，方召之勛，熙運永同乎磐石。

答少司馬楊老先生 王演疇

大名垂宇宙，不殊捧日擎天，韓琦少時夢以手捧日
者再，後果歷相兩朝
清夢抱生平，久切瞻山戴斗，驚承魚素，特布蛭私，恭
惟台臺忠孝傳家，文武爲憲，接淵源之令緒，蚤看鯉
對庭中，負柱石之宏才，隨見鳳鸞池上，是父是子，得

位得名藏十萬甲兵於胸中。渾同小范。范仲淹代范
人飛曰小范老子胸中有數萬舞五色斑斕於膝下。
甲兵不比大范老子可欺也竊比老萊。老萊子嘗着五色斑斕衣舞于親前以取親悅赫聲濯靈威望崇
於桂嶺金章紫誥福順聚于椿庭奈何至人厭五濁
之塗一朝蛻骨遂令孝子篤三年之愛半夜烏啼榮
哀已萃于一身卹典更蒙夫異數計聞京國共賡薤
露之歌夢奏玄亭少慰木風之恨方慚測海遽辱朶
雲敬因馬走以代躬用盼鴻飛而致謝憶昔書翻莊
子空傳八千歲爲春秋卽今禮讀戴家無忘五百年

翰苑瓊琚

卷十二

九

有名世預卜絲綸之召專俟祥禪之期。禪祭名期而

永柱朝堂益光閎闕當宁咨時務知南陽必起臥龍

諸葛孔明隱于南陽隆中自號臥龍異域問起居冀中國復相司馬。宋

司馬光爲相酋長相戒曰中國仰祈自玉不盡報瓊

慰留兩廣制臺

顧天峻

總九伐之權。禮天子正天懸北斗之位蒞百粵之地

兩廣號百粵按史楚大敗粵殺王無疆粵以此敬于孫平立或爲君或爲王故爲百粵乃日行

南陸之墟比德于玉履道如絃非儒非耆所謂中立

不倚爲上爲德自是易地則皆然惟茲越裳獨煩

公鳥民歌鴻雁自是卯而翼之。左傳卯而翼之大有則而象者鎮相其社稷邇求厥寧克詰爾戎兵
用揚我武龍地赤子經幾許幹旋野馬塵埃豈太虛
增損皆知美之爲美夫乃嫉子之蛾眉無論知與不
知誰不白公之嫵節公知有去製芙蓉以爲裳帝曰
無然藉鹽梅以調鼎非故爲詘公之節方倚以秉國
之成卽龍戶馬人咸歌且舞將赤帝金烏常具爾瞻
方借保釐行歸翼贊復田甫曰奈驕驕何矣我馬非
馬將遑遑欲何之思越越吟跋牽牛分野在國國重

翰苑瓊琚

卷十二

十

亟介馬入朝

賀范尚書除禮部兼內翰

汪國楠

金蓮炯照榮登白玉之堂丹鳳翹飛光捧紫泥之詔

帝東簡在民望感孚恭惟閣下氣函天粹學味道真

全才力解于千牛刀有餘利絕識洗空于羣馬廐乏

畱良揚允文允武之休著立德立功之譽講唐虞于

壇上頌民聽命于舞干居頗牧于禁中悍卒回心于

詔讀茲膺典選實始奮庸文章垂象是爲上將上相

之躔武帳前龜行有爲保爲師之命進階則仰馮日

月出地三千曳履而直上星辰離天尺五

詩云城南韋壯去天

尺五言芳聲有永偉績無前其望北徒殷落南寢久

蟠木爲萬乘之器必資根抵之容

漢鄒陽上書曰蟠木根抵輪囷離奇

而爲萬乘者以祥金躍大冶之爐取作鏤鄒之想

列子大冶鑄金金乃躍日我且必爲鏤鄒

請蔣老師

朱之蕃

師表快瞻夙奉步趨而仰止

莊子夫子步亦步趨亦趨清和屈候

冀親馨欬以從游

莊子空谷聞人足音登然肅介蘋而喜况馨欬其側者乎

毛祗承車騎期涓詹尹志協門牆恭惟門下百代人

翰苑瓊瑤

卷十二

三

龍爲人中之龍千秋冰鑑學優聖域淵源接洙泗之

宗望重明時建樹邁夔龍之跡春官桃李均荷甄收

銓部簪櫞久睽晤對邇者暫完啓事欣逢退食之從

容

詩退食自公委蛇用廣作人式舉滌觴之宴集茅

筵管席漸無將敬之儀封體蓬心願藉指迷之力伏

望翱翔鶴馭臨館舍以騰輝特翥鸞驂顧樽罍而襲

彩珠璣璀璨聞言當佩服于終身山斗差幾觀法得

周旋于觸目某等鳬趨函室鵠族西階不勝顙仰之

至

賀孫太宰

朱之蕃

王明用汲

易可用汲王明並受其福

必先惟舊之求賢達酬知式

行益壯之志舉熙朝之盛典瞻謀國之老成千載一

時殊方共忭恭惟臺下天挺人豪瑞鍾名世正直忠

厚秉清淑于乾坤俊偉光明樹駿鴻于宇宙三朝敷

歷夙稱中外之具瞻廿載栖遲共惜古今之耆碩蒼

生繫望詎容高臥于東山丹宸頒恩爰用趨承于北

闕明良賡喜起

書股肱喜哉元首起哉

輟莘畊而再握銓衡華

夷頌姓名釋渭釣而重懸藻鑑圖書數卷遠過致半

翰苑瓊瑤

卷十二

三

部之太平

趙普謂太宗曰臣以半部治天下太平

琴鶴都捐共許秉

三代之直道

趙普先爲太守惟以一琴一鶴自隨及入蜀屏去琴鶴止一蒼頭

徵勤

遍野行追師濟之休風

書百僚師師詩濟濟多士

咸虛之德化茲誠量而後入執左券于草廬之中且

將就而有謀親見行于楓陛之下者也某等溪沼細

流識朝宗于有本里巴末奏叶大雅之希聲繫籍陪

京莫克鳬趨而申賀馳神東閣遙陳芹悃以宣心伏

冀俯鑒未將之恭納微儀之及物采攬不盡之意置

斯世于同春某等臨緘曷勝瞻企

請曾老師

許 解

名世應五百載之昌期，先達知己，皇家真億萬年之長計。莫急樹人，故伯樂空冀北之羣，而造父閑以銜轡。下和荆南之璞，而昆吾重以礪磨。俱由共濟以成能，未有兼總而奏績。自非造化在握，安能曲成不遺。恭惟大師相曾老師閣下，五緯凝晶，九苞煥采，滙雲夢洞庭之秀，櫨杜蘅菌桂之芳。知性知天，靜觀乎喜怒哀樂未發以前之氣象；言易言變，直徹乎陰陽健順相生不已之機緘。錦雲遙應乎臚傳，聖明簡在

翰苑瓊瑤

八卷十二

三

連燭近映乎禁草圖史，增輝知人能官人，再擢棘院之秀。先覺啓後覺，重造鱣堂之英。採菲葑，豈遺下體化朽腐，並效神奇。仰睇德星，喜見連珠之人；闕宏開丹府，驚看羣玉之照人。元氣貯崑崙，揮灑巨靈之山水；榮光攬河洛，錯綜五老之圖書。豈直鏤月凌雲，效刻鵠雕蟲之小技，將使通今學古，收補天浴日之大猷。東箭貫犀，鏃羽更資其深入；西金耀虎，淬磨尤利其發矟。某等共最丹心，言光青史，遠答二祖八宗之培養，仰酌聖君賢相之登延。方今梧井澄煙，桂輪浴

露。北辰開斗極，玉衡運而列宿盤旋。東觀啟蓬萊，紫氣臨而羣真舄奕。黃姑佐勝，斜垂萬里銀蟾。素姊多情，推上一輪冰鏡。謹啓三月某日，列三旌之筵秩，陳九奏之清音。魯酒樽開，泛霞卮于三島；燕金臺適來，赤舄于重霄。藉秦誓之休休，妄希彥聖；挹姬公之几几，潛抑各驕。自隗爲基，鑄顏有地。身依東觀，肅臨師保之嚴。酒近南山，齊祝君王之壽。下情無任懽忭，激切之至。

賀王太倉

李言恭

翰苑瓊瑤

八卷十二

五

武丁恭默以興商，夢寐之賢惟肖。司馬退休而居洛，公輔之望益高。蓋惟王者之居，必生名世，亦惟懋德之老，祇服師言。屬綸綍之自天，應鼓舞之載道。恭惟臺下蘊道山蓬萊之胸次，得尼丘杏壇之心傳。獨抱遺經，力追古作，故能奪多士之氣，取象魁三益。嘗登太微之庭，去天尺五。杜詩云：時論同歸尺五天。言其去天不遠也。金華勸講，非堯舜之道，則不陳；玉璫緘辭，編詩書之冊，而無媿。帝方眷倚民，亦具瞻，勇爲陳情，豈曰遲遲而去國。極知大節，必能拳拳于愛君，愈懋簡于清衷，更大孚

于雅望特從綠野

裴晉公治第東都號綠野堂與居

不問人晉陟黃扉三節星馳傳係吾君之親擢九門

天近諒非真儒而執歸朝野竊仰其經綸夷夏想聞

其丰采重增九鼎共瞻衰易之儀焚贊萬機獨稱冤

旒之意茲誠天下之極選亦是蒼生之至懽其密邇

鄰光忻聞邸報隔茲襟帶之水莫履簪纓之塵帝賚

弼用作霖喜峻直西清之遠君命召不俟駕幸無爲

東海之淹曾仲連久淹東海敢竊問夫行期容續陳其賀悃

請薛少參代作

李國祥

翰苑瓊琚

入卷十二

五

恭惟臺下梁標閣望靈山鍾蓋代之英淡應潮元人

瑞推濟川之傑鄭肅自高曰天瑞有五色雲人瑞有鄭仁表玄圃積玉昭

回雲漢之章武庫陳兵縱橫公輔之器數拂馨香于

粉署再徵品藻于青衿三楚三秦火山照收麟鳳一

黔一鄂春臺熙起閭閻孝子熙熙然漕引給軍劉宴

焦心于一粒計司得使富弼極口以萬家寧社父繫

思恩紀並江漢之紀且華友容接德涵同潮澤之涵

使星暫炳于蚤居台曜倏輝于螭陛某也緯蕭賤子

馳心冀輶簪裾披薛嘉師庇霑晉施荆棘卜茲某日

焚香四和竊馥氣于荀香泛艷三清借玉映于斐艷

仰祈鹿行夾轂過存儼鵲峙以鸞停俯允蓮刺爲筒

貧薄媿批風而抹月謹啓

上榮王

熊宇奇

羽儀西望壯萬雉匡岳金城瑤檢東來騰一道斗纏

劍氣開函色怵捧扎鬼驚恭惟賢王殿下闔苑瓊枝

藍田粹璧曰孝曰友肇有政于宮闈惟德惟賢固懷

寧于屏翰博覽窮乎四部光分太乙之青藜精煉就

乎九還翼傳枕中之鴻寶邀麻姑而酌醴薜彩訖韶

翰苑瓊琚

入卷十二

五

植豫章以拂雲松喬挺翠洵哉大雅允矣斯皇某竊

在下風欽承令聞縮地無術效華祝于崇階臨楫

孔虔敢奏葵傾于冢社離關報命子墨申懷仰冀矜

涵無任戰慄

賀徐州兵憲劉公新任

盧純臣

鈞天法紀霜旄開楚甸之秋暉重地台符漢節擁彭

城之瑞色坐與河山增麗聲同南北交歡緬念臺下

風華膚敏天韻浚明言浚明裔稱禹錫之龍標唐詩

龍標過緒出德威之駕列呂梁懸瀑寒濤照萬仞之

貞操沛館歌風漢高帝過沛作大風歌雄覽遂平生之壯烈驛

通齊魯仙鄉遠屬屏藩潛接江淮王貢悉爲保障文

武藉其安攘災疲响以陽春屹然千里金城鞏矣中

原碣石丰神在望恍傾玉塵于圯橋磬欬如聞願挹

蘭言于鈴閣易同心之言其臭如蘭敢緣一旅繆結三台肅展

葵衷薄將片臆

候座師王公

謝廷諒

燕臺槐袞寄樞筦以安劉楚甸棠陰重藩城而借寇

揆留皇鑒慶溢朝端恭惟門下器範篤誠風微弘潤

翰苑瓊瑤六卷十二主

誕英規而熙洪胤蔚以其姿闡茂緒而渥名流綽乎

其韻萬石君之馴謹人咸誦其家聲前漢石奮父子建一門四子

皆二千石富平侯之醇深望猶隆于主眷漢室明卿

之子濟美端良王氏佩刀之祥聯躋公輔曩宣九牧

擬列三台眷戀庭闈歸航林壑綱常事大娛色養以

承歡恬退風高望雲栖而減景琴臺春曉夢矚宸軒

劍閣秋深褒嘉綸綵矧頒五玉擢以銓宰之衡暨貢

九金假以藩屏之任吞雲夢而茹納驅江漢以朝宗

袞袞英材披雲解榻汪汪雅興乘月登樓某夙荷裁

培曷勝忭躍承恩絳幘通桂籍于朝紳奉使擅城阻
蘭訊于天外敬覓家公之客聊申國士之懷附布芹
私不任悚慙

禮部觀政合請諸曹長

謝廷諒

蘭署披雲渥丹滋而染馥葵尊裛露汎紫欲以分華

賞洽簪裾光生几席恭惟臺下醇輝毓祉英液禎符

鬯彩旭于章彝學探帝載粲明霞于麗藻業綜人倫

北闕飛纓青殿妬離光之燦南宮聽履紫宸焚台曜

之和趨畫漏而侍鵷班淵渟模楷職春曹而分鷺序

翰苑瓊瑤六卷十二主

翊贊鴻鈞大禮三千聲名葱蒨祥嘒十二文物葳蕤

瑞吐槐庭曳桃花而結綬芳連桂幄引茅茹以彈冠

易拔茅茹以其類爰搜縫掖之羣並沐旌蒲之典觀政習儀日旌蒲之

典某等投竿挾策舍築擔簦希盼睠以策三驅三驅馬之疾奔

借吹噓而成六翮六翮鳥之名占太史猥蒙羔

雁之榮期赴尚書忝侍雙龍之列鄭門六稅曳大雅

以扶輪孔室四科煥清言而結課接龍光于雅坐瓊

樹遙瞻盼鳳舉于菲筵美芹欲獻櫛花浮酌西都之

宴喜可尋葛蔓調絃北牖之風微尚在某無任翹竦

瞻候之至、

迎梁撫臺

蔡復一

魏闕出綸、

周禮、天官縣治象之法于象、魏注象、魏金、

掌光升卿月、

惟月、穆陵賜履、玉鈴寒動將星、得人

翰周、惟天授楚、恭惟台臺神襟凝遠、德宇閑深、智崇

禮卑、魄成三、而比讓語、爰默象、時備四、以希聲、當奏

賦于上林、

相如作上林賦、武帝讀、即覽風于雲夢、賜、

何公之策、陰騰自多、紉屈子之蘭、懷芳必發、人倫冰

鏡、時咸推裴楷之清、相閣翹材、內不平汲黯之翹、望

翰苑瓊瑤

八卷十二

元

歸身潔、忠結主知、幾載正色中朝、心無燥濕、一朝渙

麻南國、氣作霜霖、果能繹之有靈、微龍顏之特顧、念

湯沐之盛重矣、雖惟帝其難、弄中丞之印久之、竟非

公不可、山川舊識、尚想像于斗光、士女新歡、更解舒

其霓望、滔滔江漢、釐柜南而方來、芄芄黍苗、感兩膏

以競茂、其仰喬松之在漢、曾御膺門、泛芙蓉之滿池、

忻依儉府、武溪吹笛、安得陪明月之樓、鄂渚建牙、亟

思揚仁風之扇、伏惟彤弓朝享、騁四牡以遙征、寶劍

夜衝、引雙龍而上燭、照臨翼軫、鼓舞參衡、

賀張方伯晉尹京兆

趙秉忠

神臯共極、翊三輔之黃圖、天府維京、管九牧之青社、

肅清輦轂、眷言宣銅虎之符、故事、京尹銅虎符、隋文、

別造玉麟、儀羽寺卿、申命重玉麟之篆、自靡篤誠忠

亮、曷綜禮樂政刑、恭惟臺下、嶽誕斗樞、地聯台象、雲

護邯鄲之壁、鳴珂而聲振京華、星移博望之槎、擁節

而化行方岳、甘棠市日、正騰南國之惟、鄉柳扶風、入

捧北辰之御、紫駟上道、光奉贊書、蒼佩還朝、漢制、尹、

青綬佩九釐神甸、帝心簡在、將弄印以授堯、漢高祖、

翰苑瓊瑤

八卷十二

平

輔太子、弄印久之、人望翕然、識銘簡之有趙、謂秉驂、

日非趙堯不可、駕寧須鷹擊之雄、聽徹鳴鈴、不改雉馴之化、望三王

而迭拜、奠皇皇千里之畿、齊二鮑以相承、表翊翊四

方之則、勳業時隆於一代、詔褒佇下於九重、其謬總

神赤、叨奉盼青、翰一籌而罔功、協三章以受法、遙瞻

旌節、北斗霄中、祇畏簡書、南雲天末、踏紅輦路、莫脩

燕賀之儀、望碧油幢、姑致魚封之慶、

賀楊少宰

林欲厦

景鑑朗秋陽、刀尺周官之羣吏、亞樞鄰北斗、隼繩帝

世之百工、忻衆正之途、開喜同盟之道、泰恭惟台臺
綜理玄風、燮諧元氣、口銜四代之禮樂、足躡三朝之
粲華、端席銀臺、願望升聞于黼座、平衡金鏡、簡音責
采于綸函、朝廷無踰仲卿、頡頏八座、賢路特關銓宰
涇渭九流、咨名世領袖吏綱、借我公掌肱王爵、一紆
印綬、萬集簪纓、方將錄夾袋以儲材、必不致錐囊之
露穎、令史駭丁士之改、知人驗房杜之奇、李下且無
蹊、何論翰書盈閣、門前偏撒棘、那聞權貴、欲聞論清
政而冰鏡無光、吐赤誠而朝霞失色、前馬裴而後盧

翰苑瓊瑤

八卷十二

三

李、豈足擬倫、左稷契而右臯陶、佇觀並列、某一對龍
蛇之影、頻接鴻雁之行、自勢隔于雲泥、遂形疎于日
月、望尚書之履于星辰之上、燁燁其光、仰吏部之門
如山斗之高、惓惓有請、策懦軀而羈西臬、贊賀削以
涸中涓、依響方深、瞻戀靡竟、

賀大叅洞巖周公

周弘祖

義振仁懷、道中存而時出、文經武緯、授外寄以咸宜、
故鎮靜黃堂、吳郡國志吳郡守堂因數火塗以燐黃、歸治行于吳公之
第一、澄清烏府、數風力于部使之無雙、南陽保障稱

雄、北門鎖鑰殊重、福星懸郡、鄰封旁燭餘輝、白日貫
虹、島嶼雷傳、迅令八閩慶洽、四野懽騰、恭惟臺下雋
拔洪都、英蜚江右、躬田碧玉、采秋實于詞林、領結明
珠、鼓春雷于墨霧、景元聖之忠勤、心存王室、循素王
之軌轍、學卓儒紳、聞徹宸衷、業光郎署、既而寵王麟
于鳳闕、飛金馬于龍津、五教範青衿、如圭如璧、九農
歌綠野、以豫以休、學古推俎豆之周旋、匡世壯猷謀
于闔闕、掃案牘之三千、才頡吉甫、羅甲兵之數萬、志
逐希文、身任長城、喙張小醜、却撓槍于一怒、馭貔貅

翰苑瓊瑤

八卷十二

三

而左轉天機、運籌策于七擒、驅犀象而右迴地軸、青
郊幟列、橫五色之祥雲、朱鳥輦飛、掠千山之氛霧、波
恬海宇、鯨鱓溟潮、所謂振古之奇勛、肆今之希觀也
某扶桑短翮、驚大樹之高標、伏櫪綿駒、聳驃騎之遠
驟、慚羈的之御、登龍之願、既遠、仰山斗之光、托鯉之
情、已缺、是用馳忱于左右、未由躬賀于庭階、菲儀輕
冒、威尊臨楮、聿增慚悚、

候衡郡二守陳肖崖公

曾光魯

某備員下乘、稽首崇臺、生平願識韓荊州、心懸鳳閣

此日得逢李司隸望溢龍門

李膺人有功其容况臨後者時謂之登龍

斗極之光欲竊天河之潤仰惟門下秀毓清漳文鳴八郡騰翎翺碧漢咫尺風雲銜命自彤庭依馮日月兵民平馭威惠並施行李惟一鶴自隨清浮駉駕投醪而三軍共醉煖動戟枝早蓋拂紅曦掩映湘流之曙朱幡搖紫氣撥開衡岫之風佩犢帶牛四民樂業含哺鼓腹萬戶皆春且加惠乎菁莪遂畱情于桑梓階前細雨不嫌握髮渥蒼苔座上和風却許揚眉聆白雪津津提示終身比作韋弦浩浩生成報效敢忘

翰苑瓊琚

八卷十二

三

犬馬祇修候楮少布謝私不盡瞻依統惟照亮

上工部聶公

徐榛

飲河沾潤竊分惠于餘波借日曝暄敢忘機于大德遙瞻休貺久戴朮光恭惟臺下學綜九流辨雕衆甫昭華截管自諧天下聲音雲錦製裳不用人間剪刀握符花縣見化鳥以飛來

王喬有神術每月朔望朝謁躡雙鳥飛來帝命張綱

得雙履晉秩木天鶴共琴而清賞行當曳鄭履以上

星辰坐見佩刀而司調燮香生栗里寵結楓宸其夙懷懿范久乏芹私三年作牧殊無片善之聞一考程

書程書殿最寔仗同鄉之誼茲因給由之便期敢托

悽愴而上達願介無疆之望鑒此不腆之儀萬估塵存未盡瞻仰

擬候兩廣戴部院午節

曾希孔

陽盛陰微卦八八而逢姤五月一陰生五月一陰始卦也日永星火

節五五以端陽粉團造自金盤彩印敞乎玉帳恭惟

台臺江海為池乾坤作鏡午節揚州于江心鑄鏡以進許仲元詩哈囉乾坤共

作鏡放生江際天中之令節觀嶺表之太平帝見乎

離離火捐陰霾之燭乾遇乎巽巽風阜東西之財半

翰苑瓊琚

八卷十二

三

壁關河洗甲競鳥飛之渡三千組練投醪奪龍彩之

標花向帳前開應有萼華九薦鑑從江上鑄光來鍛

鍊百銅某尋常蒲質恍同六日之肉芝

肉芝者謂萬歲蟠蛇五日

取之陰乾帶于身辟五兵六日則不中用咫尺崧臺喜挹五奠之瑞莢睹

齊壇之蒲劒何用桃印鬼書對鈴閣之羽麾居然舊

公神算所願調臯陶之鼎鼐咏禹王之瑤舞五日午

時蓄三年之國艾一絲一歲獻萬縷于君王

答黃與參大參

黃克纘

地拱神京藩輔曾叨于五載嶽分泰岱保釐誤錫于

九重追惟此日之受知寔藉同寅之舊雅恭惟臺下東吳望族西浙偉人鸞掖文章海內當年價重經庭詩禮江南此日名高騰茂實千太衡肺腑之功猶在播芳聲于濟瀆旬宣之績獨隆詩王命召虎其誼規斷金易二人同心其利斷金情深倚玉念東流之河伯三年無

翰苑瓊琚

卷十二

三五

堪憐大內斗箕臣子之挽回無計敢因弘獎遽昧微衷惟願冠蓋重來東秦有得朋之助絲綸蚤下非極無反汗之譏則吾儕之冠可彈而小民之席得帖矣

報李及泉總河

黃克纘

惟國家有非常之事乃知賢者爲能立功山川有變遷之時始識神人獨優濟世自黃河之南徙致清泗之合流祖陵被其嚙傷運道因之哽塞臣工濟濟莫分聖主之憂才望巍巍獨稱司空之任精神意氣總注其念于波臣河伯之間天地山川將鑒其誠于沉

馬抱壁之外行挽狂瀾于既倒直扶國脉于瀕危其追趨後塵未能先荷版築側聞高論預知蚤底平成幕府弘開自宜申乎燕賀多儀下逮益仰戴乎鴻私方命實難反躬增愧

答董定所恤刑

黃克纘

恭惟西曹碩彥於越名家奉寬大之詔書普平反之閭澤開一面之網而非漏于吞舟失三驅之禽而不令其登俎使海隅無夜哭之鬼而獄底有春回之期懿哉陰功遠矣明德某曾叨斯役微殫厥心每傷桑

翰苑瓊琚

卷十二

三五

梓之鄉多蹈羅織之獄聽者憑意之喜怒而加以不放之辜讞者視文之刻深而據爲一成之案且鮫人漁父情不能達于上官而鳥語猿音言僅獲通于下里非至仁至察得之于破牘殘楮之中而不惑不疑索之于輕生自盡之外就能出非濫出而生無幸生乎遠拜雅情兼惠全疏藹然慈祥惻怛之周流蕩乎雨露膏澤之溥被謹對使拜領容專役馳謝

答溫用廷侍御

黃克纘

使星按節光寒吳越之墟法雨隨車澤潤滄桑之域

吏民戴德。閭里分榮。恭惟臺下。謁變清漳。鵬飛岐海。
剖符名邑。馴雉再見。干中牟。樹表西臺。棲鳥復還。平
柏署。辨奸賤。貨之論。既爲朝廷謀。復爲桑梓謀。繩愆
糾繆之疏。不爲性命計。肯爲功名計。茲省方海曲。特
節江干。柱後惠文。布清風于廣斥。胸中愷悌。流湛露
于窮簷。天目雲間。盡屬勝遊之地。吳歌剡曲。孰非誦
德之聲。某幸屬粉榆。竊聆緒論。快吾黨之有人。謂太
真復出。漸治行之無似。豈次公可論。過辱華袞之詞。
兼拜鼎彝之賜。錢塘江水。未若此情之深。雁蕩峰巒。
願比高名之峻。肅茲附謝。未罄所懷。

報會景默總河

黃克纘

玄圭錫命。聿膺水土之司。蒼珮兼榮。弘啓平戎之績。
旌旗動色。僚屬分光。恭惟台臺。匡廬拔地。北斗司天。
正氣足挽。平黃流。高標直齊。平嵩岱。帝心簡在。咨四
岳。而用司空。輿論咸歸。亞六卿。而分邦土。帆檣映日。
立令河伯。效靈。奮鍾如雲。佇見天吳。順軌。某久沾餘
潤。快挹清芬。頒綸綍于中州。寔增踴躍。仰光輝于東
土。徒切榆楊。敬諷鸞遷。聊申燕賀。冀輸流于大海。庶

廣濟于迷津

答李光宇侍御

黃克纘

翰苑讐經。擬代絲綸之任。柏臺持憲。新居諫諍之司。
福澤行被。蒼生榮華先分。知己恭惟臺下。玉壘奇標。
錦江漾彩。方童子賦。甚之日穎。比鄴侯。及經師請業
之時。博同李謚。石渠較藝。名高金馬之班。烏府乏人。
職列青鸞之選。惟才是使。豈此之薄。而彼之榮。何官
不宜。况春之華。而秋之實。言關國是一言便可千秋。
手整朝綱。雙手堪扶二曜。某夙緣文字。得睹風神。識
謝九方。敢云索之牝牡驪黃之外。學慚康節。豈能辨
之根荄。萌蘖之中。而門下雅道。獨持高情。偏注植桃
李。而得食。古有斯言。投木瓜以獲酬。今誠非扛。焜煌
重幣。未敢受以累清曹。馥郁佳蔬。直當嘗之沾大惠。
扇仁風于蜀素。肌骨皆清。退煩暑于吳茗。心脾爲醒。
筆難盡謝。意與俱馳。

答李集虛翰林

黃克纘

渥注神駿。五花散而成文。丹穴長雛。九苞紛其絢綵。
生爲國寶。豈驚馬可共馳驅。出作世珍。匪凡禽可同。

頡頏恭惟門下稟崑山之玉質振江左之金聲詩禮
趨庭人羨鄴侯之卷軸忠貞體國世瞻元禮之門牆
綵筆生花豈曰江淹才盡清風作誦應誇吉甫名高
方鍊石以補天行從龍而夾日至如某者伏櫪庸材
幸托當年驥尾題門凡鳥呂安訪嵇康不值乃題鳳
字門上而去康曰鳳字
也敢希此日鳳毛徒以孔李通家屢落九霄之咳
唾淄青共事獲敦兩世之綢繆弘獎過情小技稱爲
君子隆施逾格高誼邁于古人明德莫酬寸心徒結

答王霽宇總督謝乃祖入祀 黃克纘

翰苑瓊瑤 卷十二 三

報德崇勳于有司爲常典祀先廣孝惟仁人爲美談
在公論固常明欲任德其奚敢恭惟臺下海嶽英靈
國家楨幹忠貞世篤人稱名卿之子名卿之孫安攘
才高世謂軍中有韓軍中有范韓琦范仲淹相繼守
西夏軍中諡曰軍中
有一韓西賊聞之心膽寒有一范西賊聞之心膽戰念深祖德曾忘身以急
公思及鄉邦未專祠以食報爰新堂構聿啓蒸嘗駿
奔雖勞乎縣官愛慕寔緣乎父老蓋甘棠思召猶勤
勿翦之歌而畏壘祝庚默成不言之化所過若彼于
居亦然某仰止高山知典刑之在望遡流北海歎潤

澤之方長順此衆心享于前哲豈望馳書千里之外
顧謂增榮一字之褒君子篤于親禮則然矣先生祭
于社古不云乎拜命增愧分光有榮聊布謝衷統容
微展

答曹嗣山總河 黃克纘

春風淑氣渡江從使節俱來河濱洪波入泗待神功
而奠歡深魯地貺及齊僚恭惟台臺人傑授天帝臣
名世人符同漢吏循聲滿淮水東西分陝比召公遺
愛著大江南北一言而安反側宦寺消寇百萬以足

翰苑瓊瑤 卷十二 四

儲精廟廊倚眷以堯時而遭洪水懼漕輓之艱難因
殫命而作司空期府事之修治已饑已溺眞若推納
溝中民力民財無不熟籌掌上玄珪未告陽侯固已
效靈白壁一投河神行爲聽命某忝從列棘之後宜
效負薪之勞矯首轅門與龍門而何異傷心汶水合
黃水而同流願假慈航濟茲有衆乃陸離藻翰遂分
柏府之光鄭重瓊瑤迥出文昌之署秋毫莫效飛塵
願集于泰山河潤可沾勺水終歸于大海敬陳謝悃
仰冀台涵

賀曹嗣山總河壽

黃克纘

斗柄指南屬萬里熙明之會。譽星垂耀。應百年壽考之徵。倚恒嶽而懸弧。濟大川而作楫。恭惟台臺炳靈。畿輔毓粹乾坤。期當五百年而人始生。信天將降大任。河決十數載而流始順。豈地無意效靈。洵爲才兼文武之全。卓乎身係君民之望。上卿綠鬢白玉。行見橫腰。揮子斑衣蒼壁。特來繞膝。時逢五月。值蟠桃正熟之期。光啓中台。當玉燭耀光之會。人歌五福。指月恒而日升。帝錫千齡。示波恬而浪息。某心同弱草。願

翰苑瓊瑤

卷十二

聖

學松柏之堅貞。質比飛塵。欲附峰巒以長久。隔盈盈之濟水。莫遂鳬趨。指巍巍之岱宗。祈齊鶴算。

答李霖寰賀壽

黃克纘

時歷季而成年。春能再至。人閱齡而漸老。少不重來。辱獎飾于大方。增光榮于下走。恭惟臺下松椿比質。山斗齊名。與天地相爲無窮。古今稱柱下之李。以元會而爲一世。春秋熟海上之桃。功勒景鐘。分之猶能不朽。藥成丹鼎。飾之亦可成仙。如某蒲柳之姿。原無棟梁之具。百年過半。鬢絲已改。舊時九列。誤塵恩綍。

恐孤此日。豈直無心行樂。尚圖抗疏辭榮。仰止高山。徒羨蒼蒼若礪。馳神濟水。空懷浩浩長流。乃辱念及。懸弧采芳。非而見贈。褒以華袞。蒙粉滌以何堪。一面勝萬戶封。已諧素願。尺牘抵千金璧。永作珍藏。敢忘詩人木瓜之情。願篤易詞金蘭之好。庶相邀于皓首。同躋壽乎期頤。

答曾景默總河辭赴宴

黃克纘

竊惟河落九天。率數年而一決。禹乘八載。乃萬世而奠安。孰能俄頃之間。頓底平成之績。恭惟臺下才堪

翰苑瓊瑤

卷十二

聖

砥柱氣挽天河。當蒙牆波頽而淮黃之勢已合。及新河議起而道路之見各殊。力請于朝。遂興斯役。畚鍤雲集。僅自冬而徂春。黎庶子來。遂濬黃以通泗。將使彭城以北。漕舟咸魚貫而來。直令長淮以南。陵寢隨龍飛俱奠。蓋成大功者。不惜小費。聖主出水衡之金錢。而垂永賴者。不惑浮言。司空堅肝腸之鐵石。明德遠矣。厥功爛焉。某碌碌無奇。經經執一。憂同杞國。空懷潰冒衝突之虞。歌憶宣房。未躬負土抱薪之役。若同胼胝而錫宴。是爲貪天之功。卽復馳驅以臨流。不

過誦公之德。身雖羈于濟上。神已馳于曹南。謹托使人致此謝悃。

報平樂易大尹

吳啓元

借夢筆之才。試製錦之手。二天不啻。兩年于茲。只候雉馴。卽看鳬入。恭惟門下學咀道真。器函天粹。文扛百斛之鼎。才傾萬頃之波。善刀遊肯綮之間。全牛立解。意匠運經營之表。凡馬坐空。乃以山水之民。封暫煩霖雨之吏治。鑑衡懸白日。題題畫逃。龜鶴隔紅塵。苞苴夜絕。民不見吏。恍若枝自幹而鹿自羣。吏不驚。

翰苑

卷十二

聖

民無異翁同遊而鳥同適。鈞距不施而情得。蒲鞭示辱而令行。蓋自得乎陽城撫字之言。且暗合乎蓋公清靜之說。一座官衙似水。四封民社皆春。其參之耳聞目擊。盡皆孺慕口碑。覺凋邑之有瘳。爲地方而相賀。有令如此。其風自醇。遙知私語于花陰。惟恐遙頒乎芝墨。行見公朝之薦鸞。寧優小邑之棲鸞。

候桂林許郡公九日

王納諫

潦盡潭清。雁寫數行天上字。煙凝山紫。蟬吹幾口樹中笙。月過初三。白碾半輪之玉。菊開重九。黃錢萬點。

之金。美景良辰。古人雄登高之賦。豐年樂事。太史修

大有之書。問涼燠。正是授衣陽月。窮眺臨有如落帽。秋風惟上台。慶叶重重。魏下走拙。同九九。此身頻作客。喜門外白衣之來。征人未到家。效官中紫茱之佩。折蘂紅于千里。寄梅素于一天。率爾申儀。巧祈丙照。

報揚州謝戶部中秋

文翔鳳

白兔搗玉杵之霜。好向揚州騎鶴。青桂開葢珠之館。正宜瓊觀探香。有如執事。名動丹臺。人知玉樹三千功滿。攬皓關之清輝。八百行圓。映絳河之流耀。其挹

翰苑

卷十二

聖

澄江之橫露。飄飄望鸞御十洲。對淨練以睇空。脉脉隔冰堂一水。餘光借照。始知今夜之良。把酒祝君。但願如恒之盛。

賀林進士

丘光麟

聖主臨軒。萬國經綸盡展。明時賜第。千年闕閣增高。泰運聿新。懽聲不沸。恭惟臺下八閩威鳳。六合文龍。星斗蘊胸中。氣壓武陵之峻。波瀾生筆底。詞傾劍水之雄。政逢名世。春秋獨對丹墀。禮樂浪透三層。桃葉煖。爭誇鼎甲。閣才臚傳。五色彩雲呈。驚奏元台先兆。

曲江喜宴秘館榮登、衣拖金殿之爐香、地聯閭闔、筆掌玉皇之案篆、名布寰區、世號登僊、雖雅適日禱之地、人稱儲相、將馴登台座之班、某學愧承蜩、工虧畫虎、憶昔年纔卅角、卽沾筆硯之光、迄今力歎負薪、未振箕裘之業、茲聞鯁化、曷任雀懼、天塹隔江流、莫叩臺端而恭賀、泚芹將野獻、遙瞻斗極以神馳、仰冀鑒存、實分光耀、

迎熊宗師按臨

王 宇

泰山道重招搖握斗柄之移、幽谷春回躑躅望朝曦、

翰苑瓊瑤

卷十二

聖五

五

之影、懽騰寮案、慶洽章縫、恭惟臺下化補乾坤、名喧宇宙、奪龍頭而鼓餘勇、昔曾空冀北之羣、執牛耳而主華壇、今見推斗南之一、雙瞳如炯、得人妙牝牡驪黃、太極無言、施教在露雷風雨、蓋海邦兆東漸之化、知吾道之將行而多士切北面之心、歌公來之何暮、某逖陰熒煌、夙陶塊圠、薄言不腆之邑、業奉明教以戴星、同冒無私之天、將暨餘情以就日、獨憐僻壤、久遲台光、雖道路之云遙、去聖人居不數百里、卽儒生之弗類、望車塵至何啻一心、茲者校館告成、杏壇高

設臯比控座、神馳關西夫子之風、紫氣橫空、目極涵谷、真人之駕、敬陳荒牘、奉迓仙旌、戒役代肅于臺端、祇躬候迎于道左、伏願龍光蚤貴、鳳翅高翔、斗大秦川、沐化雨春風之浩蕩、天高北極、增霍童大姥之岩堯、

擬按院請撫臺奏捷

宋鳳翔

走雷電以犁庭、慰早中之時雨、挽天河以洗甲、存雪後之陽春、公之臨戎、只爲藤峽、思襄毅公之振旅、何異田峒返文成、蓋五丈原之流馬、木牛、運于樽俎、斯八景畫之晚鐘、沙雁、同是江山、書不盡於旂常、功隱存於社稷、某恪恭燕喜、快覩鴻禧、今日之東君、侯誰在矣、媿非孝友之張、筵中之佳客、公爲憲哉、共賀文武之吉、

候署院張少司寇年節

李春熙

歲功受代、再頒義仲之春、治運綦隆、正畫易爻之泰、歡騰宇下、瑞集臺端、恭惟台臺德完天粹、政布人和、司邦禁而獨稱平、宏開壽域、肅臺綱而不絕物、共坐春風、在元氣藉以滋培、于吾道賴爲張主、茲更歲籥、

屬青皇進令之辰凡在陶鈞叶君子大來之吉士氣
之振作便爲國家禎祥人情所皈依都是公門福澤
其叨役中土肅承下風改歲而靡及達宣心慚使職
獻春而莫陪班見切企台光敬沿柏葉之銘遙效松
茂之祝天開閭闔紀綱于師濟者有如一氣宣和春
滿霜臺和平于神聽者自見三靈錫羨

古今翰苑瓊琚卷之十二

終

翰苑瓊琚

八卷十二

早



翰苑瓊琚八卷

內府藏本

舊本題明楊慎編其書餽釘補綴類鄉塾免園冊
子中間割裂尙書尤爲庸妄疑非慎之所爲